








Ex Bibliotheca
majori Coll. Rom.
Societ. Jesu

53.546










580

36. 10. B. 13



FRANCIS-
CI CORDVBENSIS
MINORITAE, PROVIN-

ciae Sancti Iacobi, à confessio-

Biblot nibus Serenissimae Im- *peratrici,*

ANNOTATIONES

CATHOLICAE, IN RELIGIONIS

articulos à Sectarijs controuersos, quibus

candidus lector dogmatum disidia

haud difficile sedare poterit.

Quæ hoc porro in opere continentur
sequens docebit pagina.

Quid item Lectorem, antequàm ad huius o-
peris lectionem accedat, necessario
obseruare oporteat, proxima
ad eundem epistola
significabit.

COLONIAE

Apud Maternum Cholinum.

M. D. LXXII.

Cum gratia & priuilegio Cæs. Maiest.
& auctoritate ordinaria.

B. S.

FRANCIS
OPERV M HVIVSCE VOLV-
minis series.

• Primus articulus de fide.

Secundus articulus de Ecclesia.

Sermo de Religionis referendis contro-
uersijs, & ad concilium, & ad Papam.

Libellus de ecclesiasticorum præposito-
rum ministerio ac residentia.

Librum hunc, qui Catholicam verita-
tem fideliter propugnat, & vel meridia-
na luce clariùs ob oculos ponit, nec non
hæreticorum vesana dogmata, technas,
& fraudes detegit, censeo dignum, qui
toto Christianorum orbe dispersus, ad
multorum manus perveniat, & ab om-
nibus legatur, Ego Frater Theodoricus
Buscoducensis, Sacræ Theologiæ ac in-
stituti dominicani apud Colonienses pro-
fessor, & hæreticæ prauitatis inquisitor
apostolicus.

MATERNVS CHOLINVS

Christiano lectori. S.

PRæclarissimam eorum operam esse, Lector beneuole, qui in ecclesia catholica à nefario hæreticorum conatu suis scriptis vindicanda, inq; pristinum decus restituenda defudant, nemo sanus non fatetur. Infructuosam tamen illam esse, vtinam superiori tempore maximo catholice religionis incommodo non didicissemus: nunquam enim hæresis malum virus suum tâlatè protulisset, atque tot ac tantis Christianâ Rempublicam malis multasset. quum siquidè initio ipsius nascentis satis quidem magna eorum, qui in illo scriptis suis opprimendo nihil studij atque laboris prætermitterent, esset copia: typographorum verò, qui in scriptis eorū diligenter & emendatè imprimendis occuparetur, maxima, teste in actis Lutheri Cochleø, inopia: hinc ipsum exortū, quod initio facili negotio, si non opprimi, saltè arctissimis finibus, quibus conclusum teneretur, cohiberi potuisset, viribus assumptis totas regiones, vicos & oppida, prò dolor, inuasit. Quod cum ego animaduertērem, atque ad curam typographicā, domino res meas ita disponente, vocarer: etsi maximam mihi multorum inuidiam atque odium subeūdum aliorū exemplis didicissem, attamen à primo susceptæ illius tempore facere pro eo, qui meus in religionem catholicam

EPISTOLA

perpetuô, fuit atque etiamnum est, animo, nō potui, quin publicandis optimis quibusq; orthodoxorum cū veterum, tum recentiu scriptis, afflictum illius negotium in melius, quantum per me fieri posset, promouerem. Itaque nullis vnquam in ijs edendis sumptibus, nulli labori vel industriæ peperci. Testatur id multi editi à me hætenus cū veteres, tum recentiores orthodoxi: quorum edendorum susceptam à me & conseruatam hucusque studiosissimè curam, vt me non minori in posterum studio superstite vita & comite fortuna tueri velle, Christiane lector, intelligas: en exhibeo tibi Reuerendi doctissimiq; Patris Francisci Cordubensis, Serenissimæ Imperatrici à confessionibus, Annotationes Catholicas: in quibus vir ille pro indefesso suo in religione catholica iuuanda studio, eo acumine, animique moderatione hereticorum, imprimis autem Philippi & Caluini errores ita confutat, vt quisquis ad earum lectionem syncerum animum attulerit, apertissimè visurus sit, quàm bona scilicet fide atque integritate aduersarij nostri in religionis Christianæ negotijs versentur. Verum, quod cum dolore non possum non ingenuè fateri, vtilissimum alioqui opus hoc, mendosius paulô quàm optârîm rectoris nostri, viri alloqui non indocti, negligentia & culpa excusum esse: Quô verò negligentia ea farciatur, nec sit quod te legentem remoretur, officij candorisque nostri esse iudica-

AD LECTOREM.

iudicavi, iuxta receptam restituendæ emendandæq; lectionis rationem, erratorum annotationem hîc anneâtere, per quam ad rectam lectionem ducâris. Ne itaque eo officio nostro, tuoque desiderio deessem, atque authoris adeo existimationem sic tuerer, eam mendarum annotationem in fine operis collocauimus, quod inde recognoscere prius, quam ad eiusdem lectionem accesseris. Quod superest autem, candide lector, rogatum te volo, ut, quo animo Annotationes hæ ab auctore conscriptæ sunt, atque ad tuam vtilitatem in lucem iam prodeunt, eodem tu illas suscipias, & nostrum in ijs edendis studium atque operam boni consulas, ac beneuolo fauore prosequaris, vale.

(.)

a 3

Primus

PRIMVS ARTICV- LVS DE FIDE, SEQVEN- tia complectitur capita.

- 1 Omnibus catholicis sacra historia explicita no-
ticia, non est necessaria. Fol. 7.
- 2 Omnibus fidelibus quorundam dogmatum ex-
plicita fides est necessaria. 11.
- 3 Fides implicita plebi sufficit ad salutem. 13.
- 4 Quadam fidei mysteria, indocta plebi vtiliter
non annuntiantur. 15.
- 5 Religionis secretiora mysteria ad cauendum er-
rorem, indocta plebi sunt pradicanda. 17
- 6 Non minus fidelis est, qui implicitā historia no-
ticiam habet, quam qui explicitam. 19.
- 7 Ab ineruditis non fidei ratio, sed confessio tan-
tū petenda est. 23.
- 8 Fidei doctrina plebi, non scriptura, sed viua voce
tradenda est. 24.
- 9 Quantumuis eruditis humanis disciplinis, sine
magistro diuinarum scripturarum lectio non
expedit. 26.
- 10 Diuina scriptura in vulgarē linguā translata,
difficilior quā in natiua est intellectu. 29.
- 11 Euangelij primi doctores imperiti sermone, sed
non scientia fuerunt. 31.
12. Eloquentia quidem fidem minuit: sapientia
verò astringit illam. 35.
- 13 Dei interpretes, propheta, inquam, apostoliq;
Dei mysteriorum magis explicitam noticiam
quā

5 CAPITVM.

- quàm cateri habuerunt. 38.
- 14 *Propheta & apostoli. Dei mysteria, magis explicite cognouerunt, quàm interpretati sunt.* 42
- 15 *Diuina scriptura vulgata translatio, etsi ornata sermone sit, cateris auctoritate præstat.* 45.
- 16 *Vulgata diuina scriptura translationis nec verba, nec locutiones sunt varianda.* 48.
- 17 *Sine humanarum disciplinarum exacta eruditione, diuina scriptura explicita noticia habetur.* 53.
- 18 *In religione, sicut in disciplinis humanis fit, nouis interdum vti verbis oportet.* 56.
- 19 *Linguarum doctrina, tum cognitio, ad cæterarum disciplinarum propria vocabula cognoscenda, parum aut nihil prodest.* 59.
- 20 *Ad tenendam fidem antiquam, vti antiquis verbis non est neceßè.* 62.
- 21 *Religionis antiquata verba, non sunt retinenda.* 66.
- 22 *Ab ecclesiasticis libris, Grammaticas annotationes expungere expedit.* 72.
- 23 *Librorum varius stylus, illos à varijs auctoribus fuisse scriptos, non astringit.* 76.
- 24 *Ecclesiastici libri doctrina varietate sunt discernendi.* 81.
- 25 *Historia noticia sine assensu non est fides.* 84.
- 26 *Diuina scriptura noticia, à Deo est reuelata.* 89.
- 27 *Fides diuina auctoritati innititur.* 91.

INDEX

- 28 Fides omnibus humanis doctrinis est certi-
or. 94.
- 29 Fidei formale, obiectum est Deus. 96.
- 30 Credere diuina mysteria, dei est donum. 99.
- 31 Christiana plebs, de fidei mysterijs, non vulga-
rem, sed rarum habet assensum. 102.
- 32 Diuina quidem scriptura, quadam credenda
definitè, alia verò indefinitè exponit. 103.
- 33 Fidei articulos de vnitæte fidei, atque de Chri-
sto definitè diuina exponit scriptura. 106.
- 34 Dei promissiones diuina scriptura, indefinitè
tradit: 108.
- 35 De speciali credibili, non specialis, sed commu-
nis fidei traditur in diuina scriptura. 110.
- 36 Fides quidem ab obiecto, id est, Deo: hæresis ve-
rò à voluntatis pertinacia accipit certitudi-
nem. 111.
- 37 Sine speciali reuelatione, specialis fides non po-
test haberi. 114.
- 38 Diuinarum promissionum fides, de speciali il-
larum adimpletione, dubitationem non exclu-
dit. 115.
- 39 Singularia definitè à Deo cognita, diuina scri-
ptura indefinitè explicat. 119.
- 40 Fidei specialis certitudo, quam sectarij consti-
tuunt, mortali homini est perniciofa. 121.
- 41 Generalis quidem fides ad bene operandum iu-
uat, specialis verò impedit. 123.
- 42 Sancti in hac vita mortali, specialem fidem or-
dinariè non habuerunt. 126.

CAPITVM.

- 43 Generalis fidei certitudo cum morali coniectura ad pie operandum ex fide sufficit. 128.
- 44 Nemo ordinariè est certus, sua futura beatitudinis. 129.
- 45 Fidelium opera, non speciali, sed generali certitudine regulanda sunt. 132.
- 46 Fidem eandem esse post iustificationem cum illa, quæ antè fuit, oportet. 135.
- 47 Nemo credit nisi volens. 137.
- 48 Et si fides intellectus est actus, tamen à voluntatis pia affectione formatur. 140.
- 46 Fides charitate, vt perfectà sit virtus, formatur. 145.
- 50 In formis fides tam certa, quàm formata est persuasio. 149.
- 51 Fides quanquam in peccatoribus fidelibus sic ociosa, tamen est vera. 150.
- 52 A fide ociosa homo dicitur etiam fidelis. 154.
- 52 Fides formata, non alia ab informi est. 155.
- 54 In demonibus, sine Dei dono est vera fides. 157.
- 55 Fides non abusiue, sed propriè demonum & impiorum persuasionem significat. 159.
- 56 Sicut homo liberè credit, ita liberè, quanquam non impunè, à vera fide deficere potest. 162.
- 57 Christianus peccator, et si non seruat fidem, tamen credens est. 166.
- 58 Charitas posterior & perfectior est fide. 169.

INDEX

- 59 Illa Pauli sententia: Est autem fides substantia, &c. non fiduciam, sed persuasionem definit. 172.
- 60 De promissiones, quàm diu creduntur ac sperantur, non possidentur. 176.
- 61 Etsi fides ceteris virtutibus est prior, tamen non ipsa sola illarum est causa. 179.
- 62 Charitas ceteras virtutes perficit & causat. 180.
- 63 Sicut fundamentum sine fastigio, ita fides sine operibus esse, & considerari potest. 183.
- 64 Fidei iustum fundamentum aut obiectum, divina promissio non est. 184.
- 65 Fides, quæ est fiducia, quadam spes est. 189.
- 66 Ex fide, quæ est assensus, fiducia oritur. 191.
- 67 Paulus inquit: Corde creditur ad iustitiam. &c. de dogmatum assensu, non de fiducia loquitur. 192.
- 68 Humani quidem affectus à natura, pñ verò à Dei dono insunt nobis. 194.
- 69 Sicut fides, ita fiducia in adultis precedat iustificationem oportet. 196.
- 70 Sicut fides neminem in speciali certiore, ita nec spes securum facit. 199.
- 71 Spei certitudo est fiducia. 201.
- 72 Spes Dei gratia, veluti prima causa, innititur. 203.
- 73 Spes bonis operibus, veluti secunda causa, innititur. 204.

Sperant

CAPITVM.

- 74 *Sperans in Deo bonis operibus prateritis presumens est.* 207.

SECUNDVS ARTICVLVS DE ECCLESIA, SEQVENTIA complectitur capita.

- 1 *Etsi Deo habendam esse fidem est euident, tamen fideles ad credendum Dei oraculis, ecclesie auctoritate indigent.* 209.
 - 2 *Ratio quidem in humanis disciplinis, auctoritas verò in religione ad faciendam fidem primas tenet.* 214.
 - 3 *Non habens fidem prophetarum & apostolorum, tùm verbis, tùm scriptis, Deo non credit.* 218.
 - 4 *Catholica ecclesia recentibus apostolis ac euangelistis non indiget.* 220.
 - 5 *In ecclesia quidem primordijs, prophetie & miraculorum dona, tantùm fuerunt necessaria.* 223.
 - 6 *Prophetie & miraculorum dona, à Catholica ecclesia sunt probanda.* 228.
 - 7 *Extraordinarij ministri, extraordinariam probationem requirunt.* 231.
 - 8 *Ministri etiam extraordinarij, ordinaria uocatione indigent.* 235.
 - 9 *Extraordinarij ministri, euangelium quod predicant, cum Catholica ecclesia conferat, oportet.* 241.
- apostolo-

INDEX

- 10 Apostolorum symbolum, definitam Dei Eccle-
siam proponit credendam. 247.
- 11 Ecclesia ex qua Lutherus cum suis sectatoribus
exiuit, est catholica. 250.
- 12 Dei ecclesia in presenti vita, aut est visibilis,
aut nulla. 252.
- 13 Dei Ecclesiam quam videmus, credimus esse
sanctam. 256.
- 14 Dei Ecclesia in presenti vita, sine externa com-
munionem non potest perstare. 259.
- 15 Sanctorum quidem congregatio inuisibilis, dei
vera Ecclesia visibilis est. 262.
- 16 Fideles peccatores, Christi corporis quod est
Ecclesia, sunt membra. 264.
- 17 Non omnia ecclesie membra, participant san-
ctorum communionem. 265.
- 18 Et si omnia ecclesie membra vocata sunt ad san-
ctitatem, tamen non omnes fideles sunt san-
cti. 267.
- 19 Fidelium non prauae, sed piae actiones ad catho-
licam ecclesiam referuntur. 270.
- 20 Ecclesia habens malis admixtos bonos, est una
sancta catholica & apostolica. 273.
- 21 Catholica ecclesia habens malis admixtos bo-
nos, non ecclesiae species, sed vera est ecclesia
coram Deo. 276.
- 22 In euangelicis parabolis, non de ecclesia spe-
cie, sed de vera ecclesia locutus est CHRIS-
TUS. 279.
- 23 Ecclesia non in ecclesia speciem, & in veram
ecclesiam

CAPITVM.

- ecclesiam, sed in membra viua, & mortua est
distinguenda. 282.
- 24 Ecclesia distinctio in ecclesiam coram deo, &
coram hominibus vana est. 285.
- 25 Haud difficile discernitur catholica ecclesia, à
sectariorum conuentibus. 287.
- 26 Pura verbi Dei prædicatione & legitima sa-
cramentorum administratione catholica
ecclesia non discernitur à sectariorum cœti-
bus. 290.
- 27 Catholica ecclesia vnitas, est euidentissima
verbi Dei nota. 294.
- 28 Vniuersalis vnitas, est legitima ecclesia no-
ta. 296.
- 29 Vniuersalis ecclesia vuitas, pacis vinculum re-
quirit. 299.
- 30 Schismaticus quidem non ecclesie vnitatem,
sed seipsum ab ecclesia diuidit. 303.
- 31 Schisma certè, magis quàm abusus, cum Dei
ecclesia pugnat. 306.
- 32 Schismaticus non est præbens schismatis occa-
sionem, sed separans se à catholica eccle-
sia. 310.
- 33 Schismatis præbens occasionem licet nō sit schis-
maticus, reus tamen est schismatis. 314.
- 34 Nostra tempestatis sectarj ore negant Dona-
tistarū heresin, factis autē profitentur. 316.
- 35 Ecclesia propositi, ecclesie pacis ergo, aliquan-
do quidem honoribus renunciare, abusus tamē
semper extirpare tenentur. 319.
- Eccle-

INDEX

- 36 Ecclesia ex qua sectarij exierunt , est apostolica. 323.
- 37 Catholica ecclesia sine apostolica doctrina, non potest perstare. 235.
- 38 Para verbi Dei predicatio , tam perennis est, quàm ecclesia. 238.
- 39 Vniuersalem defectionem occupare catholicam ecclesiam, est impossibile. 331.
- 40 Templum in quo Antichristus sedebit, non dei, sed sathanae ecclesia est. 334.
- 41 Sectarij vniuersalem ecclesia defectionem asserentes, sibi non constant. 339.
- 42 In Dei ecclesia , nunquam fuit falsa religio 341.
- 43 In dei ecclesia fides , nunquam non pugnat cū haresi. 345.
- 44 Vnaquaque ecclesia cum ceteris pacis vinculum tenens, catholica est. 349.
- 45 Legitima ecclesiae constitutio, impiorum abusus non fit illegitima. 351.
- 46 Catholici doctores ecclesia asserentes constitutionem, nec impiorum, nec abusum sunt participes. 355.
- 47 Catholica ecclesia constitutio nec errorem credere, nec iniustam legem obseruare praecipit. 359
- 48 In Romana ecclesia , sincera fides nunquam deficit. 362.
- 49 Romana ecclesia , à beato Petro fuit fundata. 365.
- 50 B. Petrus Romae praedicans Christum, non egit contra

CAPITVVM.

- tra societatem, quam cū Paulo inierat. 369.
- 51 Romana ecclesia, Hebraeorum, Gracarum, &
Latinarum ecclesiarum est mater. 371.
- 52 Dei ecclesia sine legitima constitutione non
potest perstare. 373.
- 53 Apostolica quidem doctrina perennis, sectari-
orum verò hæreses, aut antiquata, aut recen-
tes sunt. 376.
- 54 Apostolica quidem doctrina est communis sen-
sus, sectariorum verò particularis. 380.
- 55 In fidei doctrina, catholica ecclesie consensus
Dei est donum. 385.
- 56 Fidei dogmatum auctor, de quibus in ecclesia
habetur communis sensus, non homo, sed Deus
est utique. 388.
- 57 Catholica ecclesia communis cuiusvis dogma-
tis sensus, non potest esse hæresis. 392.
- 58 Catholica ecclesia communis de religionis do-
gmatibus sensus, apostolica est doctrina. 395.
- 59 Catholica ecclesia in definiendis & proponē-
dis fidei dogmatibus, non potest errare. 399.
- 60 Catholica ecclesia post Christi aduentum, ma-
iora gratia dona, quàm antea, fuerunt col-
lata. 403.
- 61 Dei promissiones de fidei perseverantia, defi-
nite quidem catholica ecclesia, indefinite verò
singulis fidelibus sunt facta. 406.
- 62 Deus non per quosvis homines, sed per prophe-
tas & apostolos, docet catholicam ecclesiam
sinceram fidem. 411.

INDEX

- 63 Vnus quidem magister, vnā fidem catho-
licā ecclesiā docet, multi verò sectarij va-
rios errores. 415.
- 64 Verbi Dei concionatores, catholica ecclesia do-
ctrina, sint alligati oportet. 419.
- 65 Qui ecclesia non credit, nec in Deum per eccle-
siam loquentem, credit. 423.
- 66 Nemo sine ecclesia auctoritate, Bibliam esse
Dei oraculum, ordinariè credit. 429.
- 67 Catholica ecclesia auctoritate, diuina scriptu-
ru approbatur apud fideles. 433.
- 68 Et si propheta ad credendum diuinis oraculis
non indigent ecclesia auctoritate, tamen cate-
ri fideles indigent. 437.
- 69 Diuina scriptura, non solum conciliorum de-
cretis, sed etiam ecclesiastica traditione fuit
approbata. 441.
- 70 Catholica ecclesia quosdam libros, quos fide-
lium synagoga non recepit, approbavit. 445.
- 71 Dei ecclesia per solam traditionem sine scriptu-
ra, fidei sinceritatem quondā retinuit. 435.
- 72 Christi discipuli plura fidei mysteria viua vo-
ce, quā scripto tradiderunt. 457.
- 73 Ecclesie traditio de religionis dogmatibus,
tam Dei oraculum est, quā sacra scrip-
tura. 461.
- 74 Ecclesie traditio equalis, seu potius eiusdem
auctoritatis est cum sacra scriptura. 465.
- 75 Omnium scripturarum sacra Biblia est difficil-
ma. 471.

Aposto

CAPITVVM.

- 76 *Apóstolica doctrina legis & prophetarum est germanus sensus.* 475.
- 77 *Ecclesiastica traditio, diuina scriptura est germanus sensus.* 480.
- 78 *Diuina scriptura, non aliter quàm ecclesiæ traditio exponit, intelligenda est.* 484.
- 79 *Qui diuinam scripturam præterita ecclesiæ traditione exponit, Dei verbum deprauat.* 489.
- 80 *In proponendis fidei dogmatibus, & in dirimendis religionis controuersijs, catholica ecclesiæ traditio est rectissima regula.* 495.
- 81 *Religionis dogmatum noticia, exigenda est ad catholicam ecclesiam.* 501.
- 82 *Dei verbum sine catholica ecclesiæ, religionis controuersias non dirimit.* 508.
- 83 *Catholica ecclesiæ censura, in dirimendis fidei controuersijs, Dei est ordinatio.* 513.
- 84 *Ecclesiastica censura de fidei dogmatibus, non credendi libertatem, sed errandi licentiam adimit.* 517.
- 85 *Sectarij ecclesiæ traditionem, in non controuersis dogmatibus obseruantes, in controuersis etiam obseruent, oportet.* 523.
- 86 *Ecclesiastica traditiones, nec secum, nec cū Dei verbo pugnant.* 528.
- 87 *Catholica ecclesiæ auctoritas, sine scriptura ad fidei dogmata astruenda, est idoneum testimonium.* 535.
- 88 *Sectariorum inconstantia, eorum testimonium*

INDEX

- nium reddit suspectum. 538.
- 89 Ad germanè intelligendam diuinam scripturam, non scripta ecclesiæ traditio est necessaria. 543.
- 90 Non nuda scriptura, sed illius sensus iuxta catholicæ ecclesiæ traditionem, est purum Dei verbum. 547.
- 91 In catholica ecclesiâ, non quilibet fidelis, pastoris & doctoris munere fungitur. 551.
- 92 Catholica ecclesiâ, semper habet idoneos verbi Dei ministros. 557.
- 93 Ecclesiâ pastoribus & doctoribus, de iustitiæ via declinantibus, fideles obediant oportet. 563.
- 94 Pastores & doctores, Christi euangelium aliter prædicantes, quàm catholica ecclesiâ tenet, falsi sunt propheta. 569.
- 95 In catholica ecclesiâ, pastorum & doctorum continua successione, fidei sinceritas non est interrupta. 576.
- 96 Catholica ecclesiâ perpetua episcoporum successione, fidei sinceritas cõseruatur. 583.
- 97 Vbi legitima episcoporum successio, ibi vera ecclesiâ, & sincera fides. 588.
- 98 Catholica ecclesiâ episcoporum successio, legitima electione continuatur. 593.
- 99 Pastores & doctores à catholica ecclesiâ nõ ordinati, à Deo non sunt vocati. 599.
- 100 Doctores in catholica ecclesiâ communionem perseuerantes, licet de aliquibus sententijs discordet,

CAPITVM.

- discordent, tamen in catholica fide non discordant. 603.
- 101 Doctorum non priuatis, sed communibus sententijs ecclesiastica traditioni concordibus adhaerendum. 619.
- 102 Catholicorum quidem doctorum de religionis dogmatibus, controuersia cum fide non non pugnant. 620.
- 103 Et si aliqui catholici doctores, nonnulla falsa dogmata asseruere, tamen ecclesia vnitatem sectando, à fide non defecere. 626.
- 104 Priscorum doctorum theologia eadem est, cum scholasticorum theologia. 634.
- 105 Philosophia non ad assentiendū fidei dogmatibus, sed ad intelligendum illa est necessaria. 638.
- 106 Philosophia ad fidei reddendam rationem, maximè conducit. 643.
- 107 Scholastica quidē theologia, fidem & heresim atque credibilia & opinabilia dogmata discernere docet. 648.
- 108 In ecclesiastica hierarchia ad catholicā ecclesiam retinendam vnitatem, monarchia fuit à Christo instituta. 653.
- 109 In catholica ecclesia ad fidei seruandā vnitatem, monarchia est necessaria. 659.
- 116 Christus super Petrum adificauit catholicā ecclesiam. 665.
- 117 B. Petrus non per propriam naturā, sed per dei donū est ecclesia fundamentum. 670.

INDEX

112. Christus Petrum apostolorum principem, et
episcoporum episcopū constituit. 674.
- 113 Paulus non vt pt alatus, sed vt frater Petrum
correxist. 680.
- 114 Catholica ecclesia primatus, à Christo fuit
constitutus, vt perpetua successione mane-
ret. 684.
- 115 Ecclesia vnus episcopatus, vnum visibilem
episcopum requirit. 689.
- 116 Romanus pontifex diuina ordinatione eccle-
sia primatum obtinet. 694.
- 117 Romanus pontifex Petri ordinatione in ec-
clesia primatu successit. 698.
- 118 Prisci ecclesia pastores & doctores, Romano
pontifici ecclesia primatū detulere. 703.
- 119 Romanus pontifex, diuina ordinatiōe est v-
niuersalis episcopus. 712.
- 120 Romanus pontifex non in ordinis, sed in iu-
risdictionis potestate, Dei ordinatione cate-
ris episcopis est superior. 718.
- 121 Lex de prouocando ad Romanum pontificē,
apostolica est traditio. 725.
- 122 Romana sedis primatus assertores & vindi-
ces, non modo christiani, sed etiam pagani
imperatores extiterunt. 733.
- 123 Romana quidem ecclesia primatus, à Chri-
sto, aliarum verò ecclesiarum patriarcha-
tus ab ecclesia fuit constitutus. 741.
- 134 Episcopus diuina ordinatione, presbytero est
superior. 746.

Papa

12
CAPITVM.

- 125 Papa in spiritualibus plenitudinem non acquiritatis, sed potestatis habet. 757.
126 Papa in ecclesia, perinde ac rex in republica, non habet superiorem. 761.
127 Christus non errandi in fide priuilegio, vt perpetua successione maneret, beatum Petrum donauit. 765.

SERMO DE RELIGIONIS
referendis controuersijs, ad concilium, & ad Papam, sequentia complectitur capita.

- 1 Beatitudinis premium, pauperibus spiritu propositum, omne desiderium euacuat. 771.
2 Paupertas spiritus, hoc est humilitas, & viam sternit ad fidem, & fidem illibatam conseruat. 774.
3 Non omnibus credendum est, maxime superbis. 776.
4 Exemplo diui Pauli, in controuersijs fidei concionatores debent humiliter concilium consulere. 779.
5 Euangelicam doctrinam, quam doctor gentium predicabat, humiliter cum ecclesia contulit. 782.
6 Ideo patres de sua doctrina Paulus consuluit, vt illa apud gentes obtineret auctoritatem. 784.
7 Prædicatoribus euangelicis, sicut & Paulo,
b 3 iniunctum

INDEX

- iniunctum est à Deo praeceptum, de conferen-
do cum ecclesia euangelio. 786.
- 8 Vnaquaq; ecclesia in fidei controuersijs, cō-
cilium tenetur consulere. 787.
- 9 Ei qui euangelium pradicat, cum patribus
ecclesiae non collatum, minime est creden-
dum. 790.
- 10 Paulus auctoritate patrum, doctrinam, quā
pradicabat, muniuit. 791.
- 11 In controuersijs fidei ad illam ecclesiam est
recurrendum, à qua cœpit propagari euan-
gelium. 793.
- 12 Gloria mundana appetitus, fidei confessio-
ni aduersatur. 796.
- 13 Opera iustitia, ad vitam fidei sunt necessa-
ria. 798.
- 14 Beatitudo, bonorū operum est merces. 800.

LIBELLVS DE ECCLESIA: sticorum ministerio et residentia sequentia complectitur capita.


- 1 Ecclesiastica officia certius per diuinam legē,
quā per humanam innotescunt. 805.
- 2 A Christo, magistratus ecclesiastici, prop-
ter operationem sunt instituti. 706.
- 3 Habens potestatem ecclesiasticam, adstrin-
gitur ad operandum. 808.
- 4 Pralatorum residentia, continetur in prae-
cepto de euangelizando. 809.

Prala-

CAPITVVM.

- 1 Pralati vt ministrarent, non vt dominantur
à Christo sunt instituti. 811.
- 6 Pralato ministranti, diuino iure debetur
stipendium. 813.
- 7 Ex christi lege, pralatorũ residentia est. 815.
- 8 Populus continua pastoris indiget residen-
tia. 817.
- 9 Pralatorum residentia, non tantum huma-
na, sed etiam diuina lege præcipitur. 821.
- 10 Pralatorum residentia, in sacra scriptura
traditur. 823.
- 11 Episcopus diuino iure residere tenetur. 826
- 12 Reipublica ecclesiastica constitutio, pralato-
rum requirit residentiam. 827.
- 13 Ecclesia sine pralatorum residentia esse,
non potest. 829.
- 14 Episcoporum munus, ex iure diuino est do-
cere. 831.
- 15 Pralatis diuino iure, continuè docere con-
uenit. 832
- 16 Mercenarius diuino iure, residere tene-
tur. 835.

PRIMVS



PRIMVS AR- TICVLVS DE FI- de. Procœmium.



Ifſi Deus optimus maximuſq; omnes homines vult ſaluos fieri, & ad agnitionem veritatis venire: inſuperq; illi beatam vitam, atq; verum ſcire deſiderant: tamen pauci veritatis notitiam, paucioresq; beatitudinem aſſequuntur. Quod certè non Dei potentia defectui. ſed hominis adſcribendum eſt culpa. Nam à prima hominis creatione: Deus illum multis, varijs, & ſufficientibus modis, docere veritatem, non deſtitit: ſed homo ipſe multò pluribus ac longè diuerſis ſe implicuit curis: quibus ad veritatem videndam impeditur. Atq; hoc ita eſſe indies magis, ac magis experimur, poſſimiùm in quibusdam præſentis ſeculi ſapientibus, apud quos tantũ crebruit inmodicum inquirenda veritatis ſtudium, & deſiniendorũ dogmatum temeritas, vt quid illis poſt multas diſputationes tenendum ſit, prorſus ignorent. Verũ quantum illi allucinentur, intelligunt. ſi qua de Athenienſibus olim, cum Paulo diſputantibus, Lucas ſcribit, diligẽti animo perpenderint. Paulus quidem Dei Apoſtolus, gentiumq; doctor, noſtra ſalutis myſteria ante ſecula diuinitus deſinita, in tempore verò hominibus reuelata per Chriſti paſſionem & reſurrectionem fuiſſe conſummata, Athe-
A
nienſi-

Acto. 17.

nienſibus ceterisq; nationibus annunciauit. At philoſophi illi non ex diuina. & ſupernaturali. ſed ex humana & naturali ratione, qua à Paulo illis prædicabantur, æſtimantes, omnem illius doctrinam & eruditionem contempſerunt. Fuerunt etiam & alij, qui nouitatum ſtudioſiſſimi, cum eo diſſerebant, Lucas enim inquit: Quidam autem Epicurei, & Stoici philoſophi diſſerebant cum eo: & quidam dicebant, quid vult ſeminerbis hic dicere? Alij verò, nouorum demoniorum videtur annunciator eſſe: quia Ieſum, & reſurrectionem annunciabat eis. Et apprehenſum eum, ad Arcopagum duxerunt, dicentes: Poſſumus ſcire, qua eſt hæc noua, qua à te dicitur, doctrina? Noua enim quadam inferis auribus noſtris. Sed horum proculdubio philoſophorum quanta fuiſet allucinationis mentis, vel ex his manifeſtum eſt. Quia ſi Pauli doctrina illis videbatur noua, quare cum ipſi (vt Lucas reſert) omnes, & aduena hoſpites ad nihil aliud vacarent, niſi, aut dicere, aut audire aliquid noui, eam non ſunt complexi? Profectò hæc fuit cauſa, quòd talis doctrina non humana ſed diuina, non noua, vt illi exiſtimabant, ſed antiqua, non varia, ſed vrica, non dubia, ſed omnibus doctrinis certior eſt, quàm etiam humanus intellectus, quantumuis in humanis diſciplinis exercitatiſſimus, ſine dei ſpeciali auxilio pertingere non valet. Huiſmodi proſectò omnino ſimiles ſunt, præſentis ſæculi ſectarij: illos etenim non minus nouitatis ſtudium, veluti rabies, circa religionis dogmata, quàm tunc temporis Epicureos, & Stoicos, circa philoſophica inuaſit. Sed de his omnibus

bus scriptura ait. Semper discentes, & nunquam ad scientia veritatem peruenientes: Quod malum sancta catholica ecclesia in magnam suorum perniciem, non modico cum dolore experitur. Multi quidem nouitatis studio, atq; desiderio extirpandi erroris, nunquam ad dogmatum veritatem perueniunt: vt videre licet in sectarijs, qui non solum sibi non constant. sed neq; diu permanent in eadem sententia. Vnde tot noua haereses, nedum antiquae sepultae, pullularunt. Vt catholicae fidei propter nouitatis studium, non relinquatur locus: ac varijs, falsis, & ignotis dogmatibus aperiatur ianua. Quapropter id, quod gentibus Tertullianus obijcit, aduersus etiam sectarios militat: inquit enim: Vnicuiq; etiam prouincia, & ciuitati suus Deus est: & infra: Sed nos soli (videlicet Christiani) arcemur à religionis proprietate: ledimus Romanos, nec Romani habemur: quia non Romanorum Deum colimus. Bene, quod omnium Deus est, cuius, velimus, aut nolimus, omnes sumus. Sed apud vos quoduis colere ius est, praeter Deum verum, quasi non hic sit magnus Deus, cuius omnes sumus. Hac Tertullianus. Similiter apud sectarios ferè vnumquodq; dominium, et vnaquaq; ciuitas suam profitetur sectam, sola verò catholica fides prohibetur: & qui hanc profitentur, ledunt sectarios: quia cum eorum dogmatibus non consentiunt. Imò apud sectarios quamlibet sectam profiteri ius est, praeter fidem catholicam, & qui hanc sequuntur, non habentur Christiani: quasi hac non sit vniuersalis fides, cui antè Lutheri praedicatione omnes Dei ecclesia obediebant. Caterum non mi

2. ad Tim.

3.

In Apol.
23. cap.

Hier. Esaiæ

7.

randum est. Hieronymus enim ait: Eosdem autem Hereticos, atq; gentiles contra domum Dauid, argumentorum & Dialectica artis gladijs dimicare, nulli dubium est: vt qui inter se discrepant, in Ecclesia oppugnatione consentiant: iuxta illud, quod Herodes, & Pilatus inter se discordantes, in domini passione amicitia fœderantur. Hæc D. Hieronymi sententia, quàm verè & germanè sectarijs congruat, probus, & pijs viris iudicandum relinquo. Nam quacunq; secta, quantumcunq; pugnans cum alijs sectis, si a Catholica ecclesia defecerit, ob hanc causam à sectarijs, & scismaticis in societatem seditionis recipitur.

Apor. 17.

Quare sicut Philosophis, nouitatu studio Euangelio contradicentibus, Paulus incitatus à Spiritu sancto fidei rationem reddens dixit: Viri Athenienses, per omnia quasi superstitiosos vos video, prateriens enim, & videns simulachra vestra: inueni & aram, in qua inscriptum erat: IGNOTO DEO. Quod ergo ignorantes colitis, hoc ego annuncio vobis. Ita si quis dogmatum dissidentium varietatem, seu potius contrarietatem candido perspexerit animo, libertate Christiana, nouatoribus dicere poterit: Viri sectarij, per omnia quasi temerarios, et pertinaces vos video. Legens enim, & intelligens vestra varia dogmata, non solum contrarias fectas, sed etiam sectarios sibi non constantes inueni. Et quanquam vnusquisq; vestrum suam sectam Dei Zelo obseruet: tamen hic Zelus non est secundum scientiam: nam quod sectæ sunt varia, & contraria, eò non sunt vera, neq; fidei Catholica iuncta: quia fides non est varia, neq;
sibi

sibi contraria. Quid? quod si dogmata vestra animo pacato, à viris probis, semotis contentionibus et similitudinibus discutiantur: quædam propter ignorantiam, quædam verò in Cleri, Monachorum & Theologorum scholasticorum inuidiam asseri & defendi, luce clariùs apparebit. Quod ut verum esse demonstrem, adferam hoc loco certos controuersiarum articulos: nã quæ ratio erit horum, eadem est & reliquorum: in quibus etsi minus, quàm rei magnitudo desiderat, præstitero: tamen quoad potero, Dei adiutorio fretus, dabo operam ut his, quæ à me afferuntur, confideratis facillime negotio dogmatum controuersia dissoluantur. Atq; de controuersia articulorum, qui falsò quibusdam ascripti sunt, paucis agemus: quia si eorum, quibus impositi sunt, diligenter examine-tur sententia, non magno negotio dissoluetur. Aliorum verò articulorum, qui temerè afferuntur: si varij eorum sensus, piè, & syncerè diuidendo, distinguendo, aut definiendo explicentur, proculdubio & illustrabitur veritas, & contentio finietur. In annotandis verò articulis, cauebo, ne hæreticorum more dogmata quædam comminiscar, quædam autem alijs falsò imponam, ne occasionem detrahendi hoc prætextu accipiam. Beatus enim Basilus inquit: Deprehenditur autem ipsius circa Apologiam fraus, quod cum non habeat, quem nominare possit, accusatorem criminis, ob quod se contendere simulat, Scenicum Apologiam, Actum sine persona subit: non propter longanimitatem nominatum meminisse eorum, qui ipsum laeserunt abstinens (quomodo enim id faceret,

Basil. cont.
Apolo. lib.
1. c. 1. Eun.

Lib. 2.

Epist. 80.

qui tantis conuicijs contradicentes impetit, sed mendacijs claritudinem veritus, certas accusatorum personas producere erubescit. Cum quibus etiam conueniunt, qua alio loco scripsit. Pugna videlicet contra accusatores non extantes, & Apologia, ac responsio ad accusationem non predictam & oratio ad iudices nusquam comparentes. Primum itaq; illud ostendat qui sancti genituram, & creaturam Christum appellarunt, quas scriptura voces habeat ad demonstrationem. Et alibi quoque inquit: Visi itaq; sunt mihi, consimile quid AEsopi fabula facere: qui inexcusabile odium contra nos susceperunt: quemadmodum ille fingit lupum crimina aliqua agno obicere: verentem nimirum, vt ne videatur citra iustam causam occidere eum, qui nihil prius laeserat. Sic ij, qui odium contra nos veluti boni aliquid studio habent, erubescientes, ne videantur citra causam odisse, culpas, ac crimina contra nos fingunt. Haftenus Basilius: Hæc & similia facitantes sectarij hereticorum, paganorumq; se esse sectatores profitentur, qui non solum occidendo sed etiam ecclesiam sugillando, ac infamando fideles auertere à fide, & ecclesia scindere unitatem conati sunt. Atq; si nostri seculi homines ab his hereticorum, & gentium moribus essent alieni, controueriarum non minima pars ab ecclesia sublata fuisset, sed his omiſſis iam ad articulorum explicationem veniamus oportet: qua quidem partim excerpti sunt ex libro, cuius inscriptio est: CORPVS DOCTRINAE CHRISTIANAE auctore Philippo Melanchthone. Lipsiæ 1561. Et ex li-

bro cuius titulus est. INSTITVTIO CHRISTIANAE RELIGIONIS auctore Ioanne Caluino. Argentorati. 1543.

Omnibus catholicis sacræ historiæ explicita notitia non est necessaria.

Cap. 8.

Diuina scriptura, fidelium quosdam, sacræ historiæ magis explicitam notitiam, quam ceteros, ac omnes vnā fidem habere manifestè docet.

Ad Eph.

cap. 4.

Vnus, inquit, dominus, vna fides. Et Paulus quidem ex Dei vnitāte fidei vnitatem deducit. Nam fideles singulari Dei auctoritati innitentes, omnia religionis dogmata credunt. Et sicut Arithmetica in omnibus est vna scientia, quia ex eisdem principijs deducitur: ita, quia omnes credentes propter vnicā causam videlicet Dei auctoritatem ad omnibus dogmatibus assentiendum persuadentur: fides est vna.

Sed etsi fides in credentibus sit vna, tamen qui in Dei lege est doctior, magis explicitam noticiam dogmatum habet, & plura dogmata credit, quā indoctus.

Paulus 1.

Paulus. Alijs quidem, inquit, per spiritum datur sermo sapientiae, alijs autem scientia, secundum eundem

ad Corin.

12.

spiritum. Et infra: Nunquid omnes Apostoli? Nunquid omnes Prophetae? Nunquid omnes Doctores? Augustinus quoque eiusdem sententia est. Non vtiq; inquit, quicquid sciri ab homine potest in rebus humanis, ubi plurimum superuacuae vanitatis, & noxiae curiositatis est, huic scientiae tribuēs, sed illud tantummodo, quo fides saluberrima, quae ad verā beatitudinem ducit, gignitur, nutritur, defenditur, roboratur: quae

August.

de Trinit.

14. cap. 1.

scientia non pollent fideles plurimi. quamuis polleant ipsa fide plurimum. Aliud est enim scire tantum modo, quid homo credere debeat propter adipiscendam vitam beatam, quæ non nisi æterna est: aliud autem scire, quemadmodum hoc ipsum, & p̃ys opituletur, & contra impios defendatur, quam proprio appellare vocabulo scientiam videtur Apostolus. Hactenus Augustinus. Cùm igitur in ecclesia quidam doctores, quidam verò discipuli sint, illos magis explicitam historiae noticiam, quàm istos habere compertum est. Nam si omnes aequè explicitam habuissent noticiam, nullus magister inter eos fuisset. Ex hac Apostolica, & sanctorum patrum doctrina, scholastici Theologi fidem in implicitam, & explicitam distinguunt: nam fidelium indocta plebs non solum tot dogmatum noticiam, sed nec tam explicitam, quàm ecclesiæ pastores, habet. Hi namq; si in officio sunt, plura, & magis explicitè quàm plebs ad alios docendum scire tenentur. At Calvinus aduersus hanc Apostolicam doctrinam. Quod crassissimam, inquit, ignorantiam fidei nomine pratexentes, quam ipsi implicitam appellant, misera plebecula sic illudunt. Et infra ait. Figmentum autem de fide implicita, veram fidem non modo sepelit, sed penitus destruit. Hoc cunctis credere est, nihil intelligere, modo sensum tuum obedienter ecclesiæ submittas, non in ignoratione, sed in cognitione sita est fides. His consona sunt, quæ Philippus scripsit. Aduersary, inquit, cùm neq; quid remissio peccatorum, neq; quid fides, neq; quid gratia, neq; quid iusticia sit, intelligant, &c. Sed hi omnes antiquo-

Caluin. in
stit. cap. 5.
P. 19.

Part. 2.

Philippus
Apo^l. de
Iustifi.

antiquorum Hæreticorum vestigijs adhaerentes, vt indoctam plebem ad suos errores sectandos allici-
ant catholicam ecclesiam ignorantia damnantes, sibi legis scientiam vendicant. Vt Calvinus fecit. Caluin. in præf.
Dum per multos, inquit, esurire, & sitire Christum intelligebam, paucissimos autem videbam, qui vel modica eius cognitione ritè imbuti essent. Has hæreticorum technas multo antè beatus Augustinus dete-
xit: Ab hac, inquit, pollicitatione falsa scientiæ prohi-
bet etiam illo loco Apostolus, vbi dicit: O Thimotee Aug. sup. Ioha. trac. 97.
depositum custodi, deuitans prophanas vocum nouitates, et contradictiones falsi nominis scientiæ, quam quidam promittentes circa fidem exciderunt. Nihil enim sic amant isti, quam scientiam promittere: & fidem rerum verarum, quas credere paruuli precipiuntur, velut imperitiā deridere. Hæreticorum quidem fallacias beatus Augustinus expertus: Nosti, inquit, Honorate, non ob aliam causam nos in tales homines incidisse, nisi quòd se dicebant terribili auctoritate separata, mira & simplici ratione eos, qui se audire vellent, introducturos ad Deum: & errore omni liberaturos. Quid enim me aliud cogebat, annos ferè nouem, sprete religionē, quæ mihi puerulo à parentibus insita erat, homines illos sequi, ac diligenter audire, nisi quòd nos superstitione terreri, & fidem nobis ante rationem imperari dicerent: se autem nullum premere ad fidem, nisi prius discussa, & enodata veritate? Quis non his pollicitationibus illeretur? præsertim adolescentis animus cupidus veri, etiam nonnullorum in schola doctorum hominum

August. de
vtilit. cre-
dend. c. 1.

Cap. 9.

disputationibus superbus, & garrulus: qualē me tunc illic inuenerunt, spernentem scilicet, quasi aniles fabulas, & ab eis promissum apertum, & sincerum, verum tenere, atq; haurire cupientem. Et infra: Eis, inquit, quos ille ctant, rationem de se obscurissimis rebus polliceantur reddīturos, cōq; catholicam maxime criminantur, quōd illis, qui ad eam veniunt, precipitur, vt credant: se autem non iugum credendi imponere, sed docendi fontem aperire gloriantur. Quid maius dici potuit, quod ad eorum laudem magis pertineret? Non ita est. Hoc enim faciunt nullo robore pradi, sed vt aliquam concilient multitudinem nomine rationis: qua promissa, naturaliter anima gaudet humana, nec vires suas, valetudinemq; considerans, sanorum escas appetendo quæ malē committuntur, nisi valentibus irruit in venena fallentium. Hec Augustinus. Præsentis quidem seculi sectarij Manichæos imitati, prætextu docendi secretiora legis mysteria, non solum indocta plebi, sed reipublica primarijs deficere à Catholica fide persuaferunt. Et populus dogmatū explicita noticia intellectus, incidit in errorem, & ambiens theologiam, euasit hereticus. Nam bona pars orbis tum cura reipublicæ, aut familiæ ad ministrandæ, tum intellectus tarditate, tum rerum diuinarum difficultate, fidei mysteria secretiora aut non capit, aut circa illa allucinatur. Quapropter à primordijs Ecclesiæ Apostolitradiderunt symbolum, in quo fidei summa continetur, atq; si fidei articulos in eo contentos indocta plebs explicitē crediderit, cetera verō implicitē, aut in voto, tunc se fidem Catholicam

tholicam tenere non dubitet. Hanc Apostolorum doctrinam communis Theologorum schola docet. Thomas: fidei, inquit, obiectum per se est id, per quod homo beatus efficitur, ut supra dictum est. Per accidens autem, aut secundario se habent ad obiectum virtutis, omnia quæ in sacra scriptura diuinitus tradita continentur: sicut, quod Abraham habuit duos filios: quod Dauid fuit filius Iesse, & alia huiusmodi. Quantum ergo ad prima credibilia, quæ sunt articuli fidei, tenetur homo explicitè credere: sicut & tenetur habere fidem. Quantum autem ad alia credibilia, non tenetur explicitè credere, sed solum implicitè, vel in preparatione animi, in quantum paratus est credere, quicquid diuina continet scriptura: sed tum solum huiusmodi tenetur explicitè credere, quando hoc ei constiterit in doctrina fidei contineri. Hæc Thomas.

Thom. 2.
2. q. 2. art.
3.

Omnibus fidelibus quorundam dogmatum explicita fides est necessaria.

ET si fideles in Dei lege eruditi plura fidei dogmata explicitè in effectu, quàm indocti fideles credant, tamen isti aut explicitè, aut implicitè, aut in voto tot dogmata, quot illi credunt. Omnes enim in Christo credentes per fidem ad assentiendum omnibus, quæ in diuina traduntur scriptura, si eis proponantur, persuasi sunt: & qui in hunc modum non credit, nec habet fidem, nec est fidelis. Quapropter Calvinus, dum de hac fide disputat, aut de nomine contendit

Cap. II.

Calu. c. 3.
Pa. 20.

dit, aut secum pugnat, quia & ipse ponit fidem implicitam, dum inquit: Equidem non inficior, quia sumus ignorantia circumsepti, quin plura nobis implicita nunc sint, &c. Quibus etiam respondent, quia paulo inferius dixit ad hunc modum: In quibus ipsis nihil magis expediat, quam iudicium suspendere, animum autem affirmare ad tenendam cum ecclesia unitatem, &c. Hanc inquam theologo vocant fidem implicitam. Sed Calvinus fidei mysteria, quae doctioribus, & illis qui pollent intellectus acumine sunt explicita, ab omnibus quamuis ineruditis, & rudibus explicitè posse capi existimat: quod esse falsissimum, luce clarius est manifestum. Nam non omnes eadem intellectus perspicacitate pollent, & cum illa, quae in sacra scriptura traduntur, inevidentia sint, non omnes aequaliter ea capiunt. Atque hinc fit, quod plura sunt implicita indocta plebi, quam eruditus viris. Quid quod si in Dei lege periti secundum Calvinum de quibusdam habent fidem implicitam, & credunt in fide ecclesiae: quanta magis indocta plebs de eisdem, & de alijs dogmatibus implicitè sibi cognitis, habebit fidem implicitam? Igitur iniquus est Calvinus in indoctam plebem iudex. Contra verò Scotus pius & catholicus. In habente enim, inquit, vsum rationis, requiritur actus distinctior, & explicitus, sed non requiritur necessario in quolibet pro isto statu: scilicet quod omnes illos articulos explicitè, & distinctè credat: quia Deus nullum obligat ad impossibile. Et ideo si sit aliquis rudis, qui non possit concipere quid est natura, & quid persona, non est necesse, quod

Scotus 3. l.
sentent. di-
stin. 25.

quod habeat actum explicitum de articulo pertinentem ad essentiae unitatem. & personarum trinitatem distincte, sicut habet clerici literati, sed sufficit, ut, si non potest talia intelligere, neque etiam terminos habet, credat, sicut ecclesia credit. Quilibet tamen habens usum rationis, tenetur pro aliquando, ad aliquem actum explicitum, & maxime ad illa quae sunt grossa ad capiendum, sicut, quod Christus natus est, & passus, & alia, quae pertinent ad redemptionem. Sic igitur omnes tenentur ad aliquem actum explicitum pro aliquando, & ad alios in generali: ut scilicet credat, quod ecclesia credit. Sed ad omnia credenda explicitum, tenentur maiores in Ecclesia, qui praeficiuntur alijs, & tenentur aliquos in fide instruere verbo veritatis, & exemplo honestatis. Haec tenus Scotus.

Fides implicita plebi sufficit ad salutem. Cap. iiii.

EX huius quidem sententia, atque ex alijs, quae diximus, satis aperte colligitur, quod fides implicita, quam scholastici docent, non est crassa ignorantia, nec figmentum, nec sepelitur fidem, ut Calvinus dogmatizat, sed credenti est ad iustitiam. Nam aliquorum quidem dogmatum fidem explicitam habens, etsi ceterorum non sui culpa, sed defectu viuacitatis ingenij, aut alterius legitimi impedimenti explicitam noticiam non habeat, non ideo omnino est ignorans. Et hanc qualem qualem dogmatum implicitam cogitationem satis esse ad credendum, ex his manifestum est, quod credere, est cum assensione cogita

Aug. sup.
Ioan. trac.
98.

re. Atq; hanc fidem ad salutem plebi sufficere, Augu-
stinus aperte satis docet. Primum ergo, inquit, scire
debet charitas vestra, quod ipse Christus est crucifi-
xus, quo velut lacte paruulos aluisse se dicit aposto-
los. Ipsa verò caro eius, in qua facta est vera mors eius
& vulnera vera confixi, sanguisq; percussus nō eo mo-
do à carnalibus quo ab spiritualibus cogitatur, & il-
lis est lac, istis cibus, quia etsi non audiunt amplius,
intelligunt amplius. Non enim aequaliter mente per-
cipitur, etiam quod in fide pariter ab vtrisque recipi-
tur. Ita fit, vt predicatus ab apostolis Christus cruci-
fixus, & Iudæis esse scandalum, & gentibus stulti-
cia, & ipsis vocatis Iudæis, & græcis Dei virtus,
& Dei sapientia: sed carnalibus paruulis id tan-
tū credendo, tenentibus spiritualibus autem capaci-
oribus, id etiam intelligendo credentibus, &c. Neque

Epist. 56. ab his differunt, quæ in alio loco ait. Huius nos gloria
seruimus, huic te immobiliter atq; constanter crede-
re hortamur, per quam factum est, vt non pauci, sed
populi, etiam qui non possunt ista diiudicare ratione,
fide credant, donec salutaribus præceptis adminicula-
ti, euadāt ab his perplexitatibus in auras purissimæ
atq; syncerissimæ veritatis. Hac eadem confirmata-
Cont. epi. libi, dicens: In Catholica ecclesia, vt omittam syn ce
fund. c. 4. rissimam sapientiam, ad cuius cognitionem pauci spi-
rituales in hac vita perueniunt, vt eam ex minima
quidem parte, quia homines sunt, sed tamen sine du-
bitatione cognoscant: cateram quippe turbam non
intelligendi viuacitas, sed credendi simplicitas tutis-
simam facit.

Quadam

Quædam fidei mysteria indoctæ plebi vtiùter non annunciantur.

Cap. III.

Non exigendam esse ab imperitis, & rudibus de quibusdam fidei mysterijs explicitam noticiam, diuina scriptura docet, quando quibusdam mysteria secretiora non esse prædicanda, exponit. Ergo, cum à nullo iustè possit exigì id, quod non est illi traditum, meritò ab eisdem, & similibus cognitio integra exquirenda non est. Nam inter cetera, quæ apostolis Christus dispensanda commisit, Dei verbum primum locum tenet: vt scilicet, quando, quomodo, quibus & quæ dogmata essent prædicanda, animaduertent. Quapropter à concionatoribus tantum, tantamquam verbi Dei dispensatoribus explicita noticia petenda est. Nam sicut diuina mysteria propter eorum dignitatem non sunt danda canibus: ita credentibus in Christo quando ignorantia illis non obest, & scientia, aut non prodest, aut nocet, secretiora mysteria non sunt prædicanda. Augustinus, Facile est enim, inquit, imò & vtile, vt taceatur aliquod verum propter incapaces. Nam inde est illud Domini: Adhuc multa habeo vobis dicere, sed non potestis illa portare modo. Et illud Apostoli: Non posui vobis loqui quasi spiritualibus, sed quasi carnalibus, quasi paruulis in Christo. Lac vobis potum dedi, non escam, nondum enim poteratis, sed ne adhuc quidem potestis. Quamuis modo quodam dicendo fieri possit, vt id quod dicitur, & paruulis lac, & grandibus esca sit: sicut. In principio erat verbum,

August. de
bono pers.
l. 2. c. 16.

&

& verbum erat apud Deum, & Deus erat verbum. Quis Christianus tacere poterit? quis capere? aut quid in doctrina sana potuit inueniri grandius? Quod tamen & paruulis non tacetur, & nec grandibus, nec paruulis occultatur. Sed alia est ratio verum tacendi, alia verum dicendi necessitas. Causas verum tacendi longum est omnes querere, vel inferre, quarum tamen est hac vna: ne peiores faciamus eos, qui non intelligunt, dum volumus eos, qui intelligunt facere doctiores, qui nobis aliquid tale tacentibus, doctiores quidem non fiunt, sed nec peiores fiunt. Hac Augustinus. Quare licet omnis error circa fidem sit cauendus, tamen non omnium dogmatum noticia vnicuique est necessaria, & quæ necessaria est indocta plebi, non cuiusuis priuati, sed ecclesiæ iudicio relinquendum est. Quapropter indocta plebs, quantum plura, quæ continentur in diuina historia, ignoret, dummodò circa fidei dogmata non errat, heretica non est. Nam aliud est ignorare Spiritum sanctum, à Patre & Filio, non tanquam à duobus, sed tanquam ab vno principio procedere: & aliud est asserere, tantum à patre procedere. Illa quidem ignorantia in illis, qui non possunt hac explicite capere, aut de hoc dogmate nihil audierunt, non est culpabilis. Iste verò error omninò non est tolerandus.

Religionis secretiora mysteria ad cauendum errorem indoctæ plebi sunt prædicanda.

Indocta

Indocta enim plebs facilius explicat erroris, quàm veritatis noticiam à concionatoribus accipit, nam huius noticia lux, illius verò tenebra sunt. Et sicut noctua facilius tenebras, quàm lucem vidit, ita quanto quis imperitior, tanto facilius decipitur. Ided quando, & ubi grassantur hareses, ne plebs circumferatur omni vento doctrina, plura dogmata, quàm ubi nullius dogmatis est controuersia, sunt explicanda: & iuxta imbecillitatem intellectus, unusquisq; explicatam noticiam, ad cauendos errores habere tenetur, quod etiam Origenes apertè docuit. Coacti, inquit, sumus, quia simpliciter credetibus, & simpliciori quodam verborum apparatu indigentibus, minus congruerent, protulisse, ne videamur Celsi criminationes inconfutatas relinquere. Eiusdem sententia est Augustinus, dicens: Dicatur ergo verum, maxime ubi aliqua quaestio, ut dicatur, impellit: & capiant, qui possunt, ne fortè cum tacetur, propter eos, qui capere non possunt, non solum veritate fraudentur, verum etiam falsitate capiatur, qui verum capere, quo caueatur falsitas, possunt. Et infra: Cum autem res vera ita se habet, ut fiat peior, nobis eam dicentibus, ille qui capere non potest: nobis autem tacentibus, ille qui potest: quid putamus esse faciendum? Nonne potius est dicendum verum, ut qui potest capere, capiat, quàm tacendum, ut non solum id ambo non capiant, verum etiam qui est intelligentior, ipse sit peior? qui si audiret, & caperet per illum etiam plures discerent. Quod enim est capacior, ut discat, eò magis est idoneus, ut alios doceat: Haecenus Augustinus. Sed

Origin. li.
5. con. Cel.

Augu. de
bono perf.
cap. 16.

quando veritas fidei exigit, vt secretiora fidei dogmata explicentur, alio modo populo in ecclesia, quam discipulis in schola explicanda sunt. Nam istis tanquam intelligenda, illis verò tanquam credenda proponuntur. Augustinus: Sed mente adhuc, inquit, par tract. 98. uulis, quos dicit Apostolus carnales lacte nutriendos, omnis de hac re sermo, quo agitur, vt nō solum credatur, verum etiam intelligatur, sciaturq; quod dicitur: percipere talia non valentibus, onerosus est, faciliusq; illos premit, quam pascit. Ex hoc fit, vt spirituales ista carnalibus non omnino taceant, propter Catholicam fidem, qua omnibus predicanda est. nec tamen sic differant, vt volentes ea perducere ad intelligentiam, non capacem facilius fastidiri faciant in veritate sermonem, quam in sermone percipi veritatē. Vnde, quod rudi populo in Catholica ecclesia quedā fidei mysteria, aut non, aut implicite proponantur, non piorum concionatorum, sed plebis ingenij tarditati imputandum est: quod etiam Apostolus docet, dū ait: Et ego, fratres, nō potui vobis loqui quasi spiritualibus, sed quasi carnalibus, &c. Verum hoc cum dicitur, inquit Augustinus, quibusdam irascuntur, & si bi contumeliose dici putant, & plerumq; malunt credere, eos potius, à quibus hoc audiūt, nō habere, quod dicant, quam se capere non posse, quod dixerint. Et aliquando asserimus eis rationem, non quam petunt, cum de Deo quarunt: quia nec ipsi eam valent sumere, nec nos fortasse vel apprehendere, vel proferre: sed qua demonstratur eis, quam sint inhabiles, minimèq; idonei percipiendo, quod exigunt. Sed quia non audiunt

Paul. 1. ad
Col. cap. 3.
Aug. lib. 1.
de trinit.
cap. 1.

diūt, quod volūt, aut callide nos agere putant, vt no-
strā imperitiā, aut malitiosē quod eu inuideamus, pe-
ritiam, atq; ita indignantes, perturbatiq; discedunt.

Non minus fidelis est qui implicitam
historiæ noticiam habet, quam qui ex-
plicitam.

Cap. VL

Flebs fidelium implicitē sacrā historiam cogitās,
tam certam dogmatū persuasione habet, quā
periti. Nam fidei persuasio non cogitationi, cū rei
inevidentis sit, sed diuina auctoritati innititur: atq;
hac apud implicitē cogitantes tāti ponderis est, quā-
ri apud explicitē cogitantes. Quapropter beatus Au-
gustinus quosdam amplius de diuinis mysterijs cape-
re, sed omnes pariter credere, perdoctē asseruit. Quia
fides quanquam nunquam sit sine cogitatione, tamē
ad illius esse, quod sit certa, magis, quam quod sit ex-
plicita noticia, pertinet. Et quia omnes fideles sunt
certi, de fidei dogmatibus, alius alio non amplius cre-
dit, quamuis amplius cogitet. Nam aliud est credere,
& aliud explicitē cogitare: illud omnibus, hoc erudi-
tis tantū fidelibus conuenit. Augustinus: Solidā, in-
quit, profectō voluit scientiam esse spiritualium, vbi
nō sola fides accommodaretur, sed certa cognitio te-
neretur, ac per hoc illi ea ipsa credebant, quæ spirita-
les insuper agnoscebant. Sēctarq; in hac noticia expli-
cita paruulos suos grandescere conantes inuantiū, imō
potius perniciosē laborarunt. Nā cuiusq; hoīs diui-
na mysteria nisi credendo nō est cadere, idē explicite
cogitando pauci grandescūt. & plures semper manēt
paruuli: de quib. August. Nōne videmus, inquit, quā

Aug. sup.
Ioan. trac.
98.

Aug. sup.
Ioan. trac.
98.

Aug. de v-
tilit. cred.
cap. 7.

Paulus 1.
ad Corint.
12. cap.

pauci summam eloquentiam consequantur, cum per totum orbem Rhetorum schola adolescentium gregibus perstreant. Et infra: Hac appetunt omnes qui maiorum auctoritate confirmata sunt, eadem imperitorum turba discere moliuntur, quæ à paucis doctis discenda recepta sunt. Assequuntur autem perpauci, agunt pauciores, clarescunt paucissimi. Quid sit tale quiddam est vera religio? Quid si multitudo imperitorum frequentat ecclesias: sed nullum augmentum est, idèò neminem illis mysterijs factum esse perfectum? Hac ille: Explicite igitur intelligendi sacram historiam donum, non omnibus credentibus datur, sed fides omnibus Christi membris donatur. Quapropter Paulus enumeratis varijs donis, quæ vnus Deus Christi membris, id est, fidelibus partitus est, inquit: *Æmulamini autem charismata meliora, et adhuc excellentiorem viam vobis demonstro. Si linguis hominum loquar, & angelorum, charitatem autem non habeam, factus sum velut aes sonans, &c.* Cum igitur fides sit fundamentum, qui plura fidei dogmata explicite credit, non magis grandescit, quàm qui implicite credit, nisi per dilectionem operetur. Nam tam fidelis est, qui implicite credit, quàm qui maxime. Qui verò per charitatem plura opera super fidem adificat, hic grandescit. Vnde in catholica ecclesia paruuli in Christo grandescunt, quando secundum fidem, dilectionis præcepta adimplent: at in sectariorum plebe, quanto varia dogmata creuere, tanto charitas decreuit, prout testantur dissidia, seditiones, & intestina bella, quæ sectariorum prædicatio Germanis peperit.

perit. Ex hac enim noua doctrina nihil illi magis didi-
 cēre, quā acuire linguas contra catholicā ecclesiā,
 & mouere arma aduersus ciuiles potestates: quæ om-
 nia animaduertens Calvinus: Postremò non satis cā- Calvin. in
 didē, inquit, faciunt, cū inuidiosè commemorant, præfatio.
 quantas turbas, tumultus, contentiones secum traxe-
 rit nostra doctrina prædicatio. Et infra: Est hic diui-
 ni verbi quidam quasi Genius, vt nunquam emer-
 gat quieto, ac dormitante Sathana, &c. Quibus ver-
 bis traducendo Dei Euangelium, sicut Idololatæ, se
 purgare ab his maculis existimat. Nam illi imperij
 Romani inclinationem euangelij prædicationi impie
 acceptum referebant. Calvinus verò Germanicæ na-
 tionis clades euangelij prædicationi imputat. Sed hoc
 interest, quod Romanis per Christi Apostolos vna fi-
 des, Germanis verò per pseudoapostolos varia dogma-
 ta prædicata sunt. Vnde ex illo pax, ex hoc bellum
 ortum est, quia Romani suis præpositis, etiam disco-
 lis, obedire didicēre: Plebs verò Germanica non legi-
 timis bonis quoq; præpositis obtemperare, sed in eos
 arma mouere, didicit. Propter quod sectariorum do-
 ctrina, meritò malè audit. At prædicatio verbi Dei
 immeritò blasphematur. Nam Paulus quicunq; in- 1. ad Ti. 6.
 quit, sunt sub iugo serui, dominos suos omni honore
 dignos arbitrentur: ne nomen domini, & doctrina
 blasphemetur. Vnde diuini verbi Genius (vt verbo
 Caluini vtar) gloriam Deo, pacem terræ, hominibus
 bonam voluntatem secum traxit. Quapropter qui
 Dei verbo credidēre aduersus contradicentes, non so-
 lam non mouerunt bellū, sed potius vitæ periculū pro-

fidei confessione fecerunt, atq; non inuadendo, sed patienter sustinendo vicerunt. Sectariorum verò, id est, Sathan verbi Genius, non solum scismata in ecclesia, sed etiam seditiones in ciuitatibus, & bella aduersus legitimos principes excitauit. Vnde sectariorum plebs contra ecclesia vnitatem scismata, contra fidei veritatem, hareses contra reipublica pacem bella, & seditiones studiosissime sectatur. Hoccine est sectariorum paruulos grandescere? Hoccine est diuini verbi veritatem annuntiare? absit quidem: nam Euangelij predicatione, vt historici & precipue Orosius maiorem reipublica pacem, quam antea fuit in toto orbe, sequutam testantur. Adueniente enim in carne Christo, princeps mundi huius eiectus est foras, ac arma, in quibus confidebat, ablata sunt illi, & per Dei verbum ciuili reipublica pax conseruata, ac aucta est. Quis enim Romanorum Imperatorum ante Constantinum, non solum inter milites, sed nec inter ciues tutus fuit: vix quidem vnus, aut alter seditioforum gladium euasit. At postquam principes fidem Christi verbiq; illius predicationem susceperunt, ab huiusmodi periculis, & incursionibus liberati, & respublica quoq; ab omni tumultuatione semota fuit. Quomodo omnia si sectariorum labores, & innumeras vigilas consequerentur, melius multo audirent: sed nunquam audient, quia sicut Christus ascendens in celum per discipulos, quos in hoc mundo reliquit maiora, quam per se ipsum solum operatus est: ita Sathan quanquam ex hoc mundo eiectus, tamen per sectarios maiora disidia & bella, quam per se ipsum operatur. Atque

hoc olim per Arrianos factum esse, ecclesiastica historia tradunt: & in presenti seculo per Lutheranos fieri, experientia testatur.

Ab ineruditis non fidei ratio, sed confessio tantum petenda est.

Cap. VII.

Christiana plebs quia non tam explicitam fidei noticiam, sicut ecclesia pastores habet, ideo nec instruere ceteros, nec hereticos arguere, ad eam spectat. Hac enim ad ecclesia pastores iuxta Dei verbum pertinent. Oportet enim, inquit, Episcopum sine crimine esse. Et infra: Amplectentem eum, qui secundum doctrinam est fidelem sermonem, ut potens sit, exhortari in doctrina sana, & eos qui contradicunt, arguere. Hac eadem Hieronymus exponit, dicens: Sancta quippe rusticitas solum sibi prodest: & quantum adificat ex vita merito ecclesiam Christi, tantum nocet, si destruentibus non resistat. Malachias propheta, imò per Malachiam dominus interrogavit sacerdotes legem: in tantum sacerdotis officium est, interrogatum respondere de lege. Hac ille: Vnusquisque igitur tantam fidei rationem, quantum explicatiorem fidei noticiam habet, reddere tenetur. Vnde frequenter imperitis fidei confessio satis est, pro fidei ratione reddenda. Origines: Tametsi Christianorum inquit, nonnulli, quia & simpliciores sint, & minus versuti, eorum quae fecerint reddere rationem ignorent, dum alioquin, quae ab alijs caperint recte obseruent, &c. Si vero aliquis in heresis suspicionem venerit, tum de dogmate illi haeresi contrarium exami-

Ad Tit. 1.

Hieron. ad Paulinum.

Orig. contra Cel. li. 3.

Thom. 22.
q. 2. art. 6.

nandus est, vt Thomas optimè docuit: Simples, inquit, non sunt examinandi de subtilitatibus fidei, nisi quando habetur suspicio, quod sint ab hæreticis deprauati: qui in his, quæ ad subtilitatem fidei pertinent, solent fidem simplicium deprauare: si tamen inueniuntur non pertinaciter peruersæ doctrinæ adherere: si in talibus ex simplicitate deficiant, non eis imputatur. Ecclesiæ igitur, quæ explicitam habet noticiam, indoctæ plebi implicite fidei rationem reddere interest, quia imperitis in his omnibus, quæ credunt, ecclesiæ iudicium sectantur. Atq; hoc ita esse, Augustinus satis docuit. Sed ille fidei, inquit, imperator clementissimus, & per conuentus celeberrimos populorum atq; gentium, sedesq; ipsas apostolorum arce auctoritatis minuit ecclesiæ, & per pauciores pie doctos, & verè spirituales viros copiosissimis apparatibus, etiam inuictissima rationis armavit: verum illa certissima disciplina est, in arcem fidei quàm maxime recipi infirmos, vt pro eis iam tutissimè positæ, firmissima ratione pugnetur.

Augu. ad
Dioscor.
epist. 56.

Fidei doctrina plebi non scriptura,
sed viua voce tradenda est.

Cap. VIII.

Diuina scriptura Dominum nostrum Iesum Christum, viua voce docuisse Apostolos fidei doctrinam, atq; præcepisse, quod illi eandem ceteros simili modo docerent, expressè exponit: Euntes, inquit, in mundum vniuersum, prædicate Euangelium omni creaturæ. Prædicate verò dixit, quia sensus auditus ad discendum magis, quàm visus iuuat. Vox quoque

Mac. 16.

mentis

mentis cōceptus, rerumq; naturas clariùs quàm scriptura exponit. Vnde Hieronymus: Habet, inquit, ne- Hieron. ad Paulinum.
scio quid latentis egyptiæ viua vox, & in aures discipuli de auctoris ore transfusa fortius sonat. Scriptura nanq; mutus magister est, idè ad intelligendas scripturas maius ingenij acumen quàm ad intelligendas voces opus est. Ex quo, qui fidei dogmata viua voce à concionatore exposita explicite non capit, multò minus legendo scripturas capiet, quia scriptura nō tam clare quàm viua vox res significatas exprimit. Hinc fit, vt multi diuinam scripturam legentes, germanum non assequantur sensum, ac in fide sæpè numero errant: quæ si vera sunt, sapientissimè faciunt, qui ineruditis hominibus persuadere conantur, vt raro, aut potius nunquam diuinam scripturam legant, ne inde errandi occasionem accipiant, sed conciones potius frequentent. Neq; indocta plebs, quia diuinarum scripturarum lectione caret, idè priuatur doctrina salutari, sed potius illius saluti maxime consultitur. Nam sicut qui gladium de manu paruuli, aut furiosi hominis abstulit, non quòd illis iuuideat, sed quòd eos amet: ita sancta mater ecclesia ineruditis (præcauens eorum lapsus in fide) diuinam legendam scripturam non tradit. Diuina enim fidei doctrina, facilius à quouis audiendo, quàm legendo discitur. Atq; hic quidem modus discendi tam eruditis quàm ineruditis est expediens: ille verò eruditis tantum cōuenit, sed ineruditis non expedit. Frequenter quippe ineruditis scripturarum lectio tantum abest, vt eorum mentes illuminet, vel potius excacet. Quia etsi diui-

ne scriptura literalis sensus legentibus sit facilis, tamen sensus historicus tantò ceteris disciplinis est difficilior, quanto diuina, si cum humanis rebus comparentur. Quod sit, quia eū sacra scriptura Dei sensum contineat, in ea maior rerum quàm verborū est difficultas. Quid quod in verbis quoque non parua est obscuritas, quia tropis scatet, propter quam causam propriam verbi significationem, ac figuratam discernere, non cuius datum sit. Arriani enim in Christi verbis, videlicet, ego & pater vnum sumus, non propriè, sed figuratè hanc voculam, vnum, acceperunt, vt in istis: vnus populus, vnus exercitus. At catholici propriè accipiendam esse illam vocem, intellexerunt, veluti in istis, vnus deus, vnus homo: quapropter filius consubstantialis est patri. Simile quid factum est nostro seculo circa hac Christi verba. Hoc est corpus meum: sacramentarj enim ea figuratè accipi volunt: catholica verò ecclesia propriè accipienda esse definit. Cum in Eucharistia verum Christi corpus sit.

Quantumuis eruditis humanis disciplinis sine magistro diuinarum scripturarum lectio non expedit.

Cap. IX.

IN diuina quidem scriptura propter figuratas locutiones frequenter incidunt similes difficultates, ex quibus non solum idiota viri, sed sapientes vix se explicare possunt. Quia diuina scriptura non est facilis intellectu, vt beatus Petrus exponit, dum inquit: Propter quod charissimi, hac expectantes, satagi-

Pet. epist.
2. cap. 3.

te, immaculati, & inuiolati ei inueniri in pace. & Domini nostri longanimitatem salutem arbitremini: sicut & charissimus frater noster Paulus secundum datam sibi sapientiam scripsit vobis. sicut & in omnibus epistolis loquens, in eis de his, in quibus sunt quedam difficilia intellectu, quæ indocti & instabiles deprauant, sicut & ceteras scripturas ad suam ipsorum perditionem. Diuus quoque Hieronymus hanc expertus difficultatem, ait: Omnis quidem ad Romanos epistola interpretatione indiget: & tantis obscuritatibus inuoluta est, ut ad intelligendam eam, spiritus sancti egeamus auxilio, qui per Apostolum hæc ipsa dictauit. Vnde qui ad diuinam scripturam intelligendam linguarum peritiam sufficere existimant, perniciosissime falluntur. Nam linguarum cognitio neque ad liberales disciplinas, neque ad poetas interpretandos sufficit. Quintilianus: Nec si rationem, inquit, syderum ignoret, poetas intelliget, qui (ut alia omittam) toties ortu, occasuque signorum in declarandis temporibus utantur. Quibus adiungi etiam possunt, quæ alibi apertius dixit. Nos suum cuique professioni modum demus, & grammatica (quam in latinum transferentes Literaturam vocauerunt) fines suos norit, præsertim tantum ab hac appellationis paupertate, intra quam primi illi constitere, prouectæ. Nam tenuis à fonte assumptis poetarum historicorumque viribus, pleno iam satis aluco fluit, cum præter rationem rectè loquendi, non parum aliqui copiosam, propè omnium maximarum artium scientiam amplexa sit, & reliqua. Ipsam denique

Hieron. ad
Hæd. q. 10.

Quint. lib.
1. cap. 4.

Lib. 2 ca. 1.

GRAMMA

August. de
util. cred.
7. cap.

Grammaticam nemo nisi viva voce à magistro didicit, ac diuinam scripturam omnes sine praeceptore se existimant addiscere, ac exactè intelligere. Quae olim iam animaduertens Augustinus: Nulla, inquit imbutus poetica disciplina, Terentianum, Maurum sine magistro attingere non auderes. Asper, Cornutus, Donatus, & alij innumerabiles requiruntur, ut quilibet poeta possit intelligi, cuius carmina & theatri plausus videntur captare: tu in eos libros, qui quoquo modo se habeant, sancti tamen, diuinarum rerum pleni, propè totius generis humani confessione diffamantur, sine duce irruis, & de his sine praeceptore audes ferre sententiam? Nec si tibi aliqua occurrunt, quae videantur absurda, tarditatem tuam, & putrefactum tabe huius mundi animum, qualis omnium stultorum est, accusas, potius quam eos, qui fortasse à talibus intelligi nequeunt. Quereres aliquem pium, simul & doctum, vel qui talis esse multis consentientibus diceretur, cuius & praeceptis melior, & doctrina peritior fieres. Non facile reperiebatur? cum labore inuestigaretur: deerat in ea terra, quam incolebas? Quae causa utilius cogeret peregrinari? Hac Augustinus: Hac namq; librorum legendi & interpretandi temeritas ab omnibus scientiarum professoribus damnatur. Quintilianus: Nihil enim, inquit, peius ijs, qui paulum ultra primas literas progressi falsam sibi scientia persuasionem induerunt. Nam & cedere praecipendi peritis indignantur, & velut iure quodam potestatis, quo ferè hoc hominum genus intumescit, inperiosi, atq; interim saeuientes stulticiam suam perdo-

Quint. lib.
1. cap. 1.

cent. Nec minus error eorum nocet moribus. Siquidem Leonides Alexandri pedagogus, ut à Babilonio Diogene traditur, quibusdam eum vitijs imbuere, quæ robustum quoque etiam maximum regem ab illa institutione puerili sunt prosequuta. Hactenus Quintilianus.

Diuina scriptura in vulgarem linguam translata, difficilior quam in natia est intellectu.

Caput X.

Cum habentes igitur linguarum, & Grammaticæ peritiam, nullam præter verborum difficultatem in diuina scriptura, quemadmodum in humanis historijs esse arbitrentur: inde fit, ut illam passim unusquisque ex vna in aliam transferat linguam, atque Euangelicam historiam transferendo magis, quam predicando præter Christi ordinationem diuulgare conantur. Sed tantum abest, ut diuina scriptura per hoc, quod ex vna lingua in aliam transferatur, magis illustretur, ut potius obscurior reddatur. Quod Hieronymus sapientissimè manifestat, dū inquit: Noster Tullius Platonis integros libros ad verbum interpretatus est. Et cum aratum iam Romanum hexametris versibus edidisset, in Zenephontis æconomico lusit: in quo opere ita sæpè aureum illud flumen eloquentiæ, quibusdam scabris, & turbulentis obicibus retardatur, ut qui interpretata nesciunt à Cicerone, dicta non credant. Difficile est enim alienas linguas insequentem, non alicubi excidere. Et infra: Quid perfectius Iob? quæ omnia hexametris, et pentame-

Hieron. in præfa. Eu. Croni.

pentametris versibus (vt Iosephus. & Origines scribunt) apud suos composita decurrunt. Hac cum græcè legimus, aliud quiddam sonant: cum latine, penitus inhaerent: quod si cui non videtur linguæ gratiam interpretatione mutari: Homerum ad verbum exponat latinum. Plus aliquid dicam, eundem in sua lingua pro se verbis interpretetur, videbit ordinem ridiculum. & poetam eloquentissimum vix loquentem, &c. Sectarij igitur diuinam scripturam doctorumq; cōmentaria transfferentes in vulgarem linguā, male meriti de fidei doctrina sunt: nam fidei mysteria, clariùs in lingua græca. quàm in latina. & in latina, quàm in germanica, vel in alia lingua vulgari expōnuntur Scriptura enim quantò ex primitiua lingua in alias plureis trās fertur, tantò obscurior redditur, tantoq; maiores difficultates circa eam insurgunt, atq; hoc experientia testatur. Nam nullibi. quàm in Germania, & nunquam plures, quàm nostro seculo circa fidei dogmata cōtrouersia fuerunt. Quid quod vnusquisq; sua vtitur translatione & antiquam latinam aspernatur. Vnde quod diuina scriptura patrumq; commentaria in lingua latina translata, ab omnibus sine delectu leguntur, eò indies magis, magisq; in Germania hæreses pullulant. Nam ex diuina scriptura perperā intellecta, hæreses oriuntur, atque hoc modo sectariorum paruuli grandescunt. Olim quidem indocta plebs audiendo verbum Dei, si dei obediebat: nunc verò in lingua vulgari legendo diuinam scripturam, quia germanum verbi Dei sensum non capit, à fide deficit. Neque Grammatica præceptoribus

ceptoribus permittendum est, ut diuinam scripturam pueris in scholis exponant. Nam in diuina scriptura verborum eruditio quam illi profitentur, non est qua renda. Sensus verò scriptura non à Grammaticis, sed à Theologis petendus est. Quod si aliquando ingeniorum gratia digrediendum à Grammatica illis est, ac imperatorum statuta, quæ in ciuili iure traduntur, magis quam ad legem diuinam exponendam egrediatur oportet, quia in illis non modica sermonis eruditio. & magna verborum difficultas frequenter reperitur. Quid quod si legum ciuiliū interpretatio, cui Grammatica tantum prodesse videtur, res publica benè instituta non Grammaticis, sed iuris peritis permittit, multò minus igitur diuinarum scripturarum expositio eisdem permittenda est.

Euangelij primi doctores imperiti sermone, sed non scientia fuerunt.

Cap. XI.

ET si diuina scriptura lectio indocta plebi non expedit, tamen eruditis liberalibus literis, modeste sapientibus non nihil prodest. Verum quidem est, quod nonnulli periti, humanaq; sapientia fastuosi ob sacra scriptura stili humanitatem, illius studium aspernatur: quo quidem vitio beatus Augustinus, se non caruisse fateatur. Itaq; institui, inquit, animum intendere in scripturas sanctas, ut viderem, quales essent, & ecce video rem non compertam superbis, neq; nudam pueris, sed excessu humilem, successu excelsam, & velatam mysterijs, & non eram egotalis, ut intrare in eam possem, aut inclinare ceruicem

Aug. conf.
li. 3. cap. 5.

pendenti est manifestum) omnium humanorum monumentorum sit antiquissimum, in illo non verborum ornatus, sed sapientia inquirenda est. Idem quoque de Evangelica scriptura sentiendum est, nam Christi apostoli & Euangelista, Dei prophetas, non solum in diuinarum rerum sapientia, sed in sermonis stilo imitati sunt. Omnes denique diuina historia scriptores tum docendo, tum scribendo verbis non ad ornandas sententias, sed ad explicanda diuina mysteria vsi fuerunt. Hoc beatus Paulus in utroque testamento apprimè eruditus, exponit, dicens: Et ego cum venissem ad vos, fratres, veni non in sublimitate sermonis, aut sapientia, &c. Quam sententiam Theophylactus cum Chrysostomo exponens, Non solum, inquit, discipuli Euangelij insipientes, & obscuro genere electi sunt, verum etiam ego ipse Euangelij præco, non veni oratione, & sapientia humana instructus, annuncians vobis testimonium Dei, id est, mortem Christi. Eiusdem sententia sunt, quæ paulo inferius dixit: Quid autem? nunquid si voluisset Paulus, potuisset venire in sapientia? ipse sanè non potuisset, reuerà enim simplex siue rudis erat. Potuisset tamen hoc efficere Christus quia maiora largitus est, sed conducebat Euangelij prædicationi: maiore namque gloria Christus, & honore euehitur, per diui Pauli simplicitatem vincens, quàm si per sapientiam, orationisque splendorem victoriam retulisset. Hæc ille. Euangelij enim primi annunciatores ad docenda & persuadenda fidei mysteria, sufficienter à Deo fuisse eruditos, beatus Paulus exponit, dū inquit: Non quod sufficientes simus cogitare aliquid

Paulus 1.
ad Corint.
cap. 2.

2. ad Cor.
cap. 3.

à nobis, quasi ex nobis, sed sufficientia nostra ex Deo
 est, qui & idoneos nos fecit ministros noui testamen-
 ti, &c. Deus quidem ex hominibus ineruditis huma-
 narum scientiarum diuina sapientia fecit peritos: nā
 Spiritus sanctus iuxta Christi promissionem, omnem
 doctrinam ad salutem necessariam, docuit apostolos,
 Ioan. 14. c. scriptura enim inquit: Paracletus autem Spiritus san-
 ctus, quem mittet pater in nomine meo, ille vos doce-
 bit omnia, & suggeret vobis omnia, quaecumq; dixero
 vobis. Sicut enim Deus diuinorum mysteriorum noti-
 tiam reuelauit apostolis, ita sermonis eruditionem, si
 expedisset, illis reuelasset utiq;: sed quia eruditio ser-
 monis ad persuadendum fidem nec necessaria, nec ex-
 pediens fuit, ideo illis non fuit reuelata. Paulus profe-
 ctō ille qui raptus fuit in tertium vsque cælum, vbi
 ineffabilia arcana verba audiuit, ille inquam, de quo
 Christus ait, vas electionis est mihi iste, vt portet no-
 men meum coram gentibus, & regibus & filijs Is-
 rael, de semetipso ait. Et si imperitus sermone, sed
 2. ad Cor. 11. cap. non scientia. Quod Theophrastus exponens ait: Ser-
 mone igitur & orationis cultu indoctus sum, scien-
 tia & cognitione haudquaquam. Per hoc autem
 clam innuit, quod quo magis illi eloquentia glorian-
 tur, eō cognitione Dei ipsos magis esse orbatos, & qua
 tenus ad ipsam attinet, eos esse idiotas, & indoctos.
 Haftenus ille: Hac inquam duo, sapienter, & elo-
 quenter dicere, non solum Deus in suis prophetis, sed
 philosophi etiam separauerunt. Quod Cicero aperte
 Cic. de O- satis monstrat, dum inquit: Nanque (vt antè dixi)
 rat. lib. 5. veteres illi vsque ad Isocratē, omnem omnium
 rerum

rerum, quæ ad mores hominum, quæ ad vitam, quæ ad virtutem, quæ ad rempublicam pertinebant cognitionem, & scientiam cum dicendi ratione iungebant: postea dissociati (vt exposui) à Socrate deserti à doctis, & deinceps à Socraticis item omnibus, philosophi eloquentiam despexerunt, oratores sapientiam: neque quicquam ex alterius parte tetigerunt, &c.

Quibus si adiungamus, quæ alio loco scripsit, clarius intelligemus. Nec verò, inquit, hoc arroganter dictū existimari velim. Nam philosophandi scientiam concedens multis, quod & oratori proprium, apud, distinctè, ornateq; dicere: quoniam in eo studio etatem consumpsi, si id mihi assumo, videor id meo iure quodammodo vendicare. Idem in alio loco sentit, dicens: Et id quidem nemini video Græcorū adhuc contigisse vt idem vtroq; in genere laboraret, sequereturq; et illud forense dicendi, et hoc quicūq; disputandi genus, &c. A quibus haud dissona sunt, quæ inferius paulo scripsit. Eodēq; modo, inquit, de Aristotile. et Isocrate iudico, quorum vterq; suo studio delectatus, contempsit alterum. Hucusque Cicero.

Offic. lib. 1.

Eloquentia quidem fidem minuit: sapientia vero astringit illam.

Philosophi igitur non temerè eligentes sapientiam, contempserunt eloquentiam: nam illam quidem solam non modò priuato, sed publico bono vtilem, istam verò sine illa perniciosam esse, testatur Tullius, dicens: Ac me quidem diu cogitantes ratio ipsa, in hac potissimum sententiā, duxit, vt

Cap. XII.

C 2 existimem

existimem sapientiam sine eloquentia parum prodesse ciuitatibus: eloquentiam verò sine sapientia nimium obesse plerunque, prodesse nunquam. Si igitur humana sapientia sine eloquentia reipublica non nihil prodest: multò magis diuina sapientia sine eloquentia proderit, etsi eloquentia sine sapientia humana plerunque obest. multò inagis eloquentia sine fide & cum heresi nocebit. Quod etiam experientia testatur in hereticis, qui non sapientia, sed sua eloquentia sectas suas persuadere student. Accedit ad hoc, quod sapientia auctoritatem imminuit, vt Cicero exponit,

Cic de O- dum inquit: Sed tamen hæc est mea sententia. quam
rat. lib. 2. videbar exposuisse. Ego ista studia non improbo, mo-

derata modo sint: opinionem istorum studiorum, & suspicionem artificij apud eos, qui res iudicent, oratori aduersariam esse arbitror, imminuit enim & oratoris auctoritatem, & orationis fidem. Huiusmodi

Orator.

etiam sunt, quæ in alio loco ait. At ius profitentur etiam qui nesciunt, eloquentiam autem illi ipsi qui cōsequuti sunt, tamen se valere dissimulant: propterea quod prudentia hominibus grata est, lingua suspecta. Hactenus Cicero: Videmus ergo quomodo philosophi eloquentiam aut dissimularunt, aut contempserunt.

Similiter Christi Apostoli propter eandem causam il-

Paul. 1. ad lam aspernati fuere. Paulus enim ait: Non enim mi
Cor. cap. 1. sit me Christus baptizare, sed Euangelizare, non in

sapientiam verbi, vt non euacuetur crux Christi, etc. Theophilaëtus cum Chrysostomo hunc differens locū: sublato, inquit, supercilio eorum, qui baptismatis nomine cristas erexerant, ad eos nunc transit, qui ex-

externæ

terna sapientia efferebantur, quoniam, inquiens, misit me Euangelium predicare, non in sapientia verbi, hoc est in eloquentia, sermonisq; cum elegantia, tum venustate, ut ne noxam patiat, & imminutionem crux. Hoc enim est, quod ait, euacuatur, id est, vacua, & inanis, inutilis inueniatur. Sic enim in sapientia verbi Apostoli prædicassent, potuissent quidam dicere, quod orationis persuasibilitate, & ornatu persuassent hominibus, non virtute prædicatarum rerum, id verò in inanitatem & noxam, adeoq; contumeliam crucifixi cecisset. Hæc ille: Verborum quidem cultus humanas disciplinas potius, quam fidem decet. Nam cum illa parum, aut nihil ad persuadendum auctoritatis habuissent, illarum professores sermonis ornatu ad illas commendandas abusi fuerunt: at sacri canonis scriptores, quia fidei veritas magis incompta, quam verbis ornata ad persuadendum est efficacior, ided consultè sermonis cultum præterierunt. Quare Ciceronis sententia potius fidei doctrina, quam humanis disciplinis conuenit, dum inquit. Sed quadam etiam negligentia est diligens: Nam ut mulieres esse dicuntur nonnullæ inornatæ, quas id ipsum deceat: sic hæc subtilis oratio, etiam incompta delectat, etc. Vnde ad synceram veritatē persuadendam non eloquentes, sed sapientes in republica esse necessarios, beatus Augustinus iuxta sapientis sententiam exponit, cum ait. Qui enim eloquenter dicunt, suauiter: qui sapienter, salubriter audiuntur. Propter quod non ait scriptura, multitudo eloquentium, sed multitudo sapientium sanitas est orbis terra-

Orator.

August. de
Oct. chr.
lib. 4. ca. 5.

rum. Sed diuinam scripturam debita eloquentia non cavere, idem Augustinus testatur, dum inquit:
 Cap. 6. Hic aliquis forsitan querit, virum auctores nostri, quorum scripta diuinitus inspirata canonem nobis saluberrima auctoritate fecerunt, sapientes tantummodo, an eloquentes etiam nuncupandi sunt. Quæ quidem questio apud meipsum, & apud eos qui mecum, quod dico, sentiunt, facillimè soluitur. Nam ubi eos intelligo, non solum nihil eis sapientius, verum etiam nihil eloquentius mihi videri potest. Et au deo dicere, omnes, qui rectè intelligunt, quod illi loquuntur, simul intelligere, non aliter eos loqui debuisse. Sicut est enim quadam eloquentia, quæ magis ætatem iuuenilem decet, est, quæ senilem, nec iam dicenda est eloquentia, si persona non congruat eloquentis: ita est quadam, quæ viros summa auctoritate dignissimos, planèq; diuinos decet. Hac illi loquuti sunt nec ipsos decet alia, nec alios ipsa: ipsis enim congruit, alios autem quantum videtur humilior, tantò altius non ventositate, sed soliditate transcendit.

Dei interpretes, prophetæ inquam Apostolique; Dei mysteriorum magis explicitam noticiam quam cæteri habuerunt.
 Cap. XIII.

Humanarum quidem disciplinarum auctores suas tantum cogitationes sacri verò canonis scriptores diuinas, literis, memoriaq; mandarunt. Veruntamen cum nullus de rebus sibi ignotis scribat, & Dei sensus homines lateat, antequam propheta aliquid scripsissent, Deum illis reuelasse su-

as cogitationes, oportuit. Nam illi fidei mysteria, non calamo, ut scriba dictantis verba, exceperunt, sed quasi discipuli Dei, reuelationem mente habuerunt. Vnde, quia propheta futuras, & ab humano sensu remotas res cognouerunt, idè diuina scriptura illos appellat, videntes, id est, cognoscentes. Olim Re. c. 9. inquit, in Israel sic loquebatur vnusquisque vadens consulere Deum. Venite, & eamus ad videntem. Qui enim propheta dicitur hodie, vocabatur olim videns. Prophetas quidem apostolosq; ad Dei cogitationes interpretandas, Dei sensum calluisse, & ad ceteros docendos fidei explicitam habuisse noticiam, necessarium fuit. Sine illis enim propheticum & apostolicum munus exequi non potuissent. Vnde ut ad illa munera obeunda idonei fierent, DEVS illos docuit, & quando à sapientiori magistro fuerunt edocti, tanto ceteris euaserunt doctiores. Quare quanquam prophetarum alius alio fuisset doctior, tamen vnusquisque fidei mysteria à se interpretata explicitè cognouit. Hinc est, quòd quanquam demonum vates, Arepticij, Asina Balan, et ceteri tales, futura & occulta pradixisent, tamen propheta non fuerunt: quia rerum noticiam non habuerunt. De huiusmodi quidem, perinde ac de recitantibus olim in Synagogis prophetias, & de immolantibus hostias secundum legem Moyse existimandum est. Nam isti licet futura prænunciauissent, non prophetae, sed prophetiarum recitatores fuerunt. De quibus beatus Augustin. Aug de ci uit. Dei li. 7. cap. 13. hoc, inquit, mysteriū vitæ aeternæ iam inde ab exordio generis humani per quadā signa, & sacramenta

temporibus congrua, quibus oportuit, per angelos prædicatum est. Deinde populus hebraeus in vnam quandam rempublicam, quæ hoc sacramentum ageret, congregatus est, ubi per quosdam scientes, per quosdam nescientes id, quod ex aduentu Christi vsque nunc, & deinceps agitur, prænunciaretur esse venturum.

L. Viues.

At nouus Augustini commentator super illa verbi, per quosdam scientes, per quosdam nescientes. Prophetæ, inquit, nec omnes sua vaticinia intelligebant, nec qui intelligebant omnia intelligebant, &c. Sed profectò ille fallitur, quia beatus Augustinus non de prophetis, sed de antiquæ legis sacramentis Christum prænunciantibus illic d'sserit. Verbi gratia: Populus Israel singulis annis quartadecima luna primi mensis ad vespèram, ex legis obedientia, & fide agnum immolans, domini nostri Iesu Christi humani generis redemptoris mortem prænunciabat, sed istius mysterij imperita plebs implicitam fidem, doctiores vero explicitam habuerunt: istos quidem scientes, illos verò nescientes Augustinus vocat. Illa igitur agni religiosa immolatio per quosdam significationem scientes, per quosdam verò nescientes facta, Christi mortem annunciauit. Atque verborum quidem Augustini hunc esse sensum, ibidem, ille met exponit, dicens: Omnes enim non solum prophetia, quæ in verbis sunt, nec tantum præcepta vitæ, quæ mores, pietatemq; conforment, atque illis literis continentur, verum etiam sacra, sacerdotia, tabernaculum, siue templum, altaria sacrificia, caremonia, dies festi, et quicquid aliud ad eam seruitutem pertinet, quæ Deo debetur, & Gracè propriè

proprie latría dicitur, ea significata, & prænunciata sunt, quæ propter æternam vitam fidelium in Christo, & impleta credimus, & impleri cernimus, & implenda confidimus, &c. Cuius etiam sententiæ sunt, De ciui,
 quæ inferius ad hunc modum ait. Hæc autem lex cum Dei. l. 10.
 distributione temporum data est, quæ prius haberet, capit. 15.
 ut dictum est, promissa terrena quibus certè significarentur æterna, quæ visibilibus sacramentis celebrarent multi, intelligerent pauci. Hæc ille: Si igitur commentator inter prophetam & prophetiarum recitorem distinxisset, de prophetis Dei aliter, quum commentatur, dogmatizasset. Propheta denique prudentes, & scientes Dei sensum, non de vna lingua in aliam transtulerunt, sed illum quem Deo reuelante intellexerunt, verbis explicauerunt: atq; illos fidei mysteria verè sapiēterq; interpretatos fuisse, certissima fide tenendum est. Nam diuina scriptura Deum per prophetas potius, quàm illos loquutum fuisse, testatur. dicens: Multifariè multisq; modis olim Deus lo- Ad Hebr.
 quens patribus in prophetis, nouissimè diebus istis lo- cap. 1.
 cutus est nobis in filio, &c. Quare prophetantem, mē-
 tiri, tam impossibile est, quàm Deum, quia non aliud, quàm quod Deus, ille loquutus fuit. Cū igitur sua dona Deus ad ecclesiæ vtilitatem apostolis dedisset, illiq; ea non in vacuum recepissent, fidei mysteria verbis ad ecclesiæ vtilitatem explicauerunt: quod si illi aut negligentia, aut ignorantia Dei mysteria eloquuti nō fuissent, tunc vel Deus frustra reuelasset mysteria, vel Christi apostoli in officio non fuissent: alterutrum tamen hæreticum est approbare.

Prophetæ et apostoli Dei mysteria
magis explicite cognouerunt, quam in-
terpretati sunt.

Ca. XIII.

Eccl. ca. 1.
Hierony.

Hieron. ad
Alg. q. 10.

Verum si illi fidei mysteria non tam explicitè
scripserunt, quàm intellexerunt, non idèò men-
daces, nec insipientes interpretes fuerunt, nam id nō
illorum ignorantia, aut negligentia, sed rerum diffi-
cultati, & sermonis inopia imputandū est. Quid quod
si natura secreta ab homine explorata sermo non ex-
plicat, multò minus fidei mysteria à Deo reuelata po-
terit explicare. Quare optimè sapiēs ait: Cuncta res
difficiles, non potest eas homo explicare sermone. Hie-
ronymus enim hac verba exponens, inquit: Nō solūm
de Phisicis, sed de AEthicis quoq; scire, difficile est: nec
sermo valet explicare causas, naturasq; rerum, nec
oculus, vt rei poscit dignitas, intueri, nec auris institu-
ente doctore ad summam scientiam peruenire. Hac il-
le. Beatum quidem Paulum Dei sensum in suis episto-
lis verissimè, sapientissimèq; interpretatum fuisse, ca-
tholicorum nemo dubitat. Verū tamen ille fidei myste-
ria non tam explicitè scripsit, quàm intellexit. Hu-
ius sententia est beatus Hieronymus, dicens: Illud
quod crebrò diximus: etsi imperitus sermone, nō tam
scientia: nequaquam Paulum de humilitate, sed de
conscientiæ veritate dixisse, etiam nunc approbamus.
Profundos enim & reconditos sensus lingua non ex-
plicat: & cū ipse sentiat, quid loquatur, in alienas
aures puro non potest transferre sermone. Quem
eū in vernacula lingua habeat disertissimum
quippe

quippe Hebraus ex Hebrais, & eruditus ad pedes Gamalielis viri in lege doctissimi, seipsum interpretari cupiens, inuoluitur. Si autem in Græca lingua hoc ei accidit, quam nutritus in Tharso Cilicia à parua etate imbiberat: quid de latinis dicendum est: qui verbum de verbo exprimere conantes, obscuriores faciunt eius sententias, & veluti herbis crescentibus, frugum strangulant vbertatem. Has eadem in alio loco confirmat: Cumq; Paulus, inquit, haberet scientiam sanctarum scripturarū, & sermonis diuersarumq; linguarum gratiam possideret: vnde ipse gloriatur in domino, & dicit: Gratias ago Deo, omnium vestrū linguīs magis loquor, diuinorum sensuum maiestatem, digno non poterat græci eloquij explicare sermone. Tantum ille: Si igitur Christi Apostoli omnium doctissimi ad munus docendi non ab hominibus, sed à Deo vocati, Dei cogitationes interpretando fidei mysteria non fecerunt clariora: neq; sacra scriptura interpreti est vitio dandum, si ille sacram scripturam, de alia in aliam linguam transferens, clariorem non reddiderit: quia ille fidei mysteria Paulo scribente non tam explicitè, quàm Paulus Deo reuelante cognouit. Sicut enim lux quāto luminī propinquior, tantò clarior, & quāto distantior, tantò minus clara est: ita diuinorum mysteriorum noticia à Deo reuelata explicatio est, quàm illa, quæ hominis ministerio traditur. Latinus enim interpres aut animaduertens diuinam scripturam, non eloquenter, sed sapienter à prophetis editam fuisse, illam transferendo consultò sermonis cultum neglexit, aut

Ad Hec.
q. 111.

Dei

Dei occulto consilio, imperitus sermone (sicut de se Paulus inquit) sed non scientia fuit. Verum quoquo modo contigisset, ille sacri canonis scriptores imitatus, in transferendis diuinis scripturis animum sermonis cultu relaxauit, sententijs verò intendit: & meritò quidem, quia non illud, sed istud interpretis interest. Nam huiusmodi illius officium esse, beatus

Hieron. ad
Mariam,

Hieronymus exponit, dicens: Est quidem sermo compositus, & Gallicano cothurno fluens, sed quid ad interpretem, cuius professio est, non quo ipse disertus appareat, sed quo eum, qui lecturus est, sic faciat intelligere, quomodo ipse intellexit, qui scripsit. Hac illa: Et cum veritas vi eloquentiæ conuestita non tam ornatur, quàm laboret, nec tam se proferat, quàm lateat: idè sapienter interpretes quantò in diuina scriptura rerum maior difficultas, tantò simplicioribus verbis, & humiliori stilo illam transtulit. Verborum professio cultum orationis occultare sensum, Quintilianus testatur, dicens: Nam illa inquit, quæ curam fatentur, & ficta, atque composita videri etiam volunt, nec gratiam consequuntur, & fidem amittunt, propter id, quod sensus obumbrant, & veluti lato gramine sata strangulant. Infrà etiam ait: Nec intelligunt iacere sensus in oratione, in qua verba laudantur. Sit igitur cura elocutiõis quàm maxima, dum sciamus, tamen nihil verborum causa esse faciendum, cum verba ipsa rerum gratia sint reperta.

Quint. in
proë. li. 8.

Diuinæ scripturæ vulgata translatio etsi inornata sermone sit, cæteris auctori-

Et oritate præstat.

Interpretanti diuinam scripturam, non licet, veluti humanarum scripturarum interpretibus liberis uti verbis, sententijs aliquod oratorium robur adijcere, omiſſa ſupplere, aut effuſa ſubſtringere. Nam diuinam ſcripturam non eadem libertate, qua humanam eſſe interpretandam ſacri doctores docent. Hieronymus enim inquit: Ego enim non ſolum fateor, ſed libera voce profiteor, me in interpretatione Græcorum, abſque ſcripturis ſanctis, ubi & verborum ordo, & myſterium eſt, non verbum è verbo, ſed ſenſum exprimere de ſenſu. Eiuſdem ſententiæ eſt Auguſtinus: Liberis enim verbis, inquit, loquuntur philoſophi, nec in rebus ad intelligendum difficillimis offenſionem religionis aurium pertineſcunt. Nobis autem ad certam regulam loqui, fas eſt, ne verborum licentia, etiam de rebus, quæ his ſignificantur, impiam gignat opinionem. &c. Quare interpres ut à germano ſcripturæ ſenſu non deſiceret, aliquot ſententias, aut verbum è verbo, aut aliena lingua ſiue verbis, ſiue proprietate ſeruatis tranſtulit. Et quia huic interpretandi regula, quæ ad ſenſus ſinceritatem ſeruandam conducit, vulgata ſacra ſcripturæ tranſlatio magis quam cætera accedit, idè illam alijs præferendam eſſe, beatus Auguſtinus docet, dicens: Sed quoniam & quæ ſit ipſa ſententiæ, quam plures interpretes pro ſua quiſque facultate, atq; iudicio conantur eloqui, non apparet, niſi in ea lingua inſpiciatur, quam interpretantur, et plerumq; à ſenſu auctoris diuini aberrat interpres.

ſi non

Cap. XV.

Hieron. ad
Pammac.

Aug. de ci
uit. Dei. l.
10. ca. 32.

Auguſt. de
doct. chri.
li. 2. ca. 15.

Cap. 15.

Ioan. 1. ca.
 Aug. sup.
 Ioan. tra.
 2.

si non sit doctissimus. Igitur aut illarum linguarum ex quibus in latinam scripturam peruenit, petenda cognitio est, aut habenda interpretationes eorum, qui se verbis nimis obstrinxerunt, non quia sufficiunt, sed ut ex eis libertas, vel error dirigatur aliorum, qui non magis verba, quam sententias interpretando sequi maluerunt. Et infra: In ipsis autem, inquit, interpretationibus Itala cateris praeferatur: nam est verborum tenacior cum perspicuitate sententiae. Hac ille. Vnde cum latinus interpres sacra scriptura verbis se obstrinxisset, vulgata editione non nihil barbarisimi, aut solacisimi commisit. Vti dum inquit, qui non ex sanguinibus, &c. Quem locum beatus Augustinus exponens, inquit: Sanguina non est latinum. Sed quia Graece positum est pluraliter, maluit ille, qui interpretabatur, sic ponere, & quasi minus latine loqui secundum Grammaticos, & tamen explicare veritatem secundum auditum infirmorum. Si enim diceret ex sanguine, singulari numero, non explicaret, quod volebat. Ex sanguinibus enim homines nascuntur, maris & foeminae. Dicamus ergo, non timeamus ferulas Grammaticorum, dum tamen ad veritatem solidam, & certiore perueniamus. Reprehendit, qui intelligit, ingratus, quia intellexit. Hac ille. Sed sermonis vitia cum ob multas causas in humanis scripturis excusentur, multo honestius in diuina scriptura, praecipue cum non varient sensum, excusanda sunt.

Quint. lib.
 capit. 9.

Quintilianus enim: prima inquit, barbarisimi, ac solacisimi foeditas absit: sed quia interim excusantur

hæc vitia, aut consuetudine, aut auctoritate, aut vetustitate, aut denique vicinitate virtutum: nam sæpe à figuris ea separare difficile est. Et infra: Solæcismi porro vitium non est in sensu, sed in complexu, &c. Cui correspondet etiam Tullius dicens: Formantur autem & verba, & sententiæ penè innumerabiles, quod satis scio notum esse vobis, sed inter conformationem verborum & sententiarum hoc interest, quod verborum tollitur venustas, si verba mutaris, sententiarum permanet, quibuscunque verbis uti velis. Hæc ille. Sermonis quoque vitia pœticam orationem nonnihil ornare, beatas Augustinus testatur, dicens. Solæcismos, & barbarismos quos vocant, pœtæ admauerunt, quæ schemata et Metaplasmos mutatus appellare nominibus, quàm manifesta vitia fugere maluerunt. Detrahe tamen ista carminibus, suavisissima condimenta desiderabimus. Viros etiã doctos verborum vitijs non caruisse illemet infra testatur, dum ait: Solæcismos autem quos dicimus, fortasse quisquã doctus diligenter attendens in oratione mea reperiet: non enim defuit, qui mihi nonnulla huiusmodi vitia ipsum Ciceronem fecisse peritissime persuasit, &c. Diuinã igitur scripturam ab humana-rũ disciplinarũ viris eruditis maiore eloquentia transferri, quàm à prophetis scribi, nõ decebat. Ided sacra scriptura sermo inornatus, cum nõ sit contra fidem nec bonos mores, providentiã diuinã ascribendus est. Unde primitiua ecclesia eloquentes viros ad fidem prædicandam, & ad diuinam scripturam transferendã non habuit, quod si qui postea ad illã accesserũt, iam

Cic. de Or.
rat. lib. 3.

August. de
ordin. lib.
2. c. 4. 17.

tunc

tunc diuina scriptura erat in alias linguas translata.

Vulgatæ diuinæ scripturæ translationis, nec verba, nec locutiones sunt variandæ.

Cap. XVI.

Quint. li. 1.
cap. 10.

ET cùm vulgata translatio nullum errorem contineat, illam variare, eò quòd non sit elegans, contra religionem est. Nam religionis antiqua verba, teste Quintiliano non sunt varianda. Saliorum, inquit, carmina vix sacerdotibus suis satis intellecta, sed illa mutari, vetat religio. & consecratis vtendum est. Tantum ille: Vnde infideles humanarum disciplinarum viri eruditi, religiosiores in cultu idolorum, quàm aliqui christiani Grammatici in veri Dei cultu fuerunt. Illi enim falsæ religionis verbis consecratis vtendum, isti verò religionis christianæ antiqua verba mutanda aut potius abolenda definiunt. Illi profectò idolorum religionem, verborum cultui, isti verò sermonis ornatum christianæ religioni prattulerunt. Hinc quisq; prudens vir animaduertere poterit, quanti recentes interpretes penderint religionē, cùm verba antiqua ab ecclesia tot seculis recepta, mutauēre: vti vacula, saluator, in seruator mutarunt. Istam quidem esse magis latinam non inficior, tamē æquē religiosam esse, omninò nego. Vnde qui mauult, latinē, quàm religiosē loqui, dicat seruator: qui verò mauult religiosē quàm latinē loqui, dicat saluator, quia sic ecclesia secundum antiquam vulgatam translationem solita est loqui. cùm inquit: Qui natus est hodie vobis saluator, qui est Christus dominus in ciuitate

Luc. ca. 2.

ciuitate Dauid. Veteris enim translationis diuina scriptura verba non esse mutanda, testatur Ambrosius, cum ait: Agnouit bos possessorem suum, & asina prae sepe domini sui, imò praesepium dixerim, sicut scripsit qui transtulit. Nihil enim apud me distat in verbo, quod non distat in sensu. Hec ille: Vnusquisque igitur pius vir potius cum Ambrosio, quàm cum Erasmo, ceterisque neotericis interpretibus saluator dicat, quia sic dixit interpretes, & ecclesia semper sic locuta fuit. De similibus quoque similis habenda est ratio.

Ab hac enim verborum mutatione maxime cauendum est, nam huiusmodi variatio magis ambitiosa est, quàm religiosa: atque ita ad haereses aperit viam, quia ut sapiens ait: Qui spernit modica, paulatim decidet. Ita, qui in verbis, Ecclesia consensionem spernunt, paulatim etiam à communi sensu fidei deficient. Qui etiam de eodem sensu, sed non de eisdem verbis consentiunt, de nomine tantum litigant. Hieronymus enim ait: Nolumus igitur immutare, quod ab antiquis legebatur, quia idem sensus erat. Et infra: Et quæso, inquit, vos, ut huiusmodi ineptias, & superfluas contentiones, ubi nulla est sensus mutatio, declinetis. Tantum ille. Vnde ecclesiastici doctores quamquam in vulgata translatione aut ambiguum, aut minus explicitè aliquid translatum animaduertissent, nec verba, nec phrasin mutarunt. Verum in suis commentarijs aut illa loca exposuerunt, aut aliquam annotationem ex latere addiderunt. Istud se fecisse beatus testatur Hieronymus, dicens. Et miror quomodo è latere annotationem nostram, nescio quis temerarius

Amb. Luc.

2. cap.

Eccl. 19. 4.

Hieron. ad
Suinam, &
Fretel.

scribendam in corpore putauerit, quam nos pro eruditione legentis scripsimus. Eiusdem sententia est paulo inferius, dicens: Hoc enim inquit, quod septuaginta interpretes transtulerunt, propter vetustatem in ecclesia decantandum est, & illud ab eruditis sciendum propter noticiam scripturarum. Vnde si quid pro studio ex latere additum est, non debet poni in corpore, ne priorem translationem pro scribentium voluntate conturbet. Simile quid beatus Ambrosius super Luca Euangelium fecit: nam cum vulgata editio dicat. Venerunt autem & publicani vt baptizarentur, & dixerunt ad illum. Magister, quid faciemus? At ille dixit ad eos: Nihil amplius, quam quod constitutum est vobis, faciatis. Ille exponens inquit. Singulis quoque generibus hominum conueniens tribuit sanctus baptista Iohannes responsum vnum omnibus, ita publicanus, ne vltra prescripta exigant, &c. Quod enim vulgata editio verbum è verbo transferens dixit, faciatis, Ambrosius exposuit dicens, exigatis. Beatus quoque Augustinus eodem modo exponit, cum inquit: Et quos baptista Iohannes alloquitur exactores, &c. Sed nouus Augustini commentator, Luca, inquit, tertio sic vulgò legitur: Venerunt autem publicani, vt baptizarentur, & dixerunt ad illum: Magister, quid faciemus? At ille dixit ad eos: Nihil amplius, quam quod constitutum est vobis facite, pro facite est græcè περὶ αὐτοῦ, quod primus annotauit Erasmus vertendum, exigite. Hinc Augustinus rectè exactores nominat, qui dicuntur τελωναί. Quod si iste tam versatus in religiosis,

Amb. sup.
Luc. 3. cap.

Aug. de ci
uit. Dei li.
3. cap. 19.
L. Viues.

ligiosis, quàm in prophanis scripturis fuisset, profecto intellexisset multis seculis ante Erasimum illud ab Ambrosio fuisse annotatum. Veruntamen Ambrosius honorans vulgatam editionem, faciatis exposuit per exigatis: Sed Erasmus Grammaticorum more, ignorantia interpretem taxans, quanquam idem sit sensus, in sua noua translatione verba consecrata irreligiosè mutauit. Alterius etiam linguæ seu verba, seu proprietates reperta in vulgata translatione, ut illa uocula, scandalum, & illud maior horum charitas, non sunt varianda, quia idem est sensus. Hieronymus: siue septuaginta interpretes, siue apostoli id curasse, ut quoniam prima ecclesia ex Iudeis fuerat congregata, nihil ad credentium scandalum innouarent, sed ita ut à paruo imbibierant, traderet: postea uero quàm in vniuersas gentes Euangelij dilatatus est sermo, non potuisse semel suscepta mutari, licet & illud in libris suis, quos ἑρμηνεύουσιν vocant, Origenes asserit, propter vernaculum linguæ vniuscuiusque idioma non posse ita apud alios sonare, ut apud suos dicta sunt, & multò melius esse non interpretata ponere, quàm vim eorum interpretatione tenuare. Cum quibus etiam conuenit Augustinus. Nam non solum, iuquit, verba singula, sed etiam locutiones sapè transferuntur, quæ omnino in latina linguæ vsum, si quis consuetudinem veterum, qui latine loquuti sunt, tenere voluerit, transire non possent, etc. Versatis quidem in lectione sacra scriptura, et veritatis amantibus tantum abest, ut sacra scriptura vulgata editio verbis inornata, ut potius humanis

Hieron. ad
Marc.

August. de
doct. chri.
li. 2. ca. 13.

August. de scripturis appareat ornatior. Vt manifestè docet Augustinus: Quanquam tanta est, inquit, vis consuetudinis etiam ad discendum, vt qui in scripturis sanctis quodammodo nutriti, educatiq; sunt, magis alias locutiones mirentur, eas minus latinas putant, quàm illos, quas in scripturis dedicerunt, neque in latina lingua auctoribus reperiuntur, &c. In presenti seculo sacrorum doctorum lectionem propter stili humilitatem fastidientes, non deesse, Erasmus de libris Augustini differens, testatur dicens: Tandem vsus, vt fit, in naturam abiit. Ita denique factum est, vt horum die nec à tenuiter literatis satis intelligatur, & à politioribus non sine tadio legatur, nisi pietas excludat fastidium. Hac ille: Sicut enim, qui stomachi fastidio laborant, libentiùs mortiferos, quàm salutes cibos edunt: ita in hoc infeliciſſimo seculo multi potiùs recentes sectarios scriptores, quàm priscos catholicos doctores legunt, & hæreses verborum cultu ornatas magis, quàm catholicam fidem amplexantur. Istius fastidij causam beatus Augustinus exponit, dicens:

August. de Vtrum enim ignoscere producta tertia syllaba, vel correpta dicatur, non multum curat, qui peccatis suis Deum, vt ignoscat, petit, quolibet modo illud verbum sonare potuerit. Quid est ergo integritas locutionis, nisi latina consuetudinis conseruatio, loquentium veterum auctoritate firmata? sed tamen eò magis inde offenduntur homines, quo infirmiores sunt, & eò sunt infirmiores, quò doctiores esse volunt, non rerum scientia, qua edificamur, sed signorum, qua non inflari omnino, difficile est, cum & ipsa rerum scientia se-

pe ceruicem erigat, nisi dominico reprimatur iugo.

Sine humanarum disciplinarum exacta eruditione, diuinæ scripturæ explicita noticia habetur.

Augustinus quidem docens qualiter humanarum scientiarum eruditi viri sacros doctores legere debeant, ait: Sed illud planè non prætereundū est, vt si ad te quisquam catechizandus venerit, liberalibus doctrinis excultus. Et infra: Nec ipse sanè inutiliter interrogatur, quibus rebus motus sit, vt velit esse Christianus, vt si libris ei persuasum videris siue canonicis, siue vtilium tractatorum, de his aliquid in principio loquaris, collaudans eos pro diuersitate meritum canonica auctoritatis, & exponentium solertissima diligētia, maximeq; commendans in scripturis canonicis admiranda altitudinis saluberrimā humilitatem: in illis autem pro sua cuiusque facultate aptum superbioribus, & per hoc inferioribus animis stilum sonantioris, & quasi ornatoris eloquiū. Item paulo inferius inquit: Si autem in alicuius heretici volumina incurrit, & nesciens fortè, quod vera fides improbat, tenuit animo, & catholicum esse arbitrat, sedulo edocendus est, prælata auctoritate vniuersalis ecclesiæ, aliorumq; doctissimorum hominum & disputationibus, & scriptionibus in eius auctoritate florentium. Etiam in eodem libro: Sunt item, inquit, quidam de scholis visitatissimis Grammaticorum, oratorumq; venientes, quos neque inter idiotas numerare audeas, neque inter illos doctissimos, quo-

Cap. XVII.
Aug. de cā
techizan.
rud. cap. 8.

Cap. 9.

rum mens magnarum rerum est exercitata. quæstionibus. His ergo qui loquendi arte ceteris hominibus excellere videntur, cum veniunt, ut christiani fiant, hoc amplius, quàm illis illiteratis impartiri debemus quod sedulo monendi sunt, ut humilitate induti christiana, discant nō contemnere. quos cognouerint, morum vitia, quàm verborum amplius deuitare, & cordi casto, linguam exercitaram nec conferre audeāt, quam etiam præferre consueuerant. Maximè autem isti docendi sunt, scripturas audire diuinas, ne sordet eis solidum eloquium, quia non est inflatum. Infrà etiam ait: His enim maximè vrile est, nosse, ita esse verbis præponendas sententias, ut præponitur animus corpori, ex quo fit, ut ita malle debeāt veriores, quàm disertiores audire sermones. sicut malle debent, priuatiōres, quàm formosiores habere amicos. Nouerint etiā nō esse vocem ad aures Dei, nisi animi affectum: ita enim non irridebunt, si aliquos antistites, & ministros ecclesia fortè animaduenterint, vel cum barbarismis, & solæcismis Deum inuocare, vel eadem verbis, quæ pronunciant, non intelligere, perturbatèq; distinguere, &c. Atque hæc quidem omnia, quæ Beatus Augustinus eruditis catechizandis dixit, potius omnibus baptizatis dicta esse existimandum est, & maximè illis, qui linguarum eruditione pollent. Nam huiusmodi scholasticos Theologos, iurisq; peritos, eò quod non sint eloquentes, non esse sapientes existimant, uti illorum quidam testatur, dum ait: Mihi nequaquā potuit illud declarari, quò pacto librum quis intelligat, quacunque de re sit ille composit-

L. Viues, in
Aug. de ci
uit. Dei li.
2, cap. 13.

compositus, qui linguam, qua scriptus est, ignoret. Sape hac de re cum hominibus meo iudicio non imperitis, suo peritissimis, disputaui, me non intelligere dicebam, queniadmodum Scotus, Occam, & similes sacros scriptores intelligere, atque enarrare potuerint. Accursius, Bartholus, & Baldus iura cum latine nesciuerint, quo sermone & hac & illi traditi essent, &c. Sed profecto ille decipitur: Nam sicut Paulus imperitus sermone, sed non scientia fuit: ita Scotus, caterique, quos ille commemorat, fuerunt. Quinimodo Paulus per illas vocolas, imperitus sermone, non negat se habere mediocrem, sed exactam peritiam sermonis: habuit enim, quantam ad diuina mysteria explicanda oportuit. Vnde falluntur Grammatici illi, qui talem noticiam ignorantiam existimant, cum tamen ignorantia non sit, quia multo maior est numerus eorum, qui cum mediocri lingue noticia, & viua magistri voce disciplinarum perfectam & explicatiorem noticiam adepti sunt, quam eorum, qui sine magistro sermonis peritos se profitentur. Nam vnaqueque disciplina precipue theologia doctorem, & lumen merito desiderat. De scholasticis vero theologis, & iuris peritis idem, quod beatus Augustinus de sua matre, candidè existimandum est. Sed tu, inquit, contemptus vel puerilibus rebus, vel ad te non pertinentibus, ita Grammatica penè diuinam vim naturamque cognoscis, vt eius animam tenuisse, corpus reliquisse disertis videaris. Hoc enim de ceteris huiusmodi artibus dixerim, quas si penitus fortasse contemnis, admoneo te quantum filius, audeo quantum permit-

Aug. de or
d. lib. 2. ca.
17.

Quint. li. 8.
capit. 3

ris, ut fidem istam tuam, quam venerandis mysterijs percepisti, firmè, cautèq³ custodias: deinde, ut in hac vita, atque moribus constanter, vigilanterq³ permanes. Tantum igitur ille de verborum ornatu: quæ omnia non certè quodd eloquentiam damnem, sed quo illi sapientiam præferam, in medium adduxi: & si qui sunt contrarium opinantes, illis cum Quintiliano respondeo: Quare, inquit, nemo ex corruptis dicat, me inimicum esse cultè dicentibus. Non nego hanc esse virtutem, sed illis eam non tribuo. An ego fundum cultiorem putem, in quo mihi quis ostenderet lilia, et violas, & amenos fontes surgentes, quàm ubi plena messis, aut graues fructu vites erunt? sterilem platenum, tonsasq³ myrtos, quàm maritam vlmum, & vberas oleas præoptarim? Habeant illa diuites, licet, quid essent? si aliud nihil haberent? Nullus ne ergo etiam fructiferis adhibendus est decor? quis negat? Hæc ille: Sed cum non cuius tum sapientia, tum eloquentia pollere datum sit, meritò sicut auari, plus rude, quàm laboratum aurum existimant: ita philosophi ubi plus eloquentia, minus esse sapientie existimant. Atque hæc quidem disciplinarum æstimatio, maximè in theologia æquissima est, quia diuinam sapientiam humana eloquentia non decet.

In religione, sicut in disciplinis humanis fit, nouis interdum uti verbis oportet.

Ca. XVIII.

NEminem quidem latet, hominum societatem, humanasq³ disciplinas certam locutio-

nemo

nem exigere. nam verborum mutatio, perinde ac linguarum confusio societatem dissoluit. Multi etiam propter verborum mutationem non solum à disciplinarum, sed à fidei communi sensu defecerunt: locutionis enim variatio sensum nonnunquam variat.

Quare certam locutionem in omnibus disciplinis servare, ut Quintilianus, docet, oportet. Quid enim, inquit, tam necessarium, quam certa locutio? Imò inbarendum ei iudico, quoad licet. Ille profectò per ista verba, quoad licet, quod quando veritas laborat, ad illam explicandam novis verbis uti oporteat, significat. Nam ad cauendum ambiguitates, & varios sensus latentes, aut in communibus, aut translatis verbis, propria verba sunt necessaria. Verum cum nulla lingua ad singulas rerum proprietates explicandas propria habeat verba, ideo disciplinarum professoribus, aut nova verba, aut antiquis novam significationem dare, non solum licuit, sed fuit necessarium. Ad vulgares quidem res explicandas quando propria verba defunt, non solum viri eruditi, sed indocta plebs verbis utitur translatis. At in disciplinis huiusmodi locutio tantum abest, ut ad dogmatum veritatem explicanda conducatur, ut potius illam ambiguam reddat. Vnde vnaquæque ars, & disciplina specialibus indiget verbis, ut Tullius exponit, dum ait: Stoicorum autem non ignoras, quam sit subtile, vel spinosum potius differendi genus, idque cum grecis, tum nobis magis, quibus etiam verba parienda sunt, imponendaque nova novis rebus nomina, quod quidem nemo mediocriter doctus mirabitur, cogitans in omni arte, cuius usus vulgaris

Quint. lib.
1. cap. 9.

Cic. de fin.
libro 3.

communisq; non sit, multam nouitatem nominum esse, cum constituantur earum rerum vocabula, quæ in quaque arte versentur. Itaq; & Dialectici, & Physici, verbis vtuntur ijs, quæ ipsi Græcia nota non sunt. Geometra verò, Musici, Grammatici etiã more quodam loquuntur suo. Item ipsæ Rhetorum artes, quæ sunt tota forenses, atq; populares, verbis tamen in dicendo quasi priuatis vtuntur, ac suis. Atq; vt omit tam has artes elegâtes, et ingenuas, nec opifices quidem sua artificia tueri possent, nisi vocabulis vterentur nobis incognitis, vsitatis sibi. Quinetiam agricultura, quæ abhorret ab omni polutiore elegantia: tamen eas res, in quibus versatur, nominibus notauit nouis: quo magis hoc philosopho faciendũ est? Ars est enim philosophia vita, de qua disserens, arripere verba de foro nõ potest, quanquã ex omnibus philosophis stoici plurima nominauerunt. Zeno quoq; eorũ princeps non tam rerum inuentor fuit, quàm nouorum verborum. Quod si in ea lingua, quam pleriq; vberiorem putant, concessum à Græcia est, vt doctissimi homines de rebus non peruulgatis, inusitatis verbis vterentur, quanto id vel nobis magis est concedendũ? qui ea nunc primum audemus attingerẽ. Hæc ille: Et non solum in humanis disciplinis, sed etiam in religionẽ verborum nouitas est necessaria. Augustinus: audite, inquit, apostolum talia præuidentem, & ea vitanda salubriter admonentem: Prophanas, inquit, verborum nouitates deuita: multum enim proficiunt ad impietatem, & sermo eorum sicut cancer serpit. Et non ait, verborum nouitates, sed addit. prophanas: sunt

sunt enim & doctrina religionis congruentes verborum nouitates, sicut ipsum nomen christianorum, quando dici ceperit, scriptum est. In Anthiochia enim primum post ascensionem Domini appellati sunt discipuli christiani, sicut legitur in actis apostolorum, & xenodochia, & monasteria postea sunt appellata nouis nominibus, res tamen ipsa & ante nomina sua erant, & religionis veritate firmanur, quæ etiã contra impios defendantur. Aduersus impietatem quoque Arrianorum hæreticorum nouum nomen patres Homoufion condiderunt, sed non rem nouam tali nomine signauerunt. Hoc enim vocatur Homoufion, quod est, ego et pater vnũ sumus, vnus videlicet, eiusdemque substantiæ. Nam si omnis nouitas prophana esset, nec à domino diceretur, mandatum nouum do vobis: nec testamentum appellaretur nouum. Tantum ille. Paulus igitur non quamcunque verborum nouitatem, sed illam, quæ aut non est necessaria ad verum explicandum sensum, aut noua, falsaque dogmata astringit, & damnat.

Linguarum doctrina tum cognitio ad cæterarum disciplinarum propria vocabula cognoscenda, parum, aut nihil prodest.

Cap. XIX.

Verborum igitur quemadmodum quadam vulgaris, quadam verò vniuscuiusque disciplina sunt propria. Similiter verborum significatio quadam vulgaris, quadam verò specialis est: verbi gratia, hæc vocula, verbum, latine quacumque orationis partem: Grammaticè tantum vnã:

in

in christiana verò religione Dei filium significat. Istarum significationum prima, scilicet latina, vulgaris, communisq; est, alia verò speciales sunt. Vnde latinus tantum, non Grammaticus primam significationem intelligit, sed secundam ignorat, quia propria Grammatica artis est, quam ille ignorat. Au-

August. de gustinus: Nam neq; ipsa, inquit, arte Grammatica, doct. chri. qua discitur locutionis integritas, indigerent pueri, li. 4. ca. 3. si eis inter homines, qui integrè loquerentur, crescere daretur, & viuere. Nescientes quippe vlla nomina vitiorum, quicquid vitiorum cuiusquam ore loquentis audirent, sana sua consuetudine reprehenderent, & cauere, sicut rusticos urbani reprehendunt, etiam qui littetas nesciunt. Hac ille: Similiter latinus et Grammaticus, non christianus et si primam, & secundam, tamen tertiam significationem non intelligit, quia Euangelium ignorat, cuius ista specialis est significatio. Quare viri eruditi, modeste sapientes inter vulgaria, & artium propria verba, & inter verborum communem & particularem significationem, distinctionem constituunt: quia illa omnibus peritis linguarum, ista verò tantum eruditis in specialibus disciplinis nota sunt: quā distinctionem aliqui Grammatici non animaduertentes, illorumq; sectatores eum in humanis disciplinis, tum in fide non raro allucinati fuerunt, veluti quidam, dum ait: Persona est, Laur. Vall. inquit Boëtius, incommutabilis naturæ indiuidua sub- li. 6: ca. 33, stancia, existimans se argumentatione collegisse, quasi non sit qualitas, nec aliud predicamentum vltimum, sed substantia: sed huic homini Romano ostendam

dam Romanè loqui nescire, &c. Verùm si ille inter vulgarem, & specialem significationem distinxisset, non temerè Boëtium reprehendisset. Nam iste non iuxta vulgarem, sed secundum specialem significationem personam definit: & quemadmodum si quis Latinus, non Grammaticus aduersus Donatum dicentem, verbum est, quod significat cum tempore, &c. obijceret, quod verbum non solum vnā, sed omnes orationis partes significat, se ignorare Grammaticā ostenderet: ita reprehendens Boëtium in definitione personæ, se ignorare philosophiam, seu Dialecticam præsert. Nam rationalis natura substantia per se primò subsistens, à philosophis persona appellatur. Verùm illi, voce persona in speciali significatione non ad vulgariter loquendum, sed ad substantiæ proprietates explicandas vtuntur. Quare, quanquam secundum vulgarem significationem Petro plures personæ accidunt, nam Petrus ad Christum persona apostoli, ad Andreā persona fratris, & ad plebem pastoris persona est, tamen secundum specialem significationem, Petrus tantum est vna persona, id est indiuidua substantia per se subsistens. Vnde cū ille specialem significationē ignorasset, ex isto paruo errore in principio, ortus est alius maior in progressu, videlicet, quod personæ diuinæ sunt qualitates. Tales, inquit, qualitates statuo in Deo, & has personas dico, quæ ab eo abesse non possunt, & qualitatem significare non substantiam, vt Boëtius voluit, qui nos barbarè loqui docuit. Ille profectò in Deo cum essentia vnitæ esse tres personas, non aliter, quàm secundum vulgarem signifi-

L. Valla.

significationem intellexit: inquit enim. Quamquam Boëtius ipse viderit, quomodo persona est substantia. Sunt autem in Deo tres personæ, & non tres substantias illi adesse, intelligamus. Ille igitur sicut in Petro est vna substantia, & multiplex persona iuxta vulgarem significationem, ita esse in Deo profitetur: sed talis assertio Sabellij hæresis est, negantis in Deo realem Trinitatem. Nam aliter in Deo, quàm in Petro est multiplex persona, quod Christus exponit, dùm ait: Ego & pater vnum sumus, quod certè Petrus dicere non poterit: non enim dicet, ego & Christi apostolus, & pastor ouium vnum sumus, quia in Deo pater non est filius, atque ideò in plurali dixit, sumus: in Petro verò Christi apostolus, & pastor ouium est Andrea frater, quia personæ secundum vulgarem latinā significationem non ponunt distinctionem realem, at pluralitas personarum in significatione speciali distinctionem realem necessario exigit.

Ad tenendam fidem antiquam, vti antiquis verbis, non est necesse.

Cap. XX.

PRæterea scholastici theologi ad explicandam in Christo esse duas naturas, & tantum vnā personam, hac voce, HUMANITAS, potius, quàm illa, HOMO, vtendum esse definiunt: atque ita illi non dicunt, Deum assumpsisse hominem, sed humanitatem, aduersus quos beati Augustini locutionem, videlicet: incommutabilis Deus, absit vt contaminationem timeret ex homine, quo indutus est, quidam obijcit, dicens: Sic semper Augustinus & Hieronymus.

&

L. Viues in
Aug. de ci-
uit. Dei li.
9. cap. 17.

& ceteri latini scriptores nostra religionis. Græci αὐτὰρ ἐπεὶ in Christo dicunt, id est, hominem, nec ferre norunt aliud loquendi genus, cum de assumpto à filio Dei homine loquuntur. Recentiores theologi, ut ipsi soli de cælo cecidisse videantur, scrutata tota Christi & diuinitate, & humanitate, inuenerunt, non hominem assumpsisse, sed humanitatem, & hoc dicunt esse aduersus hæreticos tutissimum, ceu parum tuti essemus futuri, Augustini & Hieronymi dictis muniti. Hæc ille: Sed us nimirum fallitur, nam ut non recedamus à fide ecclesie in quibusdam dogmatibus explicandis, à verbis antiquorum patrum oportet recedere, nec per hoc quod recedimus à verbis, recedimus à sensu. Nam postquam aliqui, perperam intelligentes patrum verba, lapsi sunt in hæresin, ne alij similiter errent, nouis verbis utendum est. Sunt enim quædam verba, quæ à patribus in vero sensu dicta sunt, tamen ab audiente possunt malè & benè intelligi, quod Augustinus exponit, dum ait: Sed his accidit aliud genus, sanè latè patens, & semen innumerabilium dissensionum, atque certaminum, cum ille qui loquitur, eadem quidem significat, quæ cogitat, sed plerumq; tantum sibi, et alijs quibusdam: ei verò cui loquitur, & item alijs nonnullis non idem significat. Tantum ille. Simili modo ista verba. Deus assumpsit hominem, possunt malè & benè intelligi, & quia à Nestorio hæretico fuere malè intellecta, idèò scholastici theologi illā vocolā, hominem, mutare in humanitatem voluere. Nam eo quod Dei filius factus est homo, in Christo non sunt dua persone, sed

August. de
Ma. lib.
cap. 13.

sed vna tantum diuina persona, & hoc explicatur, cum dicimus, Deus assumpsit humanitatem, quia homo suppositi est nomē, humanitas verò nomen est natura. Sed nouus ille Augustini commentator hanc rationem vilipendens, inquit: Quis hæreticus non se irridere nos putet, si hisce vtatur? quis non irrideri, si vtamur? Illi profectò hæretici, & Grammatici illam rationem irriderent, qui verborum specialem significationem ignorarent, sed quàm necessarium sit distinguere nomen suppositi à nomine naturæ, fides symbolum docet, cum loquens de filio ait: Et ex patre natum Deum de Deo, &c. Deus quidem est nomē suppositi, Deitas verò est nomen naturæ: & quia in Deo sunt tres personæ, id est, tria supposita, idè fides catholica confitetur, quòd Deus genuit Deum, & Deus generatur à Deo, id est, Deus pater genuit Deum filium, & filius est Deus de Deo. At quia in Deo tantum est vna natura, id est, Deitas, idè fides catholica asserentes quod Deitas generat, aut generatur, hæreses damnat. Nulli enim dubium est, quin hæc duo nomina, Deitas & Deus, idem significant: tamen ex vario modo significandi, quem Grammatici non animaduertunt, illa assertio est catholica, Deus generat, & generatur: at ista est hæretica, Deitas generat & generatur. Simili modo ista assertio est catholica, Deus assumpsit humanitatem: Illa verò, Deus assumpsit hominem, est hæretica. Nam sicut album significat albedinem subiecto inherentem, propter quod album est concretum, ita homo significat humanitatem suppositatam, seu personatam, vt sic loquar, propter quod homo

homo est nomen suppositi. Quare si verbum assumpsisset hominem, tunc in Christo fuissent dua persona, videlicet diuina, & humana, quod est hæreticum. Similiter sicut, licet albedo nunquam nõ inhereat, hæc vocula albedo, perinde ac si nõ inhereat, illam significat, propter quod albedo est abstractum: ita licet hominis natura nunquam non sit in persona, id est, in homine, tamen hoc verbum humanitas, perinde ac si non esset in persona, illam significat. Quare humanitas est nomen naturæ, & cum Dei filius hominis naturam assumpsisset ad vnitatem personæ, idè humanitas Christi non in humana, sed in diuina persona fuit suppositata, & personata. Vnde in Christo vna tantum persona, scilicet diuina, in duabus naturis, quia Deus non personam sed humanitatem assumpsit. Atque hæc est causa quare ad hanc veritatem explicandam, theologi illo verbo, HUMANITAS, & non isto, HOMO, vtuntur, & quanquam in verbis illi dissentiant ab antiquis patribus, non dissentiunt in sensu. Imò quamuis ante exortas hæreses illa locutio sufficiebat, tamen postea non sufficit, quia homines facilius sensum, quam verum sensum ex verbis ambiguis percipiunt. Antiqui etiam quidam patres, humanitatem non hominem Dei filium assumpsisse, dixerunt. Leo enim papa ait: Dei namq³ filius secundum plenitudinem temporis, quam diuini consilij inscrutabilis altitudo disposuit, reconciliandam auctori suo naturam generis assumpsit humani. Athanasius quoq³ de Christo inquit: Qui licet Deus sit & homo, non duo tamen, sed vnus est Christus:

Leo papa
sermon. 1.
natiuit.

Athan. in
symbol.

vnus autem non conuersione diuinitatis in carnem, sed assumptione humanitatis in Deum. Nonnulli profecto linguarum periti inter suppositum, et naturam, & inter istas locutiones: Deus assumpsit hominem, & Deus assumpsit humanitatem non distinguunt, quia illarum rerum noticiam discere contemnunt. Veluti Grammaticus ille à Ceperino philosopho ignorantia reuictus, de quo Gellius ait: Tum ille ostentator voce tam molli, atq; demissa: philosophias ego, inquit, non didici, nec discere appetiui. &c.

Gell. lib. 4
cap. 1.

Religionis antiquata verba non sunt retinenda.

Cap. XXI.

Athan. in
symbol.

Eras. in ar-
gum. lib. 3.
Irenæi.

Praterea scholastici ad explicandum quod in Christo duæ natura, videlicet Deitas, & humanitas non sunt confusæ, iuxta Athanasij sententiam dicentis: Vnus omnino, non confusione substantiæ, sed vnitæte personæ verbo vniendi vtuntur. Sed Erasmus Irenæi & Augustini locutiones illis opponit, dicens: Capitulo vigesimo primo dicit (scilicet Irenæus) filium hominis commixtum verbo Dei, pio quidem sensu, sed verbo, quod nunc auersantur, theologorum aures, cum à permiscendi, miscendiq; vocabulis non abhorruerit Augustinus epistola tertia: tametsi quod Augustinus dixit, durius est dicto Irenæi: Ait enim, quomodo Deus homini permixtus sit: Irenæus dicit, hominem Deo commixtum. Solum autem vniendi verbum nunc placet scholis, cum nulla vox sit magis impia, nisi benignè interpretemur. Hæc ob eos commemoro, qui miras concitant Tragedias ob voculas, quarum emphasin interdum

non intelligunt. Tantum ille. Irenæus quidem ver- Iren. lib. 3.
bo commiscendi semel, vniendi vero verbo non raro capite 20.
fuit usus. Inquit enim, offensio manifeste quod in
principio verbum existens apud Deum, per quem
omnia facta sunt, qui & semper aderat generi hu-
mano, huic nouissimis temporibus secundum præfina-
tum tempus à patre vnitum suo plasmati, passibilem
hominem factum. Et infra: Est enim, inquit pijsi-
mus & misericors dominus, & amans humanum ge-
nus: hæc itaque fecit, & aduniuit, quemadmo-
dum prædiximus hominem Deo. Cum quibus con- Libro 5.
ueniunt, quæ alio loco dixit. Vani autem & Ebionei
vnitionem Dei & hominis per fidem non recipientes
in suam animam. Et infra: Quoniam quemadmodum,
inquit, ab initio plasmationis nostræ in Adā; ea quæ
fuit à Deo inspiratio vitæ, vnita plasmati, animauit
hominem, & animal rationale ostendit. Sic in fine
Verbum patris, & spiritus Dei adunitus antiquæ sub-
stantiæ plasmationis Adæ, viuentem & perfectum ef-
ficat hominem. Hæc ille. Vnde ecclesiasticis scriptori-
bus iuxta ecclesiæ communem sensum verbo vniendi
ab Irenæo frequentato vtiæ, verba permiscendi et
commiscendi, antiquata fuerunt, sed verba abrogata
retinere, præcipue illa, quæ ambiguū, aut falsum sen-
sum habent, nõ veritatis, sed erroris amanti est. Ver-
bis quidem abolitis non esse vtendum, Quintilianus Quint. li. 1.
exponit, dum ait: Quid enim tã necessarium, quàm ca. 9. & 10.
certa locutio? imò in hærendum ei iudico, quoad licet,
diu enim mutantibus repugnandū: sed abolita, atq;
abrogata retinere, insolentia cuiusdam est, & frivo-

la in paruis iactantia. Et infra: Oratio verò, inquit, cuius summa virtus est perspicuitas, quàm sit vitiosa, si egeat interprete. Ergo vt nouorum optima erunt maximè vetera, ita veterum maximè noua. Similis circa auctoritatem ratio: nam, etiamsi potest videri nihil peccare, qui vtitur his verbis, quæ summi auctores tradiderunt, multum tamen refert, non solum quid dixerint, sed etiam quid persuaferint. Neque tuburchi abundum, & lurch abundum iam in nobis quisquam ferat, licet Cato sit auctor. Nec hos lodices, quanquam Pollioni id placeat, nec gladiola, atqui Messala dixit, nec parricidatum, quod in Cælio vix tolerabile videtur, nec collos mihi Caluus persuaferit, quæ nec ipsi iam dicerent. Similiter istæ locutiones, videlicet, hominem permixtum, et commixtum Deo, quis ferat? Et licet Irenæus, Augustinus, Hieronymus, & ceteri antiqui patres sint auctores, nec ipsi iam dicerent. Neque etiam video, qualiter, quod Augustinus dixit, durius sit dicto Irenæi: tum, quia verba commiscendi, & permiscendi sunt synonyma, tum quia Augustinus significationem verbi permiscendi, quæ vtitur, exponit, Irenæus verò verbum commiscendi simili indigens expositione, non explicat.

Aug. cpi. 3. Ille enim ait: Si autem quidam reddi sibi rationem flagitant, quomodo Deus homini permixtus sit, vt vna fieret persona Christi, cum hoc semel fieri oportuerit, quasi rationem sibi reddant de re, quæ quotidie fit, quomodo misceatur anima corpori, vt vna persona fiat hominis? Nam sicut in vnitæte personæ anima vnitur corpori, vt homo sit, ita in vnitæte personæ
Deus

Deus vnitur homini, vt Christus sit. In illa ergo persona mixtura est anima & corporis: in hac persona est mixtura Dei & hominis: si tamen recedat auditor à consuetudine corporum, qua solent duo liquores ita commisceri, vt neuter seruet integritatem suam, quanquam & ipsis corporibus aëri lux incorrupta misceatur. Ergo persona hominis, mixtura est anima & corporis: persona autem Christi mixtura est Dei & hominis. Beatus igitur Augustinus non in significatione propria, sed impropria utitur verbo permiscendi: at scholastici doctores in explicandis fidei dogmatibus non vtuntur improprijs verbis, quia translata locutiones ad explicandam veritatem non conducunt, cum in eis ambigua latent. Atque ideo illi, non quod non intelligant emphasin, sed quod huiusmodi locutiones non explicent verum sensum, commiscendi, & permiscendi verba damnant: sciunt equidem illi, quod in vulgaribus, & popularibus locutionibus cuilibet liceat verbis translatis vti. Cum igitur permiscendi, & commiscendi verba in significatione propria incarnationis mysterium nec secundum dignitatem, nec secundum veritatem explicent, merito illa fuerunt abrogata. Atque cum verbum vniendi secundum significationem propriam, duas naturas esse in Christo inconsusas sine interpretatione explicet, ideo scholastici illo tanquam magis conducenti ad illud explicandum mysterium vtuntur. Nam Ireneus, & Augustinus verbo vniendi praeipue vtuntur in hac materia, & ad explicandum, qualiter Deitas et humanitas non permixte, sed vnite Christum

Athan. in
symbol.

Leo papa
de natiuit.

Christ. ser-
mo. 7. & 9.

stum constituent, anima & corporis vnionis similitu-
dinem, vt superius allegauimus, adducunt. Athanasius
quoque ait: Sicut anima rationalis & caro vnus est
homo: ita Deus & homo vnus est Christus. Leo etiam
papa incarnationis mysterium vnionem & copulam
appellat, dum ait: Quod enim verbum caro factum
est, non hoc significat, quod in carnem sit Dei natura
mutata, sed quod à verbo in vnitatem persona sit caro
suscepta. In cuius vtique nomine homo totus accipi-
tur, cum quo intra virginis viscera Sancto spiritu sæ-
cundata, & nunquam virginitate caritura tam in-
separabiliter Dei filius vnitur, vt qui erat intempora-
biliter de essentia patris genitus, ipse sit temporaliter
de utero virginis natus. Et in alio loco: Indefinenter
tamen, inquit, ipsum partum salutiferæ virginis ad-
oramus. & illam verbi & carnis indissolubilem copu-
lam non minus suscepimus in præsepe iacentem, quàm
in throno paternæ altitudinis confidentem. Hæc
ille. Sed Deitatis, & humanitatis vnio perfectior est,
quàm vnio animæ & corporis. Nam per corporis
& animæ vnionem, corpus non est anima: per v-
nionem verò humanitatis ad verbum, Deus est ho-
mo, & homo est Deus. Incarnationis enim myste-
rium nullo verbo potest melius explicari, quàm ver-
bo vniendi, nam cetera verba, quibus ecclesiastici
doctores ad explicandam verbi incarnationem vtun-
tur, per illud exponuntur. Quare Erasmus viderit,
an in scholæ inuidiam vniendi verbum apud omnes
frequentatum reprobauerit, cum ait: Solum autem
vniendi verbum non placet scholis, cum nulla vox sit
magis

magis impia, nisi benignè interpretemur. Sed profecto fallitur ille, quia quædam alia verba mysterium incarnationis exponentia, traduntur in diuina scriptura. quæ benigniori quàm vniendi verbum indigent interpretatione: atq; ideò non sunt impia, vt illa, Verbum caro factum est, & factum est ex muliere, & ex inaniuit semetipsum, &c. In illis enim illud verbum, factum, non accipitur propriè sicut in hac. Vt autem Architiclinius gustasset aquam in vinum factam. Nam humanitas non sicut aqua in vinum ita est mutata, aut conuersa in Deum, sed est vnita, Deo. Atq; cùm illum verbum, factum, secundum catholicum sensum explicetur, per verbum vniendi necesse est, quod tam pium sit exponens verbum, quàm expositum. Quare cùm illa euangelica locutio, verbum caro factum est, sit tam pia, quàm quæ maximè: etiam ista, humanitas est vnita verbo, quæ illius explicat sensum, erit pia, contrà infideles qui humanitatem vnità esse Deo non credentes, vniendi verbum impiū existimant. Atq; hac à me dicta sunt quo Grāmatici omnes intelligant, quod præter vulgaria verba, vnaquæq; disciplina vtitur proprijs verbis, atq; ne illi aliarum disciplinarum & maximè ecclesiasticorum scriptorū libros corrigant, nec à numero semoueant. Nā quàm temerè ab illis ista fiant, ipsimet testantur, illorū enim quidam ait. Quod ego mutatum esse, nolo dicere ab ipso Aulo Gellio, sed à Grāmaticis professoribus, quorū nihil est supercilio superbius, nihilq; improbius & ad emendandos libros vel corruptendos potiùs, magis audax, &c.

Ioan. 1. ep.
Ad Gal. 4.
Phil. 2. Ad
Ioan. 2. ca.

L. Vall. 1.
2. cap. 1.

Ab ecclesiasticis libris Grammaticas annotationes expungere, expedit.

Cap. XXII.

Quod si ab hac emendandi librorum temeritate illimet, ac presentis seculi quidam linguarum eruditi, calamum continerent, non minima controuerſiarum pars ab ecclesia sublata fuiſſet. Nam multi corrigentes ſcripturarum verba, aut corrumpunt ſenſum, aut errandi occaſionem præbent, aut deriſionibus, & ſcommatibus, conuitijs, & contumelijs lectoris animum à legendis eccleſiaſticorū libris auertunt, bonosq; mores labefactant. Quare qui à ſacra ſcriptura, & ab eccleſiaſticorum libris recentes annotationes ſubmouerit, proſectò pijs, candidiſq; lectoribus conſulet, atque de chriſtiana religione procul dubio bene meritus erit. Nonnulli enim in annotationibus errorum ſeminarium reliquerunt: vt in Eraſmi ſcholijs, cenſuris, & antidotis videre licet. Ille quidem, ſi quis alius, quantumuis pius & eruditus vir, cenſuras, & antidota ſacrorum doctorem libris appoſuiſſet, ô bone Deus, quot & quales Tragœdias excitaret, ſibi verò hanc licentiam conceſſit, & exponendo libros nonnihil veneni propinauit. Vides, inquit, apud veteres, Papam ſcilicet, non appellari ſummum, ſed Romanum, qua certè annotatione quibuſdam legentibus errandi occaſio datur: quia per illam Papa primatum non eſſe antiquum, nec à Chriſto inſtitutum, ſed recens, & ab hominibus adinuentum inſinuatur. Sed illa annotatio, ſeu potiùs ſcandalofa argutiuncula, cum non à rebus, ſed ab illarum ap-
pellatio-

Hier. i. to-
mo epiſt.
ad Innoc.
Eraſm. in
ſchol.

pellationibus sumatur, friuola est. Nam eo Papam non præesse ecclesiæ vniuersali, quod ille olim non appellatus fuisset summus, sed Romanus, ridiculum est: perinde ac si quis, quia apud veteres Iulius Cæsar, & Augustus, ceteriq; imperatores non appellarentur summi, Sed Romani, ideo illos in orbe non obtinuisse primatum assereret. Vnde sicut nec istis, ita nec Episcopo Romano appellatio auxit, aut minuit ditio- nem. Romanus quidem Episcopus, tam vniuersalis Episcopus fuit, antequàm appellaretur summus, quàm pòst. Præterea falsum est, quod apud veteres Romanus Episcopus non appellaretur summus. Nam beatus Hieronymus Damasum summum vocat sacerdotem. Inquit enim: aduersus quam inuidiam duplex causa me consolatur, quod & tu, qui summus sacerdos es, fieri iubes, &c. Verùm Erasmus alteram magis friuolam annotationem circa hoc apposit, dicens: Illud annotandum, quod Damasum summum sacerdotem vocat, non summum pontificem. Quapropter annotatione non auctoris eruditionem, sed malum animum aduersus Papæ primatum ostendit. Sed non miror, inuidia enim illum plus excacauit, quàm disciplinarum studium illuminauit. Sed quod in diuina scriptura idem sit summus pontifex, et summus sacerdos, ex eo constat, quod qui apud Matthæum appellatur princeps sacerdotum, id est, summus pontifex, apud Marcum vocatur summus sacerdos: vt videre licet apud Matthæum, dùm ait: At illi tenentes Iesum, duxerunt ad Caiapham principem sacerdotum, vbi scribæ, & seniores conuenerunt. Petrus

Hier. tomo
4. ad Damasum.

Erasmus in
schol.

Matth. 26.

Marc. 14.

autem sequebatur eū à longè vsq³, ad atriū principis sacerdotum, etc. Marcus verò, & adduxerūt, inquit, Iesum ad summū sacerdotem. Et infra: Et exsurgens summus sacerdos in medium, interrogauit Iesum, dicens: non respondes quicquā ad ea, quæ tibi obiciuntur ab his? Ille autē tacebat, & nihil respondit. Rursum summus sacerdos interrogabat eum, &c. Igitur in diuina scriptura summus pontifex, id est, princeps sacerdotum, & summus sacerdos idem est. Illa quidem nomina pontifex, & sacerdos perinde ac genus & species, aut sicut magis & minus commune se habent. Nam omnis pontifex est sacerdos, sed non omnis sacerdos est pontifex: & sicut perfectissimum animal est homo, ita summus sacerdos est summus pontifex. Apud ecclesiasticos enim summus sacerdos sacrū significat magistratum. Præterea in alio loco, nō saltem, inquit, illud cauit, ne sacerdotem vocaret, qui non esset Episcopus, cū eo seculo non vocarentur sacerdotes nisi Episcopi. Si Erasmus in ecclesiasticis scriptoribus tam versatus fuisset, quā in Tullianis libris, non tam frequenter allucinaretur. Nam à tempore apostolorum sacerdotum ordo & Episcopos, & Presbyteros complectitur. Anacletus enim papa, sacerdotum, inquit, fratres ordo bipartitus est, et sicut dominus illum constituit, à nullo debet perturbari. Scitis enim à domino apostolos esse electos, & constitutos, & postea per diuersas prouincias ad prædicandum dispersos. Cū verò mēsis cœpisset crescere, videns paucos esse operarios, ad eorum adiumentum septuaginta eligi præcepit discipulos. Episcopi verò
domini

Fraſ. Hier.
tom. 2. cen.
ſura epiſt.
ad Damaf.

Anacle.
epiſt. 3.

domini apostolorum, presbyteri quoque septuaginta
discipulorum locum tenēt, &c. Huiusmodi sunt, quæ
infra scripsit. Amplius quam isti duo ordines sacer-
dotum nec nobis à Deo collati sunt, nec apostoli do-
cuerunt. Sēd cū Erasmus scholijs, censuris, & anti-
dotis beati Hieronymi monumenta exposuisset, non
animaduertit apud Hieronymum non solum Episco-
pos, sed presbyteros appellari sacerdotes. Nepotianus Hieron. ad
Nepotian.
enim Eliodori nepos non Episcopus, sed presbyter fu-
it, & tamen ab illo vocatur sacerdos. Pessima, in-
quit, consuetudinis est, in quibusdam ecclesijs tace-
re presbyteros, & presentibus Episcopis non loqui,
quasi non inuideant, aut non dignentur audire. Et
infra: Gloria patris est filius sapiens: gaudeat Epis-
copus iudicio suo, cū tales Christo elegerit sacer-
dotes. In sacerdotem enim ab Eliodoro Episcopo, Ne-
potianus fuerat electus. Ex quo factum est, ut in a-
lio loco dicat: Tota hunc ciuitas, tota planxit Italia,
corpus terra suscepit, anima Christo reddita est, tu
nepotem quærebas, ecclesia sacerdotem: præcessit te
successor tuus: quod tu eras, ille post te iudicio omni-
um merebatur: atque ita ex vna domo duplex ponti-
ficatus egressa est dignitas, dum in altero gratulatio
est, quod tenuerit: in altero maror, quod raptus sit,
ne teneret. Tempore igitur beati Hieronymi non so-
lum Episcopi, sed presbyteri vocabantur sacerdotes.

Epitaphiū
Nepotian.

Librorum varius stylus, illos a
varijs auctoribus fuisse scriptos non
astruit.

Præterea

Ca. XXIII. **P**raterea Grammaticos non solum corrigendarum
 scripturarum, sed submouendorum librorum au-
 thoritatem sibi vendicare, Quintilianus exponit, dū
 Quint. lib. ait: Nam & scribendi ratio coniuncta cum loquen-
 1. cap. 4. di est, & enarrationem precedit emendata lectio, &
 mixtum his omnibus iudicium est. Quo quidem ita
 seuerè sunt vsi veteres Grammatici, vt non versus mo-
 do censoria quadam virgula notare, & libros qui fal-
 sò viderentur inscripti, tanquam subdititios submo-
 uere familia permiserint sibi, sed auctores alios in or-
 dinem redegerint, alios omninò exemerint numero.
 Tantum ille: Verum et si linguarum eruditio ad vul-
 garia verba, et libros poetarum, & historicorum dis-
 iudicandos sufficiat, tamen nec ad disciplinarum spe-
 cialia verba cognoscenda, nec ad libros illarum dis-
 cernendos satis est. Quia illi solum ex styli varietate
 autorum diuersitatem iudicant: sed eruditi viri non
 solum pro disciplinarum, sed pro argumentorum, &
 lectorum varietate stylum sapienter variauerunt. Hie-
 Hieron. ad ronymus enim ait: Scio hac molesta esse lectori, sed de
 Dam. q. 2. hebraicis libris disputantem non decet Aristotelis ar-
 gumenta conquirere, nec ex flumine Tullianæ eloquē-
 tiæ ducendus est riuulus, nec aures Quintiliani flos-
 culis, & scholari declamatione mulcenda. Pedestris
 & quotidiana similis, & nullam lucubrationem re-
 dolens oratio necessaria est, quæ rem explicet, sensum
 edisserat, obscura manifestet, non quæ verborum com-
 positione frondeat. Sint alij disertī, laudentur, vt
 volunt, & inflatis buccis spumantia verba trutinant,
 mihi sufficit sic loqui, vt intelligar, vt de scripturis lo-
 quens

quens ac disputans, scripturarum imiter simplicitatem. Augustinus enim inquit: Placuit enim mihi quorundam verè christianorum sententia, qui cum sint eruditi liberalibus literis, tamen alios libros nostros, quos aduersus Manichæos edidimus, cum legissent, viderunt eos ab imperitioribus aut non, aut difficile intelligi, & me beneuolentiſſimè monuerunt, vt communem loquendi consuetudinem non deſererè, si errores illos tam perniciosos ab animis etiam imperatorum expellere cogitarem. Hunc enim sermonem vſitatum, & simplicem etiam docti intelligunt, illi autem indocti non intelligunt. At quibusdam talem ſtyli variationem non placuiſſe, Erasmus exponit, dum inquit: Idq; facit admirabili sermonis elegantia, qua vtinam illi licuiſſet, in cæteris vt lucubrati- onibus. Hoc ſanè opere declarauit, si quid offendit eruditos in ipſius dictione non fuiſſe inſcitia, ſed charitatis qua ſtylum demisit ad imperitorum intelligentiam, &c. Sed proſectò qui diuina ſcriptura, & eccleſiaſticorum ſcriptorum ſimplicitate verborum, aut ſtyli demissione offenduntur, non charitate eccleſiam edificante ſed ſcientia inflante pollent. Catholica quidem eccleſia ad Hebræos epiſtolam, & tertiam canonicam propter ſtili varietatem à canone non ſubmouit, ſed potiùs illam Pauli, iſtam Petri eſſe proſitetur. Et quanquam de illis, & quibusdam alijs libris olim dubitatum fuiſſet, an ſint canonici, tamen per catholica eccleſia conſenſionem de illis facti ſumus certiores. Quia ſicut circa fidei dogmata non cuiuſcunque viri priuati, quantumuis ſancti, ac eru-
diti

August. de
gen. cont.
Manic. lib.
1. cap. 1.

Erasm. le-
ctor in An.
de mor. ec-
cleſiæ.

diti sententia, sed ecclesiæ communis sensus est tenendus: ita pro canonicis illi libri recipiendi sunt, quos catholica ecclesia tantum recipit. Vnde opinio, seu potius error asserentium, illas epistolas non esse ex diuina scriptura, antiquatus est, & veritas obtinuit inter sacros adnumerandos esse. Beatus etiam Hieronymus

Hieron. ad
Hed. q. 11.

tertiam canonicam epistolam propter styli varietatem non negat esse Petri: inquit enim. Denique & duæ epistolæ quæ feruntur Petri, stylo inter se, & characterē discrepant, structurāq; verborum, ex quo intelligimus pro necessitate rerum diuersis eumysum interpretibus. Verum Erasmus nonnihil veneni miscens, ait: Videtur addubitare num Petri sint, quæ nomine Petri feruntur: nam alio in loco negat alteram esse Petri ob styli diuersum. Sed Hieronymus

Erasm. in
schol.

Hier. in ca
pital. scrip.

in illo loco non se sed alios dubitasse refert, dum inquit: Scripsit, scilicet Petrus, duas epistolas, quæ catholice nominantur, quarum secunda à plerisque eius esse negatur, propter styli cum priore dissonantiam,

Hieron. ad
Paulin.

&c. Se verò non dubitasse, alibi constituens illam in sacrorum librorum ordine profitetur, dum ait: Iacobus, Petrus, Iohannes, Iudas septem epistolas ediderunt, tam mysticas quàm succinctas, &c. Quos dum quoque propter styli varietatem epistolam ad Hebraeos non recepisse beatus Hieronymus refert,

Hieron. ad
Dard.

quam ille, sicuti ceteras Pauli recepit, inquit enim: Illud nostris dicendum est, hanc epistolam quæ inscribitur ad Hebraeos non solum ab ecclesijs orientis, sed ab omnibus retrò ecclesijs Græci sermonis scriptoribus quasi Pauli apostoli suscipi: licet pleriq; eam

vel

vel Barnaba, vel Clementis arbitrentur, & nihil in-
teresse cuius sit, cum ecclesiastici viri sit, & quotidie
ecclesiarum lectione celebretur. Quod si eam lati-
norum consuetudo non recipit inter scripturas cano-
nicas, nec Græcorum quidem ecclesia, apocalipsin
Iohannis eadem libertate suscipiunt, & tamen nos
vtrunque suscipimus, nequaquam huius temporis
consuetudinem, sed veterum scriptorum auctoritatē
sequentes, qui plerūq; vtriusque vtūtur testimonijs
non vt interdum de apocryphis facere solent. Quip-
pe qui & gentilium literarum rard vtantur exem-
plis, sed quasi canonicis & ecclesiasticis. Hac ille:
Verum libri suppositi sacris auctoribus, vt Bartho-
lomei Euangelium, & Petri apocalipsis, & similes,
ecclesie consensione, non alicuius priuati iudicio à sa-
cro canone submoti fuere. De libris quoque inscri-
ptis ecclesiasticis doctoribus non secundum styli varie-
tatem iudicandum est. Nam ecclesiastici scriptores
sæpe se variasse ad captum personarum stylum faten-
tur: ideo librorum censores propter styli varietatem
tales libros inscriptos temere submouent. & falli-
tur Erasmus qui ad libros istos discernendos stylum
esse potissimam notam asserit, dicens: Certissimus
index, et vere Lydius (vt aiunt) lapis est, & character
orationis, & habitus. Vt sua cuique facies, vt sua
cuiq; vox, vt suus cuiq; mos, genius, ita suus cuiq;
stylus, &c. Sed Lydius ille lapis cerè eum libros Au-
gustini discernentem fefellit. Nam librum quem
Augustinus profitetur esse suum, ille Lydio suo lapide
negat esse Augustini, cum ait: Agnoscit quidem
hoc

Erasm. ad le-
ctor. in Hie-
rem. to. 2.

Erasm. ad
lector. lib.
83. q.

hoc opus Augustinus, mihi tamen videtur à studio
 quopiam ex omnibus illius libris collectum, in quod
 congestum est, si quid haberetur argutiùs disertum.
 Huic studio fauens Augustinus recognouit, & qua-
 dam elimauit. Hanc coniecturam non omninò som-
 nium esse, declarat illud, quod. q. 12. habet fragmen-
 tum ex Fontei libris decerptum. Et cap. 31. habet lo-
 cum ex secundo Marci Tullij de inuentione libro de-
 scriptum. Sunt autem & alia, quæ mihi non viden-
 tur per omnia sapere pbrasim Augustini, &c. Cate-
 rùm vt cognoscamus, quantum hic fallatur, audia-
 mus Augustinum loquentem. Est etiam inter illa, quæ
 retract. ca- scripsimus, quoddam prolixum opus, quod tamen v-
 pit. 26. nus deputatur liber, cuius est titulus, De diuersis quæ-
 stionibus octuaginta tribus. Cum autem dispersæ fu-
 issent per chartulas multas, quoniam ab ipso primo
 tempore conuersionis meæ, posteaquàm in Aphricam
 venimus, sicut interrogabar à fratribus, quando me
 vacantem videbant, nulla à me seruata ordinatione
 dictata sunt, iussi eas iam Episcopus colligi, & vnum
 ex eis librum fieri, adhibitis numeris, vt quod quisq;
 legere voluerit, facile inueniat. Harum questionum
 est prima, Vtrum anima à seipsa sit, &c. Augustinus
 quidem illic singulatim omnes 83. q. recenset, & sen-
 tentiarum Fontei & Ciceronis meminit, &c. Assere-
 re igitur illum librum non esse Augustini manifestis-
 simum, & impudentissimum est mendacium. Vale-
 at ergo Erasmi censura, tanta enim hominis istius in
 submouendis libris temeritas, & audacia fuit, quod
 si beatus Augustinus sua monumenta libris retracta-
 tionū

tionum non munivisset, vix vnum aut alterum authenticum permansisset, imò ille potius omnia Lydio suo lapide comminivisset.

Ecclesiastici libri doctrinæ varietate sunt discernendi.

Caput
XXIII.

ET quanquam aliquos libros quibusdam ecclesiasticis scriptoribus suppositos fuisse, non sit negandū: tamen cum illi non contineant hereses, non malitiosè existimādum est, illos sacris doctōribus fuisse inscriptos. At periti linguarum librum inelegantem perinde ac hæreticum inscribi Hieronymo nefas existimant. Quasi verò in humanis scripturis non magis catholica fidei, quàm inscriptionis, & styli ratio habenda sit. Consultè ergo faciunt catholici doctores, dum cuiuscunq; hominis, & inscriptionis libros continentes falsa dogmata reijciunt, & cuiusvis libros concordēs fidei dogmatibus recipiunt. Maior est enim auctoritas quā ex doctrina sinceritate consequuntur, quàm quæ ex cuiusvis vel catholici doctōris inscriptione si falsa vel erronea aliqua continent, potest illis accidere. Vnde ecclesiasticorum scriptorum libri non tanquam diuina oracula, sed tanquam piorum hominum sententia recipiuntur à christianis. Et quia huiusmodi libri fidei dogmata iuxta ecclesiæ communem sensum explicant, & mores secundum Dei legem componunt: idè illorum lectio in ecclesia frequentatur, & periti viri illorum testimonio vtuntur. Propter quas causas magis, quàm propter stili varietatem, & ceteras coniecturas, tales li-

bro

broſ non impoſtorum, ſed piorum virorum. & maxime illorum quibus inſcribuntur eſſe exiſtimandū eſt: vti librum, cuius initium eſt, Cogitis meo Paula, Hieronymi. Et canticum: Te Deum laudamus, Ambroſij & Auguſtini. & librum de vera & falſa pœnitentia Auguſtini eſſe piè opinamur, quia iſtorum et ſimilium librorum eccleſiaſtica celebratio maius auctoritatis pondus, quàm Eraſmi rationes habent. Verum cum diſputatio de librorum inſcriptionibus non de re, ſed de nomine tantum ſit, contemnenda eſt. Neque curandum eſt, ſi qui verborum magis quàm rerum ſcientia pollent, non habeant, de quo diſputent, ſi illa prætermittuntur. Bonas quidem eſſe humanas literas, et ſum linguarum cognitionem, eruditionemq; ad omnes alias diſciplinas eſſe maxime vtilem, nemo inſicias it, tamen rerum, & maxime diuinarum noticia melior eſt, quàm verborum ſcientia. nam per iſtam orationis ſtylus, per illam verò orationis ſenſus cognoscitur. Cum igitur linguarum periti de libris eccleſiaſticis illorum tantum faciem, id eſt, ſtylum, theologi verò cor, id eſt, ſenſum iudicant, non iuxta illorum ſed iſtorum iudicium de eccleſiaſticorum doctorem libris ſentiendum eſt. At de poëtarum & hiſtoricorum libris, in quibus maior verborum, quàm rerū difficultas, & eruditio eſt, illorum certè potiùs quàm theologorum opinio ſequenda eſt. Nec iſta à me dicta ſunt, vt à peritis humanarum diſciplinarum, diuinarū literarum noticiam auferam ſed quo eruditi liberalibus literis, ſicut humanas diſciplinas, ita diuinas literas diſcant à magiſtro. Nam
plerofq;

plerosq; in hoc in discendis diuinis litteris, aut nullum
aut imperitū habuisse magistrū, secta, qua in hoc in-
felicitissimo seculo grassantur, manifestant. Quia reli-
gionis doctores non ad varias & contrarias sectas, sed ^{Paul. ad E-}
ad vnicā fidem docendam ordinatos esse, Paulus ex-^{phes. 4. ca.}
ponit, cum ait: Et ipse dedit quosdam quidem aposto-
los, quosdā autem prophetas, alios verò Euangelistas,
alios autem pastores & doctores ad cōsummationem
sanctorum in opus ministerij, in adificationem corpo-
ris Christi: donec occurramus omnes, in vnitatem fi-
dei, et agnitionē filij Dei, in virum perfectum, in men-
suram etatis plenitudinis Christi, vt iam non simus
paruuli fluctuantes, & circumferamur omni vento
doctrinæ in nequitia hominum, in astutia ad circū-
uentionem erroris, &c. Vnde sectarijs, eorumq; se-
ctatoribus illud Ciceronis aduersus Epicurum ma-
ximè conuenit. Ista enim à vobis quasi dictata red-
duntur, quæ Epicurus oscitans allucinatus est. Cum
quidem gloriaretur, vt videmus in scriptis, se magi-
strum habuisse nullum, quod & non predicanti tam
facile credam, sicut mali adificij domino gloriāti, se
architectum non habuisse. Hac ille. Germanica igi-
tur ecclesia illud verè accidisse videor, quod olim Hi-
eronymus deplorabat, dicens: Taceo de Grammati-
cis, Rhetoricis, Philosophis, Geometris, Dialecticis, ^{Hieron. ad}
Musicis, Astronomis, astrologis, Medicis, quorum ^{Paulin.}
scientia mortalibus vel vtilissima est, & in tres
partes scinditur, τὸ δόγμα, τὴν μέθοδον, τὴν ἐμπει-
ρίαν. Ad minores artes veniam, et quæ non tantā lingua,
quā manu administrantur. Agricola, cemetarij, fabri,

metallorum, lignorumuē cafores, lanarij quoque & Fullones, & ceteri qui variam suppellectilem, & vilia opuscula fabricantur, absq; doctore non possunt esse, quod cupiunt. Quod medicorum est, promittunt medici, tractant fabrilis fabri. Sola scripturarū ars est, quā sibi passim omnes vendicant. Scribimus indocti, doctiq; poemata passim: hanc garrula anus, hanc delirus senex, hanc sophista verbosus, hanc vniuersi præsument, lacerant, docent antequam discant, etc. Quare sapientissime faciunt, qui sacrarum literarū cognitionem aliquam habere volunt, eam à catholico doctore accipiunt, sed non propius ad articulos controuersos accedendum est.

Ca. XXV.
Augustan.
confessio,
art. 4.

Historiæ noticia sine assensu non est fides.

Phili. Mel.
in apo. de
fide ad ar-
gum.

Fidei vocabuli significationem Augustana confessio exponit, dum inquit: Fidei vocabulum non solum cognitionem historiæ de Christo significat, sed etiam credere, & assentiri promissioni, &c. Hic articulus in sensu quem facit catholicus est, sensus verò quem Philippus Melanchton intendit, prout in Apologia, & locis communibus hunc exponit articulum aduersus scholasticos Theologos, quos aduersarios vocat, commentum est. Ait enim: Aduersarij tantum fidem esse notitiam historiæ. Et alio loco: Decipiuntur, inquit, aduersarij in vocabulo fidei, quod significaret notitiam historiæ, &c. Quam quidem sententiam Philippus plurimis in locis repetit, quos enumerare breuitatis causa omitto. Sed reuera decipitur in omnibus

omnibus, nam etsi haud dubium sit, catholicos omnes, noticiam historia ad credendum necessariam facere: ipsa tamen sine assensu esse fidem omnis scholasticorum theologorum schola, & Evangelica doctrina negat. Paulus, aut quomodo, inquit, credent ei, quem non audierunt? Theophylactus etiam: Quare autem non crediderunt? num ideo quia non audierunt. Atqui audierunt? Hinc sequitur obiectio, qui citra promulgantem, vel annunciantem verbum audire potuerunt, cui protinus adijcitur dilutio: atqui praedicarunt, & nisi sunt ad eos non pauci. Hec Theophylactus. Cum igitur auditus sit sensus disciplinae, per quem historia habetur noticia, constat, quod sine ea nullus credit. At sacra historiae noticiam perfide Iudaei, & haeretici nedum catholici habent, fidem vero soli catholici tenent. Apostolus enim ait. Non enim omnium est fides. Et alibi: Domine quis credidit auditui nostro? Quae verba Theophylactus exponens, inquit: Hac vero dictio Quis, pro raro ponitur hoc loco: quasi dicat, pauci crediderunt auditui nostro, siue sermonibus nostris. Atque hoc expressius Evangelium manifestat, cum dicit: Ego & pater vnum sumus. Ioan. 10. c. Sustulerunt ergo lapides Iudaei, ut lapidarent eum, respondit eis Iesus. Multa bona opera ostendi vobis, propter quod eorum opus me lapidatis? Responderunt ei Iudaei, de bono opere non lapidamus te, sed de blasphemia: & quia tu homo cum sis, facis te ipsum Deum. Et in alio loco: Et ego si exaltatus fuero a terra, omnia traham ad me ipsum. Hoc autem dicebat, significans, qua morte esset moriturus. Respondit ei tur-

Paulus. ad
Ro. 10. ca.

Paul. 2. ad
Thes. 3. ca.
Ad Rom.
10. cap.

Ioan. 10. c.

Ioan. 12. c.

ba. Nos audiuius ex lege, quia Christus manet in aeternum: & quomodo tu dicis, oportet exaltari filium hominis? quis est iste filius hominis? Ex his verbis aperte colligitur, quemadmodum Iudei Christi mortis, & diuinitatis noticiam habuerunt: & tamen non crediderunt. Id ipsum & super hac loca testatur Theophilactus, dicens: Vides quod multa et eorum quae à domino obscure dicebantur, intelligebant: quemadmodum exaltari intelligebant de cruce dici. Igitur multa quidem intelligebant, sed voluntaria malitia ignorantiam pratexebant. Hanc Euangelicam doctrinam scholasticorum theologorum schola profitetur. Vt Thomas cum iuxta Augustini sententiam inquit. Credere est cum assensione cogitare: quibus quidem verbis, expresse profitetur noticiam historiae sine assensu non esse fidem. Nam historiae noticia, & cogitatio pluris habetur sine assensione, vt in dubitante, aut in dissentiente. Tamen in illis non est fides: quia non est assensus. Scotus quoque ait: Habens fidem, & non habens fidem, contradicentes sibi inuicem, non contendunt de nominibus tantum, sed de conceptibus. Sicut cum philosophus & Theologus contradicunt de ista: Deus est trinus. Vbi non tantum idem nomen, sed eundem conceptum vnus negat & alius affirmat. Ergo omnem conceptum simplicem quem iste, & ille habet Et in alio loco: Ad intelligendum sensum literae, & conclusiones ex illo deducere, & explicare, potest homo attingere per perspicacitatem naturalis ingenij. Hoc enim posset Iudeus facere de epistolis Pauli, sicut ego possem. Et
si ego

Tho. 2. 2.
q. 2. art. 1.

Scotus. P.
q. prolog.
sentent. &
quol. q. 14.

Lib. 3. D.
24.

si ergo credo dictis Pauli, & ipse non in hoc habeo firmiorem adhesionem ipsi conclusioni quàm ipse: quia ego credo sensui literæ, & ipse non sed opinatur. Hac Scorius. Quæ si attentè legas, satis intelliges apud scholasticos mentis conceptum esse notiiciam, atq; eundem conceptum vnum affirmare, et alterum negare, est idem historia, vnum assentiri, & alterum dissentiri. Vt huic, Deus est trinus, fidelis assentitur, infidelis dissentitur. Igitur vterque historia noticiam, sed alter fidem tantum habet. Nam catholicus, & hæreticus circa fidei dogmata disidentes, non de nomine, id est, de sensu Grammatico, sed de re, id est, de sensu historiali inuicem contradicunt. Quia si non conuenirent in sensu Grammatico: sicut ædificantes Babylonicam turrim, mutuò non intelligentes cessarent à lite: cum inter homines nullus conuictus sit, nisi prius conueniant in sensu Grammatico. Igitur contradictio est circa historiale sensum. Et cum iuxta Aristotelis sententiam contradictio sit eiusdem de eodem, & secundum idem, manifestè colligitur, eandem historia noticiam catholicum, & hæreticum sibi contradicentes habere: ac catholicum germano scripturæ historiali sensui assentiri: hæreticum verò eidem dissentiri. Tum hæreticum adulterino scripturæ sensui assentiri: catholicum verò eidem dissentiri. Verbi gratia: Iudæi quidem huius articuli, Ego & pater vnum sumus, verum quem Christus intendebat sensum apprehendentes, non crediderunt, quia non receperunt Christum ut prophetam. Arius verò euangelium recipiens, Chri-

stum esse consubstantialem patri cum Iudæis etiam negat: atque de germano scriptura sensu contendit cum catholicis. Neque hæc inter Catholicos & Arianos contentio de Grammatico, sed de historiali sensu fuit. Nam illi affirmant, diuinas personas esse consubstantiales: hi verò negant. Quæ quidæm controuersia non potest esse inter duos, quin vterque habeat noticiam eiusdem hystoriæ: quia quod vnus negat, alter affirmat. Vnde quotquot sacra scriptura, aut sensui eius catholico contradicunt, historia noticiam sine fide habent: nemo enim sine historia noticia, illius vero sensui potest contradicere. Ac de habentibus historia noticiam sine fide inquit Christus: In iudicium ego in hunc mundum veni, vt qui non vident, videant, & qui vident, cæci fiant. Et in alio loco ait: Vt videntes non videant, & audientes non audiant. Atque tunc quidem non videntes vident, quando ignorantes historiam Euangelicam, docentur à catholicis concionatoribus, & obediunt fidei, & credendo vident. Nam fides est visio de qua scriptura ait: Videmus nunc per speculum. Tunc verò qui vident, cæci fiunt, quando historia sacra noticiam habentes nō credunt: quod sit, vel quia nō recipiunt scripturā tanquam diuinum oraculum, vt pagani: vel si eam recipiunt, tamen eius germanum sensum negant, vt hæretici & Iudæi. Qui quidem omnes si cæci essent, id est, si nullam historia sacra haberent noticiam, mitius cum illis ageretur, quia peccatū infidelitatis non haberent. Sed qui dicunt, videmus, id est, clariorem & veriore noticiam Dei habemus quā si fideles

Ioan. 9. ca.

Luc. 8. cap.

1. ad Cor.
13. cap.

fideles: idè non credentes caci sunt. Hæc credo sufficient, vt intelligas solam historie noticiam, nunquã apud scholasticos, nec alios quales quales viros doctos pro fide habitam: neque voculam, fides, à quouis imperitissimo homine pro historie noticia acceptam, vt bonus ille Melancthon falsò multis imponit.

Diuinæ scripturæ noticia à Deo est reuelata.

Ca. XXVI.

DE fidei quoque assensu, Calvinus differens, inquit: Siquidem bona pars orbis audito eius (sci licet fidei) nomine, nihil aliud concipit, quàm vulgarem quendam Euangelicæ historie assensum: quod malum, vt alia innumera scholasticis sophistis acceptum referri par est, &c. Philippus quidem solam historie noticiam, Calvinus verò vulgarem assensum apud scholasticos fidem esse comminiscitur: Et tamen nullum nominatim hæc dogmatizantem potest in medium adferre. Quia omnis scholasticorũ theologorum schola, fidem non tantum historie noticiam, sed assensum: atque hunc non vulgare, sed rarum vel potius supernaturalem profitetur. Et mirandum est certè, quomodo sectarij hæc theologiis imposuerunt: cùm scholasticorum commentaria, & omnis eorum schola contrarium profiteantur. Et ne in citandis scholasticis lectori sim molestus: unum aut alterum ex illis (maximè qui celebriores habentur) adducam, ex quibus satis patebit, qualis assensus sit fides: & qualem fidelium vulgus habeat. Aliquas disciplinas esse ab hominibus adinuentas, atque earum

Calu. institut. cap. 13. p. 1.

Thom. 1. p.
q. 1. art. 1.

scientiam mortalibus utilem esse, nulli dubium est. Sed omnes illa quot quot sunt, qualis sit hominis ultimus finis, & quomodo adipiscendus, nec verè, nec integrè docere sufficiunt. Ideò homo quadam alia disciplina non ab homine, sed à Deo instituta, atq; ab ipso Deo doceri indiget. Beatus enim Thomas inquit: Necessarium fuit ad humanam salutem, esse doctrinam quandam secundum reuelationem diuinam, præter phycas disciplinas, quæ ratione humana inuestigantur. Primò quidem, quia homo ordinatur ad Deum sicut ad quandam finem qui comprehensionem rationis excedit, secundum illud Esaia 64. Oculus non vidit Deus absque te, quæ preparasti diligentibus te, finem autem oportet esse præcognitum hominibus, qui suas intentiones & actiones debent ordinare in finem. Vnde necessarium fuit homini ad salutem, quod ei nota fierent quedam per reuelationem diuinam: quæ rationem humanam excedunt.

Scot. p. q.
prol. sentē.

Eiusdem sententia est Scotus dùm asserit: Omni cognoscenti, agenti propter finem, necessaria est triplex cognitio: Primò, quomodo & qualiter finis acquiratur: secundò, cognitio omnium, quæ sunt necessaria ad finem: tertio, est necessarium cognoscere, quod omnia ista sufficiant ad finem talem. Primum patet, quia si nesciat quomodo finis acquiratur, nescit qualiter ad cōsecutionem illius se disponat. Secundū probatur: quia si nesciat omnia necessaria ad ipsum finem propter ignorantiam alicuius necessarij, poterit à fine deficere. Et etiā quantum ad tertium: si nesciat ista necessaria sufficere, dubitādo se ignorare aliquod necessarium.

cessarium, non efficaciter prosequetur illud, quod est necessarium. Sed hac tria non potest viator ratione naturali cognoscere. Hac Scotus. Quare necessarium fuit, esse doctrinam quandam secundum reuelationem diuinam, & non solum de illis, quæ humanum superant intellectum, sed etiam de quibusdam alijs, quæ naturali lumine possunt cognosci. Eandem sententiam asserit Thomas, cum ait: Ad ea etiam quæ de Deo ratione humana inuestigari possunt, necessarium fuit hominem instrui reuelatione diuina: quia veritas de Deo per rationem inuestigata à paucis, & per longum tempus, & cum admixtione multorum errorum homini proveniret. A cuius tamen veritatis cognitione dependet tota hominis salus, quæ in Deo est. Necessarium igitur est, vt salus hominis & communius, & certius proveniat, quod de diuinis per diuinam reuelationem instruuntur. Necessarium igitur fuit præter physicas disciplinas, quæ per rationem inuestigantur, sacram doctrinam per reuelationem haberi. Hactenus Thomas. Si enim humana disciplina est utilis & necessaria, multò magis diuina.

Thom. 1. p.
q. 1. art. 1.

Fides diuinæ auctoritati innititur.

Unus ille rerum conditor patribus & prophetis, primò per reuelationem, & deinde per verbi illius prædicatores, sapientibus, & insipientibus tam populo Iudæorum quàm gentilium diuinam sapientiam manifestauit: vt eam sequuti possent summam felicitatem assequi. Atq; ideo fit, vt dogmata

Cap.
XXVII.

qua

quæ ad vitam æternam consequendam hominibus an-
 nunciantur, non humana sed diuina auctoritate con-
 firmata propter certitudinem ad credendum propo-
 nantur. Quod verum esse, Thomas apertè docuit, di-
 Thom. 2. 2. cens: *Necessarium est homini, accipere per modum*
 q. 2. art. 4. *fidei, non solum ea quæ sunt supra rationem, sed etiã*
ea quæ per rationem cognosci possunt, & hoc propter
certitudinem. Ratio enim humana in rebus diuinis
est multum deficiens, cuius signum est, quia philoso-
phi de rebus humanis naturali inuestigatione per-
scrutantes in multis errauerunt: & sibiipsis contra-
ria senserunt. Vt ergo esset indubitata & certa co-
gnitio apud homines de Deo, oportuit, quod diuina
eis per modum fidei traderentur: quasi à Deo dicta
qui mentiri non potest. Hac Thomas. Vnde inter om-
nes disciplinas hæc diuinitus tradita supremam sibi
vendicant certitudinem: nam ceteræ quæ ab homini-
bis inuenta sunt, cum homo possit fallere, et falli, huc
certitudinis apicem non attingunt. Quapropter hu-
ius seculi sapientes animaduertentes humane ratio-
nis imbecillitatem, ac locum ab humana auctoritate
esse infimum, ad astruenda illa quæ in republica ma-
ximè sunt necessaria, oracula diuina simularunt.
 Iosep. con. Iosephus enim inquit: Nanz, quidam eorum leges po-
 Apion. lib. sitas à Ioue dicebant: alij verò eas in Apollinem &
 1. 2. vaticinium Delphicum referebant, siue pro varietate
 Val. Max. hoc credentes, seu facile persuadendum iudicantes
 cap. 3. populo. Valerius quoque Maximus non pauca ex-
 empla de huiusmodi simulata religione adducit. Nã
 damones diuinos ambientes honores interroganti-
 bus

bus responsa dabant, quæ oracula dicta sunt. Cum quo etiam conuenit Cicero, cum ait: Quæ autem vir-
tute fidem faciunt, ea bipartita sunt, ex quibus alte-
rum natura valet, alterum industria. Deorum enim
virtus natura excellit, hominum autem industria.
Diuina hæc ferè sunt testimonia. Primum oratio-
nis: oracula enim ex eo ipso appellata sunt, quod in-
est his Deorum oratio. Hæc Tullius. A quo non mul-
tum differt Quintilianus: Ponitur à quibusdam, in-
quit, & quidem in parte prima Deorum auctoritas,
quæ est ex responsis. Falsos ergo Deos colentes illis
auctoritatis primas dabant, quæ soli Deo vero conue-
nit. Diuina enim, inquit scriptura: Et habemus firmi-
orem propheticum sermonem, cui benefacitis atten-
dentes quasi lucernæ lucenti in caliginoso loco, donec
dies elucescat, & lucifer oriatur in cordibus vestris.
Proculdubio enim omnes disciplina humana tam
incertam Dei tradunt noticiam vt potius tenebras
quàm lucem, si comparentur fidei, intellectui homi-
nis inducant. Fides verò, etsi obscure, tamen tam in-
fallibiliter tradit veritatem, vt nihil certiùs: nam e-
ius auctor nec falli nec fallere potest, quod nulli crea-
tura potest conuenire. Qui igitur traditis in diuina
scriptura, non vt historia humana, sed vt diuina, fi-
dem habent, Deum profitentur summam esse verita-
tem, ac in spiritu & veritate Deum colunt. Hic enim
cultus soli Deo est debitus, quem gentes credentes ora-
culis demonum exhibebant idolis, & creaturis, quod
est idololatrare.

Tullius in
Topicis.

Quint. lib.
5. cap. 11.

2. Pet. 1. c.

Fides

Fides omnibus humanis doctrinis
est certior.

Caput
XXVIII.

Tho. 2.2.
q. 4. art. 8.

ET si scientia sit euidentior fide, & nobis sit certa: tamen fides in se est certior omni humana scientia, sapientia & intellectu. Thomas enim inquit, sed sciendum est quod sapientia, scientia & intellectus dupliciter dicuntur. Vno modo, secundum quod ponuntur virtutes intellectuales à philosopho in septimo *AEthicorum*, alio modo secundum quod ponuntur dona Spiritus sancti. Primo modo dicendum est, quod certitudo potest considerari dupliciter. Vno modo ex causa certitudinis: & sic dicitur esse certius illud quod habet certiore causam: & hoc modo fides est certior tribus predictis, quia fides innititur veritati diuinæ, tria autem predicta inniuntur rationi humana. Alio modo potest considerari certitudo ex parte subiecti: & sic dicitur esse certius, quod plenius consequitur, intellectus hominis, & per hunc modum, quia ea qui sunt fides, sunt supra intellectum hominis, non autem ea quæ subsunt tribus predictis, ideo ex hac parte fides est minus certa. Sed quia vnumquodque iudicatur simpliciter quidem secundum causam, secundum autem dispositionem, quæ ex parte subiecti est, iudicatur secundum quid, inde est, quod fides simpliciter est certior. Sed alia sunt certiora secundum quid, scilicet quo ad nos. Similiter autem si accipiantur tria predicta secundum quod sunt dona presentis vitæ, cooperantur ad fidem sicut ad principium, quod præsupponunt

nunt, vnde etiam secundum hoc fides est eis certior,
 &c. Hac eadem confirmat Scotus dicens: Et cum di- Scot. lib. 3.
 cit, igitur actus credendi est simpliciter certior, quam d. 23.
 actus intelligendi elicited ab habitu naturali profe-
 ctio primorum principiorum. Dico quod est loqui de
 actibus istis in se: & sic actus credendi est perfecti-
 or, quia à perfectiori principio elicited: & in perfe-
 ctius obiectum tendit, & est loqui de eis secundum
 quod plus vel minus attingunt obiectum in quod
 tendunt, quantum ad intelligibilitatem obiecti: &
 sic dico, quod actus intelligendi est perfectior: quia
 eius obiectum non tantum excedit ipsum in intelli-
 gibilitate non intellecta, quantum Deus excedit a-
 ctum credendi in intelligibilitate non intellecta per
 actum fidei. Hac Scotus. Et bene quidem. Nam
 huius fidei articuli assensus, videlicet, Deus est tri-
 nus & vnus, perfectior & certior est, quam assensus
 euidens istius, his tria sunt sex. Quia ille à Deo vt
 à causa, & de eodem tanquam de obiecto: hic vero
 de creaturis est. Et vt philosophus inquit: Verissi-
 mum etiam est id quod posterioribus vt vera sint, 2. Metha.
 est causa, & vt secundum esse vnumquodque se ha- 1. cap.
 bet, ita etiam secundum veritatem. Deus igitur cum
 perfectior creaturis, atque illarum veritatis sit cau-
 sa, illu verior est. Quare fidei dogmata veriora sunt
 omnibus humanarum disciplinarum dogmatibus.
 Obseruandum tamen quod hac fidei dogmata,
 quamuis in se & simpliciter veriora & certiora sint,
 nobis tamen talia non sunt. Nam vt in rebus naturali-
 bus non sunt eadem nobis atq; simpliciter nota: et hoc non
 à natura

a natura ipsarum rerum, sed à nostri intellectus imbecillitate prouenit: ita etiam fit in his quæ naturæ superrâant. Verbi gratia, circa veritatem huius propositionis: tria sunt sex. quod non excedit nostri intellectus capacitatem, nulla insurgunt dubia: quod fit non propter rei perfectionem, sed ob euidentiā illius, ac hinc nobis apparet certior secundum quid, id est intellectum humanum, non tamen simpliciter est certior fide, sicut noctua nox die est clarior: nam veritas huius propositionis, Deus est trinus & vnus, et si excedit nostrum intellectum, propter quam causam fit vt parum cupiamus: certior multò simpliciter est, quàm illa. Quod si nobis videatur obscura, & ob hanc causam intellectui nostro circa credibilia insurgunt dubia, non ideo faciunt fidei assensum dubium: quia quāto obscurior, tantò magis diuina auctoritate fit certior. atque ideo fides, credibilium non obscuritatem, sed dubitationem omninò vincit. Scotus enim inquit: Nec fides excludit omnem dubitationem, sed dubitationem vincentem, & trahentem in oppositū credibilis. Itaque fidelis est, qui quamuis credibilium obscuram habeat noticiam, atq; insurgunt dubia, tamen non solum non dubitat, sed credit illa esse certiora omnibus humanis disciplinis.

Scot. lib. 3.
d. 23.

Fidei formale obiectum est Deus.

Ca. XXIX.

Quamuis per humanas disciplinas quædam vera exactè intelligantur, & per fidem eadem videantur in speculo & anigmate, tamen cognitio quæ habetur

habetur per fidem quantumvis obscura, in se est perfectior & certior illa, quæ habetur per humanas scientias, tum, quia fidei obiectum non aliquid creatum, sed diuinum est: tum, quia fidei assensus miro modo causatur. Nam per fidem non solum illis veris quæ Deo conueniunt, sed etiam illis quæ de creaturis in sacra scriptura traduntur, Deitatis ratione assentimus: quia Deus est fidei proprium obiectum, quod scholastici formale vocant. Et ut omnia, quæ videntur, idem videntur quia habent colorem: lapis enim, & lignum non in quantum substantia, sed in quantum colorata videntur: quia calor est ratio formalis, quæ aliquid videtur: ita omnia quæ per fidem creduntur, quamuis ad creaturas pertineant, non quia humana, sed quia diuina sunt creduntur. Nam ratio credendi est Deus, qui est summa veritas, qui nec falli nec fallere potest, propter quam assentimur sacra scriptura historia: ceteris vero historijs etiam si de Deo aliquid tradant, non assentimur illis propter Dei summam veritatem, sed propter humanam rationem, & auctoritatem. Vnde ceteri assensus sunt circa obiecta vulgaria, & innituntur vulgari medio, scilicet loco ab humana ratione aut auctoritate assumpto: fides vero est circa rarum obiectum, videlicet Deum, & innititur diuinæ voluntati, quæ non est vulgaris. Fides igitur non vulgaris sed rarus est assensus, ut Thomas optime docuit, dum ait: Si igitur in fide consideremus formalem rationem obiecti, nihil est aliud quam veritas prima. Non enim fides de qua loquimur assentit alicui, nisi quod est à Deo reuelatum.

G

Vnde

Tho. 2. 2.
q. 1. art. 1.

Vnde ipsi veritati diuinæ fides innititur tanquā medio. Si verò consideremus materialiter ea quibus fides assentit, non solum est ipse Deus, sed etiam multa alia, quæ tamen sub assensu fidei non cadunt, nisi secundum quod habent aliquem ordinem ad Deum, prout scilicet per aliquos diuinitatis effectus homo ad iuuatur ad tendendū in diuinā fruitionē. Et idē etiā ex hac parte obiectum fidei est quodammodo veritas prima, in quantum nihil cadit sub fide, nisi in ordine ad Deum: sicut etiā obiectum medicinæ est sanitas, quia nihil medicina cōsiderat, nisi in ordine ad sanitatē.

Scotus in
prol. sentē.
q. 3.

Preterea Scotus: si esset, inquit, aliquis liber sacre scriptura nullum Dei miraculum continens: tamen quilibet continet prouidentiam & gubernationem Dei circa hominem in communi, vel determinatam gentem, vel personam, in tantum quod si eandē historiam de Pharaone scribat Moyses in Exodo, & aliquis Aegyptius in Chronicis Aegyptiorum subiectum historiæ Moysi est Deus, de quo traditur ibi gubernatio hominum, misericorditer liberando Iudeos oppressos, iustē puniendo Aegyptios oppressores, sapienter ordinando formam liberandi congruā ad hoc vt populus liberatus legem grater acciperet, potēter tot sibi propria signa faciendo: subiectum verò historiæ historiographi esset regnum, vel rex vel populus Aegyptiacus. Hactenus Scotus. Quicquid igitur fide tenemus est sub ratione Dei, quia vel est Deus, vel in Deum transfertur. Atq; de his hactenus.

Credere diuina mysteria Dei donum est.

Nunc

Cap.
XXX.Caluin. c. 1.
5. par. 13.Paulus ad
Ephes. 2.
Scot. prol.
9. 1.

Nunc reliqua, quæ idem Calvinus nobis imponit, persequi oportet: sunt autem huiusmodi: Habetur, inquit, id quidem paradoxon, cum dicitur, neminem nisi cui datum sit, posse credere, &c. Quibus verbis falsum quoddam nobis, ut in alijs plerisque, imponit. Oppositum enim scholastici theologi iuxta diuinam scripturam profitentur. Nam credere esse Dei donum, non inter paradoxa, sed potius inter axiomata computatur: quia quamuis assensus, qui humana innititur auctoritati sine Dei speciali auxilio ex naturalibus possit haberi, tamen huiusmodi assensus non est fides, quia fides est assensus qui diuina innititur veritati, & hoc modo credere nemini contingit, nisi speciali dei dono illi datum fuerit. Vnde sicut fidei dogmata, tum propter rerum difficultatem, quæ omnem creaturæ superat intellectum, tum propter eorum certitudinem necessarium fuit reuelari à deo: ita homini ad indubitanter assentiendum dogmatibus à Deo reuelatis, necessarium est Dei auxiliū. Nam si ne Dei dono homo non potest assentiri, ut oportet, reuelatis à Deo. Paulus enim ait: Gratiā enim estis saluati per fidē, & non ex vobis. Dei enim donū est. Scotus etiam. Veritati cōplexa alicui firmiter tenenda intellectus possibilis est improporcionatus, hoc est, non est proportionabiliter mobile respectu talium agentium quæ ex phantasmatibus, & ex lumine naturali intellectus agentis non possunt cognosci. Cum autem arguis, igitur sit proportionatus per aliquid aliud, concedo, & per aliud in ratione mouentis: quia per mouens superuaturale reuelans assentit illi

veritati: & per aliud in ratione formæ: quia per istū assensum factum in ipso, qui est quasi quedam inclinatio in intellectu ad illud obiectum proportionans illud isti. Talia sunt, quæ inferiùs dicit, ad hunc modum. Quia veritas ista reuelata non est sufficienter inclinatiua intellectus ad assentiendum sibi: & ita est improporcionale agens & passum sibi improporcionale. Sed agens supernaturale est sufficienter inclinatum intellectus ad istam veritatem: causando in ipso assensum quo proportionatur huic veritati. Hac Scotus. Proportionatur igitur humanus intellectus reuelatæ diuinæ historiæ per fidei habitum infusum, qui Dei donum est. Nam cum hac Dei gratia confortatus, dogmata potest credere, quæ certè natura sola ductus nunquam credidisset. Thomas enim inquit:

Tho .2. 2. Videntium enim vnum & idem miraculum, & au-
q. 6. art. 1. dientium eandem predicationem, quidam credunt,
& quidam non credunt. & ideo oportet ponere aliā causam interiorem, quæ mouet hominem interiùs ad assentiendum his, quæ sunt fidei. Hanc autem causam Pelagiani ponebant solum liberum arbitrium hominis, & propter hoc dicebant quod initium fidei est ex nobis, in quantum scilicet ex nobis est, quod parati sumus ad assentiendum his, quæ sunt fidei: sed consummatio fidei est à Deo, per quam nobis proponuntur ea, quæ credere debemus, sed hoc est falsum: quia cum homo assentiendo his quæ sunt fidei eleuetur supra naturam suam: oportet quod non insit ei ex supernaturali principio interiùs mouente, quod est Deus: & ideo fides quanquam ad assentiendum
qui

qui est principalis actus fidei, est à Deo interiorius mouente per gratiam. Hactenus Thomas, cui correspondet Scotus, dicens: Alia differentia est quantum ad hoc quod est actu inniti fidei, quia fidei infusa non potest inclinare ad aliquod falsum. Inclinat autem virtute luminis diuini cuius est participatio, & ita non nisi ad illud quod est conforme illi lumini diuino. Actus igitur credendi in quantum innititur isti fidei, non potest tendere in aliquod falsum, &c. Sicut enim ferrum ex sua natura non potest calefcere, si verò candescat, tunc participans ignis naturam, quodammodo transcendit suam, & propter hoc calefcit. Sic intellectus humanus ex sua natura fidei mysterijs non potest indubitanter assentire, sed si infundatur ei fidei donum, tunc aliquo modo Dei naturam participans superat suam, & tunc certius supernaturalibus dogmatibus, quam naturaliter cognitis assentitur: hoc enim exigit Dei oraculum, nam Christus ait: Cælum & terra transibunt, verba autem mea non transibunt. quia veriora diuina quàm naturalia, & humana dogmata sunt, hac enim à causis creatis quæ deficere possunt, illa verò à Deo, quæ non potest deficere habent certitudinem. Atque ex his manifeste colligitur, fidei assensum quodammodo supernaturalem esse: nam sine supernaturali Dei dono, à naturali causa produci non potest. Patet igitur ex his scholasticos theologos, quos Calvinus sophistas vocat, fidei nomine non intelligere vulgarem assensum, vt ille docuit.

Scot. quol.
q. 14. et li.
3, dist. 23.

Mat. 24. c.

Christiana plebs de fidei mysterijs non vulgarem, sed rarum habet assensum,

Caput
XXXI.

EX hac scholasticorum doctrina aperte colligitur etiam, quod christiana plebs nomine fidei audito, non concipiat vulgarem quendam assensum, quare existimare bonam partem orbis, audito fidei nomine, nihil aliud concipere quam vulgarem quendam assensum, est opinari christianam plebem aliquid falsi sentire circa fidem, quod non solum de multitudine, sed de quouis temerarium est. Nam quanquam indoctam christianam plebem aliquas fidei proprietates ignorare, quas ecclesia pastores et doctores scire tenentur, non sit contra fidem: tamen aliquid falsi existimare circa fidem, quod eidem aduersetur, omnino destruit fidem. Quilibet enim quantumvis indoctus de plebe tenetur indubitanter existimare, sacram historiam ab humana differre, penes hoc, quod hac dubia, & ab homine iuuenta, illa verò à Deo reuelata, atque certissima est, & iuxta hanc estimationem vnicuique assentire. Vnde piorum virorum est indocta christiana plebis animum & fidem sincere in hunc interpretari sensum, videlicet, quod assensus historiae sacrae, quem populus christianus habet, est longè maioris certitudinis, quam assensus humanae historiae: nam per hunc de rebus humanis prout opinabiles, & variabiles sunt, iudicat, quae possibile est aliter se habere, quam humana historia refert. Propterea quod asserendis quae in humana traduntur historia, non solum vitae, sed externorum bono-

bonorum periculum facere contemnit. At per fidem de illis quæ in diuina continentur historia, tanquã de necessarijs, atq; impossibile aliter se habere quã diuina annunciat scriptura, iudicat: & propter fidei confessionem mortem subire, nedum omnia externa bona contemnere religiosum credit. Quicunq; enim quantũuis indoctus christianus, huiusmodi æstimationem de fide habere tenetur. Vnde temerarium et contumeliosum est asserere, quod bona pars orbis, audito fidei nomine, nihil aliud concipit, quã vulgarem quendam Euangelica historia assensum. Nam hoc est existimare, plebem christianam non esse fidelem, sed infidelem. Audito igitur nomine fidei, nõ vulgaris assensus, qualis humana est historia, sed rarus & religiosus, qualis habendus est de diuinis oraculis, à plebe concipitur.

Diuina quidem scriptura quædam credenda definite, alia vero indefinite exponit.

Caput
XXXII.

IN sacra quidem quibusdam scriptura locis pro fiducia, in alijs verò pro assensu aut pro fidelitate fidei verbum accipi, nemo negat. Et quanquam quomodo in hoc aut illo loco accipiatur controuersia sit, tamen vbicunque pro assensu accipi: & fidem, certũ et sine dubitatione esse assensum, omnes affirmant. De singularibus verò definitis num fides sit, magna est questio. Sectarũ vnumquẽq; credere sibi peccata remitti, ac se esse gratum Deo, necessariũ esse affirmant. cõfessio enim Augustana inquit. Quia iã scimus

Conf. Aug.
art. de o-
per bon.

nos esse filios, & placere Deo hoc nostrum sacrificiū. Item Philippus: Aduersarij cū de fide loquuntur, dicunt eam precedere pœnitentiam, intelligunt fidem, non hanc quæ iustificat, sed quæ in genere credit, Deum esse. Et infra: Nos præter illam fidem requirimus, ut credat sibi quisq; propter Christum remitti peccata, de hac fide speciali litigamus. Quæ omnia confirmat Caluinus dicens: In summa verè, inquit, fidelis non est, nisi quis solida persuatione Deum sibi propitium, beneuolumq; patrem esse persuasus, de eius bonitate omnia sibi pollicetur, &c. Catholici verò negant, atque hanc controuersiam de fide speciali, seu de gratiæ certitudine vocant. Ad cuius decisionem animaduertendum est, quod vniuersorum credibilium reuelatorum, quædam indefinita vniuersalia, quædam verò definita sunt: nam Spiritus sanctus sacra scriptura auctor, quarundam diuinarum, humanarumq; rerum noticiam, veluti historicus exponit, morum verò religionisq; præcepta atq; diuinas comminationes, & promissiones ut doctor aut legislator homini proponit. Hi duo modi differendi in hoc differunt, quod legislator aut doctor vniuersaliter, & indefinitè gerendarum rerum præscribit regulam: historicus verò res gestas singulariter & definitè. Nam historia, ut Aristoteles ait, res gestas exponit, atque singulare sectatur. Hæc procūldubio sententia non solum de humana, sed de diuina historia est vera: nā aliud est præscribere quomodo bellum sit gerendum, aut respublica administranda: & aliud est narrare, quid in bello, quid in republica gestum fuerit: quia
hoc

Phil. apol.
de pœnit.

Calu. cap.
5. par. 2.

Arist. lib.
de poët.

hoc ad historiam, illud ad militarem aut politicam spectat disciplinam. Vtrunq; horum diuina prestat scriptura: sed cum more historico procedit, non solum res gestas, sed gerendas exponit: quia Deo, qui auctor sacra scriptura est, vtraque sunt aequae presentia atq; singularia dum exponit, definita tantum intelligit: quia res gesta aut gerenda si indefinitè exponuntur, non ad historiam, sed ad aliam pertinent disciplinam. Verbi gratia: scriptura ait. Seuit autem Isaac in terra illa, & iuuenit in ipso anno centuplum. Gene. 26.

Eadem verò scriptura alio loco ait: Alia autem ceciderunt in terram bonam, & dabant fructum, aliud centesimum. Ex quibus quidem locis consideratis inuenies, quod in ultimo historiae modum in exponendo non tenet, quia indefinitè loquitur: ideoq; ad docendum hic modus loquendi pertinet: illic verò indefinitè quid Isaac fecerit exponit, atq; ided ad historiam potius, quam ad aliam disciplinam pertinere dicimus. Matt. 13. c.

Sed distinctio hæc non tollit, quin, ut Paulus inquit: quaecūq; scripta sunt ad nostram doctrinā scripta sunt, quia non solum in historia diuina, sed in humana aliquid doctrinae traditur. Narratur enim in historijs hominum gesta, quorum aliqua imitanda aliqua vitanda sunt. Paulus ad Rom. 15.

Et quamuis historicus homo scribendo historiam, mores intendat docere, tamen non propterea illa rerum gestarum narratio non est historia: nec etiam ubi Spiritus sanctus, ut doctor, aut legislator indefinitè et vniuersaliter aliquid exponit, ille locus caret historiali sensu, id est, literali, ut hic: Quicumque enim Spiritu Dei aguntur, ij sunt Paulus ad Rom. 8.

sunt filij Dei. Hoc in loco Paulus non vt historicus, sed vt doct̃or loquitur, eiusq; verba manifestum sensum literalem, seu historicalem habent, non tamen loquitur definite, sed indefinite, qui modus loquendi non ad historicum, sed ad legislatorem, aut doct̃orem pertinet.

Caput
XXXIII.

Fidei articulos de vnit̃ate Dei atq; de Christo definite diuina exponit scriptura.

Diuina sapientia ad melius docendum hominē, eiusq; mores componendos, fidei mysteria praedictis modis in sacra scriptura exponit, quod ita esse humana etiam testatur ratio. Nam fidei articulus de vnit̃ate Dei, quem teste apostolo philosophi euidenter sciunt, vt non solum indoctum vulgus, sed etiam ipsi sapientes eundem articulum exactius per fidem, quam per philosophiam cognoscant, in diuina scriptura historico & non philosophico ordine exponitur. Licet enim philosophia ex vniuersalibus euidenter demonstret esse vnum Deum, tamen, quis sit iste vnus Deus non docet, quia non pauci philosophi scientes esse vnum Deum dubitauerunt, seu potius non crediderunt Deum verum esse, quem diuina docet scriptura. Quia philosophia etsi demonstret vnum esse Deum, tamen non ostendit, quis determinatē sit hic Deus: quod sit, quia cognitio singularis & definita non scientijs, sed sensibus, aut per historiam quae sectatur singularia, cognoscitur. Superest ergo scire esse vnum Deum, & dubitare quis sit ille: vt qui non viderunt Turcarum imperatorem

rem, sciant eū esse singularem hominem, ignorant tamen quis sit, et si illi obuiarent, nisi ab aliquo doceretur, eum veluti ignotum praterirent. Simile quid accidit olim Darij matri, de qua Valerius Maximus inquit: Rex Alexander Darij castris, in quibus omnes necessarij eius erant, potitus, Ephestione gratissimo sibi latus suum regente ad eos alloquendos venit. Cuius aduentu mater Darij recreata humi prostratum caput erexit, Ephestionemq³, quia ei & statura et forma praecebat, more Persarum adulata, tanquam Alexandrum salutauit. Admonita deinde erroris, per summam trepidationem excusationis verba querebat. Diuina igitur scriptura veluti historia exponit definitē verū & vnum Deum esse, qui fecit cælum et terram, & qui prophetis est locutus, pater domini nostri Iesu Christi, & sic de alijs circūstantijs. Vnde hic fidei articulus non solum includit Dei vnitatē, sed definit hunc esse Deum, quem diuina tradit scriptura. Similiter scriptura fidei articulū de Christo humani generis redemptore non solum indefinitā noticiam, sed definitā exponit. Nam aliqui crediderūt in Christū, tamen definitē ignorabant, quis esset, donec per Euāgelium expositum est definitē. Vt de Samaritana scriptura exponit, dū ait: Scio quia Messias venit, qui dicitur Christus, cū ergo venerit ille annūciabit nobis omnia. dicit ei Iesus, ego sum, qui loquor tecū. Euāgelium enim Christum esse ex Maria virgine desponsata Ioseph in Bethlehem natum, à magis adoratum, & à Iohanne baptizatum, & cetera definitē exponit. Hæc igitur definita Dei, & Christi

Val. Max.
li. 4. ca. 7.

ſti fides homini ad Deum colendum eſt neceſſaria.

Paulus ad Rom. 10. *Nam apoſtolus ait: Quomodo inuocabunt, in quem non crediderunt?*

Dei promiſſiones diuina ſcriptura
indefinite tradit

Caput
XXXIII.

1. ad Thi-
mo. 2. ca.
Matt. 3.

Di uina etiam ſcriptura quadam per modum do-
ctrinae, videlicet ferendo leges, minando pœnas,
& pollicendo dona indefinite tradit: nam quomodo
mores componendi ſunt, quid timendum, quid ſperân-
dum, indefinite exponit. Inquit enim: Vult Deus om-
nes homines ſaluos fieri: agite pœnitentiam, & hui-
uſmodi. Sed animaduertendum eſt, quod ex huma-
nis legibus indefinitis, non à quouis docto, ſed à publi-
ca poteſtate definita, & ſingularis ſententia fertur.
Nam etſi lex iubet homicidam occidi, & teſtis aſſe-
rat Iohannem eſſe homicidam, non quicumq;, ſed iu-
dex eſt, qui fert ſententiam, quod Ioannes ſecundùm
legem occidatur, aut non occidatur. Nam aliquan-
do teſtis decipitur, aut mentitur, aut ſi dicit verum,
tamen æquum & iuſtum eſt, in aliquo euentu non
ſeruare legē: quare huiuſmodi propoſitio indefinita,
certior & verior eſt quibuſcunq; definitis, quæ aſu-
muntur aut inferuntur ex illa. Imò circa primam
indefinitam nunquam contingit dubitare, circa ali-
as verò definitas nō ſolūm dubitare, ſed plerūq; falli.
Hoc Calvinus affirmat dicens: Verius Themiftius,
qui intellectum in definitione vniuerſalis rariſſimè
falli docet, allucinationē eſſe cūm vltra progreditur,
&c. Et meritò quidem, nam quando intellectus vl-

tra

Caluin. ca.
2. part. 17,

tra vniuersale, id est ad hypothesin ex thesi, quod est ab vniuersali indefinito ad singulare definitum progreditur, tunc frequenter homo allucinetur. Certum est igitur in vniuersali & indefinitè cognoscere aliquid, & indefinitè ignorare illud, vt philosophi circa Deum, et Iudæi circa Christum fecerunt, inutilem cognitionem esse: quod ita esse, si Calvinus & ceteri sectarij intellexissent, sublata esset controuersia hac de fide speciali: nam omnia loca sacra scriptura, quæ sectarij pro speciali hac certitudine allegant, vniuersaliter, & indefinitè loquuntur, vt illud Pauli: Quicumq; enim spiritu Dei aguntur, ij sunt filij dei. Hanc propositionem indefinitam certissima fide tenemus: tamen si quis assumat hanc definitam: Calvinus agitur Dei spiritu, ac inferat: igitur Calvinus est filius Dei. Hæ definitæ non sunt in sacra scriptura, & multi decepti sunt per illas. Nam Arrius etiam assumpsit hanc definitam: Arrius Dei spiritu agitur, imò nullus hæreticorum est, qui non credat se Dei spiritu duci: nonné illi credebant se Dei spiritu duci, de quibus ait Christus: Et venit hora, vt omnis qui interficit vos, arbitretur obsequium se præstare Deo. Et Paulus inquit: AEmulationem quidem Dei habent, sed non secundum scientiam. Vnde omnes propositiones definitæ & singulares, quales sunt istæ: Calvinus dei spiritu agitur, est electus à Deo & prædestinatus, atque ei remissa sunt peccata, & similes definitæ non sunt de fide, quia per fidem nullus decipitur. At per istas definitas, sicut antiqui hæretici, ita sectarij huius seculi decipiuntur: nam profitentes contraria dogmata

Paulus ad
Rom. 8.

Ioan. 16. c.

Ad Rom.
10. cap.

gmata, & mutuò damnantes se hareses, non habent
vnam fidem.

De speciali credibili non specialis,
sed communis fides trahitur in diui
na scriptura.

Caput
XXXV.
Ad Ephes.
4. cap.

Item hac specialis fides, quam sectarij ponunt, ex-
presso verbo Dei contradicit. Paulus enim inquit:
Vnus dominus, vna fides: vna enim fides: quæ ratio,
propter quam credimus vna, & eadem est: videlicet
Deus, cuius auctoritas in diuina continetur scriptu-
ra. Etiam fides est vna, quia credibilia sunt omni-
bus credentibus communia: nam contra fidei rati-
onem est, quod aliquod credibile sit speciale vni &
non alij. Aliud enim est credibilia esse definita, &
singularia, & aliud est fidem esse specialem: nam de
credibilibus singularibus definitis non specialis, sed
communis est fides, vt de Deo, de Christo, de eo quod
Dauid sunt remissa peccata, & quod Paulus fuit vas
electionis, & similibus: de istis quidem rebus, & ge-
stis singularibus fidē, quam ego, & omnes catholici
habent, sed de hac: Caluino remissa sunt peccata, fidē
quam ipse dogmatizat se habere, ceteri sectarij non
habent. Nam quamuis vnusquisq; de suorum pecca-
torum remissione fuisset certus: tamen de aliorum re-
missione peccatorum, nisi in scriptura definitè, sicut
de Dauid traderetur, nullus est certus. Vnde con-
stat, fidem specialem non esse fidem, quia non est vna,
sed varia, pro diuersitate hominum, quia vnusquis-
que iuxta sectariorum dogma, non de alterius, sed
de

de sua gratia est certus: quod si unusquisque est certus non solum de sua, sed de omnium aliorum gratia, iam hac non specialis, sed communis est fides. Asserere tamen vnumqueng, certum esse de electione & iustificatione aliorum, est error peior priori, qui ex hac speciali fide euidenter sequitur: Quia si Caluinus fide credit se Dei spiritu duci, id quidem fit, aut quod habet hunc assensum ex rei euidentia, vt huius: bis tria sunt sex, aut ex diuina auctoritate: non quidem in tantam venit dementiam, vt affirmet se habere euidentiam rei, relinquitur ergo, quod ex diuina auctoritate sit specialiter certus. Quod si propter eam est certus, cum diuina auctoritas, vt sacra tradit scriptura, omnibus credentibus sit communis, sit vt propter eandem ceteri sint certi, illum Dei spiritu duci, & eadem auctoritate qua unusquisq, persuasit sibi se esse in Dei gratia, eadem conuincitur, vt persuadeat sibi, ceteros esse in gratia. Vnde sectarij manifestè conuincuntur ad horum alterum asserendum, videlicet, aut quod nullus est certus se esse in gratia, aut si ex fide aliquis est certus se esse in gratia, eadem fide sit certus, omnes esse in gratia. Quo nihil magis temerè & falsè asseri potest.

Fides quidem ab obiecto, id est, deo: hæc eis vero a voluntatis pertinacia accipit certitudinem.

Caput
XXXVI.

Etsi heretici tam indubitater hæresibus, quam catholici Dei verbo assentiāt: tamē nō hi, sed illi fallūtur, nec ob hanc controuersia aliquid variatur
in

Arist. peri.
lib. 1. ca. 8.

in re. Aristoteles enim ait: At verò nihil quicquam hoc refert, si quidam contradictionem ipsam dixere, aut non dixere: certum est enim ita res ipsas sese habere, etsi non alter quicquam affirmabit, alter negabit. Veritas quidem fidei & certitudo ab obiecto, scilicet Deo, eiusque auctoritate, quæ in sacra est scriptura, dependet: hæresim verò certitudo ab hominis voluntate. Non enim quia catholicus verè assentit huic: filius est patri consubstantialis, ita est, sed quia ita est, ille affirmat. At hæreticus consubstantialem filium, non quia ita non est, sed propterea quod nimis innititur suæ sententia, nolens credere meliori, negat. Vnde certitudo quam hæretici habent, principaliter ab eorum pertinaci voluntate oritur: nam etsi aliquando adducant rationes, hæ non faciunt fidem, quantumvis sint apparentes. Plerumque enim quædam falsa apparent veriora veris: vt, Deum non esse trinum & vnum, apparet veriùs, quàm Deum esse trinum & vnum: sed fidei veritas & certitudo non à nostro intellectu & voluntate, sed à Dei verbo petenda est. Et vt Calvinus ait: Fidei obiectum est Dei verbum, & scopus in quem perpetuò collimari debet. Igitur assensus huius propositionis: Calvinus est electus à Deo, ad sacram scripturam est collimandus: at non reperitur verbum in tota scriptura, quod definitè faciat mentionem Caluini: nam omnia quæ ad promissiones pertinent, sunt indefinita. & hæc omnibus tam electis quàm non electis proponuntur: ergo collimare singularem & definitum assensum ad indefinitam sacra scriptura sententiam, perinde est, ac
si sa-

Caluin. ca.
3. par. 3.

si sagittarius volens percutere auiculam collimaret sagittam ad vniuersum cælum. Nec illud Pauli: Certus sum, quod nec mors nec vita & cætera quæ Cal- Ad Rom. cap. 8.
uinus adducit, astringit specialem certitudinem: nam Paulus & propheta clariorem notitiam sacra historia, & perfectiorem & certiore fidei assensum habuerunt, quàm illi qui ordinario modo per auditum recipiunt Dei verbum. Paulus enim non ab homine, sed à Deo fuit doctus & ex hoc quòd ille fuit certus, non sequitur nostrum quemcunque esse certum. Quid quod etiam in illo loco diuina scriptura indefinite loquitur: ac eodem modo ego dicere possum: certus sum, quod nec mors nec vita separabit nos à charitate Dei, Paulus enim dicens. Quis ergo separabit nos à charitate? vniuersam Ecclesiam sanctam per illud pronomèn nos intelligit. Nam prius dixerat, qui etiam proprio suo filio non pepercit, sed pro nobis omnibus tradidit illum & quia quanto magis dona augentur, tanto magis Deum diligere tenemur, ideo addidit. Quis ergo separabit nos à charitate Christi? Et infra. Certus sum enim, quod nec mors, nec vita poterit nos à charitate Dei. Quod si aliqui tempore Pauli defecerunt à fide, & charitate Christi, & aliqui permanserunt. Paulus non ideo mentitus est: quia indefinite per pronomèn nos loquutus est: sic etià, ego sum certus, quod nec mors, nec vita separabit nos, id est, Ecclesiam Catholicam à charitate Christi. Vnde ex hoc loco non potest haberi Calvinum certum esse de sua salute, quia non definite, sed indefinite illic Paulus loquitur.

Sine speciali reuelatione specialis fides non potest haberi.

Item si hac fides specialis Dei verbo traderetur, non lateret viros pios, & doctos in Dei lege: sed lauit prophetas. Scriptura enim ait. Et dixit Dauid ad Nathan. peccaui domino: dixitq; Nathan ad Dauid, dominus quoq; transtulit peccatū tuū. Dauid & ceteri antiqui patres fideles non ignorabant Dei promissiones, quæ antiquiores lege, atq; in ipsa confirmata & explicata fuerunt, tamen per illas non habuerunt hanc fidem specialem: quia si habuissent, certi essent de peccatorum remissione, ac Nathan propheta frustra dixisset Dauid: dominus quoq; transtulit peccatum tuum, si per specialem fidem illi hoc fuisset persuasum. Dauid igitur de remissione peccatorum suorum non per Dei promissiones indefinitas, sed per specialem doctrinam factus est certior. Nunquid Lutherus, Calvinus, & ceteri sectarij fuerunt doctiores in lege domini, quam Dauid? non etenim: nullus igitur sine speciali Dei reuelatione, specialem fidei certitudinem, qualem Dauid habuit, de remissione suorum peccatorum habet, nec habere potest.

Phil. arg. 6 & tamen de hac sectarij loquuntur. Philippus enim ait. Dauid se recipi in gratiam audita hac voce: dominus transtulit peccatum tuum. Et infra. Eandem vocem vere adfert singulis agentibus pœnitentiam administratio Euangelij. Hac Philippus. Sed obseruandum, quod per verba propheta Nathan, Dauid de remissione suorum peccatorum habuisse fidei certitu-

titudinem, nulli dubium est: quia illis verbis definite Spiritus sanctus loquitur, velut historicus de rebus gestis, & singulare definitum sectatur. Hac etiam historia, vt exemplo Dauid pœnitentiam agamus, omnibus proponitur, atque vt credamus, quod sicut Deus Dauid peccata remisit, ita nobis pœnitentibus remitter. Historia enim quæ ibi traditur definite, non solum Dauid, sed omnes catholicos fecit certiores fidei certitudine, de remissione peccatorum, facta ipsi Dauid: & tamen non facit nos certiores de remissione peccatorum nostrorum. Et quando hæc historia ad nostram doctrinam, & ad Dei promissiones refertur, vniuersaliter, indefinite omnibus credentibus proponitur. Veluti quando scriptura ait. Pœnitentiam agite, appropinquabit enim regnũ calorum: & ita intelligendũ est, qd dicit Philippus quod administratio Euãgely vniuersaliter & indefinite singulis pœnitentib. adfert eandẽ vocẽ, videlicet: dominus quoq. transtulit peccatum tuum. Quia Euangelium non definite Caluino hanc sententiam, dominus transtulit peccatum tuum, sicut Dauid paralitico, & mulieri peccatrici dixit. Vnde ex rebus gestis, quas diuina scriptura definite exponit, non potest astrui specialis certitudo gratia.

Matth. 3.

Diuiinarum promissionum fides de speciali illarum adimpletione dubitatio nem non excludit.

Non solum Deus promissiones vniuersaliter, Cap. 38.
indefinite, sed etiam conditionaliter in diui-

Matth. 19.
Marc. 16.

na exponit scriptura. Nam homini conditionem tulit, si ei obtemperaret, se daturum illi liberalia dona, videlicet, iustitiam, eternamq; vitam. Promissiones quidem diuinas esse huiusmodi, clarissimè testatur scriptura: inquit enim. Si vis ad vitam ingredi serua mandata. Item, qui crediderit, & baptizatus fuerit, saluus erit, qui verò non crediderit, condemnabitur. Est igitur quasi quædam pactio inter Deum & hominem, & Deus quæ promissit fideliter donat, ac homo accipiens conditionem, obsequenter suum officium implere tenetur. De fidelitate verò Dei nullus, sed de hominis quilibet dubitat. Nam Deus est verax, omnis autem homo mendax, unde homo tam iuste de sua dubitat obedientia, quam piè de promittentis Dei fidelitate non ambigit. Illa quidem dubitatio stat cum summa certitudine, quam de diuinis promissionibus habetur: nam promissionum veritas à promittentis fidelitate pendet: vt huius propositionis: qui occiderit tyrannum accipiet brauium à regis fidelitate quam seruat in promissu pendet, & nulla occidente tyranno, adhuc est vera. Atq; quamuis sit vniuersalis indefinita, et si plures congressi fuerint cum tyranno, in vno tantum occidente inquem eum, promissio adimpletur. Vnde aliud est, promissionem esse veram, & aliud adimplere promissionem: nam antequam impleatur est vera. Credere igitur Dei promissiones, non est credere, in se eas recipere, alias nullus in hac vita crederet promissionem vite æternæ, quia in nullo in hac vita adimpletur. Quanquā igitur nullus Dei promissiones consequeretur, illa
nihilò-

nihilominus sunt vera, quia quod promissiones in aliquibus non adimpleantur, non Dei, sed hominis infidelitas est causa. Quod vero in quibusdam adimplentur, Dei fidelitas est causa. Diuina enim scriptura indefinite & conditionaliter exponendo promissiones, manifestat infallibiliter eas esse certas, quia sicut in dogmatibus Deus non potest falli, nec fallere: ita non potest non stare promissis: at homo accipiens conditionem potest stare & non stare promissis. Atque ita secundum fidem dicimus singulos homines esse certos de diuinis promissionibus, sed dubitamus in quo eorum Dei adimpleatur promissio, quod expressa diuina exponit scriptura, dum dicit. Quam- Dan. 4. ca.
obrem, Rex, consilium meum placeat tibi, & peccata tua elemosynis redime, & iniquitates tuas misericordijs pauperum, forsitan ignoscet delictis tuis, &c. Ieronymus hunc scriptura locum exponens, inquit. Ieronym.
Cum beatus Daniel praescius futurorum de sententia Dei dubitet, rem temerariam faciunt, qui audacter peccatoribus indulgentiam pollicentur. Et tamen sciendum quod si Nabuchodonosor bona opera facienti venia repromittitur, multo magis alijs promittitur, qui leuiora peccata commiserunt. Hæc Ieronymus. Ad quam sententiam Philippus respondit dicens. Phil. apol.
Hieronymus hic præter rem adiecit dubitatiuam par 1. arg.
ticulam & multo imprudentius disputat in commentarijs, incertam esse remissionem peccatorum, sed nos meminerimus Euangelium certo promittere remissionem peccatorum. Dimittamus ergo in hoc loco Hieronymum, &c. Quibus quidem verbis quàm

graue crimen committat, cum beatus Hieronymus
 inter ecclesiasticos doctores sit diuinarum scriptura-
 rum indagator solertissimus, omnibus notū est. Quod
 autem hoc sit impudentissimum commentum, bea-
 tus Chrysostomus testatur, qui in duobus locis inter-
 prete Erasmo, eandem lectionem quam Hieronymus
 & in A^c. allegat, inquit enim: Quid igitur propheta? rex, ait,
 Ap. ho. 25. consilium meum placeat tibi, peccata tua eleemosy-
 nis redime, & iniquitates miserationibus pauperū:
 forsan erit venia delictis tuis. Ecce dubitatiuam par-
 ticulam non solum in latina translatione Hierony-
 mi, sed etiam apud græcum Chrysostomum. Esaias e-
 Mat. .13. c. tiam, vt Christus apud Matthaum refert, ait. Exce-
 ca cor populi huius, & aures eius aggraua, & oculos
 eius claude: ne forte videat oculis suis & auribus suis
 audiat, & corde suo intelligat, & conuertatur, & sa-
 2. ad Ti. 1. nem eum. Hanc dubitationem Paulus etiam exponit,
 cum ait. Cum modestia corripientem eos qui resistūt
 veritati, ne quando Deus det illis pœnitentiam ad co-
 gnoscendam veritatem, & resipiscant à diaboli la-
 queis, à quo captiui tenentur ad ipsius voluntatem.
 Chrysostomus cum Theophylacto ait. Ac si dicat for-
 tassis aliqua sequitur emendatio, fortassis autem in
 A^c. 8. rebus dubijs ponitur. Præterea Petrus dixit Simoni
 mago. Pœnitentiam itaque age ab hac nequitia, &
 roga Deum, si forte remittatur tibi hæc cogitatio
 cordis tui.

Singularia definite à Deo cognita,
 diuina scriptura indefinite explicat.

Et si

Etsi diuina scriptura quadam indefinite tra-
dit tamen scriptura autor singula definite &
indubitanter cognoscit Christus enim qua die
& hora ad homines iudicandos venturus sit, non quia
eum latebat, sed quia homini magis hoc dubitare, q̃
scire expediebat, in dubio relinquit. De die, inquit,
autem illo, vel hora nemo scit, neq; angeli in celo, ne-
que filius, nisi pater. Theophylactus, volens, inquit, Theophyl.
dominus discipulos a diei, & hora illius interrogati-
ne cohibere, dicit quod neq; angeli, neq; filius sciant. Matt. 13. c.
Si enim dixisset, scio quidem, sed nolo vobis reuelare,
mœrore illos affecisset. Nunc autem prudenter rem
agit, & eos omnino prohibet, ne discere affectent, ac
molesti sint, dicens. Nec angeli sciunt, nec ego. Et in-
frà. Quod autem dominus sciuerit & diem, & horã,
manifestum, quia seculi conditor est. Et quo pa-
cto quod fecit nesciret? Verum vtiliter abscondit
Deus consummationem vite, siue omniũ in commu-
ni, siue vniuscuiusq; in singulari, vt dum incertus est
finis, semper solliciti simus, ac anxij expectantes illũ
& timentes ne impræparatis superueniat. Hactenus
Theophylactus. Prophetæ etiam qui Dei spiritu loqui
ti sunt, multo plura cognouerunt, quam scripserunt:
vt Paulus de se testatur. Audiui, inquit, arcana ver-
ba, quæ non licet homini loqui. Per fidem igitur cer-
tiores facti sumus, quod Christus venturus sit ad iu-
dicandum homines: sed propter nostram vtilitatem
ignoramus qua die venturus sit. Similiter per fidem
certi sumus, aliquos homines prædestinatos esse ad
gloriam æternam: quis vero definite sit prædesti-

2. Cor. 12.

Chrys. act.
apo. ho. 25

natus dubium est: quia non hoc, sed illud in diuina scriptura exponitur. Hæc quidem dubitatio non solum homini in hac mortali vita utilis, sed necessaria est. Chrysostomus, quid igitur, inquit, propheta? rex, ait, consilium meum placeat tibi, peccata tua elemosynis redime, & iniquitates tuas miserationibus pauperum, forsân erit venia delictis tuis. Hoc sic dixit non ambigens, valde enim persuasum erat propheta, sed volens illum amplius terrere & cogere, ut hoc faciat. Si enim affirmando dixisset negligentior factus ille esset. Ita & nos tunc maxime quosdam urgemus, quando dicimus, obsecra illum, & non adiucinus omnino auditurum, sed forte auditurû. Metus enim a dubitatione profectus magis impellit, & propter hoc certum & manifestum istud non fecit. Augustinus etiam eandem asserens sententiam ait.

August. de
correct. &
grat. 13. c.

Tamen apertius in apocalypsi dicitur. Tene quod habes, ne alius accipiat coronam tuam: si enim alius nō est accepturus, nisi iste perdiderit, certus est numerus, quod autem etiam perseueraturis sanctis, sic ista dicuntur, quasi eos perseueraturos habeatur incertum, non aliter hoc audire debent, quibus expedit, non altum sapere, sed timere. Quis enim ex multitudine fidelium quandiu in hac mortalitate viuitur, in numero predestinatorum se esse præsumat: quia id occultari opus est in hoc loco, vbi sic cauenda est elatio, ut etiam per sathanæ angelum ne extolleretur, tantus colaphizaretur apostolus. Hinc & apostolis dicebatur: si manseritis in me, dicte illo, qui illos vtiq; sciebat esse mansuros, & per prophetâ: si volueritis &

audieritis me, cū sciret ipse, in quibus operaretur & velle. Et similia multa dicuntur, propter huius vtilitatem secreti, ne forte quis extollatur, sed omnes etiam qui bene currunt, timeant, dum occultum est, quo perueniant. Propter huius ergo vtilitatem secreti credendum est quosdam de filiis perditionis, non accepto dono perseverandi vsq; in finem. in fide qua per dilectionem operatur incipere viuere, & aliquan diu fideliter, ac iuste viuere, & postea cadere, neque de hac vita priusquam hoc eis contingat auferri. Quorum si nemini contigisset, tam diu haberent homines istum saluberrimum timorem, quo vitium elationis opprimitur, donec ad Christi gratiam, qua piē viuatur, peruenirēt, deinceps iam securi nunquā se ab illo esse casuros: qua præsumpcio in isto tentationum loco non expedit vbi tanta est infirmitas, vt superbiam possit generare securitas. Hactenus Augustinus.

Fidei specialis certitudo quam sectarij cōstituūt mortali homini est perniciosa.

Misericors quidem Deus illa qua ad mores & religionem magis conducunt nobis exposuit. Sed specialis certitudo, tantum abest, vt expediat, vt potius obsit: nam ex ea securitas, & ex securitate superbia, qua omnium peccatorum est initium, nascitur. Dubitatio vero timorem, timor vero operandi studium parit. Vnde hac specialis fides, non solum contra fidem, sed contra bonos mores militat: nam homo minus sollicitus est de illis qua frequen-
Caput 40.

Greg. ho.
mel. 38.

ter, quàm quæ raro fiunt: & multò minùs sollicitus erit de illis, de quibus supremam habet certitudinem. Vnde postquam sectarij populo persuaferunt hanc specialem certitudinem, pius Dei cultus, bonorumq; operum studium exoleuit. Quare sacra scriptura, ac ecclesia doctores, vt Dei cultus, boniq; mores indies magis promoueantur, dubitationem, timoremq; inculcant. Gregorius enim exponens illud: multi autem sunt vocati, pauci verò electi, inquit: Tremendum est valde fratres charissimi, quod audimus. Ecce nos omnes iam vocati per fidem, ad cœlestis regis nuptias venimus, incarnationis eius mysterium & credimus & confitemur. Diuini verbi epulas sumimus, sed futuro die iudicij rex intraturus est: quia vocati sumus, nouimus, si sumus electi, nescimus. Tandò ergo necesse est, vt vnusquisque nostrum in humilitate se deprimat, quanto si sit electus, ignorat. Aduersus hunc ecclesiæ doctorem Caluinus, pessimè, inquit, ergo & perniciosè Gregorius, dum vocationis tantum nostra conscios esse nos tradit, electionis incertos. Vnde ad formidinem, & trepidationem hortatur, &c. Quinimò piè & doctissimè Gregorius de hac speciali certitudine disseruit, nam vocationis exterioris, qua ad fidei vnitatem, & ad sacramentorum communionem vocati sumus, certitudinem habemus: quia hæc vocatio externa est, & eam experimur, atq; electis, & non electis communis est, sed vocatio secundum propositum interna est, nec eam euidenter quis experitur. Idè si cut iustificationis, ita electionis, nullus habet specialem

Cal. c. 14.
part. 20.

lem fidei certitudine: quia Dei verbum hunc aut illū esse electum & iustificatum definitē non asserit, sed in dubio relinquit, qua hac dubitatione timorem homini inculcit: quia homines vt eorum ingenium est, facilius timore ad operandum, quā amore ducuntur. Vnde diuina scriptura concionatores, qui trepidationem populo non inculciunt, reprehendit: Popule, inquit, meus, qui te beatum dicunt, ipsi te decipiunt, & viam gressuum tuorum dissipant. Hieronymus hunc exponens locum, ait: Ille est ergo doctor ecclesiasticus, qui lachrymas non risum mouet, qui corripit peccatores, qui nullum beatū, nullum dicit esse felicem, nec prauenit sententiam iudicis sui, dicē te scriptura sancta: Ne beatum dicas quenquam hominem antē mortem. hac Hieronymus: Quid enim aliud est certiozem facere hominē in hac vita de sua iustificatione, nisi dicere eum beatum? nam quid beatius esse potest in hac mortali vita, in qua Deum nemo vidit, quā a Deo iustificatum esse, ac de hoc per fidem definitē fieri certiozem, securumq; de sua iustificatione esse? Huiusmodi docentes verē decipiunt dei populum, ac pietatis, bonorumq; morum pernicies sunt: quia hac fide speciali Dei timor excutitur, securitas alitur, bene operandi studium remittitur.

Esai. 3. ca.

Hierony,

Generalis quidem fides ad bene operandum iuuat, specialis vero impedit.

Cap. 41.
Phil. apol
de poen.

Sed Philippus aduersus hanc dubitationem obijcit: Nihil, inquit, agunt conscientie ex fide, eū dubitant, vtrum habeant remissionem, quomodo

modo possunt in hac dubitatione inuocare Deum.

Cal. ca. 15. *Similiter Calvinus eandem cōfirmans sententiam,*
 part. 7. *ait: Qualis enim ista oratio? O domine, ego quidem,*

an me exaudire velis, dubius sum, sed quia anxie-
tate premor ad te confugio, vt si dignus sum mihi
succurras, &c. Ex superius annotatis manifestum
est, quod aliquid indefinitè est certum, quod est du-
bium & incertum definitè: vt, vnum Deum esse a-
puđ philosophos certum & euident est, sed definitè
quis hic Deus sit, apud illos fuit dubitatum. Ita hac
vniuersalis est certissima: Deus vult omnes homines
saluos fieri, & per hanc vniuersalem fidem indefi-
nitè credimus homines saluandos fore: tamen quis
definitè saluabitur, sicut ego de alijs non sum certus,
ita nec de me ipso: quia omnes aequaliter includun-
tur in illa vniuersali, & ad Deum inuocandum, &
ad cetera religionis officia fides vniuersalis, non spe-
cialis exigitur. Quod manifestissimè patet in exem-

1. ad. Co. 9. *plo Pauli: Nescitis, inquit, quod omnes qui in stadio*
currunt, omnes quidem currunt, sed vnus accipit bra-
uium: omnes enim qui currunt in stadio, credunt in
vniuersale, & indefinitè, quod brauium dabitur vin-
centi, & singuli dubitant, quis futurus sit victor, &
cui dabitur corona. Atque cum illa vniuersali fide
& hac speciali dubitatione fortius pugnant, quàm
si haberent singuli specialem certitudinem de acci-
piendo aut non accipiendo brauiio. Nam si quis cer-
tus esset, se non accepturum, non pugnaret, & qui
certus esset de victoria, non tam fortiter, quàm si es-
set dubius, pugnaret. Fides igitur vniuersalis magis
iuuat

iuuat ad fortiter pugnandum, quam specialis: atque specialis dubitatio non solum non impedit, sed potius ad fortius pugnandum iuuat, nam vnusquisq; per illam generalem fidem intendit vincere, & consequi brauium. Eodem modo se habet catholicus circa omnes diuinas promissiones, vt in hac: Petite & accipietis: omnes enim qui orant, Deum velle eos exaudire non dubitant: quanquam nullus in speciali de se sit certus, an exaudiat, an non. Si qui enim essent certi, se non exauditum iri, non orarent: qui vero essent certi, negligenter peterent. Cum igitur omnes catholici in vniuersali credant, quauis in speciali singuli de se dubitet, tamen omnes in fide, nihil de Dei fidelitate hesitantes orant, & quando vnusquisque cum hac generali fide de se magis humiliter dubitat & timet, tanto instantius petit, non tamen eo pacto, quo Calvinus catholicis imponit: Ego quidem, inquit, an me exaudire velis dubius sum, sed quia anxietate premor ad te confugio, vt si dignus sum mihi succurras, &c. Pio igitur animo orant, dicentes: Domine certus sum quod omnes inuocantes te in veritate exaudis, sed ego conscius propria imbecillitatis, & meis iniquitatibus implicatus, an, vt oportet, orem nescio, ideo non vt si dignus sum (vt Calvinus comminiscitur) sed vt dignus efficiar promissionibus tuis, suppliciter oro. Nullus enim catholicus dubitat, an Deus eum velit exaudire, sed dubitat, an bene aut male petat: quia multi, vt scriptura docet, propterea quod male petunt, non accipiunt. Petitis, inquit, & non accipitis, id quid male petatis,

Calvinus.

Iacob. 4.

Sancti

Sancti in hac vita mortali specialera
fidem ordinarie non habuerunt.

Cap. 42.

Tanta est veritatis vis, vt eius inimici eam aduersus se profiteantur: nam hanc catholicam doctrinam sectarij specialem fidem astruentes confirmant, ex quo, etsi non animaduertant, suam specialem fidem labefactant. Calvinus itaq; inquit:

Cal. ca. 15.
part. 9.

Cum animis nostris statuendum est, nihilo nos minus exauditum iri, quàm exauditus fuerit Petrus, vel Paulus. Et infra: Si tamen eadem ac aque firma fide Deum imploremus, quando reliqua longè inferiore, tamen in hoc pares sumus: quod in eodem orandi mandato, eadem exorandi promissione instructi armatiq; sumus, &c. Bene monet Calvinus, vt statuamus in cordibus nostris, quod sicut Deus exaudiuit Paulum & Petrum, ita nos exaudiet. Sed quo-

2. ad Cor.
12.

modo Deus Paulum exaudierit, ipsemet Paulus testatur: Et ne, inquit, magnitudo reuelationum extollat me, datus est mihi stimulus carnis mee. angelus sathana, qui me colaphizet, propter quod ter domini rogavi, vt discederet à me, & dixit mihi: sufficit tibi gratia mea, nam virtus in infirmitate perficitur. Ex his verbis Paulum specialem fidem non habuisse, vel si illam habuit, per illam fuisse deceptum, manifestè patet. Vnde specialis certitudo non fides, sed error est. Nam Paulus quando orabat, aut erat certus se exauditum iri, aut dubius: si erat certus, igitur decipiebatur per specialem fidem, nam se Deum non exaudisse ipsemet testatur, cum ait: Et di-

xit mihi, sufficit tibi gratia mea. Cum igitur Paulus hac in oratione non fuit exauditus, quando orabat, non fuit certus se exauditum iri, ut Calvinus affirmat, alias fuit deceptus. Patet ergo quod Paulus vas electionis, ille qui raptus in tertium cœlum, & audiuit arcana verba, quæ non licet homini loqui, ille qui non ab homine, sed à Deo Euangelium didicit: ille inquam Paulus, cui in mandato orandi, & in promissione exaudiendi pares sumus, ignorauit se exaudiri. Et de hoc per specialem reuelationem certior factus est. Nam si per specialem fidem habuisset certitudinem se non exauditum iri, non orauisset, & si per eandem orauit, contra fidem egit. Vel ergo Paulus non fuit christianus, quia specialem fidem, quam sectarij asserunt, necessariam non habuit, aut hac specialis fides error est. Illud asserere de Paulo, qui vas electionis est, quàm temerarium atq; hæreticum sit, omnibus est manifestum. Relinquitur ergo, speciale quàm vocant fidem, esse manifestissimum errorem. Ex quo Paulus non per fidem vniuersalem quã habuit, nec per specialem quàm sectarij dogmatizant, sed per specialem reuelationem se non exauditum esse credidit. Verius quidem Calvinus dixisset. vnusquisq; statuatur, nihil magis se certum esse quando orat, quàm Paulus fuit in sua oratione. At Paulus non quia non habuit speciale fidem, nec propterea quod de fidelitate Dei dubitasset (nam in illo existimandum est, quod ut scriptura docet, nihil in fide hesitant postulauerit) sed propter iustam causam sibi ignotam non fuit exauditus. Vnde clarissime manifestatur, quàm temeraria sit specialis fides

Iacob. 1. 6.

des, cum plures causa sint, propter quas Deus iustissime huic aut illi non dat, quae promisit, & tamen non est infidelis, ac illa causa soli Deo sunt nota, nosque latent. Quis enim tam temerarius est, ut quae Paulum latebant, sibi patere asserat? Sine speciali Dei oraculo, nullus potest fieri certior de supernaturalibus donis sibi collatis, tamen per fidem generalem de diuinis promissionibus est persuasus.

Generalis fidei certitudo cum morali coniectura ad pie operandum ex fide sufficit.

Cap. 43.

Etsi nullus ordinariè ex fidei doctrina speciale certitudinè habeat sua praedestinationis, & iustificationis, tamen non est negandū aliquos speciali Dei reuelatione certiores factos esse suae iustificationis, quod rarum dei donū est. Et quanquā iusti nō habeant fidei specialem certitudinē suae praedestinationis & vocationis, tamen tantā certitudinē habent, quanta ad pie viuendū in Christo sufficit. Nā quamuis scriptura praedestinationis, electionis, et similiū in speciali fidei certitudinē non doceat, sed potiūs dubitationē tamen in vniuersali fidei certitudinē exponit, & tradit methodū, quā instruimur, à quibus saltem humanam specialem certitudinē accipiamus, quae cum fide vniuersalis promissionis, in hac vna ad pie Deum colendum sufficiat. Apostolus Petrus: Quapropter, inquit, fratres magis satagite, ut per bona opera certam vestrā vocationem et electionem faciatis. Nam sicut neque qui plantat, neque qui rigat est aliquid

Pet. 2. epi.
cap. 1.

aliquid. sed qui incrementum dat Deus: tamen qui plantat & rigat certior de messe futura colligenda, quàm qui nec qui plātat, nec qui rigat est: et si omnia à Deo & nec volentis, nec currentis, sed dei miserationis, tamen qui credit, & bene operatur, certior est de sua predestinatione, vocatione, & de aeterna beatitudine, quam qui non credit, aut non piè viuit. Nam sicut Deus ordinauit terram per agriculturam germinare frumentum: ita predestinauit, credentibus, & piè viucentibus dare beatitudinem. Vnde ex fide generali & bona conscientia homo habet, tantam certitudinem, quanta sufficit ad piè viuendum in Christo. Hæc verò specialis certitudo non est fidei, vt satis ostendi superiùs, quia non diuino, sed humano videlicet propria conscientia testimonio innititur, quod testimonium non est tam sufficiens (etiā cum fide generali promissionis ad persuadendum: vt omninò indubitanter assentiar, definitè me predestinatum esse) vt diuinum verbum ad fidem faciendā huius propositionis: Paulus est predestinatus, quia de hac definitè loquitur scriptura, non tamen de me.

Nemo ordinariè est certus suæ futuræ beatitudinis.

Cap. 44.

ADuersus hanc humanam certitudinem Calvinus ait: Egregia verò salutis fiducia nobis relinquitur, si ad presens momentum nos esse in gratia coniectura morali existimamus, quid in crastinum sit futurum nescimus. &c. Calvinus igitur de futuris contingentibus non explicatis in sacra scriptura

Caluin. ca.
5. par. 18.

- haberi certitudinem, videlicet esse certum, se non transgressurum cras Dei legem asserit. Quod contra Dei verbum est, quod ait. Omnia in futurum seruantur incerta. Atque in hoc Calvinus sibi contradicit: nam in alio loco, ideo inquit, nos calare futura omnia voluit Deus, vt tanquam dubijs occurramus, nec desinamus parata remedia opponere. Et infra. proinde in rebus agendis ea est nobis praspicienda Dei voluntas, qua verbo suo declarat &c. Hanc doctrinam Eccl 9.c. sacra scriptura docet. Sunt, inquit, iusti atque sapientes. & opera eorum in manu Dei: & tamen nescit homo vtrum amore an odio dignus sit, sed omnia in futurum seruantur incerta, eo quod vniuersa aequaeueniant, iusto & impio. Hieronymus istam sententiam exponens, Porro, inquit, hic sensus est. Etiam in hoc cor meum dedi, & scire volui, quos Deus diligeret, quos odisset, & inueni iustorum quidem opera in manu Dei esse: & tamen vtrum amentur à Deo, an non, nunc eos scire non posse: & ambiguo fluctuare, vtrum ad probationem sustineant, quae sustinent, an ad supplicium. In futuro igitur scient, & in vultu eorum sunt omnia, id est, antecedit eos cum de vita hac decesserint notitia istius rei, quia tunc est iudicium, nunc certamen. Hac Hieronymus. Deus enim cælando futura, quadam quoque prae terita, & praesentia, ex quibus futura necessario sequuntur, occultat. Nam sicut in scientijs, cognitis principijs cognoscitur conclusio, quae ex illis infertur necessario: ita ex praedestinatione, futura beatitudo necessario & euidenter infertur. Vnde si quis sua praedestinationis habet fidē
- pe-

specialem, certus est sua futura beatificationis. Quod si beatificationis futura in speciali est certus: quæ sunt illa futura, quæ Deus celauit hominem, ut tanquam dubijs occurramus, & non desinamus parata remedia opponere? Certe non tam de agrorum colligendis fructibus, nec de belli victoria quàm de futura morte & vita sollicitos nos esse Deus precipit. Hac enim nobis magis dubia & periculosiora sunt, quàm illa. Itaq; diuina lex non ad occurrendum cœli intemperiei, nec terræ sterilitati, nec bellantium scuitia remedia tradit (quamuis opponere his malis futuris iusta remedia sit licitum) sed ad vitanda futura peccata, & cauendam æternam pœnam, & ad assequendam futuram vitam beatam parauit remedia, quibus his dubijs occurramus. Atq; hac proculdubio sunt vnius mediatoris fides, quæ per dilectionem mandatorum Dei obseruationem operatur. Si igitur per specialem fidem Calvinus se non transgressurum Dei legem est certus, de opponendis remedijs aduersus futura peccata non erit sollicitus: & hac certitudine & securitate nihil minus quàm de cauendis futuris peccatis curabit: ex quo opus non erit illi, orare illud ex oratione dominica, Et ne nos inducas in tentationem, sed libera nos à malo: erit siquidem beatus, quemadmodum illi qui cum Christo æterna & perfecta pace fruuntur. Hac & similia ex temeraria speciali fide sequuntur, q̃ bonos mores piumq; Dei cultū enervāt.

Fidelium opera non speciali sed generali certitudine regulanda sunt.

Cap. 45.

HAEC coniectura seu humana certitudo quamuis admixtam habeat formidinem, tamen diuinae promissiones dubias non reddit: quia si in humanis scientijs vniuersales & indefinitae propositiones veriores sunt singularibus definitis, multò certiores erunt in diuina scriptura: cum de singularibus non ars sed historia tradatur. Vnde illa singularia, quae non definite exponuntur in diuina scriptura, velut dubia relinquuntur: & propter haec singularia dubia non sequitur, quod vniuersales & indefinitae non sint sempiterna veritatis, quia vniuersalis indefinita singularem est norma. Quapropter in rebus agendis ad regulas vniuersales & non ad singularia dubia perspicendum est: atque ita qui orat Deum, aut poenitet, quamuis de se dubitet, non idè oratio & poenitentia per hanc dubitationem singulari, sed per Dei promissionem vniuersalem regulanda est, in qua pauide conscientia consolantur, & non in speciali vana fide, quae plerumq; fallit & fallitur: Hanc doctrinam & ipsi sectarij, velint, nolint, profitentur, quae professione specialis fides penitus ru-

Calu. cap. it. Calvinus. partim, inquit, in Euangelij promissionem recumbit, partim sua iniquitatis testimonio trepidat. Quae variatio ex fidei imperfectione contingit: quando nunquam tam bene in praesentis vitae cursu nobiscum agitur, ut omninò diffidentia morbo curati fide toti repleamur. Et infra: Si quidem istius certaminis semper hic finis est, quod fides eas difficultates quibus ita circumsepta videtur periclitari, tandem eluctatur. Et in alio loco adducens il-

Caluin. ca.
14. par. 25.

lud

lud Pauli: vult omnes homines saluos fieri, inquit. Sed cur omnes nominat? nempe quod tutius piorum conscientia acquiescant, dum intelligunt, nullam esse peccatorum differentiam modo adsit fides: impij autem non causentur sibi deesse asyllum quo se à peccati seruitute recipiant, &c. Quod si tutius piorum conscientia, vt Caluinus fatetur, in vniuersali fide acquiescunt: minùs igitur tutè in speciali: quare specialis certitudo non est fides. Nam omnia quæ fide tenemus, aquè firmiter credimus & acquiescimus, quia eadem est ratio, propter quam omnibus credibilibus assentimur. Fidei quidem articulis ad Christi humanitatem spectantibus ita firmiter, sicut illis, qui ad eius diuinitatem pertinent, assentimur, & sicut in istis, ita & in illis per fidem nullus potest decipi, quia omnia propter Dei verbum creduntur: sed in promissione vniuersali tutius conscientia piorum acquiescunt: & hoc, quia certius illi quàm fidei speciali assentimur: quare non hac sed illa est fides. In fide quidem vniuersali magis constanti certitudine ac solida securitate, quàm in speciali fide animum obfirmamus. In illa enim catholicus velut supra firmam petram recumbit, & pedem figit, quia in verbo Dei fundata est. In hac verò sectarius velut in brachio carneo, & in baculo arundineo acquiescit. Sed quid multis moror? Philippus quoq; ipse pluribus in locis vniuersalem fidem astruens, specialem labefactat.

Philipp. de prædest.

Quare, inquit, non desectamus oculos atque animos à promissione vniuersali, sed in hanc nos ipsos includamus, & sciamus verè in ea voluntatem Dei ex-

pressam esse. Eandem sententiam infra clarius exponit dū ait. Remoueamus à Paulo stoicas disputationes, quæ fidem & inuocationem euertunt. Quomodo enim potest Saul credere, aut inuocare, cum dubitat promissionem ad se pertinere, aut cum obrepit illi tabula Parcarum, iam decretum est te reiiciendū esse, non es scriptus in numero electorum. Aduersus has imaginationes discamus voluntatem Dei: ex Euāgelio agnoscamus promissionem esse vniuersalem, ut fides & inuocatio accendi possit. Huic sententia

In locis de
gra.

consonat quod in alio loco ait. Ac prodest hoc loco habere in conspectu aliquas vniuersales sententias, ut nos vere in illas includamas, sciamus vere nobis quoque Deum velle ignoscere, nos exaudire, & recipere, &c. Ecce quomodo secundum sectarios fides vniuersalis sine fide speciali omnibus sufficit ad Deū in veritate inuocandum. Vnde moralis coniectura, quam scholastici cum vniuersali fide ponunt, non est perniciofa, ut Calvinus asserit, dicens, hinc iudicare licet, quā perniciosum sit scholasticorum dogma, nos de gratia Dei erga nos non aliter statuere posse, quā ex coniectura morali, prout se vnusquisq; non indignum reputat, etc. Caterū fallitur admodum, quia non scholasticorum, sed fidei dogma est: neminē sine speciali reuelatione posse esse certum de sua iustificatione. Et hoc tantum abest, ut sit perniciosum, ut potius sit maxime officiosum: nam Dei verbo & patrū testimonijs hanc specialem incertitudinē, vtilem, illam vero specialem fidem perniciosam & falsam esse ostensum est. Nec scholastici ex sola coniectura, sed ex illa,

Cal. c. 4.
p. 15.

illa, cum vniuersali Dei promissione, humanam haberi certitudinem asserūt. Atq; hac magis certos nos facit, quam fallax specialis fides, quā sectarij ponunt. Et hac sufficit pauidis conscientijs, quæ in fide vniuersali quiescunt. Neq; ut ait Calvinus: prout se vnusquisq; non indignum reputat, sed prout vnusquisq; quanto minus sibi conscius est, tanto magis se humiliat, & reputat se indignum, & præ oculis habens Dei promissiones in domino & non in se confidens, orat, pœnitet, & cetera quæ Deus iubet, iuxta humanam fragilitatem cum Dei gratia exequitur,

Fidem eandem esse post iustificationem cum illa quæ ante fuit oportet,

¶ Sed sectarij ni fallor specialem fidem, quoddam Dei donum asserūt esse, iustificatis ordinarie datum: quo certiores suæ iustificationis fiunt. Nam de hac speciali certitudine Philippus ait: Nunc de hac fide consequente remissionem peccatorum, nulla est syllaba in tota mole constitutionum &c. Huic sententia consonat quod alibi dicit, Aduersarij, cum de fide loquuntur, dicunt eam præcedere pœnitentiam &c. Proculdubio, non solum in mole constitutionum, sed neque in diuina scriptura de hac speciali fide consequente pœnitentiā sit mentio. Nam adulti baptizandi catechizantur, & ab illis ecclesia exigit fidei confessionem: & hanc esse necessariam ante baptismum, oēs iuxta diuinam scripturam affirmant. Quod Lucas satis clare exponit cū inquit, Venerunt, Cap. 46.
Philip. Act.
pol og. de
confe. &
de pœnit.

Acto. 8.

Ad Rom.
10. cap.

ad quandā aquam: & ait Eunuchus: ecce aqua quia prohibet me baptizari? Dixit autem Philippus. Si credis ex toto corde, licet. Et respondens ait: Credo filium Dei esse Iesum Christum. Atque post baptismum, non exigitur à iustificato alia fides præter illam quam professus est. Nam antè iustificationem prius oportet credere omnia necessaria: Paulus: credere enim, inquit, oportet accedentem ad deum quia est, & inquirentibus se remunerator, & ideo antè baptismum ei proponuntur generales promissiones, & illis credens baptizatur, eandem igitur fidem quam habuit antè, & non aliam habet post baptismum. Sectarij verò asserunt, hanc specialem fidem consequi iustificationem, igitur est alia fides ab illa qua exigitur antè iustificationem: & per consequens per fidei doctrinam hæc specialis fides non traditur, quod est contra apostolum, qui ait: Fides autem per verbum Dei: nam audire verbum Dei & credere antè iustificationem oportet: & tamen nullus hanc fidem specialem habet antè iustificationem. Quare non est fides, sed error. Nam fides quam de Christo redemptore nostro habemus, eandem habuerunt patres antè Christi natiuitatem, & apostoli etiam tempore, de quo Christus in hac mortali vita conuersatus est. Vnde eadem fides est harum trium propositionum, Christus nasciturus est, nascitur, & natus fuit. Et sicut Astrologus etiam eadem demonstratione demonstrat, Solis deliquium futurum ad certū diem, & per eandem cognoscit eundem præsentem et præteritum. Ita si hæc est de fide: Calvinus iustifica-

zur: hac etiam, Calvinus iustificabitur: antequā iustificaretur fuit de fide, sed ipse Calvinus nō potuit antē iustificationem, quamvis credat omnes generales promissiones, illam credere: igitur non est de fide. Sienim aliquis Iudæus fidelis, maior natu Christo, per Christi prædicationem credidisset & post Christi mortem supervixisset, per eandem fidem Christum venturum, venire, & venisse credidisset. Simili modo baptizandus adultus antē iustificationem hanc specialem fidem haberet, sed illam non habet: igitur non est fides.

Nemo credit nisi volens.

Quoniam homo ad res gerendas voluntate ductur, ideo illius operationes sunt voluntaria, atq; de humanarum disciplinarum cognitione, quā per studium literarum consequitur, idem est iudicium. Nam qui in discenda philosophia dat operam, non sine affectu animum ad discendum appulit. Quare sicut verbi Dei concionatores, ita disciplinarum professores spontē audimus, sed humanarum disciplinarum dogmatibus, habita tantū cognitione rationum, quæ illa astruunt, præterita voluntatis consensu assentimur. Humana enim disciplina nihil supra naturam, nihilq; humanum excedens intellectum tradunt. Quare sufficientes rationes, quibus reuincitur intellectus ad sua dogmata persuadenda adducunt. Nam sicut in voluntatis potestate est auertere, aut conuertere oculos ad videndum, & tamen avertitis oculis velimus, aut nolimus, videamus oportet: ita voluntatis consensu cogitamus hanc propositionem

tionem bis tria sunt sex, qua semel cogitata, non voluntate, sed naturali necessitate intellectus ad assentiendum conuincitur. Et quia applicare animum ad scientiarum studium, (sine quo illarum notitia non habetur) ad voluntatem pertinet: ideo disciplinarum cognitio voluntaria, ac iuxta recte rationis regulam laudanda aut vituperanda est. At quoniam sunt quaedam propositiones, quarum testimonia non sufficiunt, neque rerum aut argumentorum euidencia, aliquid valet, ad perfecte persuadendum, nec intellectum reuincere valent: ideo istis sine voluntatis imperio intellectus non assentitur. Quapropter, harum propositionum non solum cognitio, sed assensus à voluntate est. Hoc verum esse, illa maxime quae in diuina traduntur scriptura aperte demonstrant, quia non solum à nostris sensibus, sed à nostro intellectu nimis absunt. Nam de rebus & gestis humanis, eo quod non superant naturam, quanquam remota sunt à nostris sensibus, quaedam habent tam sufficientia testimonia, nobisque nota, quod ad illis assentiendum non opus sit voluntatis affectu, talia sunt pleraque in Grammatica, Dialectica, & Philosophia, ut verbi gratia: quod hic liber epistolarum sit Tullij, aut ille Aeneidas Vergilij, omnes confitemur solo testimonio latinarum & horum sibi constantium: quorum tanti ponderis est auctoritas, quod Grammaticorum nullus illis non credere, etiamsi velit, possit: quia latinorum communis sensus ad assensum conuincit intellectum. Sed testimonia quae ordinarie proponuntur ad credendum, contenta in sacra scriptura, ad conuincendum intellectum,

sola

sola non sufficiunt: quare opus est voluntatis affectu. Hanc doctrinam esse apostolicam testatur Paulus: Ad Ro. 10. 10. corde inquit creditur ad iustitiam. Augustinus quoque eandem sententiam exponens, ait: Quid hic dicimus fratres? si trahimur ad Christum; ergo inuiti credimus: ergo violentia adhibetur, non voluntas excitatur. Intrare quispiam ecclesiam potest nolens, accedere ad altare potest nolens, accipere potest sacramentum nolens: credere non potest nisi volens. Si corpore crederetur, fieret in nolentibus, sed non corpore creditur. Apostolum audi dicentem: Corde creditur ad iusticiam: Et quid sequitur? Ore autem confessio fit ad salutem. De radice cordis surgit illa confessio. Haec tenus Augustinus. Si autem omnibus hominibus Deus sicut prophetis loqueretur, eorum intellectum, ad assentiendum suae reuelationi, conuinceret: nam Dei loquentis tanta est auctoritas, ut sine voluntatis imperio efficacius quam rerum euidencia persuadeat. Atque ita conuincit intellectum, ut sapissimè factum fuit in reuelationibus prophetarum, quibus Deus loquutus est. Nec propterea in prophetis fuit affectus minor, imò potius maior quam in ceteris, ad credendum mysteria reuelata. Nam ut accidit illis, qui desiderio inquirenda veritatis tenentur, quibus quanto euidentiores rationes occurrunt ad intelligendū, tanto maiori affectu amplectuntur scientiā: ita propheta quanto euidentius testimoniū ad credendū habuere, tanto maiori affectu credidēre. Vnde corde crediderūt ad iusticiam: non enim propterea quod propheta habuerunt euiden-

Aug. sup.
Ioan. tra-
ctat. 26.

euidentiora testimonia ad credendum, idè habuerunt euidentiam de rebus reuelatis.

Et si fides intellectus est actus, tamen a voluntatis pia affectione formatur.

Cap 48.

Modus quidem tradendi sacram doctrinam specialis & extraordinarius, tamen conueniens fuit prophetis apostolisq, quàm ordinarius tradendi notitiam verbi Dei per prädicationem est nobis omnibus expediens. Nam per hunc modum tradendi fidei doctrinam, magis humiliatur homo, quàm si illo modo immediate doceretur à Deo. Atq, hoc pacto verbi Dei ministri honorantur magis: quia legatione funguntur pro Deo: hoc etiam modo accipiendo fidei doctrinam, quantò ineuidentiora sunt testimonia, tantò ex cordis maiori affectu Deo habemus fidem, & pluris obedientia illi exhibemus. Nam quod fidei testimonia (non propter eorum insufficientiam, sed quia homini sunt obscura) non efficiunt, id voluntas religiosè erga Deum affecta, simul cum illis facit: quia persuadet intellectui vt firmiter assentiat verbo Dei. Hanc Catholicam doctrinam Calvinus subsannans ait. Fidem formari nugantur, accedente ad assensum pia affectione, &c. Pro fidei formatione est animaduertendum, quod iuxta communem philosophorū sensum, forma est, quæ dat esse rei, & omnia secundum formam habent esse. Petrus quidem per animam est homo, per albedinem verò est albus: atq, hæc quidem accidentalis, illa verò substantialis est forma. Hinc fit

Caluin. ca.

5. P. 19.

fit, quod Petrus sine albedine est homo, non tamen albus. Qui ergo dat Petro animam perficit illum: quia dat illi formam substantialem, qua est homo. Similiter qui dealbat parietem, dat parieti aliquod esse accidentale, & hoc etiam est perficere parietem. Idipsum sentiendum est de assensu fidei, cuius perfectio intrinseca & essentialis est: quod sit assensus certissimus, eius itaque forma est certitudo, qua quamuis ab ipsis rebus seu obiectis producat, tamen quando res sunt remota à sensibus, aliunde accipitur, & illa à quibus accipitur, perficiunt & formant assensum, quia sine certitudine cogitatio est informis & imperfecta. Hanc apostolicam doctrinam sapientissime Thomas exponit, dicens: Quidam verò actus intellectus habent quidem cogitationem informem absq; firma assensione: siue in neutram partem declinent, sicut accidit dubitanti: siue in vnam partem magis declinent, sed tenentur aliquo leui signo: sicut accidit suspicanti, siue vni parti adhaereant, tamen cum formidine alterius, quod accidit opinanti: sed actus iste qui est credere, habet firmam adhesionem ad vnam partem in quo conuenit credens cum sciente & intelligente: & tamen eius cognitio non est perfecta per maximam visionem, in quo conuenit cum dubitante, suspicante, & opinante. Et sic proprium est credentis, vt cum assensu cogitet: & propter hoc distinguitur iste actus qui est credere, ab omnibus actibus intellectus qui sunt circa verum & falsum. Hac Thomas. Cogitatio ergo in illis quae non habent euidenciam, formatur per firmam adhesionem, quae est

Tho. 2. 2.
q. 2. art. 1.

est fidei forma. Et ne quis leuiter credat, necessaria est inquisitio, & deliberatio, ad adhaerendum alteri parti. Quod ille etiam ibidem aperte satis docet, dicens: Alio modo dicitur cogitare magis propriè consideratio intellectus, quæ est cum quadam inquisitione antequam perueniatur ad perfectionem intellectus per certitudinem visionis. Et infra qualis sit fidei inquisitio exponit, cum inquit: Fides non habet inquisitionem rationis naturalis demonstrantis id quod creditur: habet tamen inquisitionem quandam eorum, per qua inducitur homo ad credendum: puta, quia sunt dicta à Deo & miraculis confirmata. De hac fidei inquisitione & deliberatione Paulus ad Ro, 4. loquens de Abraham: Qui contra spem, inquit, in spem credidit, ut fieret pater multarum gentium, secundum quod dictum est ei: sic erit semen tuum, sicut stella cæli & arena maris. Et non infirmatus est in fide, nec considerauit corpus suum mortuum, cum iam fere esset centum annorum, & mortuam vuluam Sara. In promissione etiam non hesitauit dissidentia: sed confortatus est fide, dans gloriam Deo plenissime, sciens, quia quacumque promissit, potens est & facere, &c. Theophilactus cum Chrysostomo hunc exponens locum, ait: Ipse verò in fide haudquaquam labefactatus, sed sortem eam retinens, non respexit ad proprium corpus suum ipso tempore iam mortuum, nec expendit secum Sara matricem duplici ratione enectam. Etenim & senio & sterilitate iam erat mortua. Nec hesitauit, hoc est, non in dubiam animi sui sententiam raptus est, nec prorsus animi pepedit. Sed enim
robora-

Chryso.
Theoph.

roboratus est fide. Intuere autem, quinam ostendat
 credentem opus habere multa virtute ac potentia.
 Nam plerique fidem imminuerunt, ceu rem minimè
 laboriosam: opera verò magnificarunt, ut quæ sudo-
 rem ac vires postulent. Indiget igitur, inquit, is qui
 credit & magna & potenti anima, quo incredu-
 litatis ratiocinationes abigat, ac repellat. Perinde
 igitur atque Abrahamus in fide robustior est reddi-
 tus. Quæ ratione? Dñs gloriam Deo: non humanis
 fidem adhibens cogitationibus, aut argumentis. Ha-
 ctenus Theophilactus. Ecce quomodo Abraham ad
 utramque partem habuit rationes, quibus examina-
 tus, post deliberationem contra humanam spem cre-
 dere Dei promissis elegit, sed in istis quomodo deli-
 berandum sit, alibi Paulus exponit: Nam arma, in-
 quit, militia nostra non sunt carnalia, sed potentia
 Deo ad destructionem munitiorum, consilia destru-
 entes, & omnem altitudinem extollentem se aduer-
 sum scientiam Dei, et in captiuitatem redigentes om-
 nem intellectum in obsequium Christi, &c Rationes
 enim humanae insurgentes contra fidem destruuntur
 & captiuantur per obsequentis Deo voluntatis impe-
 rium, quo intellectus illis rationibus spretis soli Dei
 verbo credit. Quia pia voluntas diuina testimonia
 quauis inevidentia pluris quam humana quantū-
 cunque euidencia estimat, & quanquam illa non suf-
 ficiant ad persuadendum, tamen voluntas cum illis intel-
 lectui, ut firmiter asseriatur diuina scriptura, persua-
 det. Volūtatis igitur religiose pius circa dei oracula
 affectus, potētiior quā humana persuasio est. quia illā
 destruit

2. Cor.
 cap 10.

destruit, & certitudinem quam intellectus à solis diuinis testimonijs (quia sunt ineuidencia) non accipit à pia voluntate, ducuntur, atq; ita à testimonijs ineuidentibus, ex voluntatis imperio se persuaderi, in obsequiumq; Christi captiuari sustinet, quia non propter humanas quas ipse excogitauit, sed propter diuinas rationes, quas non euidenter ipse capit, fidei domatibus assentitur. Hoc modo intelligenda sunt illa verba: fides formatur accedente ad assensum pia affectione. Et hoc est, quod Paulus ait: corde creditur ad iusticiam. Non enim dicit quod credere sit actus voluntatis: nam de noticia qua verbo Dei assentimur loquitur, ut sequens sententia manifestat, dicens: Ore autem confessio fit ad salutem. Confessio autem symboli exprimit intellectus assensum imperatum à voluntate. Ipsa quoq; fidei confessio à corde procedit, & sicut corde credimus, ita corde confitemur. Hac verò imperantur à voluntate, & tamen voluntatis actus non sunt, uti deambulatio imperatur à voluntate, tamē corporis membra illam faciunt. Quare dicimus eam esse à corde, id est, à voluntatis affectu. Hoc ipsum Calvinus affirmat, dicens: Siquidem, inquit, assensionem ipsam cordis esse magis, quàm cerebri & affectus, magis quàm intelligentia, &c. Ac hoc est assensum formari pia affectione, & tamen ille hoc nugis vocat, cum per affectum, si pius sit, formetur, id est, perspiciatur assensus, ut firmiter credamus: quare non de re, sed de nomine hinc Calvinus contendit. Voluntate ergo credimus, quia per fidei doctrinam sine pio erga Deum affectu intellectus non persuade

Ad Rom.
10- cap.

Calu. ca. 5.
part. 19.

persuadetur, ad religionis dogmatibus firmiter assentiendum: nec ideo excluditur Dei gratia, quia Dei donum est fides. Istam sententiam scholastici Theologi pari consensu profitentur. Thomas enim ait. Ip-
 sum autem credere est actus intellectus assentientis q. 11. rt. 9. Tho. 22.
 veritati diuina ex imperio voluntatis à Deo mota
 per gratiam. Et sic subiacet libero arbitrio in ordine
 ad Deum. Idem asserit Scotus dicens. Nec pono habi-
 tum fidei infusa solum propter gradum in actu: sed
 etiam propter assensum: quia assensus non est totali-
 ter à voluntate. Aliqui enim sunt, qui velint magis
 assentiri: & tamen minus assentiunt. Et ideo petebat
 Apostoli. Domine adauge nobis fidem: & in quadam
 etiam collecta petitur à nobis augmentum eius, cum
 dicimus. Omnipotens sempiterne Deus da nobis fidei,
 spei, & charitatis augmentum. Quod certè non oportet
 petere si totus assensus esset à voluntate. Scot. 1. 3. d. 23.

Fides charitate, vt perfecta sit virtus, formatur.

Caput 49.

Voluntatis quidem imperio pioq; affectu fides, vt certus sit assensus, formatur: charitate verò vt perfecta sit virtus, acceptaq; Deo, vltius forman-
 da est. Nam sicut homo vltra animam, ad hoc vt sit doctus, indiget scientia tanquam accidentali forma: & ars rebus nouas formas, vt ad hominis vsum illæ commodentur, indit. Ita homo, & illius virtutes, Dei dona, hominisq; actiones, vltra proprias formas aliæ forma indigent, per quam rectæ & bonæ sint, & in
 Deum quoq; ordinentur. Quæ autem sit illa, Paulus
 1. ad. Cor. 13. ca.

K

gen-

gentium doctor exponit dicens. Aemulamini aut charismata meliora. Et adhuc excellentiorem viam vobis demonstro. Si linguis hominum loquar & Angelorum, charitatem autem non habeam, factus sum sicut aes sonans, aut Cymbalum tinniens. Et si habuero prophetiam, & nouerim mysteria omnia, & omnem scientiam, & si habuero omnem fidem, ita ut montes transferam, charitatem autem non habuero, nihil sum. Itaq; Dei charitas quæ diffusa est in cordibus nostris, per Spiritum sanctum qui datus est nobis, hominem, eius actus, virtutes, Deiq; dona format, atq; in Dei gloriam refert. Theophylactus cum Chrysostomo hunc locum exponens ait: Ne sigillatim dicens molestus videatur, ad matrem, & fontem omnium fidem peruenit eamq; omnem. Quia videbatur magnum esse rudioribus, montes transferre, huius gratia, eius rei meminit, non quod hoc solum posset tota fides. Nam montes transferre non magni facit Christus, & modica fidei parti adscribit: si habeatis inquit fidem ut granum sinapis. Obserua autem hic, quomodo autem per prophetiam & fidem omnia charismata comprehendit. Aut enim in verbis vel operibus sunt miracula. Non autem dixit charitatem non habens modicus sum & vilis, verum nihil sum. Ex horum sanctorum doctorum sententia, Paulum non solum de miraculorum, sed de fidei dono quo diuinis assentimur dogmatibus, atq; de omnibus donis loqui manifestum est. Homo igitur rationali anima virtutibus, diuinisq; gratijs donatus, si charitate careat nihil est, sed eam habes vniuersam legem ad-

im-

Theophil.
Chrysost.

Matth. 17.

implens omnis homo est. Quod Augustinus ^{preclare} explicat dicens: Quid breuius, verius, salubrius dici potuit? Deum, inquit, time, & mandata eius custodi: quia hoc est omnis homo. Quicūq; enim est hoc, est custos vtig; mandatorū Dei. quoniam q; hoc non est, nihil est, non enim ad veritatis imaginem reformatur, remanens in similitudine vanitatis. Diuina quidem scriptura p̄ hac verba: nihil sum. nō asserit hoīem non esse, sed deformatū esse, apud ac Deum nihil aestimari, exponit. Similiter per hac verba: fides sine operib; est mortua, non fidē desinisse, sed non esse efficacem significat. Hic loquēdi modus nō solū in diuina scriptura, sed apud homines vulgaris est: nam qui nō est frugi, aut stultus, à ceteris vilipēditur & nihil aestimatur, tamen propter hanc aestimationē non amittit suā formā, qua est homo. Ita fides quāuis sine charitate nihil sit, quia mortua & otiosa est ad operandum, tamē per suam formā qua est certissimus assensus ad fidei dogmatib; firmiter assentiendū, sufficiens est, & iste assensus, etsi certus, tamē sine charitate, qua omnia referūtur in Deum, deformatus est, id est, ad Dei gloriā nihil est. Per charitatē quidē tam actus quam virtutes precipue fidem vt sint, aliquid, viuant, officiosaq; sint, formari oportet. Paulus in Christo, inquit, Iesu neq; circumcisio aliquid valet, neq; praputiū sed fides q̄ per charitatē operatur. Fides enim quando p̄ charitatem formatur, timorem & cetera pietatis facit opera: quando vero non operatur per dilectionem, quanq̄ credat, est informis. De qua Iacobus: Sicut enim corpus, inquit, sine spiritu mortuum est: ita

Eccle. 13. c.
Aug. de ci
uit. li 20.
cap. 3.

Ad Gal. 5.

Iacob. 2. c.

& fides sine operibus mortua est. Super hanc Aposto-
 lorum doctrinam fundatur fidei distinctio in fidem
 formatam & informem, qua distinctio non solum
 ad fidem, sed ad ceteras virtutes, ac hominum actus
 applicanda est: quia omnes virtutes, humaniq; actus
 quantumuis secundum rationem rectam procedant,
 sine charitate informes sunt: quod fit eo, quod per eam
 1. Ad co. 13 ordinantur in finem vltimum. Nam charitas inquit
 Paulus, patiens est, benigna est, charitas non emula-
 tur, non agit perperam, non inflatur, non est ambi-
 tiosa, non querit quae sua sunt, non irritatur, non co-
 gitat malum, non gaudet super iniquitate: congau-
 det autem veritati: omnia suffert, omnia credit,
 omnia sperat, omnia sustinet. Charitas enim quia
 immediatè tendit in Deum perfectius quam cate-
 ra forma, omnia format, ac in Deum dirigit: nam
 secundum Paulum, dare eleemosynam, quod est hu-
 manitatis, si non formetur Dei dilectione, nihil est.
 Si distribuero, inquit, in cibos pauperum omnes fa-
 cultates meas, & si tradidero corpus meum ita, vt ar-
 deat: charitatem autem non habuero, nihil mihi pro-
 dest. Non dicit Paulus, quod qui sine charitate dat e-
 leemosynam, non subuenit pauperi sed nihil mihi pro-
 dest, quia eleemosyna huiusmodi non est Deo grata.
 Nam qui humano affectu dat eleemosynam indigen-
 ti, tam subuenit, quam qui ex charitate, sed hic perfe-
 ctius quam ille operatur: quia propter Deum dat e-
 leemosynam. Similiter fides informis tam vere, &
 indubitanter sicut formata credit, sed hac perfectius,
 quia per charitatem operatur, per quam non solum
 cre-

credendi actus Deo est acceptus, sed ipsa fides ad omnia alia opera bona est efficax, sine charitate tamen fides mortua & ociosa est. Chrysostomus quidem hanc sententiam illustrat dicens. Et quemadmodum in corpore recens mortuo est videre oculos, manus, pedes, cervicem, & caput, sed nullum membrum facit quod debet. Ita & hic omnes fideles presentes sed non est efficax fides. Feruorem enim extinximus & corpus Christi mortuum fecimus.

Chryf. ho.
27. 2. ad
cor. cap. 12

Informis fides tam certa quam formata est persuasio.

Cap. 55.
Calvinus
c. 5. P. 1.

Aduersus hanc Apostolicam fidei distinctionem Calvinus dum nugatoriam, inquit, fidei formata & informis distinctionem asserere volunt, &c.

Quam distinctionem quam ille nugatoriam vocat, sub alijs verbis velit nolit illico profitetur. Quanquam enim, inquit, duas esse fidei formas docendi causa concedimus, dum volumus ostendere, qualis sit in impijs Dei notitia, unicam tamen piorum fidem cum Paulo cognoscimus &c. Impiorum quidem alios de religionis mysterijs tantum opinionem habere exponit dicens. Credunt certe Deum esse & Euangelicam historiam: quale vero iudicium esse solet de ijs, quae olim gesta narrantur. Alios vero informem fidem habere (quam nugatoriam vocat) paulo etiam inferius manifeste satis aduersus seipsum asserit, dum ait. Sunt etiam qui ultra procedunt: nam Dei sermonem pro certissimo habent oraculo nec eius praecepta prorsus negligunt etc. Illos quidem qui historiae Euangelicae

vulgarem assensum habent, non habere fidem, neminem latet. Nam qui de Euangelica non certio-
 rem quam de Liuiana, aut Salustiana historia assensum
 habet, paganus infidelis, non Christianus fidelis est.
 Isti vero qui ultra procedunt, proculdubio veram fi-
 dem, qua Dei donum est, habent: hoc Caluinus asse-
 rit, cum ait. Sunt qui ultra procedunt &c. Quidem
 est ultra in assentiendo procedere, nisi Dei verbo
 firmitus & certius quam humana historia assentiri?
 Sed huiusmodi assensus sine Dei dono haberi non po-
 test: nam Dei sermonem habere pro certissimo oracu-
 lo non omnibus datum est, quod Paulus satis aperte
 docuit dicens. Sed non omnes obediunt Euangelio: &
 alibi ait: Non enim omnium est fides. Hic igitur cer-
 tissimus assensus, quem quidem impij habent, & quo
 quidam alij carent, diuino auxilio habetur, nam ul-
 tra progredi, vires humanae sine Dei auxilio non va-
 lent. Isti igitur verè credunt Christi Euangelio atque
 veram fidem habent.

Ad Rom.
 10. cap.
 2. ad Thes.
 3.

Fides quanquam in peccatoribus fi-
 delibus sit otiosa, tamen est vera.

Cap. 51.

Cal. c. 5.
 Par. 1.

Impiorum quidem fidem, qui Dei sermonem pro
 certissimo oraculo habent, veram esse scholastici
 affirmant. Caluinus vero negat. Persuasionem, in-
 quit, nescio quam timore & pietate vacuam verae
 fidei nomine dignantur, &c. Diuina certe scriptura
 aliqua Dei dona esse in impijs testatur. Saul enim &
 Caiphas prophetae nulli dubium est. Nisi enim De-
 us impijs ante iustificationem aliquod donum, quo
 iuua-

iuuarentur, dedisset, nullus conuersus ad Deū ex toto corde fuisset. Eorum verò quibus aliqua dei dona conceduntur, quosdam quidē dei donis bene vti: quosdā ^{1. ad Cor. 6 cap.} verò abuti, non est dubiū: propter quod Paulus, adiuentes, inquit, exhortamur, ne inuacuum gratiam Dei recipiatis. Et si fidei speciale opus est Dei verbo firmiter & indubitanter assentiri: & per propriam formam hoc exequatur, tamen sine charitate, non solum quia per opera non exequitur, sed credendo etiam est otiosa: quia non credit omnino vt oportet, scilicet ex charitate. Neque propter hanc otiositatem fides amittit suum esse: nam sicut in homine aliud est esse rationale, & aliud ratiocinari: ac plures homines sunt, qui per totam vitam nunquam ratiocinātur, tamen propter hoc nō desinunt esse homines: quia ad esse hominē nō rationari, sed esse rationale exigitur: ita ad verā fidem necessariū exigitur, quod sit assensus verus, certus, sine formidine, dei verbo confirmatus. Et propter hoc est operatiuus. Sed cū aliud sit esse operatiuum: & aliud operari, poterit sine hoc esse, vti cetera dei dona quæ ad vtilitatē & ad operandum data sunt homini. Quod si homo abutitur illis, non iam donorum defectu, sed hominis culpa est. Hoc euangelica talentorum parabola, ^{Matth. 25.} in illo qui talentum acceptum abscondit, & nihil ex illo lucratus est, manifestat. Seruē, inquit, male & piger, sciebas quia meto vbi non semino, & congrego vbi non sparsi. Oportuit igitur te committere pecuniam meam numularijs, et veniens ego recepissem vtiq; quod meū est cum vsura. Seruus quidē, nō talen-

ium, malus & piger vocatur: quia id quod accepit ad lucrandum, abscondit. Fidelis itaq; in peccatis lapsus, quia accepta fide ociatur, reprehenditur, & ne huiusmodi in talento fidei abscondito confidant, illorū fides mortua & ociosa vocatur, non quod illa propriē sit mortua & otiosa, sed potius illi, qui non vtuntur ea, mortui, & ociosi sunt. Eandem sententiā alia

Matth. 13.

parabola euangelica docet. Nā semen secus viam, supra petram, inter spinas, in bonā terrā cecidit: atq; illud ex sua natura fecundum fuit, sed tantū quod in bonam cecidit terrā, fructū attulit. Simili modo eadem fides in impijs & pijs est hominibus, tamen non in illis, sed in istis est efficax. Non quidē fidei defectu, sed hominis culpa fides est otiosa. Quod beatus Augustinus exponit, dū inquit: Videto ergo fratres mei, quid dixit Apostolus. Si habuero omnia Sacramenta, omnem scientiam, prophetiam, fidem. Qualē fidem? Item, Ita, vt montes transferam, charitatem autem non habeam, nihil sum. Non dixit, illa omnia nihil sunt, sed si charitatem non habeam, nihil sum. Quis enim demens diceret, nihil sunt Dei sacramēta? Quis demens diceret, nihil est prophetia, nihil scientia, nihil fides? Non illa nihil sunt, sed cū illa magna sint, ego magna habens, si charitatem non habeam, nihil sum. Magna illa sunt, & magna habeo, et nihil sum, si charitatē non habeo, per quā mihi profunt, quae magna sunt. Si enim non habeo charitatē, illa inesse possunt, prodesse non possunt. Tantum ille. Quare nō ex hoc, quod fides in peccatoribus non parit p̄teritis opera: idē in illis eam existere negandum est. Nam

fidei

August. in
Serm. sup.
gestū cum
Emerg.

*fid ei propriam opus est Dei verbo indubitanter assen-
 tiri, ac sine hoc opere non secus fides permanebit, quā
 homo sine anima. Cateri verò affectus non sunt tam
 de eius intrinseca ratione, quin sine illis esse non pos-
 sit. Nam Dei supernaturalia dona quae ad Deum co-
 gnoscendum, & amandum homini conferuntur, or-
 dinem operandi, quem tenent cateri potentiarum ra-
 tionalium habitus sequuntur: vir quidem doctus, &
 prudens, aut artifex in somno, nec scientia, nec arte
 utitur, & in vigilia non semper, sed quando vult, illis
 utitur, ex quo fit ut hi habitus in aliquibus sint ocio-
 si: ad hunc modū homo, fide, charitate, ac alijs donis
 quādo vult (quanquā hac quoq; voluntas sit à deo).
 utitur. Vnde sicut habens artē, aliquando non opera-
 tur secundum eam: ita habens fidem, quando vult
 operatur secundum fidem, & quando vult ocietur,
 tamen non impunè. Habitus quidē seu virtutes, quā-
 quā sunt operativi, sine actione possunt aliquādiu
 manere. Et si habitus quos homo disciplinarum stu-
 dio, aut assuefactione morum, didicit per otium, per-
 eant, tamen Dei dona per contraria solum ut iusti-
 tia infusa per iniquitatē, fides per heresim, amittitur.
 Hanc doctrinam illa talentorum parabola expresse
 declarat: nam illorū qui acceperunt plura talenta,
 tam voluntarium fuit negotium, quā otium illius
 qui vnum accepit, sed illi negotiando non solum acce-
 pta talenta seruārun, sed lucrati sunt alia. Hic verò
 otio torpēs, quod acceperat amisit, sed quamdiu fuit
 negotiandi tempus, à seruo nequam non est ablatum
 talentum. Ita in impijs in hac vita fidei informis do-*

num manet. Parabola enim non ad dogmatis veritatem astruendam, sed ad illius sensum explicandum adducitur.

A fide ociosa homo etiam dicitur fidelis.

Cap. 52.
Calu.ca.5.
Par .1.

HÆC inquam fides quam Calvinus ponit in peccatoribus ipso testante non omnino vacua quali quali timore est. Nec, inquit, eius praecepta prosus negligunt, &c. Quod certe non potest fieri sine aliquo affectu, seu amoris, seu timoris, ex quo illi non negligunt Dei praecepta, quod nemo nisi per fidem facit, neque etiam peccatores sine voluntate credunt. Vnde aliquem affectū habent, qui quanquam sit inefficax ad operandum, quia sine charitate est, tamen ad credendum est efficax. Cum igitur nemo credat, nisi volens, hos peccatores aliquem affectum & ad credendum, & ad non prosus contemnendum dei praecepta habere constat. Hanc denique fidem quam Calvinus asserit esse in peccatoribus, non solum scholastici Theologi, sed sancti doctores iuxta apostolicam doctrinam veram esse, ac per illam homines esse fideles affirmant. Quod Augustinus aperte satis testatur, dicens: De hac fide nunc loquimur quā adhibemus, cum aliquid credimus: non quā damus, cum aliquid pollicemur: nam & ipsa dicitur fides, sed aliter dicimus, non mihi habuit fidem, aliter autem, non mihi seruauit fidē. Nam illud est non credidit quod dixi: illud, non fecit quod dixit. Secundum hanc fidem; quā credimus, fideles sumus

August. de
spir. & lit.
cap. 13.

Deo,

Deo: secundam illam verò qua fit quod promittit, etiam Deus ipse fidelis est nobis. Huic sententia concordat, quod alibi etiam ait: Fidelis utique à fide, fides à credendo. Similiter Chrysostomus eandem sententiam astruit, dum inquit: Dicitur item fides, qua nos ad agnitionem Dei perducit, ob quam quisque nostrum fidelis vocatur: sicut ad Romanos scribens dicit: Gratias ago Deo meo per Iesum Christum super omnibus vobis, quod fides vestra annuntiatur in toto mundo. Fides ergo quamvis sit mortua, vera est, atq; per illam Deo credimus, & sumus fideles.

Serm. 14.
de verb. apost.
post.

Chryf. 3.
tom. hom.
2. ad Cor.
cap. 4.

Fides formata non alia ab informi est.

Caput 52.

Diuinam quidem scriptura distinguens inter fidem operantem per dilectionem, ac non operantem, id est, inter fidem formatam & informem, non duas fides, sed vnicam ponit. Quod quia latuit secularios, idèd hanc distinctionem eos negare existimo. Nam Calvinus inquit: Vnicam tamen piorum fidem cum Paulo agnoscimus, &c. Scholastici quoq; vnam tantum fidem agnoscunt: quia vnus dominus, inquit Apostolus, & vna fides. Sed hac vna fides variè consideratur, & tamè non idèd varia sed vna est. Diuina enim scriptura hominem, in interiorem, & exteriorem, et in nouum et in veterè distinguit, tamè nò duo sed vnus est homo. Ita fides informis et formata in re eadè est, sed variè propter charitatis absentiam, aut presentiam consideratur, hoc diuina scriptura manifestat. Nam Paulus dicens: Fides qua per charitatem

Calu. ca. 5.
p. 1.

Ad Ephes.
ca. 4.

Ad Gal. 5.
cap.

Iacob. 2.

ritatem operatur, eandem fidem aliquando per dilectionem operari, aliquando verò per charitatem non operari, exponit. Iacobus quoque adducens corporis et spiritus similitudinem, manifestè docet vnam fidem formatam & informem esse. Sicut enim, inquit, corpus sine spiritu, &c. Nunquid corpus mortuum aliud quàm quod fuit viuū est? profectò idem quod fuit viuum per animæ absentiam manet mortuum. Ita fides quæ fuit in Adam & in Dauid quando fuerunt iusti, eadem post eorum lapsum mansit in illis. Nam isti non à dogmatum, sed morum regula defecerunt. Ideò per peccatum non apostatauerunt à religione, nec facti sunt hæretici: illi quoque impij quos Calvinus Dei sermonem pro certissimo habere oraculo asserit, non pagani, nec hæretici sunt. Quare eos esse fideles, veramque fidem sicut Adam et Dauid habuisse manifestum est. Vnde fides informis quæ in peccatoribus, si illi per pœnitentiam conuertantur, iustificenturque fit formata, sicut in resurrectione mortuorum corpus idem viuificabitur. Adam enim postquam conuersus est ad Deum, non habuit aliam fidem ab illa, quàm habuit post lapsum: atque per illam pœnitendo accessit ad Deum. Nam credere enim oportet, inquit Paulus, accedentem ad Deum, quia est, & inquit rentibus se remuneratur. His verbis Paulus totius fidei summam est complexus, quam peccator accedens ad Deum tenetur habere: sed fides quæ antè iustificationem mortua fuit, & informis, in iustificatione, eadem per charitatem formatur, viuit, et efficax est. Quare fidei distinctio nō duas, sed vnicā fidē, p̄fiteretur.

Ad Heb.

11.

In dæmonibus sine Dei dono est vera fides.

ET si diuina testimonia humanum intellectum ad assentiendum non cogunt, tamen angelicū intellectum ad fidei mysteria credenda conuincunt. Nam dæmones ingenij acumine quo magis quàm homines pollent, diuina testimonia, videlicet Christi, & apostolorum mira opera, perfectiùs quàm homines cognouerunt. Quapropter illa testimonia illos ad fidei mysteria credenda reuincunt. Vnde Iacobus, Cap. 14.
 Dæmones inquit, credunt & contremiscunt. Aduersus hoc expressum Dei verbum confessio Augustana, Iacob. 2.
 ait: Quod enim, inquit Iacobus dæmones credunt, August. cōf. de fid.
 &c. Intelligit fidem de noticia historie. Eandem sententiam paulò inferiùs clariùs exponit, dùm inquit: Norunt enim historiam impij & diaboli, &c. Noticiam historie non esse fidem superiùs exposui: tamen de dæmonum fide, scriptura specialiter, eos non solum vnum Deum, sed etiam personarum trinitatem ac redemptionis mysteria credidisse, tradit: quod Augustinus exponens, ait: Sed quid dicit Iacobus? Et dæmones credunt & contremiscunt. Magna est fides, sed nihil prodest, si non habeat charitatem. Aug. trác. 6. sup. Ioa.
 Consitebantur & dæmones Christum, ergo credendo sed non diligendo dicebant, quid nobis & tibi fili Dei? fidem habebant, charitatem non habebant: ideo dæmones erant. Hæc Augustinus. Atque dæmonum noticiam assensum esse certissimum scriptura manifestat: nam postquam dixit, dæmones credūt, illico

illico addidit & contremiscunt. Timor quidem in demonibus, quorum potentia nulla potestas super terram comparatur, non ex historia noticia, nec suspitione, nec opinione, sed ex certissima fide, quam habent, nascitur: profecto si non crederent, non timerent. Hic enim timor fidei est effectus, ex quo à posteriori fides cognoscitur. Sed hac demonum fides quæ uis sit assensus verus, certus, & sine formidine: tamen non est Dei donum: quia non corde, sed inuicti, non ad iustitiam, sed nequitiam cum sint in malo obstinati, non ad utilitatem, sed potius ad supplicium credunt. Atque ut sapiens ait: Qui addit scientiam addit laborem. Ita demones perfectius per fidem, quam ex naturali scientia suam miseriam, et hominis prerogatiuam cognoscunt: quia fide, hominem non solum esse Deo similem, sed Deum hominem factum esse, credunt. Se verò non Deo similes, ut ambiere, sed omnium infelicitissimos esse cognoscunt, atque horum non ut à peccatu resipiscant, sed potius ut in sua malicia perseuerent per fidem facti sunt certiores: nec intellectum auertere à fide valent. Unde illorum fides cum Calviniana fide conuenit, quia cor demonum penetrat, & illic fixa residet. At peccatorum hominum fides non est coacta, sed spontanea atque ad Deum timendum & poenitendum à Deo datur. Quare fides in hominis corde non ita fixa residet, sicut in demonibus, nec quia demonum fides non est Dei donum, est incertior, nec quia tenacior est, perfectior quam hominis fides.

Fides

Fides non abusiue, sed proprie demonum & impiorum persuasionem significat.

Cap. 55.

Calvinus verò cum informem seu peccatorum aut demonum fidem expresso Dei verbo in scriptura tradi negare non potuisset, ad consueta hereticorum arma confugiens, nouumq; Dei verbi comminiscitur sensum. Talibus quidem, inquit, fidei testimonium tribuitur, sed per *καταχρησι* &c. Diuinam scripturam vti figuratis locutionibus nulli est dubium, tamen qui verba in significatione propria verum habentia sensum figuratè exponit, in fide errat. Huiusmodi sunt diuina scriptura loca, in quibus hac verba fides, credere, pro assensu ponuntur: nam ibi necessariò non secundum tropum, sed propriè accipienda sunt, quo de ex natura fidei ac tropi proprietate manifestatur. De illa enim figurata locutione Fabius inquit. Eo magis necessaria *καταχρησι*: quã rectè dicimus abusionem, quæ non habentibus nomen suum, accomodat, quod in proximo est. Sicut parricida matris quoque aut fratris interfector dicitur. Vnde quamuis iuxta Caluini sectam illorum impiorum assensus, qui historiã Euangelicã perinde ac humanã credunt, vocaretur abusiue fides, tamẽ illorum, qui assentiendo vltra procedunt, & Dei sermonẽ pro certissimo habent oraculo, nõ abusiue, sed propriè appellatur fides. Nã omnis assensus, siue per Dei donum, siue naturaliter habeatur: aut scientia, aut fides, aut opinio est. Sed fides q̃dam diuina auctoritati q̃dã
verò

Calu. ca. 5.
P. 2.

Quint. li.
8. ca. 6.

verò humani innititur, illa christiana fides, hac vulgaris, & humana est. Atq; vtraq; his verbis credere, fides, propriè significatur. Nā in hac propositione, testibus fidem habeo, aut credo, tam propriè quàm in hac, Deo habeo fidem aut credo, verba accipiuntur. De qua verò fide exponenda sint, circumstantia scripturarum manifestat. In diuina enim scriptura fides, credere pro assensu, qui diuina auctoritati innititur, in forensibus verò causis pro assensu humana auctoritate confirmato propriè accipiuntur. Quare fides, credere pro vtrius assensu certò non abusiue, sed propriè accipitur, & pro assensu euidente, aut pro opinatiuo abusiue à nullo probato auctore usurpatur, quia ista habent sua nomina. Diuina igitur scriptura in istis propositionibus, Damones credunt & contremiscunt: fides sine operibus mortua est, & similibus non tropicè interpretanda est. Nam impiorum assensus de mysterijs nostræ redemptionis, teste Caluino, diuina innititur auctoritati: quia illi ultra procedunt, & Dei sermonem pro certissimo habent oraculo. Quapropter propriè & non abusiue appellatur fides: quia fides iuxta Caluini sententiam pro assensu certo accipitur, quod satis declarat, cum inquit: fides sit in præstandis promissis veritas: fidem tamen dixerunt certitudinem, seu certam per suasionem, quæ de ipsa veritate habetur. Eandem sententiam Philippus expressiùs exponit: Vsitatissimū, inquit, est $\pi\acute{\iota}\sigma\tau\iota\varsigma$ pro firma assensione, in qua significatione opponitur incertæ opinioni. Secundum ergo hanc sectariorum sententiam hac vox fides ubi in scriptura

Cal.ca. 16.
par. 11.

Phil in lo-
de fide.

ptura pro demonum aut impiorum assensu ponitur, non abusive sed proprie capitur: quia isti non opinionem sed certum assensum habent de Deo. Sed sectarij, quia horum fides est ociosa, ideo illam non proprie appellari fidem affirmant, quod Calvinus Cal. cap. 5.
par. 1. & 2. exponit, dicens. Præterea persuasionem nescio quam timore Dei, & pietate vacuam veræ fidei nomine dignantur. Infra etiam ait. Verum hac fidei seu umbræ, seu imago, ut nullius est momenti, ita indigna est fidei appellatione &c. Calvinus nimirum differens de fide, perinde loquitur de illa, ac si quis de Christo diceret, eum abusive vocari hominem: quia filios carnales non procreavit. Simili modo, quia fides impiorum Dei timore & pietate est vacua, dicit eam abusive vocari fidem: fallitur tamen, quia sicut mulier sterilis, aut virgo non minus est homo quam ea qua parit filios: ita peccatorum assensus non minus est fides, quam ea qua iustorum est, qua per dilectionem operatur. Atque diuina scriptura non humano, sed diuino spiritu edita, assensum quem habent impij & demones fidei nomine dignatur. At Calvinus huic spiritui repugnans asserit illum assensum indignum esse fidei appellatione, qua quidem opinione, num sancto spiritui aduersetur, pijs viris examinandum relinquo. Diuina igitur scriptura, ac sancti doctores impiorum Daemonumque certum quem de diuinis mysterijs habent assensum, non abusive, sed proprie fidem appellant. Hæretici tamen suas hæreses fident appellant, sed nec hic etiam abusus habet locum. Quod Fabius doctissime exponit,

dum ait. Illa quoq³ quidam κατὰ χυῖναι esse volunt, cum pro temeritate virtus, aut luxuria liberalitas dicitur. A quibus hac quidem dissonantia sunt, quod in his non verbum pro verbo ponitur, sed res pro re. Neq³ enim putat quisquam & luxuriam & liberalitatem idem significare, verum id quo d fit, aliud luxuriam esse dicit, aliud liberalitatem, quamuis neutri dubiū sit, hac esse diuersa. Simili modo oēs sciunt fidem & haeresim esse diuersa, sed haereticus suum errorem existimat esse fidem, nec propter hanc falsam estimationem fides capitur ab asine, sed proprie.

Sicut homo libere credit, ita libere quanquam non impune à vera fide deficere potest.

Cap. 56.

Cal. ca. 5.
part. 2.

Non solum Calvinus impiorum fidem, sed etiam fidem eorum qui quondam fuerunt pii & lapsi sunt, non fuisse fidem dogmatizat. Credidisse, inquit. Simon magus qui tamen suam incredulitatem paulo post prodit. Eodem modo credere ad tempus dicuntur in Euangelio Luca, ac causam ob quam illorum persuasionem negat esse fidem, exponit dicens. Qualiscunq³ autem illa est assensio, ad cor ipsum vsq³ minimè penetrat, vt illic fixa resideat. At de fide quam ille comminiscitur, ait. E conuerso vera & Christiana fides cor hominis penitus insidet atq³ occupat, quam vt temere euanescat &c. Hac doctrina tam haeretica est, quam noua: nam cum expresso Dei verbo pugnat. Ecclesiastica enim historia & Euangelica, aliquos à fide defecisse, & aut in haeresim aut in

paganismum lapsos esse, ac illorum quosdam pœnitentiam egisse manifeste tradit, quod si illi non habuissent fidem, neq; fuissent credentes nunquam à fide defecissent: sed lapsos veram habuisse fidem, Dei verbum expresse docet. Miror, inquit Paulus, quod sic tam cito transferimini ab eo qui vos vocauit in gratiam Christi, in aliud Euangelium: quod non est aliud nisi sunt aliqui, qui vos conturbant & volunt conuertere Euangelium Christi. Hos igitur veram fidem habuisse clarissimum est. Nam eos transferri à Dei Euangelio ad Iudaismum, quid aliud est, quam fuisse Christianos? Quod Pauli prædicatione factum fuerat & à pseudoapostolis transferebantur à fide Christi ad legis obseruantiam, quare fidei non obediabant. Hoc ipsum expresse Paulus infra testatur. O insensati, inquit, Galatæ, quis vos faciscinauit, non obedire veritati? ante quorum oculos Iesus Christus proscriptus est in vobis crucifixus? Hunc exponens locum Theophylactus, cum Chrysostomo ait. Atqui Hierosolymis crucifixus est, quomodo ergo dicit, quod ante oculos & in vobis? Quoniam fidei oculis viderunt crucem exactius quam qui tunc coram assistiterant, conspexeruntq;. Nam plarisq; eorum qui corporaliter viderant, nihil commodauit: hi autem etiam si oculis non vidissent, per fidem tamen exactius viderunt. Prescriptus est igitur exacte, hoc est viua velut imagine expressa depictus est per prædicationem: vos vero credentes prædicationi, ceu præsentem ipsum conspexistis. Hæc sane & in laudem eorum cedunt, & vituperium, quia viderunt nu-

Ad Gal. 1.

Ad Gal. 3.

Theoph.
Chrysost.

Luc 8.

datum, crucifixum, morientem: eoq³ dimisso, ad legem accurrerunt. Haftenus Theophylactus. Galatarum igitur Christiana fides quam illi à Paulo acceperant per pseudoapostolorum prædicationem, non fidei, sed illorum inconstantia euauit. Hoc Christi Euangelium expressius exponit. Semen, inquit, est verbum Dei. Qui autem secus viam, hi sunt, qui audiunt, deinde venit diabolus, & tollit verbum de corde eorum, ne credentes salui fiant. Nam qui supra petram, qui cum audierint, cum gaudio suscipiunt verbum, & hi radices non habent, quia ad tempus credunt, & in tempore tentationis recedunt. Quod autem in spinas cecidit, hi sunt, qui audierunt, & sollicitudinibus, & diuitijs, & voluptatibus vitæ euntes, suffocantur, & non referunt fructum. Quod autem in bonam terram, hi sunt, qui in corde bono, & optimo audientes verbum retinent, & fructum afferunt in patientia &c. Ex quibus verbis notandum est, quod dominus Iesus Christus magister ac Redemptor noster verbi Dei auditores in quatuor diuisit classes. In prima quidem sunt auditores, qui historia Euangelica habentes notitiam, non credunt. In secunda vero, qui ad tempus credunt. In tertia autem, qui perseuerant in fide, sed non operantur. Atq³ in quarta credentes, qui p dilectionem operantur, collocantur. Prima classis est infidelium. Secunda Apostatarum, ac hereticorum. Tertia fidelium peccatorum. Quarta fidelium piorum. Quæ distinctio non figurate, sed proprijs verbis, & in eorum propria significatione non ab homine, sed à Christo supremo schola magistro est tradita.

dita, atque in ea fidei natura explicatur. Nam ex eo
 profecto quod primæ classis auditores Dei audito ver-
 bo non credunt, fidei testimonia non convincere in-
 tellectum, ac voluntatis imperio opus esse ad creden-
 dum clare ostenditur. Secunda classis auditores, à
 primæ per fidem differunt: nam illi nunquam, isti ve-
 ro ad tempus crediderunt, propter quod fidem habu-
 erunt, fidelisque fuerunt, quia secundum Augusti-
 num fideles à fide, fides à credendo. Si enim isti non
 habuissent certum assensum, scriptura non diceret ad
 tempus credunt: sed quia isti victi tentationibus re-
 cedunt, Calvinus eos prodidisse suam incredulitatem
 dicit: cum melius multo dixisset, sui animi inconstan-
 tiam prodiderunt, nam victi sunt à tentatione. Si e-
 nim perseverassent, Calvinus diceret illos credere.
 At perseverantia non fidei sed ipsi credenti ascriben-
 da est: fides utique mansisset, si homo non abiēcisset
 eam. Vnde non defectu fidei, sed hominis culpa amit-
 titur. Ex hac secunda classe colligitur, quod sicut
 isti non coacte, sed sponte crediderunt, ita non co-
 acte, sed voluntarie, perseverauerunt ad tempus
 in fide, & grauius isti abijciendo susceptam quam
 illi non suscipiendo fidem peccauerunt. Nam beatus
 Petrus, melius enim, inquit, erat illis, non cognoscere
 viam iustitiæ, quam post agnitionem retrorsum con-
 uerti ab eo, quod illis traditum est sancto mandato.
 Tertia classis auditores differunt etiam à secundis,
 quia perseverauerunt in fide: tamen voluptatibus
 & solitudinibus presentis seculi suffocati, non re-
 ferunt fructum. Ex hoc manifestè constat, fidem

Augustin.
 serm. 14.
 de verb.
 apost.

2. Pet. 2.

manere in peccatoribus. nam hi qui suffocantur, non recedunt à fide, quanquam non operantur: atq; hæc quidem est fides mortua & informis. Quartæ classis auditores differunt ab his, qui sunt in tertia: quia credentes per dilectionem operantur. Igitur in illis qui ad tempus crediderunt, ac in illis qui non retulerunt bonorum operum fructum, vera fides fuit. Aliàs audientium Dei verbum distinctio à Christo posita vana esset, quod asserere est impium, atq; hæc cū illa fidei formata & informis distinctione eadem est: & Calvinus qui hanc distinctionem vocat nugatoriam, sciat oportet, eam non ab scholasticis, sed à Iesu Christo traditam esse, ac ab Apostolis explicatam, vt superius expositum est.

Christianus peccator, etsi non seruat fidem, tamen credens est.

Cap. 57.

August.

Cōfess. art.

de operib.

& de fide.

CUm enim Euangelium in peccatoribus Christiana nam fidem esse expresse affirmet: sectarios hoc negantes, aut de nomine contendere, aut Dei expressum verbum negare certum est. Confessio Augustana. Nec existere, inquit, fides potest, nisi in his qui penitentiam agunt. Et in alio loco eandem sententiam clarius explicans ait. Nam Diaboli & impij non possunt hunc articulum credere remissionem peccatorum. Si Confessio Augustana de fide quam Deo habemus loquitur, manifestissime errat. Nam articulus de peccatorum remissione non definite sed indefinite traditur: vnde credere hunc articulum tam

diz.

diabolo & impio, quam pio non repugnat. Hic quidem articulus est vniuersalis promissio, quare sicut ad omnes pertinet, ita omnibus ad credendum proponitur. Si enim peccatores non crederent hunc articulum, desperarent, aut nullus pœniteret. Sed diabolus articulum de carnis resurrectione quanquam nunquam resurrecturus sit, credit. Igitur remissionem peccatorum, licet sit certus, quod nunquam sibi remittentur peccata, credit. Et homo etiam quoque quantumuis impius nunc articulum credit: quia sibi in vniuersali sicut ceteris facta est promissio, & illi in hac vita mortali patet via salutis. Si vero solum illi, qui consequuntur peccatorum remissionem, hunc articulum crederent: nullus resurrectionem & vitam eternam, nisi qui hac assequeretur, crederet: at omnis fidelis articulum resurrectionis, & vite eterne, antequam eam consequatur, credit, ergo & impius, antequam iustificetur, credit remissionem. Si vero Confessio Augustana non de fide quam habemus Deo, sed de ea quam seruamus Deo, loquitur, controuersia est tantum de nomine, quia omnes Catholici fatemur, peccatores non seruare fidem Deo. Nam homo accipiens conditionem quam Deus posuit, fidē illi seruare, id est, facere ea quæ Deus precipit, tenetur, conditio autem quam homo accepit est hæc: obedire Dei praeceptis. Atq; cum impius non obediat Deo, non est fidelis in seruandis promissis. De hac fide non litigamus, sed scriptura, quæ de hac loquitur, non est interpretanda de illa: vt Philippus interpretatur, dum inquit. Excuti fidem per mala opera, testatur

Philip. in
locis de o-
peribus

Paulus. Si quis, inquit, suorum & maxime domesti-
 corum curam non habet, fidem negauit, & est infi-
 deli deterior. Hic proculdubio Philippus decipitur.
 nam Paulus non de fide qua Deo credimus, sed de fi-
 de quam tenemur seruare Deo, disputat. Qui enim
 suorum curam nō habet, Dei praeceptum de dilectio-
 ne non seruat: quare est infidelis, id est, non seruat, q̄
 promisit Deo, quanquam non ideo infidelis, id est in-
 credulus, sed credens, quod ipsamet scriptura mani-
 festat. Nam postquam dixit, fidem negauit, illico
 addidit, & est infideli deterior. Quae enim compara-
 tio esset, si ille, qui non habuit suorum curam, esset
 incredulus? certe nulla esset. Paulus igitur clarissime
 docet, quod peccator quanquam non seruet Deo fi-
 dem, tamen Deo habet fidem: & propterea deterior
 est infideli, id est non credenti Deo. quia peccator fi-
 delis per Christiana fidei professionem magis quam
 infidelis tenetur seruare Dei praecepta. Fides quoque
 pro veracitate, qua homo facit, qua dicit, accipitur.
 & hoc modo peccator Dei legem transgrediens dici-
 tur mendax, & negare fidem. Confitentur, inquit
 scriptura, se nosse Deum, facti autem negant. Sicut
 enim est mendax, qui loquitur contra illud quod
 corde tenet: ita peccator, qui contra fidem quam
 corde tenet, & ore confitetur, operatur, mentitur:
 quia facit contra id, quod credit, sed infidelis per sua
 mala opera non negat fidem, quia illam non habet,
 tamen agit contra conscientiam. Et de utroque Pau-
 lus. Omne autem, inquit, quod non est ex fide, pecca-
 tum est. Hunc Pauli locum sicut praecedens Philippus
 ad-

ad Ti. 1. c.

Ad Rom.
cap. 14.

adducit ad probandum, fidem per mortale peccatum amitti. sed ex verbis Pauli eum, qui contra fidem & conscientiam agit, non fidem amittere, sed peccare colligitur. Quare melius Calvinus. Manet enim, in- Ca^l. c. 4.
quit, illud fixum. Quicquid non est ex fide, peccatū p. 8.
est, quo intelligit Paulus, quod cum dubitatione susceptum est opus, propterea vitiosum esse, quod omnium bonorum operum radix est fides, qua certus sumus illa Deo accepta esse, &c. Quod Paulus illic de conscientia differat, precedentia verba aperte satis manifestant: ait enim. Qui autem discernit, si manducauerit, damnatus est: quia non ex fide. Omne autem quod non est ex fide, peccatum est. Istius scripturae germanum sensum exponit Theophylactus. Qui ambigit, inquit, nec confidenter edit, condemnatus est. Quamobrem? non quia immundus erat cibus, sed quia non credidit mundum esse, atq; attigit escam ceu immundam. Omne autem quod non est ex fide, peccatum est. Cum enim non fuerit confisus, neq; crediderit purum esse cibum, sed gustauerit ipsum praua conscientia, omnino peccauit. Haec tenus Theophylactus. Peccator igitur quanquam operetur contra fidem, id est conscientiam, & Deo non seruet fidem, tamen si Deo credit, fidelis est.

Charitas posterior & perfectior est fide.

Etsi Dei dona sunt varia, vnumque alio sit praestantius, tamen fides omnibus est prior: hoc expresse Paulus docet. Nunc autem, inquit,

manent tria hæc, Fides, Spes, Charitas. Maior autem horum Charitas. Ex his verbis duo ordines inter Dei dona considerandi sunt, videlicet ordo generationis & perfectionis. Et iuxta philosophos quæ sunt priora generatione sunt posteriora perfectione, id est, imperfectiora: quare fidei, quæ prior cæteris donis nascitur, charitas præfertur: & ut Ioannes baptista de Christo: Ipse, inquit, est, qui post me venturus est, qui antè me factus est, Christus videlicet minor natu Ioanne, est prior illo, id est, dignior & perfectior. Simili modo Fides, Spes & Charitas eo ordine quo à Paulo numerantur vnaquaq; istarum generatione est prior: è conuerso verò quæ ultimo loco ponitur, perfectior est alijs. Ex hac apostolica doctrina scholastici fidem ordine generationis esse priorem Spe & Charitate: charitatem vero ordine perfectionis esse priorem, id est, perfectionem fide asserunt. Hanc distinctionem non intelligens Caluinus: Quod enim, inquit, tradunt scholastici, charitatem fide & spe esse priorem, merum est deliramentum, quandoquidem sola est fides, quæ in nobis charitatē primū generat, etc. Ex hoc, & similibus locis quisq; pius, prudensq; vir animi candorem quo sectarij scholasticos Theologos suggillant, & insectantur, palam poterit cognoscere. Nam illi magno correpti furore hæc impudentissima & manifestissima mendacia, nec videre, nec de illis erubescere valent. Quæ verò scholasticorum Theologorum sit sententia, testatur beatus Thomas. Duplex, inquit, est ordo, scilicet, generationis & perfectionis. Ordine quidem

Ioan. i. c. a.

Cal. c. 5.
p. 12.Tho. i. 2.
q. 62. art.
cap. 4.

dem generationis quo materia est prior forma, & imperfectum perfecto, in vno & in eodem fides precedit spem, & spes charitatem secundum actus, nam habitus simul infunduntur. Non enim potest in aliquid motus appetitiuus tendere vel sperando vel amando nisi quod est apprehensum sensu aut intellectu. Per fidem autem apprehendit intellectus ea, quae sperat & amat. Vnde oportet quod ordine generationis fides precedat spem & charitatem. Et infra: Ordine verò perfectionis charitas precedit fidem et spem, eo quod tam fides quam spes per charitatem formatur, & perfectionem virtutis acquirit. Sic enim charitas est mater omnium virtutum, & radix, in quantum est omnium virtutum forma. Et non solum fidem esse priorem spe, & charitate, sed etiam omnibus virtutibus. Thomas in alio loco sapientissimè docet, Per se quidem, inquit, inter omnes virtutes prima est fides, cum enim in agibilibus finis sit primum, ut supra dictum est, necesse est virtutes Theologicas, quarum obiectum est vltimus finis, esse priores ceteris virtutibus. Ipse autem vltimus finis oportet quod prius sit intellectu quam voluntate: quia voluntas non fertur in aliquid nisi prout est intellectu apprehensum. Vnde cum vltimus finis sit quidem in voluntate per spem & charitatem, in intellectu autem per fidem, necesse est, quod fides sit prima inter omnes virtutes. Quia naturalis cognitio non potest attingere ad Deum secundum quod est obiectum beatitudinis, prout tendit in ipsum spes & charitas. Hac omnium scholasticorum

Theolo-

Thom. 2.
2. q. 4. art. 7.

Ad Heb.
11. cap.

Theologorum communis sententia expresso Dei verbo traditur. Sine fide autem, inquit, impossibile est placere Deo. Credere enim oportet accedentē ad Deum, & inquirentibus se remunerator sit. Fides quidem, Deum esse hominis supernaturalem vltimum finem, ad quem homo suas operationes debet referre: atq; Deum, ea quæ nec oculus vidit, neq; auris audiuit, nec in cor hominis ascendit, præparasse inquirentibus se, indubitanter tradit.

Ad Heb.
11.

Illa Pauli sententia. Est autem fides substantia etc. non fiduciam sed per suasionem definit.

Cap. 39.

Marc. 16. c.

Spiritus sanctus quibusdam translatis verbis ad fidei naturam significatius explicandam vsus est. Christus enim, super hanc, inquit, petram edificabo Ecclesiam meam. Paulus etiam ait: Vt sapiens Ar-

1. ad co. 3.

chitectus fundamentum posui, quibus quidem translatis verbis, petra, fundamentum, fidem (per quam Christus in cordibus nostris habitat) firmissimum certissimumq; assensum ac cæteris donis & virtutibus priorem esse significat. Nam sicut sine fundamento domus non edificatur: ita nullus pius affectus, nullaq; religiosa actio sine fide esse potest. Credere quippe, quid amandum, quid odio habendum, quid sperandum, & quid timendum sit, ad piè honesteq; operandum necessarium est, quæ omnia nō possunt cognosci, nisi per fidem: idēd spiritualis edificij velut fundamentum est fides Paulus: Est autem, inquit, fides sperandarum substantia rerum, argumē-

Ad Heb.
11. cap,

tum non apparentium. Hunc locum Philippus expo- Philo. in lo-
nens: definitio, inquit, fidei in epistola ad Hebræos, cis de fide.
11. capitulo testatur, fide significari fiduciam, cum
inquit. Fides est ὑπόστασις rerum sperandarum, con-
stat enim ijs, quibus phrasis græca nota est, ὑπόστα-
σις significare expectationem, hoc est, fiduciā exspe-
ctantem, &c. Sed fallitur multum, quia fidei defi-
nitio quam Paulus assignat, non potest fiducia con-
uenire. Nam esse substantiam rerum sperandarum,
idem significat, quod adificij spiritualis fundamen-
tum, & tantum abest, ut fiducia sit huius adificij
fundamentum, ut potius illa indigeat fide profunda-
mento: quia qui habet fiduciam aliquo, prius eidem
habere fidem oportet. Nisi enim credidissemus De-
um esse veracem, non habuissemus in illo fiduciam,
nam fiducia ex fide nascitur. Quare non fiducia,
sed fides est fundamentum & substantia rerum spe-
randarum. Etsi enim græca phrasis in diuina scri-
ptura obseruanda est, tamen non iuxta Grammati-
corum, sed Theologorum & antiquorum patrū
sententiam Dei verbum exponendum est. Nullus
quidem patrū hunc Pauli locum de fiducia inter-
pretatur. Sed ubi Erasmus nouam fiduciæ interpre-
tationem edidit, sectarij non veritatis, sed nouitatis
studio eam sequuti sunt, eam tamen esse falsam ma-
nifestum est. Quia quamuis ὑπόστασις tam proprie
expectationem, id est, fiduciam expectantem, quā
subsistentem substantiam ac plura alia significet, ta-
men in hoc loco iuxta communem ecclesiæ sensum
inquantum substantiam significat, translatè pro cer-

ta fidei persuasionem accipitur. Hūc tropū illud verbū
 ἔλεγχος positum in eadem definitione, suam propri-
 am significationem retinens, clarè manifestat. Nam
 secundum catholicos & sectarios persuasionem, id
 est, certissimum fidei assensum illic significat: atq; cū
 verbo ὑπόστασις coniunctum illud fidei assensum fi-
 guratè significare facit. Quapropter eandem persua-
 sionem quam ἔλεγχος propriè, ὑπόστασις figuratè
 significat. Hec quippe persuasio qua Deo habemus fi-
 dem sperandarum rerum appellatur substantia: quia
 Dei promissiones antequam impleantur non in se
 sed (sicut accidentia in substantia) in fidei cer-
 ta persuasionem subsistunt. Atq; eadem persuasio non
 apparentium argumentum, id est, certitudo est, quia
 eadem persuasionem noster intellectus fidelem & vera-
 cem esse Deum credit. Atq; hoc quidem his verbis: ar-
 gumentum non apparentium: illud verò his, substan-
 tiam rerum sperandarum, significatur. Hec enim
 duo, fidei in quantum certissimus est assensus conueni-
 unt. Apud sectarios, ἔλεγχος pro assensu accipi Philip-
 pus testatur, dūm dicit: Sed sit fides certa assensio:
 ἔλεγχος, id est, certitudo, qua mens conuicta diuinis
 testimonijs firmissimè amplectitur diuina testimo-
 nia, &c. Paulum quidem illic non de fiducia, sed de
 assensu loqui ipsamet scriptura manifestat, dum illi-
 cō ait: In hac enim testimonium consequuti sunt se-
 nes. Fide intelligimus aptata esse secula verbo Dei, ut
 ex inuisibilibus visibilia fierent. Et infra: Credere
 enim oportet accedentem ad Deū, quia est, & inqui-
 rentibus se remunerator sit. Haec sententia si intelligā-
 tur

Philipp. in
 præf.

Ad Heb.
 11.

tur de fiducia, nō habent verū sensum. Credere enim mundum à Deo esse creatū, cū sit prateritum, ad fiduciam quæ est futurorum non pertinet. Quapropter hæc fidei definitio iuxta cōmunem ecclesiæ sensum de fide, quæ est assensus certus, intelligitur. Theophilactus cum Chrysostomo hanc apostolicam doctrinam exponens, inquit: Describit nobis post hæc fidem, inquiens: fides est essentia eorum quæ non sunt, subsistētia eorū quæ nondum subsistunt, vt resurrectio nondum subsistit, sed fides statuit eam, obq̃, oculos nobis ponit. Argumentum non apparentium: Argumentum, hoc est, demonstratio & manifestatio rerū quæ non sunt conspicua. Facit enim fides vt ista mente nostra cernamus haud secus, ac si præsentia esset. Hactenus Theophilactus: & bene quidem, nam sicut veritas eorū quæ cognoscuntur per causas, nō à rebus sed ab earū causis dependet. Vt veritas istius: luna deliquiū ad decimum diem erit, non à luna deliquio sed à sua causa dependet. Astronomus enim antequā fiat deliquium, huic euidenter assentitur. Ita ea quæ in scriptura traduntur, per eorum causam, videlicet deum, credimus. Quare de promissionibus futuris tam certum, quàm de rebus prateritis habemus assensum. De istis quidem, factum esse: de illis verò tanquam factum esse existimantes indubitanter credimus, ac hac certa rerum sperandarum existimatio earum substantia à Paulo vocatur. Nam in hac tanquam in fundamento, non solū illa quæ Deus promissit, sed p̃ij affectus bonaq̃ opera, quibus Deum colimus, quodammodo subsistunt.

Dei

Dei promissiones quam diu creduntur aut sperantur non possidentur.

Cap. 60.

Cal. ca. 5.

part. 12.

Hassentiens, inquit, fidem esse substantiam rerū sperandarum. Nam per ὑπόστασις, quo vocabulo vitur, quasi fulcrum intelligit, cui pia mens innitatur & incumbat. Sed Calvinus specialem asserens certitudinem illico addidit, ac si diceret: Fidem ipsam certam quandam esse ac securam possessionem eorum quæ nobis à Deo promissa sunt. Et infra: Fides, inquit, datam nobis vitam aternam credit, &c. Hæc proculdubio fidei repugnant, nam fides vitam aternam non datam sed promissam credit, beati quidem Deo fruenter beatam vitā sibi datā possident. Pij vero credentes quanquā promissioni beatitudinis assentiantur, tamen illorum fides non est beatitudinis professio: quia quando diuina misericordia opitulante quis beatitudinem possederit, tunc promissionis fides cessabit. Pij quoque christiani non datam, sed dandam beatitudinem credunt. Quod Augustinus non obscure exponit, dicens: Vnde etiam dicit, secundum suā misericordiam saluos nos fecit, per lauacrum regenerationis. Quis autem non intelligat in lauacro regenerationis spem nobis datam salutis futurae, non iam salutem ipsam, quæ promittitur, & quia tamen certa spes est, tanquam iam data esset eadem salus, saluos nos, inquit, fecit. Tantum ille. Et propter hanc certitudinem, licet beatitudo non sit data sed promissa, tamen in credentium mentibus Dei promissio perinde

Aug. cont.

Fau. li. 11.

cap. 7.

inde est, ac si esset donatio, non tamen propterea fides datam beatitudinem credit: quia, si hoc crederet, deciperetur. Confessio etiam Augustana non longè à Conf. Aug. Caluini sententia abest. Hæc, inquit, misericordia nō gusta. arti. potest accipi nisi in fide. Et infra: Et hoc modo fides de fide. intelligitur de fiducia misericordia. Philippus quoq; Philip. A. eandē sententiam confirmat, dū ait: Dissert autem polog. in- fides à spe, quia fides accipit in præsentiā remissionē argumen. peccatorum: spes autem versatur circa futura. Qui nouus sectariorum loquendi modus tantū abest vt fidem exponat, vt potius obscuriorem reddat. Nam fide Christum eiusq; promissiones apprehendere, aut accipere, nihil aliud est, quàm Dei verbo assenti- ri: & si quid aliud Philippus illis verbis intelligit, manifestè errat. Nam Abrahæ Deus nasciturum filium promissit, ac ille præter spem in spem credidit: sed nato filio non per fidem, sed per spem promissionem accepit. Fides igitur promissiones non accipit in præsentiā: verum tamen est, quod in præsenti seculo peccatorum remissionis promissio in pœnitentibus impletur, sed hanc remissionem fides non accipit in præsentiā: quia fides est argumentū non apparentiū. Quare peccatorū remissio si fide accipitur est in euidens: & cū promissio sit vniuersalis, peccatorum remissionem definite huic aut illi dari fides non asserit. Vnde nullus in speciali remissionem peccatorū fide accipit, id est, credit sibi remitti peccata, quamuis in generali credat: hic enim loquendi modus non est vsitatus in ecclesiā. Philosophi verd intellectum cognoscendo & voluntatem amando, aut desideran-

do apprehendere sua obiecta dicūt. Et hoc modo ambī-
tiosus honores, quos nunquam consequetur, cogitati-
one, amore, & desiderio apprehendit: sed nunquid est
hoc accipere? nō certe. Improprius igitur hic loquen-
di modus fiducia conuenit. Nam quanquā quis habe-
at in Deo fiduciam ad consequendam peccatorum re-
missionem, tamen quia fiducia non est praesentium
sed futurorum, eā non accipit. Sicut enim milites, an-
tequam hostem expugnent, fiduciam habent: nā con-
fidenter audacterq; pugnant: & postquam assequu-
ti fuerint victoriam, illius non spem, nec fiduciā, sed
possessionem dicunt habere. Ita fiducia quam in Deo
habemus, Dei promissiones non accipit: quia quādiu
est fiducia, quae Deus promisit desiderantur. Nā fidu-
cia est eorum quae spernantur, vt Philippus etiam di-
xit, cū fiduciā expectantem appellauit. Igitur fidu-
cia Dei misericordiā & remissionem peccatorum ac-
cipere, nihil aliud est, quā confidendo in Dei mise-
ricordia, remissionem peccatorū, & cetera quae De-
us promisit sperare. Fides etiā nō eō differt à spe, quod
accipiat in praesenti, aut in praesentia, sicut spes, eō
quod versetur circa futura, quia fides ita futura, si-
cut praeterita & praesentia credit: sed eō differunt,
quod fides intellectus est certa persuasio, spes verò vo-
luntatis est actus, quo bona, quae Deus preparauit di-
ligentibus se, cum fiducia expectamus.

Et si fides cæteris virtutibus est pri-
or, tamen non ipsa sola illarum est
causa.

Fides

Fides quæ est assensus, ex sua natura ceteris virtutibus prior radix & earum mater est. Nam ultimi finis (qui est virtutum præcipua circumstantia) religiosa cognitio per fidem habetur. Sed fides nec sola, nec principalis ceterarum virtutum est causa, ut Calvinus docet. qui solam fidem generare charitatem asserit. Calu. ca. 3. P. 21. Quandoquidem, inquit, sola est fides, quæ nobis primum charitatem generat, &c. Et si voluntati fides ante oculos quæ agenda & fugienda sunt ponat, tamen nec ad amandum bonum, nec ad odio habendum malum voluntatem cogit. Ex ea enim parte qua fides est certissimus assensus, quando voluntati beatam vitam & aeternam mortem ostendit. Verum quidem est, quod tum temporis eam ad istius odium, & fugam, & ad illius amorem allicit. Sed ex ea qua fides est ineuidens non efficaciter voluntatem ad pium affectum mouet. Et sicut intellectus diuinis testimonijs ineudentibus sine voluntatis imperio, seu affectu ad assentiendum fidei mysterijs efficaciter non persuadetur: ita fidei visio in speculo, & in enigmate non efficaciter mouet voluntatem ad Deum amandum, & ex eo quoque nec ceteras potentias, quia, ut Matt. 15. c. Christus docet, de corde exeunt cogitationes mala, homicidia, adulteria, fornicationes, &c. Vnde voluntate existente ociosa, ceteræ potentie acquirunt. Sed si aeterna beatitudo et summa miseria non in enigmate fidei, sed sicuti sunt voluntati proponerentur, certe tunc temporis ipsam ad dilectionem, aut odium efficaciter mouerent. At quia fides non clare, sed obscure, quanquam certe voluntati

proponit quæ amanda sunt: ideò licet charitate sit prior, tamen nō sola sufficit generare eā. Verum quidem est, quod sicut qui ligna igni apponit, quanquā reuera non ille sed ignis comburit, dicitur combustio nis causa, eò quod ligna apposuerit: ita fides ostendēs voluntati illa quæ diligenda sunt, quanquam non illa, sed voluntas sit, quæ propriè diligit: tamen quia voluntas nunquam amat ignota, ideò fides proponēs quæ amanda sunt, charitatis dicitur causa. Neq, verò de charitatis dono, de quo Paulus: charitas Dei, inquit, diffusa est in cordibus nostris per Spiritum sanctum, qui datus est nobis (nam illud donum nec à fide nec à voluntate, sed à solo Deo datur) sed de actuali pio affectu quo Deum & proximum diligimus, est sermo. Qui quidem sicut nec sine fide, ita nec sine dei speciali auxilio à voluntate, vt oportet, elicitur. Vnde clarissimè patet, charitatem non à sola fide generari, quia vltra fidem, non solū hominis voluntas, verum etiam Dei auxilium ad eius generationem requiritur.

Charitas cæteras virtutes perficit,
& causas.

Cap. 62.

Diuina scriptura non solū fidem sed etiam charitatem esse matrem & radicem omnium virtutum ostendit. Nam in Christo Iesu, inquit, neque circumcisio aliquid valet, neq, præputium, sed fides, quæ per charitatem operatur. Non enim secundum Paulum fides, vt Caluinus ait, charitatem generat, sed per dilectionem operatur: nam si fides charitatē

Ad Gal. 5.
cap.

in nobis generaret, in illa actione non operaretur per dilectionem, & tunc quando maximum opus faceret, nihil apud Deum valeret: quia in Christo fides, quæ per dilectionem, non quæ sine dilectione operatur, aliquid valet. Imò primus credendi actus sine aliquo pio erga Deum affectu esse non potest. Et quamquam ille affectus ante fidem non sit perfecta charitas, de charitate tamen Paulus ait: Omnia credit, omnia sperat, &c. Vtræque, igitur omnium virtutum est mater, atque inuicem se perficiunt, tamen non eodem modo generant ceteras virtutes. Nam fides est velut fundamentum, charitas verò ut artifex, quæ super illam ædificat. Fides quidem, quæ diligenda, & quæ facienda sunt, voluntati proponit, charitas verò iuxta id, quod præiudicatum est à fide, operatur: ac hoc modo fides per dilectionem est efficax atque etiam charitas secundum fidem operatur. Charitas quidem in hac vita nec sine fide esse, nec aliter quam secundum fidem operari potest. Fides verò non operans per charitatem manere potest, sed imperfecta. Ad Heb. 6. cap. Hoc Paulus expresse docet: Quapropter, inquit, intermittentes inchoationis Christi sermonem, ad perfectionem feramur, non rursus iacentes fundamentum pœnitentiæ ab operibus mortuis & fidei ad Deum. Chrysostomus quidem istum Pauli locum exponens, charitatis efficaciam explicat, dicens: Si autem, inquit, hoc initium est, quid aliud est doctrina nostra, quam pœnitere ab operibus mortuis, & per Spiritum sanctum accipere fidem in resurrectione mortuorum, et iudicii æterni? Quid autem est initium?

Nihil aliud quam hoc. Initiū, inquit, est, cum vita nondū est perfecta. Sicut enim eum, qui ad doctrinā literarum inducitur, elementa oportet primū audire: sic & Christianum hac scire exactē, & nihil dubitare de ipsis. Et infra: Quid est ad perfectionem feramur? Ad ipsum, inquit, transeamus iam cacumē, hoc est, vitam optimam habeamus, sicut enim in elementis vniuersum apex primus, hoc est, alpha & fundamentum adificium totum continet: sic & vita mūdicā certā fidei persuasio. Sine ista enim non potest esse christianus, sicut nec sine fundamento adificium, nec sine elementis peritus literarum fieri potest. Theophylactus eandem sententiam exponens: quia claudicare, inquit, illi in vita conuersatione videntur, verba iam eis facit de vita irreprehensibili. Perinde, quasi hoc dicat, nō oportet nos semper circa principia versari, hoc est, de fide docere, ceu qui sumus infantium praeceptores, enimvero ad perfectionem etiam nobis est pergendum, hoc est, ad optimam vitam. Perfectus enim ille, qui cum fide vitam etiam habet rectam. Nam principium & fundamentum fides est, citra quam nihil erit solidū, perinde ac neq₃ sine elementis quispiam gnarus literarū fiat. Atq₃ nō semper circa elementa nos versari oportet, neq₃ semper in fide institui, vt infantes & imperfectos. Et infra ait: imperfectos eos vocans, propterea quod fidei suae vitam non adiecerint. Hac Theophylactus. Post susceptam igitur fidem, ad perfectionem ferri, est fidem per dilectionem esse efficacem, id est, charitatem supra fidem adificare.

Sicut

Sicut fundamentum sine fastigio, ita fides sine operibus esse & considerata non potest.

Cap. 63.

Fidei quidem totius vite Christianae esse substantiam, fundamentum & elementum, charitati vero vitam Christianam exequi conuenit. Et ista non sunt confundenda, sed distinguenda, & quid unicuique conueniat considerandum est. Nam etsi fides generat charitatem, tamen non ideo fides non potest esse sine ea: quia de fidei essentia charitas non est. Ideo quando de fide est disputatio secundum suam essentiam, videlicet, in quantum est assensus certissimus, non secundum affectus & opera, quae in ea fundantur differendum est. Quod si Calvinus intellexisset, non certe dixisset, in quo tota terra scholastici aberrant, qui in fidei consideratione nudum ac simplicem ex noticia assensum arripiunt, praeterita cordis fiducia & securitate, &c. Si enim de cordis fiducia & securitate habenda est disputatio, quādo tractatur de fidei assensu, cur Calvinus non adiecit de charitate & de ceteris virtutibus, quae ad Dei cultum spectant: quia haec omnia in fide continentur fundanturq³. Caluini quidem in hac parte sententia similis est quibusdam Grammaticis, qui omnes disciplinas ad Grammaticam eo quod literis, vocibusq³ tradantur, pertinere asserunt. Atq³ illi, quod Grammatica sunt professores, omniū disciplinarū peritiā sibi vendicant. Ita sectarij, quia fides est fundamentum Christianae religionis, cum fide miscunt ceteras

Calu. ca. 5.
p. 13.

Philipp.

virtutes, atq₃ quidam eam faciunt pœnitentiæ partem, ac etiam potuissent facere eleemosynæ, quia vt eleemosynæ Deo sit accepta, necessaria est fides. Idem iudiciū est de similibus. Vnde scholasticos fidem secundum suam naturam considerantes, perfectioni eius derogare, vt Philippus opinatur, cōmentum est. Ac mirū est, inquit, aduersarios aded extenuare fidē, cū videāt vbiq₃ pro praprio dei cultu laudari, etc.

Philipp. apolog. de iustiti.

Sed huic cum Chrysostomo respondebimus: haud defuere qui Chrysostomi tempore eandem sententiam cum Philippo asseruissent, aduersus quos Chrysostomus. Tu autem, inquit, ne putes parum tribui fides propterea quod elementum vocata est. Cū enim dicit. Omnis qui participatur lacte expers est sermonis iustitiæ, paruulus enim est, non lac eam appellat, sed ambigere ad huc de his, quæ in illa sunt, hoc est, infirmi animi & sermonū plurimorū indigentis, dogmata enim ista sunt sana. Perfectū enim illum vocamus qui cum fide vitam habet rectā. Hactenus Chrysostomus, cū quo & Theophilactō scholastici quidē ac Theologi nostri cōsentiunt, dū certum fidei assensum, præteritis pijs affectibus, ac operibus cōsiderant. Atq₃ sectarij in hoc scholasticos accusantes, sanctos patres accusant, quorum doctrinam scholastici sectantur.

Chryl. hom. 9. ad Hebr. 6.

Fidei iustum fundamentum aut obiectum non est diuina promissio.

Cap. 64.
Calu. c. 5.
Par. 3.

Calvinus nouitatis studio, nouam fidei definitionem, nouumq₃ illius obiectum cōmentatus est, iam ergo, inquit, habemus, fidē esse diuinæ volun-

voluntatis notitiam, ex eius verbo perceptam. Iſtam definitionem infra exponens. Si dicamus, inquit, fidem eſſe diuinæ erga nos beneuolentiæ firmam certamq; cognitionem. quæ gratuita in Chriſto promiſſionis veritate fundata per Spiritum ſanctum, & reuelatur mentibus noſtris, & cordibus obſignatur &c. Hac fidei definitio dimidiam in religione Chriſtiana aufert fidem: nam ſacra ſcriptura, non ſolum quid Deus præcipiendo, conſulendo, promittendo, & minando fieri velit, ſed quis ipſe ſit, exponit. Credimus enim Deum in eſſentia vnum, & trinum in perſonis eſſe, ipſumq; creaffe mundum, & ſimilia quæ ad cognitionem voluntatis Dei non pertinent. Nam Dei voluntas (de qua Chriſtus ait. *Quia deſcendi de cælo, non vt faciam voluntatem meam, ſed voluntatem eius qui miſit me.* Et Paulus. *Hæc eſt, inquit, voluntas Dei ſanctificatio veſtra*) p præcepta & conſilia manifeſtatur. Igitur hæc definitio quam Caluinus excogitauit omnia credibilia non comprehendit. Similiter in hac definitione, traditur nouum fidei obiectum. Nam Caluinus hanc certam & firmam voluntatis Dei cognitionem fundatam eſſe in gratuita promiſſionis veritate aſſerit. Et in alio loco hæc ſententiam exponens. Fidei, inquit, fundamentum facimus gratuitam promiſſionem, quod in ipſa proprie fides conſiſtat &c. Sed fallitur multum, quia fidei fundamentum eſt quod indubitanter ad aſſentiendum perſuadet, ac hoc eſt obiectum formale fidei, quod eſt ratio, ſeu cauſa, qua dogmatibus fidei aſſentimus. Hoc ꝑculdubio Deus prima ſummaq; veritas

Ioan. 6. ca.

1. Theſ. 4.

Calu. ca. 5.

P. 11.

Dei promissiones quam diu creduntur aut sperantur non possidentur.

Cap. 60.

Cal. ca. 5.

part. 12.

Hic communi Ecclesia sensui in parte Calvinus assentiens, inquit, fidem esse substantiam rerū sperandarum. Nam per ὑπόστασις, quo vocabulo utitur, quasi fulcrum intelligit, cui pia mens innitatur & incumbat. Sed Calvinus specialem asserens certitudinem illico addidit, ac si diceret: Fidem ipsam certam quandam esse ac securam possessionem eorum quæ nobis à Deo promissæ sunt. Et infra: Fides, inquit, datam nobis vitam æternam credit, &c. Hac proculdubio fidei repugnant, nam fides vitam æternam non datam sed promissam credit. beati quidem Deo fruentes beatam vitā sibi datā possident. Pij vero credentes quanquā promissioni beatitudinis assentiantur, tamen illorum fides non est beatitudinis professio: quia quando diuina misericordia opitulante quis beatitudinem possederit, tunc promissionis fides cessabit. Pij quoque christiani non datam, sed dandam beatitudinem credunt. Quod Augustinus non obscure exponit, dicens: Vnde etiam dicit, secundum suā misericordiam saluos nos fecit, per lauacrum regenerationis. Quis autem non intelligat in lauacro regenerationis spem nobis datam salutis futura, non iam salutem ipsam, quæ promittitur, & quia tamen certa spes est, tanquam iam data esset eadem salus, saluos nos, inquit, fecit. Tantum ille. Et propter hanc certitudinem, licet beatitudo non sit data sed promissa, tamen in credentium mentibus Dei promissio perinde

Aug. cont.

Fau. li. 11.

cap. 7.

inde est, ac si esset donatio, non tamen propterea fides datam beatitudinem credit: quia, si hoc crederet, deciperetur. Confessio etiam Augustana non longè à Conf. Aug. Caluini sententia abest. Hac, inquit, misericordia nō gusta. arti. potest accipi nisi in fide. Et infra: Et hoc modo fides de fide. intelligitur de fiducia misericordia. Philippus quoq; Philip. A. eande sententiam confirmat, dū ait: Differt autem polog. in- fides à spe, quia fides accipit in præsenti remissionē argumen. peccatorum: spes autem versatur circa futura. Qui nouus sectariorum loquendi modus tantum abest ut fidem exponat, ut potius obscuriorem reddat. Nam fide Christum eiusq; promissiones apprehendere, aut accipere, nihil aliud est, quàm Dei verbo assenti- ri: & si quid aliud Philippus illis verbis intelligit, manifestè errat. Nam Abrahæ Deus nasciturum filium promisit, ac ille præter spem in spem credidit: sed nato filio non per fidem, sed per spem promissionem accepit. Fides igitur promissiones non accipit in præsenti: verum tamen est, quod in præsenti seculo peccatorum remissionis promissio in pœnitentibus impletur, sed hanc remissionem fides non accipit in præsenti: quia fides est argumentum non apparentiū. Quare peccatorū remissio si fide accipitur est in euidentis: & cum promissio sit vniuersalis, peccatorum remissionem definite huic aut illi dari fides non asserit. Vnde nullus in speciali remissionem peccatorū fide accipit, id est, credit sibi remitti peccata, quamuis in generali credat: hic enim loquendi modus non est vsitatus in ecclesia. Philosophi verò intellectum cognoscendo & voluntatem amando, aut desideran-

Fides quæ est assensus, ex sua natura ceteris virtutibus prior radix & earum mater est. Nam ultimi finis (qui est virtutum præcipua circumstantia) religiosa cognitio per fidem habetur. Sed fides nec sola, nec principalis ceterarum virtutum est causa, ut Calvinus docet. qui solam fidem generare charitatem asserit. Quandoquidem, inquit, sola est fides, quæ nobis primum charitatem generat, &c. Et si voluntati fides ante oculos quæ agenda & fugienda sunt ponat, tamen nec ad amandum bonum, nec ad odium habendum malum voluntatem cogit. Ex ea enim parte qua fides est certissimus assensus, quando voluntati beatam vitam & aternam mortem ostendit. Verum quidem est, quod tum temporis eam ad istius odium, & fugam, & ad illius amorem allicit. Sed ex ea qua fides est ineuidens non efficaciter voluntatem ad pium affectum mouet. Et sicut intellectus diuinis testimonijs ineudentibus sine voluntatis imperio, seu affectu ad assentiendum fidei mysterijs efficaciter non persuadetur: ita fidei visio in speculo, & in enigmate non efficaciter mouet voluntatem ad Deum amandum. Ex eo quoque nec ceteras potentias, quia, ut Christus docet, de corde exeunt cogitationes male, homicidia, adulteria, fornicationes, &c. Vnde voluntate existente ociosa, cetera potentia acquiescunt. Sed si aterna beatitudo et summa miseria non in enigmate fidei, sed sicuti sunt voluntati proponerentur, certe tunc temporis ipsam ad dilectionem, aut odium efficaciter mouerent. At quia fides non clarè, sed obscure, quanquam certe voluntati

Calu. ca. 3.
P. 21.

Matt. 15. c.

proponit quæ amanda sunt: ideò licet charitate sit prior, tamen nō sola sufficit generare eā. Verum quidem est, quod sicut qui ligna igni apponit, quanquā reuera non ille sed ignis comburit, dicitur combustio nis causa, eò quod ligna apposuerit: ita fides ostendēs voluntati illa quæ diligenda sunt, quanquam non illa, sed voluntas sit, quæ propriè diligit: tamen quia voluntas nunquam amat ignota, ideò fides proponēs quæ amanda sunt, charitatis dicitur causa. Neq; ve rò de charitatis dono, de quo Paulus: charitas Dei, inquit, diffusa est in cordibus nostris per Spiritum sanctum, qui datus est nobis (nam illud donum nec à fide nec à voluntate, sed à solo Deo datur) sed de actua li pio affectu quo Deum & proximum diligimus, est sermo. Qui quidem sicut nec sine fide, ita nec sine dei speciali auxilio à voluntate, vt oportet, elicitur. Vnde clarissimè patet, charitatem non à sola fide generari, quia vltra fidem, non solum hominis voluntas, verum etiam Dei auxilium ad eius generationem requiritur.

Charitas cæteras virtutes perficit,
& causas.

Cap. 62.

Diuina scriptura non solum fidem sed etiam charitatem esse matrem & radicem omnium virtutum ostendit. Nam in Christo Iesu, inquit, neque circumcisio aliquid valet, neq; praputium, sed fides, quæ per charitatem operatur. Non enim secundum Paulum fides, vt Calvinus ait, charitatem generat, sed per dilectionem operatur: nam si fides charitatē

Ad Gal. 5.
cap.

in nobis generaret, in illa actione non operaretur per dilectionem, & tunc quando maximum opus faceret, nihil apud Deum valeret: quia in Christo fides, quæ per dilectionem, non quæ sine dilectione operatur, aliquid valet. Imò primus credendi actus sine aliquo pio erga Deum affectu esse non potest. Et quamquam ille affectus ante fidem non sit perfecta charitas, de charitate tamen Paulus ait: Omnia credit, omnia sperat, &c. Vtraq; igitur omnium virtutum est mater, atque inuicem se perficiunt, tamen non eodem modo generant ceteras virtutes. Nam fides est velut fundamentum, charitas verò vt artifex, quæ super illam ædificat. Fides quidem, quæ diligenda, & quæ facienda sunt, voluntati proponit, charitas verò iuxta id, quod præiudicatum est à fide, operatur: ac hoc modo fides per dilectionem est efficax atq; etiam charitas secundum fidem operatur. Charitas quidem in hac vita nec sine fide esse, nec aliter quam secundum fidem operari potest. Fides verò non operans per charitatem manere potest, sed imperfecta. Ad Heb. 6. Hoc Paulus expresse docet: Quapropter, inquit, intermittentes inchoationis Christi sermonem, ad perfectionem feramur, non rursus iacentes fundamentum pœnitentiæ ab operibus mortuis & fidei ad Deum. Chrysostomus quidem istum Pauli locum exponens, charitatis efficaciam explicat, dicens: Si autem, inquit, hoc initium est, quid aliud est doctrina nostra, quam pœnitere ab operibus mortuis, & per Spiritum sanctum accipere fidem in resurrectione mortuorum, et iudicij æterni? Quid autem est initium?

1. ad Cor.
13.

Ad Heb. 6.
cap.

Chrysost.

Nihil aliud quàm hoc. Initiũ, inquit, est, cùm vita nondũ est perfectã. Sicut enim eum, qui ad doctrinã literarum inducitur, elementa oportet primũ audire: sic & Christianum hac scire exacte, & nihil dubitare de ipsis. Et infrà: Quid est ad perfectionem feramur? Ad ipsum, inquit, transeamus iam cacumẽ, hoc est, vitam optimam habeamus, sicut enim in elementis vniuersum apex primus, hoc est, alpha & fundamentum adificium totum continet: sic & vita nũdiciam certa fidei persuasio. Sine ista enim non potest esse christianus, sicut nec sine fundamento adificium, nec sine elementis peritus literarum fieri potest. Theophilaëtus eandem sententiam exponens: quia claudicare, inquit, illi in vita conuersatione videbaruntur, verba iam eis facit de vita irreprehensibili. Perinde, quasi hoc dicat, nõ oportet nos semper circa principia versari, hoc est, de fide docere, ceu qui sumus infantium præceptores, enimvero ad perfectionem etiam nobis est pergendum, hoc est, ad optimam vitam. Perfectus enim ille, qui cum fide vitam etiam habet rectam. Nam principium & fundamentum fides est, citra quam nihil erit solidũ, perinde ac neq; sine elementis quispiam gnarus literarũ fiat. Atq; nõ semper circa elementa nos versari oportet, neq; semper in fide institui, vt infantes & imperfectos. Et infrà ait: imperfectos eos vocans, propterea quod fidei sua vitam non adiecerint. Hac Theophilaëtus. Post susceptam igitur fidem, ad perfectionem ferri, est fidem perdilectionem esse efficacem, id est, charitatem supra fidem adificare.

Sicut

Sicut fundamentum sine fastigio, ita fides sine operibus esse & considerari potest.

Cap. 63.

Fidei quidem totius vite Christiana esse substantiam, fundamentum & elementum, charitati verò vitam Christianam exequi conuenit. Et ista non sunt confundenda, sed distinguenda, & quid unicuique conueniat considerandum est. Nam etsi fides generat charitatem, tamen non ideo fides non potest esse sine ea: quia de fidei essentia charitas non est. Ideo quando de fide est disputatio secundum suam essentiam, videlicet, in quantum est assensus certissimus, non secundum affectus & opera, quæ in ea fundantur differendum est. Quod si Calvinus intellexisset, non certè dixisset, in quo tota terra scholastici aberrant, qui in fidei consideratione nudum ac simplicem ex noticia assensum arripiunt, præterita cordis fiducia & securitate, &c. Si enim de cordis fiducia & securitate habenda est disputatio, quādo tractatur de fidei assensu, cur Calvinus non adiecit de charitate & de cæteris virtutibus, quæ ad Dei cultum spectant: quia hæc omnia in fide continentur fundanturq̃. Caluini quidem in hac parte sententia similis est quibusdam Grammaticis, qui omnes disciplinas ad Grammaticam eo quod literis, vocibusq̃, tradantur, pertinere asserunt. Atq̃ illi, quod Græmatica sunt professores, omniū disciplinarū peritiā sibi vendicant. Ita sectarij, quia fides est fundamentum Christianæ religionis, cum fide miscunt cæteras

Calu. ca. 5.
p. 13.

Philipp.

virtutes, atq³ quidam eam faciunt pœnitentia partem, ac etiam potuissent facere eleemosyna, quia vt eleemosyna Deo sit accepta, necessaria est fides. Idem iudiciū est de simili bus. Vnde scholasticos fidem secundum suam naturam considerantes, perfectioni

Philipp. a.
polog. de
iustifi.

eius derogare, vt Philippus opinatur, cōmentum est. Ac mirū est, inquit, aduersarios aded extenuare fidē, cū videāt vbiq³ pro præcipuo dei cultu laudari, etc. Sed huic cum Chrysostomo respondebimus: haud defuere qui Chrysostomi tempore eandem sententiam cum Philippo asseruissent, aduersus quos Chrysostomus. Tu autem, inquit, ne putes parum tribui fides propterea quod clementum vocata est. Cū enim dicit. Omnis qui participatur lacte expers est sermonis iustitia, paruulus enim est, non lac eam appellat, sed ambigere ad huc de his, quæ in illa sunt, hoc est, infirmi animi & sermonū plurimorū indigentis, dogmata enim ista sunt sana. Persectū enim illum vocamus qui cum fide vitam habet rectā. Hactenus Chrysostomus, cū quo & Theophilacto scholastici quidē ac Theologi nostri cōsentiunt, dū certum fidei assensum, præteritis pijs affectibus, ac operibus cōsiderant. Atq³ sectarij in hoc scholasticos accusantes, sanctos patres accusant, quorum doctrinam scholastici sectantur.

Chryf. ho.
m. 9. ad
Hebr. 6.

cum Philippo asseruissent, aduersus quos Chrysostomus. Tu autem, inquit, ne putes parum tribui fides propterea quod clementum vocata est. Cū enim dicit. Omnis qui participatur lacte expers est sermonis iustitia, paruulus enim est, non lac eam appellat, sed ambigere ad huc de his, quæ in illa sunt, hoc est, infirmi animi & sermonū plurimorū indigentis, dogmata enim ista sunt sana. Persectū enim illum vocamus qui cum fide vitam habet rectā. Hactenus Chrysostomus, cū quo & Theophilacto scholastici quidē ac Theologi nostri cōsentiunt, dū certum fidei assensum, præteritis pijs affectibus, ac operibus cōsiderant. Atq³ sectarij in hoc scholasticos accusantes, sanctos patres accusant, quorum doctrinam scholastici sectantur.

Fidei iustum fundamentum aut obiectum non est diuina promissio.

Cap. 64.
Calu. c. 5.
Par. 3.

Calvinus nouitatis studio, nouam fidei definitionem, nouumq³ illius obiectum cōmentatus est, iam ergo, inquit, habemus fidē esse diuinæ volun-

voluntatis notitiam, ex eius verbo perceptam. Iſtam definitionem infra exponens. Si dicamus, inquit, fidem eſſe diuina erga nos beneuolentia firmam certamq; cognitionem, qua gratuita in Chriſto promiſſionis veritate fundata per Spiritum ſanctum, & reuelatur mentibus noſtris, & cordibus obſignatur &c. Hac fidei definitio dimidiam in religione Chriſtiana aufſert fidem: nam ſacra ſcriptura, non ſolum quid Deus precipiendo, conſulendo, promittendo, & minando fieri velit, ſed quis ipſe ſit, exponit. Credimus enim Deum in eſſentia vnum, & trinum in perſonis eſſe, ipſumq; creaffe mundum, & ſimilia qua ad cognitionem voluntatis Dei non pertinent. Nam Dei voluntas (de qua Chriſtus ait. *Quia deſcendi de cælo, non vt faciam voluntatem meam, ſed voluntatem eius qui miſit me.* Et Paulus. *Hæc eſt, inquit, voluntas Dei ſanctificatio veſtra*) p præcepta & conſilia manifeſtatur. Igitur hæc definitio quam Caluinus excogitauit omnia credibilia non comprehendit. Similiter in hac definitione, traditur nouum fidei obiectum. Nam Caluinus hanc certam & firmam voluntatis Dei cognitionem fundatam eſſe in gratuita promiſſionis veritate aſſerit. Et in alio loco hæc ſententiam exponens. Fidei, inquit, fundamentum facimus gratuitam promiſſionem, quod in ipſa proprie fides conſiſtat &c. Sed fallitur multum, quia fidei fundamentum eſt quod indubitanter ad aſſentendum perſuadet, ac hoc eſt obiectum formale fidei, quod eſt ratio, ſeu cauſa, qua dogmatibus fidei aſſentimus. Hoc ꝑculdubio Deus prima ſummaq; veritas

Ioan. 6. ca.

1. Theſ. 4.

Calu. ca. 3.
P. 11.

est: atq; in hac veritate diuina scriptura fundatur auctoritas. Quare iste articulus: Deus est trinus & vnus, in diuina veritate, non in promissione fundatur. Fides etiam Abraha, qua credidit in spem contra spem, quid aliud fuit, nisi credere diuinæ promissioni? Sed hac fides non in promissione, sed in Deo qua est summa veritas fundatur. Ideo enim fidem Dei promissionibus Abraham habuit, quia Deum esse veracem credidit. Quare non Dei gratuita promissio, sed Dei veritas est fidei fundamentum. Calvinus etiam hanc definitionem assignans, non solum cum Dei verbo, sed secū pugnat. Nam fidē ad verbum Dei esse referendam asserit, verbumq; Dei esse eius obiectum & scopum in quem perpetuo collimare debet. In hac inquam sententia quamuis nouis verbis ornata, tamen antiquæ & Catholicæ fidei consona vniuersa credibilia complexus est. Sed in definitione fidei quam posuit, partem fidei, scilicet noticiam voluntatis Dei complectitur. Atq; gratuita Dei promissio fidei fundamentum dimidiatum facit. At Deus non solum in quantum fidelis in seruandis promissis, sed in quantum simpliciter in omnibus, videlicet, in verbis & in factis est verax, fundamentum, obiectum, scopusq; fidei est. Quare sicut fidei definitio non est coarctanda ad noticiam voluntatis Dei, ita nec fidei fundamentum dimidiatum accipiendum est. Philippus etiam. Est autem, inquit, fides proprie dicta, quæ assentitur promissioni &c. Sed respondens Philippus ad illa quæ contra hæc obijciuntur. Cum autem, inquit, dici-

Philipp. a-
polog. de
iustifi.

mus de assensu promissionis complectimur omnem articulum notitiam &c. Hac proculdubio con-
trouersia non de re sed de nomine est, quapropter vo-
cum nouitas iuxta Apostoli sententiam cauenda est:
(ô Timothee, inquit, depositum custodi, deuitans
prophanas vocum nouitates &c.) maxime quando
fidei explicatio eam non flagitat, sed tantum abest,
vt hac expediat ad fidem explicandam, vt potius
eam obscuret: nam eadem fides est omnium eorum
qua in diuina scriptura traduntur, atque nullus est,
qui neget credendum esse Dei promissionibus. Sed
qui specificat, & definit fidem per assensum promif-
sionis, & notitiam diuinæ voluntatis, omnia quæ ad
Dei vnitatem, & personarum trinitatem, & cate-
ra quæ in historia sacra olim gesta narrantur, à fide
excludit. Hac igitur nouitas quia Dei verbo contra-
ria, tollenda est, nec apud viros doctos, pios, pacif-
que amantes Philippi expositio satisfacit: videlicet.
Cum autem dicimus de assensu promissionis, com-
plectimur omnium articulum notitiam: quia
hac potius derisio quam verbi noui interpretatio
est. Quid enim articulo de vnitatem Dei, & per-
sonarum trinitate cum articulo de remissione pec-
catorum conuenit, vt per nomen promissionis
significetur? Nouus hic profecto tropus, noua-
que est hac doctrina. Ideo Dei verbo contraria.
Sed Philippus, omnes fidei articulos ad articulum
de peccatorum remissione referendos esse, asserit. log. de inu.
Nisi addimus, inquit: & hunc articulum qui est

Cal. 5. c. 5.

p. 22.

Phili. apo-
log. de fid.

causa finalis historia, remissionem peccatorum, ad hunc articulum referri cetera oportet &c. At non remissio peccatorum, sed potius beatitudo, imo verius Deus ipse, est causa finalis ad quem omnes fidei articuli referendi sunt. Nam sicut Deus propter suam gloriam creauit hominem, ita propter eandem eum redemit & plena redemptio non peccatorum remissio, sed beatitudo est, ad quam iustificatio refertur. Præterea. Calvinus aliud fidei obiectum excogitauit. Differens enim de spe, Dei misericordiam fidei obiectum & scopum esse affirmat. Philippus quoque huic sententia subscribit. Quare inter se, inquit, correlatiue comparat & connectit promissionem & fidem. Et infra. Et rursus quoties nos de fide loquimur, intelligi volumus obiectum, scilicet misericordiam promissam &c. Primò Calvinus Dei verbum. Secundò gratuitam promissionem. Tertio Dei misericordiam esse fidei fundamentum, obiectum, & scopum affirmavit. Philippus verò relatiue fidem referri ad promissiones dogmatizat. Hac sententiarum discordia, si fidei varia significatio consideretur, forte dissoluetur. Nam si fides pro assensu accipitur, manifesta est contradictio, plura enim continentur in Dei verbo, quæ non sunt promissiones, nec ad Dei misericordiam referuntur. Vt articuli, qui pertinent ad Dei unitatem & personarum trinitatem ac omnipotentiam. Quæ si à fide excludantur, nulla est Dei promissio, nam illa in Deo sunt essentialia & priora promissionibus: hæc verò, scilicet, Dei promissiones extra Dei essentiam, imo ad Dei promissiones adimplendas,

tan-

tanquam principium, Deum esse omnipotentem præsupponitur. Si enim Deus non esset omnipotens, quomodo nostris miseris subueniret? Nec promissio igitur, nec Dei misericordia fidei est obiectum ad aquatum.

Fides quæ est fiducia, quædam spes est.

Si vero fides pro fiducia accipitur, idem obiectum, Cap. 65.
 Quod est spei, videlicet & Dei & auxilium & promissiones habebit. Nam fiducia aut nihil aliud est quam spes, aut sine ea esse non potest. Vt Paulus diuino spiritu afflatus exponit. Christus verò, inquit, tanquam filius in domo sua, quæ domus sumus nos, si fiduciam & gloriam spei usque ad finem firmam retineamus. Theophylactus etiam cum Chrysostomo hunc locum exponens fiduciam cum spe coniungit, dum inquit. Pulchre autem dixit fiduciam & gloriationem spei: firmiter enim quispiam sperans futuram compensationem, gloriatur, inde iam ceu quæ sperarit præstosint: nec supprimitur, nec animo deijcitur, sed fiduciam potius habet, si quando affligatur propter amatum ac dilectum sibi Christum. Hac Theophylactus. Fiducia igitur est expectans, ac spes est fidens: unde nec fiducia sine spe, nec spes sine fiducia esse potest. Quod Augustinus etiam ex Ciceronis sententia Aug. 83. q. 1. confirmat. Fidentia, inquit, est, per quam magnis & honestis in rebus multum ipse animus in se fiduciarum certa spe collocauit. Beatus etiam Bernardus hanc sententiam expresse docens. O vox, inquit, miser-

Bern. ser. *sericordia: ô auditus leticia salutaris. Auditam fac de annûc. mihi manè misericordiam tuam, quia in te speravi Domine. Sola nimirum spes apud te miserationis obtinet locum: nec oleum misericordia nisi in vase fiducia ponis. Beatum Bernardum in his verbis spem fiduciam appellare, clarissimè constat. Phi-*

Phi ip. A- *lippus verò hanc Bernardi sententiam ad specialem*
 pol. de pœ *certitudinem astruendam torquet. Bernardi, in-*
 nit. *quit, verba mirificè illustrât causam nostram, quia non solum requirit vt in genere credamus peccata remitti per misericordiam, sed iubet addere specialem fidem, qua credamus nobis ipsis remitti peccata, &c. Sed nihil minus illic quàm de speciali fide beatus Bernardus differit, quia nullam mentionem de huiusmodi fide facit. Petrus quoque Lombardus: est autem, inquit, spes virtus, qua spiritualia & aterna bona sperantur. i. cum fiducia expectantur. Deniq, hi probati auctores fiduciam non nisi per spem, nec spem non nisi per fiduciam explicauerunt: quare manifeste colligitur, spem ac fiduciam ad eandem virtutem pertinere, aut esse idem. Nam si rationale, risibile, & disciplinabile, hominis sunt varia proprietates, sed omnes homini insunt: ita fidere & expectare quamuis varia sint, spei conueniunt, nec citra illam reperiuntur. Nã sperare est cum fiducia expectare: & nemo fidit, nec expectat nisi sperans. Similiter Aristoteles eandem sententiã asserit. Vt enim*

Lib. 3. Sē- *fiducia, inquit, timori contrarium est, sic id quo con-*
 ten. dif. 15. *fidimus ei quod timemus. Quare spes est simul cum imaginatione rerū salutarium, quod propriè adfint.*

Arist. lib. *2. Rhc. c. 5.*

Fidu

Fiduciam igitur secundum Philosophi sententiam spe
esse, manifestum est. Vnde sicut timor futurorū ma-
lorum, ita fiducia, quæ spes futurorum bonorum est.

Ex fide, quæ est assensus, fiducia oritur. Cap. 66.

Verū cū futura non existant per se ipsa, vo-
luntatem ad timendum aut sperandū non mo-
uēt. Eorum quoq; noticia quanq̃ ad alios, tamen ad
hos affectus non allicit. Nam aliqua futura desiderā-
tur, sed non sperantur, & ab aliquibus abhorremus,
q̃ non timemus. Quare vltra notiam futurorum ne-
cessaria est illorum opinio, aut fides ad sperandum es-
confidendū. Hanc sententiam doctissime exponit Ari-
stoteles: futura inquit, repeti memoria non queunt,
sed opinione comprehendī, & spe præsumi possunt. Et
certē q̃dam erit scientia sperandi, vt nonnulli aiūt de
diuinatione. Philosophus de humana spe, & fiducia e-
rudite disseruit, nobisq; aperuit viam, vt de Christia-
na spe aliquid exponamus. Nā sicut ad hoc q̃ futura
spe p̃sumantur, necessariū est, q̃ opinione compreen-
dantur: ita æterna & inuisibilia bona non opinione,
sed certissima fide tenēda sunt ad ea sperāda: & hoc ē
q̃ Paulus ait. Est aut̃ fides sperandarū substantia re-
rum argumentū non apparentiū. Propter q̃ quidem
verbū, sperandarū, aliq̃ de fiducia hūc locū intellexe-
runt. Sed nō animaduertērūt, q̃ ea q̃ sperantur, prius
fide quā fiducia cōprehendenda sint. Nam si nō habe-
remus Deo fidē in illa non speraremus. Ab hac senten-
tia Calvinus non dissentit. Vt in summa, inquit, nihil
aliud sit spes q̃ eorū expectatio q̃ vere à Deo p̃missa
fides credidit. ita fides Deū veracem credit, spes expe-
ctat,

Aristo. de
memo. &
retri.

Ad Heb. 11

Cal. ca. 3.
part. 22.

Phil. in lo-
cis de ope.

stat, vt in temporis occasione veritatem suam exhibeat &c. Philippus quoque eandem sententiam confirmat, cum dicit. Fides significat in intellectu notitiā & assensum promissionum de Christo, ac in voluntate fiduciam, qua voluntas vult & accipit oblatam misericordiam, in qua quiescit, vt cū Cicero audiuit sibi à Cesare promitti securitatem, noticiam in intellectu sequebatur, in voluntate fiduciam qua volebat & acceptabat oblatum beneficium &c. Sed cur Philippo potius humana quam sacra historia exemplum occurrit? potuisset enim in medium adducere Abraham, cui facta est promissio de filio nascituro: & Zachariam patriam Ioannis baptista non acceptantem promissionem Dei. Sed forte hac sacra historia exempla Philippi noua doctrina non conueniebant. Nam diuina scriptura non dicit Abraham, & ceteros fiducia accepisse, aut non accepisse oblatum beneficium, sed fide. Scriptura enim inquit. Credit Abraham Deo &c. Et de Zacharia ait. Et ecce eris tacens, & non poteris loqui vsque in diem quo hæc fiant, pro eo quod non credidisti verbis meis, quæ implebuntur in tempore suo. Intellectus igitur prius credendo quam voluntas confidendo Dei promissiones accipit.

Paulus inquit corde creditur ad iustitiam, de dogmatum assensione, non de fiducia loquitur.

Cap. 67.

Sed sectarj loca scripturae quæ fidem exponunt, sere omnia de fiducia, pauca verò, vnum videli-

cet, aut alterum de intellectu persuasione interpre- Philipp. in
 rantur. Philippus, addi, inquit, potest aceruus testimo loc. de fid.
 niorum, in quibus vocabulum fidei ponitur pro fidu
 cia, &c. πῆσις quidem persuasionem significare, com
 munis omnium est sensus, sed quia persuasio quaedam
 intellectus, quaedam verò voluntatis est, hinc contro
 versia orta sunt: nam sicut intellectus ad assentien
 dum fidei dogmatibus: ita voluntas ad confidendum
 in Deo ac expectandū diuinas promissiones persua
 detur. Differunt autem, quia illud est credere: hoc ve
 rò fidere, aut sperare. Et quia hoc in illo fundatur, &
 ab illo emanat, fidei nomine significatur: quia fidu
 cia vicina significatio est: neq, diuina scriptura hac
 confundit, sed distinguit. Nam per sequentia & pra
 cedentia verba, id est, per scripturarum circumstan
 tiam, qui scriptura locus de fide, qui de fiducia inter
 pretandus est, pios & catholicos non latuit viros. Ac
 sectarij vt nouam fiducia sectam astrueret, loca, qua
 de intellectu persuasione loquuntur, de fiducia inter
 pretantur. Philippus: Est, inquit, semper hac propo- Philipp. in
 sitio correlatiue intelligenda: fide sumus iusti, id est, loc. de fid.
 fiducia misericordia, &c. Paulus quidem loca in qui
 bus fides reputari ad iustitiam exponitur, non pos
 sunt verè ad fiduciam referri, veluti vbi inquit: Cor
 de enim creditur ad iustitiam. Quid amplius de fide
 asseri potest? Cū in iustificatione omnia complectā
 tur. Sed hic Paulus non de fiducia, sed de intellectu
 certissima persuasionem loquitur, quod illico ostendit,
 dicens: Ore autem confessio fit ad salutem. Quid e
 nim per oris confessionem nisi dogmatum firma per
 suasio

Chrys. Ho- suaſio exprimitur? Chryſoſtomus (illum Pauli lo-
mil 26. cum, videlicet, tu fidem habes apud te metipſum, etc.
Ad Ro. 14. exponens) fidem inquit, hic non eam dicit, qua ad
dogmata pertinet, ſed qua prapoſiti eſt argumenti.
De illa ſiquidem dicit: ore verò confeſſio fit ad ſalu-
tem, & qui negauerit me coram hominibus, negabo
ipſum & ego. Nam illa tunc ſubuertitur, quando
Ioan. 20. c. confeſſa non fuerit. Ioannes quoq; ait: Quia vidiſti
me Thoma, credidiſti: beati qui non viderunt & cre-
diderunt. Scripturam hic non loqui de fiducia quis
dubitat? Non enim Thomas diffidentia ſed incredu-
latis reprehenditur. Non enim dixit, noli eſſe diffi-
dens, ſed noli eſſe incredulus, ſed fidelis, id eſt, credēs.
Fides igitur qua ad iuſtitiam & eius confeſſio ad ſa-
lutem imputatur: & cui aſſentientes beati à Chriſto
pradicantur, non correlatiuè ad fiduciam miſericor-
dia, ſed ad dogmatum perſuaſionem refertur. Per
Dei quidem miſericordiam tanquam per cauſam ef-
ficientem hominem iuſtificari, nullus dubitat, ſed nō
propterea omnis ſcriptura, qua de hominis iuſtifica-
tione loquitur, de fiducia miſericordia interpre-
tanda eſt.

Humani quidem affectus à natura,
pij verò à Dei dono inſunt nobis.

Cap. 69.

Fides proſectò ſperandi doctrina eſt. Nam in
quo & quid ſperandum fit dictat, dictandoq;
ſuadet, et allicit voluntatem ad ſperandum, aut
timendum: propter quod fides ſpem aut timorem
generat. Sed animaduertendum eſt, quod de his af-
fectibus

fectibus aliter fidei doctrina quam philosophia tractat. Nam hac ut sunt animi passionibus naturaliter generate: illa ut verò à voluntate libera cum Dei adiutorio eliciuntur, differit. Quarundam enim rerum habita existimatione illas si sunt aduersa protinus odio prosequimur, atque timemus: si verò secunda sunt, eas amamus, desideramus & speramus. Atque istos quidem affectus, nobis quodammodo inuictis, in corde recipimus. Quapropter ad has passionibus, seu affectus moderandos, virtutibus moralibus, scilicet iustitia, fortitudine, temperantia homo indiget. Sed fortitudo, passionibus spem & timorem, non spem qua speramus beatam vitam, nec timorem, quo Deum timemus moderatur. Et quia aliqui hanc distinctionem non animaduenerunt de fide & pijs affectibus, qui ex illa procedunt, perinde ac de animarum passionibus loquuntur. Quare ex animarum affectibus naturali ordine genitis, quos in semet ipsis experiuntur de pijs affectibus iudicant. Atque hinc secta de speciali fidei, aut fiducia certitudine, ac de securitate, & similibus orta sunt. Aristoteles quidem affectibus humanis, ait. Calor autem, inquit, qui eam continet sedem, qua speramus, & sapimus, facit, ut securo animo simus: qua de causa omnes ad vinolentiam usque promptu animo bibimus. Omnes animi spe bona vini copia afficit, quemadmodum iuuentus adolescentulos: senectus enim parum sperare potest, iuuentus spe plena est. Huiusmodi quidem, sicut ex quarundam rerum opinione, animus amore, odio, spe, timore et similibus naturaliter afficitur: ita habita fide voluntatem erga Deum affici-

Arist. probl. sect. 20.
cap. 1.

existimant: & qui his affectibus carēt, illos nō habere fidē definiūt. Et tamē non ita est, quia p̄ affectus, qui ex fide oriuntur, non naturali necessitate sicut passiones, sed voluntarie cum Dei auxilio oriuntur. Atq; est etiam alia differentia. Nam vt non quęcumque futurorum existimatio generat timorem aut spem, vt Aristoteles inquit. Remota namq; nimium non timent. Omnes enim sciunt se morituros. Verum quoniam non prope, idcirco non curant. Simili modo quę per fidem credimus, non apparent, & longē distant: ex quo fit, vt quanquam fides sit certa noticia, voluntatem, quę libera est ad sperandum aeterna, & spiritualia bona, sine Dei speciali auxilio non mouet. Spes igitur sicut fides Dei est donum. Nam sperare illa quę humanam superant facultatem, non conuenit homini, nisi per Dei donum.

Sicut fides ita fiducia in adultis præcedat iustificationem oportet.

Cap. 69. **S**ecuritas quidem, & fiducia certitudo, quam sectarij dogmatizant, non à fide, quę sperandarum rerum est, regula oritur, sed ex errore, aut ex quadam sensus existimatione, quę plerunq; decipit. Ideo inanis & vana est: nam vt hominum sunt ingenia, inexpertis dulce est bellum, atq; huiusmodi meliorem spem, ac pluri securitatis in rebus arduis quàm experti habent. Sic aliqui impij tam securiores, quàm iniquiores sunt. Sectarij quoq; & heretici, quanto magis in dogmatibus inter se variant, tanto maiorem fiduciam & securitatem habent. De quibus omnibus

Bern. ser 3.
de annūti.

nibus Bernardus. Sed est, inquit, infidelis fiducia solius utique maledictionis capax, cum videlicet in spe peccamus. Quamquam nec fiducia illa dicenda est, sed insensibilitas quadam, & dissimulatio perniciosa.

Quæ enim fiducia ei qui pericula non attendit? Aut quid ibi timoris? At confessio Augustana non esse in impijs fiduciam dogmatizat. Et qui admittunt actiones contra conscientiam, hi sunt iniusti, neq; Spiritum sanctū, neq; fidē, id est, misericordia fiduciā retinent. Nam in his qui delectantur peccatis, nec agūt pœnitētiā, nec potest quidem fiducia existere, quæ quarat remissionem peccatorū. &c. Peccatores quosdam in se confidere, diuina testatur scriptura, cum dicit: Dixit autem & ad quosdam, qui in se confidebant tanquam iusti, & aspernabantur ceteros, parabolam istam, dicens: Duo homines ascendebant in

Cōfess. Au-
gust. art.
de bo. ope.

Luc. 18.

templum ut orarent, vnus Phariseus & alter Publicanus: Phariseus stans, hæc apud se orabat, Deus gratias ago tibi, &c. Et infra: Et Publicanus à longe stans nolebat nec oculos ad cælum leuare, sed percutiebat pectus suum dicens: Deus propitius esto mihi peccatori. Hæc parabola quosdam peccatores in se, quosdā verò alios in Deo confidere manifestè exponit. Nam peccatores humiles, & pœnitentes, qui per publicanū significantur, actiones contra conscientiam habentes, suorum peccatorum remissionem fidenter petunt. Filij etiam prodigi parabola hoc idem docet.

Luc. 15.

In se autem, inquit, reuersus dixit: quanti Mercenarij in domo patris mei abundant panibus, ego autem hic fame pereco: surgam & ibo ad patrem

meum, &c. Hic enim si ante reconciliationem fiduciam non habuisset, in conspectu patris non auderet consistere. Et sicut à Christo flagitantibus corporis sanitatem, fidem & fiduciam antequam sanaretur habere oportebat: ita peccatori ante iustificationem fides & spes necessaria est. Nam ut qui arat, in spe arat: sic qui pœnitet, in spe pœnitet. Nemo enim pœniteret, nisi speraret remissionem peccatorũ. Quare isti pœnitendo, orando, et Deũ inuocando, remissionem peccatorum querunt: & si petunt in fide nihil hesitantes, inueniunt iustificationem. At qui in se et non in Deo confidunt, ut ille phariseus, aut qui diffidunt, ut Cain, & Iudas, iustificationem assequuntur.

Bern. ser.
3. de annũ.

Bernardus hanc sententiam mirificè exponit. Rogemus itaque, inquit, fratres responderi nobis, quantas iniquitates habeamus & peccata, scelera nostra & delicta nobis desideremus ostendi, scrutemur vias nostras, & studia nostra, periculaq; vniuersa vigili intentione pensemus. Dicat quisque in pauore suo, vadam ad portas inferi ut iam non nisi in sola Dei misericordia respiremus. Hac vera hominis fiducia à se deficientis & innitenti domino suo. Hac inquam vera fiducia, cui misericordia non denegatur, propheta attestante: quoniam beneplacitum est domino super timentes eum, & in eis qui sperant super misericordia eius. Nec parua itaque suppetit nobis, in nobis quidẽ timoris, in ipso autem causa fiducia. Ex hac beati Bernardi sententia peccatores, antequam iustificentur, habere spẽ, ac fiduciã manifestũ est, nã si eã non haberet, nullus postq; peccauit, iustificaretur.

Sicut

Sicut fides neminem in speciali certiore, ita nec spes securum facit.

Cap. 70.

Certitudo verò spei, aut fiducia qua & qualis sit, ex fide, in qua fundatur, colligi potest. Nam spem esse certam, nulli est dubium. Paulus enim spei certitudinem inniti Deo aperte docet. Scio enim, inquit, cui credidi, & certus sum, quia potens est depositum meum servare in illum diem. Theophylactus ista Pauli verba de spei certitudine expresse exponit. Deus bone, inquit, quanta hac fiducia? quàm indubitata spes? Novi, inquit, sumq; certò persuasus. Sed hac spei certitudo à fide dependet: quare qui non habet specialem persuasionem de sua iustificatione, non habebit specialem fiducia certitudinem. Nam in persuasionem intellectus voluntatis fiducia fundatur, & fundamento id, quod superadditur, firmitus esse non potest. Vnde qui praterita speciali persuasionem, fiducia specialem certitudinem asserit, in ianua (ut aiunt) aberrat: quia nihil confidentius est sperandum, quàm à fide sit dictitatum. Voluntas itaq; sperando & non fidendo non est certior, nec securior quàm intellectus assentiendo. Calu. ca. 3. Calu. ca. 3.
 Minus verò contra istam apostolicam doctrinam: Et 2. 14.
 animum, inquit, securitate instrui, quàm mentem cogitatione difficilius: proinde spiritus sigilli vice fingitur ad eas ipsas promissiones in cordibus nostris ob signandas, quarum certitudinem prius mentibus imprebit, &c. Quibus verbis specialem fidem in intellectu, & securitatem in voluntate intendit asstruere,

Cap 3. p.
10.

Ad Eph. 1.

quod alibi expresse exponit: Fiducia, inquit, est, ex virtutum eius recognitione, acquiescendi in eo securitas, &c. Sed in intellectu non esse specialem fidem, satis superius ostendi. Nā scripturæ loca, quæ adducit, indefinitè loquuntur. Et Paulus non Luthero, nec Caluino, sed definitè, omnibus, inquit, sanctis qui sunt Ephesi & fidelibus in Christo Iesu. Gratia vobis, & pax à Deo patre nostro & Domino Iesu Christo. Benedictus Deus & pater domini nostri Iesæ Christi, qui benedixit nos in omni benedictione spirituali, in cœlestibus in Christo. Sicut elegit nos in ipso ante mundi constitutionem, vt essemus sancti & immaculati in conspectu eius, in charitate, &c. Hæc quidē nulli in speciali, sed omnibus indefinitè dicuntur. Quare nemo de sua salute ex Pauli verbis definitè est certus, nec securus. Sed Caluinus aut secum pugnat, aut de nomine contendit. Nam sicut Spiritus sanctus per fidem vniuersalem, mentem ad aſſetiendum promissionibus ne vincatur dubitatione: ita per donum spei animum, ne succumbat desperationi, iuuat. Sed fides non tollit dubitationem, sed vincit, nec etiam euidentiam facit. Ita spes non tollit timorem, sed vincit desperationem, nec etiam securum reddit. Deus quidē quærentibus se in hac vita, non securitatem, sed spem dedit. quia securitas non mortali, sed immortalī vitæ conuenit, quod ipsemet Caluinus testatur. Tantum abest, inquit, vt eorum conscientias in placida aliqua quiete collocamus, quæ nullis omnino turbis interpelletur. Idem in alio loco sentit, dicens: Fiduciam verò non intelligimus, quæ solutam omni auxietudinis sensu

Calu. ca. 5.
P. 5.

Cal. 15.
Part. 7.

sensu mentem in perfectam quietem componat. Nam ita placide conquirere eorum est, qui rebus omnibus ex voto fluentibus nullo desiderio vruntur. Verum cum omnibus istis pugnat, quod alibi affirmat, dum ait: Proinde nihil obstat, quin simul terreantur fideles et securissima consolatione potiantur, prout nunc in su-
 am vanitatem oculos conuertunt, nunc in Dei veritatem animi cogitationem referunt. Ex his Calvinum secum pugnare constat. Nam fideles in hac vita in timore & in anxietudinis sensu esse, atque securissima consolatione potiri, non secus quam aërem simul lucidum & tenebrosum esse impossibile est. Quia sicut tenebra lucis, ita securitas timoris est priuatio: sed Calvinus sicut ex vniuersali fidei certitudine infert specialem: ita ex spei certitudine colligit securitatem: & tam in illo quam in hoc fallitur, quia non specialis, sed vniuersalis certitudo per fidem habetur.

Calu. ca. 5.
Par. 7.

Spei certitudo est fiducia.

Caput 71.

IN hac quidem mortali vita hominem in spe & timore esse constitutum diuina docet scriptura. Nam fides non solum sperandarum, sed timendarum rerum est regula. Nolite, inquit, timere eos, qui occidunt corpus, animam autem non possunt occidere, sed potius timete eum, qui potest animam & corpus perdere in gehennam. In eterna verò vita electi, omnium maiorum excusso timore, secure omnibus bonis fruuntur. At improbi omnium bonorum spe destituti cruciantur. Isti, si bonam haberent spem, non infelices: nec illi, si timore affecti essent, securi, nec beati essent. Cum

Matth. 10.

igitur fideles nec beati, nec miseri sint, eos nec securos, nec desperantes sed timentes, & sperantes esse constat. Nam fides timorē contra securitatem, & spem contra diffidentiam dicat. Ista, vt ad vitāda peccata solliciti simus, diuina scriptura passim inculcat. Si enim in hac vita fideles securi essent, illis opus non esset orare, dicentes: Et ne nos inducas intentationem, sed libera nos à malo. Nam qui est securus, à timore quietus, & à periculis tutus est. Quapropter Calviniani & securissima consolatione potiuntur Dominicam orationem orare non indigent. At Catholici, qui Deo in timore famulantur, ne inducantur in tentationem, Ad Phil. 2. illos oportet semper orare. Nam de his Paulus. Itaqz, inquit, charissimi mei, sicut semper obedistis, non vt in praesentia mei tantum, sed multo magis nunc in absentia mea cum metu, & timore vestram salutem operamini. Dauid quoqz ait. Seruite Domino in timore, & exultate ei cū tremore. Hi profecto, qui in timore & letitia operantur, spem, non securitatem habent, atqz spes cum timore magis quam cum securitate ad bene operandū sollicitat. Ideo fides non securitatem, sed timorem inculcit vt fideles ad pie operandum maius apponant studium, hinc euenit, quod postq̃ temeraria fiducia specialis certitudo & inanis securitas apud quosdam obtinuit, sanctus timor & bene operandi studiū perijt. Sed sicut fides, quia est incuidens, dubia non excludit, sed dubitationem vincit ppter q̃ est certus assensus: ita spes quia est futurorū bonorum non apparentiū, timorē nō excludit, sed diffidentiam vincit: & ob hoc spes non est segura, sed certa, id est,

fides. Quare spei certitudo nihil aliud quam fiducia, quā in Deo habemus, est. Nam vt qui Deo habet fidē, certior est, quam qui Angelo aut homini credit: ita qui confidit in Deo, certiore[m] spem habet, quam qui confidit in homine: & sperare in Deo nihil aliud est, quam confidendo in Dei auxilio expectare. Igitur tanta est spei certitudo, quanta est fiducia, sed in nullo magis nec certius quam in Deo confidere possumus ergo spes nostra certissima est, quod non accidit illis, qui specialem fiduciam certitudinem & securitatem se habere affirmant: quia non in Deo, sed in se confidunt, cum aliter quam fides dicat, sperant.

Spes Dei gratiæ veluti primæ causæ innititur.

Cap. 72.

Fides quidem diuinas promissiones indefinitas ac vniuersales voluntati suggerit. Spes vero definite eas unicuique applicat. Nam vnusquisque se consequuturum beatitudinē sperat, sed cum beatitudo promissa, omnem creaturam excedat facultatē, sine Dei auxilio nullus eam assequi potest. Quare spes non solum promissionis expectationē, sed etiā in Dei auxilio fiduciam prærequirit. Nam in Deo speramus & beatitudinem speramus. At illud quidē ad fiduciam, hoc vero ad expectationē pertinet: quamuis reuera vtrūque, spei officium sit. Denique beatitudinem, quæ est vltimus finis, confidētes in Deo, quæ prima rerum est causa, expectamus: & cum hac non solum æterna & spiritualia, sed tēporalia, & corporalia bona, quæ ad illam ordinantur, speramus. Similiter non solū in prima causa, sci-

licet

Magi. sen. 1.3. D. 25. licet Deo, sed in secundis causis ordinatis ad beatitudinem assequendam confidimus. Petrus Lombardus. Est enim, inquit, spes certa expectatio futura beatitudinis, veniens ex Dei gratia, & ex meritis precedentibus. At Calvinus, quàm insulse, inquit, Petrus Lombardus duplex spei fundamentum iacit: Dei gratiam & operum meritum. Et infra. Non huic alius scopus quàm fidei esse potest, fidei autem Dei misericordia: &c. Quibus inusitatis verbis Calvinus fidei mysteria affectans exponere, veritatem obscurat, nouasq; sectas inducit. Nam hoc verbum, scopus, nō est Ecclesiasticum, nec illo bene vtitur Calvinus, quia illud proprie id ad quod sagittas dirigimus, translate verò finem, quo animum actionesq; dirigimus, significat. Quapropter beatitudo quæ in Deo consistit, spei est scopus, nam illa finis est vltimus, ad quem omnia referenda sunt, & Christiana spes in eam velut in scopum tendit. At Dei misericordia sperandi causa et nō scopus est: sicut enim sagittæ ars, aliud esse potestiam sagittandi, & aliud scopum in quem dirigimus sagittam docet: ita fides, quæ est sperandi doctrina, Dei misericordiam esse causam sperandi, & beatitudinem spei esse scopum docet. Nam fideles confidentes in Dei misericordia, sperant beatitudinē. Hac spei scopus, illa potentia, quæ tendimus in scopum, est.

Cap. 73.

Spes bonis operibus veluti secundæ causæ innititur.

Magist. sen.
1.3. D. 207

Quare Petrus Lombardus non insulse, vt Calvinus cauillatur, sed sapientissime spem esse expectationem

tionem venientem ex Dei gratia & meritis asseruit. Nam beatitudinis expectatio ex Dei misericordia, tanquam ex prima causa oritur: & Deus (ut fides docet) aliam secundam causam, videlicet, piam legis obedientiam ad beatitudinem conferendam statuit: ad istam meritū, ad illam vero Dei gratia refertur. Legis enim obedientiam tanquam secundam causam ad beatitudinem consequendam, à Deo institutam esse, Christus manifeste docet. Si vis, inquit, ad vitam ingredi, serua mandata. Unde sine hac secunda causa nullus mentis cōpos beatitudinem consequitur. Quare non solum ex Deo tanquam ex prima causa, sed ex hac obedientia quam Deus tanquam causam secundam ad conferendam beatitudinem exigit, spes nascitur. Quod Paulus aperte satis docet. Scientes, inquit, quod tribulatio patientiam operatur, patientia autem probationem, probatio vero spem. Chrysostomus etiā cum Theophylacto hunc exponens locum eandem sententiam confirmat dicens. Cum enim sciret illos tribulationibus potissimum impulsos à futuris acquirendis deficere, atque in ipsam desperationem conijci, dicit: Quin propter eas ipsas tribulationes confidentem esse. & nihil minus quam de futuris animum despondere oportet. Et infra ait. Tribulatio quippe maximum ante futura illa fructum habet, patientiam, videlicet, & quod eum, qui tentatur probatum facit. Nonnihil vero & ad futura assequenda confert, spem namque in nobis vigere facit. Nihil enim a deo bonorum spem præstat, atque bonam habere conscientiam. Nemo igitur eorum qui recte vitam instituerunt, de futuris bonis consequen-

Math. 19.

Ad Ro. 5.

Theoph.
Chrysost.

1. Ioan. 3.

quēdis incredulus erit, quemadmodū ē diuerso multū
 socordes mala conscientia preſſi neq, iudiciū, neq, re
 tributionē eſſe vellent. Quid igitur? Bona illa futura
 in ſpe poſita tenemus? In ſpe quidē, ſed non humana q̄
 ſubinde & intercidit, & ſperantem pudore afficit, vel
 eo, q̄ ſperata præſtare debebat, moriente, vel etiam, ſi
 vixerit, ſententiā mutante. Noſtra vero huiusmodi
 nō eſt, ſed firma & immobilis perdurat. Ioannes etiā
 magis illuſtrat hanc Catholicam doctrinā, dum in-
 quit. Si cor noſtrum non reprehenderit nos, fiduciam
 habemus ad Deum, & quicquid petierimus, accipie-
 mus ab eo: quoniam mandata eius cuſtodimus, & ea
 quæ ſunt placita corā eo facimus. Sicut enim qui ſe-
 minat, ſperat metere, qui vero non ſeminat, non quia
 in Deo non fidat, ſed quia non coluit agrum, nō ſpe-
 rat metere: ita qui Deo obtemperat, ſperat beatitudi-
 nem, & qui non obedit, in vanum ſperat. Quia ſicut
 Deus per culturam agrorum fruges producit: ita Dei
 mandatis obedientibus promiſit dare beatitudinem.
 Quapropter in mandatorum obedientia cum diuina
 promiſſione iuſte fideles confidunt, nec hoc eſt confi-
 dere in ſe, ſed in Deo, cuius donum & mandatum eſt
 obedientia. Contra vero, qui in ſuis operibus, præteri-
 ta Dei promiſſione fiduciam habent, in ſe, & non in
 Deo, ſicut Euangelicus Phariſæus, confidunt.

Sperans in Deo bonis operibus præ-
 teritis, præſumens eſt.

Fidu-

Fiduciam enim in Dei gratia & in Dei mandatorum pia obedientia locandam esse, fides, qua sperandi est disciplina, expresse docet. Nam oēs Dei promissiones in diuina scriptura expositas, sub conditione traduntur. Quapropter fidelis ad consequēda Dei promissa, conditionem quā accepit, tenetur adimplere. Hinc est, quod q̄ Dei promissa quasi libera à conditione, quam Deus posuit, expectat, non sperat, sed p̄sumit. Petrus Lombardus. Sine meritis enim, inquit, aliquid sperare, non spes sed praesumptio dici potest. In hoc loco conditionē a Deo positam & ab homine acceptā, sine qua Deus promissam beatitudinē nō dat (ad nominis controuersias vitādas) meritum appello. Ex his manifeste colligitur, qualis & quanta spei certitudo & securitas sit. Nam sicut nullus fidem habens Deo, decipitur, ita nullus sperans in Deo, frustratur. Nam peccatores anteq̄ iustificationem consequantur, in Dei misericordia confidentes, suorum peccatorum remissionem sperant & quamuis Dei mandatorum obedientiā non habeant in effectu, tamē habent eam in voto. Et hoc votum in vere pœnitentibus efficax, in ceteris verò in efficax est. Propter quod fidelium sperantium, quidam Dei promissa assequuti fuere, quidam verò non cuius varietatis causa non spei incertitudo, sed hominis non exhibentis mandatorum Dei obedientiam culpa fuit: quia non Deus in quo spei fiducia consistit, sed homo, qui non adimpleuit conditionem, defuit. Et propter hanc conditionem spes non est segura, sed propter fiduciam quā in Deo habemus est certa. In nobis quidem est

Magi. sen.
l. 3. D. 26.

timoris causa, quo sumus solliciti, in Deo vero fiducia est causa, qua speramus, & hac Christiana certa spes cum timore & sine securitate audaciam parit, ad pie colendum Deū. Nam si Agricola spe metendi, laboris, & seminis: similiter & miles spe victoriae supremi huius seculi boni, videlicet vitæ, periculum facit: & vterq; quanq̃ non tam certam quam fidelis habeat spem, tamen est audax ad pericula subeunda & labores tolerandos, & ad oēm lapidem (vt aiunt) mouendum, vt quod sperat assequatur: multo magis spes q̃ ex fidei certissima persuatione oritur, vt fideles periculis emant spem, audaces facit. Ad huiusmodi enim spem Romanos hortatur Paulus. Spe, inquit, gaudentes in tribulatione patientes. Chrysostomus etiam cū Theophyl. Theophylactus eandem explicat doctrinam, aicens: Nihil mentem hominis adeo virilem facit, & ad omnia audentem, vt spes bona. Deinde & ante illa bona qua sperantur, aliud iterum primum dat, quoniam enim spes futurorum erat, dicit in afflictione patientes. Hanc quoq; audaciam que oritur ex spe, in alio loco Paulus expressius exponit. In qua, inquit, habemus fiduciam, & accessum in confidentia per fidem eius. Fides igitur fiduciam id est, spem: spes verò audaciam, ad consequendum qua expectantur, generat, Nam quanto quis meliorem habet spem, tanto est audacior.

Finis primi articuli de Fide.

209

FRANCISCI

CORDVBENSIS

MINORITÆ SECVN-

dus articulus

DE ECCLESIA.

Etsi Deo habendam esse fidem est e-
uidens, tamen fideles ad credendum
Dei oraculis, Ecclesiæ autoritate
indigent.

Etsi Deo Optimo Maximoq; habendam esse fi- Cap. 1.
dem, nunquam inter homines est dubitatum:
tamen sæpe de diuinis oraculis multi non con-
uenere. Nam quemadmodum humanarum discipli-
narum principia, eò quòd conclusionibus sint euiden-
tiora, ab omnibus recipiuntur, conclusiones verò sa-
penumero in controuersiam trahuntur: ita etiam
cùm totius religionis principium & fundamentum
sit, credere in Deum, illi habendam esse fidem, omnes
consentiunt, profitenturq;. At de religionis dogmati-
bus, tum ob rerum difficultatem, tum ob Dei inter-
pretum aut concionatorum incelebrem authorita-
tem sæpe inter multos dubitatum est. Quòd religio-
nis nimirum dogmata difficilia sint intellectu, res i-
psa loquitur: homo namq; diuinorum mysteriorum

& parum & nihil euidenter attingit. Huiusmodi esse noticiam, quam in presenti vita de diuinis habemus, Paulus exponit, dicens: Videmus nunc per speculum in enigmate, tunc autem facie ad faciem. Cum igitur euidens diuinorum mysteriorum cognitio non in presenti, sed in futura vita haberi possit, ex huiusmodi ineuidentia, seu potius ignorantia de religione plures secta, hominumque magis discrepantes, sententia, quam de quauis disciplina orta fuerunt. Denique tam abditissima sunt diuina mysteria, quod illorum qualis qualis certa de indubitata noticia, nisi Deo reuelante, haberi non potest, ut Paulus aperte satis exponit, dicens: Quis enim cognouit sensum Domini? aut quis consiliarius eius fuit? Vnde cum homo naturali intellectus lumine religionis certam noticiam ad Deum colendum, inuocandumque assequi non potuisset, clementissimus Deus suas cogitationes ad se colendum illi exposuit. Atque ita diuina sapientia suauiter omnia disponens, quosdam homines per se, quosdam verò per suos ministros religionis doctrinam docuit. Illi quidem, quos Deus per se docuit, cum Paulo dicere potuerunt: Notum enim vobis facio fratres, Euangelium quod Euangelizatum est à me, quia non est secundum hominem, neque enim ego ab homine accepi illud, neque didici, sed per reuelationem Iesu Christi. Huiusmodi namque Prophetae, ac Apostoli fuerunt: quia res gestas, aut gerendas, fideique mysteria, quae aut viuæ voce docuerunt, aut sacris literis mandarunt, à Deo oculatissimo teste per reuelationem audierunt. Atque dei loquentis auctoritas cum illis euidenter

Paulus ad
Cor. ca. 13.

Paulus ad
Rom. c. 11.

Ad Gala.
cap. 1.

videnter innotuisset, eorum intellectum ad fidei mysteria credenda conuincit. Huiusmodi verò cōuictio, tantum abest, vt fidei perfectioni deroget, vt potius illam perficiat. Nam quo magis testimoniū euidētia intellectus conuincitur ad assentiendum, eò magis assensus omnem dubitationem excludit, vt in Mathemacis videre licet. Vnde fides Prophetarum propter testimoniū euidētia omnem dubitationem excludebat. Hominum etiam auctoritas ad quibusdā humani gestis assentiendum, intellectum conuincit, omnemq; excludit dubitationem: nullus enim Romanum imperium fuisse non credit: imò, si vellet nō credere, non posset, quia hominum communis sensus est tanti ponderis, vt conuincat intellectum, ne aduersus illam assertionem vlla dubitatio insurgat. Quod si humana auctoritas, qua falli & fallere potest, intellectum conuincit, omnemq; expellit dubitationem, multo profectò magis diuina auctoritatis euidens testimonium Prophetarum & Apostolorum intellectū conuincit, & ab ipsorum fide omnem exclusit dubitationem. Illi verò, quos Deus per homines, id est, per auditum, docuit fidem, cū Dei loquentis non habuissent euidens testimonium, ad credendum non fuerunt conuicti. Vnde audientium dei verbum, quidam non crediderunt: qui verò crediderunt, non tantum diuinis testimonijs, sed pia voluntate simul cum illis intellectum ad credendum captiuauerunt, fides etiam in illis dubitationem non excludit, sed vincit. Tanta verò varietatis non est alia ratio, nisi quod illi fidei mysteriorum euidētia, isti verò ine-

euidens testimonium habuerunt. Quæ omnia intelligens diuina sapientia, voluit secundum ordinatissimam temporum distributionem media quadam via fidem plerosq; homines docere. Nam ad Dei auctoritatem illustrandam verbi Dei predicationi miracula coniunxit, quibus Dei testimonium illustrius euasit: per miracula enim Euangelij predicationem fuisse illustratam, ac confirmatam, diuina testatur

Marc. c. 16. scriptura. dum ait: Illi autem profecti predicauerunt ubiq; domino cooperante, & sermonem confirmante sequentibus signis. Eandem sententiam mirifice Paulus declarans: Et ego, inquit, in infirmitate,

Paulus ad Cor. ca. 2. & tremore, & timore multo fui apud vos, & sermo meus, & predicatio mea non in persuasilibus humana sapientia verbis, sed in ostensione spiritus & virtutis, ut fides vestra non sit in sapientia hominum, sed in virtute Dei. Hactenus Paulus. Apostolorum igitur predicatio, credentiumq; fides in primitiua ecclesia miraculis confirmabatur, et merito quidem: nam miracula Dei omnipotentia euidenter demonstrant,

Ioan. c. 10. quod Christus aperte satis exponit, dicens: Opera quæ ego facio in nomine patris mei, hæc testimonium perhibent de me. Caterum notandum, quod videntes quidem & intelligentes miracula, conuicti fuerunt ad credendum, uti damones: videntes verò, sed non euidenter intelligentes, ut homines ad credendum non conuicti, sed persuasi tantum fuerunt. Damones enim intellectus acumine magis quam homines polentes, quæ vera & quæ falsa sint miracula probe intelligunt: homo verò hanc differentiam non dijudi-

dicat, atq; ideo demonis intellectus, sed non hominis miraculis conuincitur. Sed homo quamuis miraculis non conuincatur, tamen nihil magis populum per suadet, quàm miraculum, vt Augustinus exponit, dùm ait: Miraculum voco, quicquid arduum aut insolitum supra spem, vel facultatem mirantis appareret. In quo genere nihil est populis aptius, & omnino stultis hominibus, quàm id quod sensibus admouetur. Sed postquam populus miraculis persuasus fidei obediuit, atq; ecclesia per vniuersam orbem fuit dilatata, prophetia & miracula cessarunt. Verùm cum verbi Dei predicatio tam diu sit necessaria, quàm diu ecclesia permanferit, ideo diuina sapientia ad dei verbum predicandum infallibilem auctoritatem contulit ecclesie, quod Apostolorum symbolum exponit, dùm ait: Credo sanctam ecclesiam. Quare si miraculum idoneum testimonium esse ad persuadendam fidem neminem latet, sancta profectò ecclesie testimonium, cum ipsa miraculorum non minimum sed potius maximum sit, magis sufficiens erit. Nam sicut predicantibus apostolis Deus operebatur miracula, vt illa testimonium perhiberent de predicatione verbi Dei: ita sancta ecclesia miraculorum maximum credenda pponitur, vt illa testimonium perhibeat de verbo Dei. Vnde quemadmodum videntes miracula, & non credentes sunt inexcusabiles, quia illa de predicatione sufficiens testimonium perhibebant: sic credentes sanctam ecclesiam, quod dogmata ab illa proposita credant, oportet, quia illius testimonium sufficit ad credendum. Cum igitur omni-

August. de
vilit. t.
cred. c. 16.

bus sit manifestum, quod credendum sit Deo, ac de diuinis dogmatibus saepe sint controuersiae, ad illas dirimendas post prophetas, diuinam scripturam, & miracula sancta ecclesia in symbolo proponitur credenda. Nam illa eò quod sancta, eius testimonium in proponendis & exponendis fidei dogmatibus ad faciendam fidem idoneum est, quod sapientissimè beatus Augustinus exponit, dùm ait: Itaque totum culmen auctoritatis, lumenq; rationis in illo vno saluari nomine, atq; in vna eius ecclesia recreando atque reformando humano generi constitutum est.

Aug. epist.
56.

Ratio quidem in humanis disciplinis, auctoritas verò in religione ad faciendam fidem primas tenet.

Cap. 2.

Auctoritas quidem quamuis in humanis disciplinis ad persuadendum infimum locum teneat, tamè nemo sine illa vllà disciplinã discere potest. Nam ad discendum necessario fides doctori habenda est, vt Aristoteles aperte satis docet, dicēs: Credere enim, recipereq;, qui discere velit aliquid, pluraque oportet. Beatus etiam Augustinus eandem asserit sententiam, dùm ait: Ad discendum item necessario dupliciter ducimur auctoritate atq; ratione. Tempore auctoritas, re autem ratio prior est. Aliud est enim, quod in agendo anteponitur, aliud, quod pluris in appetendo estimatur. Itaq; quanquam bonorum auctoritas imperita multitudini videatur esse salubrior, ratio verò aptior eruditis: tamen quia nullus hominũ, nisi ex imperito peritus sit, nullus au-

Aug. de or
di. li. 2. c. 9.

tens

tem imperitus nouit, qualē se debeat præbere docenti
 bus, et quali vita esse docilis possit, euenit, vt omnibus
 bona magna, & occulta discere cupiētibus, non aperi
 at nisi auctoritas ianuā. Hæc ille. Si igitur discētibus
 humanas disciplinas, in quibus ad persuadendū ratio
 primas tenet, auctoritas nō solum iuuat, sed est neces
 saria, multò magis p̄i viri ad verā religionis assequē
 dā doctrinā, indigent auctoritate. Nam ad discen
 dā religionem (ars est enim illa colendi Deū) nō ra
 tio, sed auctoritas principem locū tenet, vt Cicero sa- Cic. de na-
tu. deo. l. 3.
 piēter docet, cū inquit: Multis argumentis Deos es
 se doceri voluisti, mihi enim vnū satis erat, ita nobis
 maiores nostros tradidisse. Sed tu auctoritates oēs cō
 temnis, ratione pugnas. Patere igitur rationē meā cū
 tua ratione contendere. Affers hæc omnia argumenta
 cur Dī sint, remq̃, mea sententia minimè dubiā, ar
 gumentando dubiā facis. Hæc quidem Ciceronis sen
 tentia potius vera quàm falsa cōuenit religioni: quia
 isti sūt à demonibus tradita, aut ab hominibus exco
 gitata fuit. Illa verò supernaturaliter à Deo fuit reue Paul. 1. ad
Co. ca. 2.
 lata vt Paulus exponit, dicens: Sapientiam autem lo
 quimur inter perfectos. Sapientiā verò nō huius secu
 li, neq̃, principum huius seculi qui destruuntur, sed lo
 quimur Dei sapientiam in mysterio, quæ abscondita
 est, quam prædestinauit Deus ante secula in gloriam
 nostram, quam nemo principum huius seculi cognouit.
 Et infra: Nobis autem reuelauit Deus per spi
 ritum suum: spiritus enim omnia scrutatur, etiam
 profunda Dei. Vnde homo ratione sola ductus veræ re
 ligionis noticiam attingere non potuit. Quod si fidei
 myste-

mysteria homo naturaliter potuisset cognoscere, illi non fuisset facta reuelatio, veluti ad rerum naturalium proprietates inuestigandas, & ad Rempublicam administrandam non fuit facta reuelatio. Quid quod naturalis ratio de talibus rebus, quod satis est, exponit: at ratio sine Dei reuelatione, tantum abest, vt de diuinis mysterijs homines faciat certiores, quin potius reddat dubios. Scientia igitur certitudo à ratione, religionis verò ab auctoritate emanauit Verum cuius auctoritati in religione habenda sit fides, haud facile est definire. Ad hoc quidem discernendum opus est rationis

*Augu. de iudicio, Quod Augustinus exponit, dicens: Quam-
vera relig. quam neq; auctoritatem ratio penitus deserit, cum
cap. 24. consideratur, cui sit credendum, & certe summa est
ipsius iam cognita, atque perspicua veritatis aucto-
ritas. Sed si distinguatur auctoritas in diuinam,
& in humanam, manifestum est, quod diuina au-
ctoritas non solum humana, sed etiam Angelica au-
ctoritati praferenda est: quia non illa, sed ista fal-
li & fallere possunt. Quare vt de religione certa ha-
beatursu persuasio, quod non humana, nec Angelica,
innitatur auctoritati, oportet. Et quia in Dei ec-
clesia fides non est alia à religione, nec Theologia non
solum à fide non dissociatur, imò in fide fundatur,
ideo catholica ecclesiae dogmata, ritus, statuta, & si
quid aliud est in religione, diuina innititur aucto-
ritati. Sic sicut in humanis scientijs conclusiones,
quo primis principijs propiores, eò sunt veriores et
euidenciores, eoq; magis illis assentimur: & quo
remoti-*

remotiores à principijs eo minus vera, & obscuriores sunt, eoq³ illis minus, aut potius non assentimur: ita in religione vt dogmata, ritus, & statuta diuina auctoritati maxime consona, ita verissima & religiosissima sunt, ac magis illa credimus: contra verò quo illa à diuina auctoritate magis discordant, eo magis falsa, magis que prophana sunt, quia religionis primum principium est Dei auctoritas, qua persuasi sumus ad credendum omnia reuelata à Deo, id est, quæ Deus loquutus est p̄ Prophetas & Apostolos. Quemadmodum etiam primorum principiorum tanta est euidentia magnitudo, quod intellectus habita illorum historia notitia, sine alia ratione, sine auctoritate illis assentitur, ideoque per se nota appellantur: quale illud est, omne totum est maius sua parte. Simili modo in religione omnibus est notum, quod Deo habenda sit fides, & quod illius verbis sit credendum: nec ad credendum Deo opus sit adducere aliquam persuasionem, nec auctoritatem, præter illam, quam quidam (vt Tullius refert) Pythagoræ impiè tribuerunt. Nec verò, inquit, probare soleo id, quod de Pythagoricis accepimus, quos ferunt, si quid affirmarent in disputando: cum ex his quaereretur quare ita esset, respondere solitos, ipse dixit. Ipse autem erat Pythagoras. Tantum opinio præiudicata poterat, vt etiam sine ratione valeret auctoritas, Auctoritatis quidem pondus, quod significatur per illa verba ipse dixit, soli Deo conuenit. Vnde omnia, quæ Deus dixit ideo, quia ipse dixit, vera sunt, nec ad credendum Deo quaerenda est ratio. Nam tantum pia religio potest, quod

Cicero de
nat. Deor.
li. 1.

etiam sine ratione valet autoritas. Imo et si extarent rationes, tantum diuina valet autoritas, vt quæ Deus dixit, non solū omni creata autoritati, sed cuiuscūq; naturali rationi preferenda sint, res ipsa loquitur, & naturalis ratio dicat: tam enim euident est, quod credendum est Deo, quàm quod Deus sit.

Cap. 3.

Non habens fidem Prophetarum & Apostolorum tum verbis, tum scriptis, Deo non credit.

ET si philosophi vnum Deum esse euidenter intellexerunt, tamen fidei articulum, id est, credo in Deum, non crediderunt: imo Deum quem intellexerunt, definite illum esse creatorem cæli & terra, secundum ceteras circumstantias, quibus verus Deus in scriptura explicatur, nec intellexerunt, nec crediderunt: ex quo increduli fuerunt. Nemo etiam est, qui non profiteatur, quod credendum sit Deo, sed non omnes credunt Deo. Nam quanquam omnes infideles in vniuersali asserunt, quod verbis Dei habenda sit fides, tamen in speciali nec Deo, nec verbis eius credunt: quia nec sacram scripturam, nec Dei Prophetas recipiunt; per quos & non per alios Deus ad Ecclesiæ vtilitatem loquutus fuit. Sicut enim fidei articulus, Credo in Deum, exigit, quod credamus definite in Deum, (quod Philosophia non docet) ita quod credamus definite, quod Deus loquutus est per illos Prophetas & Apostolos, quos Ecclesia recepit, requirit. Si enim Deus omnibus hominibus loque-

retur, vti Prophetis fuit loquutus, nemo non crederet Deo. Nam Prophetæ nimirum Deum sibi loqui euidentiùs cognouerunt, quam homines mutuo loquentes, se inuicem cognoscunt: atq; cum Deus non omnibus, sed quibusdam hominibus loquatur, cauendum est, ne falsi prophetæ pro veris recipiantur, quod Christus monuit, dicens. Attendite à falsis Prophetis. *Demon*es quidem Dei ambientes honores, responsa dederunt. Vnde hominum quidam à Delphico, quidam verò à Pythico oraculo, aut à vatibus diuina responsa se recipere existimauère, sed profecto illi à *Demonibus* decepti fuère, vt Augustinus exponit, dicens: *Autoritas* autem partim diuina est, partim humana, sed vera, firma, summa ea est, quæ diuina nominatur, in qua metuenda est aëtorum animalium mira fallacia, quæ per rerum ad istos sensus corporis pertinentium, quasdam diuinationes, nonnullasq; potentias decipere animas facillimè consueuerunt. Vnde non quibuscunque sine delectu tanquam Dei prophetis credendum est. Fidei nanque articulus: Credo in Deum, quod verbis & scriptis Prophetarum & Apostolorum, per quos Deus loquutus est, est, perinde ac Deo credamus, requirit, quia illorum autoritas non humana, sed diuina est, quod scriptura exponit, dicens. Et habemus firmiorem Propheticum sermonem, cui benefacitis attendentes. Illud quidem verbum firmiorem, in Prophetico sermone diuinam esse auctoritatem, significat. Illi namq; nō proprio, sed Dei spū locuti fuère, vt scriptura testatur, dū Paulus ait.

Math. 7. 15.

Aug. de
ord. lib. 2.
cap. 9.

2. Petr. 1. 19.

2. Cor. 13. 1.

An experimentum queritis eius, qui in me loquitur Christus. Atque cum Apostoli, Prophetæq̃, qua per reuelationem didicere, non solum elocuti fuerint, sed literis, memoriaq̃, mandauerint, merito illorum predicatio & scriptura non pro humana, sed diuina habenda est. Nam idem Spiritus sanctus qui prophetis reuelauit mysteria, per illos loquendo, ac scribendo locutus est Ecclesie. Vnde merito predicatio & scriptura Apostolica, ac Prophetica tanta autoritatis est apud Ecclesiam, quanta diuina reuelatio apud Prophetas & Apostolos fuit. Apud infideles verò Apostolica predicatio & scriptura non tanta est autoritatis, quanta diuina reuelatio: quia si Deus illis fidem sicut Prophetis reuelasset, absque dubio credidissent. Verum quia id factum non est, nec concionatoribus, nec scriptura, quibus ordinariè Deus homines fidem docet, fidem adhibuerunt, ideo fuerunt increduli. Ecclesia verò, eiusque membra, videlicet cuncti Catholici Prophetarum, ac Apostolorum doctrinam voce et scripto traditam, tanquam Dei verissimum oraculum recipientes & venerantes, fideles verè dicuntur.

Catholica Ecclesia recentibus Apostolis ac Euangelistis non indiget.

Cap. 4.

Sectarij quidem animaduertentes Dei Ecclesiam Prophetis, Apostolis & Euangelistis p̃inde ac Deo infallibilem autoritatem deferre, ad sua falsa dogmata aſtruenda nouos Euangelistas commentati sunt,

sunt, quod Calvinus exponit, dicens. Quanquam non nego, quin Apostolos quoque postea, vel saltem eorum loco Euangelistas interdum excitavit Deus, ut nostro tempore factum est, &c. Verum sectarij suos recentes Euangelistas (quos, tantum abest, ut ipsi recipiant, ut potius ab illis dissentiant) ad religionem conturbandam Ecclesia nituntur obtrudere. Quod verò recentes Euangelista à sectarijs non recipiantur, dogmatum dissidium, quod inter illos grassatur, clarescit manifestat. Nam si Lutherus, Calvinus, Philippus, aut quilibet sectarius ad Evangelij munus extra ordinarie à Deo fuit vocatus, cur ceteri sectarij cum illo non conveniunt? cum Apostolo enim Paulo extra ordinarie vocato vniuersalis Ecclesia consensus: at cum Luthero sectariorum vix vnus, aut alter concordat, quinimo ferè omnes sectarij inter se non consentiunt, & ipsemet Lutherus, ut illius Antilogia testantur, semper fuit varius. Vnde Lutherus apud suos Prophetæ auctoritatem nunquā obtinuit: quod si obtinuisset nemo cū illo non consensisset. Sed quod in Dei Ecclesia post Christi Apostolos, recentes Apostolos, seu Euangelista sint predicaturi. Manichæorum hæresis aperte testatur, quam præsentibus sectarij pullulare fecerunt. Verum contra Manichæum. Augustinus ait. Videamus igitur, quid me doceat Manichæus, & porissimum illum consideremus librum, quem fundamenti epistolam dicitis, ubi totum pene, quod creditis, continetur. Ipsa enim nobis illo tempore miseris, quando lecta est, inclinati dicebamus, Amen. Certè sic incipit

Aug. contra epist.
fun. c. 5.

MA-

Manichæus Apostolus Iesu Christi. Et infra Augustinus inquit: Non credo istum esse Apostolum Christi, &c. Simili modo Catholica Ecclesia nec Lutherum, nec Calvinum, nec ullum sectarium credit esse Euangelistam, imo nec, si eorum sententiam sequamur, sunt recipiendi, quia cum sectarij illa, quæ in Dei verbo non continentur, non recipiunt: ergo cum Diuina scriptura nec Caluini, nec Lutheri faciat mentionem, consequens est, quod huiusmodi non sunt extraordinarie vocati ad Euangelij munus. In lege quidem veteri de Christi aduentu, & de Apostolorum & Euangelistarum predicatione facta fuerant promissiones, atq; omnes illæ per Christi aduentum, & Spiritus sancti missionem, & Apostolorum predicationem adimpletæ fuerunt, per istos quidem diuina mysteria, quæ in lege fuerunt velata, Euangelij predicatione explicata fuere: nec post illam explicationem Ecclesia aliam desiderat: quia ista explicatio, id est, Ecclesia fides, iuxta Christi promissiones nunquam deficiet, & ad conseruandam sinceram in Ecclesia fidem, Christus sua diuina speciali presentia (quam promisit, dicens. Ego vobiscum sum usq; ad consumptionem sæculi.) Ecclesiam aduersus portas inferi, id est, hæreses, & prauos mores perfecte muniuit. Vnde Ecclesia post Apostolorum predicationem ad hæreses reuincendas, & ad mores componendas extraordinarijs ministris non indiget, quod diuina scriptura aperte satis exponit, dicens. Habet Moysen & Prophetas. audiant illos. At ille dixit. Non pater Abraham, sed si quis ex mortuis ierit ad eos, penitentiam agæt.

Ait

Matth. c. 28

Luc. 16. c.

Ait aut illi. Si Moysen & Prophetas non audiūt neq;
si quis ex mortuis resurrexerit, credēt. Quid expres-
sus aduersus sectarios dici potuit? Catholica quidem
Ecclesia habet Moysen, Prophetas, Apostolos, & Euan-
gelistas, q̄ fidem sufficienter explicarūt, & mores re-
ctissime composuerunt ac qui illis Ecclesia docente nō
habet fidē, nec recentibus Euangelistis predicantibus
credet: vt sectarij eorumq; sectatores p̄sentis seculi,
experientia testante fecerunt. Illi nempe oēs Apostolo-
rū & Prophetarum doctrinam per Ecclesiam expli-
catam non crediderūt, nec etiā nouis Euangelisti cro-
dunt: quia si illi oēs vni eorū, quos falso nouos Euan-
gelistas appellant, credidisset, nō discordasset vtrique.

In Ecclesiæ quidem primordijs Pro-
phetiæ & miraculorum dona tan-
tum fuerunt necessaria.

Cap. 5

IN Ecclesia quidem primordijs uerbi Dei ministros
extraordinaria dona habuisse ad fidē predicandā
gentibus, necessariū fuit. Postq̄ verò Christi Euangelii
fuit sufficiēter p̄mulgatū, miracula, & ministri ex-
tradinarij nō fuerunt necessaria. Sicut enim in mūdī
principio Deus quasdā res ex nihilo creauit, q̄ cetera-
rū rerū veluti seminariū fuerūt. Verum postq̄ huius-
modi res fuerūt creatæ, mūdus ad sui conseruationē,
& aliqua res corporea de nihilo creetur, nō indiguit:
quia illa prima administratio extraordinaria ad res
p̄pagandas nō est necessaria, cū Dei administratio or-
dinaria per causas secundas ad futuram perseuera-
tionē mundi satis sufficiat: ita in Christiana religio-
ne factum fuit. Nam Deus ad fidem gentibus persua-
dendam, quasi ex nihilo, ex hominibus inruditis per

reuelationem fecit eruditos diuinorum mysteriorū
 & illis tribuit miraculorum donum, & cetera, quæ
 fuerunt necessaria, & magis expedientia ad fidem
 persuadendam: itaque in primitiua ecclesia fuit iac-
 tum firmissimum fundamentum, vt religio presta-
 ret, & veluti seminarium ad religionem propagan-
 dam, in finem vsque seculi. Vnde ecclesia ad prastan-
 dum in sanctitate non indiget administratione illa
 extraordinaria, videlicet miraculorum, & prophe-
 tia donis, & similibus, quia sola sancti spiritus specia-
 lis assistentia per ecclesia ordinarios ministros ad
 propagandam sinceram fidem satis est. Ab hac qui-
 dem sententia sectarij non dissentiunt, vt Calvinus
 testatur, dicens. Verum tales sunt semper ecclesia di-
 uitia, vt multum desit ad summam illam perfectio-
 nem, quam aduersarij nostri iactant: nec ideo vlla
 in parte destituitur ecclesia, quin semper habeat,
 quantum satis sit. Et infra: Ecclesiam esse columnam
 ac firmamentum veritatis. Quid autem aliud sibi
 volunt hac verba, quam in ecclesia conseruari veri-
 tatem Dei prädicationis? &c. Administratio qui-
 dem ordinaria, quam Christus instituit, ad ecclesia
 propagationem & conseruationem tam efficax est,
 quam mundi ordinaria administratio. Quare si
 ista sine extraordinaria sufficit, multò magis profe-
 ctò illa (quia gratia est perfectior natura) sufficiet.
 Quid quod si non sufficeret, Deum ecclesiam nō tam
 firmiter quam mundum constituisse possemus dice-
 re. Verum ecclesiam fundatam in Dei promissione
 firmitus perstare quam mundum, scriptura aperte
 satis

Calu. ca. 8.
 P. 76.

satis exponit, dicens: *Calum & terra transibunt, Matt. 24. c.*
verba autem aënea non prateribunt. Ecclesia deniq;
supra fundamentum apostolorum, & prophetarum
à Deo fundata, non magis indiget extraordinaria
administratione, quàm mundus. At Calvinus ad *Calu. ca. 8.*
ministrationem extraordinariam ad reducendam *P. 18.*
ecclesiam ab Antichristi defectione esse necessariam,
sed in ecclesijs rectè institutis non habere locum asse-
rit, dùm ait: Talibus enim, qui ecclesiam ab Anti-
christi defectione reducerent, opus fuit. Munus ta-
men ipsum extraordinarium appello, quia in eccle-
sijs ritè constitutis locum non habet. Sed hæc asser-
tio contra diuinam sapientiam omnia suauiter dispo-
nentem est: quia apostolorum tempore, quando ec-
clesia rectissimè fuit constituta, Paulus extraordi-
nariè missus fuit. Nam sicut in mundi prima crea-
tione vniuersus mundus, singulaq; creatura, quan-
tum ad naturalia dona, perfectius, quàm illa, quæ po-
stèa per secundas causas, generantur, instituta fuère:
vti primi parentes perfectiores quàm homines ordi-
nariè geniti exstiterunt, ac tunc temporis mundus in
statu feliciore, & naturalis perfectionis fastigio fu-
it. Quid quod extraordinaria administratio tunc
habuit locum, ita in primitiua ecclesia apostoli, plu-
rimiq; fideles plura & maiora spiritualia dona ha-
buère, quàm præsens ecclesia. Christi namq; aposto-
li atque discipuli in die Pentecostes iuxta Christi pro-
missionem à Spiritu sancto absque hominis ministe-
rio docti fuerunt. Mystéria quidem diuina illis fue-
runt reuelata, miraculorum quoque gratia illis fuit

donata. Ista enim duo, scilicet, mysteriorum fidei reuelatio, & miraculorum gratia, ad extraordinariam ecclesie administrationem exiguntur. Nam illa ad persuadendum gentibus fidem maximè conduxerunt. Verbi enim Dei auditores animaduertentes, quod apostoli humanarum literarum erant imperiti, eorum doctrinam non esse humanam, sed diuinam consultò existimarunt: hanc existimationē miracula per apostolos facta persuaferunt, Extraordinaria igitur verbi Dei administratio per predicatorum non ab homine, sed à Deo eruditos, & miraculis cōfirmata in primitiua ecclesia, quando christianismus fuit purior ad gentibus fidem persuadendā, maximè fuit expediens et necessaria. Verum postquā fides ab apostolis fuit sufficienter promulgata, et in gentibus propagata, tantū abest, vt ministri extraordinarij expediant, vt potius religionis sint perniciēs. Nam ut, si messis nullo seminante, sicut in principio mundi, cresceret, agricultura periret: ita si euangelij concionatores, ecclesia non docente nec metente, sicut apostoli fidei mysteria didicissent ac predicassent, ecclesiastica verbi dei ordinaria administratio funditus periret, qua sublata ecclesiam dissolui oportet. Sicut enim in principio ad fundendam ecclesiam extraordinarijs ministris fuit opus: ita in progressu ad continendam ecclesiam in officio ordinarij ministri sunt necessarij. Nam finis extraordinariae administrationis fuit fidei iusta promulgatio, & propagatio, quo fine ade-

Aug. de cipto illa cessauit, vt de miraculis beatus Augustinus
uit. dei lib. exponit, dum ait: Cur, inquit, nunc illa miracula,

quæ prædicatis facta esse, non fiunt: possem quidē dicere, necessaria fuisse, priusquam crederet mūdus, ad hoc, vt crederet mūdus. Post euangelij enim promulgationem miracula superfluo, Augustinus etiam testatur, dicens: Cur, inquis, ista modo non fiunt?

Aug. de v.
til. cred. ca.

16 .

Quia non mouerent, nisi mira essent. At si solita essent, mira non essent. Cum igitur Deus nihil agat frustra, aperte satis manifestum est, extraordinarios ministros frustra esse in ecclesia. Nam cum post apostolorum prædicationem non sit aliud euangelium prædicandum, præter illud, quod illi prædicauerunt: & ecclesia, vt Calvinus ait, sit fida custos verbi Dei, & in ea conseruetur prædicationis veritas: illa etiam, vt Philippus inquit, est alligata ad euangelium Dei. Tandē cum iuxta D. Paulum sit columna, & firmamentum veritatis, non indiget noua reuelatione. Nam apostolorum doctrinam ad salutem necessariam retinet, quod Calvinus quoque testatur, dicens: Nec ideo vlla in parte destituitur ecclesia, quin semper habeat, quantum satis sit. Ex omnibus istis euidenter colligitur, quod sectarij sibi met non consent, dūm asserunt, extraordinarijs ministris, qui ecclesiam ab Antichristi defectione reducerent, opus fuisse. Nam cum in ecclesia, vt illi asserunt, semper prædicationis veritas conseruetur, ecclesia à fide nunquam deficiet: atque etiam cum post Apostolorum prædicationem ecclesia semper habeat, quantum est satis, non indigebit ministris extraordinarijs.

Prophetiæ et miraculorum dona à
Catholica ecclesia sunt probanda.

Cap. 6.

Aug de ci-
uit. dei li.
22. ca. 8.

ET si ad fidē astruendā miracula nūc non sunt,
tamen ad Dei gloriam manifestandam, & in
sanctitatis piorum virorum testimonium il-
la non rarò fieri Augustinus refert, dicens: Nam eti-
am nunc fiunt miracula in eius nomine, siue per sa-
cramenta eius, siue per orationes, vel memorias san-
ctorum eius, sed non eadem claritate illustrantur, vt
tanta, quanta illa gloria diffamentur. Similiter et si
prophetiæ donum detur, ad vtilitatem tamen illud
quibusdam ad ecclesiasticum publicum docendi mu-
nus, quibusdam verò ad priuatum datum fuisse di-
uina scriptura docet. Ob illud nimirum prophetis
testamenti veteris, apostolis, euangelistis ceterisq;
Christi discipulis prophetiæ donum fuisse datum,
scriptura, & ecclesia testatur. Nam illorum mini-
sterio Deus ecclesiam docuit religionis mysteria: illi
profectò omnes publico docendi munere in Dei eccle-
sia functi fuerunt. Quod munus Paulus ad euange-
licam doctrinam, quam predicabat, astruendam
meritò sibi vendicans, frequenter se Christi aposto-
lum appellat. Quid verò hæc appellatio apostolo ad
predicandum conducebat, Beatus Hieronymus ex-
ponit, dicens: Porro quod ait: Apostolus autem Iesu
Christi: tale mihi videtur, quale, si dixisset: præse-
ctus prætorius Augusti casaris, magister exercitus Ty-
berij imperatoris. Vt enim iudices sæculi huius, quo
nobiliores esse videantur, ex regibus, quibus serui-
unt,

Hier. ad Ti-
tum.

unt, & ex dignitate, qua intumescunt, vocabula sortiantur: ita & apostolus grandem inter christianos sibi vendicans dignitatem, apostolum se Christi titulo prænотauit, ut ex ipso lecturos nominis auctoritate terreret, indicans omnes, qui in Christo crederent, debere sibi esse subiectos, prophetiæ verò donum quibusdam non ad publicum docendi munus datum fuisse, non temerè existimatur: veluti Agabo, philippi Diaconi quatuor filiabus virginibus Prophetæ illi qui decepit prophetam missum ad Geroboam regem Israel, & similibus, quos etsi scriptura prophetasse asserit, tamen non publico docendi munere, verbo, aut scripto (veluti illi quos ecclesia celebrat) fidem docuerunt. Isti qui dem occulta, & futura circa hominum actus viderunt: atque tales non deesse in ecclesia, non solum diuina, sed etiam ecclesiastica historia testatur, quod beatus Augustinus, magni Theodosij pietatem commendans, refert, dicens: Deinde cum maximum terribilem faceret ille successus, hic in angustijs curarum suarum non est lapsus ad curiositates sacrilegas, atque illicitas, sed ad Ioannem in Aegypti eremo constitutum, quem Dei seruum prophetandi spiritu præditum fama crebrescente didicerat, misit, atque ab eo nuncium victoria certissimè accepit. Sed istis prætermisiss ad illos, qui publicè docendi munus sibi vendicant, veniendum est: nam de tali bus Paulus ait: Prophetias nolite spernere. Verùm ne prophetiæ prætextu falsis dogmatibus detur locus, illico ait: Omnia autè probate, quod bonum est tenete: ab omni specie mala abstinete vos. Illud quidè verbum.

Aug. de ciuit. dei li. 5. ca. 26.

Paulus ad Theff. c. 5.

probate. Prophetiam indigere probatione exponit. Doctorum quidem, quemadmodum & doctrinarum quidam sunt probati, quidam verò probandi: illi nempe Ecclesie ordinarij ministri sunt, nam tales canonica electio cōmendat, atq; hoc testimonio ordinarij ecclesie ministri, ad ecclesiastica munia obeunda probati sunt. Illa etiā doctrina est probata, de qua vniuersa ecclesia consentit: nā cū sancta catholica ecclesia nō potest in fide errare, quod illa doctrina, de qua est cōmunis sensus, sit probata oportet. Doctores verò probandi apostoli & euangelistae extraordinarij sunt: doctrina etiam examinanda, sectae variae, & particulares sunt. Vnde non de ordinarijs ministris, nec de communi ecclesia sensu, sed de particularibus doctrinis, & de extraordinarijs ministris Paulus nimirum ait: omnia probate. Iustum esse scripturae germanū sensum, verba praecedentia aperte satis exponūt, cū dixit: Prophetias nolite spernere, nam prophetare, id est, Deo reuelante populū docere, non ad ordinarios, sed ad extraordinarios pertinet. Cū igitur nostrū seculi sectarij extraordinarium ministerium, sibi vēdicent, secundum Pauli praeceptum, num sint nē veri, aut falsi ministri, probandi sunt. verū istorum probatio longē seuerior, quā illorum est: nam extraordinaria doctrina, ac extraordinarij ministri, non vulgare, sed rarum testimonium requirunt.

Extraordinarij ministri extraordinariam probationem requirunt.

Deus

Deus enim neminem sine sufficiente testimonio obligat ad credendum: nam credendi temeritas non solum à Deo, sed ab hominibus probis damnatur. Scriptura enim ait: qui citò credit levis est corde. Vnde omnibus ministris extraordinarijs datum fuit sufficiens testimonium, quo se esse à Deo missos, fidem facerent. Nam si extraordinariæ missioni huiusmodi testimonium non fuisset coniunctum, frustra fuissent in ecclesia tales ministri: nam probi viri sine sufficiente testimonio non credunt: quod si absque illo credidissent, temerarij vtq; fuissent, impij quoque sine iusto testimonio non credentes, incredulitatis iustam excusationem habuissent. Vnde ne pijs temerè credant, nec impijs legitimam excusationem habeant, quod ministri extraordinarij suæ missionis, & doctrinæ extraordinarium testimonium habeant, oportet, quod Christus testatur, Ioan. c. 15. dicens: Si non venissem, & locutus fuissem eis, peccatum non haberent, nunc autem excusationem non habent de peccato suo. Atque sibi non defuisse extraordinarium testimonium exponit, dum ait: si opera non fecissem in eis, quæ nemo alius fecit, peccatum non haberent. Hæc profectò doctrina tam evidens est, vt testimonio non indigeat, vniuersa enim diuina scriptura aperte satis eam exponit. Nam quotquot à Deo extraordinariè ad populum docendum missi fuerunt, omnes extraordinarium, & sufficiens testimonium habuerunt. Moses quidem, caterique propheta, qui prophetauerunt vsque ad Christi aduentum,

castum testimonium ad diuina oracula confirman-
da habuerunt. De Moyse quidem & successoribus
eius aperte satis scriptura docet. Ioannes verò bap-
tista illorum Prophetarum vltimus, etsi (vt scriptura
exponit) nullum signum fecit, tamen illius conuer-
satio non minimum fuit testimonium: vita enim san-
ctitas magis quam miracula eum apud populum
commendauit. Nam sine miraculis tantam va-
luit illius autoritas vt populus, illius conciones, & ba-
ptismum frequentaret. Christus etiam et eius apo-
stoli, & discipuli sine extraordinario testimonio non
predicarunt: ad hoc enim varia dona, videlicet, sa-
nitatum & linguarum gratia, & fuerunt illis da-
ta. Nullus denique extraordinarie missus non habuit
diuinum testimonium, quia sine illo extraordinaria
missio, & vocatio suisset inefficax. Vnde quia omnes
illi sufficiens habuerunt testimonium, ideo nullus Dei
minister extraordinarius non fuit receptus ab Eccle-
sia. Ex istis aperte satis intelligi potest, quanta & in
sectarijs insolentia, & in populo sectatore temerita-
tis fuit magnitudo. Nam Deus sectarijs, si à se fuis-
sent missi, sicut ceteris extraordinarijs ministris ius-
tum testimonium dedisset, quo ab Ecclesia rece-
pti fuissent. Verum illi pro recentibus Euangelistis
se venditantes, suam vocationem esse falsam, testan-
tur, quia nullum testimonium, quo sua extra-
ordinaria vocationis fidem faciant, habent. Nec e-
nim cœlū, nec terra, nec miraculum, nec diuina scri-
ptura, denique nec illorum conuersatio, cum nihil
magis quam vulgaris sit, de illis testimonium perbi-
bet.

bet. Siquidem omnes extraordinarij ministri munus
Euangelizandi sibi vendicantes, quod etiam extra-
ordinarium habeant testimonium, oportet. Si verò
illud non habent, necesse est, quod cedant predicandi
muneri, quia illos non fuisse à Deo vocatos, cum nul-
lum habeant testimonium, euident est. Similiter po-
pulus sectarijs tanquam extraordinarijs ministris
fidem habens, temerarius est: quia etsi Dei ministri
non sint spernendi, tamen prius sunt probandi, quam
recipiantur. Nec sectarij de Ecclesia iuste conqueri
possunt, quod ab illis extraordinarium testimonium
requirat: nam cum illi careant canonica vocatione,
quæ ordinaria est probatio, merito Ecclesia ab illis
testimonium speciale exigit. Nam nullus à Deo mis-
sus sine huiusmodi testimonio à Catholica Ecclesia
fuit receptus, & quotquot illud habuerunt, ab Eccle-
sia recepti fuerunt: nam etsi impij reges Iudææ, &
Israel Prophetas persecuti fuerunt, tamen Dei sy-
nagoga illos tanquam Dei prophetas recipit. Hero-
des enim Ioannem baptistam occidit, tamen omnis
populus recepit eum tanquam Prophetam, tempori-
bus etiam regum Iudææ, & Israel Prophetæ non à fi-
delium, sed ab Idololatrarum conuentibus exclusi fue-
runt. Esaias quidem in Iudæa, & Elias in Israel ex-
tra fidelium synagogam non fuerunt, nec illi propter
impiorum quorundam regum persecutionem exie-
runt à Dei synagoga, nec seorsum conuentus varios,
sicut Lutherus & Calvinus, & ceteri sectarij in va-
rijs Germania prouincijs constituerunt. Illi quidem
cum à Deo fuissent missi, nullum schisma in Dei Ec-
clesia

3. Reg. ca.
22.

clesia fecerunt : isti verò , vt probarent , se non fuisse missos à Deo , à Dei ecclesia exeuntes vnusquisque seorsum conuentum fecit. Dei denique ministri extraordinarij tam euidentibus testimonijs sua vocationis fidem fecerunt , quod non solum apud pios , sed etiam apud impios celebritatem obtinuerunt , quod diuina scriptura testatur , dùm inquit : Dixitq; Iosaphat ad regem Israel : quare , oro te , hodie sermonem domini. Congregauit ergo rex Israel prophetas , quadringentos circiter viros. Et infrà : Dixit autem Iosaphat : non est hic propheta Domini quispiam , vt interrogemus per eum ? Et ait rex Israel ad Iosaphat. Remansit vir vnus , per quem possumus interrogare Dominũ : sed ego odi eum , quia non prophetat mihi bonum , sed malum. Michas igitur propheta , inter quadringentos falsos prophetas pro Dei propheta celebratur. Quid quod ille habuit testimonium , quo ab ecclesia pro Dei propheta recipiebatur , et à falsis prophetis discernebatur. At illi quadringenti propheta apud Iosaphat nullam auctoritatem obtinebant , quia à Dei Ecclesia erant diuisi , & scisma , & illorum varia doctrina , illos non esse Dei prophetas apertè satis probat. Haud nimirum dissimiles sunt presentis huius seculi sectarij , nam illorum scismata , & dogmatum controuersie , quibus Germanica ecclesia laborat , illos falsos esse prophetas , luce clariùs testantur.

Ministri

Ministri etiam extraordinarij, ordinaria vocatione indigent.

Ministri quidem extraordinarij non solum diuino, sed humano indigent testimonio, vt Euangelica historia in beato Paulo ad munus Apostolicum vocato exponit dicens. Paulus Apostolus non ab hominibus, neq; per hominem sed per Iesum Christum. Et infra: Notum enim vobis facio fratres Euangelium, quod Euangelizatum est à me, quia non est secundum hominem, neq; enim ab homine accepi, illud, neq; didici, sed per reuelationem Iesu Christi, &c. Duo equidem Paulus extraordinaria, id est, non Ecclesie ministerio se accepisse asserit. Vnum fuit mysteriorum notitia, in quo Paulus non differt à ceteris Apostolis, nam etiam illi iuxta Christi promissionem à Spiritu sancto docti fuere, quia Christi predicatione exactam mysteriorum notitiam non potuerunt accipere, quod Christus exposuit dicens: Adbuc multa habeo vobis dicere, sed non potestis portare modò. Cum autem venerit ille spiritus veritatis, docebit vos omnem veritatem. Alterum verò quod extraordinarie accepit, predicandi est munus, quod etsi omnes illud à Deo acceperint, tamē Paulus extraordinarie accepit, atq; non solum Paulus extraordinarie vocatus est, ad Apostolatuum, sed etiam non est dubitandum, illum extraordinarie iustificatum fuisse in raptu, quod Ecclesia illius conuersionem colens, testatur, & scriptura non tacuit, dū ait. Subito circumfulsit eum lux de caelo, & cadens in terram, audiuit vocē dicentē sibi, Saule, Saule, quid me persequeris? Qui dixit: quis es domine?

Cap. 8.
Ad Gal. 1.

Ioan. c. 16.

Actor. 9. c. 4

Et

Et ille, ego sum Iesus, quem tu persequeris: durum est tibi contra stimulum calcitare. Et tremens ac stupens dixit, domine, quid me vis facere, &c. Illa nempe mira conuersio, qua Paulus ex infestissimo Ecclesie persecutore Christi obsequentissimus seruus, & Ecclesie fidelissimus minister factus est: atque ille etiam raptus, in quo tanquam amico Deus illi reuelauit ineffabilia arcana, illum fuisse iustificatum prae se ferant. Verum post illam extraordinariam, & miraculosam iustificationem Paulus ordinarie iustificatur, quod diuina scriptura exponit, dicens. Et abiit Ananias, & introiuit in domum, & imponens ei manus, dixit. Saule frater, dominus misit me Iesus, qui apparuit tibi in via, qua veniebas, vt videas, & implearis Spiritu sancto. Et confestim ceciderunt ab oculis eius tanquam squamae, & visum recepit, & surgens baptizatus est, &c. Paulus denique postquam à Spiritu sancto fuit spiritualiter baptizatus, ab Ecclesia ministro non temere, sed consulto, ac ex Dei mandato ordinarie baptizatur. Baptismus enim non solum peccatoribus, sed iustificatis tum ad salutem, tum vt Ecclesia societati copulentur, est necessarius: sicut enim corde credere ad iustitiam, & ore confiteri ad salutem oportet, ita interne iustificatis necessaria est externa iustificatio, id est, baptismus, ad salutem. Si quis enim praetextu internae iustificationis praeiret baptismum, huiusmodi, tantum abest, vt sit Christianus, vt potius sit incredulus & paganus, baptismus namque in iustificatis est efficax, nam ordinaria iustificatio tam est à Deo quam extraordi-

naria: & illa peccator, iustus: & iustificatus, iustior fit. Vnde Paulus iustificatione interna donatus non solum non contempsit externam & ordinariam, sed quanto maioribus, & pluribus spiritualibus donis pollebat, tanto maiori affectu Ecclesiastico ordinario ministerio se subdidit. Paulo etiam ultra iustificationis donum, iniunctum fuit munus docendi Euangelium: ex quibus duabus rebus, prima ad priuatam, altera ad publicam rem pertinet, atq; vtraque illi extra ordinarie est concessa. Verum sicut illud priuatum donum, vt sit salutare, cum Ecclesia sacramento coniungatur, oportet: ita, imo multo magis illud publicum munus docendi inefficax, aut potius perniciosum est, sine Ecclesiastica ordinaria vocatione. Quare extra ordinarie vocato ad Apostolatū, quod per Ecclesiam ordinarie illi iniungatur pradicandi officium, oportet, Acto. 13. c.

q̃ expresse satis Dei verbū exponit dū ait: Ministrantibus aut̃ illis Domino, & ieiunantibus, dixit illis Spiritus sanctus: Segregate mihi Saulum & Barnabā in opus, ad quod assumpsi eos, Tunc ieiunantes & orantes, imponentesque eis manus, dimiserunt illos, &c. Paulus igitur, quem Deus in Apostolum elegerat, ab Ecclesia ordinarijs ministris non temere, sed consulto, ac ex Dei mandato per manus impositionem in Apostolum creatur. Quid quod si Paulus ab Ecclesia per ordinarios ministros non fuisset in Apostolum ordinatus, pro Dei Apostolo nunquam fuisset habitus. Nam quemadmodum Ecclesia nullum, quantumcunque ille dicat se à Deo fuisse iustificatum, in suam societatem, nisi baptizatum, recipit, ita nul-

asse-

1. Cor. c. 15

lam recentem Euangelistam quantumcunque ille
 asserat, se fuisse à Deo missum, nisi ordinarie voca-
 tum ad prædicandi officium admittit, maxime cum
 nullus missus à Deo, Ecclesiæ ordinario ministerio
 non se subdiderit: imo omnes quotquot à Deo missi
 fuerunt, Ecclesiæ ordinario ministerio tanquam
 Dei dono honorati sunt. Nam Ecclesiæ canonica vo-
 catio Dei est ordinatio, & diuinas promissiones con-
 tinet. Vnde uti iustificatus fit iustior per baptismum,
 ita Dei minister extraordinarius per Ecclesiæ ordina-
 riam vocationem fit officiosior. Quare beatus Paulus,
 quia extraordinarie à Deo missus, & ordinarie voca-
 tus, in Ecclesiâ fuit officiosissimus, quod scriptura a-
 perte satis exponit dicens. Abundantius illis omnibus
 laboraui, non ego autem, sed gratia Dei mecum. Paulus
 quidem extraordinarie, & ordinarie vocatus ma-
 iori gratia quam alij ministri ad Dei verbum præ-
 dicandum fuit donatus. At nostri seculi sectarij
 ordinariam & legitimam vocationem contemnen-
 tes, & extraordinariam simulantes in Dei Ecclesiâ
 perniciosissimi sunt. In primitiua namq, Ecclesiâ, ut
 paucissimi extraordinarij ministri, seu potius vni-
 cus, videlicet Paulus fuit, ita Ecclesiâ summe promo-
 ta fuit in fide. At in præsentī infeliciſſimo seculo
 quo plures extraordinarij concionatores, eo plura
 circa religionem disidia sunt. Quid quod Paulus
 ille vas electionis extraordinarium prædicandi mu-
 nus à Deo sibi iniunctum, iuxta Dei mandatum or-
 dinariæ vocationi astringit: sectarij verò, quia non
 sunt

sunt à Deo vocati, ab ordinario ministerio prædicandi munus liberum esse volunt. Vnde hæreses indies magis augentur, quod Philippus exponit, dicens. *Philip. in præf.*
 Non dissimulari potest, motis rebus magnam varietatem opinionum exortam esse, & concedat àvaxia licentiam malis ingenijs fingendi monstrosa dogmata, &c. Quare ad tollenda schismata, & ad dogmatum dissidia sedanda quod nullus nisi à Catholica Ecclesia ordinarie vocatus, concionetur oportet. Ab hac sententia Augustana Confessio non dissentit, dum ait. De ordine Ecclesiastico docet, quod nemo debeat in Ecclesia publicè docere, aut sacramenta ministrare, nisi ritè vocatus. *August. Confes. art. 14.* Confessionista quidem circa hunc articulum, etsi non in iure, tamen in facto errant: veluti accipiens rem alienam existimans esse suam, ille quidem, non esse furandum, exactè scit, sed illam rem esse alienam ignoravit. Ita sectarij non ignorant, quod verbi Dei ministri ritè sint vocandi, sed ignorant, seu potius errant, existimantes, quod penes suos sit potestas eligendi verbi Dei concionatores. Nam cum in Germania tres sint præcipua sectæ contrariae, & vna quæque non penes aliarum sectarum Ecclesias, sed penes suam huiusmodi potestatem esse existimet: profectò omnes illi decipiuntur. Nam non penes varias sectariorum Ecclesias, sed penes vnam sectam Catholicam, ac Apostolicam Ecclesiam est talis potestas. Vnde qui ad prædicandi officium ritè vocari desiderat, illum non à sectariorum Eccle-

*Ecclesijs, sed ab vna Ecclesia, qua æte Lutheri infæli-
cissimam prædicationem, & vsq; in consummationē
mundi perseuerat, ordinariē vocari oportet. Nā expe-
dit, quo vocatio sit legitima, vt ab antiquiore eccle-
sia fiat, Pauli enim ordinaria vocatio istam senten-
tiam apertē satis asseruit, quia ille non à suis disci-
pulis, videlicet, Thimotheo, nec Tito, sed ab Anania
fuit baptizatus. Is quidē religione christiana anti-
quior fuit Paulo. Similiter Paulus nō à Corinthia, nec
Epbesina, nec alia quàm ipse fundauerat ecclesia, sed
ab Antiochena, qua non à Paulo, sed ab ordinarijs
ecclesia ministris fuerat fundata, ad apostol. itū voca-
tus fuit. Sectarij igitur nō ab antiqua, sed à recēti ec-
clesia, seu potius à cōuentibus, quos ipsi cōgregarūt,
vocati, et si huiusmodi honorē sibi assumpserint, non
rectē vocati dicuntur ad Euangelium prædicandū.*

Clemens,
pontifex
recog. tit.
1.4.

*Quare (vt beatus Petrus ad clementem ait) obserua-
te cautius, vt nulli doctorum credatis, nisi qui Iaco-
bi fratris Domini ex Hierusalem detulerit testimo-
niū, veleius quicunque post ipsum fuerit. Nisi enim
quis illuc ascenderit, & ibi fuerit probatus, quod sit
doctor idoneus, & fidelis ad prædicandum Christi
verbum: nisi, inquam, inde detulerit testimonium,
recipiendus omninō non est, sed neque propheta, neq;
apostolus in hoc tempore speretur à nobis aliquis ali-
us præter nos.*

Extra-

Extraordinarij ministri euangelium quod prædicant cum Catholica ecclesia conferant oportet

Caput 9.

Apostolus etiam Paulus cum ad euangelium adi munus non fuisset publicè, vti ceteri apostoli, vocatus, nec à Christo simul cum alijs euangelium didicisset, vt illius vocationi, & prædicationi iusta ab ecclesia deferretur auctoritas, Euangelium, quod per reuelationem didicerat, cum ecclesiæ (quod certè nullus apostolus fecit) contulit primoribus: quod ipsemet narrat, dicens: Deinde post annos quatuordecim iterum ascendi Ierosolymam cum Barnaba, assumpto & Tito. Ascendi autè secundum reuelationem, & contuli cum illis euangelium, quod prædico in gentibus, seorsum autem prijs, qui videbantur aliquid esse, ne fortè in vacuum currem, aut curissem. Quo quidem loco illa nempe verba secundum reuelationem non minus, quàm si secundum Dei speciale præceptum dixisset, significant. Sicut enim euangelium, quod Paulus prædicabat, non erat secundum hominem: ita euangelij cum ordinarijs ecclesiæ ministris collatio non fuit humana, sed ex dei reuelatione instituta. Atque id nimirum factum fuit, quia de Pauli vocatione nonnulli ambigebant, de illius verò antecessoribus nullus dubitabat. Quid quod à Christo ille priuatim, isti verò publicè ad munus prædicandi fuerunt vocati. Accedit ad hoc, quòd Paulus manifestarius ecclesiæ prosequutor fuerat: unde ille ab aliquibus ecclesijs persecutoris appellati-

Ad Gal. ca
pi. 2.

Ad Ga. 1. c.

one potius, quàm apostoli (vt ipse testatur) fuit notus. Eram autem, inquit, ignotus facie ecclesijs Iudae, quae erant in Christo, tantum autem auditum habebant, quoniam qui persequabatur nos aliquando, nunc euangelizabat fidem quam aliquando expugnabat. Et in me clarificabant Deum. Nā pauci quoque (cū Paulus euangelium priuatē didicisset) illū nō concorditer cū ceteris apostolis predicare existimabant. De ceteris verò apostolis omnes persuasi erant, quod pari consensu Christi euangelium predicarent: nam omnes illos fidem concorditer tenere, illorū prædicatio testabatur, atque ex eo etiam manifestum fuit, quia omnes simul à Christo non priuatē, sed publicè veluti in communi schola euangelium didicerunt. Ad humanarum quidem disciplinarum communem sensum discendum in publica schola audire præceptores præstat. Quod Fabius eruditè satis exponit, dum ait: Mitto amicitias, quae ad senectutem usque firmissemè durant, religiosa quadam necessitudine imbutae. Neque enim et sanctius sacris iisdem, quàm studiis initiari. Sensum enim qui cōmunis dicitur ubi discet, cū se à congressu qui non hominibus solum, sed multis quoque animalibus naturalis est, segregarit? Quod si publica schola ad humanas disciplinas discendas expedit, multò magis ad cōmunem sensum in religione tenendum, quod fidei doctrina à cūctis fidelibus publicè discatur, est necessarium: quia religionis fundamentum est vna concors fides. Denique, Spiritus sanctus non quod Paulus dubitaret, an inuanum cucurisset, sed ne alij de illo dubitarent, atque vt Pauli prædicatio

Quint. l. 1.
cap. 2.

in dei ecclesia iustā obtineret auctoritatē, per reuelationē praecepit Paulo, vt euangelium quod didicerat in raptu, & gentibus predicabat, cum ecclesia primoribus conferret. Hunc sacra scriptura germanū sensum sacri doctores frequenter exponūt. Hieron. ad Gal. 1. c. Totū autem, inquit, quod ait, illud est, vt doceat, se nunquā de persecutore apud eos ipsos, quos prius persecutus fuerat, potuisse existere gloriosum, nisi prae-ratio eius eorū quoq;, qui ante eū malē nouerat esset iudicio cōprobata. Infrā etiam causas, propter quas Paulus euangelium contulit, exponit, dicens: Duplicē ob causam, quo & humilitas ostenderetur Pauli, qui doctōr in toto orbe iam gentiū ad praecessores apostolos cucurrisset, & Galatā discerent, non reprobasse euangelium eius: eos quoq;, qui in Iudaea ecclesijs praesidebant. Quod verō Paulus euangelium, quod predicabat, ecclesia auctoritate cōfirmauerit, scriptura testatur, dū ait: Paulus apostolus non ab hominibus, neq; per hominē, sed per Iesum Christū, & deum patrem, qui suscitauit eum à mortuis, et qui mecū sunt, omnes fratres ecclesijs Galatiae, &c. Chrysostomus enim cū Theophylactō illa verba, et qui mecū sunt fratres, exponens, ait: Quam tandē ob causam nequaquā hoc addit in ceteris epistolis? Ad istam quāstionem respondens infrā ait: Traduxerant Paulum hoc nomine, quod solus hac predicaret, nouāq;, dogmatū rationē inueheret. Hāc igitur illorū suspicionē cupiens eximere, simulq;, declarare, quod multos haberet eiusdē sententia, adiungit sibi fratres, significans, se ex illorum sententia scribere, quae scribit Ecclesijs Galatiae.

Hieron. ad
Gal. 1. c.

Ad Ga. 2. e.

Ad Ga. 1. c.

Chryso. &
Theoph.

Ad Gala.
cap. 2 c.

Eandem sententiam Paulus confirmat, dum apostolorum auctoritate Euangelium quod predicabat, a-
struit. Et contuli, inquit, cum illis euangelium, quod
predico in gentibus, seorsum autem ijs, qui videban-
tur aliquid esse, &c. Quò enim ista narratio spectat,
nisi ad suam predicationem astruendam? quod Chry-
sostomus manifestè satis exponit, dicens: Et nunc nò
ipsi fuit opus discere, an inuanum cucurisset, sed vt
ijs, qui ipsum accusabant, ad plenum persuaderetur.
Quoniam enim magnificentiorẽ de Petro & Ioan-
ne opinionem haberent, putarentq, apostolos inter se
disidere: propterea, quod hic predicaret euangeli-
um absque circuncisione, illi contrà permitterent eã,
atque hinc existimabant, Paulum aduersum legem
agere, & inuanum currere. Ideo ascendi, inquit, &
contuli cum illis euangeliũ, non vt ipse quicq, discerẽ,
quod ipsum post apertiũs dicit, sed vt docerem eos,
qui hac suspicantur, me non incassum currere. Et in-
frà: Caterũ vbi citandum est testimoniũ, trium
pariter facit mentionẽ, idq, non sine laudis elogio. Ce-
phas, inquit, Iacobus & Ioannes, qui videbãtur esse co-
lumna. Nec rursus, dicit, videbantur, quod tolleret
rei veritatem, sed aliorum quoque assumit senten-
tiam, dicens: Qui magni sunt, & eximij, quosq, om-
nes vbique celebrant, huiusmodi testes sunt eorum,
quæ dico, quod eadem placent & Christo, quodq,
hec ex ipsis rebus cognouerunt, ipsaq, rerum expe-
rientia commoti sunt, vt crederent. Ideoq, & dex-
tras mihi dedere, non mihi tantũ, sed & Barnabæ.
Tantum ille. Paulus quidem etsi ex euangelij cum
apostolis

apostolis collatione non euasit eruditior, tamen illius
 pradicatio maiorem obtinuit auctoritatem, quod Ad Ga. 2. c.
 ille testatur, dicens: Mibi enim qui videbantur esse
 aliquid, nihil contulerunt, &c. Ille nimirum cum a-
 postolis uti amicis euangelium quod pradicabat, cō-
 municauit, aut approbandum, aut improbandum,
 illi verò ex huiusmodi pia collatione, Paulū idipsum
 euangelium quod ipsemet pdicabat, gentibus annun-
 ciare, luce clariùs conspexerunt, ut scriptura expo-
 nit, dicens: Sed econtrà cūm vidissent, quod credi-
 tum est mihi Euangelium praputij, sicut Petro cir-
 cuncisionis. Cūm fuisset igitur exploratum, quod
 Paulus pari consensu cum ceteris apostolis Christi E-
 uangelium pradicaret, ecclesia primores illum in su-
 am societatem recipientes, eius pradicacionem ap-
 probarunt: quod scriptura expresse satis exponit, cūm
 ait: Et cūm cognouisset gratiam, qua data est mihi,
 Iacobus, & Cephas, & Ioannes, qui videbantur co-
 lumnæ esse, dextras dederunt mihi, & Barnabæ soci-
 etatis ut in nos in gentes, ipsi autem in circuncisio-
 nem, &c. Paulus igitur ad astruendam suam doctri-
 nam suorum antecessorum (qui tunc ordinariè præ-
 erant in ecclesia, penes quos ecclesia consensuserat)
 auctoritatem allegauit. Quam profectò in medium
 non adduxisset, si suorum antecessorum consensus
 ad suam pradicacionem confirmandam non fuisset
 necessarius. Paulus denique extraordinary iustifi-
 catus per baptismum, ministerio ecclesiæ sit iustior,
 & de celo ad apostolatū vocatus, ordinariè ad præ-
 dicandum electus, in ecclesia est officiosissimus. Pau-
 liq;

Aug. cont.
Faust. lib.
28 cap. 4.

liq³, prædicatio à deo reuelata ecclesia consensu aucto-
ritatem obtinuit, vt beatus Augustinus sapientissimè
exponit, dicens: Cùm ipse apostolus Paulus post ascen-
sionem domini de calo vocatus, si nõ inueniret in car-
ne apostolos, quibus communicando, & cum quibus
conferendo euangelium, eiusdem societatis esse appa-
reret, ecclesia illi omninò non crederet? Sed cùm co-
gnouisset eum hoc annunciantem, quod etiam illi an-
nunciabant, & in eorum communione, atq³, vnitate
viuentē, accedentibus etiam per eum talibus signis,
qualia & illi operabantur: ita eum domino commen-
dante, meruit auctoritatem, vt verba illius hodie sic
audiantur in ecclesia, tanquam in illo Christus, sicut
ille verissimè dixit, locutus audiat. Tantum ille.
Quod si præsentis sæculi sectarij Paulum in dogmatũ
collatione imitati fuisset, prob Deũ, nunquam tot re-
ligionis disidia orta fuissent. Verũ inter Paulũ &
sectarios hoc interest, quod Paulus, ceteriq³, Dei ex-
traordinarij ministri ecclesia se subdiderũt, & doctri-
nam, quam per reuelationem didicerant, cũ ecclesia
contulerunt, & ab ecclesia nunquam exierunt, neq³,
seorsum fecerunt conuentus: quæ nimirũ Dei prophe-
tarum apostolorum euangelistarum sunt verissima
nota. At Lutherus, ceteriq³, sectarij, vti illorum ante-
cessores, pseudoprophetae hæreticiq³, ecclesia, eiusq³,
ministri rebellarunt, sua dogmata ita custodierũt,
nunquamq³, cum ecclesia contulerunt, imò ab eccle-
sia exierunt, seorsumq³, conuētus fecerunt: quæ profe-
ctò Antichristi, & illius prophetarũ, apostolorũ ace-
uangelistarũ sunt euidentissima nota. Verũ si secta

rijs sua dogmata cum ecclesia conferre, prater dignitatem fore existimant, saltem vt illa secū conferrent, expediret. Quod si illi suas varias, & cōtrarias sectas conferrent, tantum abest, vt ex huiusmodi collatione concordia (vti ex Pauli & apostolorū collatione) oriatur, vt potius magna sectarum confusio (vti lingua rū olim in Babilonica turris adificatione orta fuit) sequatur. Quia cū apud sectarios non sit vna obedientia, nunquā inter illos religionis cōcordia sit oportet.

Apostolorum symbolum definitam
Dei ecclesiam proponit credendam.

Cap. 10.

Apostoli Domini nostri Iesu Christi fidei principales articulos in quandam summam redigentes, symbolum, in quo conuenirent, et quo à non credentibus discernerentur, vniuersali ecclesie tradiderunt, atq; in illo hunc articulum: Sanctā ecclesiam catholicam, & meritò quidem. Nam si omnes sub christi militātes nomine, huius articuli rectā fidē habuissent, nec hereses, nec scismata in christi ecclesia fuisset, quia illa, vt Paulus ait, est colūna, et firmamentum veritatis. Quare heretici, itē scismatici ad hereses et simultates astruendas, se credere sanctā ecclesiā, eiusq; mēbra esse, falsè affirmāt, quia si huius articuli germanus sensus perpēdatur, tātū abest, vt illi credāt Sanctā ecclesiā catholicā, vt potius corde, ore, et factis illā negātes, hostiliter psequantur. Hoc quod in presenti seculo à sectarijs factitari experimur:

Ad Titū 3.

omnes enim se credere veram Dei ecclesiam aiunt, quod Augustana confessio clare manifestat, dùm inquit: Itē docent (scilicet confessionista) quod vna sancta Ecclesia perpetuò māsura sit. Calvinus quoq³ ait: Ecclesia primò loco nobis credenda proponitur. Et infra: Statuendum tamen est, nullum fuisse in orbe terrarum tempus, quo ecclesiam suam dominus non habuerit, nullum etiam fore ad consumationem vsq³ seculi, quo non sit habiturus, &c. Denique isti omnes sicut Donatista se ecclesiam Dei credere, ac eam non oppugnare, asserunt. Quod Augustinus de illis loquens, expressè exponit, dùm ait: Confessi sunt enim contra ecclesiam catholicam, qua toto terrarum orbe diffunditur, nihil se habere, quod dicerent, quia diuinis sanctarum scripturarum testimonijs oppressi sunt, quibus ecclesia designatur. Cum Donatistis in hoc articulo consentit Calvinus, cùm ait: Vixit sanè Christi ecclesia, & viuet, quamdiu Christus regnabit. Et infra: Aduersus eam nulla nunc nobis pugna est, &c. Sed sectarij, & scismatici non aliter circa ecclesiam, quæ est Christi corpus, quàm Iudæi circa ecclesiæ caput, videlicet Christum, aberrant, quia Iudæi beatæ Mariæ virginis filium crucifixum sub Pontio Pilato, esse verum Christum negant, atque eum persequendo arbitrabantur se obsequium prestare Deo. Sectarij verò ecclesiam, quæ à Christi redemptoris nostri ad celos assensione per Episcoporum legitimam successionem vsque ad præsens seculum perseueravit, & vsque in diem iudicij durabit, veram Dei ecclesiam esse non credunt. Vnde persequentes eam existi-

Aug. conf.
artic. 7.

Calu. ca. 8.
P. 1.

August. c.
pist. 152.

Caluin. in
præfat.

existimant se Deum colere. De vtriusq; tamen procul dubio cum Paulo dicere possumus: AEmulationem Ad Roma. quidem dei habent, sed non secundum scientiã. Isti cap. 1. enim duo fidei articuli, Credo in Iesum Christum filium Dei, & Credo sanctam ecclesiam catholicam, non indefinitè, sed definitè in diuina scriptura, & in apostolorum symbolo traduntur. Vnde post apostolorum prædicationem non sufficit, credere in Christum redemptorem indefinitè, sed necesse est, credere in Christum, quem Euangelium, & apostolorum prædicatio definitè exponit. Neq; etiam est satis, credere ecclesiam indefinitè, sed necesse est credere, quod ecclesia, quam Lutherus in terrarum orbe inuenit, definitè est Dei ecclesia, quam Christus fundauit, quã etiam apostoli, & eorum successores vsq; ad præsens seculum docuerunt. Quam si sectarij credidissent, nõ contra doctrinam euangelicam varias ecclesias constituerent. Quia quemadmodum vni capiti, variã corpora habere, repugnat, ita vni et vero Christo, qui est ecclesiæ caput, non varias, sed vnã & definitam ecclesiam, quæ est corpus eius, constituamus oportet. Augustinus enim istam exponens sententiam: quis autem, inquit, possit singulas quasi hæreses enumerare gentium singularum? si autem Christi ecclesia canonicarum scripturarum diuinis & certissimis testimonijs in omnibus gentibus designata est, quicquid attulerint, & vndecunq; recitauerint, q dicunt, ecce hic Christus, ecce illic: audiamus potiùs, si oues eius sumus, vocem pastoris nostri dicentis: Nolite credere. Illa quippe singula in multis gentibus, vbi ista est, non

Aug. de Eccl. vnit.

ca. 3.

inueniantur: hac autē qua vbiq³ est, etiam vbi illa sunt, inuenitur. Et infrā: Quicunq³ credunt quidem, quod Christus Iesus ita vt dictū est, in carne venerit, & in eadem carne, in qua natus et passus est, resurrexerit, et ipse sit filius Dei, deus apud deum, & cum patre vnū, & vnum incommutabile verbum patris, per quod sunt facta omnia: sed tamē ab eius corpore quod est ecclesia, ita dissentiunt, vt eorum cōmunio, nō sit cum toto quacunq³ diffunditur, sed in aliqua parte separata inueniatur, manifestum est eos non esse in catholica ecclesia. Atq³ nostri seculi sectarijs quā verisimē hac Augustini sententia conueniat, p̄ys viris estimandum relinquo. Nam Sacramentaria, Cōfessionista, etiam Anabaptista ecclesia nec in Italia, nec in Hispania, vbi catholica est ecclesia, inueniuntur. Catholica verò ecclesia, vt in Germania vbi illa sunt, inuenitur, quia adhuc illic Deus plures ecclesias, mēbra catholica ecclesiæ, sibi reliquit, quæ non sunt à sectarijs seductæ. Ecclesia igitur quæ symbolum definitē credendam proponit, vniuersalis est ecclesia.

Ecclesia ex qua Lutherus cum suis sectatoribus exiuit est catholica.

Caput II.

SEctarij quidē deficientes à catholica ecclesia, dum suas hæreses astruere student, non minimū de illa testimoniū perhibent. Nam cum vnā catholicam ecclesiam ad consummationem vsq³ seculi permansurā profiteantur, illā ante Lutherū fuisse, et eadem eo viuentē, ac post eius prædicationē permansisse, cum catholicis cōcedant, oportet. Vnde ecclesiā, in qua Lutherus baptizatus est, catholicā fuisse dubitandū, nō est.

Quia

Quia illa tunc temporis eandē fidē in vinculo pacis cū alijs ecclesijs tenebat. Paulus. Vos autem, inquit, estis corpus Christi, et mēbra de membro. Vnaquaq³ enim ecclesia vbi lubet sit, si cū alijs vnā fidem in pacis vinculo tenet, catholica est. sed animaduertēdū est, quod quemadmodū particularis ecclesia, non quia sit vniuersa ecclesia, sed quod membrū sit catholica ecclesia, catholica appellatur ecclesia. Similiter quicunq³ fidelis eandē fidem in vinculo pacis cū ecclesia vniuersali tenēs, catholicus est, quia catholica ecclesia est membrū. Nā diuina scriptura plures ecclesias exponit. Iohānes enim in Apocalypsi ad septē, Paulus quoq³ ad octo ecclesias scripsit, et illae nō variae, sed vnae sunt, quia cum ceteris vnā fidem in vinculo pacis tenentes, vnā catholicam sanctam ecclesiā constituunt. Illae namq³ particulares ecclesiae tanquā inuicē membra vnius corporis Christi se gerebant: atq³ hoc etiam modo ecclesiae, quas Lutherus suo tempore inuenit in orbe terrarum, vnā fidem in vinculo pacis tenentes, tanquā inuicē mēbra vnius corporis Christi se habebāt, atq³ vnā catholicā sanctā ecclesiā constituebant. De huiusmodi ecclesia symbolū ait: Credo sanctam catholicam ecclesiam. Quod si sectarij ecclesiam vniuersalem, quam Lutherus adinuenit, et cōplectentem ecclesias speciales, vnitas in vinculo pacis non fuisse Dei ecclesiam asseruerint, certē cū in toto terrarū orbe alia Dei ecclesia prater illam catholicam non fuisset, Dei ecclesiā desiuisse, & ad seculi consummationem vsq³ non permansuram concedant, oportet. Sed hoc quidē esse impossibile, & haeticū, manifestū est.

Vnde

Augu. lib.
de vnit. Ec
cle. cap. 9.

Vnde visibilem vniuersalem Ecclesiam, cuius membrum fuit specialis Ecclesia, in qua Lutherus est baptizatus, esse vnam sanctam Catholicam Ecclesiam iuxta Dei verbum, credendum est. Beatus Augustinus clare hoc exponit, dum ait. Sed ecce dicant, nunc quid est obscure dictum, aut enigmatis velamento adumbratum est, quod ipse Christus dixit: Quia sic scriptum est, & sic oportebat Christum pati, & resurgere tertia die, & predicari in nomine eius poenitentiam, & remissionem peccatorum per omnes gentes incipientibus à Hierusalem. Et infra: Teneamus ergo Ecclesiam ex ore domini designatam, vnde captura, & quocunque peruentura esset: captura, scilicet ab Hierusalem, & peruentura in omnes gentes. Hac Augustinus. Ab ista igitur Catholica Ecclesia Lutherus sicut antiqui heretici exiuit, de quibus Beatus Ioannes, Ex vobis, inquit, exierunt, sed non erant ex nobis.

Dei Ecclesia in presenti vita aut est visibilis aut nulla.

Caput 12.

Caluin. in
præfat.

Sectariorum quilibet suam quidem Ecclesiam, Calvinus verò quandam inuisibilem commentatus, aduersus Catholicam Ecclesiam apponit, dum inquit: Sed non parum à verò ipsi aberrant, dum Ecclesiam non cognoscunt, nisi quam presenti oculo cernant. Quam etiam sententiam paulo inferius confirmat, dicens. Nos contra asserimus, & Ecclesiam nulla apparente forma constare posse. In alio quoque loco ait. Caterum ad amplexandam eo modo

Calu. ca. 8.
Par. 3.

Eccle-

*Ecclesia vnitatem, nihil opus est Ecclesiam oculis cer-
nere, neque ideo deterior est fides nostra, quod inco-
gnitam apprehendit. Cum quibus pugnant, quæ
alibi reprehendens scholasticos Theologos, quia po-
nunt fidem implicitam, dixit: Sed quorsum addu-
cam? hic sui immemor, quod in alijs damnat, ipsemet
profitetur, videlicet, quod non in cognitione, sed in
ignoratione fides huius articuli, Credo sanctam Ec-
clesiam, consistit. Si enim fides illius non est deterior,
dum incognitam Ecclesiam apprehendit, quare igi-
tur Calvinus damnat indoctæ plebis fidem implici-
tam? Non enim qui fidem implicitam habet omnino
ignorat, sed qualē qualē cognitionem habet. Nec arbi-
tror Calvinum sic desipuisse, quod asserat, Ecclesiam
omnino incognitam credi ab aliquo, sed opinor eum
affirmare, quod ad credendā Ecclesiam non sit opus,
cognoscere eam in speciali, sed quod satis sit, indefi-
nite, sicut credimus diem iudicij, de quo Christus ait:
De die illo nemo scit, id est, definite dies iudicij igno-
ratur ab hominibus, sed indefinite credimus, quod a-
liquando dies iudicij futurus sit. Atque illius diei ig-
noratio definita, non tollit, quin cū cognitione inde-
finita habeatur fides istius articuli: dies iudicij erit.
Sic Calvinus dogmatizat de hoc articulo: Credo san-
ctam Ecclesiam. Videlicet, quod indefinite creden-
dum est, in terris aliquam esse veram Dei Ecclesiam,
qua verò sit illa definite, nos latere respondet. Sed
hanc Caluini de Ecclesia inuisibili aut incognita sen-
tentiam, esse hæreticam, manifestum est: nam cum*

expresso Dei verbo pugnat, ac Dei Ecclesiam omnino destruit. Quia Dei Ecclesia in vnoquoque seculo aut consideratur, prout secundum diuinam predestinationem ex hominibus congreganda, aut congregata est. Atque hos vnius Ecclesie varios considerandi modos, diuina exponit scriptura, dum inquit. Et alias oues habeo, quæ non sunt ex hoc ouili, & illas oportet me adducere, & vocem meam audient, & fiet vnum ouile, & vnus pastor. Itē. Quia Iesus moriturus erat pro gente, & non tantum pro gente, sed vt filios Dei, qui erant dispersi, congregaret in vnu, per oues quidem intra ouile ecclesia congregata: per oues vero extra ouile, & per filios dispersos, congreganda significatur. Atq; hanc per aliquod tempus non apparuisse. Esaias exponit: Lauda sterilis, quæ non paris, decanta laudem & hinni, quæ non pariebas: quoniā multi filij deserte magis, quā eius, quæ habebat virum, dicit dominus. Hunc locū beatus Augustinus exponens, ait: Per multos etiā annos ecclesia, quæ futura erat, in omnibus gentibus in filiis suis, hoc est, in sanctis suis non apparuit, nondum Christo annunciato per euangelistas eius, quibus non est annunciatum per prophetas. Tantum ille. Verū non de ecclesia congreganda, sed de congregata per Patriarcharū, Prophetarū & Apostolorum predicationem, est controuersia. Ecclesia enim congregata post Adæ lapsum, aut consideratur ante legem Moysi, aut post legem ante euangelij predicationem, aut post euangelij predicationē, vsq; in diem iudicij. In primo quidem tempore velut in cunabulis, in altero verò, vt in pueritia fuit. In ter-

Ioan. 10.

Esai. 54.

Aug. de cō
sen. Euan.
cap. 31.

tio autē quasi in adolescentia est, cui iuuentus in sem-
piterna gloria, ubi nunquā senescet, succedit. Et quan-
quam illustrior in sequenti, quā in precedenti æ-
tate Ecclesia fuisset, tamen in nulla illarum Dei Ec-
clesia, nulla apparente forma constitit, nec constare
potuit. Nam illa semper religionis & fidei
symbolum, quo Christi membra in vnā coibant
societatem, & quo à Sathana Ecclesia discerneban-
tur, seruauit. Quanquam propter statuum, & sa-
cramentorum varietatem Ecclesia triumphans quo-
dammodo in militante, & Euangelica in Propheti-
ca, & synagoga in Patriarcharum Ecclesia quasi oc-
cultata fuit. Ecclesia enim Dei non tam illustris ante
legem, quam post legem: nec tam ante Euangelium,
quam post, apparuit: Tamen Dei Ecclesia quocunq;
tempore in forma debita, siue in paucis, siue in mul-
tis semper apparuit, & non solum illis qui intra, sed
etiam illis qui extra illam fuerunt, maximè legis &
Euāgelij temporibus semper fuit visibilis, ac illustris.
Quod si Ecclesia Dei fuisset inuisibilis, visibilia sa-
cramenta in illa non administrarentur: sed sine
visibilibus sacramentis nec potest Ecclesia congre-
gari, nec congregata perstare. Nam Ecclesia est
societas quædā in diuina religione propter adipiscen-
da eterna, & spiritualia bona, & cum hac societas
sit hominum, necesse est, quod illi per aliqua signa
exteriora socientur adinuicem: nam per cordis affe-
ctus, qui inuicem nos latent, nulla societas in hac
mortalī vita potest iniri. Vnde asserere Dei Ec-
clesiam esse inuisibilem, est tollere ab homine potesta-

Aug. cont.
Faust. 19.
c. 11.

tem iniendi societatem in religione. Nam homines non nisi per signa exteriora possunt in aliquam societatem coire. Quod sapientissime exponit Augustinus, In nullum aut, inquit, nomen religionis seu verū seu falsū coagulari homines possunt, nisi aliquo signaculorum, vel sacramentorum visibilium consortio colligantur, quorum sacramentorum vis inenarrabiliter valet plurimum, & ideo contempta sacrilegos facit. Impie quidem contemnitur, sine quo non potest perfici pietas. Hactenus Augustinus. Igitur sicut homines communione vnius idiomatis ad edificandam Babylonicam turrem sociati sunt, & per confusionem linguarum societas dissoluta est, eo quod unusquisque non audiebat, id est, non intelligebat vocem proximi sui, ita in Ecclesia Dei appareat oportet forma religionis, per quam vnus alteri societur, quasi nulla fuerit, non congregabitur: imo si congregata fuerit, dissoluetur. Ecclesia igitur ex hominibus in hac mortali vita congregata, necessaria sunt symbola externa, & visibilia: quia Dei Ecclesia ex hominibus congregata, aut est visibilis, aut nulla.

Cap. 13.

Dei Ecclesiam quam videmus, credimus esse sanctam.

2. Tim. 3.

PAulus quidem, vt clarius, Dei Ecclesiam esse visibilem, exponeret, per domesticam cōuersationem illud significauit. Hec, inquit, tibi scribo, hee, sperans me ad te venire citò: si autem ro, vt scias, quomodo oporteat te in domo Dei
con-

cōuersari quæ est ecclesia Dei viui, columna, et firmamentum veritatis, etc. Beatū Paulum in hoc loco de ecclesia Dei cōgregata ex hominibus in hac vita mortali loqui, manifestum est. Nam de moribus Episcoporum, Diaconorum, virorum, & mulierum differit, quæ ad conuersationem non triumphantis, sed militantis ecclesia spectat, quæ certè omnia visibilia sunt, vt ordinatio Episcoporum & Diaconorum visibilis est, & in ecclesia visibili administrantur. Nam sicut politica & domestica conuersatio est visibilis, ita ecclesiastica conuersatio visibilis est. Hoc tamen differunt, quod illa quidem humanam exigit fidem, hæc verò diuinam. Domus namq; ex viro, vxore, filijs, & famulis constat: atque inter hos est quædam societas, variæ quoque necessitudines sunt. Necessitudo etiam inter maritum & vxorem magis fide, quàm euidentia constat, quia matrimonium magis in amicorum consensu, quàm in corporum consistit communionē. Atque hic animorum mutuus consensus, quo verum matrimonium constat, non videtur, sed tantum creditur: Similiter filius se esse genitum ab istis parentibus, non scit, sed credit, quod de cæteris necessitudinibus existimandum est. Societas igitur domestica & ciuilis visibilis in humana fide fundatur. Vnde coniunx coniugem, filius patrem, socius socium videt, & credit. Visio quidem ad signa exteriora, fides verò ad animi effectus, seu ad alia, quæ latent nos, sine quibus non est vera, domestica, nec ciuilis societas, refertur. Simili modo non videtur ecclesia Dei sanctitas, sed creditur tantum. Deinde baptismus quidem visi-

bilis est, iustificatio verò quæ baptismum consequitur, inuisibilis: fidei confessio similiter sensu corporis cognoscitur, fides verò non sensu, sed fide percipitur.

Atq; homines non per illa, sed per hac, quæ sensibilia sunt, in Christianam societatem, quæ dei ecclesia est, coadunantur: & hac hominum Christiana societas, est dei ecclesia, & eam videmus, & credimus. Visio quidem ad externa signa, fides ad inuisibilem sanctitatem refertur. Hic modus loquendi in diuina scriptura non

Ioan. 20. est infrequens. Quia vidiſti, inquit me Thoma, credidiſti, beati qui non viderunt & crediderunt. Et in

1. Ioan. 0.1. alio loco ait: Vidimus gloriam eius, gloriam quasi vni geniti à patre, plenam gratiam et veritatis. Quibus etiam adiungi potest illud. Quod fuit ab initio, quod audiuius, quod vidimus oculis nostris, quod perspeximus: & manus nostra contrectauerunt de verbo vitæ, et vita manifestata est, & vidimus, & testamur, & annunciamus vobis vitam æternam, quæ erat apud patrem, & apparuit nobis, &c. Idem igitur secundum id quod habet, externum videtur, & secundum id quod habet, internum creditur. Huiusmodi est Dei ecclesia, quæ videtur secundum conuersationem christianam, quam fideles habent in vera religione, & creditur secundum sanctitatem, quæ Christo eius capiti coniungitur, & per illud externum specificatur internum. Quare ut Petrum habere aliam animam à Ioanne desinite cognoscimus per eorum varia corpora, quæ videmus. Similiter veram dei ecclesiam ab ecclesijs hæreticorum, & scismaticorum per symbola discernimus. Quod si aliquod ecclesiæ symbolum, ut in hæreticis perfecta sacramenta, et in scismatici-

scismaticis fidei confessio extra ecclesiam reperiatur: tamen Dei ecclesia sine integro christiana religionis symbolo alicubi esse nō potest. Vnde Calviniana ecclesia nō christi, sed Sathana est, de qua ille. Nos enim, inquit, asserimus et ecclesiā nulla apparente forma cōstare posse. Quod certè dogma manifestè est hereticorū. Nā Christi ecclesia sine fidei confessione, & sine administratione sacramentorum, quæ omnia ad salutem fidelium sunt necessaria, esse non potest: imò si ne istis ecclesia esset impia, & nō dei, sed Sathana esset ecclesia. Hæc namq; externa forma christiana religionis ad dei cultum ptinet. Quia sicut in præcepto de diligendo proximū includitur beneficentia, ita in præcepto credendi continetur fidei confessio. Vnde ecclesia, quæ oris confessione, & sacramentorum administratione non profitetur Deum, non est sancta, nec Dei ecclesia. Ea quo sancta ecclesia nulla apparente forma non poterit constare.

Caluin. in præfat.

Dei ecclesia in præsentī vita sine externa communione non potest perstare.

Caput 14.

Diuina scriptura vt Ecclesia naturam significantius explicaret, translata per hæc verba, domus, corpus, significauit. Nam sicut corpus non solum indiget capitis coniunctione (alias mortuum, aut monstrum esset) sed membrorum quoque requirit ordinem, & connexionem: & sicut in domo quoque non solum vt familia patri familiās subdatur, sed etiam inter domesticos quidam ordo & necessitudo exigitur: simili modo dei

Ad Ephes.
cap. 4.

Ad Roma.
cap. 12.

ecclesia non solum coniungi Christo tanquam capiti, sed quod fideles inuicem tanquam membra connectantur, oportet. Hac diuina scriptura expresse exponit, dum inquit: Veritatem autem facientes in charitate, crescamus in illo per omnia, qui est caput Christus: ex quo totum corpus compactum, et connexum per omnem iuncturam subministrationis secundum operationem in mensuram vnius cuiusque membri augmentum corporis facit in adificationem sui in charitate. Atque hac quidem subministratio visibilis est, ut beatus Paulus docet. Habentes autem, inquit, donationes secundum gratiam, quae data est nobis, differentes, siue prophetiam secundum rationem fidei, siue ministerium in ministrando, qui tribuit in simplicitate, qui praest in sollicitudine, &c. Et quamuis ecclesia interna communio, quam pii fideles cum Deo, & inter se habent, sit aequae ecclesiae necessaria, ut anima homini, & post mortalem vitam illa sufficiat, tamen praesens ecclesia externa communionem opus habet non minus, quam homo corpore: quia Dei ecclesia sine fidei doctrina, sine sacramentorum administratione, & sine pastore esse non potest. Praecipere namque, et obedire, baptizare, & baptizari, catechizare, & catechizari visibilia sunt, atque haec ad ecclesiam externam communionem spectant, & sine istis ecclesia non est. Communio enim externa, quae est per fidem, per dilectionem operantem, non in ecclesia inuisibili, sed visibili locum habet, nam illa proculdubio non docet, fides enim ex auditu non administrat sacramenta, quae visibilia sunt, non praest in sollicitudine

dine, quia correctio visibilis est. Sed quid multis? Hæc Actor. apo
 communionem externam esse necessariam in Chri- sto. 10.
 sti ecclesia diuina scriptura in facto Cornelij Centu-
 rionis expresse docet. Is, inquit, vidit in visu manife-
 ste quasi hora diei nona angelum Dei introeuntem
 ad se, & dicentem sibi, Corneli. At ille intuens eum,
 timore correptus, dixit: Quis es domine? Dixit autē
 illi, orationes tuæ, & eleemosyna tuæ ascenderunt in
 memoriā in conspectu Dei. Et nunc mitte viros in Iop-
 pen, & accersi Simonem quendam, qui cognomina-
 tur Petrus: hic hospitatur apud Simonem quendam
 Coriarium, cuius est domus iuxta mare: hic dicet ti-
 bi, quid te oporteat facere. Hunc locum exponens be-
 atus Augustinus, inuisibilem Caluiānam ecclesiam August. de
 destruit. Neque enim, inquit, & Cornelij gentilis ho- bapt con.
 minis orationes non sunt exaudite, aut eleemosyna Donat. lib.
 non sunt acceptæ. imò & angelum ad se mittit, & 1. - cap. 8.
 missum meruit intueri, per quem posset utiq; sine ho-
 minis alicuius accessu, cuncta necessaria discere. Sed
 quoniam quicquid boni in orationibus, & eleemosy-
 nis habebat, prodesse illi non poterat, nisi per vinculū
 Christiana societatis & pacis incorporaretur eccle-
 sia, iubetur mittere ad Petrum, & per illum discit
 Christum, per illum etiam baptizatus Christiano po-
 pulo, cōsortio quoq; communionis adiungitur cui so-
 la bonorum operum similitudine iungebatur. Perni-
 ciosè quippe contemneret bonum, quod nondum ha-
 bebat, superbiens ex illo quod habebat, & c. Vides igitur
 quemadmodum sine externa communionē nulla
 interna communio potest esse inter aliquos, & per

consequens nec Dei ecclesia nulla forma apparente constare potest.

Sanctorum quidem congregatio inuisibilis, Dei verò Ecclesia visibilis est.

Cap. 15.

Philipp. in
præfat.

Philippus quidem dum inuisibilem ecclesiam impugnat, suam supra arenam adificatam labefactat. Quo spectat autem, inquit, hæc portentosa oratio, quæ negat, esse ullam visibilem ecclesiam. Delet enim omnia testimonia antiquitatis, abolet iudicia, facit *αὐαρχία* infinitam, &c. Si enim inuisibilis ecclesia delet antiquitatis testimonia, abolet iudicia, facit anarchiam infinitam. Similiter si tantum sanctorum congregatio est ecclesia, eadem faciet, cum tam inuisibilis sit sanctorum cœtus, quam quæ maximè. Nam interna sanctitas, & sanctorum congregatio inuisibilia sunt. Sed Augustana confessio cum Philippo, sanctorum congregationem propriè esse ecclesiam dogmatizat. Est autem, inquit, ecclesia Christi propriè congregatio membrorum Christi, hoc est, sanctorum, qui verè credunt, & obediunt Christo. Philippus quoque ait: Itaque ecclesia, quæ verè est regnum Christi, est propriè congregatio sanctorum: nam impij reguntur à diabolo. Quanquam in hac vita, quia nondum reuelatum est regnum Christi, sint admixti ecclesie, & gerant officia in ecclesia, nec propterea impij sunt regnum Christi, &c. Quæ quidem in re & Confessionistæ inuisibilem quodammodo ecclesiam faciunt: nam dei quidem ecclesiam esse sanctam, nemo non credit, sed peccatores in sanctorum ecclesia non esse,

cum

Aug. conf.
artic. 2.

Apolog.

cū expreſſo Dei verbo pugnat. Sancta enim catholica ecclesia nō omnes peccatores à ſua cōmunionem exclu- dit. Hoc etiā Philippus teſtatur, dū inquit: Cōcedimus enim, quod hypocrita, & mali in hac vita ſint admi xti eccleſia, et ſint membra eccleſia ſecundū externā ſocietatem ſignorū eccleſia, hoc eſt, verbi profeſſionis et ſacramentorū, præſertim ſi non ſint excōmunica- ti, etc. Vnius igitur Chriſti corporis, quod eſt eccleſia, mēbra quadam viua, quadā verò mortua ſunt. Qua re definiens eccleſiā per ſanctorū cōgregationem, ex viſibili et determinata eccleſia, inuiſibiē, et indefini tam facit. Nā homines non per ſanctitatem inuiſibi- lē in religione, ſed per viſibilia ſymbole, qua cōmunia ſunt pyſet hypocritis, congregantur: et hac congrega tio viſibilia et determinata, eſt eccleſia. Sed ſancto- rū cōgregatio eſt inuiſibilis et indefinita, quia cōgre- gatio ſanctorū nō poteſt diſcerni à cōgregatione hypo- critarū p externa ſymbole, quia illa ſunt eadem viris q. Vnde hac ſanctorū cōgregatio nullibi erit determi- natē. Si verò philippus dicat, eam determinatē eſſe in eccleſia, vbi ſunt vera ſymbole, etiā in eadem eccleſia ſunt hypocrita. Quare eccleſia non ſolū ſanctorū, ſed omnium credentium eſt congregatio. Prætereā arti- culus quidē fidei, qui iubet nos credere ſanctā eccleſi- am catholicā, in illa omnes credētes includit, et quod definite vnā ſanctam eccleſiam catholicā credamus, requirit, ſed nulla dei eccleſia definita præter iſtā ſan- ctorum, & hypocritarū congregationē, qua religio- nis vera ſymbole habet, in vniuerſo reperiri poteſt. Er- go neceſſe eſt, eam veram & propriē eccleſiam eſſe.

Ioan. 10.

Esai. 54.

Aug. de cō
sen. Euan.
cap. 31.

expresso Dei verbo pugnat, ac Dei Ecclesiam omnino destruit. Quia Dei Ecclesia in vnoquoque seculo aut consideratur, prout secundum diuinam praedestinationem ex hominibus congreganda, aut congregata est. Atque hos vnius Ecclesiae varios considerandi modos, diuina exponit scriptura, dum inquit. Et alias oues habeo, quae non sunt ex hoc ouile, & illas oportet me adducere, & vocem meam audient, & fiet vnum ouile, & vnus pastor. Itē. Quia Iesus moriturus erat pro gente, & non tantum pro gente, sed vt filios Dei, qui erant dispersi, congregaret in vnu, per oues quidem intra ouile ecclesia congregata: per oues vero extra ouile, & per filios dispersos, congreganda significatur. Atq; hanc per aliquod tempus non apparuisse. Esaias exponit: Lauda sterilis, quae non paris, decanta laudem & hinni, quae non pariebas: quoniam multū filij deserta magis, quam eius, quae habebat virum, dicit dominus. Hunc locū beatus Augustinus exponens, ait: Per multos etiā annos ecclesia, quae futura erat, in omnibus gentibus in filiis suis, hoc est, in sanctis suis non apparuit, nondum Christo annunciato per euangelistas eius, quibus non est annunciatum per prophetas. Tantū ille. Verū non de ecclesia congreganda, sed de congregata per Patriarcharū, Prophetarū & Apostolorum predicationem, est controuersia. Ecclesia enim congregata post Adā lapsum, aut consideratur ante legem Moysi, aut post legem ante euangelij predicationem, aut post euangelij predicationē, vsq; in diem iudicij. In primo quidem tempore velut in cunabulis, in altero verò, vt in pueritia fuit. In ter

tio autē quasi in adolescentia est, cui iuuentus in sem-
piterna gloria, vbi nunquā senescet, succedit. Et quan-
quam illustrior in sequenti, quā in precedenti æ-
tate Ecclesia fuisset, tamen in nulla illarum Dei Ec-
clesia, nulla apparente forma constitit; nec consta-
re potuit. Nam illa semper religionis & fidei
symbolum, quo Christi membra in vnā coibant
societatem, & quo à Sathana Ecclesia discerneban-
tur, seruauit. Quāquam propter statuum, & sa-
cramentorum varietatem Ecclesia triumphans quo-
dammodo in militante, & Euangelica in Propheti-
ca, & synagoga in Patriarcharum Ecclesia quasi oc-
cultā fuit. Ecclesia enim Dei non tam illustris ante
legem, quam post legem: nec tam ante Euangelium,
quam post, apparuit: Tamen Dei Ecclesia quocunq;
tempore in forma debita, siue in paucis, siue in mul-
tis semper apparuit, & non solum illis qui intra, sed
etiam illis qui extra illam fuerunt, maximè legis &
Euāgelij temporibus semper fuit visibilis, ac illustris.
Quod si Ecclesia Dei fuisset inuisibilis, visibilia sa-
cramenta in illa non administrarentur: sed sine
visibilibus sacramentis nec potest Ecclesia congre-
gari, nec congregata perstare. Nam Ecclesia est
societas quādā in diuina religione propter adipiscen-
dā aeterna, & spiritualia bona, & cum hac societas
sit hominum, necesse est, quod illi per aliqua signa
exteriora socientur adinuicem: nam per cordis affe-
ctus, qui inuicem nos latent, nulla societas in hac
mortalī vita potest iniri. Vnde asserere Dei Ec-
clesiam esse inuisibilem, est tollere ab homine potesta-

Aug. cont.
Faust. 19.
c. 11.

tem iniendi societatem in religione. Nam homines non nisi per signa exteriora possunt in aliquam societatem coire. Quod sapientissime exponit Augustinus, In nullum aut, inquit, nomen religionis seu verū seu falsū coagulari homines possunt, nisi aliquo signaculorum, vel sacramentorum visibilium consortio colligantur, quorum sacramentorum vis inenarrabiliter valet plurimum, & ideo contempta sacrilegos facit. Impie quidem contemnitur, sine quo non potest perfici pietas. Hactenus Augustinus. Igitur sicut homines communionem vnius idiomatis ad edificandam Babylonicam turrem sociati sunt, & per confusionem linguarum societas dissoluta est, eo quod unusquisque non audiebat, id est, non intelligebat vocem proximi sui, ita in Ecclesia Dei appareat oportet forma religionis, per quam vnus alteri societur, quæ si nulla fuerit, non congregabitur: imo si congregata fuerit, dissoluetur. Ecclesie igitur ex hominibus in hac mortali vita congregata, necessaria sunt symbola externa, & visibilia: quia Dei Ecclesia ex hominibus congregata, aut est visibilis, aut nulla.

Cap. 13.

Dei Ecclesiam quam videmus, credimus esse sanctam.

2. Tim. 3.

PAulus quidem, vt clarius, Dei Ecclesiam esse visibilem, exponeret, per domesticam cōuersationem illud significauit. Hæc, inquit, tibi scribo fili Timothee, sperans me ad te venire citò: si autem tardauero, vt scias, quomodo oporteat te in domo Dei
con-

cōuersari quæ est ecclesia Dei viui, columna, et fir-
mentum veritatis, etc. Beatū Paulum in hoc loco de
ecclesia Dei cōgregata ex hominibus in hac vita mor-
tali loqui, manifestum est. Nam de moribus Episcopo-
rum, Diaconorum, virorum, & mulierum disserit,
quæ ad conuersationem non triumphantis, sed mili-
tantis ecclesiæ spectāt, quæ certè omnia visibilia sunt,
vt ordinatio Episcoporum & Diaconorum visibilis
est, & in ecclesia visibili administrantur. Nam sicut
politica & domestica conuersatio est visibilis, ita ec-
clesiastica conuersatio visibilis est. Hoc tamen disse-
runt, quod illa quidem humanam exigit fidem, hæc
verd diuinam. Domus namq, ex viro, vxore, filijs, &
famulis constat: atque inter hos est quadam societas,
varia quoque necessitudines sunt. Necessitudo etiam
inter maritum & vxorem magis fide, quàm euiden-
tia constat, quia matrimonium magis in amicorum
consensu, quàm in corporum consistit communione.
Atque hic animorum mutuus consensus, quo verum
matrimonium constat, non videtur, sed tantum cre-
ditur. Similiter filius se esse genitum ab istis parenti-
bus, non scit, sed credit, quod de cæteris necessitudini-
bus existimandum est. Societas igitur domestica &
ciuilis visibilis in humana fide fundatur. Vnde con-
iunx coniugem, filius patrem, socius socium videt, &
credit. Visio quidem ad signa exteriora, fides verd
ad animi effectus, seu ad alia, quæ latent nos, sine qui-
bus non est vera, domestica, nec ciuilis societas, refer-
tur. Simili modo non videtur ecclesiæ Dei sanctitas,
sed creditur tantum. Deinde baptismus quidem visi-

bilis est, iustificatio verò quæ baptismum consequitur, inuisibilis: fidei confessio similiter sensu corporis cognoscitur, fides verò non sensu, sed fide percipitur.

Atq; homines non per illa, sed per hæc, quæ sensibilia sunt, in Christianam societatem, quæ dei ecclesia est, coadunantur: & hæc hominum Christiana societas, est dei ecclesia, & eam videmus, & credimus. Visio quidem ad externa signa, fides ad inuisibilem sanctitatem refertur. Hic modus loquendi in diuina scriptura non

Ioan. 20. est infrequens. Quia vidisti, inquit me Thoma, credidisti, beati qui non viderunt & crediderunt. Et in

1. Ioan. 0. 1. alio loco ait: Vidimus gloriam eius, gloriam quasi vni geniti à patre, plenam gratiam et veritatis. Quibus etiam adiungi potest illud. Quod fuit ab initio, quod audiuius, quod vidimus oculis nostris, quod perspeximus: & manus nostræ contrectauerunt de verbo vitæ, et vita manifestata est, & vidimus, & testamur, & annunciamus vobis vitam æternam, quæ erat apud patrem, & apparuit nobis, &c. Idem igitur secundum id quod habet, externum videtur, & secundum id quod habet, internum creditur. Huiusmodi est Dei ecclesia, quæ videtur secundum conuersationem christianam, quam fideles habent in vera religione, & creditur secundum sanctitatem, quæ Christo eius capiti coniungitur, & per illud externum specificatur internum. Quare ut Petrum habere aliam animam à Ioanne definitè cognoscimus per eorum varia corpora, quæ videmus. Similiter veram dei ecclesiam ab ecclesijs hæreticorum, & scismaticorum per symbola discernimus. Quod si aliquod ecclesiæ symbolum, ut in hæreticis perfecta sacramenta, et in scismati-

Caluin. in
præfat.

scismaticis fidei confessio extra ecclesiam reperiatur: tamen Dei ecclesia sine integro christiana religionis symbolo alicubi esse uō potest. Vnde Caluiniana ecclesia nō christi, sed Sathana est, de qua ille. Nos enim, inquit, asserimus et ecclesiā nulla apparete forma cōstare posse. Quod certè dogma manifestè est hereticorū. Nā Christi ecclesia sine fidei confessione, & sine administratione sacramentorum, quæ omnia ad salutem fidelium sunt necessaria, esse non potest: imò si ne istis ecclesia esset impia, & nō dei, sed Sathana esset ecclesia. Hac namq; externa forma christiana religionis ad dei cultum p̄tinet. Quia sicut in præcepto de diligendo proximū includitur beneficentia, ita in præcepto credendi continetur fidei confessio. Vnde ecclesia, quæ oris confessione, & sacramentorum administratione non profitetur Deum, non est sancta, nec Dei ecclesia. Ea quo sancta ecclesia nulla apparente forma non poterit constare.

Dei ecclesia in præsentī vita sine externa communione non potest perstare.

Caput 14.

Diuina scriptura ut Ecclesia naturam significantiū explicaret, translatè per hæc verba, domus, corpus, significauit. Nam sicut corpus non solum indiget capitis coniunctione (alias mortuum, aut monstrum esset) sed membrorum quoque requirit ordinem, & connexionem: & sicut in domo quoque non solum ut familia patri familiās subdatur, sed etiam inter domesticos quidam ordo & necessitudo exigitur: simili modo dei

Ad Ephes.
cap. 4.

ecclesia non solum coniungi Christo tanquam capiti, sed quod fideles inuicem tanquam membra connectantur, oportet. Hac diuina scriptura expresse exponit, dum inquit: Veritatem autem facientes in charitate, crescamus in illo per omnia, qui est caput Christus: ex quo totum corpus compactum, et connexum per omnem iuncturam subministrationis secundum operationem in mensuram vnius cuiusque membri augmentum corporis facit in adificationem sui in charitate.

Ad Roma.
cap. 12.

Atque hac quidem subministratio visibilis est, ut beatus Paulus docet. Habentes autem, inquit, donationes secundum gratiam, quae data est nobis, differentes, siue prophetiam secundum rationem fidei, siue ministerium in ministrando, qui tribuit in simplicitate, qui praest in sollicitudine, &c. Et quamuis ecclesiae interna communio, quam pii fideles cum Deo, & inter se habent, sit aequae ecclesiae necessaria, ut anima homini, & post mortalem vitam illa sufficiat, tamen praesens ecclesia externa communionem opus habet non minus, quam homo corpore: quia Dei ecclesia sine fidei doctrina, sine sacramentorum administratione, & sine pastore esse non potest. Praecipere namque, et obedire, baptizare, & baptizari, catechizare, & catechizari visibilia sunt, atque hac ad ecclesiae externam communionem spectant, & sine istis ecclesia non est. Communio enim externa, quae est per fidem, per dilectionem operantem, non in ecclesia inuisibili, sed visibili locum habet, nam illa proculdubio non docet, fides enim ex auditu non administrat sacramenta, quae visibilia sunt, non praest in sollicitudine

dine, quia correctio visibilis est. Sed quid multis? Hæc Añtor. apo
sto. 10.
 communionem externam esse necessariam in Chri-
 ste ecclesia diuina scriptura in facto Cornelij Centu-
 rionis expresse docet. Is, inquit, vidit in visu manife-
 ste quasi hora diei nona angelum Dei introeuntem
 ad se, & dicentem sibi, Corneli. At ille intuens eum,
 timore correptus, dixit: Quis es domine? Dixit autẽ
 illi, orationes tuæ, & eleemosyna tuæ ascenderunt in
 memoriã in conspectu Dei. Et nunc mitte viros in Iop-
 pen, & accersi Simonem quendam, qui cognomina-
 tur Petrus: hic hospitatur apud Simonem quendam
 Coriarium, cuius est domus iuxta mare: hic dicet ti-
 bi, quid te oporteat facere. Hunc locum exponens be-
 atus Augustinus, inuisibilem Caluianam ecclesiam August. de
bapt con.
Donat. lib.
1. - cap. 8.
 destruit. Neque enim, inquit, & Cornelij gentilis ho-
 minis orationes non sunt exaudita, aut eleemosyna
 non sunt acceptæ. imò & angelum ad se mittit, &
 missum meruit intueri, per quem posset vtiq; sine ho-
 minis alicuius accessu, cuncta necessaria discere. Sed
 quoniam quicquid boni in orationibus, & eleemosy-
 nis habebat, prodesse illi non poterat, nisi per vinculũ
 Christiana societatis & pacis incorporaretur eccle-
 sia, iubetur mittere ad Petrum, & per illum discit
 Christum, per illum etiam baptizatus Christiano po-
 pulo, cõsortio quoq; communionis adiungitur cui so-
 la bonorum operum similitudine iungebatur. Perni-
 ciosè quippe contemneret bonum, quod nondum ha-
 bebat, superbiens ex illo quod habebat, & c. Vides igi-
 tur quemadmodum sine externa communione nulla
 interna communio potest esse inter aliquos, & per

consequens nec Dei ecclesia nulla forma apparente constare potest.

Sanctorum quidem congregatio inuisibilis, Dei verò Ecclesia visibilis est.

Cap. 15.

Philipp. in
prætat.

Philippus quidem dum inuisibilem ecclesiam impugnat, suam supra arenam adificatam labefactat. Quo spectat autem, inquit, hac portentosa oratio, quæ negat, esse ullam visibilem ecclesiam. Delet enim omnia testimonia antiquitatis, abolet iudicia, facit *αὐαρχία* infinitam, &c. Si enim inuisibilis ecclesia delet antiquitatis testimonia, abolet iudicia, facit anarchiam infinitam. Similiter si tantum sanctorum congregatio est ecclesia, eadem faciet, cum tam inuisibilis sit sanctorum cœtus, quàm quæ maximè. Nam interna sanctitas, & sanctorum congregatio inuisibilia sunt. Sed Augustana confessio cum Philippo, sanctorum congregationem propriè esse ecclesiam dogmatizat. Est autem, inquit, ecclesia Christi propriè congregatio membrorum Christi, hoc est, sanctorum, qui verè credunt, & obediunt Christo. Philippus quoque ait: Itaque ecclesia, quæ verè est regnū Christi, est propriè congregatio sanctorum: nam impij reguntur à diabolo. Quanquam in hac vita, quia nondum reuelatum est regnum Christi, sint admixti ecclesia, & gerant officia in ecclesia, nec propterea impij sunt regnum Christi, &c. Quæ quidem in re & Confessionistæ inuisibilem quodammodo ecclesiam faciunt: nam dei quidem ecclesiam esse sanctam, nemo non credit, sed peccatores in sanctorum ecclesia non esse,

cum

Aug. conf.
artic. 2.

Apolog.

cū expreſſo Dei verbo pugnat. Sancta enim catholica ecclesia nō omnes peccatores à ſua cōmunionē exclu- dit. Hoc etiā Philippus teſtatur, dū inquit: Cōcedimus enim, quod hypocrita, & mali in hac vita ſint admi- xti eccleſiæ, et ſint membra eccleſiæ ſecundū externā ſocietatem ſignorū eccleſiæ, hoc eſt, verbi profeſſionis et ſacramentorū, præſertim ſi non ſint excōmunica- ti, etc. Vnius igitur Chriſti corporis, quod eſt eccleſia, mēbra quadam viua, quadā verò mortua ſunt. Qua- re definiens eccleſiā per ſanctorū cōgregationem, ex- viſibili et determinata eccleſia, inuiſibiē, et indefini- tam facit. Nā homines non per ſanctitatem inuiſibi- lē in religione, ſed per viſibilia ſymbola, quæ cōmunia ſunt pijs et hypocritis, congregantur: et hac congrega- tio viſibilia et determinata, eſt eccleſia. Sed ſancto- rū cōgregatio eſt inuiſibilis et indefinita, quia cōgre- gatio ſanctorū nō poteſt diſcerni à cōgregatione hypo- critarū p̄ externa ſymbola, quia illa ſunt eadem vtriſ- q̄. Vnde hac ſanctorū cōgregatio nullibi erit determi- natē. Si verò philippus dicat, eam determinatē eſſe in eccleſia, vbi ſunt vera ſymbola, etiā in eadem eccleſia ſunt hypocrita. Quare eccleſia non ſolū ſanctorū, ſed omnium credentium eſt congregatio. Prætereā arti- culus quidē fidei, qui iubet nos credere ſanctā eccleſi- am catholicā, in illa omnes credētes includit, et quod definite vnā ſanctam eccleſiam catholicā credimus, requirit, ſed nulla dei eccleſia definita præter iſtā ſan- ctorum, & hypocritarū cōgregationē, quæ religio- nis vera ſymbola habet, in vniuerſo reperiri poteſt. Er- go neceſſe eſt, eam veram & propriē eccleſiam eſſe.

non de militante, sed de triūphante ecclesia intelligē-
da sunt: non enim hic, sed illic ecclesia gloriosa & si-
ne macula est. Corpus quidem Christi mysticum,
quod est ecclesia, à naturali corpore in hoc differt,
quod hoc simul habet omnia membra, & anima ea
uiuificet: sed ecclesia, quæ est Christi corpus, non om-
nia membra habet simul, & illa quæ habet, vario mo-
do capiti vniuntur. Angeli quidem & beatorum ani-
mæ Christi membra esse, nemo dubitat: ij enim Chri-
sto capiti per gloriā coniuncti, quædam ecclesia pars,
quam Christus sibi exhibuit gloriosam, sunt: sancti
verò in hac mortali vita existentes Christo sunt con-
iuncti per fidem, quæ per dilectionem operatur, &
isti non sunt sine macula, nec sine ruga peccatorum.
Christiani verò hypocritæ sunt coniuncti Christo
per fidem mortuam, quæ non operatur per dilectio-
nem, & isti sunt per pœnitentiam Deo reconciliandi.
Quidam sunt etiam electi, qui adhuc non sunt voca-
ti ad fidem, & isti per prædestinationem Christo con-
iunguntur: & ex omnibus istis quidem in beata vi-
ta futura est ecclesia gloriosa sine macula & sine ru-
ga. Nunc verò quanquam maculæ non careat pro-
pter aliquos, qui in ea sunt, tamen ipsa nihilominus
sancta est.

Non omnia Ecclesiæ membra parti-
cipant sanctorum communionem.

Cap. 17.

NEque etiam quod in symbolo traditur, vide-
licet, Sanctorum communionem (vt Philip-
pus vult) specificat sanctam ecclesiam, vt tan-

Philipp. A-
polog.

R S

tum

tum accipiat pro sanctorum cōgregatione. (Et articulus, inquit, in symbolo, qui iubet nos credere, quod sit sancta catholica ecclesia: impij verò non sunt sancta ecclesia: & videtur additum, quod sequitur: sanctorum communio, vt exponeret quid significet ecclesia, nempe congregationem sanctorum, qui habet inter se societatem, &c.) Nā ecclesia, et si sanctorum cōmunionem contineat, tamen plures alias communionis amplectitur. Nam inter Christi mēbra mortua & viua fidei & sacramentorum cōmunio reperitur, ob quam ex illis omnibus, non duæ, sed vna tantū conficitur ecclesia. Similiter membra viua inter se quandam aliam specialem societatem habent, videlicet, in fide per charitatem operātem, quæ membra mortua, non participant, aliās nulla differentia esset inter vtrāq; Hanc vnius ecclesiæ & membrorū & communionis varietatem apostolorum symbolum exponit, dū ait: Sanctam ecclesiā, sanctorum communionē. Nam per sanctam ecclesiam quadam et mortuorum et viuorum membrorum societas explicatur: per sanctorum verò cōmunionem piorum tantū societas denotatur. Differunt igitur, quia prima illa cōmunio est inter omnes corde credentes, & ore confitentes catholicam fidem, & ecclesia sacramenta participant, & in eius vnitate manentes. Secunda verò in illis tantū est, qui habent fidem, quæ per delectionē operatur. Quare prima communio sine secunda in peccatoribus inuenitur. At secundam sine prima in militante ecclesia nemō habere potest. Atq; hoc ex Cornelij vocatione, et beati Augustini sententia, quam superius

perius citavi, manifestum est: quia ille, quanquam orationes eius gratae essent apud Deum, tamen non habebat sanctorum communionem. Quid quod ecclesiae societatem non habebat, quam postea iniuit beati Petri praedicationi credendo, & baptismum suscipiendo. Per hanc igitur externam societatem, quae pijs, et impijs communis est, iniuit communionem, quae propria est piorum. Membra etiam ecclesiae mortua cum sanctis, non solum externam, sed qualem qualem internam communionem habent, quia corde credunt, & ecclesia pro illis orat, illisque dispensat Dei mysteria, et seminat spiritualia, quae ad internam communionem pertinent. Peccatores enim non excommunicati horum participes sunt, quapropter illa verba: sanctorum communionem: non ponuntur ad explicandum, quid ecclesia significet, sed ad exponendam specialem communionem sanctorum, quae inter peccatores non reperitur: quamvis quandam aliam communionem cum sanctis in una sancta ecclesia Catholica habeant.

Et si omnia ecclesiae membra vocata sunt ad sanctitatem, tamen non omnes fideles sunt sancti.

Caput 18.

ET si sectarii nostri seculi Donatistas damnant, tamen in definiendo sanctam ecclesiam nihil magis quam Donatista videtur. Nam hi peccatores a sancta ecclesia excludunt: Donatista vero ecclesiam per malorum admixtionem amisisse sanctitatem, & propter hoc, in quibusdam mundi partibus illam

illam defuisse, asseruere. Atque ita omnes illi, quamquam verbis discrepent, sententijs tamen conueniunt, dum ecclesiam, sanctorum tantum esse congregationem existimant. Sed sectarij sibi non constant: nam si aduersus Donatistas fatentur ecclesiam per malorum admixtionem non admittere sanctitatem, concedant igitur nobiscum oportet, sanctam Dei ecclesiam malos bonis admixtos intra se continere, sed id non faciunt. Imò quemadmodum Donatista malos iustorum esse socios in Christiana religione, & religionem esse piam non concedunt: ita sectarij ex malis & bonis vnam sanctam ecclesiam constare, non capiunt. Quasi verò ecclesia sanctitas à membrorum sanctitate, & non à Deo pendeat, vt fidei symbolum exponit, dùm ait: Credo in Spiritum sanctum, sanctam ecclesiam. Hi enim duo articuli sunt coniungendi: nam Spiritus sanctus ecclesiam significat, & quotquot renascuntur ad vitam immortalem in ecclesia vtero eos concipi oportet. Quapropter sicut Aristoteles terrenam ciuitatem priorem esse suis ciuibus erponit, dùm inquit: Et certè secundum naturam prius est ciuitas, quàm domus, & quàm singuli nostrum. Nam totum prius esse, quàm partem, necessarium est: perempto enim toto, non erit pes, nec manus, nisi à quiuocè, &c. Ita Dei ecclesia prior est, quàm sancti qui sunt eius membra, imò veriùs hoc ecclesie conuenit, quæ non ab hominibus sicut terrena ciuitas, sed à Deo instituta est. Quare beatus Ioannes de ecclesia ait: Vidi ciuitatem sanctam Ierusalem de calo descendentem, à Deo paratam, &c. Vnde

Arist. 1. Polit. 2. cap.

Ioan. Apocal.

de quanquam quis prior sit homo quàm Christianus, tamen prior est ecclesia, quàm aliquis regeneratus Christo: quia parens prior est filio. In terrena etiam ciuitate plures nascuntur ciues, sed in ecclesia nullus nascitur Christianus, sed renascitur: & hoc expresse Dei verbum exponit, dùm inquit: Per quem Ad Rō. 1. accepimus gratiam, & apostolatū ad obediendum fidei in omnibus gentibus pro nomine eius, in quibus estis & vos vocati, Iesu Christi, omnibus qui sunt Roma dilectis dei vocatis sanctis. Item in alio loco scriptura ait: Paulus vocatus apostolus Iesu Christi, per 1. Ad Cor. 1. cap. voluntatem Dei, & Sosithenes frater ecclesie dei que est Corinthi, sanctificatis in Christo Iesu, vocatis sanctis: ad ecclesiam enim vocati sunt, quotquot in ea renascuntur, & omnes ad sanctitatem vocantur. Vnde quia ecclesia est sancta, filij eius vocantur & sancti, non quod sint omnes sanctificati, sed quo omnes per baptismum profiteantur sanctitatem. Non enim in Romana, nec in Corinthia ecclesia, ad quas Paulus scripsit, omnes erant sancti: tamē omnes erāt vocati ad sanctitatē, & ob hoc à Paulo omnes vocantur sancti, & illorum visibilem congregationem, in qua verisimile est, aliquos malos bonis esse permixtos, vocat Dei ecclesiam: Quod si Dei est, proculdubio sancta est.

Fidelium non prauæ sed piæ actiones ad catholicam Ecclesiam referuntur.

Sed

Caput 19.

Sed animaduertendum est, quod Ecclesie sanctitas quaedam publica, alia verò priuata est: quae distinctio in terrena ciuitate facile cognoscitur, quia aliud est, esse ciuem in ciuitate legitimè instituta, & aliud est, esse bonum ciuem: hoc ad priuatam, illud ad publicam spectat iustitiam. Ciuitatis quidem publica iustitia est legitima ciuitatis institutio, qua homines in vnā societatem sub eisdem legibus iustis propter publicum bonum coadunantur. De hac publica ciuitatis iustitia Aristoteles ait. Qui autem primus instituit, maximorum bonorum causa fuit. Ut enim perfectione suscepta optimum cunctorum animalium est homo, ita si alienus fiat à lege & à iudicijs, pessimum est omnium animalium, seuissima est enim iniustitia tenens arma. Cicero quoque ait. Nihil est enim illi principi Deo, qui omnem hunc mundum regit, quod quidem in terris fiat, acceptius, quam concilia, cœtusq; hominem iure sociati, quae ciuitates appellantur. Si igitur ciuitas, quae homines legitimo iure sociat, ad pacem terrenam assequendam est iusta, multo magis Dei Ecclesia, quae homines diuino iure sociat ad aeternam vitam assequendam, est sancta. Publica enim ecclesiae sanctitas est diuina institutio qua homines sub vera religione ad aeternam consequendam vitam sociantur. Nam sicut ciues ciuilem vitam, ita Christiani sanctitatem profitentur, sed inter ciuitatis publicam iustitiam, & ecclesiae sanctitatem hoc interest, quod illa quanquam sit legitima, tamen quia ab hominibus instituta est, in omnibus Reipublicae membris desicere,

cere, & esse inefficax potest. Vnde frequenter accidit, ciues omnes à iustitia deficere, propter quā causam respublica quadam periēre. Ecclesia verò, quia à deo instituta est, licet eius sanctitas in aliquibus sit inefficax, tamen secundū dei promissionem in omnibus nō potest esse inefficax, & quod in aliquibus non sit efficax, non est, quod insufficiens sit, sed quod sicut in humano corpore quadam mēbra, quia mortua, aut laesa sunt, non viuificantur, neq; mouentur ab anima, non quia anima nō sufficiat illa mouere, sed q̄ propter illorum infirmitatem non sint disposita ad motū, nec ad vitam, ita propter impietatem multi in ecclesia non participant sanctitatem. De hac ecclesia sanctitate Paulus: non enim, inquit, vocauit nos deus in immundiciā, sed in sanctificationē: ecclesia enim est sancta, quia quotquot in ea regenerantur, ad mundiciam sectandam, quæ est sanctificatio, vocantur, & deputantur. Hinc est, quod quicquid boni ecclesia mēbra operantur, quanquam ad priuatam sanctitatem pertineat, tamen ad publicam refertur, vt in homine operationes membrorum singulorum dicuntur esse totius. Videre enim non conuenit omnibus sensibus, nec membris, sed oculorum priuata operatio est: tamē quia oculus est corporis membrum, ideo homo videt, & visio magis, & principalibus ab homine, quā ab oculo pendet. Aliquando enim clara luce, apertisque oculis non videmus, quia mens ad videndum non attendit. Sic sanctorum bona opera se habent: nam vnus quidam orat, alter verò dat

Eleemo

1. ad Thes.
4.

Eleemosynam: atque ista priuata operationes sunt, quapropter ad ecclesia priuatam sanctitatem, id est, ad vnum quenque fidelium pertinent, sed quia fiunt in ecclesiastica communione, ad ecclesia sanctitatem referuntur, & per hac ecclesia est sancta, quia fiunt iuxta ecclesia publicam vocationem, videlicet ad sanctificationem. Et hoc modo ecclesia sanctitas per sanctos promouetur, & oratio, & eleemosyna magis, quia fiunt in ecclesia vnitatem, quam quia a persona priuata sunt sancta. At impiorum mala opera, quia non sunt secundum ecclesia vocationem, non ad publicam, sed ad priuatam impietatem referuntur, vt in homine corporis incrementum non numeratur inter humanas operationes, quia hac operatio non est per intellectum, secundum quem homo operatur. Ita si furatur, aut adulteratur Christianus, hac opera, quae non sunt secundum iustificationem, non possunt in ecclesiam referri, sed tantum in priuatum. Quia igitur societas ecclesia non ad impietatem, sed ad pie operandum a Deo instituta est, ideo priuatorum bona opera ad ecclesiam referuntur: mala vero opera nullo modo, quia societas non est in ecclesia ad furandum, sed ad dandam eleemosynam. Vnde ex propria ipsius ecclesia natura, haeresis Donatistarum manifeste conuincitur. Quia quamuis in Dei ecclesia multi sunt impii, non ideo illa & impia, quia illorum impietas non refertur ad Dei ecclesiam. Sectarii quoque nostri saeculi infamantes ecclesia prelatos, etsi ore negent se esse Donatistas, tamen opere Donatizant. Nam licet prelati sint impii, non ideo eccle-

ecclesia illorum peccatorum est particeps, quia priuata peccata non secundum Ecclesiae uocationem fiunt. Ecclesia igitur ex malorum congregatione non uitiatur, & ex consequenti ex malis & bonis vnā sanctam Ecclesiam constare, absurdum uideri non debet.

Ecclesia habens malis admixtos bonos est vna sancta Catholica & Apostolica.

Caput 10.

Sed Calvinus ad cauendum inconuenientia, quae inuisibili emergunt Ecclesiae, duas Ecclesias ad illam tuendam commentatus est, atque ad vnum errorem astruendum alterum excogitauit.

Bisariam enim, inquit, de Ecclesia sacraliter loquuntur: interdum enim, cum Ecclesiam nominant, eam intelligunt, quae reuera est coram Deo, in qua nulli recipiuntur, nisi qui adoptionis gratia filij Dei sunt, &c. Quibus quidem verbis, si Calvinus de Ecclesia iuxta Catholicorum patrum sententiam differeret, cum in illo hoc articulo non contenderem.

Calu. ca. 2.
Par. 4.

Nam duobus modis Dei capi Ecclesiam omnes Catholici fatentur, duas tamen esse omnes negant. Ecclesia quidem propter varias eius status variè accipitur: nam aliter in praesenti uita, & aliter in futura consideratur: & in praesenti aut in membris uiuis, aut mortuis. In futura quidem uita verum est, quod sectarij dicunt, quod boni non sunt malis permixti, quia beatitudinis status hoc exigit, sed Ecclesiam in

S

pra-

Aug. col. 3.
cū Donat.

presentis vite statu habere malos permixtos bonis, non repugnat. Verūm propter hanc varietatem Ecclesia non variatur. testimonia enim scriptarum, quae explicant malos non esse bonis permixtos non de militante, sed de triumphante Ecclesia loquuntur, quod expresse beatus Augustinus exponit, dum inquit. Sic ostendentes diuina testimonia consonare, ut & illa, quibus commendaretur Ecclesia cum malorum commixtione, hoc tempus eius significarent, qualis est in presenti saeculo, & illa testimonia quibus commendatur, non habere commixtos malos, illud eius tempus significarent, qualis venturo saeculo in aeternum futura est. Et infra. Hae duo tempora Ecclesia quae nunc est, & qualis tunc erit, significata esse etiam duabus piscationibus, vnum ante resurrectionem Christi, quando mitti iussit retia, nec sinistram, nec dexteram nominans partem, ut nec solos malos, nec solos bonos, sed commixtos bonis malos inter retia suorum sacramentorum futuros doceret. Post resurrectionem autem quando iussit retia mitti in dexteram partem, ut post resurrectionem nostram bonos solos in Ecclesia futuros intelligeremus, ubi alterius haereses & schismata non erunt, quibus modo retia dirumpuntur. Nam & Euangelium non tacuit in prima piscatione commemorare, retia esse dirupta: & in nouissima dictum, & cum tam magni essent, pisces, retia non sunt dirupta. De tali Ecclesia dictum esse, quod per illam non erat transiturus incircuncisus, & immundus: ad immundos enim pertinere schismaticas separationes, quia tunc non erunt, quia
retia

retia non sunt diuupta. His etiam adiungi possunt, quæ inferius ait. De duabus etiam Ecclesijs calum-
 niam eorum Catholici refutarunt, identidem ex-
 pressius ostendentes, quid dixerint, id est, non eam
 Ecclesiam quæ nunc habet permixtos malos, alie-
 nam se dixisse à regno Dei, vbi non erunt malī
 commixti, sed eandem ipsam vnā & sanctam Ec-
 clesiam nunc esse aliter, tunc autem aliter futu-
 rā, nunc habere malos mixtos, tunc non habiturā.
 Sicut nunc mortalē, quod ex mortalibus constaret ho-
 minibus, tunc autem immortalē, quod in ea nullus
 esset vel corpore moriturus: sicut nō ideo duo Christi,
 quia prior mortuus, postea non moriturus. Dictū est
 etiam de homine exteriorē, & interiorē: quæ cum sint
 diuersa, tamen non dici duos homines quanto minus
 dici duas Ecclesias, cum ydem ipsi qui nunc boni, tol-
 lerant permixtos malos, & resurrecturi moriūtur:
 tūc nec mixtos malos habituri sint, nec omnino mori-
 turi. Hactenus August. Ecclesia igitur nō habens per-
 mixtos malos gloriosa sine macula, & sine ruga Deo
 per æternam gloriam copulata est triumphans, quæ
 etiam huic Ecclesiæ militanti, in qua boni commixti
 sunt malis, coniuncta est. Vnde non duas, sed vnā Ec-
 clesiā constituūt, quia vni capiti q̄ est Christus, copu-
 lantur. Quod si Caluinus in loco allegato de hac tri-
 umphante Ecclesiā intelligit, nulla est controuersia:
 si verò de militatē, proculdubio fallitur. Nam diuina
 scriptura, militantē Ecclesiā neminē recipere, nisi q̄
 adoptionis gratia filij Dei sunt, non dicit, quia hoc nō
 Dei Ecclesiā militati, sed triūphati, p̄priū est. Atq; hoc

1. Cor. 1.

manifeste doctrina Apostolica testatur, dum inquit: Fidelis Deus, per quem vocati estis in societatem filij eius Iesu Christi domini nostri. Et in alio loco ait. Iam non estis hospites, & aduena, sed estis ciues sanctorum, & domestici Dei. Quibus quidem locis nulli dubium est, beatum Paulum Dei Ecclesia loqui: non enim alicui priuato, sed Ecclesia in illis epistolis scripsit: & quamuis solis electis Pauli verba conueniant, quia isti reuera sunt vocati in societatem filij Dei, ac ciues sanctorum & domestici Dei, tamen quando Paulus hac scripsit illi non in Ecclesia, in qua nulli nisi electi recipiuntur, sed in Ecclesia Ephesina, aut Corinthia, in qua non solum sancti, sed peccatores recipiuntur, erant. Diuina enim scriptura dum de Ecclesia mentionem facit, aliquando loquitur de sanctis, aliquando de peccatoribus, qui sunt in Ecclesia, aliquando de vtrisque: sed Ecclesiam malos bonis non habentem admixtos, nunquam intelligit nisi triumphantem, qua sola est gloriosa.

Cap. 21.

Catholica Ecclesia habens malis admixtos bonos non Ecclesiae species, sed reuera est Ecclesia coram Deo.

Caluin. c. 8
par. 4.

Sed iam ad duas Ecclesias, quas Calvinus assignat veniamus. Quemadmodum ergo, inquit, nobis inuisibilem solis dei oculis conspicuam Ecclesiam credere necesse est, ita hanc qua respectu hominum Ecclesia dicitur, obseruare, eiusque communionem colere iubemur, &c. Calvinus profecto his ver-
bis

bis duas Ecclesias, ni fallor, vnā quidem respectu
 hominum, alterā verò coram Deo exponit: cui sen-
 tentia Philippi videtur subscribere, dum inquit. Et Philip.
 Christus de specie Ecclesiæ dicit, cum ait. Simile est Apolog.
 regnum cælorum sagena, aut decem virginibus,
 &c. Sed neq₃ Caluini Ecclesiæ distinctio in ecclesiam
 coram Deo, & respectu hoīum, neq₃ Philippi in verā
 ecclesiā, & specie Ecclesiæ cum hoc fidei articulo: san-
 ctam ecclesiam, constare potest. Nam symbolum his
 verbis: sanctam Ecclesiam Catholicam, vnā Dei
 ecclesiam, non duas exponit: & Ecclesiam vnā esse
 Catholici & sectarij concedunt. Quod si dicunt Ec-
 clesiam, quæ est respectu hominum, & quæ est species
 Ecclesiæ, eandem cum Ecclesia, quæ reuera est coram
 Deo, esse, sed varijs modis consideratur, sicut homo
 exterior & interior est idem existens homo: tunc
 Ecclesiam respectu hominum, seu Ecclesiā speciem
 esse, ipsammet, quæ est corā Deo, concedere oportet:
 & hoc modo intelligendo distinctionem, nulla est con-
 trouersia de ecclesiæ vnitāte, sed vera cōcordia, quia
 non duæ, sed vna est Dei Ecclesia. Si verò dicunt Ec-
 clesiam respectu hominum esse aliam ab Ecclesia,
 quæ reuera est coram Deo, certè id fiet, aut quia ha-
 bet admixtos cum bonis malos, aut quod malorum
 est congregatio. Si ob hoc est alia, bene quidem di-
 cunt, nam huiusmodi congregatio non Dei, sed Sa-
 thana est ecclesia, & istam obseruare, ac eius com-
 munionem colere, tantum ab est, vt iubeamur, vt
 potius diuina scriptura deuitandam, & execrandā
 doceat. Non sedi, inquit, cum concilio vanitatis, &

Psalm. 25.

cum iniqua gerentibus non introibo. Odiui Ecclesiam malignantium. & cum impijs non sedebo. Restat igitur secundum sectarios, quod Ecclesia quæ bonis permixtos habet malos, sit diuersa ab illa, quæ sanctorum est congregatio, quod esse hæreticum, manifestum est. Nam Ecclesia, quæ est respectu hominum, quanquam malos contineat, tamen sanctorum est congregatio, & reuera coram Deo est ecclesia: sicut enim homo qui reuera est coram Deo intuentem animam, etiam est coram homine intuentem corpus: ita ecclesia habens legitima symbola quæ est respectu hominum, reuera est coram Deo, ac illa non Ecclesia species, sed vera est ecclesia: Quia sicut ex visione exterioris hominis ducimur in certam quandam noticiam animæ rationalis, quia ex operationibus hominem cognoscimus, ita ex legitimis, symbolis quæ in ecclesia apparent, astruitur fides, quæ firmiter credimus, illam Ecclesiam quam videmus esse Dei ecclesiam: sed inter istum & illum cognoscendi modum hoc inter est, quod ex notitia humanorum actuum euidenter scimus, Petrum habere animam, & esse hominem: sed ex legitimis religionis symbolis cognitis sanctitatem Ecclesiæ non euidenter cognoscimus, sed tantum credimus, quia humani actus non ab alia causa quam ab intellectu, religionis verò legitima symbolo aut à vera sanctitate, aut à simulata possunt emanare: ideo illud est euident, istud ineuident. Quod si aliqui in ecclesia, tamen non omnes sanctitatem simulant, de huius dogmatis veritate, per fidei articulum: sanctam ecclesiam, facti sumus cer-

iores. Nam si omnes simulassent sanctitatem, ecclesia non fuisset sancta: quod est hæreticum. Quare quicumque Catholicus quod ecclesiam habentem coram hominibus religionis legitima symbola esse coram Deo sanctam, credat, oportet. Quia fidei articulus requirit, quod credamus, illam esse veram ecclesiam coram Deo, quæ habet legitima symbola coram hominibus. Verum quidem est, quod sectariorum ecclesie quanquam respectu illorum sint ecclesie, tamen non coram Deo: non enim habent legitima symbola, quia non vniuersalem vnitatem. Vnaqueq; enim secta, suam non veram sed putatiuam ecclesiam distinctam. & extra aliarum communionem habet: & quia sectariorum cætus Catholica ecclesia non vniuntur, ideo non reuera, sed coram sectarijs sunt ecclesie: vnde temerarium est asserere illos Dei esse ecclesias.

In Euangelicis parabolis non de Ecclesie speciei, sed de vera Ecclesia loquitur Caput 22.
cutus est Christus.

Sectarij quidem propter admixtionem malorum, veram Dei Ecclesiam esse speciem Ecclesie, & respectu hominum, sed non reuera coram Deo dogmatizant. Nam illa sectariorum verba Ecclesie species: & reuera, & ista respectu hominum, & coram Deo, quibus tanquam antithetis sectarij vtuntur, prædictum sensum faciant, quod proculdubio error manifestissimus est. Nam Paulus Corinthiorum ecclesiam, quæ fuit respectu hominum, in qua boni fuerunt malis admixti, Dei esse ecclesiam manifestat expresse his verbis.

COR. I. & 2. Paulus vocatus Apostolus Iesu Christi per voluntatem Dei, & Sosihenes frater, Ecclesie Dei, quae est Corinthi sanctificatis in Christo Iesu, &c. Ista igitur quam Dei verbum Appellat, non Ecclesie species, vt Philippus asserit, sed vera Dei Ecclesia fuit, atque illa non solum respectu hominum, vt Calvinus dogmatizat, sed coram Deo fuit vera Ecclesia. Donatista quidem Ecclesiam per malorum commixtionem amittere sanctitatem: sectarij vero nostri saeculi illam, variari, & ex Ecclesia fieri Ecclesie speciem, affirmant. Quid ergo amplius Donatista quam Calvinus & Philippus aduersus Dei Ecclesiam commentati fuerunt? Tam enim Dei Ecclesie repugnat illa variatio, quam non esse sanctam: quia per malorum admixtionem sicut ecclesia Dei, neque sanctitatem, ita nec suam vnitatem, aut identitatem (vt sic loquar) amittit. Sicut enim Petrus in senectute, in pueritia, in adolescentia, & in iuuentute est idem homo: quia neque corporis, neque humorum augmentum, aut decrementum variavit identitatem, siue vnitatem: ita Ecclesia, siue admixti in ea sint mali siue non, dummodo vera symbola retineat, semper coram Deo, & hominibus reuera est eadem. Quod Euangelica historia aperte satis exponit. Nam Ecclesia, in qua Christus secundum corporis praesentiam fuit, bonis admixtos malos habuit, videlicet Iudam. Sed illam propterea Ecclesia esse speciem, quia sagena fuit similis, & respectu hominum, & non reuera coram Deo haeresis est, ecclesia enim Apostolica, quae in die Pentecostes non habuit permixtos malos, eadem fuit respectu hominum, &

coram Deo, quæ in nocte cœnæ. Igitur per malorum admixtionem aut subtractionem non variatur Ecclesia, sed illa, quæ est respectu hominum reuera est coram Deo. Hanc doctrinam Christus expressè & izaniorum, & sagne, & cæteris Euangelicis parabolis docet. Nam illa parabola non de ecclesia specie, nec de ea, quæ est respectu hominum vt sectarij falso asserunt, sed de Ecclesia quæ reuera est coram Deo, loquuntur. Augustinus: & de Ecclesia, inquit colliguntur & de Ecclesia, inquit colliguntur. Aug. de ciuit. Dei li. 20, c. 9. Eturi sunt & izania messores illi, quæ permisit cum tritico simul crescere, vsque ad messem. Quod exponens ait. Messis est finis sæculi: messores autem Angeli sunt. Sicut ergo colliguntur & izania, & igni comburuntur, sic erit in consummatione sæculi: mittet filius hominis Angelos suos, & colligent de regno eius omnia scandala. Nunquid de regno illo vbi nulla sunt scandala? De isto ergo regno eius, quod est hic Ecclesia, colligetur. Item dicit. Qui soluerit vnũ de mandatis istis minimis, & docuerit sic homines, minimus vocabitur in regno cælorũ: q̃ aut fecerit, & sic docuerit, magnus vocabitur in regno cælorũ. Vtrunq; dicit in regno cælorum, & qui non facit mandata, quæ docet. hoc est enim soluere, non seruare, non facere, & illum qui facit, & sic docet: sed istum minimum, illum magnum, & c. Hac eadem infra manifestat, dicens. Alio modo igitur intelligendum est, regnum cælorum, vbi ambo sunt, & ille scilicet, qui soluet, quod docet, & ille qui facit: sed ille minimus, iste magnus. Alio autem modo regnum cælorum dicitur, quo non intras, nisi ille qui facit: ac per hoc vbi vtrunque ge-

nus est, Ecclesia est, qualis nunc est: vbi autem illud solum erit, ecclesia est, qualis tunc erit, quando malus in ea non erit. Ergo ecclesia & nunc est regnum Christi, regnumq; cælorum. Hactenus Augustinus. Christus igitur in parabolis, non, vt Philippus false opinatur, de Ecclesia specie, sed vera ecclesia, habens malos bonis admixtos, est loquutus.

Cap. 23.

Ecclesia non in Ecclesiæ speciem & in veram Ecclesiam, sed in mēbra viua & mortua est distinguenda.

QUare Ecclesia quidem militans legitimū habens symbolum, quosdam filios habet, qui reuera sunt coram Deo, quia adoptionis gratia filij Dei sunt: quosdam verò alios continet, qui filiorum tantum habent speciem, & respectu hominum, sed non

Aug. cont. reuera coram Deo. Hanc distinctionem beatus Augustinus exponit, dum inquit. Quibus omnibus consideratis, puto me non temere dicere, alios ita esse in domo Dei, vt ipsi etiam sint eadem domus Dei, quæ dicitur edificari super petram, quæ vnica columba appellatur, q̄ sponsa pulchra sine macula, & ruga, & hortus conclusus, fons signatus, puteus aque viue, paradysus cum fructu pomorū. Talia etiam sunt, quæ paulo infra dixit. Huic domui dicitur, sufferentes inuicem in dilectione, studentes seruare vnitatem spiritus in vinculo pacis. Et templum enim Dei sanctum est & sanctis Dei seruis vbiq; dispersis, & spiritali vnitare deuinctis eadē cōmunionē sacramētorū, siue so facie

nouerint siue nō nouerint. Alios autē ita dici constat
 esse in domo. vt non ptineant ad compagē domus. nec
 societate fructifera. pacificaq; iustitie. sed sicut palea
 esse dicitur in frumentis. Nam istos esse in domo. ne-
 gare non possumus. Paulo Apostolo dicente. In magna
 autem domo non solum aurea vasa sunt. vel argen-
 tea. sed lignea & fictilia: & alia quidem sunt in ho-
 norem. ab alia verò in contumeliam. Ex hoc numero
 innumerabili non solum turba intus premens cor par-
 corum in tantā multitudinis comparatione sancto-
 rum. sed etiam disruptis retibus hareses & schismata
 existunt in eis. qui iam magis ex domo. quam in do-
 mo esse dicendi sunt. de quibus dicitur. Ex nobis exie-
 runt. sed non erant ex nobis: separatiores enim sunt.
 iam etiam corporaliter segregati. quam illi qui in-
 terne carnaliter & animaliter viuunt. & spirituali-
 ter separati sunt. Haftenus Augustinus. Sancta igitur
 ecclesia. quam diu in hac vita mortali peregrinatur.
 non solum sanctos. sed malos continet. Sectarij verò
 ex supradicta distinctionis prima parte seclusa. ex al-
 tera presentem sanctam Ecclesiam constituunt. Phi-
 lippus. quāq; igitur. inquit. mali sint socij huius ve-
 ra Ecclesia secundum externos ritus. tamen cum desi-
 nitur Ecclesia. necesse est eam definire. qua est viuum
 Christi corpus. quae est nōmine & re Ecclesia. Necesse
 est enim intelligi. quae res principaliter efficiat nos vi-
 uia mēbra Ecclesiae. Itaq; Ecclesia. quae vere est regnū
 Christi. est propriē congregatio sanctorum. nam im-
 pij reguntur à Diabolo. &c. In qua quidem res fallūtur
 absq; dubio. quia etsi Ecclesia mēbra viuā distincta
 sint

Philippus
 Apologia.

sint à mortuis, reuera & apud Deum, qui corda in-
tuetur, & in fine sint separanda ab inuicem, quo tem-
pore Ecclesia non habebit admixtos malos, tamen
quo ad nos illa non sunt separata, imo expedit esse v-
nita. Nam quidam boni secundum presentem iusti-
tiam futuri sunt mali: & quidam mali secundum
eandem futuri sunt boni. Ideo Ecclesia Dei militanti
conuenit, habere permixtos bonis malos: Ecclesia
nanque in presenti vita, iuxta beati Pauli sententi-
am, stadio comparatur, in quo plures currunt, sed v-
nus accipit coronam: ita boni & mali sunt intra Ec-
clesiam, sed boni tantum asequuntur aeternam glo-
riam. Vnde Ecclesia non est definienda tantum per
alteram partem distinctionis, scilicet per membra
viua, sed per aliquid, quod mortuis & viuis membris
conueniat. Quanquam non est omittenda distinctio,
per quam viua membra distinguuntur à mortuis.

Nam si quis exacte definiat hominem, non tantum
animam, quæ hominis præcipua est pars, sed etiam
corpus definiat; quia, licet corpus, si ad animam refe-
ratur, nihili pendatur, tamen ex utroque, constat ho-
mo. Verum quidem est, quod sicut homo non à corpo-
re, in quo sensus vigent, & irrationalis facultas, sed
ab anima, in qua viget ratio, tanquam à principe
parte, re & nomine est rationalis, ita Ecclesia plures,
malos quam bonos continens non malorum sed bo-
norum est congregatio, & plura membra mortua
quam viua habens, non mortuum, sed Christi viuum
est corpus, & plures peccati seruos quam iustitie ha-
bens, non Diaboli sed proprie Christi regnum est. De-

nique Ecclesia congregata ex bonis & malis, quæ est respectu hominum, non Ecclesia species, sed nomine & re coram Deo est sancta: quia vnumquodque est, & dicitur secundum id, quod in illo principale est.

Ecclesiæ distinctio in Ecclesiam coram Deo & coram hominibus varia est. Cap. 24.

SEctarij denique distinguentes Ecclesiam in Ecclesiam respectu hominum, & reuera coram Deo, seu in Ecclesia speciem, & in Ecclesiam nomine & re: non solum de nomine tantum videntur disputationem instituere, sed sibimet contradicunt. Nam Ecclesia speciem, & Ecclesiam respectu hominum reuera esse Ecclesiam coram Deo fatentur. Philip. in locis. Philip. in locis.
Quotiescunque, inquit, de Ecclesia cogitamus, intuemur cætum vocatorum, qui est Ecclesia visibilis, nec alibi vltos electos esse somniemus nisi in hoc ipso cætu visibili. Quibus quidem verbis, Philippus vocatorum cætum bonos malis admixtos habentem non Ecclesia speciem, se reuera esse Dei Ecclesiam fatetur. Vnde CHRISTVS in sagena, & decem virginum parabolis non de Ecclesia specie, vt Philippus asserit, sed de Ecclesia vera loquutus est. Caluin. c. 8. Calvin. c. 8.
nus quoque ait. Vbi enim cunque verbum Dei syn- pat. 4. pat. 4.
cere predicari atque audiri, vbi sacramenta ex Christi instituto administrari videmus, illic aliquam esse

esse Dei Ecclesiā, nullo modo ambigendum est, & c. Si enim visibilis Ecclesia, in qua Dei verbū sincere p̄dicator, & sacramenta legitime ministrantur, q̄ bonos & malos continet, Dei Ecclesiā esse, non est ambigendum. Igitur visibilē Ecclesiam respectu hoīum esse reuera corā Deo, credendum est. Vnde Calvinus inuisibilem Ecclesiam, & solis Dei oculis conspicuā, non esse aliā ab illa, q̄ oculis videmus, & q̄ obseruare, & cuius communionē colere iubemur, fatetur. Dimissis igitur vocū nouitatibus, ac inutilibus questionibus, visibilē vocatorum cōtū, malos bonis admixtos continentē, & legitima symbola habentē, non solum Ecclesiæ speciei, & respectu hoīum, sed reuera coram Deo esse sanctā Ecclesiam, firmiter credendū est. Nam fidei articulus. Credo sanctam ecclesiā: quod credamus huiusmodi cōtū esse sanctā, exigit. Vnde p̄ fidem non de singulorū, sed de Ecclesiæ sanctitate facti sumus certiores: nā de singulorū sanctitate non fides, sed moralis cōiectura haberi potest. Huic sentētiæ Calvinus subscribēs ait. Rursum tamē quia aliquatenus expedire p̄uidebat, vt sciremus, q̄ nobis habendi, p̄ ipsius filijs essent: hac in parte se captui nostro accommodauit, & quoniam fidei certitudo necessaria nō erat, quoddā charitatē indicium eius loco substituit, quo pro Ecclesiæ membris agnoscamus, qui & fidei confessione, & vitæ exemplo, & sacramentorum participatione eundem nobiscum Deum, & Christum profitentur. Atq; Calvinus proculdubio in hoc loco suam specialem fidem destruit, & schlasticorum Theologorum moralem coniecturam astruit. Quia si nullus per fidem ceteros esse Dei filios est persuasus, nec seipsum esse in-

Caluin. c. 8
par. 3.

stificatum credit: non enim Dei verbum magis deservit de illo, quam de ceteris exponit. Et sicut de aliorum sanctitate non est necessaria fidei certitudo, sed sufficit indicium quoddam: ita nulli de se ipso est necessaria fidei certitudo, sed sufficit moralis coniectura. Verum Calvinus ex singulorum sanctitatis incertitudine sanctam Ecclesiam esse inuisibilem, & soli Deo notam, dogmatizat: sed fallitur. Nam sicut de aliquo habetur certitudo in vniuersali velut thesis et dubitatur in particulari sicut hypothesis, ita p fide nō de singulorū, sed de vniuersali Ecclesia sanctitate facti sumus certiores: quia Ecclesia sanctitas nō a singulorū membrorū sanctitate dependet, cū illa, quāuis malos bonis admixtos habeat, nihilominus sit sancta.

Haud difficile discernitur Catholica

Ecclesia à sectariorū conuentibus.

¶ Sectarij ad Ecclesia ingū excutiendū illam incertā, & ambiguā reddere sat agūt. Hoc Philippus exponit, dū ait. Itē cum Ecclesia testimonia q̄rantur, videndū est, vbi, & q̄ sit Ecclesia, q̄ tempora puriora, q̄ scriptores sint synceriores, &c. Quae oīa etsi ab illis, q̄ p̄sunt in Catholica Ecclesia, explicite sunt inuestiganda, tamen non à sectarijs sunt p̄scribenda. Siquidem vnusquisq; sectariorum suae sectae cōsentanea reiectis pugnauitibus eligeret, imo ad cognoscenda illa q̄ Philippus exigit, satis est credere vñam sanctam Catholicam, & Apostolicam Ecclesiam. Nam hac verbis factis explicat, q̄, vbi, & quando sit Dei Ecclesia quantū verò ad tēpus attinet oēs conuenimus in hoc, quod Dei ecclesia in hac mortali vita semp fuit, est, et erit ad cōsumat

Cap. 25.

Philippus
in locis.

sumationem vsque seculi. Et de temporum puritate Christianis non conuenit disputare: nam tempus nec iusticia, nec iniusticia est capax, sed tantum homines. Illa tamen tempora sunt puriora, in quibus iusti oēs homines vixerunt. Quare referendo singula singulis, tempora ante exorta scismata, & sectas seu hareses, puriora fuerunt, quàm tempora, in quibus scismata, & secta in Dei ecclesia grassantur. Nā homines scismatici, & haretici in hoc sed non in illo tempore fuerunt, & propter horum malitiā tempora sunt malā. Vnde ante Lutheri infeliciſſimā predicationem puriora, quàm post fuisse tempora, manifestum est: quia tunc temporis in Dei ecclesia nec scismata, nec secta pacis vinculum rumpentia exstabāt. Nunc verò quot scismata, quot sectarum dissidia sint in germanica natione, ipsi sectarij testantur. Philippus enim ait: Nō dissimulari potest, motis rebus magnam varietatem opinionum exortā esse, vt concedit Anarchia licentiam malis ingenijs fingendi monstra dogmata. Tu igitur ipse Philippe fateris, puriora fuisse tempora ante exorta scismata: & quis est tam stupidus, vt ista non animaduertat? Itaque si ecclesia testimonia petenda sunt à temporum puritate, cū ecclesia tempora ante Lutheri predicationem (qualia qualia fuerint) puriora quàm post eius predicationem fuissent, ab illis, & non ab istis ecclesia testimonia accipienda sunt: quia pacis religionis tempus scismaticum & sectarum tempore est purius. Quare merito quidem Philippus, quanquam contra se, conditionis temporum habendam rationem existimat: quia

Philipp. in
præfat.

quia purioribus temporibus, videlicet ante Lutheri prædicationem non erat difficile cognoscere Dei ecclesiam, cum in terrarum orbe vna tantum fuisset ecclesia. Atque hac si Dei non fuit ecclesia, nulla vquam fuit: quia tunc vnitas spiritus, & vinculum pacis fuit in vniuersa ecclesia: nunc verò inter tot conuenticula sectariorum aliquibus hominibus difficile est Dei ecclesiam cognoscere. Sicut enim vnus verus Deus, demonum malitia in deorum multitudine aliquando latuit, ita sectariorum impietate vna sancta Catholica, ac apostolica Dei ecclesia in multitudine sectarum est ignota: quod Augustinus de sectarijs loquens aperte satis docet, dum ait: Induentes lupos pellibus ouium, dicunt. Ecce hic est Christus, ecce illic, & ab vniuersitate ciuitatis super montem constituta ad particulas insidiarum suarum multos separant, & iugulatos assumunt. Sed vt inter plures falsos deos vnus verus Deus, sic inter falsas ecclesias, Dei vna ecclesia emicat. Quare ab illis quidem, qui à sectarijs seducti sunt, tum ob ignorantiam, tum propter odium aduersus ecclesiam prælatos veram Dei ecclesiam inuenire difficile est: ab illis verò qui illorum technas intelligunt, facile. Istorum differentiam Augustinus manifestat: Veruntamen, inquit, & alia causa est eorum, qui in istos hæreticos imprudenter incurrunt, ipsam esse Christi ecclesiam æstimantes: alia verò eorum, qui nouerunt, non esse catholicam ecclesiam, nisi eam, quæ, sicut promissa est, toto terrarum orbe diffunditur, & extenditur vsque ad fines terra, &c. Ecclesia profectò nota tam manifesta

Aug. cont.
Donat. de
bapt. lib. 1.
ca. 4.

Aug. cont.
Donat. de
bapt. li. 1.
ca. 4.

sunt, vt inter varias sectas illa semper emineat: quia esse vnā & catholicā, nulli conuenit, nisi Dei ecclesia: & istis notis à sectariorum cœtibus, qui plures & singulares sunt, discernitur. Ecce Philippe habes Ecclesia tempora puriora, videlicet ante Lutheri prædicationem: habes etiam, quā & ubi sit ecclesia Dei. Quia illa, sicut anima vna est in toto corpore: ita ecclesia per vinculum pacis in toto terrarum orbe est, vna Dei ecclesia: vestra verò ecclesia, quā nec in vna prouincia, nec in vna ciuitate, nec in vna domo seruant vinculum pacis: vos videritis an Dei, vel demonum sint ecclesia. Si quis ergo vult verā Dei ecclesiam cognoscere, sciat illam esse, ex qua hæretici exierunt, & à qua scismatici defecerunt. Nam illa prior quā hæreses, & quā scismata fuit, & vnitatem spiritus in vinculo pacis semper seruauit, ac è medio sublata scismata, & extinctis hæresibus ad consummationē vsq; sæculi seruabit. Quare ecclesiā, ex qua præsentis sæculi sectarij exierunt, quā & nunc vnitatem spiritus seruans, in vinculo pacis perseuerat, esse vnā Sanctā Catholicā ac Apostolicā, quam obseruare, & cuius communionem colere iubemur, manifestissimum est.

Pura verbi Dei prædicatione & legitima sacramentorum administratione
Catholica ecclesia non discernitur à
sectariorum cœtibus.

Cap. 26.

HÆc quidem Dei ecclesia, quā vti ciuitas supra montem, & lucerna supra candelabrum,
posi-

posita est, proprias & manifestissimas notas, quibus distinguitur à scismaticorum, & hæreticorum conuenticulis, habet. Sed sectarij sicut noua & varia dogmata aduersus fidem, ita nouas notas, ad suos varios cœtus astruendos, & Dei vnicam ecclesiam destruendam comminiscuntur. Calvin. in præfat. Capi 8. par tic. 3.

Caluinus: sed longè, inquit, alia nota contineri, nèpe, pura verbi dei prædicatione & legitima sacramentorū administratiōe. Et in alio loco ait: Nā ne sub ecclesia titulo impostura nobis fiat, ad illam probationē, ceu ad Lydiū lapidem, exigēda est omnis congregatio, quæ ecclesia nomē obēdit, si ordinē habet in verbo, & in sacramentis, à domino cōmendatū non fallēt. Has easdē ecclesia notas, videlicet, syncerā verbi prædicationē, et sacramentorū legitimā administrationem, quas Calvinus ad cognoscendam dei ecclesiā assignat, Augustana confessio August. cōf. art. 7. ad tenendā ecclesiā vnitatē sufficere dogmatizat. Et ad verā, inquit, vnitatem ecclesiæ satis est, consentire de doctrina euāgelij, et administratione sacramentorū, etc. Sed solum istas notas ad dei ecclesiā cognoscendā, eiusq; vnitatē tenendā non sufficere, luce clariū est manifestū. Nam etsi verbi Dei pura prædicatione, et sacramentorū legitima administratio tā necessaria sint dei ecclesiæ, quā anima homini: tamē illæ due notæ, quæ in scismaticorū conuentibus reperiuntur, non sufficiūt, quo per illas dei ecclesiā à Sathana conuentibus possit discerni. Quia sicut esse bipedem, licet conueniat homini, tamen quia in alijs ab hominibus reperiuntur, non est sufficiens nota distinguēdi, ac cognoscendi hominem, non enim omne bipes est homo:

ita et si omnis Ecclesia Catholica verbi Dei synceram
 predicationem, & Sacramentorum legitimam ad-
 ministrationē teneat, non inde sequitur, q̄ omnis cœ-
 tus legitimè sacramēta administrans, & verbum dei
 syncerè predicans est Catholica Ecclesia. Nā scisma-
 tici veram fidem, & sacramenta retinent, & tamen
 illorum cœtus, tantū abest, vt sint Dei ecclesia, vt
 potius sint Sathana. Quid quod has quidem notas ad
 vnitatem ecclesie Dei non sufficere, ipsemet Caluinus
 testatur, dū inquit: Inter hereticos & scismaticos
 hoc discriminis ponit Augustinus, quod illi quidem
 falsis dogmatibus fidei synceritatem corrumpunt: hi
 autem interdum etiam in fidei similitudine societa-
 tis vinculum disrumpunt, &c. Illas denique duas no-
 tas haberi extra ecclesiam, Augustinus exponit, dū
 ait: Credimus & sanctam ecclesiam vtiq̄ Catho-
 licam: nam & heretici, & scismatici congregatio-
 nes suas ecclesias vocant, sed heretici de Deo falsa sen-
 tiendo ipsam fidem violant: scismatici autem discissi-
 onibus iniquis à fraterna charitate dissiliunt, quam-
 uis ea credant, quæ credimus. Scismaticorum igitur
 cœtus syncerum Dei verbum, & sacramenta retinet,
 verum non Dei sed Sathana est ecclesia: & sectarij il-
 lis notis suos cœtus magis, quam Dei ecclesiam labe-
 sectant. Nam cū in Germanica natione ex Catho-
 lica ecclesia tres precipuè sectæ præter ceteras exiuis-
 sent, videlicet, Anabaptistarum, Sacramentariorum,
 & Confessionistarum, vnaqueq̄, velut Catholica po-
 pulo se venditans, penes se esse synceram verbi dei præ-
 dicationem, ac Sacramentorum legitimam administra-
 tionem

Calu. ca. 8.
 par. 12. .

Aug. de fi.
 d. et symb.

tionem mordicus affirmat. Huiusmodi enim sectarijs
 synceram verbi Dei prädicationem ac legitimam Sa-
 cramentorum administrationem sibi vendicantibus
 illud Hieronymi ad Damasum Papam maximè con- Hieron. ad
Dam.
 uenit. Meletius Vitalis, atque Paulinus tibi *herere*
 se dicunt, possem credere, si vnus hoc assereret. Nunc
 autem aut duo mentiuntur, aut omnes. Quoniã tam
 impossibile est, aliquam illarum sectarum esse Catho-
 licam ecclesiam, quàm impossibile est, tres esse Catho-
 licas ecclesias. Quia sectariorum vnitas, magis in
 oppugnando vnã sanctam Catholicam ac Aposto-
 licam ecclesiam, quam in profitendo vnã fidem in
 vinculo pacis consistit. Vnde illorum cœtus non est ec-
 clesia, nec illorum dissensio est scisma. Huiusmodi
 esse sectariorum ingenia, beatus Cyprianus exponit, Cypr. li. 1.
ep. 6.
 dum ait: Quod si aliquis illud opponit, vt dicat, ean-
 dem Nouatianum legem tenere, quam Catholica ec-
 clesia tenet: eodem simbolo quo & nos baptizare:
 eundem nosse Deum patrem, eundem filium Chri-
 stum, eundem Spiritum sanctum: ac propter hoc e-
 um vsurpare potestatem baptizandi posse, quòd vi-
 deatur in interrogatione baptismi à nobis non di-
 screpare: Sciat, quisquis & hoc oppugnandum pu-
 tat, primum, non esse vnã nobis & scismaticis
 symboli legem, neque eandem interrogationem.
 Nam cùm dicunt: credis remissionem peccatorum.
 & vitam aternam per sanctam ecclesiam, menti-
 untur in interrogatione, cùm non habeant Eccle-
 siam.

Catholicæ Ecclesiæ vnitas est euidentissima verbi Dei nota

Cap. 27.

Ad Ro. 10.

ORdo quidem in disciplinis docendis expedi-
tissimus est, ignotiora per notiora manifesta-
re: hunc docendi modum Spiritus sanctus apo-
stolis, eorumq³ successoribus seruandum tradidit, dū
inquit: Quomodo ergo inuocabunt, in quem non cre-
diderunt? aut quomodo credent ei, quem non audi-
erunt? Quomodo autem audient sine predicante?
Quomodo verò predicabunt, nisi mittantur? Nemi-
ni enim dubium est, auctoritatem mittendi concio-
natores, atque predicandi, penes dei ecclesiam esse.

Vnde ecclesia, quæ in loco Doctoris à Deo nobis data
est, primò est credenda. Quare illam ceteris credi-
bilibus notiore esse oportet: nam si de Ecclesia tan-
quam de doctore dubitaretur, nullam auctoritatem
habebit fidei doctrina. Hinc est quod ad cognosce-
dam ecclesiam magis expressas notas, et manifestas,
quibus docemur, quæ sit sancta ecclesia, quàm ad ex-
ponendos fidei ceteros articulos apostoli tradidēre.

Quia per ecclesiam tanquam magis notam Deus or-
dinauit, vt discamus syncerum dei verbum, et ritè ac-
cipiamus sacramenta. Itaq³ notior est ecclesia quàm
syncerum Dei verbum. Vnde verbi Dei, & Sacra-
mentorum legitima nota est vna, sancta, catholica,
& apostolica ecclesia: quia per eius doctrinam
credimus. Sicut enim à magistro discipuli discunt
doctrinam, & non à doctrina magistrum, & do-
ctoris

ctoris auctoritas non minimum confert ad discendum: ita per ecclesiam cognoscitur syncerum Dei verbum, & vera Sacramenta. At sectarij tanquam imperiti doctores ordine prepostero ignotum per ignotius, videlicet per syncerum verbum Dei ecclesiam manifestare volunt, cum per istam potius tanquam magis notum illud innotescit nobis.

Atque hinc est quod sectarij nunquam syncerum Dei verbum adinueniunt, quia carent probò & erudito magistro, videlicet Dei Ecclesia. Nec ob hoc Dei verbum de Ecclesia perhibere testimoni-um negatur: nam illa se inuicem astruunt, & qui vtrumvis credit, ambo credat, oportet. Sed legi-
timus credendi ordo à Deo præfixus est, quod sicut à doctore doctrinam discimus, ita per Ecclesia prædicatores cognoscimus, et credimus Dei verbum. Non igitur istis notis à sectarijs præscriptis, sed illis, quæ ab Apostolis, eorumque successoribus tradun-
tur, Dei Ecclesia cognoscitur, & à scismatico-
rum, & hæreticorum conuenticulis sicut fulgur à tenebris discernitur. Hæ quidem notæ ab Apo-
stolis in symbolo, & à patribus in Constantinopo-
litano synodo, atque in Ecclesia Romana fidei symbo-
lo, sub hac verborum forma: Vnam Sanctam Catholi-
cam & apostolicam ecclesiam, traduntur. Hæc
quidem vox ecclesia, non magis hæreticorum,
quàm fidelium cætum significat, sed per istas
quatuor notas, scilicet Vna, Sancta, Catholica, &
Apostolica, ad significandum Dei ecclesiam deter-
minatur. Quia in illis verbis quatuor proprie-

tates, quæ omni dei ecclesia, & soli, & semper conueniunt, exprimuntur. Nam sola Dei ecclesia, vna, sancta, Catholica, & Apostolica semper est: sectariorum verò ecclesia non vna, sed plures contra ecclesiam vnitatem: impia aduersus illius sanctitatem: singulares etiam contra illius vniuersalitatem: fundatæ denique a falsis prophetis contra fundamentum Apostolorum ac Prophetarum sunt.

Cap. 28.

Vniuersalis vnitas est legitima ecclesiæ nota.

PRima ecclesia nota, quam vnā dicimus si cum tertia, scilicet, Catholica coniungatur (secunda scilicet sancta supra est explicata) tã clarè ante oculos Dei ecclesiam ponit, quod nullus, quantumuis cæcus, illam non videat. Nam quanto Dei ecclesia magis est vna & vniuersalis, tantò illa magis nota hominibus, & in illa Dei dona magis manifestantur: quia istæ duæ notæ, scilicet vna & vniuersalis, quæ quodammodo opponuntur, si in aliquo reperiantur, quid diuinum præostendunt. Diuinæ enim naturæ esse vnā, & communem tribus diuinis personis proprium est, propter quam causam filius est patri consubstantialis. Atq; huius diuini mysterij qualem qualem similitudinem dei ecclesia imitatur: nam est vna, & vniuersalis, id est, communis pluribus particularibus ecclesijs, & non diuiditur in illis, nec in suis membris, quia vbilibet non plures, sed vna est ecclesia. Hæc etiam vnitas & concordia in dei cultu, quæ non solum diu permansit, sed ad consummationem

tionem seculi permanere debet: quid diuinum est, maxime cum ecclesia ex hominibus decedentibus, & succedentibus. & non solum ex eadem familia, aut natione, aut lingua, sed ex omni populo, lingua, & natione vocata sit: sed de hac ecclesia vniuersali vnitatem audiamus Dei verbum. Paulus vocatus apostolus Iesu Christi per voluntatem dei, & Sosthenes frater, ecclesia Dei, quæ est Corinthi, sanctificatis in Christo Iesu, vocatis sanctis cum omnibus qui inuocant nomen Domini nostri Iesu Christi, in omni loco ipso, & nostro, gratia vobis & pax à Deo patre nostro, & domino Iesu Christo, &c. Chrysostomus ecclesiam vnitatem vniuersalem exponens: non huius aut illius, inquit, sed Dei, quæ est Corinthi. Vide quo pacto singulis verbis superbiam eorum mentem humilitatem docet, & in omnibus eos ad caelestem erigit consuetudinem. Et ecclesiam Dei appellat, ut ostendat, in vnum iam redigi oportere. Nam si Dei est, vna est, non Corinthi solum, sed vniuersi orbis ecclesia, cuius quidem nomen non diuisionem, sed vnionem, & concordiam significat. Et infra: Cum omnibus qui inuocant nomen domini nostri Iesu Christi. Non huius aut illius nomen, inquit, sed domini in omni loco ipsorum, & nostro: licet enim ad Corinthios hac scriberetur epistola, non tamen eorum duntaxat, sed omnium, qui in orbe sunt, fideliam meminit. Ostendit enim in vniuerso orbe vnã oportere esse ecclesiam, quanquam locis diuisam pluribus & longè magis quæ est Corinthi, quæ, et si locis separatur, Deus tamen eam coniungit, cum omnibus sit communis.

1. ad Cor...
cap.

Chrysost.

T s

Quamob

2. ad Co. 12.

Chryso.

Quamobrem cū in vnā ipsam contrahat, has ad-
didit particulas, ipsorum & nostro: longē autem
magis hoc, quā illud efficax. Hactenus Chrysosto-
mus. Quātem etiam, & qualem vnitatem habe-
at Ecclesia, diuina manifestat scriptura. Sicut e-
nim, inquit, corpus vnum est, & membra habet mul-
ta, omnia autem membra corporis cū sint multa,
vnum tamen corpus est: ita & Christus. In corpo-
re quidem humano quāto maior membrorum,
humorum, & appetituum, ac sensuum varietas, tan-
to mirabilior, quā in ceteris animalibus est vni-
tas. Vnde Spiritus sanctus ad manifestandum Ec-
clesia supernaturalem vnitatem, corporis simili-
tudo vsus est. Sed quia, quantumcunque perfecta sit
similitudo, nunquam aequatur rei, idē ad explicā-
dum Ecclesia mirabilem vnitatem proposita simili-
tudo illic ait, Ita & Christus. Quē benē intelli-
gens Chrysostomus dixit: Atque his ita quidem cla-
rē, communiq; omnium suffragio comprobatis subie-
cit: sic & Christus: cū et ecclesia dicere oportuisset
(istuc enim conseq̄ebatur) pro Ecclesia substitu-
it Christum, altius scilicet orationem attollens, ve-
hementiusq; auditorem impellens. Est autem quod
dicit huiusmodi: sic & Christi corpus quod est eccle-
sia. Vt enim corpus & caput vnus est homo: ita vnā
esse ecclesiam & Christum inquit. Ideoq; pro ecclesia
posuit Christū, hoc nomine huius corpus appellando.
Quemadmodum igitur nostrum corpus, inquit, quā
quā ex multis constat, vnū quiddam est: sic in eccle-
sia vnū quiddā sumus omnes. Hac Chrysostomus. Si-
cus

ut igitur Christus in duabus naturis est vnus, ita ecclesia, quæ est Christi corpus, vna indiuisa est in omnibus catholicis ecclesijs. Et sicut Christus humanitatem, quam semel assumpsit, nunquam dimisit, & per illam vnionem homo est Deus: nam in Christo tantum vna est diuina persona, ita ecclesia quæ est Christi corpus, Christo perfectiori, & indissolubiliori vinculo, quàm anima corpori semper est vnita. Propter quod fideles cohæredes, & incorporales sunt Christo

Vniuersalis Ecclesiæ vnitas pacis vinculum requirit.

Cap. 29.

1. ad Co. 12.

PAULUS quidem Ecclesiæ vnitatis naturam exponens, ait: Etenim in vno spiritu omnes nos in vnum corpus baptizati sumus, siue Iudæi, siue gentiles, siue serui, siue liberi, & omnes in vno spiritu potati sumus, &c. In vno profectò spiritu, & in vno corpore baptizari, nihil aliud est, quàm omnes fideles regeneratos, vnius ecclesiæ vniuersalis esse membra: quod si membra sunt, eidem corpori esse inuicem vnita, & alia alijs subministrare necesse est. Paulus, obsecro itaque, inquit, vos ego vinctus in Domino, vt dignè ambuletis vocatione qua vocati estis, cum omni humilitate, & mansuetudine, cū patientia supportantes inuicē in charitate, solliciti seruare vnitatem spiritus in vinculo pacis. Ex hac Pauli sententia constat, quod Ecclesiæ vnitas vniuersalis non solum fidei vnitatem, & sacramentorum veritatem, sed pacis vinculum, quod charitatis

Ad Eph. 4.

est effectus, exigit. Vnde ex Pauli verbis Caluiniana, seu potius diabolica inuisibilis ecclesia ruit: quia inuisibilis Ecclesia nec ex hominibus congregari, nec vnitatem spiritus in vinculo pacis potest colere. Quod si illa pacem obseruaret, eius certe aliqua indicia in orbe terrarum apparerent, & per consequens non inuisibilis fuisset, sed visibilis. Sicut enim homines in societate ciuili viuentes, nihil magis experiuntur, quàm pacem, aut bellum: quia finis reipublicæ est publica tranquillitas: ita, imò clariùs vnum colentes Deum in religionis societate, quæ est ecclesia, religionis publicam tranquillitatem, & sectarum discordias experiuntur, ac vident. Quis enim in religionis pace dei ecclesiam, & in dogmatum dissidio, quod est inter sectarios, Sathanae conuentus non videt?

Arist. poli-
tic. ca. 2.

Si enim homo extra societatem viueret (vt Poeta finxerunt Cacus vixisse) nec pacem, nec bellum experitur, sed, vt Aristoteles ait, huiusmodi insociales homines aut Dii, aut nequam essent: multò magis qui extra vnâ Catholicam religionis societatem se colere Deum putant, & ecclesiam inuisibilem constituunt, huiusmodi Deos aut impios esse necesse est: primum non, quia deos non esse, certum est: illos ergo impios esse non est ambigendum, quia isti nec tranquillitatem religionis, nec dogmatum dissidium experiuntur, vt Tertullianus apertè satis exponit, dicens:

Tertul. de
persc. hæret.

Ceterum neque suis praesidiis reuerentiam nouerunt: & hoc est, quod scismata apud hæreticos ferè non sunt, quia cum sint, non parent scismata, est enim vnitas ipsa. Sed longè aliter de religionis asseren-

dum est: sicut enim publicum bonum extra humanam societatem non est, ita extra Dei ecclesiam, quæ hominum seruantium vnitatem spiritus in vinculo pacis est societas, Dei verus cultus non reperitur. Religionis itaque tranquillitas, quæ in Germania fuit antè Lutheri infauitissimam prædicationem, (quæ illustrissima Germania nationis est calamitas) euidentissima, & diuina nata est ad cognoscendam dei ecclesiam. Nam ecclesia Germanica tunc non solum secum, sed etiam cum exterarum nationum ecclesijs vnitatem spiritus in vinculo pacis seruabat. At in hoc infelicissimo seculo in plures cœtus est diuisa, qui non solum à Catholica ecclesia, sed ab inuicem dissentiunt, dogmatumq; controuersijs & dissidijs fluctuant. Quid ergo adhuc desideratur testimonium ad Dei ecclesiam cognoscendam? Fidei symbolum, quod sectarij profitentur, non solum ecclesiam, ex qua illi exierunt, esse Catholicam, sed illorum cœtus non esse Dei ecclesiam testatur. Quia Sacramentarij, Anabaptista, Confessionista non in vna Catholica, sed in tribus particularibus ecclesijs reperiuntur. Non enim inter se, nec cum Catholica Ecclesia vnitatem spiritus in vinculo pacis seruant, & qui ista non videt non videt: non ignorantia, sed malitia allucinatur. O quam mirificè beatus Paulus has voculas, pacis vinculum ad ecclesiam explicandam vnitatem apposuit. Nam sicut qui non diligit fratrem, quem videt, consequens est, illum non diligere Deum, quem non videt: ita qui non tenet vinculum pacis in ecclesia, quam videt, multò minus seruat vnitatem spiri-

tuscum Deo, quem non videt. Si enim Paulus non addidisset hæc verba: in vinculo pacis, nullus hereticorum aut scismaticorum non contenderet, se tenere vnitatem spiritus: quia veram fidem, & legitima Sacramenta esse penes suas ecclesias sibi persuadent: sed illos expressum Dei verbum expugnat, cum vinculum pacis non seruant. Quia si vnitatem spiritus, id est, fidem, qua per dilectionem operatur, haberent, proculdubio pacis vinculū cum ceteris tenerent ecclesijs: sed cū experientia testetur, illos ab vna sancta catholica, ac apostolica exiuisse, & vnāquamq; sectā suum cōtū non solum à catholica, à qua defecit, sed à singulis ceterarum sectarum conuentibus distinctū habere, manifestum est sectarios non seruare hanc vnitatem spiritus in vinculo pacis. Quare de huiusmodi Tertullianus sapientissimè inquit: Plerique neque ecclesias habent, sine matre, sine Deo, orba fide, extorres quasi latè vagantur. Hactenus Tertullianus. Ali-

Tertul. de
prosc. hær.

qui enim credentes, non habentes vnitatem spiritus pacis vinculū seruant. Nā sicut Eleemosyna, et fraterna correctio, quæ charitatis sunt effectus, in hypocritis non habentibus charitatem reperiuntur, ita pacis vinculū fideles peccatores tenent in dei ecclesia. Verū nullus seruans vnitatem spiritus, pacis vinculum non tenet: quia fides, qua per dilectionem operatur, non est hypocrita. Manifestissimum ergo est, Lutherum, eiusque successores non habuisse vnitatem spiritus in vinculo pacis. Quare quanquam sectarij vera Sacramenta, & syncerum Dei verbum habuissent, tamen quia pacis vinculum rumpunt, nihil sunt

Augu..

Augustinus: quid ergo, inquit, prodest homini vel *Aug. cont. Donat. de bapti. li. 1. ca. 8.*
 sana fides, vel sanum fortasse solum fidei Sacramen-
 tum, vbi letali vulnere scismatis perempta est sa-
 nitas charitatis, per cuius solius peremptionem eti-
 am illa integra trahuntur ad mortem.

Scismaticus quidem non Ecclesiæ
 vnitatem, sed se ipsum ab Ecclesia
 diuidit.

Caput 37.

Cum sectarij symboli Apostolorum conuicti, ec-
 clesiam, ex qua exierunt, esse vnam Sanctā
 Catholicā, negare non potuissent, scisma, quod
 fecerant, Ecclesiæ, Papæ, ceterisq; Episcopis acceptū
 referunt. Philippus iam si qui tumultus, inquit, ex-
 stiterunt, iure cōferri culpa potest in aduersarios, qui
 primū in iusta condēnatione Lutheri scisma excita-
 uerunt, & ecclesias dissipauerunt, etc. Lutheranū si-
 quidem hæresin (ni fallor) ex scismate exortam fu-
 isse, Philippus quoq; exponit, dū inquit: Initiū au-
 tem his disputationibus præbuit contentio de indulgē-
 tijs, quas cū Monachus Tecelius in his regionibus
 venales circumferret, &c. Hæc eadem paulo infe-
 riūs confirmat, dicens: Officij ratiopios doctores co-
 gebat hos furores taxare & reprimere. Lutherus
 quia veritatis defensionē abijcere non potuit, et tot
 modis irritabatur, edidit defensiones copiosè scri-
 ptas, &c. Sicut enim seditio labes & perniciēs est
 reipublicæ, scisma religionis est ruina: atque ve
 seditiosi rempublicam vastantes, illam se promo-

Philip. A.
 poc. de po
 test. Eccl.

Philipp: in
 repet cōf.

August. c.
pist. 164.

Chryso. &
Theoph.
1. ad Co. 1.

uere arbitrantur, ita scismatici vnitatem spiritus, et
vinculum p̄cis rumpentes se reformare ecclesiam
profidentur. Sed isti si, quid sit, scisma, & quale, &
quantum nocumentum sibi ipsis, & Dei ecclesia affe-
rat, perpendissent, potius capitis periculum subirent,
quàm dissidia in ecclesia seminare. Quare beatus
Augustinus benè cuidam Donatista ait: Tota igitur
quæstio est vtrum nihil mali sit scisma, aut vtrum
scisma non feceritis, vt pro bono opere potestatibus re-
sistatis. Scisma quidem ecclesia vnitatem scindit:
hæresis verò fidei veritatem oppugnans, vinculum pa-
cis dirumpit. Ista enim duo aduersus ecclesia vnita-
tem mutuo se muniant. Nam ex scismate hæresis nas-
citur, quæ promouet scismata ad oppugnandam ec-
clesia vnitatem. Sed quantumcunq; scismatum vi-
res augeantur, non expugnabunt ecclesia vnitatem.
Nam sicut hæresis fidem non reddit falsam, sed homi-
nes fallit, ita scisma non tollit à Dei ecclesia vnita-
tem, sed homines separat ab ecclesia vnitatem, quod
Chrysostomus cum Theophylacto sapientissimè expo-
nit, dum ait: Sed quid tandem obsecras Paule? vt id-
ipsum dicatis omnes, et nō sint in vobis scismata? Scis-
matis emphas̄is satis eos arguit, nec potius satis est e-
ius appellatio, quæ vehementer eos tangat: non enim
plures integræ partes factæ sunt, sed vna perijt. Siqui-
dem integris ecclesijs multas eas constituerent. Per
scisma autem & dissensiones id etiam vnum abole-
tur: integrum enim si in multa diuidatur, non modò
non multa fiunt, sed vnum assumitur. Huiusmodi
est scismatum natura. Hæc Chrysostomus. Vnde
scisma-

scismaticus licet affectu, tamen non effectū ecclesia
 vñtionem scindit: verū effectū se ipsum scindit ab ec-
 clesia. Vt si quis animo occidendi percussisset homi-
 nem, & quod ad occidendum non animus, sed vires
 defuissent, tantū alteram illius manum aut pedem
 abscindit. Per hanc quidem abscissionem manus se-
 paratur à corpore, sed illa separata tam est manus,
 quā statua Hercules est Hercules: homo verò muti-
 latus manu aut pede, idem est qui fuit ante abscissio-
 nem manus. Ita scismatici in inuidiam Episcoporum
 aut aliorum ad ecclesia perturbandam pacem se &
 alios à Catholica ecclesia sepārant, atque alias eccle-
 sias ex separatis membris extra ac contra vnam Ca-
 tholicam ecclesiam constituunt. Verū sicut quan-
 do manus abscinditur, non homo à manu, sed manus
 ab homine separatur: ita Ecclesia Catholica non à
 scismaticis, sed illi separantur ab illa, & varias, et dis-
 fidentes constituerunt Ecclesias. Vnde non illa, sed
 istæ Ecclesia sunt scismaticæ. Nam illa cū sit vna
 catholica, id est, vniuersalis, non potest esse scismati-
 ca, id est, diuisa: si enim diuideretur, iam non vna Ca-
 tholica, sed plures particulares non habentes vincu-
 lum pacis fuissent, sicut sectariorum ecclesia sunt.
 Istam ecclesia vnitatem fidei articulus exponit, dū
 ait: Vnam Sanctam Catholicam Ecclesiam. Scisma-
 tici ergo quanquam vnam fidem, & Sacramenta si-
 milia cum Catholicis habeant, tamen quia separaue-
 runt se ab ecclesia, vnitatem spiritus in vinculo pacis
 non tenent, & per consequens Ecclesia membra, nec
 mortua, nec viua, sed præcisa sunt. Denique scisma-

tici Christi corpus. quod est Ecclesia, mutilant: sed cum ex membris abscisis Ecclesias edificare studuissent, strages edidere. Nam quos suis Ecclesijs adiungunt, prius illos separando ab vna Catholica Ecclesia occidunt.

Caput 31. Schisma certe magis quàm abusus cum Dei Ecclesia pugnat.

Chrys. ad
Rom. hom.
mil. 32.

Ad Ephc.
hom. 11.

Quantum enim malum sit scisma, Chrysostomus exponit, dùm ait: Ista siquidem potissimum est Ecclesia subuersio, in partes scilicet diuisam esse. Hac diaboli sunt arma, hoc pacto omnia sursum, ac deorsum miscentur. Donec enim unitum fuerit Ecclesia corpus, nullum valet habere introitum sathanas: verum à dissidijs nascitur offendiculum. Idem in alio loco de scismatibus ait: Vir qui dam sanctus quippiam dixit, quod audaciam sapere videtur, attamen dixit: Quid autem est illud? Peccatum videlicet istud ne martyrij quidem sanguine deleri. Dic enim quæso, quam ob causam martyrium subis? An non propter Christi gloriam? Quo itaque pacto, qui animam pro Christo exponis, Ecclesiam oppugnas, pro qua animam suam tradidit Christus? Et infra. Propterea dico, & obtestor, Ecclesiam scindere non minus esse peccatum, quàm in haresin incidere. Responde quæso. Quod si quis regi cuidam subditus, nemini præterea addictus fuerit, nec alij se regi cuiquam tradiderit, huius verò ipsius præhensam purpuram ab ipsa fibula ad imum vsque totam sciderit, & in multas partes ruperit, an minus puniendus

endus fuerit, quàm qui ad aliũ descuerunt? Quid vero si adhac et regẽ ipsum apprehenso gutture trucidauerit, corpusq; ipsius per singula mebra prosciderit? quam putas hic pœnam dignam ac meritam luet? Si iam facinus quauis pœna maius perpetraret, qui in regem conseruum suum ista designaret, quãnam gehenna dignus non erit? qui & Christum occidit, & membratim conuellit? Hactenus Chrysostomus.

Sed schismatis excusationes quas Philippus adducit, magis crimen augent, quàm excusant. Si enim vendebantur indulgentiæ, vt sectarij malitiosè interpretabantur, abusus corripiendus. & reformandus fuisset, & non indulgentiæ tollendæ, nec damnandæ. Sed, vt beatus Augustinus ait, ex schismate oriuntur hareses. Neque enim inquit, vobis obijcimus nisi schismatis crimen, quàm etiam haresin malè perseuerando fecistis: non enim contra Lutherum fuit lata sententia, quia verbo & scripto emendabat abusus: nam Catholicorum doctorum bonos mores docere, prauosq; corrigere interest, vt Chrysostomi, Hieronymi, Augustini, Bernardi, caterorumq; sanctorum commentaria testantur.

Aug. epist.
164

Non ergo quod Lutherus emendasset abusus, sed propter schisma et hareses, contra illum lata est sententia. Nam catholici doctores non carnali zelo ex quo hareses et schismata oriuntur (vt Paulus docet, dùm inquit: Cùm sit inter vos zelus, et contemptio, nõne carnales estis? Augustinus quoq; ait: Ex ipso autem animalis sensu, quia homo animalis non percipit, que sunt spiritus Dei, omnes dissentiones, & schismata

August de
bapt. cont.
Donat. li.
1. cap. 15.

generantur) sed ex charitatis affectu, quo Deum & proximum diligere tenemur. mala, quando & quomodo sint corrigenda, & tollenda aestimant: & sicut reipublicæ finis & bonum est publica tranquillitas, ad quam conseruandam omnes boni ciues vnanimiter dant operam, et magis publicum quàm priuatũ damnum vitant: ita cùm finis præcepti sit charitas, cuius effectus est vinculum pacis, omnes nostræ actiones ad hunc finem, videlicet ad seruandam vnitatem spiritus, in vinculo pacis, dirigendæ sunt. Vnde aliquando ne ecclesia pax perturbetur, tollenda sunt aliqua mala. ne hoc contra conscientiam, imò secundum charitatis scientiam est. Hoc ipsum beatus Augustinus exponens, ait: Vnde manifestum est, à communione orbis, cui seu falsa, seu vera crimina, quæ Aphris intenditis, prorsus ignota sunt. & ignota semper fuerūt, sacrilego schismate vos esse separatos: quàm & illud non est tacendum, etiam cognitos malos bonis non obesse in ecclesia, si eos à communione prohibendi aut potestas desit, vel aliqua ratio conseruandæ pacis impediatur. Id ipsum paulo inferiùs docuit, dicens: Ex eadem ratione etiam Paulus apostolus falsos fratres tollerat, non enim de incognitis ait: Omnes suæ quarunt, non quæ Iesu Christi, quos tamen secum fuisse manifestat. Ex quo autem genere sunt, qui vel thurificare Idolis, vel codices diuinos tradere, quàm mori maluerunt, nisi ex eorum, qui suæ quarunt, non quæ Iesu Christi? Catholicus quidem doct̃or charitatis zelo secundum scientiam ecclesia schisma omnium facinorum pessimum esse existimat,

Aug epist.
164.

stimat, propter quod ad cauendum illud cetera mala, quæ pacis vinculū nō rumpunt, quando & quomodo tollenda, aut tolleranda sint, opere & verbo docet. Vnde quia maius malum est scisma, quàm Ecclesia abusus, si illi non possunt tolli, sine scismate tollerandi sunt. Hinc est, quod maius sacrilegium perpetravit Lutherus separando se ab ecclesia, quàm Papa, (quamuis factum fuisset, vt sectarij falsò interpretantur) vendendo indulgentias, quia non istud, sed illud pacis Ecclesiæ vinculum rumpit. Nam Papa indulgentias & beneficia vendente, si Lutherus non tacuisset, nec consensisset, nec emisset, animam suam, et ceterorum, qui vnitatem spiritus seruassent in vinculo pacis, à perditione liberasset. At per scisma se & suos sectatores perdidit, charitatis nanque vinculum Deum cum proximo connectit. Si quis verò pacis vinculum, quo ligatur proximo, rumpit, etiam quo coniungitur Deo dissoluit, quia idem est. Quare qui ab vna Catholica Ecclesia separatur, à Christo abscinditur: homines enim per vnā Sanctam catholicam ecclesiam Deo copulantur. Vt ergo non separemur à Deo, tollerandi sunt fratres: hoc Paulus docet, dū inquit: Obsecro itaque vos ego vinctus in domino, vt dignè ambuletis vocatione, qua vocati estis cum omni humilitate & mansuetudine, cum patientia supportantes inuicem in charitate, solliciti seruare vnitatem spiritus in vinculo pacis. Sed sectarij eos, qui scismata religiosiores esse illis qui pacis vinculum seruant, dogmatizant. Quia isti in Catholica vbi abusus, illi in scismatica Ecclesia, vbi non sunt, vt illi ia-

Paul. ad Ephes. 4.

Etant, conuersantur. Sed quantum illi à veritate ab
 August. de errant, Augustinus exponit, dùm inquit: Quare ergo
 bapt. cont. vos separastis? quare cùm leuiores, quæ fingitis, fugi
 lib. 2ca. 7. gitis, ipsum sacrilegium scismatis, quod est grauius
 omnibus, commisistis? Et beatus Augustinus scisma
 non solum ab usibus, sed idolatriæ ecclesiæ perniciosi-
 Lib. 1ca. 8. use esse existimat, dùm ait: Itaq; illi quos baptizant,
 sanant vulnere idolatriæ, vel infidelitatis, sed graui-
 us feriunt vulnere scismatis: Idololatrias enim in popu-
 lo Dei gladius interemit, scismaticos autem terra hi-
 atus absorbit. Scisma igitur grauius peccatū quàm
 Idololatria censetur, non quia sit grauius, sed quia ma-
 gis Dei ecclesiam perturbat, propter quod grauius
 punitur. Sed scismatici ecclesiæ abusus obseruantes,
 qui ecclesiæ vnitatem non rampunt, scismata & se-
 ctas, quibus à Catholica, & ab inuicem scinduntur,
 nihilo ducunt.

Schismaticus non est præbēs schisma-
 tis occasionem, sed separans se à ca-
 tholica ecclesia.

Cap. 32.

ET ne sectarij declinent in malitia verba ad
 scismata excusanda, animaduertendum est,
 quod nō omnis occasionem scismaticis præbens,
 est scismaticus. Nam si aliquis Ecclesiæ prælatus il-
 legitimè ecclesiam administrando, aut prauè con-
 uersando alijs occasionem separandi se ab Ecclesiæ
 vnitatem præbuerit, non ideo est scismaticus, quia non
 ille, quamuis grauius peccet, sed isti incitati vni-
 tatem spiritus in vinculo pacis conseruantes scisma-
 tici

tici sunt: nam sicut serpens persuadendo Eua, vt de ligno prohibito comederet, non ille, sed ista Dei praeceptum, de non comedendo de fructu arboris, transgressa est, & iusticiam, immortalitatemq; amisit: nec praeexendo serpentis astutiam excusauit, sed potius auxit suum crimen: ita Sectarij in Schismatis excusationem non possunt praeexere ecclesiae abusus, nec praelatorum sauitiam. Nam qui propter quascunq; causas incitati, seipso ab ecclesia vnitae, & societate excludunt, nullo modo à peccato excusandi sunt: qui etsi is, qui alterum incitat, peccet, non tamen qui irritatur, cogitur ab ecclesia separari, neque propter incitamentum, sicut neque propter scandalum, qui perperam agit, excusatur. Quicumq; enim Catholicus, quantumcunq; vehemens irritamen, ad scisma vitandum, continere tenetur: incitatus quidem qui separat se ab ecclesia, scismaticus est. & ad paruulorum perniciem cooperatur: nam suo exemplo ceteros ad scisma magis, quam ipse fluit, incitat, imò huiusmodi non longe absunt ab heresi Donati, quando in sui excusationem praelatorum tyrannidem, & peccata praeexunt, & propter hoc tam immane scismatis scelus excacati, laborant ignorantia eorum, quae ad salutem sunt necessaria, à qua inexcusabiles sunt quia separauerunt se ab ecclesia, in qua fidei lumen iuxta Christi promissum nunquam extinguitur, et incurrerunt in tenebras heresis. Neq; praelatorum inconsideratus zelus in expellendis haereticis, sed potius illorum negligentia, vt haereses pullularent, causa fuit: nam nullum malum tam serpit, quam haeresis

ideo antequam germinet, exstirpanda est. Prælatorum etenim cunctatio in religionis controuersijs cõponendis, & illorum indulgentia in hereticis et scismaticis puniendis Ecclesiam labefactat, vt Chrysostomus exponit, dùm ait: Alius irritatus minatus est se defecturum à recta fide, ne id quidem supplicio dignum, eo quod ira, animiq; commotione peccauit. Quin et innumera reperiret aliquis huius generis quotidie peccata inuehi Ecclesia. Hanc ob causam deridiculi facti sumus & gentibus & Iudeis, cùm ecclesia in mille partes scinditur. Etenim si quis à diuinis præscriptis resiliere conabatur, & Paulum quidem secus quam oportet tentabat, mox ab initio fuisset adhibita conueniens increpatio, nequaquam nata fuisset hac pestis, haudquaquam tanta tempestas Ecclesias occupasset, &c. Nec temerè existimandum est, ecclesia prælatos prius non monuisse Lutherum, quàm eius doctrinam, eumq; damnassent. Sed postquam Lutherus suã pertinaciam propalauit, necesse fuit illum præscindere ab ecclesia: nam pertinaces iuxta expressum dei verbum nõ sunt tollerandi: Dic enim ecclesia, inquit Scriptura: si autem ecclesiam nõ audierit, sit tibi sicut Ethnicus & Publicanus. Hũc modum corrigendi pertinaces semper obseruatum fuisse in ecclesia, Augustinus docet, cùm ait: Sed quia in area hac pro voluntate quisque vel palea, vel frumentum est, tam diu sustinetur peccatum, aut error cutuslibet, donec aut accusatorem inueniat, aut prauã opinionem pertinaci animositate defendat: exclusi autem aut penitendo redeunt, aut in nequitia mali liberi

Chryf. sup.
ca. 1 ad Ga.

Matth. 18.

Aug. de ve
ra reli. c. 6.

liberi defluunt ad admonitionem nostræ diligentia, aut schisma faciunt ad exercitationem nostræ patientia, aut heresin aliquam gignunt ad examen siue occasionem nostræ intelligentia. Hi sunt exitus Christianorū carnalium, qui non poterunt corrigi aut sustineri. Et si Philippus Luherum iniuste fuisse damnatum asserit, tamen Lutherus iustam fuisse suam condemnationem, verbo & opere affirmat. Nam ab Ecclesia Catholica exiuit, & particularem contra vniuersalem constituit ecclesiam. Si enim Lutherus post condemnationem etiam iniustam (quod tamen nemo crediderit) in ecclesia, in qua baptizatus est (ut Paulus precipit) cum omni humilitate & mansuetudine, cum patientia supportans contra se latam condemnationem in charitate sollicitus seruasset vnitatem spiritus in vinculo pacis, nec recentem, nec particularem ecclesiam distinctam à catholica instituisset, manifestè ostendisset iniquam fuisse sententiam: sed cum contrarium fecisset, illum iustissime condemnatum fuisse, manifestissimum est. Hanc doctrinam beatus Augustinus August. de
ve. rel. c. 6. vnitatis ecclesia amans, & illius inuictissimus ppugnator, non humano, sed diuino afflatus spiritu, exponit: Sape, inquit, finit diuina, prudentia per nonnullas nimium turbulenta carnalium hominum seditiones expelli: de congregatione christiana etiam bonos viros: quam contumeliam vel iniuriam suam cum patientissimè pro ecclesia pace tulerint, neque vllas nouitates vel schismatis, vel heresis moliri fuerint, docebunt homines, quàm vero affectu, & quanta synkeritate charitatis Deo seruiendum sit. Talium ergo

virorum propositum est, aut sedatis remeare turbinibus, aut si id non sinatur vel eadem tempestate perseuerante, vel ne suo creditu talis aut sauior oriatur, tenent voluntatem consulendi, etiam eis ipsis quorum motibus perturbationibusq; ceſſerunt, sine vlla conuenticulorum segregatione vsque ad mortem defendentes, & testimonio iuuantes eam fidem, quam in ecclesia catholica predicari sciunt. Ex hac sententia quicumque pius vir Scismaticorum, & Sectariorum excusationes illorum esse accusationes, clarissime cognoscat.

Schismatis præbens occasionem licet non sit Schismaticus reus, tamē est Schismatis.

Cap. 33.

Matt. 18. c.

Sicut ab Ecclesia deficientes vnitatem quamquam irritati, & Scismatici, & inexcusabiles sunt, ita irritantes illos, etsi in Ecclesia vnitatem manentes, non sicut à peccato scandalizantibus excusabiles. Scriptura enim ait: Qui autem scandalizauerit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris: va mundo à scandalis, necesse est enim, vt veniant scandala: veruntamen va homini illi, per quem scandalum venit. His quidem verbis Christus cauendum esse scandalum, & maxime ab ecclesia praelatis, docet. Nam magistratuū peccata magis, quam priuatorū scandalizant, quia illorum scelera, magis quam istorum in rempublicā referuntur. Inter ceteras quidem seditionum causas, quæ rempublicā non solum frequenter perturbāt, sed plarun-

plerunq³ euertunt: Magistratum peccata esse Aristoteles exponit, dū inquit: Superbia enim et auaritia, eorum qui gubernant, homines prouocant contra se, & contra statum eius reipublicæ, quæ ista fieri patiatur: auaritia verò quandoq³ ex priuatis rebus fit, quandoq³ ex publicis. De honore etiam clarum est, & quid valeat, & quomodo causa sit contendendi: ipsi enim inhonorati, & alios honoratos cernentes, seditionem aggrediuntur. Hæc autem iniuste quidem fiunt, cū præter dignitatē honorantur quidam, vel inhonorantur: iuste verò, cū secundum dignitatem. Atq³ idem Aristoteles præcipuā causam inter alias ad seruandam reipublicæ pacē, esse regis studium religionis, asserit. Videri etiam, inquit, oportet ipsum, videlicet regem, erga religionem Deorum assidue vehementer: minus etiam formidabunt populi, ne quid contra iustitiam fiat, si religioni illum deditum existimabunt, ac Deorum timorem habere: minusque contra illum audebunt iusurgerē, quasi deos habeat propitios, & fauentes. Si igitur in terrena ciuitate illa seditionis, & istud vnitatis & pacis sunt cause, multò magis in dei ecclesia (in qua auaritia, & superbia tanquam omnium malorum causa damnantur, & verus Dei cultus tanquam summa iustitia præcipitur) Scismatum et pacis erunt causa. Nā prælatorum superbia, auaritia, et irreligiositas, magis quàm regum, populū scandalizat: quia prælati ex ecclesiastico officio humiliores, liberaliores, et religiosiores illis tenentur esse. Atq³ propter ista mala plures defecisse ab ecclesia vnitatem manifestissimum est.

Nostra

Arist. pol.
li. 5. ca. 3.

Cap. 11.

Nostre tempestatis sectarij ore negant Donatistarum hæresin, factis autem profitentur.

Cap. 34.

Inter reipublica quoque pacem, & Ecclesie unitatem hoc interest, quod illa ab hominum communi cōsensu pendet: quare sicut ab hominibus respublica congregata fuit, ita ab illis potest dissolui: sed ecclesie unitas à Deo pendet, ideo ab hominibus non potest dissolui. Hinc est, quod neque pralatorum ambitio, nec auaritia, nec irreligiositas tollit à Dei ecclesia unitatem: nam etsi propter ista aliqui ab illa separentur, tamen illa seruat unitatem spiritus in vinculo pacis. Sed scismatici & sectarij, cum auaros, ambitiosos, & irreligiosos pralatos ab Ecclesiasticis dignitatibus deponere non valeant, populum christianum ab illis separare, & particulares ecclesias constituere student. Vnde vindictam quam de de ecclesia pralatis non possunt accipere, in Christi corpus, quod est ecclesia, exercent. Christianam enim simplicem plebem in varias sectas scindentes, scismata & hæreses excitarunt, & quod sectarij in pralatorum odium illa faciant, ipsimet testantur. Calvinus. sed hic, inquit, ô Deus, unde incipiam à doctrinâ ne, an à moribus? Quid dicam, aut quid tacebo, ubi desinam? Et infra subdit. Primum enim arcanum illius theologiæ, quæ inter eos regnat, caput est, nullum esse Deum. Alterum, quacunque de Christo scripta sunt, ac docentur, mendacia esse & imposturas. Tertium, doctrina de futura vita, & vltima resurrectione, meras esse fabulas.

Caluin. c. 8
par. 67.

Part. 69.

Si

Si quis igitur *Calvinum* à *Dei spiritu* malo raptum, & volut arreptitium ista dixisse asseruerit, nihil aberrauerit: nam huiusmodi asserere non hominis, sed diaboli temeritas est. Sed diuina prouidentia factum est, quòd quando illis verbis *Calvinus* sui cordis prauitatem manifestauit, tantò ad *Dei ecclesiam* austruendam sufficientius testimonium reddidit, & seipsum mendacij damnat. Postquam enim ille diabolico afflatus spiritu, tria tam impudentissima, quàm falsissima testimonia aduersum *Romanam ecclesiã* protulisset, quæ dixerat retractans, ait: Non omnes ita sentiunt, et pauci ita loquuntur, fateor. Si enim fateris non ita omnes sentire, & paucos ita loqui, ergo in ecclesia *Romana* multi sunt, qui rectam fidem habent. ex quo illic vera est ecclesia. Nam cum illic teste experientia, circa fidei dogmata nulla sit controuersia, omnes concorditer rectam fidem profiteri. & per consequens *Dei ecclesiam* esse, oportet. Quare *Calvinus* asserens in *Romana ecclesia* aliquos circa fidem non rectè sentire, aliquos verò rectè credere secum pugnat: quia cum in *Romana ecclesia* circa fidem non sint varia secta, illic aut omnes errare, aut rectam omnes tenere fidem oportet: sed iuxta *Caluini* sententiam non omnes errant, igitur omnes rectè credunt, quia illic omnes pari consensu eandem profitentur fidem. Manifestè igitur colligitur, quòd sectarij infamando *Papam*, ecclesiam cui præsidet, à qua *Lutherus*, ceteriq, sectarij exierunt, sanctam *Dei ecclesiam* esse profitentur. Sed ò bone Deus, quid est, quod tam frequenter praelati impropellantur à sectarijs?

rijs? Nullum sectarij verum dogma oppugnant, nulum etiam falsum astruunt sine pralatorum contumelijs, dictarijs. scōmatibus et derisionibus, ob quam causam verè in hæresis Donatistarum suspicionem apud probos viros venerunt, quam opinionem, quæ meritò de illis habetur, si falsam esse persuadere velint, verba, quibus clerum infamant, à suis commentarijs & concionibus expungere oportet: quod si fecerint. proculdubio bona pars controuersiarū è medio auferetur: nam ex illis fere omnia disidia orta sunt. Illa enim, quæ beatus Augustinus Manichæis obiicit, tam nostri seculi sectarijs, quàm illis conueniunt.

1. cap. 34. Nolite, inquit, colligere professores nominis christiani, nec professionis suæ vim aut scientes, aut exhibentes. Nolite consecrari turbas imperitorum, qui vel in ipsa vera religione superstitiosi sunt, vel ita libidinibus dediti, vt obliiti sint, quicquid promiserint Deo. Et infra: Nunc vos illud admoneo, vt aliquando ecclesia catholica maledicere desinatis, vituperando mores hominum, quos & ipsa contemnat, & quos quotidie tanquam malos filios corrigere studet: sed quicunq; illorum bona voluntate, Deiq; auxilio corriguntur, quod omiserant peccando penitendo recuperant. Qui autem voluntate mala in pristinis vitijs perseuerant, aut etiam addunt grauiora prioribus, in agro quidem domini sinuntur esse, & cum bonis seminibus crescere, sed veniet tempus, quo zizania separentur: aut si iam propter ipsum Christianum nomen magis in palea, quam in spinis esse arbitrandi sunt, veniet etiam qui aream purget, & à frumen-

August. de
mor. eccl.
cathol. lib.
1. cap. 34.

framenti paleam separet, et singulis partibus pro suo cuiusq; merito quod oportet summa equitate distribuat. Vos interea quid scitis, quid excacamini studio partium? quid tanti erroris longa defensione implicamini? fruges in agro, frumenta in area quarite: apparebunt facile, seseq; offerent ipsa quarētibus: quid nimis in purgamenta oculos intenditis? quid ab opimi horti vbertate imperitos homines sepium asperitate terretis? Est certus aditus, quamvis paucioribus notus, quo possit intrari: quem vos aut esse non creditis, aut inuenire non vultis. Sunt in ecclesia catholica innumerabiles fideles, qui hoc mundo non vtantur: sunt, qui vtantur, tanquam non vtentes. Hæc Augustinus. Quo nihil profecto clariùs, nihilq; veriùs auersus nostri sæculi sectarios dici potuit.

Ecclesiæ præpositi ecclesiæ pacis ergo, aliquando quidem honoribus renunciare, abusus autem semper existipare tenentur.

C. p. 35.

Eccllesiastica quidem disciplina, id est morum inclinatio maximè huius sæculi deploranda est. Neque hoc malum quia vetus contemnendum est (à tempore quidem Pauli incepit. Ipse enim inquit. Hic iam queritur inter dispensatores, vt fidelis quis inueniatur) imò enim quàm vetus, tam periculosum, idèd magis curandum. Sed cauendum est, ne maius damnum inferatur Ecclesiæ per indiscretum remedium, quàm sit illud,
quod

quod patitur tollerando aliqua mala, quod per nostri seculi sectarios (experientia testante) factum est: qui, vt religionis abusus tollerent, varias sectas, & scismata excitarunt: & vt mores componerent, omnem Ecclesiasticam administrationem, & omnem gradum perturbarunt, & confuderunt, perinde ac si quis ad ebrietatem tollendam vites exstirparet. Qui igitur ecclesie membrum est in hoc calamitoso saculo, imitetur sanctam matrem ecclesiam, de qua Augustinus ait: Ecclesia Dei inter multam paleam, multa q³ zizania constituta multa tollerat, et tamen quae sunt contra fidem, vel bonam vitam, non approbat, nec tacet, nec facit. Hec Augustinus. Quod si quis mihi dicat, haec omnia in sectariorum congregationibus fieri, quae de ecclesia Augustinus scripsit, intelligat oportet, illa non esse contra fidem, aut bonam vitam, quae ecclesia particularis, aut priuatus homo, sed quae ecclesia communis sensus definit, morum denique deformitas quam nobis sectarij obijciunt, tantum abest, vt per illos sit reformata, vt potius deformior, & perniciores euaserit: sed non prauis mores, sed ecclesiae scismata, & sectarum dissidia, ex quibus mali mores indies magis, magisq³ augentur, illis obijcimus. Quod si vtriq³, quod in altero reprehendat, non deest, ad pacem ecclesiae componendam, nullum melius remedium, et ad dissidia sedanda inueniri potest, quam illud, quod Paulus docet, vt beatus Augustinus exponit, dum ait: Si enim vera sunt crimina, & quae à nobis in illos, & quae ab ipsis in nos dicuntur, faciamus, quod ait apostolus: donantes nobismet ipsos sicut

Augu epi.
119.

Aug. li. de
vni. . Ec.
cap. 3.

cut & Deus in Christo donauit nobis, vt maligni homines nec illi qui sorte fuerunt, vel sunt apud nos: vel qui vel fuerunt, vel sunt apud illos, impediunt concordiam nostram, & vinculum pacis vno eorum scelere correcto, quod se frustra separauerunt ab vnitae orbis terrarum, cum tales haberent. Haftenus Augustinus. Quod si non vultis nobis donare, quae peccauimus, saltem Christo parcite, quem membratim scinditis, dum in illius Ecclesia dissidia seminatis: nam seditio, quae in inuidiam praelatorum excitatur, magis Ecclesiam, quam illos ledit, vt beatus Chrysostomus exponit, dum ait: Si enim in nos vltionem exercere volueritis, modum ac rationem facile tibi tradam, quo sine tuo damno vlciscare: imò non potest fieri, vt sine damno planè vlciscaris: veruntamen cum minore nocumento poteris, alaphis me percutere, conspue, publicè reprehendo plagas intenta. Horres ista audiens? si vbi iubeo vt percutias me, ita horres, quomodo dominum tuum proscindis, & non horres, dominica membra discerpis, & nihil tremis: paterna domus est ecclesia, vnum corpus est, & spiritus vnus, si me punitum cupis, de me ergo sumpta vltione, gradū sistito. Quid pro me Christum ladis? imò quid contra clauos acutos calcitras? Verum ad scandala tollenda, Ecclesiae praelati, non solum abusus extirpare, sed quandoq; honores deponere tenentur, quod beatus Chrysostomus exponit, dicens: Igitur si de nobis ista suspicamini, parati sumus praelaturam hanc relinquere, quandoq; volueritis, modo vna sit ecclesia, &c. Hac quidem B. Chrysostomi feruens charitas, pro

Chryf. ad
Ephē. 4.
hom. 11.

Aug. li de
gest: cum
emer.

sectò quanquam rara, tamen (non in homine, sed in Deo confidens) si in hoc calamitoso seculo ad ecclesia sediciones sedandas, fuisset necessaria in praelatis, illam non defuturam existimo. Nam quanquam in singulis praelatis desideretur, tamen si in concilio fuissent legitimè congregati, non desideraretur. Huius rei praeclarum exemplum refert Augustinus, dùm inquit. Dicam charitati vestrae & commemorem rem dulcissimam, & suauissimam, quam domino adiuuante sumus experti, cùm ante ipsam collationem inter nos aliqui fratres de hac re colloqueremur, quia pro pace Christi Episcopi debent esse, aut debent non esse, quod vobis fatendum est, circumspectantes omnes fratres & coepiscopos nostros, non facile nobis occurrerant, qui hoc vellent suscipere, & de hac humilitate domino sacrificare dicebamus, vt fieri solet, ille potest, ille non potest, ille consentit hoc, ille non tolerat, loquentes magis pro suspicionibus nostris, quia corda illorum videre minimè poteramus. Quando autem ventum est, vt hoc palam fieret, in concilio vniuersorum tam frequenti penè trecentorum Episcoporum sic placuit omnibus, sic exarserunt omnes, vt separati essent Episcopatum pro Christi vnitatem deponere, & non perdere, sed Deo tutius commendare, &c. Hac quidem praelatorum rara humilitas contra Schismaticum venenum efficax esse antidotum, nemini dubium est: sed an ad praesentis seculi dissidia sedanda illa sufficiat, certum non est, quia sectarij non solum ecclesiae praelatos, sed etiã illorum potestatem, atq; omnem ecclesiasticam administrationem tollere, aut variare, ac fi-

dem

de iunouare student, Vnde et si propter pacem ecclesia deponere Episcopatum oporteat, tamen nec propter hereticos, nec Scismaticos fidei doctrina, & morum legitima disciplina, quantumcunq; scandalum oria-
tur, pratermitenda est.

Ecclesia ex qua sectarij exierunt est Cap. 36.
apostolica.

Quoniam sectarij ad suos excusandos, et astruen-
dos errores Dei ecclesiā à fidei sinceritate defe-
cisse pratererunt: ideo Constantinopolitana synodus
ad illorum detegendas, & reuincendas technas, eccle-
sia notas in apostolorum symbolo positas, videlicet,
Sanctam Ecclesiam Catholicam, explicauit, cum
ait: Et vnā Catholicam, & Apostolicam Ecclesi-
am. Illa enim vocula, Apostolica, particulares ec-
clesias, & fideles non solum cum vniuersa presenti,
& contemporanea, sed cum prisca illa Dei Ecclesia
vnitatem spiritus in vinculo pacis seruare desinit.
Quare quotquot sunt in ecclesia, in qua Patriarchis
Prophetae, & istis apostoli successerunt, fidem per a-
postolos explicatam vnanimiter profitentur. Et
quia apostolorū predicatione, magis quā prophetarū
vaticinijs fidei mysteria fuerūt explicata: ideo per
apostolos magis, quā p prophetas ecclesia fuit pro-
mota. Hinc factū est, qd christianus populus plura de
mysteria et explicatijs, quā Israelitica plebs cred-
derit, et per hāc promotionē dei ecclesia nō variata,
sed melior facta est. Sicut enim iuuētus infantia, pue-
ritia, et adolescentia succedens, hominem non variat,

sed perficit, ita apostolorum doctrina non variauit, sed explicauit prophetarum vaticinia, & Ecclesiam tandem perfecit: & propter hanc causam ecclesia per Apostolorum predicationem, doctior quàm antea, euasit. Vnde Dei Ecclesia à Christi aduentu, nō quod excludat prophetas, sed quod illos, ac Christum in lege promissum, explicet, vocatur apostolica: quia fidem, quam prophetae implicitè docuerunt, eandem apostoli explicitè docuerunt. Apostolorum doctrina, non noua, sed antiqua est: ex quo fit, quod per hanc notam Apostolica, Sectariorum ecclesia à Dei ecclesia discernantur. Nam Catholica praesens ecclesia diuinam scripturam vnanimiter iuxta apostolorum predicationem exponit, & credit: Sectariorum verò ecclesia suo arbitrio innitentes, variè exponunt Dei verbum, & in fidei dogmatibus cum antiqua ecclesia seruare pacem falso affirmant. Confessio Augustana: hac, inquit, summa est doctrina, qua in ecclesijs nostris traditur, & consentaneam esse iudicamus & prophetica, & apostolica scriptura, & catholica ecclesia, postremo etiam Romana ecclesia, quatenus ex probatis scriptoribus nota est, &c. Profectò si confessio Augustana fuisset consentanea antiquae ecclesiae apostolica, proculdubio etiam cum praesenti ecclesia seruasset concordiam in dogmatibus: quia praesens catholica ecclesia, quam Sectarij in orbe terrarum inuenerunt, Apostolica est. Nam cum tunc temporis Ecclesiae omnes vnitatem spiritus in vinculo pacis seruassent, non plures, sed vna fuit ecclesia, & illam Apostolorum doctrinam retinuisse necesse est, aliàs
dei

Aug. cōf.
in Epilo.

Dei ecclesia euauisset. Quare Sectariorum, cœtus qui cum præfenti Dei ecclesia in fidei dogmatibus nõ concordant, ne cum antiqua, sanè nec cum scripturis concordant, quia præfens ecclesia non alia à priſca, ſed eadem eſt.

Catholica eccleſia ſine apoſtolica doctrina non poteſt perſtare.

Cap. 37.

Patriarcharum quidem, & Prophetarum fides, ſecundum quod per Apoſtolorum prædicationẽ fuit explicata, tam neceſſaria eccleſiæ, quàm fundamentum domui exiſtit: quia eccleſia ſupra fundamentum Apoſtolorum perſtat. Paulus enim: *Iam non eſtis, inquit, hoſpites & aduena, ſed eſtis ciues ſanctorum, & domeſtici Dei, ſuperædificati ſuper fundamentum Apoſtolorum, et Prophetarum. Quare noſtri ſæculi Sectarij aſſerentes Dei eccleſiam permanſiſſe, & apoſtolicam doctrinam defeciſſe, toto cælo aberrant: quia apoſtolica doctrina fundamentum eccleſiæ eſt, & illa deficiente, Dei eccleſiam deſinere,* Calu. ca. 8.
neceſſe eſt. Sed Calvinus aduerſus hanc apoſtolicam part. 5.
doctrinam: nihileſt enim, inquit, quod magis Sathã moliatur. Et infra: Eius arte factum eſt, vt pura verbi prædicatione aliquot ſæculis euauuerit, & nunc eadem improbitate incumbit ad labefactandum miſterium, quod tamen ſic in eccleſia Chriſtus ordinauit, &c. Hanc verò aſſertionem eſſe hæreticam, fidei articulus expreſſe docet, dùm ait: Vnam Sanctã catholicam, & apoſtolicam eccleſiam. Illa etenim uocula, Apoſtolica, verbi puram prædicationem à Chr-

sti aduentu tam perennem esse, quàm ecclesiam, manifestè docet. Cum enim homines non nascantur, sed renascantur in Christo, necessaria est verbi pura prædicatio: si enim hac in ecclesia euangelis-
 set, Deus deficeret in necessarijs. Nam sicut Deus qui natura est auctor, in illis, quæ ad mundi stabilitatem spectant, non deficit: etenim animalia & cetera corruptibilia quamuis continuè moriantur, alia illis succedunt, quia naturalis potentia ad generandum similia non deficit: ita, imò multò magis in Dei ecclesia potentia ad propagandos Dei filios nunquā deficit. Atq; hanc quidem propagationem per prædicationem fieri, Paulus exponit, dùm inquit: Nam si decem millia paedagogorum habeatis in Christo, sed non multos patres: nam in Christo Iesu per euangelium ego vos genui. Et in alio loco scriptura ait: Quotquot autem receperunt eum, dedit eis potestatem filios Dei fieri, his qui credunt in nomine eius. Quare pura Dei verbi prædicatio, & per consequens verbi ministerium, quod Christus ordinauit vsq; ad sæculi consummationem, in ecclesia nunquam deficiet: atq; de hac verbi prædicatione, & ministerio, expressa promissio facta est à Christo. Data est, inquit, mihi omnis potestas in celo & in terra: euntes ergo docete omnes gentes, baptizantes eos in nomine Patris, & Filij, & Spiritus sancti, docentes eos seruare omnia quacunque mandauimus vobis: & ecce ego vobiscū sum omnibus diebus vsq; ad consummationem sæculi. Beatus Augustinus hunc scripturæ locum de verbi Dei ministerio intelligendum esse exponit, dùm inquit: Non itaq;

Ad Cor. 4.

Ioan. 1. ca.

Mat. 28.

Augu. epi.
80.

itaq³ sic dictum est apostolis: Eritis mihi testes in Hierusalem, & in tota Iudaea & Samaria, & vsq³ in extremum terrae, tanquam ipsi soli quibus tunc loquebatur tantum munus fuerint impleturi: sed sicut eis solis videtur dixisse, quod dixit: Ecce ego vobiscum sum vsq³ in consummationem saeculi: quod tamen eum vniuersae ecclesia promississe, quae alijs morientibus, alijs nascentibus hic vsq³ in saeculi consummationem futura est, quis non intelligat? Sicut eis & illud ait, q^d ad eos omninò non pertineret. Cùm videritis haec omnia, scitote, quia prope est in ianuis. Ad quos enim hoc pertinet, nisi ad eos qui in carne tunc erunt, cùm omnia cõplebuntur? quãtò magis illud, quod ex magna parte per eos agendum fuit, quãvis & posteris eorum eadem actio seruaretur. Hac ille. Igitur in Catholica Ecclesia pura verbi prædicatione nunquã est defutura. Quod si prædicatione euauit, necessariò etiã & fides defecit, quia fides, vt scriptura inquit, ex auditu, auditus aut per verbũ Dei. Quare deficiẽte pura verbi prædicatione, Ecclesiam quoque desinere est necesse. Ecclesia quidem fundamentum, quod est fides, non aliter, quàm per verbi puram prædicationem iacitur, vt Paulus docet, cum inquit: Quomodo credent ei, quem non audierunt? quomodo autem audient sine prædicante? Et cùm per verbi puram prædicationem fundamentum totius edificiij spiritualis iaciatur, si Sathana molimine factum est, vt verbi pura prædicatione aliquot saeculis euauisset, tunc nullum Ecclesiae fundamentum fuisset positum,

et per consequens porta inferi, id est Sathan, iam praeualuisset aduersus Christi ecclesiam, imò potius aduersus Christum, qui illam fundauit. Vnde Christum in ecclesiae structura non posuisse stabile fundamentum, & non sterisse promissis, Calvinus vel ita nolit, oportet fateatur. In huiusmodi enim blasphemias, Calvinus cum suis collegis ad suos errores astruendos, & Schismata excusanda cogitur erumpere.

Pura verbi dei praedicatio tam perennis est, quàm ecclesia.

Cap. 38.

Aug. cōf. arti. 20.

Calu ca. 8. para. 68.

SEctarij quidem ad vnum errorem propugnandū, Salterum excogitarunt. Nam ad astruendam verbi puram praedicationem euauisse, Ecclesiam, & falsa dogmata contra fidei sinceritatem profiteri, et iniquas leges contra bonos mores tulisse, falsissimè affirmant. Augustana confessio: nunc Dei, inquit, beneficio reuocatur Ecclesia ad veros & vtilis cultus, quos Deus probat, & requirit. Propheta grauissimis concionibus deplorant hanc ecclesiae calamitatem, quod veris cultibus extinctis in ecclesia regnatura sint humanae ceremoniae, & impia fiducia ceremoniarum. Et ab hoc errore reuocant ecclesiam ad veros cultus, & ad vera bona opera. Calvinus etiam eundem errorem affirmans, ait: Cum tamen praedicat Paulus venturam defectionem: hac descriptione significat, sedem illam abominationis tunc erigendam, ubi vniuersalis quaedam defectio Ecclesiam occuparit, &c. Sed omnes istos cum fidei symbolo pugnare, nedum

dum secum manifestè constat. Nam modo aiunt nūquam ecclesiam desiuisse, & modo negant. Quid quod si dei ecclesia à fidei sinceritate defecit, illa proculdubio non solum defecit, sed desiuit. Si enim priuatus homo propter manifestum Schisma, aut heresin non solum coram Deo, sed etiam respectu hominum desinit esse Christi membrum, multò magis ecclesia deficiens à fide, nec Christi corpus, nec sancta est: nemo enim sine fide placet Deo. Quare defectionem vniuersalem occupare Christi Ecclesiam est impossibile, quia tunc ecclesia omnino desiisset, & deficiendo haretica fuisset. Atq; sectarij propter hanc causam comminiscens, se ab ecclesia defecisse, fidei articulum negant. Aug. cōf. de abusi. Augustana confessio: facile, inquit, posset sarcire concordiam, & ordinis auctoritatem tueri, si vitiosos cultus, & iniustas leges aboleret. Calvinus quoque eidem sententiæ subscribens, ait: Calu. ca. 8. part. 10. In eum modum cū res habeat sub Papismo, intelligere licet, quid ecclesiæ illic supersit, pro verbi ministerio peruersa & mendacijs conflata illic regnat institutio. Et infra: Quare nullum est periculum, ne ab exitiali tot flagitiorum participatione desciscendo ab ecclesia Christi diuellamur, &c. Si igitur vos desciscendo ab ecclesia vniuersali, non estis separati à Christi ecclesia, proculdubio Dei ecclesia per vniuersalem defectionem facta est Sathana, & per consequens, multò ante Lutheri predicationem catholica Dei ecclesia desiisset, quod manifestaria hæresis contra symbolum fidei est. Verum Calvinus, ad hoc inconueniens vitandum, in aliud maius et magis ma-

Calu. ca. 8.
part. 68.

nifestum inciat: nam postquam vniuersalem defectum occupasse ecclesiam asseruisset, ne hoc dogmatizando, ecclesiam desuiisse, videatur asserere, illicò addidit: Vt cunq; multa ecclesie membra in vera fidei unitate sparsim perseuerent, &c. Sed hoc esse hæreticum, manifestum est: nam sicut corporis membra capiti non copulantur, si corpus à capite fuerit præcisum: ita si vniuersalis ecclesia per vniuersalem defectionem illam occupantem à Christo defecisset, illius membra in vera fidei unitate permanere non potuissent: nullus enim nisi per ecclesiam potest Deo copulari. Vnde vniuersali Ecclesie deficiente singulos fideles deficere, & in vera fidei unitate non permanere est necesse: nam sicut corpus non à membris, sed ista ab illo pendent, ita ecclesia stabilitas non à membris, sed istorum firmitas ab ecclesie firmitate dependet.

Calu. ca. 8.
part. 1.

Atque hanc doctrinam Calvinus sibi pugnantem exponit, dùm inquit: Sed talem ecclesie unitatem cogitare, in quam nos esse inuitos verè persuasi sumus: nã nisi Christo capiti nostro per hanc cum omnibus membris eius coniunctionem compacti Et infra: Quando extra ecclesie unitatem nullam esse salutem scriptura pronunciat, &c. Si enim extra ecclesie unitatem, sicut extra arcam Noë non est salus, perspicuum est, cùm per vniuersalem defectionem ecclesia fides, & unitas euanuisse, nullum potuisse in ecclesia unitate saluari, quia in vniuersali defectione, non fidei, sed erroris unitas est. Vnde qui asserit vniuersalem ecclesie defectionem, profectò, velit nolit, fidei articulum: vnam Sanctam Catholicam & Apostolicam Eccle-

siam

siam, negat, & hereticus est. Quia si vniuersalis defectio occupasset ecclesiam, illa non fuisset sancta: sine fide enim impossibile est placere deo. Et si non est sancta, non Dei, sed Sathana Ecclesia est.

Vniuersalem defectionem occupare catholicam ecclesiā est impossibile.

Cap. 39.

CALVINUS quidem illam Pauli sententiam, nisi venerit discessio, cōtra fidei articulum, vnam Sanctam, Catholicā, & Apostolicam ecclesiam, detorquet. Nam addens illi hanc voculā, vniuersalis, Dei verbum deprauat. Paulus quidem non ait vniuersalis discessio, sed discessio: illa enim vocula vniuersalis cū sit nota Dei ecclesia, si coniungatur huic verbo, defectio, ecclesiā dei abolet. Nā simul esse vnam Sanctam, Catholicam Ecclesiam, & Ecclesia catholicā defectionem, secum pugnant: quia vtrumvis alterum destruit. Vniuersalis enim defectio Dei ecclesiam occupans, vniuersalem ecclesiam omninō tollit. Quare manifestē colligitur, Caluini expositionem esse hereticam, & contra fidei articulum, videlicet: vnam Sanctam Catholicam Ecclesiam: quia fidei articulus vniuersalem defectionem nunquam occupaturam ecclesiam definit. Ex quo fit, quod quanquam aliqua particulares ecclesiae a catholica defecerint, et plures homines fuerint heretici quā catholici, tamen vniuersalis defectio nunquā occupabit ecclesiā: quia Catholica ecclesia non in illis multis qui deficiēdo ex ecclesia exierint, sed in illis paucis qui

Paulus ad
Philip. 3.

qui vnitatem spiritus in vinculo pacis seruauerint, permanebit. Istos enim esse in Apostolica ecclesia, Paulus exponit, dùm inquit: Quicumque ergo perfecti sumus, hoc sentiamus, & si quid aliter sapitis, & hoc vobis Deus reuelauit: veruntamen ad quod peruenimus, vt idem sapiamus, & in eadem permaneamus regula. At Sectarij cùm in apostolicis dogmatibus, quæ in ecclesia inuenerunt, non permanissent, nec idem sapuissent, extra catholicam sunt ecclesiam, et in illis iniquitatis mysteriũ iam est efficax, quia defectio non dei catholicam ecclesiam, sed sectarios occupauit. Atque isti profecto, & non vna catholica ecclesia, quæ columna & firmamentum est veritatis, defecerunt. Vnde Caluini malus animus, & ceca mens aduersus sanctam ecclesiam deprehenditur, dùm ille ex Pauli verbis catholicũ sensum (videlicet, quod quanquam defectio multa ecclesia membra occuparit, tamen Catholica ecclesia vtcunque in vera fidei vnitatem permansit) colligere non studuit, sed vt comprobaret, se non esse ecclesiam filium, sed immanissimũ hostem, hereticum eligens sensum, inquit: Cùm tamen prædicit Paulus venturam defectionem: hac descriptione significat, sedem illam abominationis tunc erigendam, vbi vniuersalis quadam defectio ecclesiam occuparit, vtcumq, multa ecclesia membra in vera fidei vnitatem sparsim perseuerent, &c. Sed interrogandus est Calvinus, an illa ecclesie membra, quæ vniuersali defectione occupante Ecclesiam in vera fidei vnitatem sparsim perseuerare asserit, sint hæretici clancularij, quales apud Anabaptistas fertur esse.

Calu. ca. 8.
partit. 68.

Huius-

Huiusmodi enim vnitatem spiritus seruare extra ecclesiam non possunt: nam sine fidei confessione, & sine participatione Sacramentorum, non est salus: corde enim credere ad iusticiam, & ore confiteri ad salutem, necesse est. Igitur si illa membra palam non confitebantur veram fidem, non seruabant etiam vnitatem spiritus in vinculo pacis. Quod si illa ecclesia membra palam fidem confitebantur, igitur defectio non fuit vniuersalis. Neque illa septem millia, quae in populo Israel non coluere idola, astruunt Caluini errorem: nam illa non fuerunt clancularia, sed manifesta membra ecclesiae, non sparsa, sed vnita. Et derelinquam mihi, inquit scriptura, in Israel septem millia virorum, quorum genua non sunt incuruata ante Baal. Beatus Augustinus: nam in ipsa Samaria, inquit, & Helias, & Heliseus erant, etsi in solitudine, non tamen deuitandorum Sacramentorum causa, sed quia persequutionem à regibus impijs patiebantur: nam illic erant non utique, in solitudine separata, quae ipse ignorabat Helias, septem millia virorum, qui non curuauerunt genua ante Baal. Hac ille. Illa namque septem millia etsi latebant Heliam, quia ille in ciuitatibus non conuersabatur, manifestaria ecclesiae membra fuerunt: nam communicabunt in vera religione. Quia etsi aliqui Israelitae defecerunt ad idololatriam, tamen alij vnitatem spiritus in vinculo pacis cum manifestaria Dei ecclesia, quae remansit in Iudaea, seruauerunt. Tunc enim temporis in populo Israel, non solum fuit vna religio, sed plures, vna videlicet vera, & altera falsa. Quare non omnes ad

vnam

3 Reg. ca.
19.Augu. cōt.
Dona post
col. c. 20.

vnā pertinēbant ecclesiā. Fideles igitur sub Dei ecclesia erant, quæ, etsi aliqui defecerint ab illa, ipsa tamen non deficit à Deo: quia si ipsa defecisset, nec Helias, nec illa septem millia in fide perseverassent.

Templū in quo Antichristus sedebit, non Dei, sed Sathanæ ecclesia est.

Cap. 40.

Calu ca. 8.
para. 15.

2. Petri 3.

ATque Calvinus non solum asserendo, vniuersalem defectionem occupasse Ecclesiam, sed affirmando pontificem Romanum Antichristi esse ducem, diuinam deprauat scripturam, ac de ecclesia impiam, seu potius omnino desuisse asserit. Antichristum, inquit, in templo Dei sessurum prädixerunt Daniel & Paulus, illius scelerati regni ducem apud nos facimus Romanum pontificem, & sedes eius in templo Dei collocatur, &c. Sed illi beati Petri sententia maximè conuenit. Sicut et charissimus, inquit, frater noster Paulus secundum datam sibi sapientiam scripsit vobis, sicut & in omnibus epistolis, loquens in eis de his, in quibus sunt quedam difficultates intellectu, quæ indocti, & instabiles deprauant sicut & ceteras scripturas ad suam ipsorum perditionem. Sectarios esse indoctos, & instabiles, eorum varia dissidia, & noua doctrina clarissimè ostendunt: nam illi, vt maiori licentia noua dissidia moueant, & ad excutiendum ecclesiæ iugum, quod vniuersalis defectio ecclesiam occupauisset, et quod Papa illi præsiciens sit Antichristi dux, falsò affirmant. Atque ad hoc probandum, vt beatus Petrus dicit, scripturas deprauant, & vt clariùs Calvinum diuinarum scripturarum deprauatorem esse intelligamus, Pauli ver

ba in medium ponamus. Ne quis, inquit vos seducat
 vlllo modo: quoniam nisi venerit discessio primum, et
 reuelatus fuerit homo peccati, filius perditionis, qui
 aduersatur, & extollitur supra omne, quod dicitur
 Deus, aut quod colitur, ita, vt in templo Dei sedeat, o-
 stendens se tanquam sit Deus, etc. Illa quidem verba,
 ita vt in templo Dei sedeat, si quis de vniuersali eccle-
 sia interpretetur, absq; dubio scripturam deprauat,
 quia sedere Antichristum, est illum dominari, et re-
 gnare: sed illum in dei ecclesia dominari est impossi-
 bile: quia si in aliquo ecclesia membro peccatū regna-
 ret, tunc illud non Dei, sed Sathanae templum esset.
 Igitur si Antichristus in vniuersali ecclesia regnaret,
 illa non Dei, sed Sathanae ecclesia fuisset. Paulus: ne-
 scitis, inquit, quoniam corpora vestra membra sunt
 Christi? tollens ergo membra Christi, faciam mem-
 bra meretricis? Absit. An nescitis, quoniam qui adha-
 ret meretrici, vnum corpus efficitur? Erunt enim, in-
 quit, duo in carne vna: qui autem adherent domino,
 vnus spiritus est. Item in alio loco ait. Non regnet pec-
 catū in vestro mortali corpore: & vt exponeret, quid
 sit regnare, illicò addidit. Vt obediatis cōcupiscentijs
 vestris: per hanc enim obedientiam, qua homo obedit
 peccato, Sathan regnat in hominibus. Nam qui facit
 peccatum, seruus est peccati, & homo qui Dei tem-
 plum fuit, obediendo peccato Diaboli membrum
 & templum fit. Sicut enim fideles membra sunt
 Christi, & Ecclesia Christi est corpus, & De-
 us in Ecclesia sedet, id est, regnat: ita etiam suo
 modo Diabolus habet sua membra, & corpus.

P ul. 2. ad
 Thess. c. 2.

1. ad Cori.
 6. cap.

Et in illis sedet, Et in illis dominatur. Atq; huiusmo-
 di Antichristi regnum futurum prädixit Paulus,
 Paul. 2. ad Thess. c. 2. dùm inquit: Qui aduersatur, Et extollitur supra om-
 ne quod dicitur Deus, aut quod colitur, ita vt in
 templo Dei sedeat, ostendens se tanquam sit Deus.
 Paulus quidem quale sit templum, in quo Antichri-
 stus sessurus sit, per illius simulatam diuinitatem ex-
 plicauit. Nam non dixit, ostendens se esse Deum, sed
 ostendens se tanquam sit Deus. Vnde si Idola habue-
 runt templa, non quod illa veri Dei essent, sed quia in
 illis diuini honores impiè idolis exhibebantur, Deo-
 rum templa dicebantur: ita Antichristus ostendens
 se tanquam Deum, non in templo veri Dei, quod est
 vna sancta, catholica, Et apostolica ecclesia, sed in
 cœtu impiorum perinde ac si esset Dei ecclesia sedebit,
 id est, regnabit, Et tanquam Deus diuinos honores
 à suis membris exiget. Et impiorum cœtus, tanquam
 Deum illum colet. Atq; ille quidem impiorum cœtus,
 non quod sit, sed quod olim fuisset, ideo dei templum
 dicitur. Hunc esse diuinæ scripturæ germanum sen-
 sum, beatus Augustinus exponit, dùm ait: Sed in quo
 templo Dei, vt Deus sit sessurus incertum est: vtrum
 in illa ruina templi, quod à Salamonerege constru-
 ctum est, an verò in ecclesia: non enim templum ali-
 cuius idoli, aut demonis templum Dei apostolus dice-
 ret. Vnde nonnulli non ipsum principem, sed vniuer-
 sum quodāmodo corpus eius, id est, ad eum pertinen-
 tem hominum multitudinem, simul cum ipso prin-
 cipe suo hoc loco intelligi Antichristum volunt: recti-
 usq; putant etiam latinè dici sicut in græco est, non
 in

Aug. de ci-
 uit. lib. 20.
 ca. 19.

in templo Dei, sed in templum Dei sedeat, tanquam ipse sit templum Dei, quod est ecclesia, sicut dicimus, sedet in amicū, id est, velut amicus, vel si quid aliud isto locutionis genere dici solet. Beatus quoque Anselmus inquit: Et ita erigetur, ut sedeat, & se adorare iubeat in templo dei, fortasse quod est in Hierusalem, vel potius in templo Dei sedebit, id est, in mentibus christianorum, quos seducet, qui fuerunt templum Dei. Nam iuxta hunc sensum dicitur in Psalmo: Deus venerunt gentes in hereditatem tuam, polluerunt templum sanctum tuum. Gentes enim polluerunt templum Dei, quando pagani quosdam christianos in persecutione idolis sacrificare cōegerunt. In huiusmodi igitur templo sedebit Antichristus, ostendēs se tanquam sit Deus, id est, super eorum mentes, quos seducere poterit, fastu gloriae secularis erigetur, ita ut cū sit homo peccator, homo tamen existimari despiciens Deum, se super homines mentiatur, &c. Horum profectō sanctorum expositio cum fide constat. Nam Ecclesiam esse Dei templum, & in ea regnare Antichristum, cum verbo Dei pugnat. Paulus enim: nolite, inquit, iugum ducere cum infidelibus: quæ enim participatio iustitiæ cum iniquitate? aut quæ societas luci ad tenebras? quæ autē conventio Christi ad Belial? aut quæ pars fidei cum infidei? qui autem consensus templo Dei cum idolis? Vos enim estis templum Dei vivi, sicut dicit Deus: Quoniam inhabitabo in illis, & inambulabo inter eos, & ero illorum Deus, & ipsi erunt mihi populus: propter quod exite de medio illorum, & separamini, dicit dominus, &

Ansel. 2. ad
Thessa 2. c.

Paul. 2. ad
Cor. 5.

immundum ne tetigeritis, & ego recipiā vos, & ero vobis in patrem, & vos eritis mihi in filios & filias, dicit dominus omnipotens. Iste diuina scriptura locus non figuratè loquitur: ideo per istum tanquam magis clarū cetera loca obscuriora sunt interpretanda. Vnde manifestè colligitur, quod Dei templum, in quo Antichristus sedebit, non sit Dei ecclesia, sed sicut Antichristus non erit verus, sed simulatus Deus: ita templum, in quo sedebit, non veri Dei, sed Sathana ecclesia erit: & qualis Deus ille erit, huiusmodi templum habebit. Quare non Papam, nec ceteros ordinarios ecclesie præsides, qui ecclesias in vinculo pacis continent, sed hereticos & sectarios Antichristi esse duces, Catholica Ecclesia confitetur. Nam per istorum falsam predicationem multi à catholica fide defecerūt. Sed cum huiusmodi scripturarum expositiones non solum difficiles sunt, sed inuidia seminarium sint, ab illarum disputatione cauendum esse, beatus Augustinus monet, dum inquit: Sed quoniam multa in alios, vel ob alia dicta in quos volunt, & ad quos volūt, maledicti plerumq; conuertunt, multa etiam propter exercendas rationales mentes figuratè atq; obscurè posita, per anigmatis imagines, vel ambiguitatis ancipitem sensum, fallaci aliquando interpretationi consonare, & conuenire creduntur. Hoc etiā prædico atq; propono, vt quæque aperta manifestè diligamus, quæ si in sanctis scripturis non inuenirētur, nullo modo esset, vnde aperirentur clausa, & illustrarētur obscura. Verbi enim gratiā videte, quàm facile sit vel nobis in eos dicere, vel illis in nobis, q; ait dominus Phari-

riseu

Aug. de v-
nit. Eccl.
cap. 5.

risais: Similes estis monumentis dealbatis. Et infra: Hac siue in illos à nobis, siue ab eu in nos dicatur, nisi prius probetur manifestissimis documentis, qui sint, qui cum sint iniusti, iustos se ipsos consingant, conuiciante magis leuitate, quàm conuincente veritate, dici quis mediocriter sanus ignoret? Aliiter quippe illa dominus in Phariseos dicebat, tanquam dominus, id est, cognitor cordis, & humanorum omnium secretorū et testis & iudex. Nos autem prius debemus inuenire, & ostendere quid arguamus, ne ipsi potiùs grauiissimo crimine insanae temeritatis arguamur. Hic quidē beati Augustini cādor animi in proximi moribus corrigēdis, in hoc infalicissimo saculo desideratur.

Sectarij vniuersalem ecclesiæ defectio Cap. 41.
nem asserentes, sibi non constant.

TEstimoniū perhibentes sectarij de ecclesia, hareses, quas aduersus illā excogitarunt, expugnāt, sibiq; metipsis non constāt. Calvinus enim de ecclesia differens, inquit. Est enim nostra omniū mater, penes quam gratia sua thesauros depositos esse voluit dominus: q; et eius fide conseruentur, et per eius ministeriū dispensentur. Et infra ait: Nō parū est aut nos in eius Ecclesiæ vnitatē accitos, scire, quā à Domino deo electa, segregataq; corpus est, et plenitudo Christi, colūna & firman. entū veritatis. ppetuū habitaculū Dei vini. Item. Accedit, quoddā veritatē dum in ecclesia sinu continemur, semp nobis constaturā securi sumus, Philip. in etc. Philippus etiā eandē sententiā confirmās, ait: Nihil dubiū est ecclesiā alligatā esse ad euāgeliū. Et in alio loco ait: In ecclesia donū est interpretatiōis, etc. Si

Calu. ca. 8.
part. 1,

Parti. 3.

Philip. in
Apolog.

I a igitur

igitur Ecclesia alligata est Euangelio, & donum interpretationis habet, ut iste asserit, profectò nō potest errare. Similiter, si ecclesia, ut ille asseruit, gratia thesauros habet, et eius fide illi conseruantur, & dispensantur, & quod veritatem, dum in ecclesia sinu continemur, semper nobis cōstaturam securi sumus, procul dubio verbi prædicatio nunquam euauit, nec vniuersalis defectio occupauit ecclesiam, nec ecclesia

Caluin. c. 8
par. 9. errare potuit. Nam ista cum illis ex diametro pugna-

re, ipsemet Calvinus testatur, dum ait: Deinde si vera ecclesia est columna, ac firmamentum veritatis, certum est, non esse ecclesiam, vbi regnum occupauit mendacium, & falsitas, &c. Omnes igitur sectarij aut ecclesiam nunquam errauisse, aut si errauit, illā desinuisse, necessariò concedant oportet. Nam Dei ec-

Ad Timo-
thæum 3. clestiam non posse à fide deficere, Paulus exponit. Ut

scias, inquit, quomodo oporteat te in domo Dei conuersari, quæ est ecclesia Dei vini, columna & firmamentum veritatis. His quidem verbis columna & firmamentum non defectio, sed firmitas significatur, et quia hæc firmitas nō in errore, sed in veritate est: idèò Paulus addidit hanc voculam, veritatis, quæ, ecclesiam non posse à fidei veritate deficere, desinit. Istam

Ca'ui. c. 8.
par. 76. sententiam Calvinus apertius multò exponit, ad hūc

modum, Ecclesiam esse columnam ac firmamentum veritatis: quid autem aliud volunt hæc verba, quàm in ecclesia conseruari Dei veritatem prædicationis? Item ait: Quòd ergò non extinguitur in mundo veritas, sed salua perstat, id fit, quòd fidā habet custodem Ecclesiā, &c. Omnia hæc verissimè vniuersali ecclesia

fiæ conueniunt: vnde suis verbis Calvinus reuincitur. Nam si ecclesia Catholica Dei prædicationis veritatē fideliter custodit, propter quam causam nō extinguitur in mundo veritas, sed salua perstat? profectō nunquam vniuersalis defectio poterit ecclesiam occupare. Quare impossibile est, ecclesiam esse hæreticā, aut schismaticam: qualiscunq; enim Dei ecclesia fuit, aut est, aut erit, Dei domus, & columna, & firmamentum veritatis est: quod si Dei domus est, profectō sancta est: atque si sancta, sine dubio non errat, sed credit: & non idola, sed deum colit: non diuisa, sed vnita vinculum pacis seruat. Vnde sectarij asserentes vniuersalem defectiōnem occupasse ecclesiam, illam non Dei, sed Sathane domum: non veritatis, sed falsitatis columnam, & firmamentum esse, atq; omninō desinisse concedant oportet.

In Dei Ecclesia nunquam fuit falsa religio.

Cap. 42.

AT sectarij asserunt, quod ecclesia prærogatiue ac dei dona non in deformata, sed in reformata sunt ecclesia. Verū ecclesiam ante Lutheri prædicationem non in vniuersum desinisse, sed in fidei doctrinā fuisse deformatā, atq; quodāmodo defecisse falsō affirmāt. Philippus. Sicut igitur, inquit, in Iuda hæsit apud impios pontifices falsa persuasio de sacrificijs, sicut in Israel Baalitici cultus durauerūt, & tamen erat ibi ecclesia Dei, quæ impios cultus improbat: ita hæret in regno pontificio cultus Baalitici, hoc est abusus Missæ. Cum hoc consentit etiā Calvinus, dū inquit: Ecclesia status comparatur popu-

Philipp. in Apo.

Calu. ca. 8. para. 13.

lo Hebreorum sub regibus Iuda et Israel, quando populus ad idololatriam defecit, &c. Synagogam figuram fuisse ecclesiae, nemo negat, sed ecclesiae statum comparari populo Hebreorum, sectariorum commetum est. Nam Hebreorum synagoga vnum verum Deum coluit, ac ad illum colendum proprios ritus, & speciale altare, & templum iuxta Dei reuelationem habuit. Verum non omnes Hebraei semper vnum Deum coluerunt, maxime sub regibus Israel & Iuda, quando illorum multi apostatauerunt à religione. Vnde aliud est Hebreorum synagoga, & aliud populus seu regnum. In filio quidem Salomonis non Dei ecclesia, sed Hebreorum respublica diuisa est, quia ex vno regno duo facta sunt, atque in istis duobus regnis sicut in Gallia, Hispania, & Italia, vna dei ecclesia fuit, quia templum & sacramenta synagoga symbola non fuere variata, sed rex Israel haereticorum figura apostatauit à vera religione, quod diuina scriptura exponit, dum ait: Dixitque Ieroboam in corde suo, Nunc reuertetur regnum ad domum Dauid, si ascenderit populus iste, ut faciat sacrificia in domo domini in Hierusalem, et conuertetur cor populi huius ad dominum suum Roboam regem Iuda, interficientque me, & reuertentur ad eum. Et excogitato consilio fecit duas vitulos aureos, & dixit eis, nolite ultra ascendere in Ierusalem: ecce Dii tui Israel, qui te eduxerunt de terra Aegypti: posuitque vnum in Bethel, & alterum in Dan. Simile quid factum fuit in regno Iuda. Et fecit, inquit, Iudas malum coram domino, et irritauerunt eum, super omnibus quae fecerant patres eorum in peccatis suis

3. Reg. ca.
2. & 14,

suis, qua peccauerunt: adificauerunt enim et ipsi sibi aras, & statuas, & lucos super omnem collem excelsum, & subter omnem arborem frödosam. In Habreorum igitur populo sub regibus Israel & Iuda nō vna, sed duæ religiones fuerunt. Nam quidam verum deum, alij verò idolacoluerunt. Quare ecclesia Dei, in qua vnius Dei veri cultus viget, non aptè comparatur populo Habreorū, in quo fuerunt duæ religiones, seu potius vna religio, & alia superstitio. Sed si quis Germanicā nationem populo Habreorum compararet, præsentem rerū statum optimè explicaret. Nam sicut tunc in eadem Republica erant distinctæ religiones (erant enim qui idola, & qui Deū colebant, tam in Israel quàm in Iudæa, & non idem templum, sed templa distincta habuerunt) ita in Germanica natione catholici in religione distincti sunt à sectarijs, habentq; distinctos cœtus, & tamen respublica non plures, sed vna est, vt in Augustana ciuitate, in qua, quāquam vnus senatus, & vna respublica sit, tamē ecclesia catholica distincta est à sectariorū ecclesijs. In eadē igitur republica, heretici, idololatræ, & dei cultores reperiuntur. At in dei ecclesia cū vera religione nūquā falsorū deorū supstitutionē fuisse, diuina scriptura in Samaritano populo exponit, dū ait: Fuerūt igitur gētes istæ timentes quidē dominū, sed nihilominus et idola suis seruiētes. Nā filij eorū et nepotes, sicut fecerūt patres sui, ita faciūt vsq; in præsentē diē. Samaritanos quidē nō habuisse fidē expressē Christus docet, dū ait: Vos adoratis quod nescitis: nos adoramus q̄sci

4. Regum
17. ca.

Ioan. 4.

populo Iudzorum loquitur. Nos, inquit, videlicet Iudei, scimus, id est, credimus, quod adoramus: nam Iudei veram fidem habuerunt. Vos verò Samaritani, quod nescitis, id est, quod non creditis, adoratis: isti enim non habebant veram fidem: quid quod colebāt Idola, & Idolorum cultus ex falsa existimatione, seu errore oritur. Nam illi Deum Israel vti vnum ex cæteris aliarum gentium Dīs esse, opinati fuerūt. Quæ quidem opinio seu potius error cum fidei primo articulo pugnat: hic namq; articulus, Credo in vnum Deum, omnes falsos Deos excludit, & vnum verum asserit: quia fides istius articuli, Credo in vnum Deum, falsorum Deorum cultum excludit. Vnde nunquam à constitutione mundi Dei Ecclesia non excludit falsam religionem: nam vera religio falsam non admittit. Quare asserere quod Ecclesiæ status comparatur populo Habreorum sub duobus regibus, non solum ineptissima, & contraria similitudo, sed blasphemia est. Nam in vniuerso populo Habreorum nec vna fides, nec eadem religio sub duobus regibus perseuerauit, imò sub eodem rege non tantum vna dei ecclesia, sed varij cultus demonum fuerunt: nam idololatra templa propria habuerunt. At in dei ecclesia, cui præest Papa, vna fides, & vna religio est, & hac eadem in varijs non solum fidelium, sed infidelium principū regnis reperitur. Hæcine est comparatio? Tantum enim abest, vt ecclesiæ status populo Habreorum sub duobus regibus sit similis, vt potius omnino contrarius existat. Deniq; omnia quidem scriptura & exempla, & loca, quæ sectarij ad catholica Ecclesiæ à fidei
sincer-

*ſynceritate defectionem aſtruendam, allegant, perpe-
ram ab illis interpretari Auguſtinus aperte ſatis ex-
ponit, dicens: Iſti ergo imperite vel fallaciter agen-
tes, colligunt de ſcripturis talia, quæ vel in malos bo-
nis uſque in finem permixtos, vel de vaſtatione prio-
ris populi Iudaorum dicta reperiuntur: & volunt ea
detorquere in eccleſiam dei, ut tanquam deſeciſſe, ac
peryiſſe de toto orbe videatur. Tantum ille. Prophe-
ta quidem falſam religionem regnaturam non in Dei
Eccleſia (ut Auguſtana confeſſio comminiſcitur) ſed
in populo Iſrael prædixerunt. Quare non dei eccleſia,
ſed populus Iſrael aut reuocatur ab errore, aut à deo
deſeritur: nam dei regnum ablatum eſt ab illo, & da-
tum eſt gentibus. Deus enim ſuam eccleſiam de po-
pulo Iſrael tranſtulit in gentium populos, & Iudeo-
rum domus eſt deſerta, quia per Chriſti aduentum
lex fuit adimpleta, & legis præcepta legalia & cere-
monialia antiquata fuere.*

Auguſt. de
vnit. Eccl.
cap. 72.

In Dei Eccleſia fides nunquam non
pugnat cum hæreſi.

Cap. 43.

ſectarij quidem ex ſuis deſidentibus conuentibus
Eccleſiam æſtimantes, illam cum fide falſa dogma-
ta permixta habere falſo dogmatizant. Quia hæc
dogmatum diſidia fidei natura, quæ eſt vna, & non
errori, nec hæreſi, quæ varia ſunt, repugnant. Augu-
ſtinus enim inquit: Videns autem diabolus templa
dæmonum deſeri, & in mentem liberantis mediato-
ris currere genus humanum, hæreticos mouit, qui ſub
vocabulo Chriſtiano, doctrinæ reſiſterent chriſtiane.

Aug. de ci-
uit. dei li.
18. ca. 51.

quasi possent indifferenter sine vlla correptione haberi in ciuitate Dei, sicut ciuitas confusionis indifferenter habuit philosophos inter se diuersa & aduersa sentientes. Qui ergo in ecclesia Christi morbidum quid prauumq³, sapiunt, si correpti vt sanum rectumq³, sapiant, resistunt contumaciter, suaq³, pestifera & mortifera dogmata emendare nolunt, sed defensare persistunt, heretici fiunt, & foras exeuntes habentur in exercentibus inimicis. Et in alio loco ait: Hæreses nãq³, tam innumerabiles à regula christianitatis auersæ testes sunt, non admitti ad communicanda sacramenta eos, qui de patre Deo, & sapientiæ eius, & munere diuino aliter sentiunt, & hominibus persuadere conantur, quàm veritas postulat. Sic enim creditur & docetur, quod est humane salutis caput, non aliam esse philosophiam, id est, sapientiæ studium, & aliam religionem, cum ij quorum doctrinã nõ approbamus, nec sacramenta nobiscum communicant, quod illis minus mirandum est, qui eorum quoq³, sacramentorum ritus dispares esse voluerunt, sicut nescio qui Serpentine, qui appellantur Manichei, sicut alij nonnulli: sed in illis magis animaduertendum hoc, magisq³, prædicandum, quia paria sacramenta celebrantes, tamẽ quia sententia dispares sunt, & errores suos animosius defendere, quàm cautiùs corrigere maluerunt, exclusi à catholica cõmunionem & à participatione, quãuis parium sacramentorũ propria vocabula, propriosq³, conuentus nõ in sermone tantum, sed etiã in superstitione meruerunt, vt Photiniani, Arriani, multiq³, præterea. Hæc Augustinus. Fides igitur nunquam

Aug. de v.
sa rc. ca. 15.

quam simul fuit cum erroribus seu hæresibus. Nā vna Sancta Catholica & Apostolica Ecclesia hæreticis semper in faciem resistit, & eorum errores dānauit: & fides inter hæses ita emicuit, vt nunquam cum illis confunderetur. Hanc doctrinam Ecclesia ab apostolis accepit, & eā quia maximè necessaria, semper seruat. Paulus: hæreticum, inquit, hominem post vnā Paul. ad Ti
& secundam correptionem deuota: sciens quia sub- tum 3.
uersus est, qui huiusmodi est, et delinquit, cū sit proprio iudicio condemnatus. Theophilactus cū Chrysostomo: Qui igitur, inquit, alio in loco ait, forsan dedit eis Deus pœnitentiā? Illic loquitur de ijs, qui spem emendationis suæ ostendunt: hic verò inemendabile hæreticum dicit, qui & omninò peruersus est, & per sese condemnatus est, qui defendere sese nō valet. Haud enim dicere potest, nemo me corripuit, nemo docuit. Quādo igitur post admonitiōē in suo instituto, pertinaciāq; pmanserit, suo ipse iudicio se cōdēnauit. Hæretici enim quot & quales, & quomodo ab Ecclesia sint expulsi, Ecclesiastica historia & concilia clarissimè narrant. Verū qui aliquod fidei dogma, nec explicite, nec frequēter in ecclesiā traditū citra pertinaciam, aut ignorat, aut dubitat, aut circa illud aliter quam est, opinatur, nō incredulus, sed credēs est. De hac assertione Calvinus cū catholicis conuenit. Quin Calui. ca. 2.
etiā, inquit, poterit vel in doctrinæ vel in sacramento par. 6.
rū administratiōe vitij quippiā obrepere, q̄ alienare nos ab eius cōmunionē nō debeat: nō enim vnus sunt forme omnia vera doctrinæ capita, sunt quedam ita necessaria cognitu, vt ita fixa esse & indubitata omni-

omnibus oporteat, ceu propria religionis placita. Sunt alia, quæ inter ecclesias controuersa, fidei tamen vnitatem non dirimunt: si alteram citra contentionis libidinem, citra peruicaciam asserendi, &c. Vnde si vniuersalis Ecclesia ab alicuius necessarij dogmatis fide defecisset, certè euanuisset: quia sicut in vnoquoque ecclesiæ membro huiusmodi defectio fidei vnitatem dirimit, ita inò multò magis in vniuersali ecclesia fidei vnitatem diremisset. Calvinus igitur caterig, sectarij si ecclesiam defecisse in dogmatibus ad fidem necessarijs asserunt, manifestarij heretici sunt. Nam huiusmodi assertio cum fidei articulo, videlicet, vnā sanctam catholicam ecclesiam expresse pugnat. Ecclesiam quidem sanctam esse, & in necessarijs fidei dogmatibus deficere, manifesta contractio est: quia sicut hominem sine albedine esse album, ita ecclesiam sine fide esse sanctam, est impossibile. Si verò Ecclesia à dogmatibus, quorum ignoratio & controuersia fidei vnitatem non dirimunt, defecit, cùm huiusmodi defectio ab alicuius priuati communionem non debeat nos alienare, vt Calvinus quoque cum catholicis asserit: multò minus ab ecclesiæ communionem nos debet separare. Quapropter si sectarij propter huiusmodi defectionem separarunt se ab ecclesia, profecto schismatici sunt, quia ecclesia per talem defectionem fidei vnitatem, & sinceritatem non amisit: qui enim in fidei dogmatibus non necessarijs, aut non communiter explicatis non pertinaciter defecit, nec est hereticus, nec ab ecclesiæ vnitatem separatur: quemadmodum beatus Cyprianus, qui quamuis asseruisset hereti-

hæreticorum baptismum non esse verum, ac propterea baptizatos ab hæreticis rebaptizandos censuisset, tamen non fuit hæreticus, quia non pertinaciter hoc asseruit: non enim damnauit hæresis ceteros oppositum asserentes: quia illa baptismi controuersia non planè examinata fuerat in ecclesia. Nunc verò postquam illa communiter in ecclesia definita est, dubitare circa illud dogma, aut errare, hæreticū est.

Vnaquæque ecclesia cum cæteris pa-
cis vinculum tenens catholica est. Cap. 44.

Caluinus verò nec ecclesiam catholicam liberè Calu. ca. 8.
aut affirmare, aut negare audens, modò sub para. 15.

Romano pontifice ecclesiam esse negat, modò ait. Cū ergo, inquit, ecclesiæ titulum non simpliciter volumus concedere Papistis, non ideo ecclesias apud eos esse inficiamur, sed tātū litigamus de vera & legitima ecclesiæ constitutione. Et infra ait: Postre para. 17.
mò etiā si hæc darentur omnia, exoriretur tamē illis nouum de integro certamen, cū negamus esse Romæ ecclesiam, &c. Sed si quis aut Romæ, aut Mediolani esse ecclesiam negaret, profectò fidei articulum, vnā Sanctā catholicā ecclesiam, negaret: quia quamlibet ecclesiam vnitatem spiritus in vinculo pacis cum cæteris ecclesijs seruātem negare, perinde est, ac vniuersalem ecclesiam negare: nam ecclesia vna & eadem est in omnibus particularibus ecclesijs. Quare negans aliquā particularem ecclesiam, catholicā ecclesiam, cuius illa communio-
nem colit, negat: & credens etiā aliquā particularem

larem Ecclesiam vinculum pacis cum ceteris seruantem, Catholicam ecclesiam credit: ideo cum ecclesia Romana vnitatem spiritus cum ceteris Ecclesijs in vinculo pacis seruet, qui negat illam, negat catholicam Ecclesiam, imò si ecclesia Romana seruans pacem cum ceteris non est dei ecclesia, nulla dei ecclesia est in terrarum orbe: quia cetera cum illa communicant. Et si illa catholica ecclesia sunt, similiter Romana ecclesia est catholica: quia eadem ratio est de similibus.

Quare Calvinus concedendo ecclesias sub Romano Episcopo esse dei, & negando Romam esse Ecclesiam, manifestissime hallucinatur, quia Romana ecclesia tam est sub Papa, & vnitatem spiritus in vinculo pacis seruat, quam alia quauis. Igitur aut in orbe terrarum nulla est ecclesia Dei, aut Roma est. Sed Calvinus causam, propter quam non Roma, sed alibi esse Dei Ecclesiam concedat, exponit, dum inquit: Nam si Ecclesia secundum eum modum consideratur, cuius reuereri iudicium, cuius auctoritati deferre, Ecclesiam illis concedere non possumus, quin subiectionis & obedientie necessitas nos maneat, &c. Hoc illud est, Caluine, quod te & ceteros sectarios haereticos facit. Nam superbia Diabolum à Deo, & sectarios ab Ecclesia separauit: sed nemo miretur, quod Calvinus Papam contemnat obedire, cum ipse fateatur, se non timere Deum. Longe, inquit, alia nostra fiducia est, qua nec mortis terrores, nec adeo ipsum Dei tribunal formidat. Hec profectò superbia plus quam diabolica est: quia demones credunt & contremiscunt, & omnis sanctus Dei tribunal formidans,

cum

Ca'ui. c. 8.
par. 14.

Caluin. in
præfat.

cum rege Dauid orat: Non intres in iudicium cum seruo tuo: quia non iustificabitur in conspectu tuo omnis viuens. Sed Calvinus ista à Deo petere non indiget, quia securus, & impavidus est. Verum si Romæ non est legitima ecclesia, cui obedire, & cuius communionem colere iubemur, nullibi profectò erit Ecclesia, cui obediendum sit: quia cetera Ecclesia illius communionem colant. Ex quo Romana Ecclesia non obedire, rebellare est catholica Ecclesia: & quia præter Catholicam Ecclesiam nulla alia est Dei Ecclesia, ideo sectarij Romana Ecclesia non obedientes, aut vniuersalem Ecclesiam euanuisse, aut non obediendo ex illa se exiuisse concedant oportet. Sed cum illud sit impossibile, istud ab illis factum fuisse, res ipsa loquitur: nam extra Catholicam Ecclesiam, ex qua Lutherus, ceteriq; sectarij exierunt, nulla potest esse Ecclesia, cui obediendum sit: atque ita omnes Romana Ecclesia non obedientes, schismatici aut hæretici sunt.

Legitima Ecclesiæ constitutio impiorum abusibus non fit illegitima.

Cap. 45.

SECTARIJ denique veritatis euidentia conuicti, cum Ecclesiã Catholicam, in qua regenerati fuerunt, & à qua exierunt, & cui Romanus pontifex præest, Dei ecclesiã esse negare nõ potuisset, illã deprauatã asserunt, atq; de illius legitima cõstitutione litigant: quæ controuersia temeraria est. Nã cum catholicã ecclesiã esse Dei fateantur, illam esse legitimè constitutã dubitare

dubitare, hereticum est. Sicut enim respublica ciuili iustis legibus homines socians, non quod magistratus leges deprauet, atque inde plebs transgrediendi leges occasionem accipiat, praua q³ consuetudo sensim adolescat, idè legitimam constitutionem amittit (quia legitima constitutio non à magistratibus, neq³ à ciuib³ abutentibus ac transgredientibus iustas leges, sed à iusto legislatore pendet) ita ecclesie constitutio quamuis plures illa male, quam bene v-
tantur, non idè sanctam & legitimam esse desinit. In Christi quidem ecclesia tria precipue consideranda sunt, videlicet fidei doctrina, publicorum munerum administratio, & singulorum fidelium mores. Illud tertium ad omnes siue prelatos, siue subditos pertinet, atque Donatistæ propter illegitimos mores apud impios ecclesiam perüsse, & apud se permanisse affirmarunt, propter quod ab vna catholica ecclesia defecerunt: & sectarij nostri sæculi, vt superius exposui, ab illorum errore non longè absunt, nam illi ecclesie catholice prelatorum mores impropere, indoctam plebem ab ecclesia diuidunt, quia indocta plebs ecclesiam propter fidelium precipue prelatorum scelera, quæ frequenter à sectarijs inculcantur, deprauatam fuisse, atque non Dei, sed Sathane ecclesiam esse existimant. Quare sectarij licet se esse Donatistas verbo negent, tamen factis affirmant. Ad hunc enim corrigendum errorem, populum potius excitare deberent, quin vt ab illa deficere exhortari. Quid quod quanquam in ecclesia sunt prauis mores, non idè illa sanctitatem & legitimam institutionem amittit,

fit, quia morum inclinatio nec humanas, nec diuinas leges reddit iniustas, nec ciuilis reipublica, nec ecclesia constitutionem legitimam deprauat. Haud dissimile est existimandum de munerum publicorum administratione: nam ecclesie sacramenta quanquam indebitè ministrentur, tamen vera sunt sacramenta, quia propter ministri malitiam illorum legitima cōstitutio non variatur: nec propter hominum malitiam, qui ad auaritiam, aut ambitionem legibus abutuntur, statuta sunt iniqua, nec abrogandæ sunt leges: quia à primordijs ecclesie, qui munus prædicandi euangelium à Christo institutum impiè abuterentur, non defuerunt: nec propterea traditio illa abolita est, imò quanto homines prauis legitimis traditionibus abutuntur, tanto à probis viris legitimè, & ad ecclesie adificationem illis vtentibus confirmandæ sunt. Nec malitiosè existimandum est, legem propter ambitionem, aut auaritiam, & non propter commune bonum statutam esse, quia magistratus si aliquando ea abutitur, propter priuatum, & non commune bonum id facit. Igitur nec morum fidelium deformatio, nec iniqua prælatorum administratio impedit, quin in Dei ecclesia sit legitima cōstitutio. Si enim propter abusus ecclesia amisit legitimam constitutionem, cū Pseudoapostoli, infidelesq; dispensatores nunquam defuissent, illa nunquam legitimam habuisset cōstitutionem. quod certò asserere hæreticum est. Nam viuentē Christo inter apostolos, ambitio & auaritia nō defuit: vnus enim illorū fuit proditor, et etiam aliqui eorum fuerunt increduli. Crescente quo-

Aug. de ci-
uit dei lib
2. cap. 28.

q₃ numero discipulorum Ecclesia vidua despiciebatur in ministerio quotidiano, at q₃ predicantibus apostolis falsi prophetae, schismata, & haereses non defuerunt in Ecclesia. Tempore quidem Ambrosij, Hieronymi, Chrysostomi & Augustini, multos abusus in ecclesia fuisse, nemo ignorat, nisi qui illorum monimenta non legit, sed cum illis abasibus fuisse legitimam constitutionem beatus Augustinus exponit, dum inquit: Abistarū ergo immundissimarū potestātū Tartareo iugo & societate pœnali erui per Christi nomen homines, & in lucem saluberrima pietatis ab illa perniciosissima impietatis nocte transferri queruntur, & murmurant iniqui & ingrati & illo nefario spiritu altiùs, obstrictiusq₃ oppressi, quia populi confluunt ad ecclesias casta celebritate, honesta vtriusq₃ sexus discretionem: vbi audiant quàm benè hic ad tempus vivere debeant, vt post hanc vitam beatè, semperq₃ vivere mereantur: vbi sancta scriptura, iusticiaq₃ doctrina de superiore loco in conspectu omnium personante, & qui faciunt, audiant ad primum, & qui non faciunt, audiāt ad iudiciū: quo etsi veniunt quidem talium praeceptorum irrisores, omnis eorum petulantia aut repentina immutatione deponitur, aut timore vel pudore comprimitur. Nihil enim eis turpe ac flagitiosum spectandū imitandumq₃ proponitur, vbi veri Dei aut praecepta insinuantur, aut miracula narrantur, aut dona laudantur, aut beneficia postulantur. Hæc ille. Hæc inquam legitima ecclesiae constitutio vsq₃ in presentem diem permanet: nam catholica ecclesia eadē fidei dogmata quæ tunc, etiā nunc profe-

profitetur, & easdem hareses quas tunc, nunc quoque damnat, et quanquam in Ecclesia aliqui dispensatores sint infideles, tamen idonei ministri vnitatem spiritus in vinculo pacis seruantes, & verbo, et exemplo sincere Dei verbum predicantes non deficiunt.

Catholici doctores ecclesie asserentes constitutionem, nec impiorum, nec abusuum sunt participes.

Etsi Catholici pii viri in Dei ecclesia cum morum deformitate & iniqua administratione, legitimam ecclesie constitutionem manere dogmatizant, tamen nec malos christianorum mores, nec iniquam administrationem (vt sectarij comminiscuntur) defendunt. Caluinus: iterum, inquit, istos appello, qui hodie Romana sedis patroni haberi volunt. Ecquid pudeat ipsos presentem Papatus statum defendere? etc. Presentem quidem ecclesie statum, nemo est qui non lugeat, nec qui quando & quomodo oportet, si quid deprauatum est in ecclesiastica administratione, non reprehendat. Sed animaduertendum est, quod aliud est ecclesie status, & aliud illius constitutio. Nam hac est à Deo instituyente ecclesiam, ac ideo Ecclesie constitutio legitima & sancta semper manet: Ecclesie verò pessimus status hominis malitia imputadus est, propter quā causam multi in Ecclesia legitime constituta non secundum, sed contra legitimam constitutionem viuunt. Sicut enim mundus legitime à Deo est institutus, & rerum naturalium

Cap. 46.

Calui. c. 8.
par. 55.

constitutio semper maneat, tamen homo quia libertatē arbitrij habet, frequenter prater, aut contra istā constitutionem operatur, nec propter hoc mundi constitutio deprauatur, sed homo impiē contra Dei constitutionem operatur: ita Dei constitutio semper manet in ecclesia, quamuis fideles frequenter contra illā viuunt. Quare ecclesia existente legitimē constituta, tūm ecclesia administrationem, tūm mores propter hominis liberum arbitrium deformari contingit. Verūm sectarij hanc distinctionem non animaduertētes, ex eo quod christiana religio in presenti saeculo sit in pessimo statu, colligunt ecclesiam carere legitima constitutione. Quod hoc falsum est, quia non ecclesia, sed membra eius sunt deprauata: & hoc non fit, quod ecclesia careat legitima constitutione, sed quod ecclesiae prepositi, & subditi non operantur iuxta legitimam ecclesiae constitutionem. Quare in hoc infelicissimo saeculo illud, quod Christus dixit Iudeis, malis christianis dictum existimādum est, videlicet: Nonne, inquit, Moyses dedit vobis legem, & nemo ex vobis facit legem? Christus quidem hic non legem, sed transgressores legis: non ecclesiae constitutionem, sed membra ecclesiae deformata reprehendit. Augustinus enim inquit: Attende certē ex his quae dicta sunt, non cuiusq; licere nos dicere, sed ei pœnam esse, qui sanctum tractat illicitē: & eum esse corrigendum, non sanctum, quod illicitē tractat, illicitē rescindendum: sicut homines non legitimē lege vtentes corrigi volumus, non ipsam legem irritam ducimus: sicut dei testamentum illicitē per os suum assumentem reprehē-

Ioan. 7.

Aug. cont.
Cresc. Grā.
li. 2. ca. 30.

prehendimus, non ipsum testamentum negamus, aut scindimus. Iuxta hanc doctrinam catholici p̄j viri Ecclesie statum deformatum damnant, atq; ecclesie legitimam constitutionem ab apostolis traditam vsque in presentem diem permanere constanter defendunt. Vti beatus Bernardus (quem sectarij pro se allegant) ministrorum illegitimam dispensationem seuerè reprehendit: sed ecclesie constitutionem esse legitimam vitæ exemplo, & doctrina docuit. Nam vnitatem spiritus in pacis vinculo seruans non separauit se ab ecclesia, nec aliam quemadmodum Lutherus, ceteriq; sectarij constituit, sed tantum amice ecclesie prapósitos, tanquam fratres iuxta Christi mandatum arguit. Christus enim inquit: Si peccauerit in te frater tuus, vade, & corripe eum inter te & ipsum solum: si te audierit, lucratus es fratrem tuum. Christus hac vocula, fratrem, extraneum, hostē, & inimicum corrigere non prohibet, sed fratris appellatione, quod non hostili, sed amico animo, non in vindictam, sed in remedium: non ad destructionem, sed ad ædificationem proximum corrigamus, docet, atq; quod arguendo fratrem ecclesiam non scindamus, sed illam tanquam matrem obseruemus, & illius communionem in vinculo pacis colamus, monet. Vnde p̄j viri Ecclesie administrationem corrigentes, & illius pacem seruantes, palam profitentur. Quod licet ecclesia in presenti tot & tam fideles dispensatores, quot & quales in præterito sæculo non habeat, tamen tam legitimè nunc quàm olim constituta est, quia nō alia sed eadem est Ecclesia Pios qui-

Mtt. 18. 2

Aug. cōt.
Parm. li. 2.
capi. 5.

dem viros Catholica ecclesia constitutionem propu-
gantes infideles ministros reprehendentes, & in pa-
cis vinculo perseverantes in ecclesia vnitatem, impio-
rorū non esse participes, beatus Augustinus docet, dūm
inquit: Quisquis ergo vel quod potest arguendo corri-
git, vel quod corrigere non potest, saluopacis vinculo
excludit, vel quod saluopacis vinculo excludere non
potest, aequitate improbat, firmitate supportat: hic
est pacificus, & ab isto maledictio immunis, quod scri-
ptura dicit. Vt his, qui dicunt, quod nequam est bo-
num, & quod bonum est nequam, qui ponunt lucem
tenebras, & tenebras lucem, qui ponunt, quod ama-
rum est dulce, & quod dulce est amarum, omnino li-
ber, prorsus securus, penitus alienus. At sectarij Eccle-
sia ministros non tanquam fratres in adificationem
corrigunt, sed hostiliter in destructionem insectantur:
quia a Dei ecclesia deficientes plures speciales coetus
inuicem contrarios aduersus catholicam ecclesiam in-
stituerunt, atque Dei ecclesie non pacifici filij, sed ho-
stes sediciosi sunt. Nam sanctorum testimonia aduer-
sus ecclesie ministros allegantes, & ecclesie pacem,
quam sancti seruarunt, rumpentes, semetipsos schis-
matis, & haresis damnant.

Catholicæ ecclesiæ constitutio nec
errorem credere, nec iniustam legem
obseruare præcipit,

Ecclesia

Ecclēsia legitima cōstitutio, id est, Apostolica doctrina, duo cōprehendit, videlicet, credibiliū veritatem, & legum equitatem. Quare Ecclesia nullū falsum dogma proponit ad credendum, nullāq; iniustam tulit legē, quia vtrunq; istorū fidei ecclesia fundamēto repugnat. Quid quod etsi furti, aut similia crimina nec fundētur super fidem, nec illam euertant, tamen lex (si esset) de furando, quemadmodum error circa aliquem fidei articulum, fidem Ecclesia fundamentum destrueret. Nam error circa morum institutionem haresis fidei contraria est. Quare quamuis in Dei Ecclesia osculti heretici, & hypocrita sint bonis admixti, non idē hareses & iniqua leges sunt admixtæ catholica fidei: sicut enim diuina scriptura nullum errorem continet, ita fides, in qua ecclesia fundatur, nullam heresin patitur: quia diuina scriptura, fidei confessionis, & oris confessio, fidei quæ est in mente, figurum est: illa enim tria, videlicet, fides mentalis, vocalis, & scripta, vt sic loquar, synonima sunt. Augustinus: vnde, inquit, christiani catholici & vos inter zizania numerāt, quia dominus exposuit, qd sit zizania nō aliqua falsa veris scripturis immixta, sicut tu interpretaris, sed homines maligni, id est, imitatores diabolice falsitatis. In alio etiā loco zizania parabolā exponēs eandē sententiā aptius multo astruit, dū inquit. Cū negligētius agerent prapositi ecclesiæ, aut cū dormitionē mortis aciperēt apostoli, venit diabolus, et superseminauit eos, quos malos filios dominus interpretatur. Sed quæritur vtrū heretici sint,

Aug. cont.
Fauſt. li. 2.
cap. 7.

Matth. 13.
Aug. li. q.
ex Matth.
ca. 11.

an mali viuentes catholici? possunt enim dici filij mali etiam heretici, quia ex eodem euangelij semine, & Christi nomine procreati prauis opinionibus ad falsa dogmata conuertuntur. Sed quod dicit eos in medio tritici seminatos, quasi videntur illi significari, qui vnius communionis sunt. Veruntamen quoniam dominus agrum ipsum non ecclesiam, sed hunc mundum interpretatus est, bene intelliguntur heretici, quia non societate vnius ecclesie, vel vnius fidei, sed societate solius nominis christiani in hoc mundo permiscetur bonis: at illi qui in eadem fide mali sunt, palea potius, quam zizania deputantur, quia palea etiā fundamentū ipsum habet cum frumento, radicēq; communē. Hec ille. Sicut nec in diuina scriptura, ita nec in fidei doctrina, nec in cordis christiana persuasionē error est admixtus. Quare heretici quamquam non circa omnes fidei articulos dummodo circa vnum, aut alterum errent, fidem non habent, catholici verò circa nullum hallucinantur. Isti igitur non illi in ecclesie fidei fundamento manent. Vnde si vnusquisque cœtus, totumq; ecclesie corpus legitima forma, id est, pura verbi prædicatione careret, vt Calvinus dogmatizat, nec idem fundamentum cum antiqua ecclesia haberet, nec communicaret cum illa, nec eadem ecclesia, sed alia fuisset. Sicut enim in scientijs ex eisdem principijs non deducuntur contrariæ conclusionēs, ita in eodem fidei fundamento non fundantur contraria dogmata. Atque inde fit, vt in ecclesia, quæ à mundi principio vsque ad sæculi consummationem perseuerabit, vna fides

Calu. ca. 8.
para. 15.

fides, & vna doctrina sit. Non enim Prophetarum ecclesia aliquod dogma contrarium ecclesiae Patriarcharum credidit, nec apostolorum ecclesia aliquod contra patres & prophetas, nec praesens ecclesia aliquod dogma contra omnes illos credit. Nam etsi dogmatum quadam fuissent implicita patribus, quae explicita fuerant prophetis: similiter quadam implicita prophetis, quae explicita apostolis: tamen hac cognoscendi varietas, non dogmatum contrarietatem, nec circa fidem errorem inducit, sed aliquam inculpatam ignorantiam fuisse in ecclesia manifestat.

Ante Christi enim aduentum, quanquam fuisset necessaria fides mediatoris, tamen non erat necessarium definite credere, hunc hominem conceptum de Spiritu sancto, & natum ex maria virgine, &c. esse Christum. Istud ergo dogma explicitum in Euangelio, non est contra implicitam fidem antiquorum, quia tunc illud aliquomodo, id est, definite, erat ignotum, modo vero est notum. Similiter post Christi aduentum quadam dogmatum sunt necessaria ad salutem, uti articuli fidei, & alia dogmata frequenter tradita in ecclesia, quorum ignoratio, aut dubitatio, aut error fidem destruit. Quadam vero non sunt adeo necessaria, nec ita frequenter docentur in ecclesia, & istorum ignoratio si non adest, contemptus non destruit fidem. Hinc fit, quod si ecclesia praesens non habeat spiritum prophetiae, neque tot, ac tam doctos viros, quot & quales antiqua ecclesia habuit, atque quae diuina mysteria non ita exacte cognoscunt, sicuti Apostoli cognouerunt, non propterea habet errores, quia

est fundamentum & columna veritatis. Atque ideo qui ab ecclesia, qua nunc est, & fuit ante Lutherum, dissident, vt sectarj praesentes, haeretici sunt: quod si ex nobis exierunt, id fit, quia non erant ex nobis.

Cap. 48.

In Romana ecclesia sincera fides nūquam deficit.

Ecclēsiā quidem perseuerare vsque ad saeculi consummationem, non hominum naturae, sed Dei dono tribuendum est. Atq; cū ecclesia sine fide & legitima constitutione esse non possit, hinc est, quod illa perseuerante etiam fides & legitima constitutio perseuerat necessario: sicut enim si homo esset immortalis, illius essentiales partes, videlicet anima & corpus fuissent immortales: ita fidei sinceritas, & legum aequitas, quae ecclesiae essentiales partes sunt erunt perennes, quia ecclesia est perennis. Et sicut per fidei articulum de perseuerantia dono collato ecclesiae, ita de legitima constitutionis perseuerantia facti sumus certiores. Quod donū Romanae ecclesiae, quae mater ceterarum ecclesiarum est, maximè cōuenit. Nā illa vnitatē spiritus in vinculo pacis semper seruat. Ad Romanae quidem Ecclesiae perseuerantiam astruendam contra sectarios satis est Caluini testimonium, quia quantò illo Ecclesia Romana inimicum se profitetur, tantò illius testimonium est sufficientius. Inquit enim: Quod cū Orientales, & Graecae ecclesiae, Aphricanae etiam multis opinionum dissensionibus inter se tumultuarentur, haec (scilicet ecclesia

Calui. ca. 3.
par. 36.

clesia Romana) sedatior alijs, & minus turbulenta fuerit. Et infra: Ac Romana ecclesia doctrina semel tradita fuit alijs omnibus tenacior, &c. Quam mirabilem Romanæ Ecclesiæ perseuerantiam, Calu. ca. 3. uinus non dei gratia, sed hominis naturæ malitiosè para. 56. tribuit, cum ait: Nam quo minus acuto, & celeri ingenio sunt occidentales Asiaticis & Aphricis, eò etiam sunt rerum nouarum minus cupidi, &c. Quæ omnia Caluinum in Romanæ ecclesiæ odium asseruisse, ipsemet testatur: nam cum ille in quibusdā Idololatriæ quedam naturæ dotes Dei esse dona affirmet (ego vero, inquit, fateor, quæ in Cāmillo fuerunt speciosæ dotes Dei fuisse dona) multò magis in fidei synceritate Romana ecclesiæ perseuerantiam, esse dei donum, fatendum fuisset. Nam si quo minus acuto ac celeri ingenio sunt occidentales Asiaticis & Aphricis, eò etiam rerum nouarum sunt minus cupidi. Vnde fit, ut in Germania homines sint nouarum sectarum amatores, ac nouitatis ita cupidi? profectò rerum exitus demonstrat contrarium: quia nunquam in Asia, nec in Aphrica fuerunt tot dissidia circa religionem, quot post Lutheri prædicationem in Germania sunt. — Luthero quidem, quæ Irenæus de Val- Irenæ. li. 1. lentino dicit, conueniunt. Tales quidem, inquit, cap. 34. secundū eos sententiæ sunt, à quibus velut Lerna hydra multiplex capitibus fera de Valentini schola generata est. Quare Romanam ecclesiam ceteris tumultuantibus vnitatē spiritus in vinculo pacis seruasse, non naturale occidentaliū hominū ingenio, sed diuina gratia tribuendum est. Hanc perseuerantiæ dotē

Lucæ 22. dotem, specialiter Romana ecclesia, quia caterarum ecclesiarum mater est, à Deo collatum fuisse, scripturatestatur, dicēs: Ait aut dominus Simoni: Simon ecce Sathanas expetiuit vos, vt cribraret sicut triticum: ego autem rogavi pro te, vt non deficiat fides tua, & tu aliquando conuersus confirma fratres tuos. Theophilactus planus, inquit, huius intellectus is est. Quia te habeo vt principem discipulorum, postquam negato me fleueris, & ad pœnitentiam veneris, confirma ceteros: hoc enim te decet, qui post me ecclesia petra es, & firmamentum: intellexerit autē quis non solum de apostolis dictū, quod cōfirmati fuerint à Petro, sed de omnibus qui vsque ad consummationem sæculi futuri sunt fideles. Hac ille. Sicut enim Christus illis verbis, non deficiat fides tua, non solum de Petri, sed de vniuersalis ecclesia fide loquutus est, quæ nunquam deficiet: ita ista verba, tu aliquando conuersus confirma fratres tuos, non solum de Petro, sed de illius successoribus intelligenda sunt. Vnde illi cui iniungitur confirmandi munus, etiam datum est dei donū, quo in fide non deficit: nam illi qui deficere potest, frustrā, imò perniciosè traderetur munus, aut potestas confirmādi ceteros, cum nemo illi crederet, qui potest deficere. Posteaquam igitur Christi oratio fuit exaudita, in ecclesia nūquam Petri fides, nec qui confirmat fratres defuit: & hoc munus quanquā primò catholica, tamen secundario, & specialiter Romana ecclesiæ promissum est. Nam sicut Petrus inter apostolos primus, ita Romana ecclesia primatum inter apostolicas ecclesias tenet, ac in fide stabilis cæteras

teras confirmavit. Atque hoc quidem dei donum in Romana Ecclesia, quam beatus Petrus fundavit, perseverat. Nam in illa iuxta illud, quod Christus oras à patre obtinuit, fides Petri, id est, Ecclesia nunquā deficit: & Petrus, id est, Petri successer semper suos confirmat fratres.

Romana Ecclesia à beato Petro fu- Cap. 49.
it fundata.

Sed Caluinus Petrum Romanam Ecclesiam non fundasse asserens, ait: Quanquā quod de sessione petri in Romana ecclesia referunt, non video, quid si dei habere debeat. Et infra: Opinio enim illa, quæ nescio quomodo inualuerat, fundatam & constitutam eam fuisse Petri ministerio, &c. Sicut enim contra negantes scientiarum principia non est disputandū, ita negantes sensum communem ab hominum societate expellendi sunt, quia huiusmodi non sociales, sed fieri homines existunt. Quia sicut prima principia sunt euidencia, ita omnibus persuasum est, communes sensus esse credendos: Ecclesiam quidem Romanam fundatam fuisse Petri ministerio, & ibidem Petrum sedisse, catholica ecclesie communis sensus est. Quint. lib. 5. cap. 11.
Quare si (vt Quintilianus ait) ea quoq, quæ vulgo recepta sunt, hoc ipso quod incertum auctorem habent velut omnium sunt: simili modo istius assertio- nis beatus Petrus fundavit ecclesiam Romanam, & illi præsuit, catholica ecclesia tanquam certum & indubitatum assumpsit. Hieronymus enim cum omnibus catholicis scriptoribus, Simon, inquit, Petrus filius Iona, provincia Gallia, vico Bethsaida, frater An-
drea

Caui. c. 8.
par. 55.

Hieron. in
catal. scrip.

drea apostoli, & princeps apostolorū post Episcopatū Anthiochiensis ecclesia, & prädicationem dispersionis eorum, qui de circumcisione crediderunt in Ponto, Galatia, Capadocia, Asia, & Bitinia, secundo Clau dij anno ad expugnandū Simonem magum Romam pergit, ibiq; viginti quinq; annis Cathedram sacerdotale tenuit, vsq; ad vltimū annum Neronis, id est, decimum quartum: à quo & affixus cruci martyrio coronatus est, capite ad terrā verso, & in sublimē pedibus eleuatis, asserēs se indignum, vt crucifigeretur vt dominus suus. Sed Caluinus vt in alijs ex diuina scriptura perperā intellecta communem sensum negat. Paulus enim inquit: Sed ē contra cū vidissent, quod creditū est mihi euangelium praputij. sicut Petro circumcisionis (qui enim operatus est Petro in Apostolatū circumcisionis, operatus est & mihi inter gentes) et cū cognouissent gratiā, quæ data est mihi, Iacobus & Cephas, & Ioannes, qui videbantur columna esse, dexteræ dederūt mihi et Barnaba societatis, vt nos in gentes, ipsi aut in circumcisionem. Propter hanc societatem Caluinus Petrū non fundasse Romanā ecclesiā asserit. Proinde, inquit, vt societas illa, quā inter se pacti sunt, rata apud nos sit, imò vt spiritus sancti ordinatio firma apud nos habeatur, in Pauli apostolatū magis, quā Petri respicere nos cōuenit. Hæc proculdubio Caluini verba seminandi in Dei ecclesia discordiā, occasionem præbent: nam si inter gentes magis in Pauli, quā in Petri Apostolatū respicere cōueniret, similiter Iudæis magis in Petri, quā in Pauli apostolatū respicere cōueniret. Quæ-

Calu. ca. 8.
part. 55.

re ex istorum duorum apostolorum predicatione, non una, sed due ecclesie fuissent fundatae, nec inter illos fuisset societas: quae omnia non modo schismata pariunt, sed manifesta haeresis est. Nam omnium apostolorum idem fuit manus apostolicum: ex quo non magis in Pauli epistolas, quam in Ioannis euangelium respiciendum est, quia idem spiritus qui fuit efficax in Paulo, fuit in omnibus apostolis, & eandem doctrinam omnes profitebantur. Sed Calvinus per hoc, quod Petro creditum fuit euangelium circumcisionis, falsè existimat, illum nunquam predicasse Romanis: similiter de Paulo oportet quod falsè existimet, illum nunquam predicasse Iudaeis, quia creditum illi fuit euangelium praepitij. At Paulum Acto. 9. e. predicasse Iudaeis diuina testatur scriptura. Et continuo, inquit, ingressus in Synagogas, predicabat Iesum, quoniam hic est filius Dei. Et infra: Cum venissent Salaminam, predicabant verbum Dei in Synagogis Iudaeorum. Quibus etiam in hoc adiungi potest ex alio loco: Illi verò pertranseuntes Peragen, venerunt Anthiochiam Pisidia, & ingressi Synagogam die Sabathorum, sederunt. Post lectionem autem legis & prophetarum miserunt principes Synagoga ad eos, dicentes, Viri fratres, si quis est in vobis sermo exhortationis ad plebem, dicite: Surgens autem Paulus & manu silentium indicens, ait: Viri Israelita, etc. Petrus similiter gentibus predicavit. Nā Cornelius Cēturio gentilis ab illo accepit fidē, et factus est christianus: imò tam Paulus, quam Petrus primò predicauerunt Iudaeis, & secundò gentibus, & simul

vtrisque

- vtrisque, prout Lucas euangelista exponit, dùm ait:
 Cumq; dimissa esset Synagoga, sequuti sunt multi
 Iudeorum, & colentium Deum aduenarum, Paulũ
 A^{ctor.} 13. & Barnabam, qui loquentes suadebant eis, vt perma-
 nerent in gratia Dei. Sequenti verò sabbatho penè
 vniuersa ciuitas conuēnit audire verbum Dei: viden-
 tes autem turbas Iudæi repleti sunt zelo, & contra-
 dicebant his, quæ à Paulo dicebantur blasphemantes.
 Tunc constanter Paulus & Barnabas dixerunt:
 Vobis oportebat primũ loqui verbum Dei, sed quo-
 niam repellitis illud, & indignos vos iudicatis æter-
 næ vitæ, ecce conuertimur ad gentes: sic enim præce-
 pit nobis dominus. Posui te in lucem gentium, vt sis in
 salutem vsque ad extremum terræ: Præterea teni-
 pore apostolorum Iudæi non solum Palestinam, sed
 ferè omnes Asia, Aphrica, & Europæ prouincias in-
 colebant, Lucas enim ait: Erant in Hierusalem ha-
 A^{ctor.} 2. bitantes Iudæi viri religiosi, ex omni natione quæ
 sub cœlo est. Et infra: Parthi & Medi, & Elamitæ, et
 qui habitant Mesopotamiam, Iudeam, & Cappado-
 ciam, Pontum & Asiam, Phrygiam, & partes Ly-
 bie, quæ est circa Cyrenem, & aduenæ Romani, Iu-
 dæi quoque & Proseliti, & Cretes, & Arabes, au-
 diuimus eos loquentes nostris linguis magnalia dei.
 Roma etiam plures habitasse Iudeos, Lucas refert,
 dùm ait: Cùm autem venissemus Romam, permis-
 sum est Paulo manere sibi met cum custodiente se mi-
 A^{ctor.} 28. lite. Post tertium autem diem conuocauit primos
 Iudeorum, &c. In die quidem Pêthecostes Iudæi Ro-
 mani Petro euangelizãte antequam Paulus in Chri-
 sto

sto fuisse natus, audierunt Christi Euangelium.

Beatus Petrus Romæ prædicās Christum, non egit contra societatem, quam cum Paulo inierat.

Cap. 50.

Romane quidem Ecclesiæ primitias fuisse ex populo Iudeorum non est dubitandum: nam Christus ex Iudeis Apostolos, qui Ecclesiam fundarent, elegit, quia Iudei sub lege, tãquam sub pedagogo existentes, et si illorum non multi Christum receperunt, tamen quia in Christo crediderunt, religiosiores & doctiores quàm gentiles, qui sub idolorum cultu errabant, in primitiua Ecclesia fuerunt. Romanam quoque primitiuam Ecclesiam ex Iudeis & gentibus congregatam fuisse, apostoli Pauli epistola clarissimè docet. Nam in illa Paulus duas illas nationes in vnâ religionem cõgregat, quod Augustinus exponit, cum ait: In epistola quam Paulus apostolus scripsit ad Romanos, quantum ex eius textu intelligi potest, quaestionem habet talem: Vtrum Iudeis solis Euangelium domini nostri Iesu Christi venerit propter merita operum legis, an verò nullis operum meritis præcedentibus omnibus gentibus venerit iustificatio fidei, quæ est in Christo Iesu. Et infra: Cœperunt enim nonnulli quæ ex Iudeis crediderunt, tumultuari aduersus gentes, & maxime aduersus apostolum Paulum, quod incircuncisos & legis veteris vinculis liberos admitteret ad euangelij gratiam, prædicans eis, vt in Christum crederent, nullo imposito carnalis circuncisionis iugo: sed planè tanta moderatione, vt nec Iude-

Aug. in epist. exposit. ad Rom.

os inflari, quod ipsi receperint Christum, quem illi crucifixerunt: tanquam enim (sicut alio loco dixit) pro ipso domino legatione confungens, hoc est, pro lapide angulari vtrung³ populum tam ex iudæis, quam ex gentibus connectit in Christo per vinculum gratiæ, vtrisque auferens omnem superbiam meritōrū, & iustificandos vtrosq³ per disciplinam humilitatis associans. Beatus quidem Petrus iudæis et gentibus habitantibus Romæ per Christi euangelium predicans, societatem quam cum Paulo & Barnaba statuit, seu potius Spiritu sancti ordinationem, tantum abest, vt violaret, vt potius eum synceriùs obseruaret: quia Petrus Romanam fundando ecclesiam socius fuit Pauli, & Barnabæ. Paulus etiam & Barnabas prædicantes Christi euangelium in Synagogis Damasci, Salaminæ, & Antiochiæ, Pisidiæ societatem, quam cum Iacobo, Petro, & Ioanne inierant, non irritauerunt, imò si Paulus non predicasset gentibus simul & iudæis, contra Christi euangelium, nedum contra societatem ageret. Societas quidem quam Paulus & Barnabas cum Iacobo & Petro, & Ioanne inierunt, non, quod illi iudæis, nec isti gentibus predicarēt, excluderat: sed beatum Paulū in societatem predicationis admittebat. Nā beatus Paulus extraordinariè ad munus apostolicū vocatus fuit: & idè opus fuit, quod alij apostoli illū in suam communionem reciperent, propter quod ascendit Hierosolimam, vbi ab apostolis examinatus, ordinatus est apostolus gentium, & in predicationis Euangelij societatem admissus est. Non enim Paulus Petrum, sed Petrus Paulum in societate-

cietatem prædicationis admisit. Et Paulus quidem, quia Iudeis erat inuisus, gentium prædicator est ordinatus: quanquam non fuit illi prohibitum Iudeis prædicare, nam ad apostolicum munus spectat, omnes nationes docere Christi Euangelium.

Romana Ecclesia Hæbreorum, Græcarum, & Latinarum Ecclesiarum est mater.

Cap. 51.

Romanos quidem prius in Christum credidisse, quàm Paulus illis annuntiasset euangelium, Ad Rom. 1. diuina testatur scriptura, dùm inquit: Primum quidem gratias ago deo meo per Iesum Christum pro omnibus vobis, quia fides vestra annuntiatur in vniuerso mundo. Et infra ait: Nolo autem vos ignorare, fratres, quia sæpe proposui venire ad vos, & prohibitus sum vsque ad huc, vt aliquẽ fructum habeam in vobis, sicut et in cæteris gentibus, etc. Verùm beatũ Petrũ Romanis annuntiassẽ Christi euangelium, Chrysostomus cum Theophylactõ præallegatum Pauli locũ exponens, testatur, dùm ait: Atqui Petrus quoq; prædicauerat Romæ, verùm quæ ille gesserat, Paulus pro suis reputat: vsque adeo, vt dixi, purum est ab omni inuidencia & luore, quod hic Paulus loquitur.

Beatus namque Petrus veniens Romam ad annunciandum euangelium principis apostolorum officio, quod à Christo suscepit, vsus est: nam cùm apostolorum tempore Romana vrbs dominaretur orbi, & Petrus apostolorum princeps semper in officio fuisset, ad illũ in capite orbis, caput totius ecclesiæ fundare,

atque ibidem Episcopum agere spectabat, propter
 quam causam Romana Ecclesia non solum Latina-
 rum, sed Græcarum, & Hæbrearum Ecclesiarum ma-
 ter habita est. Nam apostoli quicquid mysteriorum
 fidei, eruditionis, & morum disciplina a Spiritus san-
 ctodidicerunt, Romanæ Ecclesiæ tradiderunt. Et be-
 atum quidem Paulum nullibi, quàm in epistola ad
 Romanos plura & maiora fidei mysteria fidelibus
 proposuisse, omnibus in Paulinis epistolis versatis est
 manifestum. Cùm enim beatus Paulus verbum dei
 fideliter, & prudenter dispensasset, paruulis & infir-
 mis, lac: verùm maioribus, solidum cibum ministra-
 uit: & sapientiam locutus est inter perfectos. Vnde
 Romanam Ecclesiam tempore Pauli caterisq; Ec-
 clesijs doctiorem, religiosiorem, & illustriorem fuis-
 se, Pauli epistola testatur. Et sicut Cicero de latinis
 philosophis ait: Meum iudicium semper fuit, omnia
 nostros & inuenisse per se sapientiùs, quàm Græcos,
 aut accepta ab illis fecisse meliora: quæ quidem dig-
 na statuisent, in quibus elaborarent. Nam mores &
 instituta vitæ, resq; domesticas & familiares nos
 profectò meliùs tuemur & latiùs: rem verò publicã
 nostri maiores certè melioribus temperauerunt, &
 institutis & legibus. Hæc Cicero. Simili modo lati-
 ni Romani christiani religionis mysteria, quæ ab
 apostolis acceperunt, perfectiùs quàm Græci intelle-
 xere, & in fidei sinceritate firmitùs p̄seuerarunt, et si
 quæ à Græca Romana ecclesia accepit, meliora fecit.
 Calu. ca. 8. Caluinus etiam Romanã Ecclesiã, doctiores viros,
 para. 56. quàm ceteras Ecclesias habuisse testatur, dùm ait:

Deinde

Deinde cū illic, videlicet in Romana Ecclesia, esset caput imperij, & hac ratione credibile est, præstantiores tū doctrina, tū prudentia viros illic esse, quā alibi vsquam, &c. Atque vt quo semel est imbuta recens seruabit odorem, testa diu: ita Ecclesia Romana fides synceritatem, quam primitus accepit, vsque ad consummationem seculi seruabit.

Dei Ecclesia sine legitima constitutione non potest persistere.

Cap. 52.

Romanam Ecclesiam à fidei synceritate, quam ab apostolis accepit, non degenerasse, manifestum est. Nam si Romana ecclesia degenerasset, nulla fides in terrarum orbe remansisset. Quid quod Romana ecclesia mater est cæterarum ecclesiarum, & illius fidem cætera ecclesia profitentur. Quapropter Calvinus asserens sub tyrannide Papæ manere ecclesias corruptas malis doctrinis, sibi met in multis contradicit, quia ecclesia corrupta malis doctrinis fidei synceritatem non habentes, fidem non habent: atque ita non Dei, sed sathana sunt ecclesia. quia fides aut sincera, aut nulla est. Sed Calvinus sub prætextu ecclesie Corinthiorum ecclesiam posse corrumpi, & manere Dei ecclesiam falsè asserit. Inter Corinthios, inquit, non pauculi errauerunt: non solum erat morum corruptio, sed doctrina. Quid hîc sanctus apostolus? An diuisionem ab illis querit? An eos à Christi regno abdicat? Non modo nihil horum agit, sed ecclesiam Christi, sanctorumq; societatem & cognoscit, & predicat. Si inter Corinthios manet ecclesia,

Calu. ca. 8.
part. 7.

vbi feruent contentiones, & secta emulationes: quis audeat ecclesia titulum eripere ijs, quibus decima pars istorum criminum impingi nequit, qui tanta morositate sauiunt in praesentes ecclesias. &c. Sub velamine Corinthiorum ecclesia Calvinus sectariorum dissidia, & schismata excusat: sed profecto fallitur. Nam alia sectariorum, & alia Corinthiorum causa fuit: atque hic non de morum, sed doctrina corruptione est disputandum. Quod etsi aliqui Corinthiorum in doctrina fuerunt corrupti, tamen non vniuersa Corinthiorum ecclesia fuit corrupta: nam in illis qui in fidei sinceritate perseuerarunt, Paulus Christi ecclesiam, sanctorumque societatem, & agnoscit, & praedicat: in lapsis vero carnales, & a Christo separatos reprehendit. Augustinus enim inquit: Sed more suo scriptura loquitur, quae si arguit malos, tanquam omnes in eo populo mali sint, & sic consolatur bonos, tanquam omnes ibi tales sint. Et infra: Ecce & ad Corinthios apostolus sic loquitur. Paulus vocatus apostolus Iesu Christi per voluntatem Dei, & Sosthenes frater, ecclesia, quae est Corinthi sanctificatis, in Christo Iesu vocatis sanctus, cum omnibus qui inuocant nomen Domini Iesu Christi in omni loco ipsorum & nostro, gratia vobis & pax a Deo patre nostro, & Domino Iesu Christo. Gratias ago Deo meo semper pro vobis in gratia Dei, quae data est vobis in Christo Iesu, quia in omnibus diuites facti estis in illo, in omni verbo, et in omni scientia, sicut testimonium Christi confirmatum est vobis, ita ut nihil vobis desit in vlla gratia. Quis hac audiens credat in ecclesia Corinthiorum esse

Aug. cont.
Don. post.
cola. 20. c.

esse aliquos reprobos, quandoquidem verba ista sic sonant, velut ad omnes directa sit ista laudatio? Et tamen paulò post dicit: Obsecro autem, ut id ipsum dicatis omnes, & non sint in vobis schismata. Rursus tanquam in hoc horrendo vitio velut omnes arguens, atq; increpans, dicit Diuisus est Christus? Nunquid Paulus crucifixus est pro vobis? aut in nomine Pauli baptizati estis? puto aut eos qui in eo populo dicebant: Ego sum Christi: non duxisse iugum cum eis, qui dicebant: Ego sum Pauli. Inter Corinthios igitur Dei ecclesia mansit, quia doctrinæ corruptio non fuit vniuersalis, sed sectarij vnumquengq; cœtum, totumq; ecclesie corpus malis doctrinis corruptum fuisse, atq; vniuersalẽ defectionem Dei ecclesiam occupasse, asserunt. Quod si ita fuisset, omnino vniuersa dei ecclesia euanuisset. Corinthiorũ nimirũ sectæ, cõtentiones, et emulationes, nec legitimã constitutionẽ, nec sincerã fidem euanuisse præferunt. Nam si in Corinthiorũ ecclesia fides et legitima cõstitutio euanuisset, fides cũ heresi non pugnasset, nec illic disidia fuissent. Sed quidam Corinthiorũ dicebant Ego quidẽ sum Pauli: ego aut Christi. Vnde manifeste colligitur, q̃ quantum hereses et schismata grassentur, tamẽ Dei ecclesia legitimã cõstitutionẽ retinet, fidei enim articulus pertinens ad ecclesiã, fidem & legitimam constitutionem ecclesia inseparabiliter connecti expresse docet. Quare sectarij vniuersalem defectionem occupasse ecclesiam affirmantes, misere decipiuntur: quia vti cõcedens Petrũ esse hominem, habere quoq; animam concedat, oportet, quia hac de illius essentia

est: sic credens sanctam ecclesiam illam synceram fidem, & legitimam constitutionem retinere, credit: quia ista de illius essentia sunt. Vnde nemo qualem-
cunque ecclesie noticiam habens, nisi hæreticus sit, sanctam ecclesiam, synceram fidem, & legitimam constitutionem necessario habere dubitat, nec negat. Quod verò Paulus in Corinthiorum ecclesia à bonis non separauit malos, idè fecit, quia nondum mali plenè erant manifesti, nec pertinaces, nec illi separauerant se ab ecclesia. At presentis seculi sectarij pertinaciter adherent suis sectis, propter quod ipsi separauerunt se ab ecclesia, atq; vniuersalis ecclesia tanquàm putrida membra illos à se proscindit.

Cap. 53.

Apostolica quidem doctrina perennis, sectariorum verò hæreses aut antiquatæ aut recentes sunt.

Esi sectarij ecclesiam à multis seculis pura verbi prædicatione, & legitima constitutione caruisse asserunt, tamen primitiuam Catholicam ecclesiam, & inter ceteras Romanam in principio aliquandiu synceram fidem, & legitimam constitutionem retinuisse affirmant. Vnde sic illi in Dei ecclesia fidei sinceritatem, & legitimam constitutionem priora fuisse quàm hæreses, concedant oportet. Quare religionis dogmata, & ecclesie constitutio, quò antiquiora, eò synceriora et magis legitima sunt. De hoc articulo inter catholicos & sectarios conuenit: sed de suorum dogmatum antiquitate, sectarij cū catholicis litigant. Nam illi ad falsa sua dogmata astru-

astruēda, hareses ab ecclesia damnatas antiquiores fuisse, quàm Catholica ecclesia dogmata iactant: quàm verò longè absint à vero, manifestum est: quia omnes catholici et sectarij apostolicā doctrinam antiquiorem, quàm haresin esse fatentur. At sectarij miserè circa suorum dogmatum antiquitatem falluntur: nam quantò illa sunt antiquiora, tantò clariùs illorum falsitas deprehenditur. Ordine quidem à Deo instituto, iustitia prior est quàm iniustitia, & fides, quàm haresis: in illis verò qui legitimum non seruant ordinem, prior est iniustitia, quàm iustitia, & haresis quàm fides. Deus enim à principio hominem creauit rectum: Sed post Adæ peccatum omnis homo prius iniustus, quàm iustus est. Ita in Catholica ecclesia fidei sinceritas, prius quàm haresis predicata fuit: sed in quibusdam nationibus, aut particularibus ecclesijs demonum malitia factum fuit, quod aut haresis prior quàm fides, aut contemporanea fuisset. Nam Pseudoapostoli in aliquibus ciuitatibus, aut eodem tempore, quo apostoli predicauerunt, aut isti illos, aut illi istos prauenerunt. Predicantibus quidem apostolis futuram resurrectionem, quidam Pseudoapostoli illam fuisse præteritam, alij verò impossibilem asseruere. Paulo quoq; ceremonias legis euacuas per euangelium predicante Lucas, inquit: Et quidam descendentes de Iudæa docebant fratres: quia nisi circumcidamini secundum morem Moysi, non potestis saluari, &c. Atq; illa schismatica, & heretica confessio, ego quidem sum Pauli, cōtemporanea fuit istius catholica, ego quidem sum

Acto. 15. c.

Christi. Sed quātalibet dogmatū sit antiquitas, inter fidei & haresis antiquitatem interest. Nā haresis & schismata quanq̃ fuisset antiqua, tamē fuerūt antiquata. Catholica verò fides fuit antiqua, sed nunq̃ antiquata, imò semp̃ mansit. Nā sicut apud Corinthios, quāuis quidā illorū, Ego sum Pauli: et alij iā factā fuisset resurrectionē dogmatizassent, oīa illa antiquata fuerūt, & apostolica doctrina illis haresibus cōtraria scilicet, ego sum Christi, et exspecto resurrectionē mortuorū, in catholica ecclesia semper permansit. Simili modo ferē omnia dogmata quā à sectarijs in presenti seculo aduersus catholicam ecclesiā proponuntur, et si antiqua euauerunt, & contrā in Dei ecclesia cōtraria dogmata permanserunt. Quapropter ista apostolica, illa verò haeretica doctrina est: nam si illa doctrina fuisset necessaria, non fuisset abolita: quia ecclesia, vt Calvinus asserit, semper habet, quod est satis, & nunquam defecit in necessarijs, nec vnquam in ea extinguitur veritas praedicationis, cum sit fidelis custos puri verbi Dei, & columna & firma mentū veritatis. Quare quantò magis sectarij in suis centurijs suorum dogmatum antiquitatem iactant, tantò magis illa esse falsa manifestant. Nam cum illa dogmata ab antiquiore ecclesia abolita, aut damnata fuisset, ipsimet testentur, atq; cum tunc etiā temporis ecclesia habuisset doctiores viros quā nūc, iuste antiquata fuisse cōstat. Hinc est, q̃ praesens ecclesia damando, quā à doctioribus patribus fuerūt antiquata, apostolicā doctrinā sectetur: sectarij verò audētes praedicare in dei dogmata abolita, pseudoapostolos imitā

tur. Quare apostolica doctrina nota nō precise antiquitas, sed perennitas iuxta Christi promissiones est. Nō deficiet, inquit, fides tua. Et in alio loco ait: Et ego vobiscū sum vsq; ad cōsummationē seculi. Si enim dogmata quæ olim fuerūt antiquata, et denuō asseruntur ab hæreticis, fuissent necessaria ad fidē, cū fidē nō in chartis, sed in cordibus hominū mansurā pmise- rit, certē illa non fuissent obsoleta, aut si fuisset, fides in ecclesia defuisset: fuerūt tamen. Nā ante Lutheri prædicationē, dogmata, de quibus in præsentī seculo est cōtrouersia, animo exciderāt, nullusq; illis asētie batur: quia catholicā fidem illis dogmatibus cōtrariā omnes cōsistebantur. Nullū igitur necessariū dogma in ecclesia est antiquatū, et dogmata quæ antiquata fuerūt, nō fuisse necessaria, aut hæses fuisse, concedere oportet: aliās fides et ecclesia simul defecissent. Nā sanctā Catholicam ecclesiā semp in orbe terrarū manere, et apostolicā doctrinā, sine qua illa nō potest p̄stare, antiquatā fuisse, tā impossibile est, quā hominē sine anima viuere. Sectarū quidē suarū sectarū antiquitatis, et antiquationis testimonia adducētes, illas esse errores astruūt. August. cōfess. harū inquit, ecclesiarum, quæ sunt in regionibus principis electoris Saxonie doctrina nec dubia, nec varia aut mutabilis est, sed ab initio sincera, cōstans, conseruata et vsurpata annis iam triginta, penitus consentanea confessioni Augustanæ, &c. Calvinus quoque de sua secta ait: Quod diu incognita, se- pultaq; latuit, humana impietatis crimen est. Ex quibus verbis satis apertē colligitur caluini doctrinā antiqua-

Aug. conf:
in admon.
ad lēctor.

Caluin. id
præfat.

antiquatam fuisse: & non tantum hac, sed omnis sectariorum doctrina aut est noua aut antiquata fuit. Apostolica verò doctrina tam antiqua & perrennis quam ecclesia est: quia ecclesia sine apostolica doctrina perstare non potest. Quare sectariorum doctrina, tatum abest, ut sit apostolica, ut potius sit heresis.

Apostolica quidem doctrina est communis Iesus, sectariorum verò particularis.

Cap. 54.

Apostolica etiam doctrina ab heresi non solum diuturnitate, sed consensione discernitur: nam illa catholica ecclesie communis est sensus, ista verò sectariorum particularis. Vera enim religionis doctrina in sacra scriptura, & in apostolorum predicatione contenta, non varia nec secum pugnans, nec falsa est, quia propheta, ac apostoli tum predicando, tum scribendo veraces & concordēs fuerunt. De hac sententia inter catholicos & sectarios aperte satis conuenit. Sed prophetarum & apostolorum consensionis causa diligenter obseruanda est. nam per illam vnusquisque haud difficile apostolicam doctrinam ab heresi discernere poterit: quam quidem causam non naturalem, sed supernaturalem esse. Scotus perdocte exponit, cum ait: In non euentibus ex terminis, nec ex principijs euentiam habentibus non consonant firmiter, & infallibiliter multi diuersimode dispositi, nisi à causa superiore ipsorum intellectus inclinentur ad assensum. Et infra: Nihil autem est tale de non euentibus ex terminis, nisi intellectus superior nostro: nihil autem intelligēs superius homine potest hominem

Scot. prol.
q. 2.

nem effectiue docere nisi Deus. Tantum ille. Cum enim religionis dogmata non solum ineuentia, sed supernaturalia sint, illorum nec certa noticia, nec consensus, nisi Deo reuelante, haberi potest. Vnde propheta, apostoliq; per dei reuelationem fidei noticiam acceperunt, ac illam cateris tradiderunt, vt beatus Petrus exponit, dicens: Et habemus firmiore ppheticu, sermonē cui benefacitis, attendentes quasi lucerna lucenti in caliginoso loco, &c. Fidei enim persuasio, ad hoc quod sit certior omnibus humanis disciplinis, q; diuina auctoritate innitatur oportet. Ex huiusmodi etiam auctoritate de dogmatibus consensus oritur. Sed diuina scriptura vt a fidei dogmatibus incertitudinem, & dissidia tolleret, istorum causas, videlicet, proprium sensum, & humanam auctoritatem exclusit illico, dicens: Hoc primum intelligetes, quod omnis prophetia scripturae propria interpretatione non fit: non enim voluntate humana allata est aliquando prophetia, sed Spiritus sancto inspirati, locuti sunt sancti Dei homines. Tantum ille. Ex humana igitur auctoritate, & proprio sensu dogmatum incertitudo, & dissidia oriuntur: vt de Philosophis Cicero exponit, dum inquit: Socrates autem primus philosophiam deuocauit e celo, & in vrbibus collocauit, & in domos etiam introduxit, & coegit de vita, & moribus rebusq; bonis & malis querere. Cuius multiplex ratio disputandi, rerumq; varietas, & ingenij magnitudo. Platonis memoria & literis consecrata, plura genera effecit dissentientium philosophorum. Huius sententia consonat, quod in alio etiam loco ait:

Pet. 2. epi.
cap. 1.

Cic. q. Tus
cu. li. 5.

Cic. de O.
lib. 3.

Vt

Vt ex Apēnino fluminū, sic ex cōmuni sapientiū iugo
 sunt doctrinarū facta diuortia, vt philosophi tanq̃ in
 superū mare Ioniū defluerent, et Græcū quidē & por-
 tuosum. Oratores aut̃ in inferū hoc Thuscū, & barba-
 rū, scopulosum, atq; infestū laborētur, in quo etiā ip-
 se Vlysses errasset. Hæc ille. Verū tamen est, q̃ de eui-
 dentibus dogmatibus inter philosophos cōuenit: rerū
 enim euidētia naturaliter consensionem parit, siqui-
 dem intellectus animaduērsis euidētibz non po-
 test non assentiri illis, & cum euidētia dogmata om-
 nibz sint couispicua, de illis nemo nō consentit. Qua-
 re vt dogmata sunt euidētissima, ita de illis est sum-
 ma concordia: contrā verò, quo dogmata sunt euidē-
 tiora, eò circa illa plures dissentiant, & plures con-
 trouersie sunt. Desiciente namq; euidētia quod ho-
 minum ingenia, tot argumenta ad varia & falsa do-
 gmata astruenda excogitantur: quæ licet non omnes
 tamen plurimos decipiunt. Atque hinc varias & con-
 trarias sectas fuisse ortas, beatus Augustinus sapien-
 tissimè exponit, dicens: Cur dissenserunt & à magi-
 stris discipuli, & inter se condiscipuli, nisi quia vt ho-
 mines humanis sensibus, & humanis rationibus ista
 quæsierunt? vbi quamuis esse potuerit & studiū glo-
 riandi, quo quisque alio sapientior & acutior videri,
 cupit, nec sententiæ quodammodo addictus alienæ,
 sed sui dogmatis & opinionis inuentor, &c. Quæ Au-
 gustini sententiā nostrī seculi sectarijs maximè con-
 uenit. Cur enim Lutherus ab Ecclesiā, & ab illo præ-
 sentes sectarij, & isti inter se dissenserunt, nisi quia
 vt homines humanis sensibus, et humanis rationibus
 religi-

Aug. de ci-
 uit. dei. li.
 18. cap. 41.

religionis dogmata quasierunt, & nullus aliena sententia addictus esse voluit. Quod si nonnullos, vel etiā plurimos eorum, vt Augustinus inquit, fuisse concedā, quos et suis doctoribus, vel discendi socijs amore veritatis abruperit, vt pro ea certarent, quam veritatem putarent, siue illa esset siue non esset, quid agit, aut quo vel qua, vt ad beatitudinē perueniatur, humana se porrigit infelicitas, si diuina non ducit auctoritas? Quemadmodū in sectarijs experiētia testatur, quorū profectō dissidium, illos non diuinā, sed humanā sequi auctoritatem conuincit. Nam si Lutherus habuit diuinam reuelationem, aut secundum scripturam dogmatizauit, quare alij sectarij dissenserunt ab illo? Si verō ille secundū humanam auctoritatē dogmatizauit, idem de alijs sectarijs, cū inter se non cōstent, sentiendū est. Igitur sectarij inuicē dissentientes, seipsos damnant, quia huiusmodi dissensio ab humano et diabolico spiritu est. At sacri scriptores propheta, apostoliq; quia diuina auctoritate ducti fuerē, nūq̃ nō sibi cōstāt, q̃ vt August. exponeret, subdidit. Deniq; auctores nostri, in quibus nō frustra sacrarū literarū figitur et terminatur canō, absit, vt inter se aliqua ratioe differant. Vnde nō immerito, cū illa scriberēt, eis dcū vel per eos locutū, non paucis in scholis atq; gymnasijs litigiosis disputationibus garruli, sed in agris atque in vrbibus cum doctis atque indoctis tot tantiq; populi crediderunt: ipsi sanē pauci esse debuerunt, ne multitudine vilesceret, q̃ charū religione esse oporteret, nec tantū ita pauci vt eorū nō sit miranda consensio. Hec ille: Quemadmodū enim dogma-

Vbi supra.

Vbi supra.

dogmatum euidētia apud philosophos consensuē,
 ita auctoritas diuinā in religione concordiam parit.
 Vnde quo religionis dogmata maiori auctoritate con-
 firmantur, eò de illis est maior consensio: con-
 trā verò, quo dogmata minori auctoritate astruun-
 tur, eò de illis plures dissentiunt, & maior controuer-
 sia est. Propheta igitur & apostoli, vt suprema au-
 ctoritate de fidei mysterijs facti fuerunt certiores, ita
 inter illos fuit summa concordia. Vnde apostolorum,
 & prophetarum consensio de dogmatibus ineuiden-
 tibus, & supernaturalibus sufficienter persuadet, illa
 dogmata esse vera: ex sacris enim scriptoribus consen-
 sione Iosephus contra Apionem diuina historia verita-
 tem sapienter astruit, dicens: Vera siquidem histo-
 ria indicium est, si de eisdem rebus omnes eadem di-
 cant atque consentiant. Cū igitur propheta, apo-
 stoliq; in varijs & locis & temporibus existentibus re-
 ligionis supernaturalia dogmata pari consensu, &
 corde credidissent, & aut ore prædicando, aut scri-
 bendo confessi fuissent, proculdubio huiusmodi consen-
 sio non hominum natura, sed Dei dono, videlicet pro-
 phetia (quo non nisi vera, & consonantia dogmata
 reuelantur) ascribenda est. Nam non voluntate hu-
 mana, sed diuino spiritu locuti sunt sancti. At cū
 inter sectarios contemporaneos, & conterraneos, de
 religionis dogmatibus non conueniat, illos non diui-
 no, sed humano, aut potius diabolico spiritu afflatos
 locutos fuisse, res ipsa loquitur.

Ioseph. cōt.
 Apion. l. 1.

In fidei

In fidei doctrina catholicæ ecclesiæ
consensio, dei est donum.

Caput 55.

Christus redemptor noster apostolorum &
prophetarum de fidei dogmatibus consensio-
nem in ecclesia tam perseveraturam, quam fi-
dem promissit. Nam fides ex quo Deo innititur, con-
cordiam exigit, atque fidem ecclesia nunquam defu-
turam Christus promissit. Ego autem, inquit, roga-
ui pro te, ut non deficiat fides tua. Sed si in catholica
ecclesia de religionis dogmatibus non fuisset consen-
sio, fides profectò defecisset, quia ecclesiæ fides aut con-
cors, aut nulla est: vnius cū catholica ecclesiæ funda-
mentū nō discors, sed concors fides est. Vnde an vna,
aut plures ecclesiæ sint apud sectarios, ipsi viderint:
nam cū illi de religionis necessarijs dogmatibus dis-
sideant, se nec ecclesiam, nec fidem habere, concedāt
oportet. Et quanquam in fidei perseverantia promissio-
ne, ecclesiæ de religionis dogmatibus consensio com-
prehendatur, tamen de huiusmodi consensione specia-
lem promissionem à Christo factam fuisse, scriptura
exponit, dū inquit: Pater sancte, serua eos in no-
mine tuo, quos dedisti mihi, ut sint vnū, sicut et nos.
Et infra: Non pro eis autem rogo tantum, sed pro eis,
qui credituri sunt per verbum eorum in me, ut omnes
vnum sint, sicut tu pater in me, & ego in te, ut & ipsi
in nobis vnum sint. Vnitatem enim quam Christus
pro apostolis, & ecclesiæ petijt, proculdubio à pa-
tre impetrauit: nam semper fuit ex auditus. Sed talis
vnitas ecclesiæ consensio de religionis dogmatibus est:

Bb

quia

quia sine ista concordia non potest esse vnitas. Quare ecclesia catholica, quæ fuit ante infelicissimam Lutheri predicationem, & nunc est, tam concors est in religionis dogmatibus, quam apostoli, & prisca ecclesia fuerunt: imò apostolorum concors fides, semper conseruatur in catholica ecclesia. Nam Christus non vnā pro apostolis vnitatem, & aliam pro ecclesia impetrauit, sed vnā & eandem vnitatem, id est, de religionis dogmatibus consensionem pro apostolis & ecclesia exorauit, quia in illa oratione nihil speciale pro apostolis, quod ecclesia non sit donatum, orauit. Quod beatus Augustinus exponit, dicens: Ergo illa oratione pro omnibus quos redemit, siue tunc in carne viuentes, siue postea futuros, redemptor noster orauit, cum rogās pro apostolis, qui cum illo tunc erant, adiunxit etiā illos qui per eorum verbum in eum fuerant credituri. Vnitatem quidem, quam Christus pro apostolis et ecclesia à patre impetrauit, catholica ecclesia, consensione in fide esse infra exponit, dicens: Vnum enim erimus, non ut credamus, sed quia credimus. Sed et si in hac vita propter ipsam communem fidem, omnes, qui vnum credimus, vnum sumus, iuxta apostoli illud: Omnes enim vos vnum estis in Christo Iesu, etiā sic, non ut credamus, sed quia credimus, vnum sumus. Theophilactus quoque, cum Chrysostomus eandem exponit sententiam, dicens: Ut igitur ne putet quis quod pro solis apostolis mortuus sit, subdit: Non pro his rogo solum, sed & pro omnibus, qui credent per sermonem illorum. Hoc autem loco iterum erigit apostolorum animos, quod habituri multos discipulos: quia enim dixit, Non pro his solis rogo, ut ne offendantur apostoli, quasi nihil

Augu. sup.
p. Iohā tra.
ctac. 109.

Tract. 110.

Theoph. et
Chrysost.

hil singulare præ alijs habeant, consolatur eos, significando, fore eos plurimorum fidei, & salutis auctores. Et infra inquit: Dicit postea iterum de concordia. & à quo capit principio (charitatis dico) in eo nunc sermone concludit, ac inquit: Vt omnes vni sint, hoc pacto, vt pacem & concordiam habeant, & in nobis, hoc est, vt indiuisiua erga nos seruent fidem. Hæc ille. Denique, cum per dei donum inter apostolos, & Dei ecclesiam de religionis dogmatibus conueniat, quod omne dogma, de quo in catholica ecclesia est consensus, sit apostolicum oportet. Nam si de aliquo fidei dogmate præsens catholica ecclesia consentiret, quod non fuisset apostolicum: illud quidem aut prætermisum, aut ignoratum fuisset ab apostolis. Sed istorum virum hæc asserere, temerarium, et blasphemum est, quia Dei ecclesia nullos doctiores, nec diligentiores pastores, & doctores habuit, quam apostolos, quos Christus elegit, & Spiritus sanctus docuit. Quare illi nullum religionis dogma ignorauerunt, nec aliquid necessarium ad fidem præterierunt, neque ecclesia dogmata apostolica necessaria ad fidem deseruit vnquam, imò iuxta Christi promissiones, fidem quam ab apostolis accepit, concorditer cum illis corde credit ad iustitiam, & ore confitetur ad salutem. Atque ista consensus hæc ab ipsis apostolis ad nos et posteros deriuata fuisse, Irenæus l. i. ac permanere in ecclesia, Irenæus exponit, dicens: cap. 3. Hanc prædicationem cum acceperit, & hanc fidem, quemadmodum prædiximus, ecclesia et quidem in vniuersum mundum disseminata diligenter custodit, quasi vnā domum inhabitans.

& similiter credit ijs, videlicet, quasi vnam animam habens, & vnum cor, & consonanter hæc predicat, & docet, & tradit, quasi vnum possidens os. Nam et si in mundo loquela dissimiles sunt, sed tamen virtus traditionis vna, & eadem est: & neq₃ hæ, quæ in Germania sunt, fundata ecclesia aliter credunt, aut aliter tradunt: neque hæ, quæ in Hyberis sunt: neq₃ hæ, quæ in Celtis: neq₃ hæ, quæ in Oriente: neq₃ hæ, quæ in AEGypto: neque hæ, quæ in Lybia: neq₃ hæ, quæ in medio mundi sunt constitutæ: sed sicut Sol creatura Dei in vniuerso mundo vnus & idem sit, sic & lumen predicationis veritatis vbique lucet, & illuminat omnes homines, qui volunt ad cognitionem veritatis venire. Tātū ille. Quia enim deus est vnus, et inuariabilis, eius discipuli, scilicet prophetae ac apostoli, in fidei doctrinam consenserunt: atque cum illis pari consensu fidem ecclesiam docuissent, ita quoq₃ concorditer fidem custodit. Vnde ex consensione ecclesie manifestatur, dogmata esse apostolica, & per consequens à Deo reuelata fuisse.

Cap. 36.

Fidei dogmatum auctor, de quibus in ecclesia habetur communis sensus, non homo sed Deus est vtique.

Christiane quidem religionis dogmatum, de quibus in catholica ecclesia est consensus, nullus præter Deum est auctor, nec illa alicui tanquam speciali auctori possunt assignari. Sectarum verò principalis auctor, mendacij pater, scilicet, diabolus est: atq₃ illa filijs eius, videlicet, hæresiarchis tanquam specialibus auctori-

au^{ct}oribus assignantur. Quamobrem non ista secta, sed illa dogmata sunt, quæ apostolicam doctrinam cōstituunt, quia apostoli non diaboli, nec hominis, sed dei doctrinam predicauerunt: nam euangelium non est, nec vocatur apostolicū, sed Dei, aut Christi, quia solius dei est ordinatio. Et licet propter verbi administrationē apostolis commissam doctrina vocetur apostolica, nō ideo Petri aut Pauli ad denotandum illorū consensionem in religionis dogmatibus appellatur.

At hæresis ad explicanda disidia vnaquæq; proprium au^{ct}orem habet: veluti Arriana, Sabelliana, et sic in singulis videre licet. Omnem quippe hæresin specialem au^{ct}orem, & particulares sectatores habuisse, res ipsa loquitur, & omnis ecclesiastica historia testatur. Nulla deniq; hæresis vnquam Catholica ecclesia fuit assignata, nec illa communis ecclesie sensus

fuit, quæ sapientissimè *Lirinen*sis exposuit, dicens: *Vincenti, Lirinen.*

Et reuera, quæ vnquam hæresis, nisi sub certo nomine, certo loco, certo tempore ebulliuit: quis vnquam hæreses instituit, nisi qui se prius ab ecclesia catholica vniuersitatis, & antiquitatis consensione discreuerit? &c. Verum nostri seculi sectarij antiquorum hæreticorum vestigijs adherentes, catholica ecclesia nouam appellationem, vt noui nominis prætenu

apostolicam doctrinam tanquam hæresin damnent, imponunt, quemadmodū Arriani fecerunt, vt beatus Augustinus refert, dicens: Ita enim se habet catholica veritatis antiquitas, vt ei omnes hæretici diuersa nomina imponant, cum ipsi sua singula, sicut ab omnibus appellantur, obtineāt. Arriani quippe, et Eunomiani,

Aug. cont.
serm. Arri.
cap. 36.

non alij hæretici nos vocitant homousianos, quia contra eorum errorem, græco vocabulo ὁμοούσιον defendimus patrem & filium, et spiritum sanctum, &c. Simili modo nostri sæculi sectarij catholicam ecclesiam Papismum, nosq; Papistas vocitant, quia ecclesie consensionem sub obedientia Papa aduersus illorum schisma, & dogmatum dissidia defendimus. Calumus: In eum inquit, modum cùm res se habeat sub Papismo, intelligere licet, quid ecclesie illic super sit. Et infra ait: Cum ergo ecclesie titulum non simpliciter volumus concedere Papistis, &c. Sed illi quo magis nouo nomine obscurare catholicam ecclesiam satagunt, eò illam, eiusq; doctrinam illustriorem reddunt. Nam cùm illa vocula, Papa, non hominis priuati, sed publici apostolici muneris sit appellatio, si quis illas voces, Papismus, Papista, perinde ac istas, Apostolatus, Apostolicus, significare existimauerit, non multum aberrauerit. Episcopos profectò Papa nomine olim appellatos fuisse, nulli dubium est. Beatus Hieronymus epistolas, quas ad beatum Augustinum dedit, his verbis inscribit: Domino verè sancto & beatissimo Papa Augustino, Hieronymus in domino salutem, &c. Vnde cùm appellatio Magistratum non variet, idem erit Papa, Episcopus, & Apostolus: & Petrus etiam Papa fuit. Vnde Papistica doctrina idem est, quod Apostolica: quod si hoc sectarij negauerint, illos quendam Papam, aut quosdam nominatim afferre oportet, qui fidei dogmatum, de quibus cum catholicis litigant, auctores fuerint: & profectò neminem in medium adduce-

Augu cpi.
11.

adducere poterunt, quia talia dogmata nullum alium præter Deum habent auctorem, nec unquam illa alicui homini assignata fuere. Quare sectarij cum nominatim nullum Papam hæresiarcham in medium asferre potuissent, nec isti, nec illi Pontifici in speciali, sed in communi, aut magistratui, videlicet Papa tui dogmata, quæ à religione submouere volunt, assignare. Sed illi, quando pluribus cordibus dogmata attribuunt, tanto magis illorum fidem astruunt, & maximè illa esse vera sub appellatione Papismi & Papistarum manifestant. Nam Papismus, id est, summus Pontificatus tam antiquus, quàm apostolica ecclesia est: beatus enim Petrus summus Pontifex, id est, Papa fuit, & nullus successor illius fuit hæresiarcha: similiter præci patres, ut Ambrosius, Hieronymus, & ceteri, Papistæ fuerunt: imò nullus non fuit Papistæ, nisi hæreticus et schismaticus. Quapropter cum Papismus catholica ecclesiæ consensionem comprehendat, ideo Papistica de fidei dogmatibus doctrina non noua, sed antiqua, non antiquata, sed perennis, non particularis, sed catholica ecclesiæ communis est sensus. Neq³ etiam illa priuato homini sicut hæresis attribuitur, sed Deo auctori, & apostolis tanquam fidelissimis dispensatoribus, & catholica ecclesiæ veluti in consensione fideliter custodienti assignatur. Papisticam igitur doctrinam esse apostolicam indubitanter tenendum est.

Catholicæ Ecclesiæ communis cuiusvis dogmatis sensus nō potest esse hæresis.

Cap. 57.

1. ad Cor.
cap. 11.

PAulus enim catholica ecclesia communem sensum esse fidem, sectariorum verò particulares sensus hæreses aut schismata esse exponit, cum ait: Hoc autem dico, quod vnusquisq; vestrū dicit: Ego quidem sum Pauli, ego autem Apollo, ego verò Cepha, ego autem Christi. Diuisus est Christus? Vnde ad tollendam diuisionem, ad ecclesiæ vnitatem tenendam, omnes credentes ecclesiæ communem sensum sectari monet: quod profectò non hortaretur, si communis sensus de fidei dogmatibus non catholica fides, sed hæresis fuisset. Obsecro autem, inquit, vos fratres per nomen domini Iesu Christi, vt id ipsum dicatis omnes, & non sint in vobis schismata: sitis autem perfecti in eodem sensu, & in eadem scientia, &c. Chrysostomus cum Theophylacto ait: Cū verò acrius eos schismatis appellatione tetigisset, rursus eos his verbis lenit, & mulcet: Sitis autem perfecti in eodem sensu, & in eadem scientia. Nam cū dixisset, vt id ipsum dicatis, Nolite arbitrari, inquit, ad verba vsq; debere esse concordiam, animi nanq; concordiam inquirō. Verū cū idem quoq; ex animi sententia dici possit, quoniam id non in omnibus vsuuenit, idcirco addidit: sitis autem perfecti. Qui enim partim conuenit, partim dissentit, adhuc non est perfectus, neq; in consensum adducitur. Fieri autem potest, vt qui intellectu consentis, voluntate discrepet: quemadmodum

dum cum idem de fide sentimus, discrepamus tamen in dilectione. Sic enim notione vnū sumus, cum idem cognoscimus, sed non voluntate & studio, quod tunc quoque euenit, cum alius alium eligeret. Propterea inquit, quod noticia, & voluntate concordare oportet. Hac ille. Sed communem sensum circa religionis dogmata, quem catholica ecclesia tum oris confessione, tum cordis persuasione, tum eadem sententia tenet, catholicam esse fidem, necesse est: quia communis religionis dogmatum consensus in dei ecclesia non in errore, sed in veritate teneri potest. Nam & in disciplinis, & in religione communis sensus (vt dictum est) aut euidencia, aut auctoritate innititur: in humanis quidem disciplinis de quibusdam dogmatibus propter rerum euidenciam, veluti de primis principijs inter omnes conuenit: de quibusdam verò non euidencibus naturalem non excedentibus rationem propter humanam auctoritatem communis etiam habetur sensus, vt de hominum gestis, quæ à probatis historicis exponuntur. At de religionis dogmatibus nec per euidenciam, nec per humanam auctoritatem inter homines potest esse consensus, quia illa creatum superat intellectum. Quapropter nec naturalis ratio, nec humana auctoritas in huiusmodi ad idem dicendum, idem sentiendum, & in eadem sententia conueniendum hominibus vnquam persuaferunt. Inter omnes quidem nationes de colendo deo, quia naturali ratione notum est conuenit, sed de eodem siue vero, siue falso deo, ac de pio cultu, quia naturalem superant rationem, non fuit consensus. Vnde apud idololatrias

nec de vero Deo, nec de vno cultu communis opinio fuit. Vnaquæque enim prouincia aut ciuitas, specialem Deum & cultum habuit. Sed in Dei catholica ecclesia de fidei dogmatibus apud omnes variarum nationum credentes vna catholica fides, id est, communis sensus est. Verùm cum hac de religionis dogmatibus naturalem rationem excedentibus ecclesie consensus non ab euidencia, nec ab humana auctoritate haberi possit, consequens est, quod diuina innitatur auctoritati: atque cum diuina auctoritas, non falsa, sed vera dogmata astruat, ideo de falsis dogmatibus in catholica ecclesia non potest esse consensus. Igitur de christiana religionis dogmatibus communis sensus catholica fides est: nam huiusmodi communis sensus, non humane, sed diuina auctoritate innititur. Si enim de religionis dogmatibus communis sensus, quæ ecclesia habet, fuisset error, tunc hæresis fuisset catholica fides: hoc autem asserere, manifestissimus error est: nam hæresis quidem particularis, fides verò catholica communis est sensus. Impossibile quidem est in catholica ecclesia catholicam hæresim fuisse: nam cum catholica fides sit ecclesie fundamentum, catholica hæresis (si fuisset) vniuersalem ecclesiam destruxisset, quia vniuersalis hæresis catholicam fidem, quæ est ecclesie fundamentum, destruxisset. Fides enim eiusdem dogmatis catholica, & hæresis catholica, sunt contraria, & assensus istius est illius dissensus: & sicut nemo duobus contrarijs potest assentiri, ita nec vna ecclesia fidei catholica, & hæresi catholica potest assentiri: quia

Dei

Dei ecclesia vna est, & omnes credentes idem dicunt, & in eodem sensu, & in eadem sententia sunt. Omnes siquidem fideles in religionis dogmatibus concordant, perinde ac si vno corde crederent ad iustitiam, & vno ore confiterentur ad salutem. Hanc ecclesia consensionem diuina exponit scriptura, Act. 4. 2. cum ait: Multitudinis autem credentium erat cor vnum, & anima vna. Vnde dogmata à sectarijs controuersa, & à catholicis communi sensu recepta ad catholicam pertinent fidem: verbi gratia, ecclesia communis sensus circa corpus Christi existentiam, permanentiam, adorationem, & sacrificium in Eucharistia Sacramento, fides catholica est. Quod si talis communis sensus fuisset error, catholica ecclesia fuisset hæretica: verum vniuersalem ecclesiam esse hæreticam, tam impossibile est, quàm illam euanuisse. Igitur omnia dogmata, quorum in ecclesia communis est sensus, esse catholicam fidem necesse est.

Catholicæ Ecclesiæ communis de religionis dogmatibus sensus, apostolica est doctrina.

Caput 33.

Dogmata quidem, de quibus catholica ecclesia consentit, esse apostolica, aperte satis manifestum est. Nam sicut apostolorum concordia in fidei dogmatibus à Deo reuelate emanauit, ita catholica ecclesia ex varijs nationibus cōgregata

&

Et in vniuerso orbe dilatata consensus ab apostolis emanauit. Nam omnes sancti apostoli, perinde ac si vno ore loquerentur, catholicam ecclesiam fidem concorditer docuerunt: illorum enim concordia ecclesie consensionis fuit causa. Vnde ex catholica ecclesie cō-

Augu. de
bapt. cont.
Don. li. 2.
cap. 7.

sensu dogmata esse apostolica à posteriori clarè demonstratur, quod etiam beatus Augustinus profitetur, dicens: Quam consuetudinem credo ex apostolica traditione venientem, sicut multa non inueniuntur in li-

Calu. cap.
31. para. 12.

teris eorum, neque in concilijs posteriorum, et tamen quia per vniuersum custodiunt ecclesiam, non nisi ab ipsis tradita et commendata creduntur. Sed Calu-

Chryf. 1. ad
Corin. 2
hom. 6.

nus contra Augustinum, seu potius contra ecclesiam ait: Nec moror, quod alibi Augustinus alia quoq; Apostolis ascribit. Nam cum nihil prater coniecturas habeat, non debet ab ipsis de re tanta iudicium fieri. Sed profectò beatus Augustinus non ex humana coniectura, sed ex fide cum euidenti ratione ecclesie consensum adscribit apostolis: quia vniuersalis ecclesia nunquam consensisset de diuinis et ineuidentibus mysterijs, nisi diuino sibi assistente auxilio per apostolos Dei spiritu loquentes fuisset edocta. Istam sententiã beatus Chrysostomus mirifice exponit, dùm ait: Accedit ad hoc, quod vniuersus orbis concordie sententia hoc accepit. Nam nullo pacto, nisi spiritu sancti gratia adfuisset, tanta concordia vniuersos terra fines comprehendisset: sed quàm primum deprehensis mendacijs, tanta et tam magna opera nunquam cõmentis & fraudibus aded essent confirmata. Vnde ecclesia consensus non vulgaris, sed rarus: non naturalis,

sed

sed supernaturalis est: atq; quia huiusmodi consensus Dei dono habetur, ideo auctoritatem obtinuit. Hec doctrina non latuit sectarios, quod Augustana confessio testatur, dicens: Non enim aspernamur consensum ecclesiae catholicae, nec est animus nobis vllum novum dogma & ignotum sanctae ecclesiae, inuehere in ecclesiam, nec patrocinari impijs aut sediciosi opinionibus, volumus, quas catholica ecclesia dānavit. Calvinus quoq; eiusdem sententiae est, dū ait: Quid enim tandem obtinebunt, nisi non spernendum ecclesiae consensum, quae nunquam nisi in veritatem verbi Dei consentit. Iste profecto causam, propter quam ecclesiae consensui auctoritas defertur, exacte exposuit, dicens: quod ecclesia nunquam nisi in veritatem verbi Dei consentit. Huic etiam sententiae illud Philippī consonat, videlicet: Ecclesia ad ipsum euangelium Dei est alligata. Ex istis igitur sectariorum sententijs clare satis colligitur, quod ecclesiae consensus non potest esse error: quia si illa ad Dei euangelium est alligata, & nunquam nisi in veritatem verbi dei consentit, nunquam non teneat sinceram fidem oportet. Ex quo ecclesiae auctoritas quorumcunq; hominum auctoritati praefenda est, quia non illa, sed isti possunt consentire in errorem. Vnde sectarij ab ecclesia consensu dissentientes, & particulares sensus sectantes, se in fide errare, ac sibi metipsis non constare, aperte satis testantur: vti in dogmatibus circa Christi in Eucharistia existentiam, permanentiam, immolationem & adorationem videre licet. De illis enim dogmatibus, ante & post Lutheri predicationem in catholi-

Aug. conf.
in Epilog.

Calui. ca. 8.
par. 78.

Philipp. in
loc. de eccl.

& presentis ecclesie eadē est: fidei namq; articulus tā presentem ecclesiā quā veterem non posse in fide errare, exponit: quia illa verba (Sancta Ecclesia) cū nec istud, nec illud tempus desiniant, ecclesiam nunq̃ non esse sanctam significant. Vnde si illa aliquādo in fide errasset, tunc nec sancta fuisset, ac fidei articulus esset falsus, quod est impossibile. Sicut igitur, quādiu quis in sanctitate perseuerat, tam diu in fide non errat: ita imò multo magis ecclesia in sanctitate perseuerans, nunquam in errorem consentit.

Catholica ecclesia in definiendis et proponendis fidei dogmatibus, non potest errare.

Cap. 39-

Diuina quidem sapientia omnia suauiter disponens, quēadmodum à se creatum mundū conseruat, & per secundas causas, rerū genera propagat, atq; administrat: ita catholicam ecclesiam, quā fundauit perpetuo conseruat. Nam fidei dogmata, quę prophetis et apostolis reuelauit, per quos primitiuā ecclesiā instituit, eadem per catholicā ecclesiā ministeriū omnibus fidelibus innotescunt, quod Paulus mirifice exponit, dū inquit: Quomodo ergo inuocabunt in quē non crediderunt? Aut quomodo credent ei, quem non audierūt? Quomodo aut audient sine predicāte? Quomodo verò predicabunt, nisi mittantur? Ex ista sentētia Paulus colligit: Ergo fides ex auditu, auditus aut per verbum Christi. Quibus verbis, ne auditores verbi Dei reuelationem aut miracula ad credendum exigant, aperte satis significatur, vt Theophilactus

Pau'us ad
Rom. c. 10.

Xheopb. et
Chrysoft.

philactus cum Chrysostomo exponit, dicens: Quia enim Iudaei, nullo non tempore signum quarebant, ac resurrectionis aspectum ipsum, inquit, fides est ex auditu, atq; vltra hunc auditum non oportet inquirere quicquam aliud: nec enim auditus siue sermo est verborum quae simpliciter dicuntur, sed verborum Dei. Quocirca si admiranda quæris, adeoq; miracula ceu ex Deo sint, crede verbis quæ ex Deo proferuntur. Tantum ille. Per ecclesia nimirum ministeriū sine nouis & miraculis, & reuelationibus, synceram fidem à Deo & conseruatam & propagatam fuisse, tam euident est, quod probatione non indiget. Quod si huiusmodi ministerium, ad fidem propagandam non fuisset satis, profectò & ecclesia (cum prophæcia & miracula iam cessauerint) à multis seculis euanuisset, & Deus circa ecclesia administratiōem in necessarijs defecisset, quæ duo tam impia, quàm heretica sunt. Quid quod quamuis ecclesia nec prophetiæ, nec miraculorum dona habeat, tamē infallibilis auctoritas ad syncerum Dei verbum propagandum penes illam residet. Quam auctoritatem Deum contulisse catholica ecclesia, ordinariæ, rerum spiritualium administratiō prærequirit. Nam vt ad humanum genus conseruandum, Deus homini indicit potentiā, qua determinatè generat hominē: quia si ille in generando degenerasset, atq; leonem aut bouem genuisset, humanum profectò genus euanuisset. Ita Deus, cessantibus & miraculorum & prophetiæ donis, catholica ecclesia dedit infallibilem auctoritatem, qua determinatè synceram fidem docet: quia
si illa

si illa hæresin docuisset, catholica fides, & per consequens ipsa ecclesia euauisset. Istam sententiam beatus Augustinus aperte satis docet, dicens: *Quamdiu intelligere sincera non possumus, auctoritate quidem decipi miserum est, sed certè miserius non moueri.* Si enim Dei prouidentia non praesidet rebus humanis, nihil est de religione sat agendum. Sin verò & species rerum omnium quam profectò ex aliqua verissima pulchritudinis fonte manare credendum est: & inferiori nescio qua conscientia Deum quarendū, Deoq; seruiendum, meliores quosq; animos quasi publice priuatimq; hortatur non est desperandum ab eodem ipso Deo auctoritatem aliquā constitutam, quæ velut gradu certò innitentes attollamur in Deum. Hæc ille. Verum inter mundi & ecclesie administrationem hoc interest: quia in mundi quidem administratione secunda causa naturaliter sunt alligata ad determinatos affectus producendos, vti homo ad hominem, & leo ad leonem generandum tantum habet potentiam naturalem: in verbi verò Dei administratione non per naturam, sed per Dei gratiam catholica ecclesia ad sinceram fidem docendum est alligata, propter quam gratiam illa in fide non potest errare. Quod nempe veritatis donum Christus ecclesie se daturum promisit, dicens: *Ego rogabo patrem & alium paracletum dabit vobis, vt maneat vobiscum in æternum, spiritum veritatis, quem mundus non potest accipere.* Quare si prophetarum & apostolorum doctrina ob veritatis spiritum, quo illi in prophetando afflati fuere, supremam obtinuit auctoritatem:

Aug. de vti
lit. creden.
cap. 16.

Ioan. c. 14.

cum catholica ecclesia eodem spiritu quo illi ad fidē profitendam agatur, non minoris debet esse auctōritatis quā illi. Verum quidem est, quod ob istud veritatis donum ecclesia non est propheta, sed est alligata prophetarū & apostolorum fidei. Isti enim mysteria fidei clariū cognouerūt, quā præsens ecclesia, quia reuelatio non vniuersali ecclesia, sed quibusdā priuatis facta fuit. Nam prophetia etsi ad publicam vtilitatem datur, tamen non publicum, sed priuatū fuit donum. Propheta etiā ideo nō potest errare: quia ille non quæ excogitauit, sed quæ Deus sibi reuelauit, loquitur: atq; Deus nunquā non reuelat vera. Vnde prophetarū & apostolorū veracitas in prophetia dono continetur: catholica verò ecclesia veracitas nō à dono prophetia, sed à speciali diuino auxilio quo Deus specialiter ecclesiam gubernat, emanat, & per istud quidem veracitatis donum, catholica ecclesia est columna, & firmamentum veritatis: quod si istud veracitatis donum principaliter & specialiter vniuersali ecclesia fuit promissū, ac veluti publicū donum est datum, quamuis singuli fideles à fide possint deficere, tamen catholica ecclesia non potest errare. Nō igitur cuiuscunq; hominis auctōritas est cōferenda cū ecclesiae auctōritate: quia non de istius auctōritate, sed de illius dubitamus. Ecclesia enim auctōritas in fidei articulo, & in Dei verbo expresse fundatur, quod exponit Paulus, dū ait: Vt scias quomodo oporteat te in domo Dei conuersari, quæ est ecclesia Dei viui, columna, & firmamentum veritatis. Quæ Pauli verba tam vera sunt de ecclesia, quam Lutherus adin-

Paul. ca. ad

Timot. 3.

adinuenit, & ex qua exiuit, quàm de veteri: quia Dei promissio in finem vsque seculi efficax est in Ecclesia.

Catholicæ ecclesiæ post Christi aduentum maiora gratiæ dona, quàm antea fuerunt collata.

Sancta quidem ecclesia quasdam Dei promissiones in futura, quasdam verò in presenti vita accipit: Quarum illa ad beatos iustos, ista verò ad iustificandos impios requiruntur. Atq; harum etiam promissionum alia semel & definito tempore, vt verbi incarnatio, & apostolorum missio, alia verò frequenter seu potius omni tempore dantur ecclesiæ, vt fides & cætera dona, ad ecclesiæ sanctitatem requisita. Quæ certè promissiones si non semper darentur, catholica ecclesia aliquando non fuisset sancta, & per consequens illa euanisset. Imò & hæc frequentes promissiones copiosius vno tempore quàm alio conceduntur, Deus enim post Christi passionem maiora multò dona quàm antea præstat ecclesiæ, vt Paulus mirificè exponit, dùm ait. Prius autem quàm veniret fides sub lege custodiebamur conclusi, in eam fidem qua reuelanda erat. Itaque lex pedagogus noster fuit in Christo, vt ex fide iustificemur: at vbi venit fides, iam non sumus sub pedagogo. Quibus nimirum verbis ecclesiæ post Christi aduentum maiora dona quàm antea dari apertè satis significatur: nam ecclesiæ tunc sub legis onere & fide implicita fuit, at nunc per dei gratiam

à legis onere liberata fidei mysteria explicitè credit. Istius nempe varietatis, verbi incarnatio est causa, quæ licet ecclesiæ à mundi principio fuisset promissa, tamen non immediatè sed post aliquot annorum milia exhibita fuit: nec Deus ob tantam prorogationis magnitudinem fidem non seruauit, quia verbi incarnationis promissio non in quocungq, sed in præfinito tempore erat præstanda. Atq, cum Dei ecclesiæ per multos annos illam promissionem non accepisset, sed credidisset ac sperasset, tam diu sub lege & fide implicita fuit, quàm diu verbum caro non fuit factum. Per verbi igitur incarnationem exhibitā ecclesiæ à legis onere fuit liberata, & fidei mysteria fuerūt explicata, & meritò quidē: nam per Christi mortē vt Paulus ait, reconciliati sumus Deo: sed ad sanctificandā ecclesiā mors Christi exhibitā efficacior est, quàm promissa, sicut enim oblatio in effectu magis accepta est deo, quàm in voto, ita Christi passio exhibitā efficacior est, quàm promissa. Quæ quidem passio post quàm semel fuit exhibitā, suam retinet efficaciam. Nam et si Christi passio quantum ad actum, præterijt, quia Christus semel mortuus est, tamen quantum ad effectum in æternum manet, quia Christus sempiternum habet sacerdotium, & vna oblatione consummauit in æternum sanctificatos. Quare cum Christi passio præterita non minus efficax sit in diuina acceptatione, quàm si esset præsens, Deum profectò catholica ecclesiæ plura & perfectiora dona, quàm Synagoga præstare, & vsq, ad seculi consummationem præstaturum esse, manifestum est. Istam sententiam beatus

Augu-

Augustinus exponit, dicens: Proinde prima sacramē-
 ta quæ observabantur & celebrabantur ex lege, præ-
 nunciatiua erant Christi venturi, quæ cum suo ad-
 uentu Christus impleuisset, ablata sunt, & idè ablata
 quia impleta sunt: non enim venit soluere legem,
 sed adimplere: & alia sunt instituta virtute maiora,
 utilitate meliora, actu faciliora, numero pauciora,
 tanquam iustitia fidei reuelata, & in libertatem vo-
 cati filijs, Dei iugo seruitutis ablato, quod duro &
 carni dedito populo congruebat. Ex omnibus istis cla-
 rissimè colligitur, quod catholica ecclesia tempore le-
 gis euangelicæ est p̄fectior, doctior, & sanctior, quàm
 fuit Synagoga sub lege Moyse: quia non lex per Moy-
 sen data, sed gratia & veritas per Iesum Christum
 facta Ecclesiam ad perfectum duxit. Deniq, quasdā
 quidem promissiones non Synagoga, sed euangelica
 ecclesia accepit: quotquot verò spirituales promissio-
 nes Synagoga accepit, eadem euāgelica ecclesia mul-
 tō abundantius data sunt: sicut enim lex figura fuit
 euangelij, ita Synagoga euangelica ecclesia gessit fi-
 guram. Veruntamen non assero Synagoram fuisse
 figuram, quòd illam fuisse veram Dei ecclesiam, ne-
 gem, sed quòd catholicā ecclesiam sub gratia esse per-
 fectiorem, quàm sub lege exponam. Quicquid enim
 perfectionis fuit in Synagoga, multò perfectius in E-
 uangelica ecclesia reperitur, & si quid perfectionis
 fuit in Synagoga, non est transferendum ad euange-
 licam ecclesiam: nam res figurata perfectior est sua
 figura, quia inter rem & illius figuram, nec est æqua-
 litas, nec omnimoda similitudo. Vnde ex quantulis-

Aug. cont.
 Faust. l. 19.
 cap. 13.

cung³ spiritualibus donis prastitis synagoga ad astruendum maiora dona dari Ecclesie, euident argumentum sumitur, at ex quali quali synagoga ignorantia aut quavis imperfectione nullum argumentum potest sumi ad astruendam aliquam ignorantiam esse in euangelica ecclesia. Vnde ex synagoga ignorantia arguere, catholicam ecclesiam posse errare, est perinde, ac si quis beatum Paulum esse imperitum & imperfectum assereret, ed quod ille quando erat paruulus loquebatur, & sapiebat vt paruulus. Nec ob istam donorum aut varietate aut inaequalitatem ecclesia variatur. Nam quemadmodum Petrus iuuenis se ipso puero, & doctior & fortior est, sic catholica ecclesia sub euangelio doctior est seipsa sub lege. Olim quide ecclesia velut paruulus fuit sub pedagogo, id est, sub lege, nunc vero per Christi aduentum adoleuit: nam veritatis spiritus abundantius in isto tempore quam illo ecclesia fuit datus.

Dei promissiones de fidei perseuerantia, definite quide catholice ecclesie, indefinite vero singulis fidelibus sunt facte.

Caput 61.

Paul ad Ephes. ca. 1

DEi quidem promissiones principalius catholica ecclesia, quam singulis fidelibus dari, beatus Paulus per capitis & corporis verba mirifice exponit, dum ait: Omnia subiecit sub pedibus eius, & ipsum dedit caput supra omnem ecclesiam, quae est corpus ipsius, et plenitudo eius, qui omnia in omnibus adimpletur. Capitis nepe verbo non solum Christi principatus, sed specialis dei protectio et cura circa catholicam ecclesiam, vt beatus Chrysostomus exponit, aperte satis

satis significatur. Et enim, inquit, ne audita capitis
 dictione solum principatū intelligas, sed et confirma-
 tionē et stabilitatem non tanquā principantē solum,
 sed & corporis caput, &c. Christus namq; catholica ec-
 clesia speciaalia dona largiens, illā miro modo nunq̃
 non sanctificat. Catholica quoq; ecclesia à fidei synce-
 ritate nunquā deficiēs Christo semp obsequitur. Ista
 etiam dona per capitis & corporis verba significari di-
 uina scriptura proprijs verbis exponit, dum ait: Multi-
 eres viris suis subdita sint, sicut domino: quoniā vir ca-
 put est mulieris, sicut Christus caput est ecclesie. Ipse
 saluator corporis eius. Sed sicut ecclesia subiecta est
 Christo, ita & mulieres viris suis in omnibus. Viri dili-
 gite vxores vestras, sicut et Christus dilexit ecclesiā,
 et seipsum tradidit pro ea, vt illā sanctificaret. Quibus
 quidem verbis Paulus coniugibus ad imitandum
 & singularis Christi dilectionis, catholica ecclesia ra-
 ra obedientia exempla in medium proponit. Quod
 si Christus ecclesiā vulgariter diligeret, administra-
 retq; atq; si etiā ecclesia à Christo deficere posset, Pau-
 lus inepta exēpla cōiugibus ad imitandū proposuisset
 vtique. Verū catholica ecclesia à Christo specia-
 liter & diligitur et administratur. Ob quam causam
 illa indissolubiliter Christo copulata, ac in fidei syn-
 ceritate confirmata in sanctitate perseuerat. Singu-
 lorum verò fidelium vnusquisque secundum quod
 catholica ecclesia est membrum Dei promissiones
 patefaciat. Nam sicut membra non habent distin-
 ctum caput, nec distinctā vitam à corpore, et corpus
 per se, membra verò per corpus capiti coniungitur,

Ad Ephes.
cap. 7.

Matth. 18.
cap.

sic ecclesia à Christo promissiones accepit, singuli verò fideles per catholica ecclesia communionem illam participant. Ob quam causam spiritus veritatis primò & principaliter catholica ecclesia, secundò verò fidelibus, in quantum illi intra catholicam ecclesiam seruant unitatem spiritus in vinculo pacis cōceditur. Neminem quidem dei promissiones extra catholica ecclesia communionem accipere omnibus fidelibus persuasum est: quia dei promissiones non singulis fidelibus, sed catholica ecclesia definitè & specialiter facta sunt, quod diuina scriptura frequenter testatur, dùm ait: Iterũ dico vobis, quia si duo ex vobis consenserint super terram, de omni re, quancũq; petierint, fiet illis à patre meo, qui in calis est. Vbi enim sunt duo vel tres congregati in nomine meo, ibi sum in medio eorum. Ista profectò promissio non singulis fidelibus, nec quibuscunq; duobus, sed duobus ex vobis, id est, duobus catholica ecclesia communionem colentibus facta est. Vnde sectarij cùm ex catholica ecclesia exiuerint, ac non sint ex vobis, Dei promissiones non accipiunt, nec illi in Christi nomine possint congregari, quia sicut pes & manus, à corpore præcisa, nec vitam nec sensum participant, ita Lutherus, Caluinus, Philippus, et ceteri sectarij tam diu, nec in Christi nomine cōgregari, nec veritatis spiritũ accipere possũt, quàm diu catholica ecclesia cōmunionē non colunt: per istam nimirum fideles Christo copulantur, & Dei promissiones accipiunt, quod etiam diuina scriptura singulos fideles ecclesia membra appellando, aperte satis exponit, dicens: Sicut enim in

Ad Roma.
cap. 12.

VNO

vno corpore multa membra habemus, omnia autem membra non eundem actum habent: ita multi vnum corpus sumus in Christo, singuli autem alter alterius membra. &c. Nam sicut oculi et si priuatum vident di habeant actum, tamen separati à corpore non possunt videre: Vnde quanquam animal sine oculis non videat, tamē videndi potentia à toto animali pendet, & principalius in toto quàm in oculis residet: ita priuata dona principalius ecclesiæ, quàm singulis dantur. Istam sententiam beatus Augustinus sapientissimè exponit, dicens: Sicut enim quedam dicuntur, quæ ad apostolum Petrum propriè pertinere videantur, nec tamē habent illustrem intellectum, nisi cū referuntur ad ecclesiam, cuius ille agnoscitur in figura gestasse personam, propter primatum quem in discipulis habuit, (sicuti est) tibi dabo claues regni cælorum, & si qua huiusmodi, &c. Verū Calvinus ad suam sectam astruendam, & ecclesiæ auctoritatem labefactandam promissiones specialiter factas ecclesiæ ad singulos fideles transfert, dū ait: At verò ex promissionibus quas allegare solent, multa nō minus fidelibus singulis quam toti ecclesiæ data sunt, &c. Verū longè aliter res se habet. Nam diuina promissiones singulis fidelibus indefinitè, ecclesiæ verò definitè factæ sunt: nam Christus nec Caluino, nec Luthe ro, ego tecum sum, sed ecclesiæ, ego vobiscum sum, dixit. Igitur definitè quod aut in illo, aut in isto dei promissiones adimpleantur per fidem, nullus factus est certior: at quod in Dei ecclesiā definitè promissiones adimpleantur, manifestum est. Nam cū Deus sit

Aug. super
Psal. 108.

Calui. ca. 8.
Par. 75.

fidelis quod in ecclesia dei promissiones, sine quibus il-
 la nō potest perſtare, adimplere ſint, ac ſemper penes
 illam permaneant, fidei articulus aperte ſatis expo-
 nit, dū inquit: Sanctam Eccleſiam. Illa quidē ver-
 ba, Sancta Eccleſia, omnes diuinas promiſſiones ad
 ſanctitatē neceſſarias adimpleri in dei eccleſia ſigni-
 ficant: atq; cū eccleſia ſanctitatis fundamentū ſit
 fides, vt eccleſia in ſanctitate perſtet, quod in fide quo-
 q; perſeueret eſt neceſſe. Huiusmodi verō perſeueran-
 tia nihil aliud eſt, quā in fide non poſſe errare. Fide-
 libus verō promiſſiones dari, non negamus, vt Calui-
 nus nobis imponit, dū inquit: Cū autem huiusmo-
 di promiſſiones interpretantur, quaſi nemini chriſti-
 anorū datae ſint, ſed vniuerſali eccleſiae, &c. Verū
 inter eccleſiam ac illius membra circa Dei promiſſio-
 nes maximē intereſt: nam de adimplentione promiſſi-
 onum in eccleſia nemo credens fidei articulū, videli-
 cet Sanctam Eccleſiā, dubitat. Quare quod dei eccle-
 ſia gubernetur à ſpiritu ſancto, quod ſciat omnem ve-
 ritatem neceſſariam, quod habeat dei ſenſum: deniq;
 quod in fide non poſſit errare, per fidem facti ſumus
 certiores. At de adimplentione promiſſionum in ſingu-
 lis fidelibus (cum diuina ſcriptura deſinitē illud non
 explicet) dubitamus. Deniq; propter eccleſiae cū Chri-
 ſto coniunctionem, & fidelium cum eccleſia commu-
 nionem omnes promiſſiones ad catholicam eccleſiam
 referuntur, atque ille copioſius & pfectius catholicae
 eccleſiae, quā ſingulis fidelibus dantur. Catholica
 igitur Eccleſia, cū ſingulis fidelibus ſit doctior & ſan-
 ctior, omniū credentiū ſit mater & doctrix oportet.

Deus

Calu ca 8.
 para. 75.

Deus non per quosuis homines, sed per prophetas & apostolos docet catholicam ecclesiam sinceram fidem.

Cap. 62.

Catholicam quidem Ecclesiam tantam donorum spiritualium magnitudinem habere & cunctorum credentium esse doctricem, non solum catholici, sed sectarij profitentur. *Caluinus,* *Calu. ca. 8. pa. 1. et 76.* Est enim, inquit, nostra omnium mater, penes quam gratia sua thesauros depositos esse voluit dominus, quo & eius fide conseruentur, & per eius ministerium dispensentur. Infra etiam eandem sententiam exponit, dicens: Quod ergo non extinguatur in mundo veritas, sed salua perstat, id fit, quod fidam habet custodem ecclesiam. Philippus eiusdem est sententia, dum ait: Vult enim Deus in ecclesia esse ministeriū vocis: quare audienda est ecclesia vt doctrix, &c. Verum sectarij sui immemores, sibi non constāt, nam ad suos astruendos errores officium docendi catholicam ecclesiam indecenter & inordinate sibi assumunt. *Aug. conf. artic. 20.* Augustana confessio Nunc dei, inquit, beneficio reuocatur ecclesia ad veros & vtilis cultus, quos Deus probat, & requirit, &c. Eandē sententiā *Calui. ca. 8. para. 6.* Calvinus asserit, dicens: Interim si nitimur emendare, q̄ displicet, facinus id ex officio nostro: & huc pertinet illud Pauli 1. ad Cor. ca. 14. Si melius quid sedenti reuelatū, &c. At cum docere dei ecclesiam non ad homines, sed ad Deū spectet, non humana sed diabolica superbia est, emendandi ecclesiam officium sibi vendicare. Huiusmodi est sectariorū insolentia. Catholica enim

enim ecclesia non sicut ciuilis Respublica ab hominibus, sed à Deo constituta est, quod Paulus aperte satis exposuit, dùm Christum ecclesiae esse caput, non raro docuit. Istam sententiam ecclesia primordia, & progressus clarissimè manifestant. Nam religionis doctrina, quam antiqui patres seruarunt, à Deo fuit instituta, Deus enim Adæ, Noæ, Abrahamæ, & ceteris patribus & prophetis locutus fuit. Lex etiam vetus à Deo fuit reuelata Moysi: Christus etiam discipulos suos Euangelium docuit, & in die Pentecostes Spiritus sanctus illis fidei mysteria patefecit, denique nullus prater Deum, apostolos & prophetas in fide instituit, nullus quoque homo nisi à Deo per reuelationem edoctus, catholicam ecclesiam fidem docuit. Quæ sententia non latuit sectarios: nam illi ut docendi catholicam ecclesiam officium sibi assumerent, recētes aut apostolos, aut euangelistas seipsos commenti sunt. Atque quemadmodum apostoli prophetarum fidem explicauerunt, & antiqua legis sacramenta esse à Christo euacuata, & noua sacramenta instituta, docuēre: ita sectarij euangelij nouam interpretationē ediderunt, & fidem, sacramenta, & cetera omnia ab apostolis tradita, ac ab vniuersali ecclesia recepta, mutare satagunt. Verùm cùm illi, ut suprà expositum fuit, nec propheta, nec apostoli, nec euangelistæ sint, huiusmodi munus apud illos non esse, manifestū est. Quare Calvinus decipitur, dùm ait: Interim finitimus emendare quod displicet, facimus id ex officio nostro. Nam Pauli locus quem ad suum errorem astruendam allegat, perperam ab illo interpretatur.

Es

Calu ca 8.
para. 6.

Et Huc, inquit, pertinet illud Pauli. 1. Corinth. cap. 14. Si melius quid sedenti reuelatum fuerit, &c. Illic enim Paulus non doctorem corrigere Ecclesiam, sed Ecclesiam emendare doctorem precipit. Atq; istud esse illius loci germanum sensum scriptura circumstantia clare manifestat, dum ait: Prophetæ autem duo aut tres dicant, & ceteri dijudicent. Quod si alij reuelatum fuerit sedenti, prior taceat. Illud quidem verbum, ceteri, non singulos fideles, sed ecclesiā, quæ singulorum fidelium est doctrix, significat: illi etiam cui precipit Paulus tacere, non est ecclesia, sed imperitus concionator, aut potius sectarius. Et ille, cui melius aliquid fuit reuelatum, non ecclesiam, sed pseudopphetam emendauit. Quare emendandi ecclesiam officium non singulis fidelibus, vt Calvinus falsò asserit, demandatum est. Constat, inquit, singulis ecclesiæ membris demandatum publicæ adificationis studium, &c. Nam et si Deus, vt scriptura ait: Mandauit unicuiq; de proximo suo, tamen emendandi ecclesiæ officium non cuius commisit. Paulus enim ad reprimendos sectariorum furores ait: Omnia autem honestè, & secundum ordinem fiant in vobis, &c. Singulos nimirum fideles non decet, nec illis ordinatè conuenit, catholicam ecclesiam emendare nam sicut in mundi administratione secundæ causæ ordinē à deo præfixum non perturbant, sed omnino seruant, vt ignis quidem comburit, aqua verò humectat, & sic de ceteris. Vnaquæq; enim res iuxta suam operatur naturam: ita in ecclesia ordo tradendi fidem à Deo constitutus, non est deprauandus, sed potius à singulis

1. ad Cor.
cap. 14.

Calu. ca. 8.
para. 6.

Ecclesiæ.
cap. 17.

1. ad Cor.
cap. 14.

gulis fidelibus sincere est seruandus: nā Deus omnē hominē venientem in hūc mundum nō inordinatē, sed ordinatissimē illuminat. Sed ordo quidem à deo prae-
fixus ista nimirum est, quod Deus prophetas & apostolos per se, catholicam vero ecclesiam per omnes illos: per ecclesiam autem doctores, per istos verò singulos fideles veram docet religionē. At praesentis seculi sectarij, haereticorum vestigijs inhaerentes, praeposterū tenent ordinem, quia contra dei ordinationem docēdi catholicam ecclesiam officiū sibi assumunt, aduersus quorum insolentiā beati Augustini sententia, non minus quā contra Donatistas, militat: Nisi fortē, inquit, hoc restat hominum insania, vt dicant nō ex illis ecclesijs, quae fundatae sunt per apostolorum labores, adimpleri predicationem euangelij in gentibus, sed illis pereuntibus, & earū reparationem ex Aphrica per partem Donati & residuarum gentium acquisitionem. Puto, quod ipsi etiam rideant, cū hoc audiunt, & tamen nisi hoc dicant, quod erubescunt si dicant, non habent omnino quod dicant. Sed quid ad nos? Nemini inuidemus, legant nobis hoc descriptū ris sanctis & credimus, &c. Sicut enim Donatista ex Aphrica, ita sectarij ex Germania, aut ex parte Confessionistarum, aut Anabaptistarum, aut Sacramentariorū ecclesiae reparationē esse faciendā, affirmāt. Verū vnaquaq; illarū triū sectarū purā verbi Dei predicationem sibi vendicans, ceterasq; sectas erroris damnans, se ab alia emendari non sustinet, & emendandi & docendi catholicam ecclesiam officiū sibi assumit.

Aug. de ec-
cles. vuita.
cap. 15.

Vnus quidem magister vnā fidem catholicā ecclesiā docet, multi verò sectarij varios errores.

Cap. 63.

Etsi Deus ad docendam fidem vti ad prolem procreandam varijs vtitur ministris, tamen omnium credentium nō plures, sed vnus est magister, & cunctorum filiorū vnus est pater. Christus Matt. c. 23. enim ait: Vos autem nolite vocare Rabbi, vnus est enim magister vester, omnes autem vos fratres estis: & patrem nolite vocare vobis super terram, vnus est enim pater vester qui in calis est: nec vocemini magistri, quia magister vester vnus est Christus. Dominus quidem noster Iesus Christus non sibi vendicat magistri patrisq; et nomen & officium, quod à doctōribus docendi munus, & à parentibus honorem auferat, sed quo sectas ab hominibus excogitatas dedoceat, & catholicā fidem à se reuelatā doceat, atque quo deus rerum conditor colatur. Nam Deus tum omnium rerum, tum fidei est auctor, ceteri verò eius sunt ministri. Quare ille nimirum propriè, ceteri verò abusuè aut magistri, aut parentes appellantur. Istā sententiam beatus Hieronymus exponit, dicens: Hierony. Aliud esse natura patrem vel magistrum, aliud indulgentia. Nos si hominem patrem vocamus, honorem etati deferimus. non auctorem nostræ ostendimus vitæ. Magister quoq; dicitur ex consortio veri magistri. Et ne infinita replicē, quomodo vnus per naturā deus, et vnus filius non præiudicat ceteris, ne per adoptionem Dei vocentur & filij: ita & vnus pater &

& magister non praiudicat alijs, vt abusiùs appellè-
 tur patres & magistri. Summa quidem Dei omni-
 potentia clariùs per fidei symbolum, quàm per Philo-
 sophiam explicatur, illud enim ait: Credo in Deum
 patrem omnipotentem, creatorem celi & terra, &c.
 Illa nempe verba, creatorem celi & terra, Deum ex
 nihilo omnia condidisse, apertè satis significant: per
 calum & terram omnes res, quæ non sunt Deus, intel-
 liguntur. Vnde si Deus ex aliqua re, quam ipse non
 fecisset, & qua indignisset ad mundi creationem, cæ-
 tera condidisset, non magis fuisset omnipotens ad mû-
 dum creandum, quàm artifex ad domum faciendû.
 Verùm etsi deus in mundi primordijs omnia per se, et
 ex nihilo creauit, tamen in progressu ex aliquo, &
 per secundas causas mundum administrat, vt Augu-
 stinus sapienter exponit, dicens: Sic itaque admini-
 strat omnia quæ creauit, vt etiam ipsa proprios exer-
 cere & agere motus sinat, &c. In huiusmodi etiam
 rerû administratione summa Dei omnipotentia ma-
 nifestatur: nã in omni actione Deus perfectiùs, quàm
 causa secunda operatur, & sine illis, vt in principio
 factû fuit, potest omnia operari. Deus igitur siue per
 se, siue per causas secundas operetur, rerû conditor est.
 Similiter deum religionis esse conditorem, ceteros ve-
 rò illius esse ministros, scriptura exponit, dicēs: Quia
 lex per Moysen data est, gratia & veritas per Iesum
 Christum facta est. In alio etiam loco ait: Aspicientes
 in auctorem fidei & consummatorem Iesum. In hu-
 manis quidem disciplinis vnus est inuentor, & alius
 aliquid aliud addidit, ex quo in disciplinis fit aliqua
 accessio

Aug. de ci-
 uit. dei ca.
 30. li. 7.

Ioã. ca. 1.
 Ad Hæb.
 cap. 12.

accessio, quia hominum quidem nullus aliquam disciplinam consummauit: nam nemo disciplinarum auctor, sed inuentor est. At Deus fidei auctor & consummator est: quia ille à principio religionem instituit, quam in progressu, dum legem per Moysen dedit, auxit, & per euangelium illam consummauit, ut scriptura clarissimè exponit, dùm ait: Nolite putare, quoniam veni soluere legem aut prophetas: non veni soluere, sed adimplere, sicut enim in rerum naturalium creatione pater, filius & spiritus sanctus non tres, sed vnus est creator, quia pater non aliam rem quàm filius, sed eandem tota trinitas condidit, ita vnā & eandem fidem tota trinitas docet. Hanc sententiam Christus mirificè exponit, dicens: Mea doctrina non est mea, sed eius qui misit me. In alio etiam loco de spiritu sancto ait: Cùm autem venerit ille Spiritus veritatis, docebit vos omnem veritatem: non enim loquetur à semetipso, sed quacumq; audiet, loquetur. Cùm igitur tres diuina persone in rerum & fidei conditione prorsus conueniant, secunda causa in illarum administratione non varient oportet. Causas quidem naturales à prima rerum conditione non variare per se notum est. Secunda enim causa in mundi administratione suos effectus, iuxta rerū genera à deo creata, producant, & nihil præterea. Huiusmodi etiam esse fidei ministerium, multò magis conuenit. Vnde sicut filius à patre, & spiritus sanctus ab vtraque in fidei doctrina non discordat, ita propheta à Deo, apostoli à prophetis, & catholica ecclesia ab vtriusq; non dissentit. De ista consensione expressè diuina scriptu-

Matth. 5. c.

Ioan. ca. 7.

ca. 16.

ra testimonium perhibet: de apostolis quidem & prophetis ait: Hoc primum intelligentes, quod omnis prophetia scriptura propria interpretatione non fit. non enim voluntate humana allata est aliquando prophetia, sed spiritus sancto inspirati locuti sunt sancti Dei homines. De ecclesia verò: Vt scias, inquit, quomodo oporteat te in domo dei cōuersari, quæ est ecclesia dei viui, colūna et firmamentū veritatis. Apostolos denique et prophetas nihil amplius docuisse, quam sinceram fidem, ex eo manifestum est, quod non illi, sed Deus per illos locutus fuit. Catholicam quoque ecclesiam eandem doctrinam profiteri, cum sit sancta, oportet. Aliter enim si verum est quod apostolus ait: Si quis vobis euangelizauerit, præter id quod accepistis, anathema sit, verè catholica ecclesia si nouam fidei doctrinam aliquando docuisset, anathema fuisset. Verum cum illa perpetuo gubernetur à spiritus sancto, tam alligata est ad prophetarum & apostolorum doctrinam, quam apostoli et propheta alligati fuerunt ad diuinam reuelationem. Sed Caluinus ad ecclesiam auctoritatem labefactandam, ait Quod illi negant errare posse ecclesiam, huc spectat, atque ita interpretatur, quoniam spiritu dei gubernatur, tunc incedere sine verbo posse. Et infra. Hoc igitur est discrimen: illi ecclesiam auctoritatem extra dei verbum collocant, nos autem volumus verbo annexam, nec ab eo separari patimur. Quibus quidem locis Calvinus nullius, huiusmodi asseretis nominatim meminit, ex quo illius commentum detegitur. Nam et si catholici ecclesiam semper à spiritus sancto gubernari asserant, tamen illam tunc sine dei verbo incedere negant. Quo enim ecclesia spiritus sancto gubernatur

natur, ed ad verbū dei est alligata. Quia vt priuati hominis sanctitas sine Dei verbo non potest perstare, ita ecclesia sanctitas sine dei verbo nō poterit conseruari, imō sine dei verbo ecclesia non cōgregatur, vt experientia in sectarijs docet, ex quibus nō vna, sed plures ecclesia cōgregata sunt. Quid quod illi incedūt sine dei verbo: et suarū ecclesiarū auctoritatem extra dei verbum collocant: ac catholici, ecclesiā nunquā non incedere cum verbo Dei, constanter affirmant, & propterea neceſse est, illam nunquam errare, atq; infallibilem esse, quia Dei verbum neminem fallit.

Verbi dei cōcionatores catholicæ ecclesie doctrinæ sint alligati oportet. Caput 64.

Diuina quidē sapientia suauiter omnia disponēs, vt omnes credentes in vnā fidei societate, id est, vnā catholicā ecclesiā coirent, verbi dei doctores catholica ecclesia doctrina alligauit, quod scriptura exponit, dū ait: Quomodo verò predicabunt, nisi mittantur? Verbū profecto mittēdi, doctores ad ecclesiam, esse alligatos, manifestè docet. Nā cū mittēdi cōcionatores auctoritas sit penes catholicā ecclesiam nemo inordinate potest cōcionari, nisi ab ecclesia legitime fuerit vocatus & missus. Atq; ille (vt qui mittuntur omnes ab alio) nō suam sed illius, à quo missus fuit, personam agat oportet. Quare sicut Dei propheta & apostoli, non suam, sed diuinā doctrinā predicarunt, & sicut catholica ecclesia non sectas, seu hareses, sed sinceram fidem, quam ab apostolis accepit, tenet ac docet: ita verbi Dei doctores & concionatores non priuatum, sed communem ecclesia

Ad Rom.
cap. 10.

sensum doceant, oportet. Nam si propheta & apostoli aliud quàm sibi fuit reuelatum predicassent, nec interpretis, nec nunciij officium fideliter prastitissent. Catholica enim ecclesia si à prophetarum & apostolorum doctrina deficiens aliter quàm ab illis fuit edocta, docuisset, non Christi corpus, id est, Dei ecclesia, sed sathana fuisset: similiter si doctores à catholica ecclesia vocati, aliter quàm illa tenet concionarentur, non Christi corporis, id est, ecclesiae, sed sathana essent membra. Nam qui non docet secundum communem ecclesiae doctrinam, non habet eundem fidei spiritum cum ecclesia, & per consequens ecclesia non est membrum: nam doctrina vnitas seu consensus à fidei unitate pendet, ut Paulus docet, dùm ait: Habentes autem eundem spiritum fidei, sicut scriptum est: credidi propter quod locutus sum, & nos credimus propter quod & loquimur. Vnusquisque igitur doctor iuxta id quod credit, concionatur. Vnde sectarij in fidei dogmatibus variantes, & aliter quàm catholica ecclesia praedicantes, fidei nimirum eundem spiritum non habent. Quod si illi vnā non habent fidem, nullam fidem habent: quia fides aut vna, aut nulla est. Tum etiam quod aiunt, non doctores ad ecclesiam, sed ecclesiam ad doctores esse alligatā, falsò asserunt. Vt Calvinus: Quem igitur, inquit, firmissimum retinenda unitatis nodum fore prouidit Dominus, eò ecclesiam suam adstrinxit, dùm salutis ac vitae aeternae doctrinam apud homines deposuit, ut per eorum manus reliquis excommunicaret. Quae omnia non solum falsa, sed secum pugnantia sunt: nam allegans ecclesiam

ad

2. ad Cor.
cap 4.

Calu. ca. 8.
para. 17.

ad doctorū doctrinā, tantū abest, vt ecclesiā vnita-
tem retineat, vt potius illam dissoluat, ac in plures ^{1. ad Cor.}
scindat partes, vt videre licet in Corinthiorum eccle- ^{cap. 1.}
sia, de qua Paulus: Significatum est, inquit, mihi de
vobis fratres mei, ab ijs qui sunt Chloes, quia conten-
tiones sunt inter vos. Hoc autem dico, quod vnusquis-
que vestrū dicit: ego quidem sum Pauli, ego autem
Apollo, ego verò Cepha, ego autem Christi. Diuisus
est Christus? Huiusmodi factum esse in Germania
res ipsa loquitur: nam Lutherus, Philippus, Caluinus,
& ceteri praesentis seculi sectarij ad suas sectas ecclesi-
am allegare satagentes, schismata non pauca fece-
runt, & plures haereses excitarunt: quia non pauci
spreto ecclesiā sensu, salutis ac vitae aeternae doctrinam
esse apud homines (vt Caluinus ait) existimarunt:
& istorum vnusquisq; dixit, ego quidem sum Luth-
eri, ego autem Philippi, ego verò Caluini, & sic de cate-
ris sectarijs. Vnde Germanica natio, quae diu serua-
uerat vnitatem spiritus in vinculo pacis, per Lutheri
& illius successorum infelicissimam praedicationem
in sectas & schismata scissa est. Ad catholica igitur
ecclesiā vinculum pacis seruandum, doctores ecclesiā
alligatos esse oportet. Veluti Ambrosius, Augustinus,
Hieronymus, Chrysostomus, & ceteri pij & sapientis-
simi viri fuere, qui in mundi varijs & nationibus &
partibus plebem docentes fidem, licet inter se in ali-
quibus non conuenissent, tamen quia ad catholicam
ecclesiam fuerunt alligati, nullum schisma fecerunt,
nullasq; haereses docuerunt. Sed quid multis, Calui-
nus in alio loco non apud homines, sed apud ecclesiam

Calui. ca. 8.
para. 1.

Dei salutis ac vitæ aternæ doctrinam deposuisse, asse-
ruit. Est enim, inquit, nostra omnium mater, penes quā
gratiæ suæ thesauros depositos esse voluit Dominus,
quo & eius fide conferuentur, & per eius ministeriū
dispensentur. Et infra: Quod ergo non extinguitur in
mundo veritas, sed salua perstat: id sit, quod fidem ha-
bet custodem ecclesiā. Ex qua catholica sententia, er-
ror prioris ad caterorum sectariorū circa istum arti-
culū in hunc modum est emendandus: videlicet: Quē
igitur firmissimum retinendæ vnitatis nodum fore
prouidit dominus, eo euangelij concionatores adstrin-
xit, dū salutis ac vitæ aternæ doctrinam apud Ca-
tholicam ecclesiam deposuit, vt per eius manus illis cō-
municaret, &c. Nam Deus per catholicam ecclesiam
concionatores sinceram fidē docet. Quare non eccle-
sia ad concionatores, sed concionatores ad ecclesiam
sunt alligati: in dei enim ecclesia propheta & apostoli
non sunt cōfundendi cū doctoribus, quia illi à Deo per
reuelationem, isti verò ab ecclesia per auditū fidē re-
ceperūt. Vnde ecclesia non ad istos, sed ad illos est alligata: nam à prophetis quidem & apostolis ecclesia ac-
cepit verbum Dei: Doctores verò ab ecclesia recipiunt
fidem, vt Paulus docet, dū ait: Fides ergo ex audi-
tu, auditus autem per verbum Christi. Vnusquisque
enim ad illum, à quo accepit dei verbum, est alligatus:
istam sententiam mirificè Paulus exponit, dū ait:
An à vobis verbum dei præcessit? aut in vos solos per-
uenit? Quem locum Theophilaëtus cum Chrysostomo
exponens, ait: Nunquid vos estis doctores? aut à vo-
bis exijt prædicatio ad reliquos? vel apud solos stabi-
lita

Ad Rom.
cap. 10.

1. ad Cor.
cap. 14.

lita est fides, nec oportet vos ab alijs recepta recipere? Neq³ igitur vos primi estis fideles, neq³ soli. Est igitur operaprecium, quæ vniuerso placet orbi vos etiã amare. Quare cùm Lutherus et eius successores nõ fuerine primi, qui dei verbum audierint, nec soli, alligati sint ad catholicam ecclesiam, à qua Dei verbum accepere, oportet.

Qui ecclesiæ non credit, nec in Deum per ecclesiam loquentem credit.

Etsi sectarij se in Deum credere profitentur, tamẽ Cap. 65.
 nõ minus increduli sunt, quàm qui maximè, imò vt alia omittam symboli primùm articulum, scilicet, Credo in vnum Deum, non credunt, nam iste articulus non solum quod definitè, vnum esse verum Deum, sed illum per suos nuncios loquentem esse veracẽ credamus, exigit. In creaturis enim credere, Petrum esse verum hominem, & de illius veracitate dubitare non repugnat quia aliud est, Petrum esse verum hominẽ, & aliud esse veracem, vt scriptura testatur, dùm ait: Omnis homo mēdax. At in diuinis rebus, & supnaturalibus donis contrariũ euenit: nã esse verũ Deũ, aut esse prophetã, aut apostolũ, aut sanctã ecclesiã, et nõ esse veracẽ (in deo quidẽ ppter naturã, in ceteris verò ppter dei gratiam) manifestè repugnat. Nam quod est verus deus, eo est summè verax: cùm enim deum nihil lateat, illum falli est impossibile: cùm etiam deus summa sit bonitas, non potest fallere. Vnde credens in Deum, credat illum veracem esse, oportet. Similiter quo propheta, apostolus, & ecclesia est Dei, eod est verax, quia Deus, quos ad nunciandi

Ioan. ca. 5.

officium specialiter vocat, veracitatis donum perpetuò præstat. Verùm idololatra Iudæi, & sectarij de istorum aut omnium, aut alicuius veracitate dubitantes, non credunt Deum esse veracem, vnde nec in deum credunt. Omnes autem idololatrias, Iudæos, & sectarios non credere Deum esse veracem, aperte satis diuina scriptura exponit, dùm ait: Si non venissem et locutus fuisset eis, peccatum non haberent, nunc autem excusationem non habent de peccato suo. Deus quidem quanquam per pauculos, per reuelationem, & per Christum Iudæos tantum, fidem docuisset: non ideo destitit, quin vniuersum orbem per idoneos nuncios docuerit, quibus tamen idololatra Iudæi & sectarij non crediderunt. Sed de idololatriis & Iudæis inter sectarios & catholicos conuenit. Nam idololatra quidem nullis Dei nuncijs, Iudæi verò nec Christo, nec apostolis crediderunt. Verùm sectarij dùm infidelitatis illos omnes condemnant, se ipsos hæresis damnant. Nam sicut idololatra, & Iudæi, eò quod Deo per Christum & per apostolos loquenti non crediderunt, increduli fuerunt: ita sectarij dùm Deo per vnā sanctam catholicam ecclesiam loquenti non credunt, heretici fiunt. Istam catholicam sententiam mirifice beatus Augustinus exponit, dicens: Poteest mouere querentes, vtrum hi, ad quos non venit Christus, nec locutus est eis, habeant excusationem de peccato suo. Et infra: Ad hæc inquisita pro meo captu domino donante respondeo, habere illos excusationem non de omni peccato suo, sed de hoc peccato, quo in Christum non crediderunt: ad quos non venit, & quibus

nō

Aug. super
Ioan. tract.

89.

non est locutus. Sed non in eo sunt numero hi, ad quos in discipulis venit, & quibus per discipulos est locutus, quod & nunc facit. Nam per ecclesiam suam venit ad gentes, & per ecclesiam suam loquitur gentibus. Ad hoc enim pertinet, quod ait, Qui vos recipit, me recipit: & qui vos spernit, me spernit. An vultis, inquit apostolus Paulus, experimentum accipere eius, qui in me loquitur Christus? Sicut igitur Christo & apostolis pradicantibus, Iudaei, & gentes, Deum per illos loqui, credere tenebantur, & sicut nemini licitum fuit, de illorum veracitate dubitare, ita post Christi ad celos ascensionem, & discipulorum illius pradicatorem, Deum per vnam sanctam catholicam ecclesiam loqui firmiter credendum est, & qui ecclesiae pradicanti non credunt, tam increduli sunt, quam Iudaei & gentes per Christi & apostolorum pradicatorem, non credentes in Deum. Quere quemadmodum Iudaei & idololatrae constanter affirmantes se de veracitate Dei non dubitare, impudentissime mentiuntur: nam qui dubitat, seu potius non credit dei idoneis nuncijs, nec Deo credit, & per consequens non in Deum credit. Similiter sectarii constanter affirmantes se credere in Deum, & catholicae ecclesiae non credentes, manifestissime mentiuntur: nam qui non credit ecclesiae, per quam deus loquitur, non credit in Deum. Istam catholicam sententiam diuina scriptura mirifice exponit, dum ait: Qui vos audit, me audit. Luc. 10 c. & qui vos spernit, me spernit: qui autem me spernit, spernit eum qui misit me. Quae Christi verba non de singulis doctoribus, sed de catholica ecclesia tam sunt

vera, quàm de apostolis & prophetis: nã dei verbũ expresse & definite, non Lutherum, nec Calvinum, nec quẽcunq; alium, sed prophetas, apostolos, & catholicam ecclesiã idoneos nuncios, per quos deus fidei mysteria vniuerso orbi locutus est exposuit, de quorũ veracitate si fas esset dubitare, nihil certi in religione maneret. Vnde prophetas, apostolos, & catholicã ecclesiã, per quos deus fidei dogmata loquitur, esse infallibiter veraces firmiter credẽdũ est. Prophetas quidẽ fuisse idoneos dei nuncios, Iudai et christiani affirmant, increduli verò negant: de apostolorũ verò auctoritate catholici et sectarij cõsentiũt, sed p̃fidi Iudai inficiantur. Isti enim veteris sacre scripturæ testimonia, quæ Christi & apostolorũ auctoritatẽ testantur, deprauantes, Christi fidẽ, sine qua nõ est salus, non recipiũt. Ecclesia aut auctoritatẽ catholici sequuntur, at sectarij illã contemnentes, in deũ per illã loquentẽ non credũt. Diuina enim reuelatio specialiter de ecclesiæ auctoritate mira, ptulit testimonia, inter quæ non minimũ est ille Symboli articulus, sanctã ecclesiã, quem quidẽ fidei articulũ si sectarij credidissent, schismata et hæreses e medio sublata fuisset: nã credẽs catholicã ecclesiã esse sanctã, credat illã in fide non posse errare oportet, quò enim ecclesia est sancta, eò est verax, ac eò eius auctoritas ad fidẽ astruendã est sufficiens. Prophetarũ nepe et apostolorũ auctoritas qua fidẽ astruebant, in miraculorũ & pphetiæ donis stabilita fuit, catholica verò ecclesiæ auctoritas in sanctitatis dono fũdatur: et meritò quidẽ: nã cessantibus pphetiæ et miraculorũ donis, sanctitatis gratia inseparabiliter collata

lata est ecclesiæ ad fidē astruendā. Atq; istud quidē do-
nū p̄seuerare in catholica ecclesiā, p̄ fidei articulū fa-
ctū sumus certiores. Et licet plura alia diuina dona in
presenti seculo sint data catholica ecclesiæ, tamē sp̄ri-
tus sanctus fidei articulorū reuelator, sanctitatis donū,
tum quia in illo cetera includūtur, tum quia ad fidē
faciendā sanctitas primas tenet, in symbolo explica-
uit, dicēs: Credo in Spiritū sanctū, sanctā ecclesiā. San-
ctitatē, inquā, auctoritatis obtinere primatū, nō solū
catholici christiani, sed mūdi sapiētes cōstanter affir-
māt. Aristote. Nā probitas, inquit, dicētis non (vt qui
dā eorū reliquerūt, q̄ artes scripserunt, nihil affert ad
probandū, sed fere (vt breui absoluam) prap̄cipuā, mo-
res faciūt fidē. Et infrā eandē sententiā sapientissimē
exponens, ait: Tria sunt enim, quæ prater demōstra-
tionē fidē faciunt, prudentia, virtus, beneuolētia. Nā
qui dicunt, aut consulunt, vel propter hæc omnia, vel
propter aliquid horū fallūt: aut enim propter stultiti-
am non rectē opinantur, aut rectē sentiētes, p̄pter im-
probitatē nō dicūt vt sentiūt: aut quāuis rectē senti-
āt, virtuosiq; sint, tamē cū beneuoli nō sint, facile cre-
duntur spontē non optime consulere. Hæc igitur sunt
quare fallunt, et prater ea nihil. Quare necesse est, si
quis omnia hæc videtur habere, fide dignū esse apud
audiētes. Eiusdē sententiæ est Tullius, dicēs: Fides autē
vt habeatur, duabus rebus effici potest, si existimabi-
mur adepti coniunctā oū iustitia prudentiā, nā et ijs
fidē habemus quos plus intelligere, quā nos arbitra-
mur, quosq; & futura prospicere credimus, et cū res
agatur, in discriminē ventum sit, expedire rem.

Arist. Rhet.
li. 1. ca. 1. Et
li. 2. ca. 1.

Tull. offic.
lib. 2.

& consilium ex tempore capere posse: hanc enim omnes existimant vtilem, veramq³ prudentiam. Iustis autem & fidei hominibus, id est bonis, ita fides habetur, vt nulla sit in his fraudis iniuriæq³ suspicio. Itaque his salutem nostram, his fortunas, his liberos rectissimè committi arbitramur. Harum igitur duarum ad fidem faciendam iustitia plus pollet: quippe cum ea sine prudentia satis habeat auctoritatis, prudentia sine iustitia nihil valet ad faciendam fidem: quo enim quis versutior & callidior est, hoc inuisior est, & suspectior detracta opinione probitatis. Quamobrem intelligentia iustitia coniuncta quantum valet, habebit ad faciendam fidem virium. Iustitia sine prudentia poterit multum, sine iustitia nihil valebit prudentia. Tantum ille. Illa nimirum omnia, quæ apud homines fidem faciunt, in sancta ecclesia per Dei gratiam perfectius quàm in singulis hominibus reperiri, quicunq³ credens fidei articulum Sanctam ecclesiam, minimè dubitat: nam illa nimirum prudentior & iustior est singulis fidelibus, quia sicut totum manus est suis partibus, ita catholica ecclesia Christi corpus singulis fidelibus doctior & sanctior est, ppter quã causam maioris auctoritatis est, quàm singuli fideles. At sectarij, vt seipfos non esse dei ecclesiam, id est, Christi mēbra comprobaret, maiorem auctoritatem sibi, quàm catholica ecclesia, vendicant.

Nemo sine Ecclesiæ auctoritate Bibliam esse dei oraculum ordinariè credit.

QUAN-

Quanquam diuina auctoritas, ad fidei mysteria hominibus persuadenda primum locum tenet, tamen sine ecclesia auctoritate ordinariè nulli quicquam persuadet: quia licet Deo habendam esse fidem, omnibus sit per se notum, cum ille non per se, sed per nuncios hominibus loquatur, de illius tum nuncijs, tum verbis ac literis euidencia non habetur. Sed ne incredulis excusandi locus relinquatur, nec credentes temeritatis arguantur, Deus per catholicam ecclesiam (qua hominum & sanctissima & doctissima est) suum verbum proponit. Istam sententiam beatus Paulus aperte satis exponit, dum ait: Quomodo credent ei, quem non audierunt? quomodo autem audient sine predicante? quomodo verò predicabunt, nisi mittantur? Nullus igitur credit in Deum, nisi prius ecclesie religionis dogmata proponendi habuerit fidem. Vnde ad fidem propagandam ultra diuinam scripturam ecclesie auctoritas est necessaria. Aduersus quam apostolicam doctrinam Caluinus ait: Vbi sermonem Dei esse, qui proponitur in confesso est, nemo est tam deplorata audacia, nisi forte à sensu communi, & humanitate quoque ipsa destitutus, qui fidem loquenti negare ausit: sed quoniam non quotidiana è calij redduntur oracula, scripturae solae extant, &c. Illa nimirum Caluini verba (scripturae solae extant) nullum esse Dei verbum prater scripturam, nullamque penes Dei ecclesiam esse auctoritatem prater scripturae auctoritatem significant: sed ista omnia cum Dei verbo, & secum pugnant. Nam cum Deus ipse per se non loquatur hominibus, illius

nec

Ad Rom.
cap. 10.

Calu. ca. 1.
para. 13.

Ad Rom.
cap. 10.

Calu. ca. 1.
para. 13.

nec verbum nec scriptura est in cōfesso. Igitur ad credendum istud esse dei verbū, et illam esse diuinā scripturam, necessaria est idonea auctoritas: quā esse penes catholicam ecclesiā, Paulus clarissimē exposuit, dūm homini ad credendū nullā viam prater ecclesiæ auctoritatem patefecit. Quomodo, inquit, credent ei, quem non audierunt? quomodo autē audiet sine prædicante? quomodo verò prædicabunt, nisi mittantur? Quod si penes ecclesiā non esset idonea auctoritas (vt Calvinus ait) ad persuadendum dei verbū et diuinā scripturam, Paulus temerarium credendi ordinē tradidisset, & affirmare hæreticum est. Cū igitur nemo credat in deum sine prædicante, à catholica ecclesia legitimè vocato, multò minus illam scripturā esse diuinā, & illud esse dei verbū sine prædicante credit. Quare dei ecclesiam habere sufficientē auctoritatē, ad adstruendam istam scripturam, & istud verbū esse diuinum oportet. Verū ad ista Calvinus respōdet, dicēs: Quod autē rogant, vnde persuadebimur, à deo (scripturam scilicet) fluxisse, nisi ad ecclesiæ decretum cōsugiamus? perinde est, ac si quis roget: vnde discemus lucē discernere à tenebris? Et infra: Nēpe ab interiori spiritus sancti testificatione, &c. Propheta quidē ac apostoli, dei et hominis verba euidentius, quā lucē et tenebras disceruēre, quia illi non per auditū, sed prærevelationem crediderunt, ob quā causam illis dei verbū fuit inconfesso. At ceteris, tantum abest, vt aliquod verbū & scripturam esse Dei, sit inconfesso, vt potius sit ineuidens. Quod si quibusdā fidelibus datū fuerit donū, ad vera et falsa dogmata discernenda, & Paulus testatur

testatur, dicēs: Alijs datur discretio spirituum, tamen quia illud donū fuit priuatū, data est ecclesia publica auctoritas discernēdi spiritus dona, nēdū scripturā. Spiritum, inquit, nolite extinguere, prophetias nolite spernere, omnia aut probate, q̄ bonum est tenete. Vbi verbum illud, probate, specialiter dictum est ecclesiae: nam spiritus, & prophetiam probandi auctoritas, est penes ecclesiam. Quod si huiusmodi auctoritas penes illam non fuisset, non dixisset Paulus, probate: atque cum unicuique (Paulus ait) datur manifestatio spiritus ad utilitatem: si priuata dona non fuissent examinanda à catholica ecclesia, illorum manifestatio non ad utilitatem, sed in perniciem ecclesiae fuisset, quod beatus Chrysostomus exponit, dicens: Multi apud Thessalonicenses, alij quidē verē, alij verò falsò prophetabant, hoc et in ea, quae ad Corinthios est, dicit: discretio spirituum propterea data est, scelestus enim diabolus volebat per hoc ipsum donum, totum ecclesiae negotium euertere. Et infra: Quoniam dixerat, prophetias, ne contēnatis, ne putarent quibusuis hinc apertū esse suggestū, omnia, inquit, probate, id est, quae vera sint prophetiae. Huiusmodi sunt sectarj praesentis seculi, nā illorum vnusquisq, catholicae ecclesiae auctoritate praeterita, se habere sancti spiritus testimonium falsò affirmāt (quo diuinā scripturā nō ad ecclesiae utilitatē, sed in p̄niciē interpretātur.) Aduersus istos erroris spiritus ad alio loco scriptura ait: Charissimi nolite omni spiritus credere, sed probate spiritus si ex deo sint, quoniam multi pseudoprophetae exierunt in mundum.

Spiritus

1. Ad Theſ
ſa. ca. 5.

1. ad Cor.
ca. p. 12.

Chryſo. ad
Theſſ. ho-
mil. 11.

Ioan. ca. 4.

Ad Rom.
cap. 10.

Spiritus etiam qui sine ecclesia decreto testificatur, scripturam fluxisse à Deo, cum Dei verbo pugnat: nam quamuis credendi varij modi beatum Paulum non latuissent (ille enim non ecclesia pradicante, sed Deo reuelante in Christum credidit) tamen diuino spiritu, Caluinium & ceteros sectarios illuminationes pratexentes diuinas, prauidens, non dixit, quomodo credent sine spiritussancti testificatione; sed, quomodo credent ei, quem non audierunt? quomodo autem audient sine predicatōe? quomodo verò predicabunt, nisi mittantur? Verum tamen est, quod sicut in hominis generatione non quia Deus magis & principalius, quam parentes agat, idè solum Deum agere dicimus: quia filius sine parentibus nunquam generatur: ita etsi Deus magis & perfectius quam ecclesia, istam scripturam esse diuinam, fidelibus persua-deat, tamen non solus Deus sine ecclesia auctoritate persua-det. Quare fideles sine ecclesia auctoritate, scripturam esse diuinam, credere nil aliud est, quam illos sine parentibus fuisse genitos existimare, quia Dei, verba & scriptura credere, tam alligatum est ad ecclesia auctoritatem, quam fortis ad maternum vterum. Caluinus igitur non à spiritussancti, sed à maligni spiritus testificatiōe est persuasus, quia spiritussanctus praterita ecclesia auctoritate, nulli prater prophetas & apostolos persua-det. Sed sicut filius ingratus, vt à parentibus debita pietatis officia subtrahat, se non à parentibus, sed à Deo fuisse genitum pratexit, ita Caluinus, vt obseruandi & colendi ecclesiam iugum excutiat, se non ab ecclesia auctoritate

tate, sed ab interiori sancti spiritus testificatione persuasum comminiscitur. Verum sicut filio impietatem excusandi, ita nec Caluino errorem est locus: quia sicut filius sine parentibus non generatur à Deo, ita spiritus sanctus neminem sine ecclesia auctoritate ordinariè fidem docet.

Catholicæ Ecclesiæ auctoritate, diuina scriptura approbatur apud fideles.

Caput 67.

Sectarij profectò ignorantes diuina sapientiæ ordinem, quo Deus homines secretiora religionis mysteria suauius docet, catholicam ecclesiam dei scripturam approbare, præter dignitatem seu potius blasphemiam esse dogmatizant. Inualuit autem inquit Caluinus, apud plerosq, perniciosissimus error, scriptura tantum esse momenti, quantum illi ecclesiæ suffragijs conceditur. Et infra: Pendet igitur, inquit, ab ecclesiæ determinatione. In alio etiam loco eandem sententiam confirmat. Quod de potestate, inquit, approbandæ scripturæ docent, prudens omitto, subijcere enim in eum modum Dei oracula hominum censura, ut idè rata sint, quia placuerint hominibus, blasphemiam indigna est. Verum Caluinus cum nullius huiusmodi asserentis nominatim meminerit, se mendacij condemnet, oportet: nam quāquam Catholici penes Ecclesiam cōfirmandi diuinam scripturam esse authoritatem, constanter affirmant, tamen scripturæ tantum esse momenti, quantum illi Ecclesiæ suffragijs conceditur, & Dei oracula hominum censura subijcienda, & illa idè esse rata, quia homi-

Cal. c. 1.

par. 13.

Cap. 8. par. 1.

89.

Et

nibus

nibus placent, tantum abest, ut illi asserant, ut potius pari consensu inficientur. Nam confirmare scripturam non est, illam facere veram, sed est auctoritatiue, ut sic loquar, definire, illam esse dei oraculum, & ideo credendam. Diuina etenim scriptura, quantum ad illam attinet, nihil ueritatis, nihilque auctoritatis Ecclesiastica approbatio addidit. Verum quantum ad homines, scriptura auctoritas, dum ab catholica ecclesia approbatur, quodammodo augetur, quia fideles de scriptura infallibili veritate, et quod illa non humano, sed diuino spiritu fuerit scripta, per ecclesie auctoritatem facti sunt certiores. Nam quauis diuina scriptura de diuinis mysterijs a spiritu sancto condita, in se clarior et certior sit humanis scripturis, tamen nobis, illius auctoritas obscurior est ecclesiastica auctoritate, quia res quantum perfectiores, tanto nobis sunt minus nota, ut Aristot. sapientissime exponit, dicens: Cum uero difficultas duobus sit modis, fortassis causa eius non rebus, sed nobis ipsis inest: quemadmodum enim uespertilionum oculi ad lumen diei se habent, ita et intellectus animae nostra ad ea, quae manifestissima omnium sunt. Huiusmodi sunt fidei dogmata diuinaque scriptura, quae nimirum sole ipso sunt illustriora, uerum ob intellectus nostri tarditatem nobis sunt obscura: et sicut solis lux uespertilionum oculis est ueluti tenebra, ita diuina mysteria humano intellectui sunt obscura. Ex quo fit ut conuenientissimus modus tradendi doctrinam sit a magis notis, ad minus nota, ut Aristoteles docet: Hec autem insita, inquit, natura nobis est via, ut est notioribus nobis, magisque manifestis, ad notiora natura, magisque manifesta proficiscamur.

Arist. Metaph.
lib. 2. c. 1.

Arist. Physic.
lib. 1. c. 1.

mur, nō enim sunt eadem nobis atq; simpliciter nota. Quapropter hoc modo ex hisce quæ natura quidē minus sunt manifesta nobis autē notiora, ad ea quæ dilucidiora sunt, magisq; nota natura proficiscamur necesse est. Deus igitur per catholica ecclesiæ auctoritatem, quæ manifestior quàm diuina auctoritas est, hominibus diuinam scripturam fideiq; dogmata fideles docet, & per ecclesiæ auctoritatem suam approbat scripturam: & sicut lumen licet colorum naturā nec augeat, nec minuat, nec variet, tamen illos facit videri. Nā sine lumine nemo videre, nec discernere potest colores: ita catholica ecclesiæ auctoritas diuinæ scripturæ auctoritatē nec auget, nec minuit, nec variat, sed facit illā credi ab hominibus: nemo enim sine ecclesiæ auctoritate diuinam scripturā, & religionis dogmata ordinatē credit, nemoq; sine ecclesiæ auctoritate Canonicā & Apocrypham scripturā legitimē discernere valet: nam etsi diuina scriptura, religionisq; dogmata simpliciter sint credibilia, tamen nobis sine ecclesiæ auctoritate talia nō vidētur: per ecclesiā namque auctoritatem illa sunt nobis credibilia. Vnde qui aut præter aut contra ecclesiæ auctoritatem credit, uti sectarij, eorumq; sectatores faciunt, temerarius aut hæreticus est: quia fides (ut Paulus ait) ex auditu, & Dei verbum non à quouis, sed à teste fide digno est audiendum, nemo tamen est fide dignior catholica ecclesiæ. Quare scriptura, dogmataq; de quibus illa testimonium perhibet, infallibiliter sunt credibilia. Nec propter diuinæ scripturæ dignitatem est, quod ecclesiæ illam approbat: nam Christus cum

Ioan. c. i.

Chryf. fu
per cap.
Ioan. pri.

Filius Dei sit, non solum ab operibus mirabilibus, sed ab hominibus voluit approbari, vt scriptura clarissime exponit, dicens: Fuit homo missus à Deo, cui nomen erat Ioannes, hic venit in testimonium, vt testimonium perhiberet de lumine, vt omnes crederent per illum, Istum locum beatus Chrysostomus exponens, Catholicam sententiam de scriptura ab Ecclesia approbatione, mirifice exponit, dum ait: Ipse aut Christus cum dixisset, ego non ab homine testimonium accipio, ne apud indoctiores sibi ipsi repugnare videretur, cum nunc dicat: alius de me perhibet testimonium, & scio, quia verum est testimonium eius, Ioannem significans nunc: non ab homine testimonium accipio: mox adiectione eam soluit dubitationem, inquit: Sed hæc dico propter vos, vt salui sitis, Quasi dicat: Deus ego sum, & Dei vnigenitus filius, & superna, & immortalis substantia, nulliusque indigeo testimonio: & quamuis nemo hoc profiteretur, nihil propterea natura mea sit minor, nihil deterior: sed cum mortalium salus mihi cura esset, in hanc descendi humilitatem, vt hominis testimonio me subicerem. Nam propter Iudeorum imbecillitatem hoc pacto melius, faciliusque fides in eum extendi propagarique poterat. Tantum ille. Similiter Deus vt in se crederent homines, diuinam scripturam Ecclesie testimonio subiecit.

Et si Prophetæ ad credendum diuinis oraculis non indigent Ecclesie auctoritate, tamen cæteri fideles indigent.

AT Calvinus (ni fallor) quia fides est Ecclesia. Cap- 68.
 fundamentum, idèd penes catholicam ecclesi-
 am auctoritatem approbandi sacram scriptu-
 ram non esse existimat, dum ait: Nam si Christiana Cal. cap. 1.
 ecclesia Prophetarum scriptis & Apostolorum prædi- par. 13.
 catione initio fundata fuit, ubicunque reperiatur ea
 doctrina, ecclesiā certè prætesit eius approbatio, Ve-
 rum quidem est, quod antequam ecclesia sacram ap-
 probaret scripturam, Deus fidei doctrinam approba-
 uit. Sed quia Dei approbatio, non quòd nō sit fide di-
 gna, sed quòd sine predicante fidem non facit, idèd ad
 Dei verbo credendū Ecclesia approbatio est necessaria.
 Quæ profectò sententia de duab. approbationib. Phi- Aristo. 1.
 losophos & Theologos non latet: duos enim discendi post. Ca. 10
 modos, vnū quidè propter quid seu p causam, alterū
 verò si est seu p effectū Philosophus manifestè docuit.
 Quibusmodis Deū cognosci Apostolus tradit dicēs: Vi Ad Cor. 1
 demus nūc per speculū in enigmate: tūc autē facie ad cap. 13.
 faciem. Nunc cognosco ex parte: tunc autem cogno-
 scam sicut & cognitus sum. Beati quidem vnum esse
 Deum propter quid sciunt, seu potius illis est per se no-
 tum, & quasi primum principium, per quod diuinas
 proprietates euidenter cognoscunt. Huiusmodi esse
 notitiam, quam beati habent de Deo, illa verba facie
 ad faciem apertè satis significant. Beati nanque de
 Deo ac diuinis mysterijs, longè euidentiore notitia
 habent, quàm Philosophi de scientiarum primis prin-
 cipijs & conclusionibus. Philosophi verò vnum esse
 Deum non propter quid, sed si est per effectum cogno-
 uerunt. Quemadmodum cognoscendi Paulus per illa

Ad Rom.
cap 1.

verba speculum & anigma significauit. Deum enim à philosophis isto modo fuisse cognitum, idem Paulus in alio loco exposuit dicens: Deus illis manifestauit: Inuisibilia enim ipsius, à creatura mundi, per ea quæ facta sunt intellecta conspiciuntur &c. Philosophi namque Dei unitatem non per claram visionem ut beati, sed per creaturas perinde ac si quis per sumum cognosceret ignem, euidenter intellexere. Atque sicut conclusio à premisiis deducitur, ita illa veritas Deus est vnus, in beatitudine ab obiecti euidentia, in Philosophia verò à creaturis cognitis approbatur. Nā premissarum assensus, conclusionis persuasionem necessario causat: at ignoratis illis, conclusio quoque ignoratur, quia sine approbatione premissarum conclusio non potest sciri. Veruntamen si vna & eadem conclusio aut per causam aut per effectum approbatur, illis quibus causa est manifesta, approbatione per effectum ad assentiendum conclusioni non indigent, ut beati ad Deum cognoscendum non indigent creaturarum cognitione. Illi verò quibus conclusionis causa est ignota, approbatione per effectum ad assentiendum indigent. Huiusmodi fuerunt Philosophi circa Dei cognitionem. Hinc est quòd quamuis scientia de Deo, quam Philosophi habuerunt, antiquam ab illis inueniretur, ab æterno fuisset approbata, tamen quia illa ab eis non est inuenta per causam, sed per effectum, ideo per creaturarum cognitionem non in se, sed apud philosophos fuit approbata. Simili modo ad fidei dogmatibus assentiendum, quia diuina approbatio, id est, reuelatio est nobis inuident, ecclesiastica

fastica indigemus approbatione, multis quippe testimonijis fidem fuisse approbatam, sacra scriptura exponit, dū ait: Ego autem habeo testimonium Ioan. c. 3.
maius ioanne, opera enim quae dedit mihi pater, ut perficiam ea: ipsa opera quae ego facio, testimonium perhibent de me, quia pater misit me: & qui misit me pater, ipse testimonium perhibuit de me. Quibus nimirum verbis tria testimonia, videlicet Patris, operum, & ioannis significantur, & paulo post addit quartum, dicens: Scrutamini scripturas, quia vos putatis in ipsis vitam aeternam habere, & illa sunt quae testimonium perhibet de me. Præterea Christus quod de se testimonium Apostoli perhiberet praecepit, cū ait: Eritis mihi testes in Ierusalē, & in omni Iudaea, & Samaria, & usq; ad ultimū terrae. Omnia nempe illa quae de Christo testimonium perhibent, fidei quoq; doctrinam & scripturā approbāt, sed istorum testimoniorū quoddam est veluti à priori seu per causam, ut patris, & filij, & spiritus sancti testimonium quod per diuinā reuelationē exhibetur. Quoddā verò est veluti à posteriori siue per effectū ut prophetarū, apostolorū, et ecclesiae testimoniū, quod de fidei doctrina illi perhibet. Istā testimoniorum differētiam scriptura exponit, dicens: Ego autem habeo testimoniū maius ioāne, videlicet, patris, quia istud est à priori, seu per causam, illud verò per effectū. Sed utrunq; est fide dignum testimoniū, de ioānis enim testimonio ait Christus: Alius est qui testimoniū perhibet de me: et scio quia verū est testimoniū eius quod perhibet de me. Vos misistis ad ioannē, & testimoniū perhibuit veritati.

Ex ista approbationum seu testimoniorum differentia manifestè colligitur, quòd fidelium quidam per causam crediderunt, vt Propheta & Apostoli, quibus fidei mysteria fuerunt reuelata. Illi quippe non homine pradicante, sed Deo reuelante, Euangelium didicerunt: & quia illi per Deum, qui fidei causa obiectum, finis & regula est, docti fuerunt, ideò ad credendum fidei mysterijs Ecclesia approbatione non indiguerunt. Nam diuina reuelatio, per quam fides à Deo approbata est, illis fuit euidens. Quidam verò fidelium per effectum crediderunt, vti illi qui per auditum fidem receperunt, qui quidem per Ecclesia approbationem de fidei & doctrina & scriptura facti sunt certiores. Et iste credendi modus & quasi per effectum, quia non fides in Ecclesia, sed Catholica Ecclesia in fide est fundata. Verùm cùm Dei reuelatio, per quam veluti per causam fides approbatur, non sit omnibus euidens, Ecclesia approbatio, quæ est veluti fidei effectus ad credendum est necessaria. Nam, si vt Paulus ait, fides ex auditu, auditus autem per verbum Dei, profectò fideles præcognoscant oportet, quòd sit Dei verbum, & quæ sit sacra scriptura, ad sincere credendum. Quæ præcognitio sine ecclesia autentica approbatione non potest haberi, vt beatus Augustinus misericè exponit, dicens: Euangelium forte mihi lecturus es, & inde Manichæi personam tentabis asserere. Si ergò inueneris aliquem, qui Euangelio nondum credit, quid faceres dicenti tibi, non credo? Ego verò Euangelio non crederem, nisi me catholica ecclesia cōmoueret autoritas. Quare licet Christi Euangelium ecclesia

Aug. cont.
epis. fund.
cap. 5.

Ecclesia fundamentum antequam ab Ecclesia approbaretur per diuinam reuelationem & miracula factis fuisset, à Deo approbatum, tamen quia illa testimonia sunt nobis ineuidentia, ideo Euangelicam doctrinam per Ecclesia autenticum testimonium non in se, sed apud fideles approbari est necesse.

Diuina scriptura non solum conciliorum decretis, sed etiam Ecclesia
 stica traditione fuit approbata. Caput 69.

VERUM Calvinus aduersus Catholica Ecclesia Calui. ca. 8.
 approbationem, ait: Vnum tamen eos rogabo: para. 95.

Si in Ecclesia approbatione fundata est scriptura autoritas, cuius concilij citabunt de ea re decretum? Et si per quorundam sacrorum conciliorum decreta sacram scripturam fuisse approbatam constat, tamen ante conciliorum celebrationem sacra scriptura ab Ecclesia fuit approbata, vt beatus Augustinus exponit, cum ait: In canonicis autem scripturis Ecclesiarum Catholicarum quam plurium autoritatem sequatur, inter quas sane illa sunt, qua Apostolicas sedes habere, & epistolas accipere meruerunt. Ex ista sententia manifestissimè colligitur, sacram scripturam esse ab Ecclesia approbatam ante conciliorum celebrationem. Quae quidem approbatio est Ecclesia traditio, vt idem alibi exponit, dum ait: Cum cœpero August. de doct. pa. l. 2. cap. 8.

Matthæi Euangelium recitare Apostoli, eius, vbi narratio natiuitatis eius tota contexitur, continuò dices illam narrationem non esse Matthæi, quam Matthæi esse dicit vniversa Ecclesia, ab apostolicis sedibus Côt. Faust. li. 28. c. 2.

Io. n. c. 12.
Chryf.
hom. 68.

Apostolorum & Ecclesia testimonium assentientes, fidei dogmatibus, non in prophetas, nec in Apostolos, nec in Ecclesiam, sed in Deum tanquam in fidei autorem credunt, ut beatus Chrysostomus super illud Ioannis: Qui credit in me, non credit in me, sed in eum qui misit me, aperte satis exponit dicens, Et non dixit, qui credit mihi, ne quis verba eius credi interpretaretur, quod & in hominibus dici poterat. Qui enim Apostolis credit, non Apostolis credit, sed Deo. Tantum ille. Per Apostolorum igitur prophetarum, & Ecclesia testimonium quod sit Dei verbum, & quae sit sacra scriptura, certo cognoscimus, sed propter Deum assentimus tali scripturae. Illa nimirum duae voculae, per, & propter, non sunt confundendae sed distinguendae: veluti enim in demonstratiuis disciplinis, discipulus per Magistrum discit conclusiones, & tamen non propter Magistrum, sed propter praemissas assentitur conclusionibus, quia si propter illum assentiret conclusionibus, non scientiam, sed opinionem de illis haberet, ita quotquot fideles per Prophetarum, Apostolorum & Catholicae Ecclesiae testimonium fidei dogmatibus assentiuntur, non propter illos, sed propter Deum credunt. Nam si propter illos assentiremus Euangelicae doctrinae, huiusmodi persuasio non esset omnino certa, & per consequens illa non diuina, sed humana fuisset fides. Hinc est quod prophetarum, Apostolorum & Ecclesiae testimonium quam sit per homines, tamen non est secundum hominem, sed secundum Dei donum. Ioannis quippe testimonium, licet ut Christus ait, minus fuisset quam patris testi-
monium.

monium, tamen fide dignum fuit, quia ille nō humano sed diuino spiritu afflatus de Christo testificatus est: simili modo ecclesia quanquam hominum sit cōuentus, tamen quia per Dei gratiam columna & firmamentum est veritatis, ideo verum est illius testimonium & approbatio. Et quia istorum veracitas non ab illorum natura, sed à Dei gratia procedit, ideo per illos, sed non propter illos, sed propter Deum fidei dogmatibus assentimus.

Catholica Ecclesia quosdam libros quos fidelium Synagoga non recepit approbavit.

Approbandi quidem sacram scripturam autoritatem, penes fidelium synagogam olim fuisse in confesso est. Cum enim apud fideles Iudæos, Dei prophetæ à pseudoprophetis; & hagiographi libri ab apocryphis discreti fuerint, ad veros & falsos Prophetas discernendos, atque ad illorum libros aut approbandos aut non recipiendos, synagoga habuisset infallibilem auctoritatē oportuit. Quid quod per Synagogæ approbationem, id est, authenticum testimonium populus Israel de scripturæ veritate factus est certior. Præter Canonicos enim libros alias scripturas apud Iudæos fuisse, sacri scriptores illos allegantes aperte satis exponunt. Vti liber bellorum domini, quem Moyses allegauit: Iustorum domini, quē Iosue citauit: Samuelis, Nathan, Gad, Ahia, & aliorum libri in Paralipomenon libris allegati. Verum omnes isti libri (quanquam illorum scriptores fuisse

Cap. 70.

Num. 21.

Iosue. 10.

Par. 1. c. 29.

&c. 2. c. 9.

Pro-

August. de
ciuit. Dei l.
18. cap. 38.

Prophetas sacra scriptura expresse testatur non sunt libri canonici. Sed cum nec de Canonico-
rum approbatione nec de ceterorum librorum ex-
clusione vlla diuina extet scriptura per synagoga au-
toritatem illos fuisse approbatos, istos verò exclusos
euidens est. Quam librorum discretionem & ap-
probationem beatus Augustinus sapientissimè illu-
strat, dum ait: In ipsa historia Regum Iuda, & Re-
gum Israel, quæ res gestas continet, de quibus eidem
scriptura Canonica credimus, commemorantur plu-
rima, quæ ibi non explicantur & in libris alijs inue-
niri dicuntur, quos Propheta scripserunt, & alicu-
bi eorum quoque Prophetarum nomina non tacen-
tur: nec tamen inueniuntur in Canone, quem po-
pulus Dei recepit. Cuius rei fateor causam me la-
tet, nisi quod ego existimo etiam ipsas quibus ea quæ
in autoritate religionis esse deberent, sanctus utique
spiritus reuelabat, alia sicut homines historica dili-
gentia, alia sicut Prophetas in inspiratione diuina scri-
bere potuisse. Atque hac ita fuisse distincta, ut illa
tanquam ipsis, ista verò tanquam Deo per ipsos loquenti
iudicaretur esse tribuenda. Hac ille. Iudicare enim ali-
quos libros diuino spiritu fuisse scriptos, alios verò hu-
mano non ad singulos fideles sed ad Ecclesiam pertinet. Nam
quanquam aliquibus fidelibus discernendi spiritus
donum fuerit datum, tamen huiusmodi donum non
ordinariè datur singulis, nec per fidem sumus certi
cui datur. Sumus tamen de synagoga fidelium, quod
ordinariè fuerit illi concessum. Quare per autori-
tatem synagoga libri Canonici à non Canonicis di-
scer-

secreti & approbati suere. Præterea quosdam libros
 Canonicos esse, de quorum scriptoribus dubitatur
 manifestum est. De libro quippe Iob B. Gregorius ^{Gregor. in}
 ait: Alij Moysen, alij quemlibet ex Prophetis scri- ^{p̄t. super}
 ptorem huius libri fuisse suspicantur. Sed quis hac ^{Iob.}
 scripserit valde superuacue queritur, cum tamen au-
 tor libri Spiritus sanctus fideliter credatur. De psal-
 morum etiam scriptoribus varia est sententia. Sed
 quanquam seu de istorum seu aliorum Canonico-
 rum librorum scriptoribus dubitatum fuerit, tamen
 illos libros per quemcunque scriptos à Spiritu sancto
 fuisse dictatos certissima fide synagoga credit. Atque
 cum apud Iudeos sacra scriptura testimonium, ad
 astruendum istos libros esse sacros non extet, conse-
 quens est quod Iudæi per synagoga auctoritatem de
 libris Canonicis facti sunt certiores. Quod si fide-
 lium synagoga quæ Euangelica Ecclesia personam
 gestauit, discernendi veros & falsos Prophetas & ap-
 probandi sacros libros habuit auctoritatem. Catho-
 lica profecto Ecclesia ad vera & falsa dogmata di-
 scernenda & ad sacram approbandam scripturam
 multo maiorem habuit auctoritatē. Ex quo sicut qua-
 dam fidei mysteria synagoga ignota, Christiana Ec-
 clesia explicitè credit, ita quorundam librorum aucto-
 ritas ignota synagoga, Euangelica Ecclesia est nota.
 Ob quam causam quidam veteris testamenti libri, vi-
 delicet, Baruch, Tobia, Iudith, Sapientia, Ecclesiastici,
 Machabeorū, vnus & alter à synagoga in sacro cano-
 ne nō recepti, ab Euangelica ecclesia fuerunt approbati
 & sacris libris annumerati. Fidelium quidem synagoga
 illos

Ioseph.
cont. App.
l. i.

illos libros non quod ij errores contineant, sed quod illos prophetico spiritu scriptor ignorasset, non approbavit. Evangelica vero Ecclesia multo doctior synagoga, illos libros diuino spiritu scriptos fuisse animaduertentes, tanquam sacros approbavit: discernendi quippe spiritus donum post Christi aduentum copiosius quàm antè, datum est Ecclesie. In populo etiam Iudeorum & Israel religio propter Reipublicæ varias mutationes & clades simul cum regni inclinatione non parum inclinata fuit. Hinc factum est, quod aliqui libri tum temporis aditi ob scriptorum incelebritatem non fuerint recepti à synagoga, vt Iosephus sacrorum librorum Canonem exponens insinuat dicens: Infiniti libri non sunt apud nos, discordantes & sibi met repugnantes: sed solummodo duo & viginti libri habentes temporis totius conscriptionem: quorum iuste fides admittitur. Horum ergo quinq; quidem sunt Moyseos, qui natiuitates continent, & humana generationis traditionem habent vsque ad eius mortem: hoc tempus de tribus millibus annis paululum minus est. A morte verò Moyseos vsque ad Artaxerxem Persarum Regem, qui fuit post Xerxem, Prophetæ suorum temporum res gestas conscripserunt in tredecim libris. Reliqui verò quatuor hymnos in Deum, & vita humana præcepta noscuntur continere. Ab Artaxerxe verò vsque ad nostrum tempus singula quidem conscripta, non tamen priori simili fide sunt habita, ed quod non fuerit certa successio prophetarum. At Evangelica Ecclesia patres quanto minorem rerum familiarium curam habue-

re, & quanto maiores calamitates sustinuerunt, tanto maius studium circa religionem adhibuerunt. Apostoli quippe Christi diuino afflati spiritu, solertissime vetus testamentum indagantes, quosdam libros à fidelium synagoga non receptos, tanquam sacros approbarunt. Hinc factum est, quod primitiua Ecclesia doctores, illos libros ad fidei dogmata & confirmanda & explicanda frequenter allegarunt, quod profecto non fecissent, si huiusmodi libri ab Apostolis non fuissent approbati. Sed illos quidem libros ab Apostolis approbatos fuisse, & per Ecclesia traditionem, auctoritatem obtinuisse, beatus Augustinus aperte satis exponit, dicens: Vbi illud testimonium ponit de libro sapientia: Raptus est, ne malitia mutaret intellectum eius. Quod à me quoque positum, fratres istos ita respuisse dixistis, tanquam non de libro canonico adhibitum: & infra: Quia cum ita sint, non debuit repudiari sententia libri sapientia: qui meruit in Ecclesia Christi, de gradu lectorum Ecclesia Christi, tam longa annositate, & ab omnibus Christianis, ab Episcopis usque ad extremos laicos fideles, poenitentes, Catechumenos, cum veneratione diuina auctoritatis audiri. Et paulo post ait: Sed qui sententijs tractatorum instrui volunt, oportet ut istum librum Sapientia vbi legitur: Raptus est, ne malitia mutaret intellectum eius: omnibus tractatoribus anteponan: quoniam sibi eum anteposuerunt etiam temporibus proximi Apostolorum egregij tractatores, qui eum testem adhibentes, nihil se adhibere nisi diuinum testimonium crediderunt. Quia nimirum beati Augustini senten-

Aug de
pred. san.
l. 1. c. 14.

Ad Rom.
cap 1.

verba speculum & anigma significauit. Deum enim à philosophis isto modo fuisse cognitum, idem Paulus in alio loco exposuit dicens: Deus illis manifestauit: Inuisibilia enim ipsius, à creatura mundi, per ea quæ facta sunt intellecta conspiciuntur &c. Philosophi namque Dei vnitatem non per claram visionem vt beati, sed per creaturas perinde ac si quis per sumum cognosceret ignem, euidenter intellexere. Atque sicut conclusio à præmissis deducitur, ita illa veritas Deus est vnus, in beatitudine ab obiecti euidentia, in Philosophia verò à creaturis cognitis approbatur. Nā præmissarum assensus, conclusionis persuasionem necessario causat: at ignoratus illis, conclusio quoque ignoratur, quia sine approbatione præmissarum conclusio non potest sciri. Veruntamen si vna & eadem conclusio aut per causam aut per effectum approbatur, illis quibus causa est manifesta, approbatione per effectum ad assentiendum conclusioni non indigent, vt beati ad Deum cognoscendum non indigent creaturarum cognitione. Illi verò quibus conclusionis causa est ignota, approbatione per effectum ad assentiendum indigent. Huiusmodi fuerunt Philosophi circa Dei cognitionem. Hinc est quòd quamuis scientia de Deo, quam Philosophi habuerunt, antequàm ab illis inueniretur, ab æterno fuisset approbata, tamen quia illa ab eis non est inuenta per causam, sed per effectum, ideò per creaturarum cognitionem non in se, sed apud philosophos fuit approbata. Simili modo ad fidei dogmatibus assentiendum, quia diuina approbatio, id est, reuelatio est nobis inuidentis, ecclesiastica

fiastica indigemus approbatione, multis quippe testimonijis fidem fuisse approbatam, sacra scriptura exponit, dùm ait: Ego autem habeo testimonium Ioan. c. 3.
maius ioanne, opera enim qua dedit mihi pater, vt perficiam ea: ipsa opera qua ego facio, testimonium perhibent de me, quia pater misit me: & qui misit me pater, ipse testimonium perhibuit de me. Quibus nimirum verbis tria testimonia, videlicet Patris, operum, & ioannis significantur, & paulò post addit quartum, dicens: Scrutamini scripturas, quia vos putatis in ipsis vitam aeternam habere, & illa sunt qua testimonium perhibet de me. Praterè Christus quòd de se testimonium Apostoli perhiberet praecepit, cùm ait: Eritis mihi testes in Ierusalè, & in omni Iudæa, & Samaria, & vsq; ad vltimū terra. Omnia nempe illa qua de Christo testimonium perhibent, fidei quoq; doctrinam & scripturā approbāt, sed istorum testimoniorū quoddam est veluti à priori seu per causam, vt patris, & filij, & spiritus sancti testimonium quod per diuinā reuelationē exhibetur. Quoddā verò est veluti à posteriori siue per effectū vt prophetarū, apostolorū, et ecclesiae testimonium, quod de fidei doctrina illi perhibet. Istā testimoniorum differētiam scriptura exponit, dicens: Ego autem habeo testimonium maius Ioāne, videlicet, patris, quia istud est à priori, seu per causam, illud verò per effectū. Sed vtrunq; est fide dignum testimonium, de Ioānis enim testimonio ait Christus: Alius est qui testimonium perhibet de me: et scio qd verū est testimonium eius qd perhibet de me. Vos misistis ad Ioannē, & testimonium perhibuit veritati.

Ecclesia fundamentum antequam ab Ecclesia approbaretur per diuinam reuelationem & miracula factis fuisset, à Deo approbatum, tamen quia illa testimonia sunt nobis ineuidentia, ideo Euangelicam doctrinam per Ecclesie autenticum testimonium non in se, sed apud fideles approbari est necesse.

Diuina scriptura non solum conciliorum decretis, sed etiam Ecclesiastica traditione fuit approbata.

Caput 69.

Verum Calvinus aduersus Catholicam Ecclesiam approbationem, ait: Vnum tamen eos rogabo: Calui. ca. 3. para. 95.

Si in Ecclesia approbatione fundata est scriptura autoritas, cuius concilij citabunt de ea re decretum? Et si per quorundam sacrorum conciliorum decreta sacram scripturam fuisse approbatam constat, tamen ante conciliorum celebrationem sacra scriptura ab Ecclesia fuit approbata, vt beatus Augustinus exponit, cum ait: In canonicis autem scripturis Ecclesiarum Catholicarum quam plurimum autoritatem sequatur, inter quas sane illa sunt, quae Apostolicas sedes habere, & epistolas accipere meruerunt. Ex ista sententia manifestissime colligitur, sacram scripturam esse ab Ecclesia approbatam ante conciliorum celebrationem. Quae quidem approbatio est Ecclesiae traditio, vt idem alibi exponit, dum ait: Cum corpero

August. de
doct. pa. 1.
2. cap. 8.

Cōt. Fault.
li. 28. c. 2.

Matthaei Euangelium recitare Apostoli, eius, vbi narratio natiuitatis eius tota contextitur, continuo dices illam narrationem non esse Matthaei, quam Matthaei esse dicit vniuersa Ecclesia, ab apostolicis sedibus

vsque ad presentes Episcopos, certa successione perducta. Tu mihi quid contrà lecturus es, aliquem forte librum Matthai, vbi Iesus negatur esse natus ex virgine? Si ergo ego credo illum librum esse Manichai, quoniam ex ipso tempore, quo Manichæus vivebat in carne, per discipulos eos certa successione Præpositorum vestrorum ad vestra vsque tempora custoditus atq; perductus est: sic & istum librum crede esse Matthai, quem ex illo tempore, quo Matthæus ipse in carne vixit, non interrupta serie temporum Ecclesia certa connexionis successione vsque ad tempora ista perduxit. Ecclesia quidem fidei doctrinam à Prophetis & Apostolis, aut viua voce, aut scripto accepit: & quemadmodum illi de diuina reuelatione, ita Ecclesia de illorum predicatione & scriptis habuit euidenciam. Corinthiorum quippe Ecclesia Paulum predicantem, ac illius epistolas ad se datas euidenter cognouit. Et vt Paulus fidei dogmata apud se per reuelationem, veluti à priori approbata, sua predicatione & suis epistolis, veluti à posteriori, apud Ecclesiam approbavit: ita Catholica Ecclesia de fidei domatibus per Apostolos viua voce, aut scripto apud se approbatis, fide dignum testimonium vsque ad seculi consummationem perhibet. Illa namque Christi verba eritis mihi testes in Ierusalem, & in omni Iudæa, & Samaria, & vsque ad vltimum terræ, etsi ad solos Apostolos videantur esse dicta, tamen ad Catholicam Ecclesiam sunt referenda. Nam quemadmodum illi per Apostolatus munus Euangelij fuerunt idonei testes, ita Catholica Ecclesia per sanctitatis donū Euangelica

Act. 1.

gelica doctrina est fida testis, quare Ecclesia testificatio Christi Euangelij est autentica approbatio. Nam quamuis diuina reuelatio facta patribus & Christi & Apostolorum predicatio, illorumq; miracula in diuina scriptura tradantur, tamen Prophetarum & Apostolorum quae sint vera scriptura, nemo potest certo cognoscere nisi ab Ecclesia testimonio fuerit persuasus. Vnde sicut fide dignus testis de humanis gestis testimoniam perhibens, hominis gesta non variat, sed de illis fidem facit, nec ob hoc humani actus ab huiusmodi testimonio pendet, sed potius testimonium pendet & fundatur in illis: ita Catholica Ecclesia approbatio, fidei nec doctrinam nec scripturam variat, sed de illis certam fidem facit, nec ob huiusmodi approbationem, fides nec scriptura ab Ecclesia approbatione pendet, nec in illa fundatur, sed potius Ecclesia approbatio a fide pendet ac in fide fundatur. Non enim quia Ecclesia approbat sacram scripturam ideo scriptura est vera, sed quia scriptura est vera ideo ab Ecclesia approbatur, fides enim est veluti Ecclesiae causa, ecclesia vero est veluti fidei effectus. Atque cum ecclesia sit nobis notior, & illa sine vera fide nunquam sit, ideo per illius approbationem certo cognoscimus quae sit sincera fides. Per Ecclesiae enim approbationem de sacra scriptura atque de fidei dogmatibus, non propter quid, sed si est credimus. Nam fides non Prophetarum, Apostolorum, & catholicae Ecclesiae approbationi, seu testimonio, sed Dei auctoritati innititur, quia nec prophetae, nec Apostoli, nec Ecclesia, sed solus Deus fidei causa, obiectum finis & regula est. Ob quam causam fideles per prophetarum,

Apostolorum

Ioⁿ.c. 12.
Chryf.
hom. 68.

Apostolorum & Ecclesia testimonium assentientes, fidei dogmatibus, non in prophetas, nec in Apostolos, nec in Ecclesiam, sed in Deum tanquam in fidei autorem credunt, vt beatus Chrysostomus super illud Ioannis: Qui credit in me, non credit in me, sed in eū qui misit me, aperte satis exponit dicens, Et non dixit, qui credit mihi, ne quis verba eius credi interpretaretur, quod & in hominibus dici poterat. Qui enim Apostolis credit, non Apostolis credit, sed Deo. Tantum ille. Per Apostolorum igitur prophetarum, & Ecclesia testimonium quod sit Dei verbum, & quæ sit sacra scriptura, certò cognoscimus, sed propter Deum assentimus tali scripturæ. Illa nimirum duæ voculae, p̄r, & propter, non sunt confundendæ sed distinguendæ: veluti enim in demonstratiuis disciplinis, discipulus per Magistrum discit conclusiones, & tamen non propter Magistrum, sed propter præmissas assentitur conclusionibus, quia si propter illum assentiret conclusionibus, non scientiam, sed opinionem de illis haberet, ita quotquot fideles per Prophetarum, Apostolorum & Catholica Ecclesia testimonium fidei dogmatibus assentiuntur, nō propter illos, sed propter Deum credunt. Nam si propter illos assentiremus Euangelica doctrinae, huiusmodi persuasio non esset omnino certa, & per consequens illa nō diuina, sed humana fuisset fides. Hinc est quod p̄phetarū, Apostolorū & Ecclesia testimoniū quanq̄ sit per homines, tamen non est secundū hominem, sed secundum Dei donum. Ioannis quippe testimonium, licet vt Christus ait, minus fuisset quā patris testi-
monium.

monium, tamen fide dignum fuit, quia ille nō humana sed diuino spiritu afflatus de Christo testificatus est: simili modo ecclesia quanquam hominum sit cōuentus, tamen quia per Dei gratiam columna & firmamentum est veritatis, ideo verum est illius testimonium & approbatio. Et quia istorum veracitas non ab illorum natura, sed à Dei gratia procedit, ideo per illos, sed non propter illos, sed propter Deum dei dogmatibus assentimus.

Catholica Ecclesia quosdam libros quos fidelium Synagoga non recepit approbauit.

Approbandi quidem sacram scripturam autoritatem, penes fidelium synagogam olim fuisse in confesso est. Cum enim apud fideles Iudeos, Dei prophetæ à pseudoprophetis; & hagiographi libri ab apocryphis discreti fuerint, ad veros & falsos Prophetas discernendos, atque ad illorum libros aut approbandos aut non recipiendos, synagoga habuisset infallibilem auctoritatē oportuit. Quid quod per Synagogæ approbationem, id est, authenticum testimonium populus Israel de scripturæ veritate factus est certior. Præter Canonicos enim libros alias scripturas apud Iudeos fuisse, sacri scriptores illos allegantes aperte satis exponunt. Vti liber bellorum domini, quem Moyses allegauit: Iustorum domini, quē Iosue citauit: Samuelis, Nathan, Gad, Abiæ, & aliorum libri in Paralipomenon libris allegati. Verum omnes isti libri (quanquam illorum scriptores fuisse

Cap. 70.

Num. 21.

Iosue. 10.

Par. 1. c. 29.

& 2. c. 9.

Pro-

August. de
ciuit. Dei l.
18. cap. 38.

Prophetas sacra scriptura expresse testatur non sunt libri canonici. Sed cum nec de Canonicorum librorum approbatione nec de ceterorum librorum exclusionem vlla diuina extet scriptura per synagoga auctoritatem illos fuisse approbatos, istos vero exclusos euidentem est. Quam librorum discretionem & approbationem beatus Augustinus sapientissime illustrat, dum ait: In ipsa historia Regum Iuda, & Regum Israel, quae res gestas continet, de quibus eidem scriptura Canonica credimus, commemorantur plurima, quae ibi non explicentur & in libris alijs inueniri dicuntur, quos Propheta scripserunt, & alicubi eorum quoque Prophetarum nomina non tacentur: nec tamen inueniuntur in Canone, quem populus Dei recepit. Cuius rei fateor causam me latet, nisi quod ego existimo etiam ipsas quibus ea quae in auctoritate religionis esse deberent, sanctus utique spiritus reuelabat, alia sicut homines historica diligentia, alia sicut Prophetas in inspiratione diuina scribere potuisse. Atque hac ita fuisse distincta, ut illa tanquam ipsis, ista verò tanquam Deo per ipsos loquenti iudicaretur esse tribuenda. Hac ille. Iudicare enim aliquos libros diuino spiritu fuisse scriptos, alios verò humano non ad singulos fideles sed ad Ecclesiam pertinet. Nam quanquam aliquibus fidelibus discernendi spiritus donum fuerit datum, tamen huiusmodi donum non ordinariè datur singulis, nec per fidem sumus certi cui datur. Sumus tamen de synagoga fidelium, quod ordinariè fuerit illi concessum. Quare per auctoritatem synagoga libri Canonici à non Canonicis distre-

secreti & approbati suere. Præterea quosdam libros
 Canonicos esse, de quorum scriptoribus dubitatur
 manifestum est. De libro quippe Iob B. Gregorius ^{Gregor. in}
 ait: Alij Moysen, alij quemlibet ex Prophetis scri- ^{p. xi. super}
 ptorem huius libri fuisse suspicantur. Sed quis hæc ^{Iob.}
 scripserit valde superuacue queritur, cum tamen au-
 tor libri Spiritus sanctus fideliter credatur. De psal-
 morum etiam scriptoribus varia est sententia. Sed
 quanquam seu de istorum seu aliorum Canonico-
 rum librorum scriptoribus dubitatum fuerit, tamen
 illos libros per quemcunque scriptos à Spiritu sancto
 fuisse dictatos certissima fide synagoga credit. Atque
 cum apud Iudeos sacra scriptura testimonium, ad
 astruendum istos libros esse sacros non extet, conse-
 quens est quod Iudæi per synagoga auctoritatem de
 libris Canonicis facti sunt certiores. Quod si fide-
 lium synagoga quæ Euangelica Ecclesia personam
 gestauit, discernendi veros & falsos Prophetas & ap-
 probandi sacros libros habuit auctoritatem. Catho-
 lica profecto Ecclesia ad vera & falsa dogmata di-
 scernenda & ad sacram approbandam scripturam
 multo maiorem habuit auctoritatē. Ex quo sicut quæ-
 dam fidei mysteria synagoga ignota, Christiana Ec-
 clesia explicitè credit, ita quorundam librorum aucto-
 ritas ignota synagoga, Euangelica Ecclesia est nota.
 Ob quam causam quidam veteris testamenti libri, vi-
 delicet, Baruch, Tobia, Iudith, Sapientia, Ecclesiastici,
 Machabeorum, vnus & alter à synagoga in sacro cano-
 ne non recepti, ab Euangelica ecclesia fuerunt approbati
 & sacris libris annumerati. Fidelium quidem synagoga
 illos

illos libros non quod ij errores contineant, sed quod illos prophetico spiritu scriptor ignorasset, non approbavit. Evangelica vero Ecclesia multo doctior synagoga, illos libros diuino spiritu scriptos fuisse animaduertentes, tanquam sacros approbavit: discernendi quippe spiritus donum post Christi aduentum copiosius quàm antè, datum est Ecclesie. In populo etiam Iudeorum & Israel religio propter Reipublicæ varias mutationes & clades simul cum regni inclinatione non parum inclinata fuit. Hinc factum est, quod aliqui libri tum temporis aditi ob scriptorum incelebritatem non fuerint recepti à synagoga, vt Iosephus sacrorum librorum Canonem exponens insinuauit dicens: Infiniti libri non sunt apud nos, discordantes & sibimet repugnantes: sed solummodo duo & viginti libri habentes temporis totius conscriptionem: quorum iuste fides admittitur. Horum ergo quinq; quidem sunt Moyseos, qui natiuitates continent, & humana generationis traditionem habent vsque ad eius mortem: hoc tempus de tribus millibus annis paululum minus est. A morte verò Moyseos vsque ad Artaxerxem Persarum Regem, qui fuit post Xerxem, Prophetæ suorum temporum res gestas conscripserunt in tredecim libris. Reliqui verò quatuor hymnos in Deum, & vitæ humana præcepta noscuntur continere. Ab Artaxerxe verò vsque ad nostrum tempus singula quidem conscripta, non tamen priori simili fide sunt habita, ed quòd non fuerit certa successio prophetarum. At Evangelica Ecclesia patres quanto minorem rerum familiarium curam habue-

Ioseph.
cont. App.
l. i.

re, & quanto maiores calamitates sustinuerunt, tanto maius studium circa religionem adhibuerunt. Apostoli quippe Christi diuino afflati spiritu, solertissime vetus testamentum indagantes, quosdam libros à fidelium synagoga non receptos, tanquam sacros approbarunt. Hinc factum est, quod primitiua Ecclesia doctores, illos libros ad fidei dogmata & confirmandam & explicandam frequenter allegarunt, quod profecto non fecissent, si huiusmodi libri ab Apostolis non fuissent approbati. Sed illos quidem libros ab Apostolis approbatos fuisse, & per Ecclesia traditionem, auctoritatem obtinuisse, beatus Augustinus aperte satis exponit, dicens: Vbi illud testimonium ponit de libro sapientia: Raptus est, ne malitia mutaret intellectum eius. Quod à me quoque positum, fratres istos ita respuisse dixistis, tanquam non de libro canonico adhibitum: & infra: Quæ cum ita sint, non debuit repudiari sententia libri sapientia: qui meruit in Ecclesia Christi, de gradu lectorum Ecclesia Christi, tam longa annositate, & ab omnibus Christianis, ab Episcopis vsq; ad extremos laicos fideles, pœnitentes, Catechumenos, cum veneratione diuinæ auctoritatis audiri. Et paulo post ait: Sed qui sententijs tractatorum instrui volunt, oportet vt istum librum Sapientia vbi legitur: Raptus est, ne malitia mutaret intellectum eius: omnibus tractatoribus anteponan: quoniam sibi eum anteposuerunt etiam temporibus proximi Apostolorum egregij tractatores, qui eum testem adhibentes, nihil se adhibere nisi diuinum testimonium crediderunt. Quæ nimirum beati Augustini senten-

Aug de
pred. san.
l. 1. c. 14.

ria non solum sapientia librum, sed ceteros veteris testamenti libros, ab Euangelica Ecclesia approbatos, imò quosdam libros noui testamenti, de quibus quondam inter Catholicos fuit controuersia, esse Canonicos aperte satis astruit. Nam Apostolorum successores de Pauli Epistola ad Hebraeos, Iacobi, Petri secunda, Ioannis secunda et tertia, & Iudæ epistolis & Ioannis Apocalypsi ad fidei dogmata & explicanda & astruenda, testimonia acceperunt. Quæ nimium testimonia non tanquam humana sed tanquam diuina prisci patres passim allegarunt, illi nunquam libri ex traditione Apostolorum inter ceteros sacros libros in Catholica Ecclesia leguntur. Quod si illi libri aliquandiu apud omnes Catholicas Ecclesias non obtinuerunt autoritatem, tamen illos nunquam Catholica Ecclesia reprobauit quia à tempore Apostolorum de quouis illorum quadam Catholica Ecclesia fide dignum testimonium perhibuerunt, ut beatus Augustinus exponit dicens. Tenebit igitur hunc modum in scripturis Canonicis ut eas quæ ab omnibus accipiuntur ecclesijs Catholicis præponat eis quas quadam non accipiunt. In eis vero quæ non accipiuntur ab omnibus præponat eas quas plures grauiorésque accipiunt eis, quas pauciores minoresque autoritatis Ecclesia tenent. Si autem alias inuenierit à pluribus, alias à grauioribus haberi, quanquam hoc inueniri non possit, æqualis tamen autoritatis eas habendas puto. Hæc ille. Omnes quidē Catholica Ecclesia de illis Apostolicis scriptis, non quod in eis hæres cõtineatur, sed quod de illorū autoribus à quibusdam

Aug. de
doc. l. 2.
c. 8.

dam dubitatum fuerit, aliquandiu non conuenere. De libris quidē apostolicis, maximē de epistolis multi in varijs mundi partibus existentes non tam citō quā de fidei doctrina conuenerunt. Quia apostolica epistola quanq̃ catholicam tradant doctrinā, tamen aut ad particulares Ecclesias, aut ad priuatos data fuerunt, ob quam causam Apostolica epistola prius apud illos ad quos fuerunt missa, quā apud ceteros autoritatē obtinuerē. Vti Pauli Epistola ad Corinth. prius apud Corinthiā q̃ apud Romanā Ecclesiā autoritatē obtinuerūt. Per Corinthiā quippe Ecclesiā illa Epistola apud Romanam Ecclesiā fuerūt approbate. Corinthiorū enim ecclesia de Pauli epistolis ad se missis fide dignū testimoniū appbans illas apud ceteras Cathol. ecclesias phibuit, simili modo ceteri Apostolici libri prius apud quasdam quā oēs cathol. ecclesias obtinuerunt autoritatē. Quod verō q̃dam Apostolica scripta citius quā alia apud Catholicā ecclesiam obtinuerint autoritatē, ecclesiarū nisfallor, libros primo recipiētū maior aut minor celebritas fuit causa. Nā Pauli Epistola citi⁹ p Romanā quā p Hebraā ecclesiā diuulgata et appbata fuerūt. Quia Romana ecclesia apud gentiū ecclesias celebrior q̃ Hebraea fuit. Hinc factū est q̃ Pauli epist. ad Hebr. aliquandiu apud oēs catholicas ecclesias nō obtinuerit autoritatē. Præterea crebrescētib. ecclesiis psecutionib. Apostolicarū eccles. testimonia ad Apostolorū scripta appbādanō facile à patrib. cōferri potuerūt. Verūtamen illa testimonia sensim diffamata fuere p vniuersā ecclesiā ex quo factū est q̃ Apostolica scripta tantū apud quasdam Catho

licas Ecclesias approbata, temporis successu apud vniuersalem Ecclesiam auctoritatem obtinerent. Denique, vnaquaq; particularis Catholica Ecclesia de Apostolicis scriptis ad se missis, aut quos ab Apostolis accepit, fide dignum testimonium perhibuit, vt Corinthia Ecclesia de duabus Pauli epistolis & de Luca Euangelio, & Romana de Marci Euangelio, & de Pauli epistola ad se missa testimonium perhibuerunt. Verum huiusmodi testimonium non apud se, sed apud Ecclesias, quae non euidenter Apostolica scripta receperunt, Apostolorum scripta approbavit, hinc manifestè constat, quòd Ecclesiae approbatio non facit scripturam veram, sed auctoritatiuè definit illam esse veram, & per istam Ecclesiae approbationē diuina scriptura obtinuit apud Catholicam Ecclesiam, & apud singulos fideles auctoritatem: & sicut nemo sine praedicante credit Dei verbo, ita sine Ecclesiae approbatione nullus Catholicus aliquem librum recipit pro sacra scriptura, quae approbatio non scripto, sed viua voce tradita est. Quod si illa per sacram scripturam traderetur, ea scriptura etiam indigeret Ecclesiae approbatione: sicut enim in disciplinis ad discendum aliquid non est procedendum in infinitum, sed incipiendum est ab aliquo primo: ita ad credendum, incipiendum est ab Ecclesiae approbatione, per quam veluti à posteriori seu per effectum credimus illam scripturam esse sacram, & illud verbum esse diuinum.

Dei Ecclesia per solam traditionem
sine scriptura, fidei synceritatē quon-
dam retinuit.

Verum sectarij vt falsa dogmata licentiosius as-
serant, scripturas solas extare ad fidei dogma-
ta astruenda, dogmatizant, vt Calvinus exponit, Cal. cap. 1.
cum ait: Vbi sermonem Dei esse qui proponitur incon-
fesso est, nemo est tã deplorata audacia nisi forte à sen-
su communi & humanitate quoque ipsa destitutus,
qui fidem loquenti negare ausit. Sed quoniam non
quotidiana è cœlis redduntur oracula scripturæ solæ
extant. Quæ certe sententia manifesta hæresis est:
Nam quanquam diuina scriptura sit necessaria &
utilis ad synceram fidem conseruandam & propagā-
dam, tamen prophetia et miraculorū donis cessanti-
bus, ad fidem astruendam, scripturam solam non suf-
ficere, sed sacram traditionem, esse necessariam, Dei
verbum docet cum ait: Quomodo credent ei, quem
non audierunt? Quomodo autem audient sine præ-
dicante? Quomodo verò predicabunt, nisi mittan-
tur? Quæ quidē verba animaduersione digna sunt:
non enim ait, quomodo credent in eum quem non le-
gerunt, sed non audierunt: nec dixit, quomodo predi-
cabunt sine scriptura, sed nisi mittantur. Paulus ni-
mirum credentes (nō quod in aliquo ab scriptura sit
dissentendum, sed quod sacris libris, Ecclesiæ tradi-
tio seu doctrina prior, vniuersalior & explicitior sit)
non per scripturam, sed per Ecclesiæ doctrinam siue
traditionē persuadēdos, & predicatorum per Ecclesiā

Cap. 71.

Cal. cap. 1.

par. 13.

Ad Rom.

cap. 10.

auctoritatem approbandos exposuit. Nam si in huma-
 nis disciplinis Philosophi cuiuscunque argumenti no-
 titiam, doctrinam, & scripturam non confundunt
 sed distinguunt, quanto magis in religione q̄ colendi
 Deū est disciplina fieri debuerit. Inter illa q̄dam natu-
 ralis est ordo, ita vt rerū notitia prior sit q̄ doctrina et
 rerū doctrina prior q̄ scriptura, ex quo ab inuicē nō
 raro separantur, imō in viris eruditis quotidie separa-
 ta videmus. Sūt enim aliq̄ quos vulgò sibi solis sapere
 dicimus, q̄ sola rerū cognitione cōtenti, nihil amplius
 desiderant. Sunt etiam & aliq̄ q̄ quam habent disci-
 plinarum cognitionem publicè profitentur, quos &
 notitiam & doctrinam habere dicimus. Hos subse-
 quuntur tertij qui post perfectam notitiam longam-
 que illis in scholis lectionem & exercitationem poste-
 ritatis ergò, multa literarum monumentis relique-
 runt & literis insinuari curauerunt: penes quos
 tria illa contineri, notitiam, inquam, doctrinam &
 scripturam nemini dubium est. Atque de doctoribus
 ab scriptura abhorrentibus Iosephus testatur dicens.
 Constat autem, quod apud Græcos nulla inuenitur
 cōscriptio poemate Homeri vetustior: & hunc etiam
 post bella Troiana fuisse manifestum est. Et aiunt
 neque hunc literis suum poema reliquisse sed canti-
 bus memoria reseruatum, postea fuisse compositum
 & propterea multam in eo comperiri dissonantiam.
 Eiusdem sententiæ est Augustinus, cum ait: Nam
 Pythagoras, quo in illa contemplatiua virtute nihil
 tunc habuit Græcia clarius, non tantum de se, sed
 nec de vlla re aliquid scripsisse perhibetur. Socrates

Ioseph.
 cont. A pp.
 l. i.

Aug. de
 conf. euāg.
 l. c. c. 7.

antem, quem rursus in actiua, quàm mores infor-
mant, omnibus pratulerunt, ita vt testimonio quo-
que Dei sui Apollinis omnium sapientissimum pro-
nunciatum esse non taceant, AESopi fabulas paucu-
lis versibus prosecutus est, verba & numeros suos ad-
hibens rebus alterius vsque adeo nihil scribere voluit,
vt hoc se coactum imperio sui demonis fecisse dixe-
rit, sicut nobilissimus discipulorum eius Plato comme-
morat. In quo tamen opere maluit alienas quam suas
exornare sententias. Tantum ille. Et non solum in o-
rigine illarum trium rerum est naturalis ordo, vi-
delicet, quod ex notitia, doctrina: atque ex doctrina
quodammodo scriptura emanauit, sed queuis illarum
quo prior, eo est alia explicitior & vniuersalior. Viri
namq, eruditi de rebus difficilib. explicitiorē notitiam
quā vt eam possint sermone explicare habuerūt, nam
vt sapiēs ait: Cunctæ res difficiles nō potest eas homo
explicare sermone, vnde plura illi intellexerūt quam
viva voce exposuerūt. Doctrina similiter scriptura est
clarior & vniuersalior. Nam sicut rerū imagines il-
lis quorū sunt imagines omnino nō assimilantur, ita
voces & scriptura nō omnimodo significant, res, qua-
rum sunt nota, quia nec p voces animæ affectus, nec
per scripturam vocis pñunciatio & efficacia exacte
exprimi possūt. Ex quo non mirandū est si viri erudi-
ti multa plura, & longè clariūs viua voce quàm scri-
pta exposuerūt. Atq, hac ita esse in Apostolis & Pro-
phetis perspicere licet, Propheta nāq, atq, Christi di-
scipuli primò fidei dogmatum notitiam habuerunt,
secundo viua voce diuinas cogitationes populo

Eccl. 1.

tradiderunt, tertio in memoria subsidium fidem literis mandarunt, ex quo clarissime constat, quod sicut Dei reuelatio facta Apostolis fuit prior quam Apostolica predicatio, ita Apostolica traditio longe fuit prior quam Apostolica scriptura, nam eiusdem argumenti notitia prior est quam doctrina, & doctrina quam scriptura. Multo enim tempore ante legem scriptam, & sancta Dei Ecclesia, & vera religio fuit. Verum cum sine fide impossibile sit placere Deo, per illud tempus sine scripturis, per patrum traditionem seu doctrinam, fides & conseruata & propagata fuisset oportuit. Christus etiam (de quo scriptum est. Erat lux vera, quae illuminat omnem hominem venientem in hunc mundum) legem Euangelicam non scripto, sed viua voce discipulis tradidit. Christi quoque discipuli Euangelium sibi à Christo traditum Iudaeis & gentibus viua voce tradiderunt. Gentes enim ac Iudaei per Apostolorum traditionem, antequam Euangelium literis mandaretur, in Christum crediderunt. Romana etiam Ecclesia antequam Paulus illi scriberet, per Apostolorum traditionem fidei obediuerat. Sed quid multis: Christi Apostoli Euangelium infidelibus, & fidelibus tradiderunt, sed omnes libri Canonici tam veteris quam noui testamenti, non ad infideles, sed ad fideles dati aut missi fuerunt. Paulus enim non ad gentium res publicas, sed ad Dei Ecclesias epistolas misit. Ex quibus inconfesso est, quod non solum traditio est prior scriptura, sed quod Dei Ecclesia non per scripturam, sed per traditionem fuit fundata & propagata, ob idque illa sine scripturis in fidei sinceritate diu

Ioan. c. i.

diu perſeuerauit, vt Irenæus exponit, dicens: Quid au Iren. l. 3.
tem, ſi neque Apoſtoli quidem ſcripturas reliquiſſent^{c. 4.}
nobis, nonne oportebat ordinem ſequi traditionis,
quem tradiderunt ijs, quibus committebant Eccleſi-
as? cui ordinationi aſſentiunt multæ gentes Barbaro-
rum eorum, qui in Chriſtum credūt, ſine charactere
vel atramento ſcriptam habentes per ſpiritum in cor-
dibus ſuis ſalutem, & veterem traditionem diligen-
ter cuſtodientes. Et infra ait: Hanc fidem qui ſine li-
teris crediderunt, quantum ad ſermonem noſtrum
barbari ſunt. Quantū autem ad ſententiam, & con-
ſuetudinē & cōuerſationem propter fidem, perquam
ſapientiſſimi ſunt & placent Deo, conuerſantes in
omni iuſtitia & caſtitate & ſapientia. Quibus ſi ali-
quis annunciauerit ea, quæ ab hæreticis adinuenta
ſunt, proprio ſermone eorum colloquens, ſtatim con-
cludentes aures, longo longiùs fugient. Tantum ille.

Chriſti diſcipuli plura fidei myſteria Caput 72.
viua voce quàm ſcripto tradiderunt.

Apoſtolica etiam traditio non ſolam eſt prior
Apoſtolica ſcriptura, ſed plura fidei myſteria
quàm ſcriptura continet. Nam cū Chriſti
diſcipulis ſpeciale mandatum de prædicando Euan-
gelio iniunctum fuit, longè maiore prædicandi quàm
ſcribendi Euangelium curam ſuſceperunt: ex quo om-
nes Euangelium viua voce tradiderunt, pauci verd
illud literis mandârunt. Et hi qui mandârunt, à ſpi-
ritu ſancto inſpirati fecerunt, ne catholica eccleſia
deeffet, id quod ad fidei ſinceritatem maximè condu-

Ioan. ca. 21

cit. Atq; ita euangelica ecclesia post apostolicam & sacram traditionem, sacram noui testamenti habere scripturam incepit: inter vtrinq; tamen hoc interest, quod apostolica scriptura, euangelica historia cōpendium siue epitome est, Apostolica aut traditio vniuersam historiam euangelicā complectitur. Quā sententiam sacra scriptura prae se fert, noui enim testamēti libri nec singuli nec oēs vniuersam euāgelicam historiam complectuntur. Matthaeus quidē nonnulla praetermisit, quae à ceteris narrātur. Ioānes verò quadā ab alijs scripta prateriens, alia à ceteris pratermissa narrat, similiter ceteri Euangelista fecerunt. Quod verò oēs Euangelista aliqua pratermisissent, testatur Ioānes dicens. Sunt aut & alia multa quae fecit Iesus: quae si scribātur per singula, nec ipsum arbitror mundum capere posse eos, qui scribēdi sunt libros. Quē locū beatus Augustinus exponēs, ait: Nō spacio locorū, credēdum est mundū capere nō posse: quae in eo scribi quomodo possent, si scripta nō ferret? Sed capacitae legentium cōprehendi fortasse nō possent: quāuis salua rerū fide, plerunq; verba excedere videātur fidē. Quod non fit, quando aliquid, quod erat obscurum, vel dubiū, causa et ratioe reddita exponitur: sed quādo id quod apertū est, vel augetur vel extenuatur, nec tamen à tramite significādae veritatis erratur: quoniam sic verba rem quae indicatur excedūt, vt voluntas loquētis, nec fallentis appareat, qui nouit quousq; credatur, à quo vltra quā credendum, vel minuitur loquendo aliquid, vel augetur. Sacri quidē scriptores ad fidei mysteria significantiūs explicanda, veritatē sectantes

fectantes figuratis locutionib. non rarò vtùtur. Hinc
 est q̃ illa euangelica hyperbolica locutio, cùm aut a-
 gendi, aut minuēdi vim habeat, apostolicā nimirum
 scripturā, vniuersam historiam euangelicā non com-
 prehēdere: aptè satis significat. Quòd si nouum te-
 stamentum omnia Christi facta et verba cōplectre-
 tur: tantum abest, vt hyperbole hīc locum habuisset,
 vt potius fuisset mendaciū. Vnde cùm Christi mirabi-
 lia opera humanum excedant captum, Euangelista
 humani intellectus imbecillitatē, ac mirabiliū Chri-
 sti operū excellentiā significatiū quā hyperbolica
 locutione nō potuit exponere. Istam sententiā Fabius
 de hyperboles natura differēs exponit, cùm ait. Tūm
 est hyperbole virtus, cū res ipsa de qua loquēdū est,
 naturalem modū excessit. Conceditur enim amplius
 dicere, quia dici quantū est, nō potest, melius q̃, vltra,
 quā citrà stat oratio. Itē Paulus quadā fidei myste-
 ria se nō literis tradidisse, clarè exponit, dicens. Desi-
 dero enim videre vos, vt aliquid impartiar vobis gra-
 tia spiritualis, ad cōfirmādos vos .i. simul cōsolari in
 vobis p̃ eā q̃ inuicē est, fidem vestrā atq̃ meā. Quòd si
 Paulus suis scriptis cōplexus fuisset oēm euangelicam
 historiā, nil restaret viua voce tradēdū. Verū quia
 p̃ epistolā nec oīa ad fidem necessaria, nec tam clarè
 q̃ viua voce tradere poterat: idē quod scriptura dee-
 rat, per traditionē supplere desiderabat. Clemēs Ale-
 xandrinus istā apostolicā sententiā illustrat dicens:

Quint. lib.
 8. cap. 6.

Ad Rom.
 cap. 1.

Cle. Alex.
 Strom. l. 5.

Non

Ad Rom.
cap. 15.

Non poterant aperte literis scribi eiusmodi dona. In-
frà etiam in eandem sententiam, ait: scio quod veni-
ens ad vos, inquit Apostolus, veniam in plenitudine
benedictionis Christi. Spiritale donum, & traditio-
nem, quæ est ex cognitione, eis presentibus presens cu-
pit impertire (neque enim ea poterant significari per
epistolam) plenitudinem Christi, vocans per reuelationem
mysterij, quod æternis temporibus fuerat ta-
citum. Sacri igitur scriptores Christi opera & verba
(non quòd illorum quadam aut vulgaria aut vana
fuerint, sed quòd difficilia tùm dictu, tùm intellectu
sint) non omnia scripserunt. Neq; idè ignorantia,
falsitatis, aut negligentia arguendi sunt, vt beatus

Aug. con.
F. ult. lib.
17. cap 3.

Augustinus loquens de Ioanne Euangelista exponit,
dùm ait: Quasi fieri non potuerit, vt cùm omnia quæ
à Domino audierat, scribere nō posset, inter alia quæ
pratermisit & hoc pratermiserit, cùm in alia scriben-
da esset intentus. Nōne Euangelium suum ita ipse
conclusit dicens: Et alia quidem multa fecit Iesus,
quæ si scribantur singula, nec ipsum existimo capere
mundum, qui scriberentur libros? His utiq; ostendit,
se scientem multa pratermisisse. Euangelista quippe
cùm non humano sed diuino spiritu afflati animadu-
uertissent euangelicā historiā viuā voce iuxta Chri-
sti mandatum per idoneos cōcionatores copiosè tradi
oportere, nō singula Christi opera, sed potissima tan-
tum scripserunt. Nam cùm Christus discipulis quòd
de se viuā voce testimonium perhiberent præcepisset,
dicens: Eritis mihi testes in Ierusalem, & in omni Iu-
daea, & Samaria, & vsque ad vltimū terræ, illi sum-

man

mam, adhibuerunt curam, ne quid actorum Christi predicando praterirent. Quare cum in hominis redemptione, sicut in mundi creatione Deus nihil fecisset frustra (omnis namq, Christi actio nostra fuit instructio) si Christi discipuli in concione non nihil actorum Christi pratermisissent, fideles testes non fuisset. Hinc est quod Christi discipuli de Christo copiosius et efficacius testimonium predicando, quam scribendo perhibuerint. Nam euangelica historia à paucis Christi discipulis fuit scripta, fuit tamen ab omnibus pari consensu viua voce predicata, ex quo euangelium aut Ioannis, aut Luca, &c. Traditio verò non Petri nec Pauli, sed Apostolica appellatur. Cōstat igitur ex his cum sacra scriptura, nec omnia dogmata contineat, nec sui ipsius exactam explicationem complectatur, quod sacra traditio ad sinceram fidem tenendam atq, ad dogmata explicanda, æqualem cum scriptura apud ecclesiam obtineat autoritatem.

Ecclesiæ traditio de religionis dogmatibus, tam Dei oraculū est, quàm Caput 73.
sacra scriptura.

Verum Calvinus aduersus istam euangelicam Cal. cap. 8.
para. 73.
sententiam ait: Esto igitur hoc firmū axioma, nō aliud esse Dei verbum, cui detur in ecclesia locus, quàm quod lege primū & prophetis, deinde scriptis apostolicis continetur. Præsentis seculi sectarij istius errores non auctores, sed priscorum hereticorū sectatores sunt. Firmissimum quippe axioma omnium hereticorum est, nullum esse Dei verū præter sacram

*sacra scripturā, ob idq̃, sacra scriptura et nihil prae-
 reā credendum, illi cōstanter asserunt. Vt Maximus*
Aug. cont. Arianorū episcopus apud Augustinū asserit, dū ait:
Mar. lib. 1. Et quia dignata est religio tua mihi facere iniuriā, si
interrogat, in quibus valeo, rēspōsum dabo: si aliquid
ratiōabile dixeris, necesse est vt sequar. Si quid enim
de diuinis scripturis protuleris, quod cōmune est cum
omnibus, necesse est vt audiamus. Haec verò voces quae
extra scripturā sunt, nullo casu à nobis suscipiuntur.
Præterea cū ipse dominus moneat nos et dicat: Sine
causa colūt me, docentes mandata et praecepta homi-
nū &c. Huiusmodi nimirū sunt nostri seculi sectarij,
illi quippe dogmata ad religionē spectantia, sacris lite-
ris nō expresse contenta tanquā humanas traditiōes
fidei cōtrarias à religione summonerit. Verūm oēs il-
li miserè falluntur: nā traditionū quaedam sunt diui-
nae, quaedā verò humanae, et humanarū quidem tra-
ditionū quaedam iustae, quaedam aut̃ iniustae sunt: q̃
profectò tria nō sunt cōfundenda, sed exacte exami-
nanda ac distinguēda. Verūm quae traditiōes sint di-
uinae, quae verò humanae, atq; istarū quae piè aut̃ quae
impie sint, nō cuiuscunq; priuati hominis nec parti-
cularis, sed catholica ecclesiae definire interest: ac de
humanis quidē traditionib. postea, nunc verò de diui-
nis est sermo. Sacra quidē traditiōes auctoritatem, sa-
cra scriptura auctoritati aequalē esse apud oēs fideles
incōfesso est. In ecclesia enim principio, Adā, Noe, &
ceteris patriarchis verae religiōis notitiā Deus reuela-
uit. Quā notitiā fideles postea patres suis filijs nō per
scripturā, sed viua voce tradiderunt. Quod si illi reli-
gionis

gionis dogmata, q̄ vna voce filios suos docuerūt, literis mandauissent, illa pculdubio scriptura fuisset sacra. Igitur traditio est sacra, id est, Dei oraculū, quia eiusdē argumēti traditio et scriptura eandē habet veritatē et autoritatē. Nā scriptura est nota eorū quæ sunt in voce. Illa quippe sentētia, Ecce agnus Dei, vna voce tradita à Ioanne Baptista, quanq̄ nunquā scripta fuisset ab Euangelistis, nihilominus Dei oraculū et aqualis autoritatis cū sacra scriptura fuisset. Sicut igitur ista sententia (Verbum caro factū est) in voce et scripto eiusdē autoritatis est: ita prophetarū eiusdē argumenti et p̄dicatio et scriptura tantundē sunt veritatis et autoritatis. Ob quā causam sine scriptura religio vera p̄ traditionē ab Adā vsq̄ ad legis scriptæ promulgationē in populo Hebræorū progressa fuit. Præterea lex scripta p̄ quā antiqua religio fuit aucta patriarcharū traditionē, Dei oraculum fuisse testatur. Moyses enim cui multo plura religiōis mysteria quā eius prædecessorib. reuelata fuerūt, dei legē literis mādans de patriarcharū traditionē fide dignū phibuit testimoniu, vt Christus exposuit, cū dixit: Moyses dedit vobis circumcisionē: nō q̄a ex Moyse est, sed ex patribus. Sacramentū quidē circumcisiōis, ac ceteri vere religiōis ritus, ante scriptā legem non humana, sed diuina fuerunt traditiones, & tamen nō fuerant sacris literis mandata. Circumcisio enim non modò quod in Moyse lege fuerit scripta, sed etiā quod à Deo fuit Abrahæ, & per illum ceteris tradita in Hebræorum populo autoritatem obtinuit. Christus etiam traditionem longē efficacius quàm Moyses approbavit.

Nam

Ioan. ca. 7.

Nam euangelium per quod lex perficitur non literis mandauit, sed uiua voce discipulis tradidit. Insuper illis ut euangelium Iudæis & gentibus uiua voce tra-

Mat. ca. 28

derent, præcepit, cum dixit: Eūtes ergo docete omnes gentes, &c. Christi profectō discipuli post aduentum spiritus sancti, tam uiua voce fidem prædicādo, quā scribendo diuino spiritu ducti fuere, ut scriptura do-

Mat. ca. 10.

cet, dū ait: Cū autem tradent vos, nolite cogitare quomodo aut quid loquamini: non enim vos estis qui loquimini, sed spiritus patris vestri qui loquitur in vobis. In alio loco etiam inquit. Hoc primū intelli-

2. Pct. 1.

gētes, quod omnis prophetia scriptura propria interpretatione non fit. Non enim voluntate humana allata est, aliquando prophetia, sed spiritu sancto inspirati, locuti sunt sancti Dei homines. Prophetæ igitur & Christi discipuli, non solum scribendo, sed uiua voce concionando, prophetarunt. Quare beati Pauli ac cæterorum Christi discipulorum conciones tam Dei oraculum, quā vniuersi noui & veteris testamenti libri fuerunt. Vnde si aliquis prædicationem discipulorum Christi, notis fideliter & autentica excepiſſet, profectō illa scriptura absq; dubio fuisset diuina. Vti Ieremiæ liber, quem Baruch eius notarius scripsit. Lucas etiam catholica ecclesia fidelis notarius, Pauli & aliorum Christi discipulorum prædicationem notis excipiens euangelij edidit librum. Quam sententiā ipsemet exponit dicens: Quoniam quidem multi conati sunt ordinare narrationem, quæ in nobis completa sunt rerum: sicut tradiderunt nobis, qui ab initio ipsi viderūt & ministri fuerunt sermonis, visum est

Lucæ 1.

est et mihi assequuto omnia à principio diligenter ex ordine tibi scribere optime Theophile, vt cognoscas eorum verborum, de quibus eraditus es, veritatem. Marcum quoq³ Euangelistam beati Petri fuisse interpretem, beatus Hieronymus aperte satis testatur, Hiero. in cat scrip. dicens: Marcus discipulus & interpretes Petri, iuxta quod Petrum referentem audierat, rogatus Romæ à fratribus, breue scripsit Euangelium. Quod cum Petrus audisset, probauit, & ecclesiæ legendum sua auctoritate edidit, sicut Clemēs in sexto ὑποτυπωτικῶν libro scribit &c. Verum cum apostolica prædicationis quadam dogmata à sacris scriptoribus non fuissent scripta, nec animo excidisset, nata fuit distinctio inter sacram traditionem, et sacram scripturam. Nam euāgelica historia quadam quidem dogmata, sacra scriptura comprehendit, quadam verò sacra traditio exponit. Hinc est quòd sacra scriptura est supernaturalis diuina historia à spiritu sancto per homines literis memoriaq³ mandata: sacra verò traditio est supernaturalis quadam diuina historia à spiritu sancto per hominum viuam vocem memoria mādāta. Sacra igitur traditio cum non humano, sed diuino spiritu ab omnibus Christi discipulis concorditer fuerit dispēsata, apud catholicam ecclesiam tātā auctoritatem, quantam sacra scriptura semper obtinuit. Et meritò quidem, quia Apostolica traditio tam Dei est oraculum, quàm sacra scriptura.

Ecclesiæ traditio æqualis seu potius eiusdem auctoritatis est cum sacra scriptura. Caput 74.

2. Ad Th. 2

Apostolus quidem Paulus sacram traditionem distinctam à sacra scriptura, sed eandem cū scriptura habere auctoritatē clarissimè docet, cū ait: Itaque fratres state, & tenete traditiones quas didicistis, siue per sermonem, siue per epistolam nostram. Illa profectò verba siue per sermonem, siue per epistolam, sacram traditionem et sacram scripturam non eadem dogmata continere significāt, quòd si omnia dogmata literis fuissent mandata, quorsum Paulus dixit: siue per sermonem, siue per epistolam? Quibus nimirum verbis Paulus traditionem & scripturam distinguit. Vnde huiusmodi distinctio non ab hominibus excogitata, sed à Deo reuelata fuit. Ob quam causam catholica ecclesia illam obseruat. Verum licet traditio & scriptura, quantum ad dogmata distinguantur, non tamen quantum ad auctoritatem distinguuntur. Quia dogmata siue scripta, siue viua voce tradita sint, aequalem seu potius eandem auctoritatem apud catholicam ecclesiam obtinent. Quam sententiam illa vocola: state et tenete, mirifice exponunt. Paulus profectò non dixit solam scripturam, tanquàm diuinum oraculum tenete, traditionem verò tāquam humanum statutum vera religioni contrarium submouete, sed de vtraque sine discrimine dixit: Itaque fratres state, & tenete traditiones quas didicistis, siue per sermonem, siue per epistolam nostram. Paulus etiam diuinam obseruare traditionem, tanquàm Dei oraculum frequenter precipit monetq;: Imitatores, inquit, mei estote, sicut & ego Christi. Laudo autē vos, fratres, quòd per omnia mei

1. Ad Cor.
cap. 11. 15.

mei memores estis: & sicut tradidi vobis, precepta mea tenetis. Infrà etiam dixit: Notum autem vobis facio fratres Euangelium, quod pradicaui vobis, quod & accepistis, in quo & statis, per quod & saluamini, quà ratione predicauerim vobis, si tenetis, nisi frustrà credidistis. In alio quoque loco eandem astruit sententiam, dicens: De cetero ergò fratres, rogamus vos et obsecramus in Domino Iesu: vt quemadmodum accepistis à nobis quomodo oporteat ambulare & placere Deo, sic & ambuletis, & abundetis magis. Scitis enim quæ precepta dederim vobis per Dominum Iesum. Ex quibus certè locis Caluini ceterorumq; sectariorum error, videlicet non aliud esse Dei verbū cui detur in ecclesia locus, quàm quod lege primū & Prophetis, deinde scriptis Apostolicis continetur, aperte satis conuincitur. Nam sacra traditio Dei verbum est non scriptum, cui catholica ecclesia cum Apostolo Paulo tantam auctoritatem, quantam sacra scriptura semper defert. Quod prisci ecclesiæ doctores pari consensu testantur. Beatus quidem Basilus ait: Dogmata quæ in Ecclesia seruantur ac pradicantur, partim ex conscripta doctrina habemus, partim ex Apostolorum traditione ad nos delata in mysterio recipimus. Quæ vtraque eandem ad pietatem vim habent, & nemo his contradicit, qui vel modicam saltem Ecclesiasticorum iurium experientiam habet. Atque infrà enarratis quibusdam Apostolicis traditionibus. Deficiet me, inquit, dies, si ecclesiæ mysteria scripto non prodita recensere

1. Ad Thef.

cap. 4. et 2.

cap. 2.

Basil. de

spi. san.

cap. 27.

Hiero. ad-
uer. Lucif

1. ad Thcf.
cap. 2.

velim. Omitto reliqua, ipsam fidei confessionē, quod credimus in patrem & filium ac spiritum sanctum, ex quibus scriptis habemus. Beatus quoque Hieronymus eandem sententiam tenet, dicens: Exigis ubi scriptum sit in actibus Apostolorum. Etiam si scriptura autoritas nō subesset, totius orbis in hanc partem consensus instar precepti obtineret. Nam & multa alia, quæ per traditionem in Ecclesijs obseruantur, auctoritatem sibi scripta legis vsurpauerūt. Item beatus Chrysostomus illud Pauli: Itaque fratres stete & tenete traditiones, &c. exponens, sacra traditionis auctoritatem mirificè illustrat dicens: Hinc patet, quod nō omnia per epistolam tradiderint, sed multa etiam sine literis. Eadē verò fide digna sunt illa, atque ista. Atque traditionem quoque ecclesia fide dignam putamus. Traditio est, nihil quærās ampliùs, tantum ille. Quàm necessarium sit sacra traditioni credere, ex hoc maximè constat, quod illa sola sit qua sacram scripturam nobis patefacit, & sine illius testimonio sacra scriptura fides non habetur. Sectarij quidem traditionem non recipientes, sacra scriptura auctoritatem penitus eneruant. Bibliam quidem esse Dei oraculum, omnes fideles tãquàm fidei articulum tenentur credere, & tamen cum nullum scriptum Dei verbum præter ecclesiæ traditionem de biblia testimonium perhibet, reliquum est, vt sectarij non recipientes non scriptam traditionem, neq; sacra etiam scriptura auctoritatem deferant. Quæ certè assertio manifestissima hæresis est. Vnde cum nullum scriptũ Dei verbum de biblia testimonium perhibeat, et credere

dere sine fide digno testimonio sit temeritatis, necesse est ad credendum bibliam, esse Dei oraculum, ut primum credamus sacrae traditionis testimonio. Cuius autoritas non minoris habenda est, quam sacra scriptura. Sicut enim ad austruenda quadam dogmata necessaria est scriptura, ita ad astruendam scripturam necessaria est traditio. Nam quanquam scriptura Deum Moyse, Esaia, & ceteris patribus locutum exponat, tamen hunc librum ab Esaia, illum verò à Ieremia, & sic de ceteris fuisse scriptum, ac esse diuinam scripturam, nisi per sacram traditionem nemo est factus certior. Sacri quidē scriptores libros per diuinam reuelationem à se editos, aut per se, aut per fide dignos tabellarios esse suos, viua voce asseruerunt: quod beatus Augustinus exponit, cum ait: Vnde constat, quid cuius sit, nisi quia his temporibus, quibus ea quisque scripsit, quibus potuit insinuauit atque edidit, & inde in alios atque alios continuata notitia, latiusque firmata, ad posteros, etiam usque ad nostra tempora peruenerunt, ita ut interrogati cuius quisque liber sit, non haesitemus quid respondere debeamus? Sed quid pergam in longè præterita? Ecce istas literas, quas habemus in manibus, si post aliquantum tempus vite huius nostrae, vel illas cuiusquam Fausti esse, vel has negat esse meas, unde conuincitur, nisi quia illi, qui nunc ista nouerunt, notitiam suam ad longè etiam post futuros continuatis posterorum successionibus trañciunt. Hac ille, Ex quibus nimirum verbis constat, quod si sacra traditio, aut antiquata fuisset, aut apud Ecclesiam

Aug. cont.
Faust. li. 33
cap. 6.

autoritatem non obtinuisset, sacra scriptura omnino abrogata fuisset. Item si sectariorum sententia fuisset vera, quòd nihil prater Dei scriptum verbum, est tenendum, fides tunc temporis maior habenda esset traditioni, quàm scripturæ: imò nulla fides habenda fuisset Apostolicis scriptis. Quid, quòd si tantum scriptura, vt sectarij dogmatizant, credendum est, cum sacra scriptura non dicat scribite, sed predicate euangelium, vt Christi ordinatio staret, Apostolorum potius prædicationi, quàm scriptis credendum esset. Huiusmodi quidem assertionem sectarij velint nolint, fateantur oportet. Nam apud illos argumentum à Dei verbo non scripto, siue ab autoritate negatiue sumpta, perinde ac demonstratio fidem facit. Vti ista argutiuncula Christus non dixit scribite, sed predicate euangelium, igitur non est credendum Apostolorum scriptis, sed traditionibus. Verum sicut ille modus arguendi apud sectarios nihil contra scripturæ autoritatē astruit, ita nec contra ceteros articulos controuersos aliquid persuadet, quia veræ religionis quadam dogmata sunt necessario credenda, quæ non sunt scripta, sed tantum viva voce tradita. Huiusmodi est, bibliam esse Dei oraculum. Atque hinc est, quod licet Christum dixisse discipulis, scribite euangelium, non legatur, nihilominus scripta Apostolica sunt tenenda tanquam Dei oracula. Per traditionem quippe non scriptam, Christi discipulos Dei spiritu afflatos fuisse locutos ac scripsisse, catholica ecclesia constanter credit. Denique quicumque sacram scripturam recipit, sacram traditionem recipiat oportet. Sacra enim
scriptu-

scriptura tam expressum testimonium de traditione, quam de quouis fidei articulo perhibet, scriptura etiam & traditio inuicem se astruunt, nam per traditionem diuina scriptura innotuit fidelibus, atque fideles, credentes, sacram scripturam. sacram non scriptam traditionem credant, est necesse.

Omniū scripturarum sacra biblia est difficillima.

A Tque non solum per ecclesia traditionē bibliam esse Dei oraculum credimus, sed etiam de scriptura germano sensu facti sumus certiores. Caput 75
Ad sacra enim scripturam sincere intelligendam, ecclesia nō scriptam traditionem tanquam regulam obseruare oportet. Quanta enim diuinarum scripturarum sit obscuritas, tūm ingens piorum, ac doctissimorum virorum in exponendis scripturis, & diligentia, & solertia, tūm illorum varia, tametsi vera, atq; cum sincera fide consonantes expositiones, tūm tanta sectarum seu haresum ex peruersa scriptura expositione multitudo, aperte satis docet. Quod si sacra scriptura facile intellectu fuisset, sanctorum doctorū piū studiū superuacaneū fuisset: et de illius sensu nec tot, nec tam varia, nec tam contraria inter expostores sententiā extitissent. Verūm cū circa sacra scripturam tanta aut variarū aut cōtrariarum expositionum multitudo sit, quanta circa nullam aliā scripturam vnquam fuit, illam omnium scripturarum esse obscurissimam, nullis nisi intellectu destituta, non est in confesso. Aug. conf. li. 12. ca. 14
De sacra scriptura obscuritate beatus Augustinus ait: Mira profunditas

Gg 4 eloquio-

Epist. 3.

eloquiorum tuorum, quorum ecce ante nos superficies blandiens paruulis: sed mira profunditas Deus meus, mira profunditas. Horror est intendere in eam, horror honoris, & tremor amoris. In alio loco eandem illustrans sententiam, inquit: Tanta est enim Christianorum profunditas literarum, ut in eis quotidie proficerem, si eas solas ab ineunte pueritia usque ad decrepitam senectutem maximo ocio, summo studio, meliore ingenio conarer addiscere: Non quod ad ea, quae necessaria sunt saluti, tanta in eis perueniatur difficultate, sed cum quisque ibi fidem tenuerit, sine qua pie recteque non viuitur, tam multa, tamque multiplicibus mysteriorum umbraculis opaca intelligenda, proficientibus restant, tantaque non solum in verbis, quibus ista dicta sunt, verum etiam in rebus quae intelligendae sunt, latet altitudo sapientiae, ut annosissimis, acutissimis, flagrantissimis, cupiditate discendi hoc contingat, quod eadem scriptura quodam loco habet: Cum consummauerit homo, tunc incipit. Eiusdem sententiae est beatus Chrysostomus, dum ait: Magna diuinae scripturae virtus est, & multae in verbis latent sententiarum diuitiae. Ideo conuenit, ut diligenter intendamus, et sollicitè scrutemur, quo ampliore utilitatem inde percipiamus. Nam propter hoc et Christus praecepit, dicens: Scrutamini scripturas, ut non tantum nuda lectioni vacemus, sed indagatis profundis, verum veritatis sensum percipere valeamus. Talis enim scriptura mos est, ut et in paucis verbis plurima saepe multitudo sensuum inueniatur. Sacra sanè scriptura non quod sacri scriptores diuinam historiam literis abdide-

Chry. sup.
Gen. ho.
36.

abdiderint, sed quod fidei mysteria omnium naturalium rerum abditissima, verbis exactè explicari non possint, omnium scripturarum difficillima est. Illi quidem non suas, sed diuinas cogitationes: non naturalem, sed supernaturalem historiam: non hominum, sed Dei gesta literis mandarunt. Quæ certe omnia non naturalis ingenij viuacitate, sed Deo reuelante cognouerunt. Religionis quippe arcana tam occulta sunt, quod nulli nisi Deo reuelante certo constare possunt: at natura secreta, non pauca ab homine, & inuenta, & detecta fuerunt. Hier. ad Gal. c. 1.
 hinc sacri scriptores primam mysteriorum traditionem reuelandi verbo significarunt, quod beatus Hieronymus exponit dicens: Verbum quoque ipsum, ἀποκαλύψις, id est, reuelationis, propriè scripturarum est: & à nullo sapientium seculi apud Græcos usurpatum. Et infra: Hoc ut manifestius fiat: accipite exemplum. Moyses cum Deo reuelata & aperta facie loquebatur, id est absque velamine: ad populum autem loquens quia vultum eius attendere non valebant, velamen ponebat in facie. Ante arcam quoque testamenti velum oppansum erat: quod cum fuisset reductum, ea quæ antè abscondita fuerant prodebantur: & ut ipso verbo utar, reuelabantur. Tantum ille. Inter naturæ quidem secreta ab hominibus adinuenta, & fidei mysteria à Deo reuelata hoc interest, quod illa postquam fuerunt inuenta, iam non sunt arcana. Omnibus enim illa discantibus tam nota, imo quibusdam notiora sunt, quam inuentoribus fuerunt, quia in humanis disciplinis plerun-

que sit aliqua accessio, fidei verò mysteria quibusdam reuelata quanquam literis memoriaque mandata semper sunt ceteris arcana, quia non tam nota sunt credentibus quàm fuerunt Prophetis & Apostolis. Quid quod istis illa fuerunt reuelata, ceteris verò velata, id est, obscurè sunt tradita, quia humana verba diuina mysteria non satis explicant. Vnde fidei dogmata per reuelationem prophetis explicite tradita, per scripturam obscurè & implicite ceteris proponuntur. Quam sententiam Clemens Alexandrinus exponit dicens. Sed, vt videtur, multis in hodiernum diem videtur Maria esse puerpera. propter ortum filij, cum non sit puerpera: etenim dicunt aliqui eam postquam peperisset, inspectam ab obstetrice, inuentam fuisse virginem. Tales autem sunt nobis scriptura Dominica, veritatem parientes, & manentes virgines cum occultatione mysteriorum: peperit, & non peperit, inquit scriptura, vt quæ ex se, non ex coniunctione conceperit. Quamobrem ijs qui sunt cognitione præditi conceperunt scriptura: hæreses autem, vt quæ non intellexerint, amandant tanquam quæ non conceperint. Beatus etiam Hieronymus Pauli verba videlicet, mihi enim omnium sanctorum minimo, data est gratia hæc, ingentibus Euangelizare inuestigabiles diuitias Christi &c. Exponens eandem sententiam illustrat, dum inquit: Si inuestigabiles Christi diuitiæ sunt: quomodo Euangelizantur in populo? si absconditum est à sæculis mysteriū in Deo qua ratione per Paulum profertur in gentes? Sed inuestigabile & absconditum dupliciter sentiendū.

Qua

Cle. Alex.
Strom 1.7.

Hier. ad
Ephes. c. 3.

Qua ininuestigabiles antè diuitia fuerint: & nunc post domini aperta sunt passionem. Aut certe qua natura sua homini ininuestigabiles erant, ha Deo reuelante sunt cognita. Quia aliud est ad secretum curiositate propria peruenire: quod postquam inuentum fuerit, desinit esse ininuestigabile: aliud propria diligentia, illud nequaquam posse comprehendere, sed per gratiam cognoscere Dei: quod cum scieris, & ceteris quoque ostenderis, nihilominus ininuestigabile perseverat: dum tibi quantum in te est, fuit antequam ostenderetur occultum. Tantum ille. Diuina igitur historia non ob hoc quod in sacra scriptura traditur desinit esse arcana.

Apostolica doctrina legis & prophetarum est germanus sensus.

Christi quidem discipulos religionis mysteria ac fidei dogmata clarius quam prophetas intellexisse diuina scriptura aperte satis testatur dicens: *Vestri autem beati oculi quia vident, & aures vestra quia audiunt. Amen quippe dico vobis quia multi prophetae, & iusti cupierunt videre, quod videtis, & non viderunt: & audire quod auditis, & non audierunt.* Theophyl. Etus ista Christi verba cum Chrysostomo exponens, illam illustrat sententiam, dum ait: *Præfert autem illos prophetis, eo quod Christum corporaliter viderunt, illi mentaliter tantum, sed & quæ illi non affecuti fuerunt tanta mysteria & talem notitiam quantam ij. In duobus enim præcellebant Prophetas Apostoli, & corporaliter videndo, & magis spiritualiter in-*

Cap. 76.
Matth. c. 13

Theophy.
Chrysost.

tel-

telligendo diuina. Cùm igitur Deo reuelante Apostoli de fidei mysterijs explicitiorem notitiam, quàm scriptores veteris testamenti habuissent, Apostolicam doctrinam, legis & Prophetarum germanam esse expositionem necesse est. Illi enim Dei (qui sacra scriptura est author) sensum præ ceteris cal-
luere. Atque hinc est, quod Catholica Ecclesia in le-
ctione veteris testamenti Apostolicam traditionem
pro regula obseruat, vt videre licet circa legalium
obseruationem. Nam Catholica Ecclesia circuncisio-
nis præceptum per Euangelium, iuxta Apostolicam
traditionem abrogatum, firmiter credit. Quam le-
gis abrogationem quamuis vetus testamentum de il-
la testimonium non perhibuisset, Apostolica traditio
suffICIENTER approbavit. Discipulis siquidem Christi
Euangelium prædicantibus, cùm de circuncisionis
obseruatione, tum de gentium vocatione fuisset orta
controuersia, Apostoli gentium vocationem scriptu-
ra testimonio asseruerunt: quod Lucas optime narrat
cum ait: Respondit Iacobus, dicens: Viri fratres au-
dite me, Simon narrauit quẽadmodum primũ Deus
visitauit sumere ex gentibus populum nomini suo.
Et huic concordabant verba Prophetarum, sicut scri-
ptum est: Post hæc reuertar, & readificabo taberna-
culũ David, &c. Circuncisionis verò lex sine scriptu-
ra testimonio Apostolica traditione abrogatur: nunc
ergo quid tentatis Deum, inquit Petrus, imponere iu-
gũ super ceruices discipulorũ, quod neq, patres nostri
neq, nos portare potuimus? Iacobus quoq, dixit: Pro-
pter quod ego iudico non inquietari eos, q, ex gentibus

Acto c. 15.

Amos c. 9.

conuertuntur ad Deum, sed scribere ad eos vt abstineant, &c. Circumcisionis igitur lex scripta, Apostolica traditione abrogatur, seu potius exponitur, quam profecto expositionem non Prophetæ, sed Apostoli Ecclesiam docuerunt. Aduersus istam Apostolicam doctrinam Calvinus ait: Hinc etiam colligimus, non aliud permissum fuisse Apostolis, quàm quod olim habuerunt Prophetæ, nempe veterem scripturam exponerent. Verùm ille fallitur admodum: nam ad Apostolicum munus veteris testamenti fidem implicitam explicare pertinet, quod nimirum Prophetis non fuisse demandatum scriptura manifeste testatur dū ait: Huius rei gratia ego Paulus vinctus Christi Iesu pro vobis gentibus: si tamen audistis dispensationem gratiæ Dei quæ data est mihi in vobis, quoniam secundum reuelationem notum mihi factum est sacramentum, sicut supra scripsi in breui: prout potestis legentes intelligere prudentiam meam in mysterio Christi, quod alijs gentibus non est agnitus filijs hominum, sicuti nunc reuelatum est, sanctis Apostolis eius & Prophetis in spiritu. Theophylactus cum Chrysostomo allegatum exponens locum ait: Primum quidem hoc nunc Paulus ait, quod omnibus hominibus non fuerit reuelatum: adiecit enim, quod in alijs generationibus non est patefactum filijs hominum. Deinde & quod ad hunc modum ne prophetis quidem cognitum fuerit aquæ ac nunc per res ipsas patefactum est & Apostolis, & noui testamenti Prophetis per Spiritum sanctum. Nisi enim spiritus paracletus docuisset Petrum, Cornelium, qui ex gentibus erat,

Calui. ca. 3.
para. 13.

erat, cum suis non suscepisset. Eiusdem sententia est

Cle. Alex. Clemens Alexandrinus dum ait : Quocirca alia
 Strom. l. 5. quidem sunt mysteria quæ fuerunt absconsa vsque
 ad Apostolos, & tradita sunt ab ipsis, vt à Domino
 acceperunt : absconsa autem in veteri testamento,
 qua nunc manifesta sunt sanctis. Sicut enim ex di-
 sciplinarum primis principijs conclusiones inseruntur
 ille quippe perinde ac fructus in semine quodammo-
 do in principijs continentur, atque vt quisque maxi-
 mo pollet ingenio: ita plurimas conclusiones ex prin-
 cipijs insert, seminis etiam granum, quo in fera-
 ciori seminatur agro, eo plures affert fructus. Ita
 vera religionis dogmata in fide tanquam in religi-
 onis fundamento & principio continentur, & quo
 Apostoli explicitiorem habuerunt fidem, eo plura

Ad Hcb. 11. dogmata proposuerunt credenda. Vna quidem fi-
 des (de qua Paulus ait: Credere enim oportet acce-
 dentem ad Deum, quia est, & inquirentibus se remun-
 neratur) fuit ante legem & sub lege & tempore Eu-
 angelij: Sed Moyses & Propheta plura mysteria sy-
 nagogam quam Patriarchæ filios suos docuerunt, si-
 militer Apostoli plura & maiora mysteria in Eccle-
 sia quam Moyses & Propheta in synagoga exposue-
 runt, quandoquidem clarius istis quam illis diuina
 mysteria fuerunt reuelata, hinc est quod veteris scri-
 ptura exponendi officium non Prophetarum sed Apo-
 stolorum fuit muneris. Quia illis quidem, vt legis ce-
 remonias figurantes & pronũciantes Christum ven-
 turum, obseruare docerent synagogam iniunctum
 fuit, istis verò easdem ceremonias (adueniente Chri-
 sto

sto adimpletas) deinceps non observandas tam Iudais
quā gentibus annuntiarent demandatum fuit, quæ
nimirum legis abrogatio, seu expositio in veteri testa-
mento expresse non est scripta, quod aperte B. Chry-
sostomus exponit dum ait: Aliud erat quod quareba-
tur, id quod & manifestius Petrus dicebat: Non oportet
illos circumcidi. Quid igitur hæc cōcionarius? Sanè
quia non hoc dicebant, quod non assumendi sint cre-
dentes, sed quod post legem, etiam hoc Petrus bene cō-
cionatus est. Sed quoniam turbabat hoc omnium ma-
xime auditores, etiam hoc iterum curat. Et vide: Id
quod oportebat lege cauere, non seruandam legem,
Petrus adducit. Quod autem nostrum est, id & olim
susceptum, hoc hic dicit, & versatur in eo de quo nihil
scriptum erat. Tantum ille. Quod si Apostolica tradi-
tio, veteris testamenti est germana expositio, ac regu-
la p quam lex & Propheta sunt exponēdi, multo pro-
fecto magis erit noui testamenti nativus sensus, vt vi-
dere licet in quibusdam noui testamenti locis. Nam
illam voculam, verbum apud Ioannem (dum ait, in
principio erat verbum) Dei filium Patri coeternū &
& cōsubstantialē significare, Apostolica sola traditio
exposuit. Et B. Ioannem Euangelist. aut ceteros Chri-
sti discipulos illam expositionē docuisse indubitanter
tenendum. Quia si huiusmodi expositio non fuisset
Apostolica traditio, eadem facilitate qua approba-
tur, contemneretur vtique. Non tamen contemnitur
quia Catholica Ecclesia illam expositionem, tã Dei
esse oraculum quam Ioannis Euangelium credit fir-
missime. Apud Catholicos siquidem viros illud: In
prin-

Chrysost.
hom. 32.
act. cap. 15.

principio erat verbum, idem quod in principio erat Dei filius significat: & qui primam sententiarum credit, ambas credit: in vtrisque enim idem sensus, eadem veritas & equalis autoritas est. Sed traditio longe est clarius, quàm scriptura.

Ecclesiastica traditio diuinæ scripturæ est germanus sensus.

Cap. 77.

Chrysoft.
ad Gal c.

Sacrorum quippe scriptorum mens, ad diuinam scripturam exacte ac germane exponendam, legenti non lateat oportet. Siquidem omnis scriptura, tam diuina quàm humana, in tantum sincere exponitur, in quantum scriptoris sensui est alligata, quam sententiam beatus Chrysostomus manifeste admodum exponit dicens: Non enim oportet verba nuda expendere, alioqui multæ consequentur obscuritates. Neque conuenit, sermonem per se nudum examinare, sed obseruare mentem scribentis. In humanis enim sermonibus, nisi hac ratione fuerimus vti, expendentes quid senserit is qui loquitur, multas inducemus similitudines, omnia subuertentur. Et quid attinet loqui de verbis, quando & in factis, nisi regulam hanc seruauerimus, omnia sursum deorsum miscbuntur, &c. Et licet ea quæ in voce versantur, signa sint affectuum, qui in anima sunt: & ea quæ scribuntur notæ sint eorum quæ in voce versantur: tamen quia diuina mysteria humanis verbis exactè non explicantur, ideo non tantum in verbis sacrorum scriptorum sensus consistit, & per consequens

NEC

nec ex illis solis germanus scripturae sensus eruendus est. de quo audiamus beatum Hieronymum dicentē: Nec putemus in verbis scripturarum esse Euangelium: Hier. ad Gal. c. 1. sed in sensu. Non in superficie. sed in medulla. Non in sermonum folijs. sed in radice rationis. In alio quoque loco eandem confirmans sententiam inquit: Nec sibi blandiantur. si de scripturarum capitulis videntur sibi affirmare quod dicunt. cum & Diabolus de scripturis aliqua sit locutus. & scripturae non in legendo consistant. sed in intelligendo. Cum igitur ex quavis scriptura non solum varij sensus. sed contrarij. quamquam deprauatē. non raro eruantur. ideo pro nativo scripturae sensu. non quem doctissimus quisque vir excogitauerit. sed quem scriptor intendit est habendus. In scripturis sanē humanarum disciplinarum. scriptoris sensus haud difficile ab eruditis viris peruestigatur. Cum enim disciplinarum siue inuectores siue scriptores humano spiritu humanas cogitationes literis mandauerint. illorum successores viri eruditi scripturas scrutantes. authorum mentem. ac per consequens germanum scripturae sensum peruestigarunt. illi siquidem nihil supernaturale scripsere. At in diuinis scripturis authoris sensus non facile peruestigari potest. Quid quod sacri scriptores sancto afflati spiritu. diuinas cogitationes omnem sensum excedentes. literis mandarunt: ideo viri summa eruditione tantum naturali intellectus acumine ducti. sacrorum scriptorum mentem peruestigare non valent. ut videri licet in sectarijs. Illi quippe tantum de scriptura sensu variant. quantum unusquis-

Aduers.
Lucif.

1. Cor. c. 2.

que in exponenda sacra scriptura non scriptoris, sed suo sensu ducitur. Quare ad sacram scripturam exponendā non hominis, sed Dei spiritu est opus, quod Paulus clarè exponit dicens: Quis enim hominum scit q̄ sunt hominis, nisi spiritus hominis, qui in ipso est: ita & quæ Dei sunt nemo cognouit, nisi spiritus Dei. Nos aut̄ non spiritum huius mundi accepimus, sed spiritū qui ex Deo est. Quæ Pauli verba non ad Lutherū nec ad Calvinū, sed ad Cathol. Ecclesiā definite pertinere, illā vocola, nos apertè satis docent. Catholica quippe Ecclesia non huius mundi, sed Dei spiritū habet, quam sententiam ille fidei articulus, sanctam Ecclesiam, firmiter astruit, si enim Ecclesia est sancta, Dei proculdubio spiritum ad exponendam sacram scripturam habet. Vnde cum nec Lutherum nec Calvinū habere Dei spiritum sacra scriptura definite asserat, non illorum sed Catholica Ecclesia expositio tenenda est tanq̄ vera, quia non de illis sed de ista Paulus infra apertè satis dixit: Nos autem sensum Christi habemus. Hinc est quod quicquid Ecclesia Catholica proponit aut explicat tanq̄ fides, ab omnibus fidelib. sit necessariò credendum, quia illa proponendo, & explicando fidei dogmata, Christi sensum habet. Ecclesia enim in dogmatibus proponēdi & explicandis Christi sensui est alligata. Vnde verba Caluini (videlicet. Non est igitur potestas Ecclesia infinita, sed subiecta verbo domini, & in eo quasi inclusa) si generaliter de verbo Dei intelligātur, vera sunt. Nam quicquid Ecclesia proponit & explicat, credendum Dei utiq; est verbum. Verum Calvinus illis verbis sacram tradi-

Cal. c. 8. pa.
ra. 71 l. 37
cap. 1.

tionem abrogare intendit, nam infra, Dei verbum
 restrinxit ad sacram scripturam dum ait: Est igitur hoc firmum axioma, nō aliud esse Dei verbū, cui
 detur in Ecclesia locus, quā quod lege primum & Cal. c. 8.
para. 37.
 Prophetis, deinde scriptis Apostolicis continetur: nec
 alium esse ritē docēdi in Ecclesia modum, nisi ex eius
 verbi præsripto & norma. Verum quidem est, quod
 Catholica Ecclesia nihil aliud quā Dei verbum do- Aug. cont.
Fau. l. 2.
c. 2.
 cet. Sed non sola scriptura est Dei verbum, sed etiam
 Ecclesie traditio, vt B. Augustinus sapientissime expo-
 nit dicens: Vides certē quam nescias, vel te nescire fin-
 gas, quid sit Euangelium: nec ex doctrina Apostolica,
 sed ex vestro errore nomines Euāgeliū. Aut si hoc ap-
 pelles Euangelium, quod Apostoli appellauerunt, ab-
 erras ab Euangelio, qui non credis Christum ex se-
 mine David: quod Apostolus secundum suum Euan-
 gelium predicari testatus est. Quod aut erat Apostoli
 Pauli Euangelium, hoc etiam caterorum Apostolorū,
 & omnium fidelium dispensatorum tanti sacramen-
 ti. Hoc enim alibi dicit: Siue ergo ego, siue illi: sic pra-
 dicamus, & sic credidistis. Non enim omnes illi Euan-
 gelium conscripserunt, sed tamen omnes Euangelium
 predicauerunt. Narratores quippe originis, facto-
 rum, dictorum, passionum domini Iesu Christi, pprie
 dicti sunt Euangelistae &c. Tam Dei igitur verbum
 est Apostolorum predicatio, quā scriptura. Vnde Ca-
 tholica Ecclesia proponens Apostolorum traditionē,
 & per illam sacram scripturam exponens, syncerum
 Dei verbum proponit.

Diuina scriptura non aliter, quàm Ecclesiæ traditio exponit, intelligenda est.

Caput 78.

Etsi humanarum disciplinarũ scriptores quantalicuit claritate suas cogitationes explicueret, tamen nihilominus ad illorum scripta exponenda perito doctore est opus. Quandoquidem scriptura mentem scriptoris non tam euidenter nec tam exacte explicat, quin possit aliò verti. Vnde cum ad docendas humanas disciplinas, tum ad germanè exponendas scripturas, viue vocis doctrina summopere est necessaria. Doctrina quippe clarius quàm scriptura, authoris sensum applicat. Quod si ad exponendas scripturas, continentes humanas cogitationes & præterea nihil, doctrina opus est, longe profecto magis ad exponendam sacram scripturam diuina mysteria significantem, Ecclesiastica traditio est necessaria. Siquidem sacri scriptores non tam clarè diuina mysteria, quàm Philosophi naturæ secreta scripsere. Ad sacras igitur literas exponendas peritissimo doctore est opus. Sed omnium, exceptis Christi discipulis, Catholica Ecclesia doctissima est vtique, vt pote sancta atque columna & firmamentum veritatis. Quare per Catholicæ Ecclesiæ traditionem sacra scriptura exponatur oportet, vt Vincentius Lirinensis sapientissime docet dicens: Hic forsitan requirat aliquis: Quum sit perfectus scripturarum Canon, sibiq; ad omnia satis superq; sufficiat, quid opus est vt ei Ecclesiastica intelligentia iungatur authoritas? Quia
v idet.

Vincent.
Lirin.

videlicet scripturam sacram pro ipsa sui altitudine non vno eodemq³ sensu vniuersi accipiunt, sed eiusdem eloquia, aliter, atque aliter alius, atque alius interpretantur, vt pene quot homines sunt, tot illinc sententiae erui posse videantur. Aliter nanque illam Nouatianus, aliter Sabellius, aliter Donatus exponit, aliter Arius, Eunomius, Macedonius, aliter Photinus, Apollinaris, Priscillianus, aliter Iovinianus, Pelagius, Celestius, aliter postremo Nestorius. Atq³ idcirco multum necesse est, ppter tantos tam varij erroris anfractus, vt Prophetica & Apostolica interpretationis linea, secundum Ecclesiastici & Catholici sensus normam dirigatur. Hac ille. Catholica quidem Ecclesia non quod Prophetiae donum habeat, sed quod in proponendis & explicandis dogmatibus Apostolicam obseruet traditionem, Christi sensum habet. Christus enim tam Apostolicam traditionem perseueraturam in Ecclesia, quam sinceram fidem promisit. De Apostolica doctrina perseuerantia Paulus ait: Scio enim 2. Tim. 1. cui credidi, & certus sum quia potens est depositum meum seruare in illum diem. Quid verò sit illud depositum, illico exponit dicens: Formam habeo sanctorum verborum, quae à me audisti in fide & in dilectione in Christo Iesu. Bonum depositum custodi per Spiritum sanctum, qui habitat in nobis. Beatus Chrysostomus cum Theophylacto ista Pauli verba exponens ait: Quid est, oro, depositum? Fides atque praedicatio. Hoc ipsum qui deposuit, inquit, integrum, inuiolatumque seruabit. Omnia patior, vt ne huiusce thesauri expiletur. Nullo super his rubore suffundor,

Chrysost.
hom. 2. &
3.

dum fides seruetur inuiolabilis. Infra etiam ait: Non modo per literas, sed etiam verbis discipulo, quæ essent agenda, dicta ait: quod plurimis & alijs in locis ostendit, dicens: Siue per verbum, siue per Epistolam, quasi per nos missam. Hoc & hic multò magis fecit: ne igitur minus aliquid doctrinam habere putemus, plurima illi absque scripto tradidit; quæ illi modo ad memoriam reuocans dicit: Formam habes sanorum verborum, quæ à me audisti. Quid autem hoc sibi vult? Pictorum, inquit, more imaginem tibi virtutis impressimus, & omnium quæ Deo grata sunt, veluti normam primitiuamq; formam, tuæ indidimus anima. Hac igitur habeto firmiter, & siue de fide, siue de charitate, siue de castitate opus sit aliquid loqui, ac definire, inde tibi exemplaria accipe. Non tibi necesse erit ab alijs mutuari virtutis imaginem, cum intra te omnia posita serues. Bonum depositum custodi. Quonammodo? Per Spiritum sanctum qui habitat in nobis. Neque enim humana anima, humanaq; virtutis est, tam multa deposita digne posse seruare. Cur id? Quia feruent cuncta latronibus, densissima imminet tenebræ. Instat præterea diabolus atq; insidiator, nescimus quæ hora, quo immineat tempore. Quomodo igitur, inquit, custodire sufficimus? per Spiritum sanctum: hoc est, si spiritum habemus apud nos manentem. Aderit autem, nisi gratiam repellamus. Eiusdem sententiæ est Clemens Alexandrinus dum ait: Depositum enim quod Deo redditur, est conuenienter domini doctrinæ p̄ eius Apostolorum piam traditionē, intelligentia & exercitatio.

Quod

Cle. Alex.
Strom. 1.6

Quod autē auditis in aurē, abdite scilicet & in myste-
rio (nam q̄ sunt huiusmodi, dicuntur in aurē dici al-
legoricē) super domos, inquit, p̄dicare, cū ea praeclare
ac magnifice acceperint, sublimiq; & excelsō dicēdi
genere traderēt, & ex regula veritatis scripturas ex-
plunarent. Doctrina nimirū Apostolica depositū viua
voce tradi, idē exponit dicēs. Sed q̄ verā quidem bea-
ta doctrina seruabant traditionē, statim à Petro, &
Iacobo & Ioanne & Paulo SS. Apostolis, filius à patre
accipiens, pauci autē sunt patrib. similes, ad nos quoq;
Deo volente puenierunt, illa à maioribus data & Apo-
stolica deposituri semina. Rectē autē scio fore vt exul-
tēt, nō hac dico latāli expositione, sed sola ea obserua-
tione, q̄ est in annotatione. Est enim hac, vt opinor, de-
scriptio aīa cōsiderātis beatū ita cōseruare traditio-
nē, vt nō possit effugere. Tantū ille. Cū enim Euangelī
cam historiā sancto afflātē spiritu oēs quidē Christi
discipuli p̄dicauerint, pauci vero scripserint, oīum p̄-
dicationē esse scripturā germanū sensū oportet. Quia
singuli nō secundū pprium, sed secundū cōmunē Chri-
sti sensum Euangelizarūt. Atq; ita p̄ huiusmodi prae-
dicationē q̄ profecto est ecclesiae traditio, & nō aliter,
sacrā scripturā esse expnēdam, oēs sancti patres te-
stantur, B. nimirū Petrus apud Clem. Pontifi. ait: Mul-
tas vt video ingentiosi hoīes, ex his q̄ legūt verisimili-
tudines rapiūt, & ideo diligēter obseruādū est, vt lex
Dei, cū legitur, nō secundū ppriū ingenij intelligentiā
legatur. Sūt. n. multa verba in scripturis diuinis, quae
posūt trahi ad suū sensū, quē sibi vnusquisq; spōte p̄-
sumpsit: qđ fieri nō oportet. Nō enim sensum quē ex-

Cle. Alex.
Strom. l. i.

Cle. Pont.
recog. l. 10

Cle. Alex.
Strom. l. 1.

Cypria. ad
Poinpei.

trinfecus attuleris alienum & extraneum debes querere, quem ex scripturarum authoritate confirmes, sed ex ipsis scripturis sensum capere veritatis: & ideo oportet ab eo intelligentiam discere scripturarum, qui eam à maioribus secundum veritatem sibi traditam, seruat, vt & ipse possit ea quæ recte suscepit, competenter asserere. Eiusdem sententia est Clemens Alexandrinus dicens: Neque enim fieri potest, vt quæ scripta sunt non elabantur, etiamsi à me non edita manserint. Reuoluta autem, & vna semper voce, nempe ea quæ scripta est vtentia, interroganti nihil amplius præter ea quæ scripta sunt respondet. Necessario enim semper auxilio indigent, aut eius qui scripsit, aut alterius qui eisdem insistit vestigijs. Beatus quoque Cyprianus eandem confirmat sententiam dum ait: Quod & nunc facere oportet, Dei sacerdotes præcepta diuina seruantes, vt in aliquo si nutauerit & vacillauerit veritas, ad originem dominicam & Euangelicam & Apostolicam traditionem reuertamur, & inde surgat actus nostri ratio, vnde & ordo & origo surrexit, &c. Catholica denique ecclesia Apostolicam traditionem sectans in exponendis scripturis nunquam errat: illa enim in assentiendis dogmatibus diuinæ authoritati innititur, et in exponendo illis Apostolorum traditionem perpetuo sequitur. Quare per ecclesiam traditionem omnes fideles de sacra scriptura germano sensu facti sunt certiores, tanquam per certissimam regulam: per certissimam, inquam, regulam, non quod scriptura & eius veritas a traditione pendeat, sed quod traditio sit Dei verbum, per quod de diuinis mysterijs literis mandatis fideles facti sunt

sunt certiores. Siquidē scriptura non tam clarē explicat Christi sensum, quā traditio. Traditionē cū dico, in exponendis sacris scripturis esse regulam, Catholicam ecclesiam intelligo. Scriptura quidem Dei verbum est mutum, ecclesia verò Dei verbum est loquens: illa quippe perinde ac Paulus, sectarijs dicit, An experimentum queritis eius, qui in me loquitur Christus? Denique catholica ecclesia, Dei verbum, quòd corde credit ad iustitiam, ore profitetur ad salutem: qua quidem professio sacra scriptura sincera est expositio, quam omnes fideles obseruare tenentur.

Qui diuinam scripturam præterita ecclesiæ traditione exponit, Dei verbum deprauat.

AT sectarij exponendi verbū Dei auctoritatem sibi vendicantes, ecclesiæ præterita traditiōe, Dei tantū verbum, tūm exponēdorum dogmatum regulam, tūm dirimendarum controuersiarum iudicem constituunt. Calvinus quidem ait: Sic enim nemini pepercit, cuius auctoritatem verbi Dei censura non subiecerit. hac ratio non minùs ad totam ecclesiam, quā ad vnumquemque fidelium pertinet. Infrà etiam eandem confirmans sententiā, inquit: Quare nulla conciliorum, pastorum, episcoporum nomina nos impedian, quò minus & verborum, & rerum documentis moniti, omnes omnium spiritus ad diuini verbi regulam exigamus, quò probemus nūm ex Deo sint. Philippus quoq; Melancthon

Caput. 79.

Cal. cap. 8.
para. 74.
& 85.

Philip. in
loc. de ec-
cles.

Hb 5 eiusdem

eiusdem est sententia, dum ait: *Quis igitur erit iudex, quando de scriptura sententia dissensio oritur? ipsum verbum Dei est iudex. Verum illi admodum falluntur, nam Dei verbum sicut sine predicante non docet, ita sine ecclesia nec sincere exponit dogmata, nec religionis controuersias dirimit. Licet enim Dei verbum exponendorum & definiendorum dogmatum sit regula, tamen per huiusmodi regulam dogmata veraciter definire, ac sincere exponere, non cuius datum est. Quoniam huiusmodi munia recte exequi, Dei munus est, quod nimirum donum catholica tantum ecclesia specialiter est concessum. Sectarijs vero nequitiam, imò illi dum in exponendis & definiendis dogmatibus, Dei verbum tanquam regulam videntur (quia per illum varias & contrarias sectas confirmant) omnino deprauant, quod sacri doctores aperte satis testatur. Clemens Alexandrinus ait: Vnaquaque heresis scripturam habet, qua sibi conuenienter affertur. Eiusdem sententia est beatus augustinus. Neque enim, inquit, non omnes heretici scripturas catholicas legunt, nec ob aliud sunt heretici, nisi quod eas non recte intelligentes, suas falsas opiniones contra earum veritatem peruicaciter asserunt. Cum enim sacra scriptura, nec varia, nec secum pugnans, sed potius omnimodo sibi constans sit, illius testimonio contrarias sectas confirmare, Dei verbum deprauare est vitium. Verum quod sectarij verbi Dei testimonio prauè vtantur, non sacra scriptura defectui, sed illorum culpe imputandum est. Quod beatus Chrysostomus exponit, dicens: Et profecto sunt qui dicunt, hoc esse peruersitatis,*

Cle. Alex.
strom. li. 3.

Augu. de
Gen lib. 7.
cap 9.

Chryso. 2.
ad Cor.
hom. 21.

*uersitatis, quod oēs qui inter se pugnant, illo vsi sunt. At hac puerfitas non Pauli est, absit, sed eorum q̄ abutuntur. Non enim varius quispiam fuit, sed simplex ac manifestū, illi aut̄ ad suos sensus verba torserunt. Et quare sic scripsit, aiunt, vt det damnū? Verūm volentibus non ipse dedit, sed illorū insania, eò quòd non vt decebat se vsi sunt, quoniā et mūdus hic totus quāuis & admirabilis, et diuina sapientia sit argumentum, et cœli enarrant gloriā Dei, & dies diei eructat verbum, & nox nocti indicat scientiā: attamē in ipso multi collapsi sunt, cōtrarij inter se. Beatus quoq; Augustinus eiusdem est sentētia, dūm ait: Nec ipsis sanctis diuinorū librorū autoritatibus nullo modo quisque rectē tribuerit tam multos & varios errores hæreticorum, cūm oēs ex eiusdem scripturis, falsas atq; fallaces opiniones suas conētur defendere &c. Sectarū nimirum Dei verbū perinde ac lesbia plumbea regula ad suos mores & ingenium accommodare satagunt. Quod Paulus aperte satis testatur, dicens: Mi-
 ror quòd sic tam citò transferimini ab eo qui vos vocauit in gratiam Christi, in aliud Euangelium: quod non est aliud, nisi sunt aliqui, qui vos conturbant, & volunt conuertere Euangelium Christi. Beatus Hieronymus istum Pauli locum exponens, idipsum apertius docet, pulchrè aut̄ ait: Nisi si sunt aliqui q̄ vos cōturbant, & volunt cōuertere Euangelium Christi. Volūt, inquit, Euangelium Christi mutare, cōuertere, turbare: sed nō valēt. Quia huius natura est, vt nō possit aliud esse q̄ verū est. Oīs q̄ euangelium alio interpretatur spiritu, et mente, quā scriptum est, credentes tur-
 bat,*

August de
 Trin. li. 1.
 cap. 3.

Ad Gal.
 cap. 1.

Hierony.

bat, & conuertit Euangelium Christi: vt id quodd in facie est, post tergum facit: ea quæ post tergum sunt, vertat in faciem. Huiusmodi prohdolor verbi Dei deprauationes in presenti infœlicissimo seculo factitari, religionis disidia quæ in Germania grassantur, præ se ferunt. Monstrosè enim tres illa secta Anabaptistarum, scilicet, Sacramentariorum & Confessionistarum, tùm sub istarum singulis non pauca factiones, Germanicam nationem, tùm familias, tùm Rempublicam, tùm ecclesiam tam immaniter lacerant, vt nō ampliùs Germani, sed potiùs discoli et extranei videantur. Verum quidem est, quodd singulæ sectæ purum Dei verbum se obseruare procaciter affirmant: falluntur tamen, quia secta, cōtraria dogmata profitentes, non Christi, sed hominis, vel potiùs diaboli Euangelium prædicant, quod Hieronymus aperte satis testatur, dicens: Grande periculum est in ecclesia loqui, ne fortè interpretatione peruersa de euāgelio Christi, hominis fiat euāgelium: aut quod peius est, diaboli. Christi igitur euangelium vnaquæq; secta, dùm illud nititur ad suum accōmodare sensum, inuertit: velut Arius sacram scripturam, patrem & filium consubstantialia, & æquales significantem, vti illam: Ego & pater vnum sumus, ad patris & filij tantùm similitudinem & concordiam torquet: quæ quidem expositio non Christianum, sed Arianum est euangelium. Ille siquidem non secundum diuinum, sed secundum humanum sensum de diuinarum personarum consubstantialitate iudicat. Nam vt tres creaturas, sic tres diuinas personas consubstantialia impossi-

Hierony.

impossibile existimat. Veruntamen alia diuina essentia, & alia creata natura est proprietates, quoniam plures res creata non possunt esse consubstantiales, utpote natura est finita: in illa verò immensa diuina essentia, tres personae sunt consubstantiales, quandoquidem essentia est infinita. Calvinus etiam, categorizans Sacramentarij, scripturam, quae de Christi corporis sacramentali existentia tractat, illam videlicet, hoc est corpus meum, figuratè exponentes, omnino peruertunt: qui profectò sensus non Christianum, sed Calvinianum est euangelium. Quoniā illi de Christi corporis sacramentali existentia, non iuxta diuinam, sed iuxta naturalem corporis potentiam iudicāt, eò quòd natura corporis merè physici repugnat existentia in pluribus locis. Qui profectò sensus non est secundum Christi mentem: nam de sacramentis, & ceteris religionis mysterijs, non secundum rerum naturam, sed secundum Dei potentiam iudicandum est. Christi enim corpori quamuis per naturalem potentiam esse in pluribus locis repugnet, tamen per diuinam potentiam (cui non est impossibile omne verbum) repugnare non sequitur. In huiusmodi siquidem mysterijs tota ratio facti est potentia facientis. Lutherus quoque, ac ceteri sectarij scripturam, quae cōmendat continentiam coniugalem, illā videlicet: Propter fornicationem autem vnusquisq; suam uxorem habeat, ad suam incontinentiam excusandam peruertunt. Illi quippe per illa verba, omnibus cœlibem vitam agentibus, etiam vouentibus, Paulum praecepisse, ut Ad Cor. 7. ducant uxores; dogmatizant. Verum istud dogma cap. 2.

non

Cle. Alex.
strom. li. 3.
& 7.

non Christianum, sed Lutheranum est euangelium: nam non secundum Dei sensum, sed secundum suam petulantiam scripturam exponunt, quod Clemens Alexandrinus de huiusmodi & similibus differens, aperte satis exponit, dicens: Quoniam autem qui introducunt in differentiam, paucas quasdam scripturas detorquentes, titillanti sua voluptati eas suffragari existimant. Infrà etiam eandem sententiam euidentius exponēs, ait: Sunt enim socordes, qui cum liceat ex ipsis scripturis, diuinis scripturis conuenientes colligere demonstrationes, id omnino non faciant, sed quod eorum voluptatibus suffragatur, eligunt. Gloriæ autem tenentur desiderio, qui ea quæ ex sua natura conueniunt, sermonibus diuinitus inspiratis, tradita à beatis Apostolis & magistris, sua sponte fallaci sapientia simulatione corrumpunt per alias tractatiōes, humanis doctrinis resistētes diuinæ traditioni, ut hæresin constituent. Beatus quoq; Augustinus eiusdem est sententiæ, dūm ait: Item si animum præoccupauit alicuius erroris opinio, quicquid aliter asseruerit scriptura, figuratum homines arbitrātur. Quare prisci doctores, sectarios esse verbi Dei deprauatores aperte satis docent. Clemens Alexandrinus de illis ait: Quid si Prophetici quoque scripturis uti ausi fuerint, qui persequuntur hæreses, primum quidem non omnibus, deinde non perfectis, neq; ut dicat corpus & contextura Prophetiæ, sed eligētes ea, quæ dicta sunt ambigua, traducunt ad proprias opiniones, paucas voces sparsim carpentes, non id considerantes, quod ex ipsis significatur, sed ipsa nuda dictione utentes. Nam in omnibus

Aug. de
Christ.
doct. lib. 3.
cap. 10.

Cle. Alex.
strom. li. 7.

omnibus ferè quæ adducunt, inueneris ipsos sola nomina attendentes, ut qui mutant significata, neque quemadmodum dicantur cognoscant, neque ijs quas afferunt allegationibus, ita ut earum natura postulat, ut antur. Tertullianus etiam eandem illustrat sententiam, dùm inquit: Deinde quoniã nihil proficiat congressio scripturarum, nisi planè ut aut stomachi quis ineat versionem, aut cerebri. Ista hæresis non recipit quasdam scripturas: et si quas recipit, adiectio- nibus & detractionibus ad dispositionem instituti sui interuertit: et si recipit, non recipit integras: et si aliquatenus integras præstat, nihilominus diuersas expositiones commentata conuertit. Tantum veritatis obstreperit adulter sensus, quantum et corruptor stilus. Varia præsumptiones necessariò nolunt agnoscere ea, per quæ reuincuntur: his nituntur, quæ ex falso com- posuerunt, & quæ de ambiguitate cæperunt.

Tertul. de
præf. ad-
ucr. Hære.

In proponendis fidei dogmatibus, & in dirimendis religionis controuersijs, catholicæ ecclesiæ traditio est rectis-
sima regula.

DEL, inquam, verbum sine ecclesiæ traditione, nec exponendorum dogmatum regulam, nec dirimendarum controuersiarum iudicem esse, sectariorum dissidia satis apertè docent. Si enim Dei verbum religionis dogmata exponit, & controuersias decernit, cùm omnes sectariorum Dei verbum sibi vendicent, quid est, quòd
adhuc

Caput. 30.

adhuc in tanta rerum, & verborum cōtrouersia versantur: quare non tot dissidia quæ inter illos sunt, & tot secta tantum contraria non dirimuntur. Non dirimuntur quidem, quia quantò magis sectarij Dei verbum se profiteri iactant, tantò illi maiora religionis dissidia excitant. Igitur aut Dei verbum dogmatum nō est regula, aut sectarij syncerum Dei verbum non capiunt. Diuina certè scriptura ab omnibus tam catholicis, quàm sectarijs pari consensu recipitur: verùm de germano illius sensu, ac de fidei dogmatibus catholici quidem inter se conueniunt, sectarij verò à se inuicem, nedum à catholicis dissentiunt: quod equidem fit, non quòd scripturam non recipiant, sed quòd germanum scripturæ sensum non asequantur, atq; idè de religionis dogmatibus discordant. Dei quidem verbum siue scriptura, licet secundum authoris mentem determinatum sensum & veritatem habeat, tamen quia homines illud audientes siue legentes, præterita ecclesiæ traditione, iuxta ingeniorum varietatem, varios sensus cōcipiunt, inde fit, vt tot sententiæ, totq; diuersi sensus in exscripturarum interpretatione existant. Vt igitur fideles ex auditu verbi Dei, ac exscripturarum lectione varios & falsos sensus non concipiant, ad exponendam diuinam scripturam finita seu determinata regula opus est. Quam sanè regulam esse ecclesiasticam doctrinam, diuina scriptura aperte satis exponit, dicens: Prophetæ autem duo aut tres dicant, & ceteri dñjudicent: Paulus certè nō dixit Dei, siue verbum, siue scriptura, sed ceteri, id est, ecclesiæ, dñjudicent. In quo scripturæ sensu Calui-

1. Ad Cor.
cap. 14.

nus cum catholica ecclesia consentit, cum ait : Prima Cal. cap. 8.
 ad Corinthios quarto decimo capitulo hęc rationem para. 87.
 prescribit Paulus, nā cum singulis ecclesiis attribuat
 dijudicationem, ostendit, quis in grauioribus causis
 sit ordo, nempe vt ecclesia vniuersa communem cogni-
 tionem suscipiant. Verum cum ista catholica senten-
 tia illa Caluini superius recitata sententia manifestē
 pugnat, videlicet dū inquit: Quare nulla concilio- Para. 85.
 rum, pastorum, episcoporum nomina nos impedi-
 ant, quò minùs & verborum et rerum documentis moni-
 ti omnes omnium spiritus ad diuini verbi regulā exi-
 gamus. Caluinus nimirum vt asserendi noua dogma-
 ta licentiam sibi permittat dijudicandi fidei dogma-
 ta autoritatem, quam Paulus tantum ecclesie tribu-
 it, singulis fidelibus concessit. Sed iuxta Paulum non
 quisq; priuatus, sed catholica ecclesia exigendi dog-
 mata ad diuini verbi regulā habet authenticam auto-
 ritatem. Item Caluinus in alio loco eadem Pauli ver-
 ba deprauans ait: Quid si hanc docendi licentiam Para. 74.
 agnouisset, nunquam hanc disciplinā tradidisset Co-
 rinthijs, vt loquentibus duobus vel tribus, ceteri diju-
 dicarent. Et paulò post ait: Sic enim nemini peper-
 cit, cuius autoritatem verbi Dei censura non subiece-
 rit. Quæ profectò sententia verbi Dei est depraua-
 tio. Quoniam Paulus, cum inquit, Prophetæ duo aut
 tres loquantur, & ceteri dijudicent, prophetia siue
 predicationis examinationem ecclesie censura sub-
 iecit. Illic enim prophetarum seu concionatorum
 doctrina examinanda & approbanda committitur
 ecclesie. Sic enim Paulus nemini pepercit, cuius
 doctrinam

doctrinam Ecclesia censura non subiecit. Verbum enim Dei licet sincera sit veritas, tamen cum sit difficile cognitu ad germanam illius sensum assequendum, ecclesia doctrina tanquam regula est necessaria. In dogmatibus enim exponendis catholica ecclesia traditio rectissima est regula, quod

Cle. Alex. Clemens Alexandrinus sapientissimè exponit, distrom. li. 7. cens: Caterum recta sunt omnia, inquit scriptura, coram ijs qui intelligunt, hoc est, ijs qui ab ipso declaravam scripturarum expositionem, ex Ecclesiastica regula accipientes conseruant. Regula autem ecclesiastica est concentus, & consensio legis, & Prophetarum, conuenienter testamento, quod traditur per domini aduentum. Tantum ille. Sicut enim non omnis Citharam pulsans, sed artis Citharizandi peritus concentum facit, ita non cuiusuis diuinarum literarum periti, sed catholica ecclesia doctrina est noui & veteris testamenti harmonia. Atque hac doctrina exponendi verbi Dei rectissima est regula. Verum Ecclesiastica traditio non quòd Dei verbo praterito, religionis dogmata exponat, sed quòd verbi Dei & indubitata & determinata & sincera est expositio, exponendorum & proponendorum dogmatum est rectissima regula. Quæ profectò regula verbi Dei sensum non quantum ad authoris mentem, sed quantum ad credentium captum determinat. Vt enim Prophetarum & Apostolorum scriptura Dei cogitationum nota certissima & regula est, non quòd Deus per scripturam suas cogitationes decernat, sed

sed quòd per scripturam fideles de diuinis cogitationibus facti sunt certiores, sic Ecclesiastica doctrina, Dei verbi regula est, non quòd scriptura veritas ab illa dependeat, sed quòd credentes per Ecclesia traditionem de scriptura germano sensu facti sunt certiores. Denique quemadmodum de sensu Dei nullis nisi Prophetis certò credendum est de scriptura germano sensu, nulli nisi catholica ecclesie indubitanter fides habenda est, Fides, inquam, habenda est propterea, quòd sine fide non modò in diuinis, sed etiam in humanis scripturis nulla perfecta cognitio existit: quod beatus Augustinus exponit, dicens: *Aug. de Quum autem & hoc sentimus, quod ille, quem* *util. credē. legimus, & id est vitæ bene agendæ accommoda-* *cap. 5.* *tissimum, cumulatissimè sese habeat veritas, nec aliundè aperitur falsitatis locus. Quod genus quum de rebus obscurissimis lectio est, rarissimum omnino est, neque id mea sententia liquido sciri, sed tantummodò credi potest. Quibus enim argumentis absentis vel mortui hominis voluntatem ita colligam, vt de illa iurare possim: cum etiam si præsens interrogaretur, multa esse possent, quæ si malus non esset, officiosissimè absconderet. Vt igitur certa fides habeatur de scriptura sensu, per ecclesia doctrinam omnes credentes fiant certiores oportet. Quod Vincentius Lirinensis sapientissimè* *Vincen. Lirinen.* *exponit, dicens. Sapè igitur magno studio, et summa attentione perquirens, à quàm plurimis sanctitate et doctrina præstantib. viris, quoniam modo possim*

August de
doct. Chri.
li. 3. cap. 2.

certa quadam & quasi generali ac regulari via catholica fidei veritatem ab heretica prauitatis falsitate discernere, huiusmodi semper responsum ab omnibus ferè retuli, quod siue ego, siue quis vellet exurgere hareticorum fraudes deprehendere, laqueosq; vitare, & in fide sana sanus atque integer permanere, duplici modo munire fidem suam domino iuuante deberet: Primò scilicet, diuina legis autoritate, tum deinde ecclesie catholica traditione. Eiusdem sententia est beatus Augustinus, dum ait: Sed cum verba propria faciunt ambiguum scripturam, primò prouidendum est, ne male distinxerimus, aut pronuntiauerimus. Cum ergò adhibita intentione certum esse prouiderit, quomodo distinguendum, aut quomodo pronunciandum sit, consulat regulam fidei, quam de scripturarum planioribus locis & ecclesie autoritate percepit. Pensanda nimirum sunt beati Augustini verba, quibus manifestè satis docemur, quòd Dei verbum sine ecclesie traditione exponendum dogmatum non est regula, neq; dirimendarum controuersiarum est iudex, quandoquidem fidei regula non ex sola sacra scriptura, nec ex sola ecclesie autoritate, sed ex ambabus simul consistit, imò fidei regula non ex quouis scriptura loco, sed ex clariori, nec ex cuiusuis ecclesie, sed catholica autoritate perficitur. Quòd si aliquis scriptura locus obscurior per clariorem locum, aut per scripturarum circumstantiam illustretur: non idèò reliqua scriptura loca, non paucaq; dogmata per solam scripturam sine ecclesie doctrina exactè exponi & sincere definiri possunt.

sunt, quod manifestè beatus Augustinus exponit, Aug. de
 dùm ait: Et cùm diuinos libros legimus, in tanta gc.lib.1.
 multitudine verorum intellectuū, qui de paucis cap. 21.
 verbis eruuntur, & sanitate catholica fidei muni-
 untur, id potissimùm eligamus, quod certum appa-
 ruerit, eum sensisse quem legimus. Si autem hoc
 latet, id certè quod circumstantia scripturæ non im-
 pedit & cum sana fide concordat. Si autem & scri-
 pturæ circumstantia pertractari ac discuti non po-
 test, saltem id solum quod fides sana præscribit Aliud
 est enim quid potissimùm scriptor senserit non digno-
 scere, aliud autem à regula pietatis errare. Si vtrun-
 que vitetur, perfectè se habet fructus legentis: Si verò
 vtrunque vitari non potest, etiam si voluntas scripto-
 ris incerta sit, sana fidei congruam non inutile est te-
 nuisse sententiam.

Religionis dogmatum notitia exi-
 genda est ad catholicam ecclesiam.

Fidei quidem primaria regula quæ dogmatum Cap. 31.
 efficit veritatem solus Deus est utique. Vtpote
 qui fidei causa, obiectum, finis, & regula est.
 Secunda verò fidei regula, quæ non fidei veritatem
 efficit, sed quæ dogmata syncerè proponit, exponit, ac
 controuersias dissoluit, catholica est Ecclesia, siqui-
 dem est columna & firmamentum veritatis. Atque
 primæ quidem regulæ, fidei persuasio innititur, cre-
 dimus quippe in Deum. Ad alteram verò regulam,
 id est, catholicam ecclesiam, fidei notitia exigitur:

Nam fides, vt inquit Paulus, ex auditu, auditus autem per verbum Dei: Syncerus igitur scriptura sensus non aliter, quàm per catholica ecclesie traditionem cunctis credentibus innotescit. Quam etiam sententiam omnes catholici profitentur: quoniam illi dogmatum notitia ad ecclesie doctrinam tanquam ad rectissimam regulam exigunt. At heretici vt suis falsis dogmatibus detur locus, Ecclesie auctoritatem passim labefactant: de quibus beatus Augustinus ait: Conantur ergo auctoritatem stabilissimam fundatissimæ Ecclesie quasi rationis nomine & pollicitatione superare: omnium enim hereticorum quasi regulæ est ista temeritas. Præsentes sanè sectarj antiquorum hereticorum vestigijs inhaerentes, nihil magis quàm Ecclesie auctoritatem in dubium vertunt, quòd apertè satù Philippus Melancthon exponit, dicens: Cùm autem controuersia quæ exorta sunt præcipuè pertineant ad duos articulos symboli, videlicet ad articulum Credo remissionem peccatorum, item Credo ecclesiam sanctam catholicam, &c. Sectarj siquidem verbi Dei prætectu (quod dogmatum regulam et iudicem constituunt) ecclesiam esse dogmatum regulam, modò aiunt, modò negant. Calvinus enim aliquorum dogmatum ecclesiam esse iudicem & regulam profitetur, cùm de implicita fide differens ait: Equidem non inficior, quæ sumus ignorantia circumsepti, quin plura nobis implicita nunc sint. Et infra. In quibus ipsis nihil magis expediat, quàm iudicium suspendere,

Aug. epist.
56.

Philip. in
repet. Au-
gust. conf.

Cal. cap. 5.
par. 20.

dere, animam autem obfirmare ad tenendam cum ecclesia vnitatem &c. veruntamen Calvinus in illa sententia secum pugnat. Nam dum ecclesiam quorundam dogmatum regulam constituit, omnium dogmatum regulam ecclesie traditionem facit, quid, quod si in obscurioribus dogmatibus nihil magis expedit, quam iudicium suspendere, animum autem obfirmare ad tenendam cum ecclesia vnitatem: igitur dogmata obscuriora non ad Dei verbum, sed ad ecclesie doctrinam tanquam regulam sunt exigenda. Atque ita ecclesie traditio non humana, sed diuina doctrina sit, atque ecclesia in exponendis dogmatibus, & in dirimendis fidei controuersijs non possit errare oportet. Quandoquidem in exponendis obscuris dogmatibus, & in fidei controuersijs dirimendis, humanum iudicium, non nisi propter diuinam doctrinam, est suspendendum: nec etiam animus ad tenendam cum ecclesia vnitatem est obfirmandus si ecclesia in fide potest errare. Vnde quia ecclesia sensum Christi habet, & per consequens in fide errare non potest, ideo Calvinus sapientissimè, licet contra seipsum, & ceteros sectarios euidentissimum de ecclesia testimoniū perhibuit. Nam in obscuris dogmatibus, iudicium suspendere, animum autem obfirmare ad tenendam cum ecclesia vnitatem, nihil aliud est, quam in fidei dogmatibus credendis, proponendis, exponendis, & controuersijs dissoluendis, ecclesie doctrinam siue traditionem obseruare, atque ad illam, tanquam ad rectissimam regulam vniuersa religionis dogmata exigere, si

Cal. cap. 8.
para. 68.

enim difficilia dogmata ad ecclesiam sunt exigenda, profectò etiam omnia fidei dogmata ad illam exigantur oportet. Vtpote vna fides ad vnā regulam exigitur. Verùm sectarij qua sunt ingenij, & iudicij; & animi dexteritate, obscuriora quidem dogmata ad ecclesiam, clariora verò ad se ipsos tanquam ad regulam exigunt. Calvinus enim cùm in dogmatibus implicite cognitis, iudicium suspendendum, & animum offirmandum, ad tenendam cum ecclesia vnitatem docuisset, in alio loco quòd in exponendis dogmatibus vnusquisque liberam auctoritatem habeat, aperte satis exponit, dùm ait: Quare nulla conciliorum, pastorum, Episcoporum nomina nos impedian, quòd minùs & verborum & rerum documentis moniti, omnes omnium spiritus ad diuini verbi regulam exigamus, quo probemus nùm ex Deo sint. Quòd si ille velit dicere quòd illis verbis, non vnumquemque liberam habere exponendi verbi Dei auctoritatem, sed vnumquemque clariora dogmata exigendi, ad Dei verbum ordinariam habere auctoritatem, certè fallitur admodum, quia illud non singulis, sed soli catholica ecclesia conuenit, Nam si in dijudicandis dogmatibus implicite cognitis suspendendum est iudicium, & offirmandus est animus ad tenendam cum ecclesia vnitatem, profectò etiam in dogmatibus cateris similiter facere est necesse. Sectarij enim non ob aliud fidei vnitatem scindunt, nisi quia in exponendis dogmatibus iudicium non suspendunt, nec animum

offirmant,

affirmant, ad tenendam cum Ecclesia unitatem: quin
 potius sectariorum unusquisque Ecclesia tum autorita-
 te tum traditione contempta proponendi & exponendi
 dogmata auctoritatem sibi vendicat, quod Irenaeus sa Irc. l. 3. c. 3.
 pientissime exponit dicens: Cum enim ex scripturis Adu. hær.
 arguuntur, in accusationem conuertuntur ipsarum
 scripturarum. Quasi non rectè habeant, nec sint ex
 auctoritate, & quia varia sunt dicta, & quia non
 possit ex his inueniri veritas ab his qui nesciunt tra-
 ditionem. Non enim per literas traditam illam sed
 per viuam vocem, ob quam causam & Paulum di-
 xisse, sapientiam loquimur inter perfectos: sapien-
 tiam autem non mundi huius. Et hanc sapientiam
 unusquisque eorum esse dicit, quam à semetipso adin-
 uenit, fictionem videlicet, vt digne secundum eos sit
 veritas aliquando quidem in Valentino, aliquando
 autem in Marcione, aliquando in Corintho, deinde
 in Basilide fuit autem in illo qui contra disputat, qui
 nihil salutare loqui potuit. Vnusquisque ipsorum o-
 mnimodo peruersus, semetipsum, regulam veritatis
 deprauans: predicare non confunditur &c. Simili
 modo nostris calamitosis temporibus aliqui princi-
 pes & populi: fidei veritatem aliquando quidem in
 Luthero, aliquando autem in Caluino, aliquando in
 Melanchthone, aliquando in aliquo alio haeretico tan-
 tummodo reperiri crediderunt, & unusquisque isto-
 rum seipsum, regulam fidei deprauans, predicare non
 confunditur, & reliquos coarguere, ac ignorantiae
 notam inferre. Ceterum vt Tertullianus, inquit, Tertul. de
 Mentior, si non etiam à regulis suis variant inter se, præf. hær.

etatoribus ab Ecclesia & ab inuicem dissentientes errauerunt. Præterea sectarij siue hæretici de quibusdā fidei dogmatibus, nec secum, nec cum Catholicis consentiunt, de alijs verò oēs cum Catholica Ecclesia conueniūt. Dogmata igitur, in quibus illi discordant, nō sunt tam clara, nec tam explicitè cognita, quàm illa de quibus omnes consentiunt, quādoquidem quò dogmata sunt obscuriora, eò de illis pauciores cōueniunt, & plures discordant. Verum fideles de dogmatibus inevidentibus, siue explicitè siue implicite cognitis, conueniunt inter se: non quod oēs aequaliter cognoscant, sed quod in credendis & exponendis dogmatibus iudiciū suspendunt, & animum obfirmant ad tenendam cum Ecclesia vnitatem. At sectarij liberè de dogmatibus iudicantes, nec secum nec cum Catholica Ecclesia consentiunt, & tamen aberrant à fide. Calvinus nimirum in dogmatibus controuersis non suspendens iudiciū, & non obfirmans animum ad tenendam cum Ecclesia vnitatem, manifestissimè secū pugnat. Nam dogmata controuersa vt de Christi corporis reali existentia transsubstantione, adoratione, & immolatione in Eucharistia, proculdubio implicita sunt, igitur in huiusmodi nihil magis expedit quàm iudiciū suspēdere, animum verò obfirmare ad tenendam cum Ecclesia vnitatem. Illum enim ceterosq; sectarios de huiusmodi controuersis dogmatibus non habuisse claram notitiam inconfesso est.

Dei

Dei verbum sine Catholica Ecclesia religionis controuersias non dirimit.

Caput 82.

Cal. ca. 3.

par. 4.

Philip. in
locis de
Ecclesia.

OMnes quidem fideles in exponendis dogmatibus & in dirimendis fidei controuersijs Catholica Ecclesia traditionem sequi debere, nō modo Catholici, sed etiam sectarij fatentur. Calvinus enim ait: Quemadmodum ergo nobis inuisibilem solius Dei oculis conspicuam Ecclesiam credere necessesse est, ita hanc qua respectu hominum Ecclesia dicitur obseruare eiusque communionem colere iubemur. Eiusdem sententia est Philippus dum ait: Nisi audissetis laborantem Ecclesiam in ministerio, quæ est custos verbi, prorsus ignotum esset vobis verbum Dei. Verum illi vt innouandi & variandi fidem, relinquerent locum vera Ecclesiæ prættextu, Catholica Ecclesia traditionem contemnunt. Quod apertè satis Philippus exponit dicens: Quis igitur erit iudex quando de scriptura sententia dissensio oritur? Ipsum verbum Dei est iudex, & accedit confessio vera Ecclesiæ. Quibus quidem verbis animaduertendum est, quod ille non dixit: Accedit confessio Catholica Ecclesiæ, sed vera Ecclesiæ, vt discedendi à Catholica ecclesia, & religionis controuersias promouendi daretur occasio. Quandoquidem singula secta, Catholicam Ecclesiam calumniantes, & veritatis nomine suos cœtus prætexentes, suos errores astruere satagunt, symbolum tamen patrum Dei Ecclesiam, non vocula
vera,

vera, sed nominibus, vnius Catholica & Apostolica notauit. Et vnā, inquit, Catholicā & Apostolicā Ecclesiam. Sancta certē Constantinopolitana synodus clarius illis nominibus (vti euidentissimis notis) quam nomine vera, Ecclesiam Dei à falsis Ecclesijs discreuit. Ecclesia praterea in qua Lutherus baptizatus fuit, & à qua exiuit, vna Catholica & Apostolica est Ecclesia, imo vera vt sit, est necesse. Si quidem tunc temporis omnes Ecclesia vnitatem spiritus in vinculo pacis seruabant. Igitur non particularem sed vniuersalem, presentem & visibilem, Catholicam, inquam Ecclesiam omnes fideles obseruare & eius communionem colere iubemur. Quod non Lutherus nec Calvinus, nec ceteri sectarij fecere. Vtpote calumniantes illam asserunt non esse veram Ecclesiam, quod Calvinus exponit dicens: In summa Ecclesias esse dico quatenus populi sui reliquias vtcunq; misere dispersas, ac disiectas illic mirabiliter dominus conseruat, quatenus permaneāt Ecclesia aliquot symboli. Et infra. Sed quia è conuerso illic nota quas precipue in hac disputatione respicere debemus, dico vnūquemque cœtum & totum corpus carere legitima Ecclesia forma, &c. Quae nimirum sententia si aduersus Romanam Ecclesiam militat, etiam contra vniuersam militet Ecclesiam oportet. Nam aliae Ecclesiae particulares, Romana Ecclesia communionem colebant: & prater illam catholicam Ecclesiam nulla est visibilis & respectu hominum Ecclesia, quam obseruare & cuius authoritati deferre iubemur. Calvinus quippe de visibili Ecclesia loquitur. Philippus quo-

Cal. cap. 8.
par. 15.

quoque de presentis Ecclesie viua vocis doctrina loquitur dicens: Accedit confessio vera Ecclesia, confessio siquidem à scriptura discernitur. Quod si ille de antiqua Ecclesie confessione quae scriptis constat loquatur, cum illa sit scripta, illi quemadmodum Dei verbo & multo profecto magis accedat presentis Ecclesie viua vocis doctrina est necesse. Quare vera Ecclesia quam obseruare iubemur, & cuius cōfessionem verbo Dei accedere est necesse, non quævis particularis sed vna Catholica, Apostolica & sancta est Dei Ecclesia. Cuius iudicium si Lutherus cum successoribus suis fuisset reuerit⁹, Germanica natio circa religionis dogmata non fluctuaret, nec circumferretur omni vento doctrinae in nequitia hominum, in astutia ad circumuentionem erroris. Philippus quidem tradens normam qua dogmatum dissidia componantur, praeclarum testimonium (licet contra seipsum ceterosq; sectarios) perhibet de Ecclesia dum ait: Hoc discrimē considerandum est, non contemnimus docentem Ecclesiam, & tamen iudicem esse sciamus verbum Dei, ita in vtrunque partem caueantur incommoda, videlicet ne tyrannis prauae consuetudinis stabiliatur, nec tamen laxetur frenum audacibus ingenijs qui si non audiant Ecclesiam veram, fingunt opiniones quae nulla habent testimonia vllius temporis in Ecclesia, vt nostro tempore fecerunt, &c. Ille nifallor Dei verbum fidei controuersiarum iudicem constituens, & Ecclesiam perinde ac iudici assessorem adiungit, in quo à Philippo non dissentio. Cum autem Dei verbum sit mutum ad dogmata exponenda, opus est au-

ten-

Ephes. 4.

Philip. in
locis de
Ecclesia.

tērico doctore, nempe Dei Ecclesia. Verum sectarij ad dogmata exponenda verbo Dei, assessore praterito, id est Ecclesia doctrina contēpta, abutuntur, quod nimirum incommodum cauēdum hortatur Philippus, & meritò quidem. Nam ex hoc quod verbum Dei apud Germanos controuersiarum agit iudicem mutuum, Germanica natio religionis disidijs miserè scinditur. Quandoquidem tam magna sectarum & controuersiarū multitudo grassatur in Germania, quanta nunquam antea fuit in vniuerso orbe: quod sit, quia quilibet sectarius Dei verbi muti iudicis pretextu, quidlibet asserendi licentiam sibi concedit. Atque ad cauendum illud incommodum, non est datum à Deo aliud remedium, quàm illud quod Philippus exponit dicens: Nec tamen laxetur frenum audacibus ingenijs, qui si non audiant Ecclesiam verā, fingunt opiniones, q̄ nulla habent testimonia vllius tēporis in ecclesia, vt nostro tēpore fecerunt. Quare omnis doctor Ecclesiasticus, q̄ in exponendis & proponendis dogmatibus, Dei verbo sine ecclesia doctrina vititur, Dei verbū deprauat. Dei q̄dem verbū, nō quod à vero possit declinare, sed q̄ à sectarijs deprauetur, dum ppe rā intelligitur, Ecclesia doctrinæ sint alligati doctores oportet. Philippus tamen regulā dissoluendarum controuersiarum quam sapienter docuit, nunq̄ obseruauit, nam ille vt suus Magister Lutherus cum ceteris sectarijs, in dogmatibus exponendis contemporanea sanctam Catholicā ecclesiam nō audiuit, vnde mōstrosa dogmata excogitata fuere. Aliud quoq̄, incommodū in alteram partē, nempe in audienda Ec-
cle-

clesia, ille cauendum monet, quod quidem incommodum notat, dum ait: Ne tyrannis praua consuetudinis stabiliatur. Tyrannidem ni fallor Ecclesie censuram appellauit. Qua precipitur, quod omnes fideles in credendis dogmatibus, iudicium suspendant, animum vero ad tenendam cum Ecclesia vnitatem affirment. Qua profecto censura, tantum abest vt sit Tyrannica vt potius sit rectissima dogmatum regula quod ipsemet Philippus testatur, dicens: Nec tamen laxetur frenum audacibus ingenijs qui si non audiant ecclesiam veram, fingunt opiniones quae nulla habent testimonia vllius temporis in Ecclesia, vt nostro tempore fecerunt. Per Ecclesiam, inquam, censuram audacia ingenia frenantur, dum homines audientes Ecclesiam, noua dogmata non excogitant. At praeterita Ecclesiae censura ingenia cuadunt effrenia, vt in sectarijs videre licet, quorum non dicam multorum, sed vnius solius siue Lutheri siue Philippi non vna, sed varia & inconstans fuit fides. Quod vero Philippus Ecclesiae censuram nominat tyrannidem, calumnia profecto est manifesta. Nam si in Catholica Ecclesia censura aliquid incommodi esset, ad cauendum illud datum vtique fuisset diuinitus aliquod remedium, sed nullum est. Si enim fuisset, non latuisset. Neque Philippus etiam huic incommodo, quod comminiscitur, aliquod adhibet remedium. Nec consugiendi ad Dei verbum in hoc articulo relinquitur locus. Nam cum Dei verbum sit iudex mutus sine autentico assessore loquente, nempe Ecclesia, non exponit nec definit dogmata, nec dirimit controuersias.

Qua-

Quare exponendorum dogmatum & dirimendarum controuersiarum rectissima regula est Catholica Ecclesia doctrina.

Catholica Ecclesie censura in dirimendis fidei controuersijs, Dei est ordinatio.

Caluinus etiam Catholica Ecclesie censuram tyrannidis & licentie prætextu declinat, cum ait: Caput. 83.
 Paulus certe Corinthijs ordinatus erat à domino Apostolus. fidei tamen eorum dominari se negat: quis iam Cal. c. 8.
 dominium sibi arrogare audeat, quod sibi non com- para. 74.
 petere testatur Apostolus? quod si hanc docendi licentiam agnouisset, nunquam hanc disciplinam tradidisset Corinthijs, ut loquentibus duobus vel tribus ceteri diiudicarent. Verum diuina scriptura, Ecclesie censuram non esse tyrannidem, nec licentiam, sed diuinam ordinationem aperte satis testatur. Christus sanè Apostolis ceterisq; discipulis Euangelizandi munus iniungens, à verbi Dei auditoribus fidei obedientiam exigit. Quod Paulus exponit dum ait: Ad Rom. 1
 Per quē accepimus gratiam, & Apostolatū ad obediendū fidei in omnibus gentib. pro nomine eius. Illa nimirū duo Apostolicum munus, & fidei obedientia, mutuo se inuicem consequuntur, vnde non separanda, sed coniungenda sunt. Si enim Apostolis prædicandi munus demandaretur, & à gentibus fidei obedientia nõ exigeretur, frustra profecto prædicandi munus illis fuisset demandatum: fidei quoq; obedientia frustra à gentibus

tib⁹ exigeretur si Euāgelizandi officiū nulli iniunctū
 fuisset. Igitur quātum Apostolis p̄dicandī incūbebat
 necessitas, tantū gentibus obediēdi fidei impositu fuit
 p̄ceptū. Atq; cū Euangelizandi munus per Aposto-
 lorū mortē nō defuerit, utpote necessarium est in Ec-
 clesia ad fidē per auditum propagandam: illud penes
 Catholic. Ecclesiā esse confiteamur oportet. Illa enim
 excepto Prophetia dono cū Paulo dicit: Per quē accepi-
 mus gratiā, & Apostolatū ad obediendū fidei in om-
 nibus gentibus. Verū cū ecclesia Euangelizandi
 officium per ministros exequatur, nempe p̄ cōcionali-
 res, ne p̄textu Apostolica doctrina verbi Dei cōcionali-
 tores falsa dogmata p̄dicent, scriptura sensus fideiq;
 dogmata nō infinita sed definita sint oportet. Quae q-
 dem definitio Ecclesiastica est censura, siue doctrina,
 quam hereticorum nullus sequitur: quia etsi vnus-
 quisq; se credere in Deum, & in Christum & sacra
 etiam scriptura constanter asserit, non certē credit,
 quia si credidissent, heretici non fuissent utique. Sic-
 ut enim ad legis obedientiam requiritur p̄cepto-
 rum definitio ita ad fidei obedientiam exigitur dog-
 matum determinatio. Verbi gratia ad credendum
 his scripturae locis: Ego & pater vnum sumus: Et, Hoc
 est corpus meum, non est satis credere scripturae, sed
 necesse est etiam credere secundum Ecclesiae sensum.
 Arius quippe primo, Calvinus vero secundo se credere
 constanter affirmat, sed cū non credant iuxta Ec-
 clesiae sensum, siue censuram, heretici sunt. Paulus
 profectō ad cauendos errores hereticorum, non so-
 lum pradicauit Euangelium, sed dogmatum seueris-
 simam

Gal. c. i.

simam censuram proposuit dicens: Sed licet nos, aut Angelus de cœlo Euangelizet vobis, praterquā quod Euangelizauimus vobis, anathema sit. Sicut prädiximus, & nunc iterum dico: Si quis vobis Euangelizauerit prater id quod accepistis, anathema sit. Qua quidem censura Paulus fidem ab hæresi discreuit. Atque hinc est, quod Paulus à verbi Dei auditoribus non solum exigit obedientiam, sed eligendorum dogmatum licentiam ademit. Sicut enim Dei Prophetæ & Apostoli non dogmata à se excogitata, sed à Deo reuelata prædicarunt, ita fideles non dogmata a se delecta sed ab Ecclesia definita credant oportet. Catholica siquidem Ecclesia in exponendis, & definiendis dogmatibus cum Paulo ait: Sed licet nos, vt Angelus de cœlo Euangelizet vobis praterquam quod Euangelizauimus vobis, anathema sit. Sicut prädiximus, & nunc iterum dico: Si quis vobis Euangelizauerit prater id quod accepistis anathema sit. Si igitur illa Euangelizasset prater id quod ab Apostolis accepit, anathema fuisset. Verū licet Apostoli p̄ Euangelizandi munus tum fidei dogmata, definierint, tum Dei verbi auditorib. obediētiā fidei imposuerint, tum illis dogmata eligere vetuerint: tamen nec fidei, nec fidelibus dominabatur, quod Paulus exponit dicens: Ego autē testē Deū inuoco in aīam meā, quod parcēs vobis, nō veni vltra Corinthū. Nō quia dominamur fidei vestra, sed adiutores sumus gaudij vestri: nā fide statis. Quem lo cū Chrysoft. cū Theophyl. in hūc modū exponit: Quoniam .n. sermo erat velut magnā ostentantis potestatem: nā parcat quis illis, in quos habet & puniendi ius

2. Cor. c. 1.

Chrysoft.
Theophyl.

hoc ipsum leniens, quodq; videbatur asperius adumbrans ait: Non quod dominemur vestra fidei. Hoc est, non eo hoc dixi, me vobis parcentem non venisse, quod dominer vobis: nec dixit vobis, sed fidei, quod simul & mitius & verius. Nam qui nolit credere, quis habet cogendi ius? Quare si Apostoli à gentibus fidei obedientiam exigentes, à fidelibus eligendorum dogmatum licentiam adimenes, pseudoapostolorum errores expungentes, & sua tantum dogmata astruentes, nec fidei, nec fidelibus dominabantur, multo perfectò minus Catholica Ecclesia sectariorum errores damnans, & Apostolicam doctrinam asserens, fidei dominatur, quandoquidem illa irrepugnandis & proponendis dogmatibus nihil amplius quàm Apostoli, nihil noui, nihil contra fidem agit. Si enim Apostoli Dei verbum predicantes neminem cogebant credere, multo minùs Ecclesiæ censura cogit fideles ad credendum. Quoniam nemo credit nisi volens. Vnde Catholica Ecclesia definiendo dogmata, fidei dominium vt Calvinus calumniatur non sibi arrogat, sed autoritate diuinitus sibi concessa inter vera & falsa dogmata censent. Verùm Calvinus vt Dei ordinationi, id est Ecclesiæ authoritati resistat, scripturam deprauat dum ait: Quod si hanc docendi licentiam agnouisset (Paulus scilicet) nunquam hanc disciplinam tradidisset Corinthijs, vt loquentibus duobus vel tribus ceteri diiudicarent. Ille quippe illa Pauli verba, videlicet: Prophetæ autem duo aut tres dicant, sectarios discordantes significantia, de Catholica Ecclesia exponit. Cum non Ecclesiæ, sed secta-

sectarijs maximè conueniant. Illi enim nec secum, nec cum Ecclesia conueniebant, quia si inter se illi omnes conuenissent, frustra Paulus dixisset, ceteri diiudicent. Prophetæ igitur illi discordes, sectarios Anabaptistas, Sacramentarios & Confessionistas representant: quorum quilibet à seipso, ab alijs, & à Catholica Ecclesia dissentit: atque ij omnes iuxta Paulum à ceteris, nempe à Catholica Ecclesia diiudicentur oportet. Pauli siquidem verba, scilicet ceteri diiudicent, Ecclesia consensionem significant: ob idq, non ad dissidentes cœtus, quales sunt sectariorum conuentus, sed ad Catholicam Ecclesiam diiudicare controuersa dogmata, pertinet. Spiritus sanctus quippe in Paulo loquens, exponendorum dogmatum munus nō imperitis, sed peritis: ac dirimendarū fidei controuersiarum auctoritatem, non discordibus, sed concordibus tradidit. Vnde Ecclesiæ censura non Tyrannis, nec licentia, sed Dei est ordinatio.

Ecclesiastica censura de fidei dogmatibus non credendi libertatē, sed errandi licentiam adimit.

ET si sacra historia notitia per auditum traditur, tamen illius historia indubitata persuasio non nisi per obedientiam habetur. Quod Paulus exponit: siquidem cum dixisset, Quomodo credent ei quem non audierunt, vt ostenderet, ad credendum non satis esse auditum, subiungit: Sed non omnes obediunt Euangelio. Quibus profectò verbis

Cap. 84.

Ad Rom.
cap 10.

Paulus clarè docet, q̄ licet ad credendū sit necessaria historia notitia, tamē ad persuadēda fidei dogmata, magis obedientia, quā eruditio conferat: vnde Paulus non dixit, Non omnes intelligunt, sed, non omnes obediunt Euangelio. Sacrarum siquidem scripturarum eruditio sine obedientia tantum abest vt humanis ingenijs religionis dogmata persuadeat, quod potius in religione disidia, & in dogmatibus controuersias excitat. Vt videre licet in presentis seculi sectarijs, quorum quilibet habita quali quali sacra scriptura notitia, noua & contraria dogmata asserit, imò non obediunt Euangelio. Cū enim religionis dogmata non humana, sed diuina mystaria contineant, illorum persuasio non humano more, perinde ac in ceteris disciplinis, sed per obedientiam habetur, quod beatus Augustinus sapientissime exponit dicens: Dubitabis tu Dioscore, vel quisquam vigilanti ingenio preditus, vllō modo ad sequendam veritatem melius consuli potuisse generi humano, quā vt homo ab ipsa veritate susceptus, ineffabiliter atque mirabiliter, & ipsius in terris personam gerens, recta præcipiendo, & diuina faciendo, salubriter credi persuaderet, quod nondum prudenter posset intelligi. Rationem sane à Deo ordinatam ad persuadenda fidei dogmata esse obedientiam, infra apertè satis exponit dicens: Porro illi qui cum in vnitatem atque communionem Catholicam non sunt, Christiano tamen nomine gloriantur, coguntur aduersari credentibus, & audent imperitos quasi ratione traducere, quando maximè cum ista medicina dominus venerit, vt

fi-

Aug. epi-
stola 56.

fidem populis imperaret. Merito quidem beatus Augustinus fidei obedientiam medicinam appellauit, siquidem ad fidei controuersias & religionis dissidia componenda nullum remedium sine obedientia est efficax. Quod satis & nos experti sumus in componendis religionis controuersiis. Cetera quippe remedia ad ecclesie pacem componendam non raro adhibita fuerunt, ex illis tamen non concordia, sed maiora dissidia fuerunt subsequuta, quod non pauci conuentus à sectariis contra ecclesie ordinariam obedientiam conuocati manifestant. Simus igitur in obedientia cum beato Augustino oportet in percipiendis dogmatibus. Verum ne prætextu obedientie quæ Euangelio debetur cuiuscunque prædicanti obediatur, uti in Germania factitatur, Paulus quibus in fide sit obediendum manifestè exponit dicens: Per quem accepimus gratiam & Apostolatam ad obediendum fidei in omnibus gentibus pro nomine eius. Apostolicum profecto prædicandi verbi Dei munus in Catholica Ecclesia semper manet, quæ iuxta patrum symbolum Apostolica est. Apostolica, inquam est, non quod miraculorum & Prophetie habeat dona, sed quod cum Apostolis ad exigendam ab omnibus gentibus fidei obedientiam, gratiam & Apostolatam acceperit. Ad Catholicam enim Ecclesiam referuntur Christi verba: scilicet euntes ergo docete omnes gentes, baptizantes, &c. Qui vos audit, me audit, & qui vos spernit, me spernit: Vnde oēs fideles Catholicam ecclesiam, perinde ac Apostolos obseruare necesse est. Siquidem Christus per ecclesiam, tum sacre historia notitiam docet: tum fidei obedi-

Matth. 28.
Lucæ 10.

tiam exigit. Cum enim Deus omnes fideles, exceptis Prophetis, per Ecclesiam doceat quotquot in Deū credunt, Ecclesia credant est necesse. Quod si predicanti Ecclesia illi non credidissent, nec Deo fidem habuissent utiq;. Quare sicut populi, qui eò quòd Prophetis & Apostolis non obtemperarunt, nec in Deum credidere: ita sectarij Catholica Ecclesia nō obtemperantes, nec in Deum credunt. Vtpote eadem persuasione, in Deum, & Ecclesia credimus, quod B. Hieronymus enarrans illud Pauli, Gratias ago Deo meo, semper memoriā tui faciens in orationibus meis, audiēs charitatem tuam & fidem, quam habes in Domino Iesu, & in oēs sanctos: exponit dum ait: Ad expositionem huius loci de Exodo sumamus exēplum, Credidit Populus Deo & Moysi seruo eius: Vna atq; eadē credulitas in Moysen refertur & in Deum: vt populus q̄ credebatur in dominū, a quē credidisse dicatur in seruum. Hoc autē non solum in Moysē, sed in omnibus sanctis eius est: vt quicumq; credidit Deo, aliter eius fidem recipere non queat, nisi credat & in sanctos eius. Qui igitur in Deum credit, doctrina Prophetarum, Apostolorum, & Catholica ecclesia obedit. Quæ quidem obedientia non credendi libertatem, sed credendi, seu potius errandi licentiam adimit. Neq; ista duo sunt confundenda, sed distinguenda. Quandoquidem credendi licentia est impunita facultas credendi quidquid libet: at credendi libertas, est facultas credendi secundum Ecclesie traditionem. Sicut enim loquendi licentia est soluta à veritatis regula, libertas vero loquendi alligata est regula, ita creden-

Hier. ad
Phile.

credendi licentia soluta est ab ecclesiastica traditione, credendi contra, libertas alligata est illi. Quia cum credere sit voluntatis, fideles ad discernenda falsa & vera dogmata determinata regula indigent. Quæ quidem regula non humana ratio (illa quippe diuina mysteria non exactè capit) sed ecclesiæ traditio est, quoniam ecclesiæ columna est & firmamentum veritatis. Ecclesiæ igitur traditionem obseruare in deligendis dogmatibus, vt fidei obediatur, est necesse. Atq; ita fideles omnes hanc doctrinam sequuti tantum dogmata determinata, à catholica ecclesiæ deligunt, atque in illis assentiendis iudicium suspendunt, animam verò ad tenendam cum ecclesiæ unitatem obfirmant: quod profectò idem dictu est, quòd credendi libertas ecclesiæ doctrinæ alligata sit. At credendi licentia in eligendis dogmatibus infinita, aut potius nullam regulam obseruat. Quemadmodum Aristoteles de prauis hominū actis ait: Peccare quidem multis modis contingit. Malum enim est infiniti, vt Pythagorici putant: bonum verò finiti: & rectè agere, vnice. Quapropter & alterum facile, alterum difficile est. Facile quidem, non attingere signū: difficile autem, illud attingere. Huiusmodi est scētariorum licentia in credendis fidei dogmatibus: nam licet illi in asserendis dogmatibus fidei regulam, nempe Dei verbum se obseruare iactent, tamen impudentissimè mentiuntur. Dei quippe verbum est finita regula, scētariorum verò vnusquisq; Dei verbum modò ad hoc dogma astruendum, modò ad contrarium, velut plumbea lesbya regula, inflectit. Atq; idèd hære-

Arist. li. 2.

Ethi. ca. 6.

Hierony.
supra Tit.
cap. 3.

Actor. 28

tici sunt ab immodica quippe eligendi licentia, qua quilibet sectarius dogmata, qua suo sensu congruunt, eligit, error fidei contrarius, nomine hæresis appellatur, quod beatus Hieronymus exponit, dicens: Hæresis græcè ab electione dicitur, quod scilicet unusquisque id sibi eligat, quod ei melius esse videatur Philo-
sophi quoque Stoici, Peripatetici, Academici, Epicurei, illius vel illius hæreseos appellantur. Verum quidem est, quod in Christi contumeliam, fides etiam à perfidis Iudeis nomine hæresis quondam fuit appellata: quod ille etiam exponit, dicens: Quod autem magis mirum sit, etiam illud de Actibus Apostolorum videtur esse relegendum, fidem nostram in Christo, & ecclesiasticam disciplinam, iam tunc à peruersis hominibus hæresim nuncupatam. Nos enim (inquiunt) Iudei. Et infra: Rogamus autem à te audire quæ sentis: nam de secta hac notum est nobis, quia ubique ei contradicitur. Verum illi valde aberrarunt: nam dogmatum electio catholica ecclesia, censura alligata, fides: errorum verò electio ab omni censura absoluta, hæresis appellatur. Huiusmodi est sectariorum in exponendis & proponendis dogmatibus doctrina, nulli enim parent censura: siquidem Lutherus in asserendis dogmatibus ab omni censura fuit solutus, utpote hæreticus: Cuius etiam successores illius errandi licentiam sequuti sunt, quippe illorum vel duo vel nemo in dogmatibus cum Luthero concordant, omnes verò Lutheri errandi licentiam imitati in eligendis dogmatibus ecclesia non obediunt: atque hæretica licentia freti, sui Magistri, ceterorumque censuram excusserunt.

exsisterunt. Quid quòd illi diabolicum euangelizandi munus non ad obedientiam fidei, sed ad dissentiendum à fide acceperunt. Hæcine est sectariorum credendi libertas?

Sectarij ecclesiæ traditionem in non controuersis dogmatibus obseruantes, in controuersis etiam obseruent oportet.

E T si sectarij ab inuicem, & à catholica ecclesia Caput 85.
in multis fidei dogmatibus discordant, tamen in aliquibus sectarij omnes cum catholicis conueniunt. Sicut enim Philosophi varias & contrarias sectas profitentes, de disciplinarum & principijs et communibus sensibus concordabant: ita sectarij et catholici de quibusdam dogmatibus dissentiunt, de aliquibus verò conueniunt. Dissentit quidem Manichæus ab alijs hæreticis, & à catholica ecclesia de veteri testamento, Lutherus verò de Iacobi epistola: Sacramentarij de corporis Christi reali existentia in Eucharistia, Anabaptista de paruulorum baptismo. Sed omnes illi in quibusdam fidei articulis, velut in religionis principijs cum ecclesia & ad inuicem conueniunt. Nulla enim circa Christianam religionem hæresis siue secta fuit orta; quæ cum catholica ecclesia in aliquo fidei dogmate non consentiret. Religionis igitur dogmata quædam sunt controuersa, quædam verò omnibus partibus communia, id est, pari consensu à sectarijs et catholicis recepta. Verum inter Philosophia & religionis sectas hoc interest, quòd
in Phi-

in Philosophia ex primis principijs & communibus sensibus sectarum errores non possunt conuinci, at in Christiana religione per autoritatem, id est, per Ecclesiae traditionem, per quam communia dogmata astruuntur, sectarum errores reuincuntur. Dogmata siquidem communia pari consensu à sectarijs & catholicis, non per reuelationem, sed per Ecclesiae traditionem fuerunt recepta. Quòd si Ecclesiae traditio ad persuadenda communia dogmata, apud sectarios autoritatem obtinuit: quare nò ad persuadenda quoque controuersa dogmata fide dignum erit testimonium? Si Lutherus Pauli epistolas non per reuelationem, sed per Ecclesiae traditionem recepit, quare non Iacobi epistolam per eandem traditionem recipiet, praesertim cum Ecclesiae traditio non minùs hanc, quàm illam commendet? Quicùq; igitur, qui de aliquo sacra scriptura libro per Ecclesiae traditionem factus est certior, etiam de ceteris libris, atque de fidei dogmatibus ab Ecclesiae traditis fiat certior oportet. In assentiendis siquidem dogmatibus confugiendi ad solam scripturam, siue ad solam diuinam autoritatem, non relinquitur locus, quando sine predicante nemo credit, neq; diuina autoritas sine Ecclesiae autoritate persuadet. Catholica etiam Ecclesiae traditio, seu autoritas, non cum iudicandi licentia, sed cum credendi obedientia est obseruanda. Sicut enim omnia contenta in sacra scriptura, ita omnia fidei dogmata à catholica ecclesia tradita, sunt credenda: quoniam Ecclesiae autoritas nò humana rationi, sed diuinae gratiae specialiter Ecclesiae assistenti innititur.

Quare

Quare sectarij cum quadā religionis dogmata, qualia sunt Apostolorum symbolum, & sacram scripturam, veluti fidei principia per solam Ecclesiae traditionem recipiunt, cetera dogmata ab Ecclesia communiter tradita etiam recipiant est necesse. Non tamen recipiunt, quia in assentiendis communibus dogmatibus non credendi obedientia, sed iudicandi licentia & propria voluntate ducuntur, vt Manichæū de sacra scriptura fecisse beatus Augustinus exponit, Aug. con. dicens: Nam sicut te Manichæus impiam docuit per Faust. lib. uersitatem, vt ex Euangelio quod haresim tuam non 18. cap. 7. impedit, hoc accipias: quod autem impedit, non accipias. Eodem modo sectarij Ecclesiae traditiones modo recipiunt, modo reijciūt. Calvinus quidem manuum Cal. ca. 19. impositionem in Ecclesia ministris ordinandis reti- para. 5. nendam, in baptizatis verò confirmandis reijciendā asserit, dicens: Licet autem nullum extet certum præceptum de manuum impositione, quia tamen fuisse in perpetuo vsu Apostolis videmus, illa tam accurata eorum observatio præcepti nobis vice debet &c. At in alio loco de confirmatione ait: Hoc ministerium, quod tum Apostoli sungebantur, si adhuc in Ecclesia maneret, manuum quoque impositionem oporteret seruari: sed vbi gratia illa conferri desijt, quorsum pertineat manuum impositio? Quæ profectò sententia manifestaria haresis est. Siquidem Ecclesiae traditio tam fide dignum testimonium perhibet de manuum impositione in confirmationis sacramēto, quàm in ministrorum ordinatione. Vnde alteram traditionem retinere, & alteram reijcere, æquè est contra religio-

Basil. de
sanct. spir.
cap. 29.

nis synceritatem, quàm ex Euangelio Ioannis retine-
re primum caput, secundum verò reuocare: quoniam
ecclesia traditio Dei est verbum loquens. Sicut enim
omnes sacra scriptura libri ad fidei dogmata astru-
enda aequaliter sunt autoritatis, ita ecclesiae tradi-
tio de confirmatione tam autentica est, quàm illa de
ordinatione: igitur qui alteram recepit, vtramq; re-
cipiat est necesse. Quam sententiam beatus Basilius
apertè satis exponit, dùm ait: Si nihil aliud ex non
scriptis receptum est, neq; hoc recipiatur. Si verò plu-
rima mystica citra scripturam inter nos versantur,
cum plurimis alijs etiã hoc recipiamus. Apostolicum
autem arbitror esse, etiã in non scriptis traditionib.
perseuerare. Laudo enim, inquit, vos, quòd omnia
mea meministis, & quemadmodum tradidi vobis,
ita traditiones continetis. Et, obtinetis traditiones
quas accepistis, siue per sermonē, siue per epistolam:
quarum maximè vna est, & præsens hac, quam qui
ab initio composuerunt, posterisq; tradiderunt, vnà
semper simul cum tempore progrediente, per longam
consuetudinē ecclesijs irradicarunt. Eiusdem senten-
tia est Tertullianus, dùm ait: Etiam in traditionis ob-
tentu exigenda est, inquis, authoritas scripta. Ergò
queramus, an & traditio non scripta non debeat re-
cipi? Planè negabimus recipiendam, si nulla exempla
præiudicent aliarum obseruationum, quas sine vllius
scriptura instrumēto solius traditionis titulo, exinde
consuetudinis patrociniò vendicamus. Sicut enim de
libris Canonicis non scētariorum, sed ecclesiæ iudicio
standum est, ita de sacris traditionib. cum ecclesia est
sentien-

Tertul. de
cor. mil.

fentiendum. Quòd enim de canonicis libris Augusti-
 nus aduersus Manichæos docet, ad sacrâ ecclesiâ tra-
 ditionem refertur. Sed aliū inquit fortè proferes li-
 brum, qui nomē habeat alicuius Apostoli, quē à Chri-
 sto constat electum, & ibi Christum natū ex Maria
 non esse, lecturus es. Cū ergo necesse sit alterum ho-
 rum librorum esse mēdacem, cui nos potiùs censes fi-
 dem accommodare debere? Eīne, quem illa ecclesiâ
 ab ipso Christo inchoata, & p̄ Apostolos prouecta cer-
 ta successionum serie, vsq; ad hæc tempora toto terra-
 rum orbe dilatata, ab initio traditū et conseruatū
 agnoscit atq; approbat: an ei, quē eadem ecclesiâ in-
 cognitum reprobât, cū etiam proferatur ab homi-
 nibus ita veracibus, ut Christum laudent esse menti-
 tum. & c. Ita sectarij aliam traditionem nobis osten-
 dunt, quâ tamen vera non est, quia illa sola pro Apo-
 stolica traditione tenenda est, quam catholica eccle-
 sia docet, cuius clarissimam notā beatus Augustinus
 aperte satis exponit, dicēs: Et si quisquā in hac re au-
 toritatem diuinam querat, quanquā quod vniuersa
 tenet ecclesiâ, nec concilijs institutum, sed semper re-
 tentum est, non nisi autoritate Apostolica traditum,
 rectissimè creditur. Denique catholica ecclesiâ tra-
 ditio in credendis & exponendis dogmatibus non di-
 midia, sed integra obseruanda est quandoquidem
 omnium religionis dogmatum rectissima est regula.

Augu. de
 bap. cont.
 Don. li. 4.
 cap. 24.

Ecclesiasticæ traditiones nec secum,
 nec cum Dei verbo pugnant.

Sectarij

Caput 68.

Philip in
lo. de Eccl.Cal. ep. 8.
par. 76.Aug. cont.
Max. Aria.
lib. 1.

Sectarij nimirum sicut de scriptura sensu, ita de Ecclesia traditionis autoritate non concordant. Philippus siquidem paruulorum baptismum aduersus anabaptistas Ecclesie traditionis autoritate astruit, quod profecto ille non fecisset, si ecclesie traditio sibi non sufficiens testimonium videretur, aut si aliunde melius testimonium sumere potuisset, ait enim: Sed simul adiuuabatur exēplis prioris ecclesie, quæ semper antea lapsos receperat, ita nos pronūciamus de baptismo infantium &c. Verū ecclesie traditionem, quam ille colit Calvinus, pro nihilo ducit, dicēs: At miserrimum asylum foret, si pro defensione pædobaptismi ad nudam Ecclesie autoritatem suffugere cogeremur. Quibus verbis Calvinus nudam ecclesie autoritatem vocat, dū ecclesie asserit aliquod dogma, de quo in scriptura expressis verbis nulla sit mentio. Atque huiusmodi additionibus aut subtractionibus heretici ad suos errores propagandos, & ad plebem decipiendam vtuntur, prætextu siquidem verbi Dei ecclesie labefactāt auctoritatem. Ariani quidem ecclesie traditionem siue doctrinam illam de patris & filij consubstantialitate, prætextu nuda, id est, nō scriptæ traditionis pertinaciter negant: atque illam non diuinam, sed humanam esse traditionem affirmant: quod Maximus Arianus apud beatum Augustinum exponit, dicens: Si quid enim de diuinis scripturis protuleris, quod commune est cum omnibus, necesse est vt audiamus. Hæ verò voces quæ extra scripturam sunt, nullo casu à nobis suscipiuntur. Præterea cū ipse dominus moneat nos, & dicat: Sine causa

causa colunt me, docentes mandata & precepta hominum. Huiusmodi verbis sectarij sacram traditionem deturbare conantur, quod non raro Calvinus Cal. ca 19. facit. De confirmationis enim sacramento ait: Sed par. 4
vbi Dei verbum, quod spiritus sancti praesentiam hic promittat, ne iota quidem obtendere possunt. Si itaq, ex hominibus est confirmatio, vana & friuola esse convincitur: si è cælo esse persuadere volūt, probent. Quā sententiam de alijs sacramentis passim inculcat. Sed si ecclesia nuda autoritas ad traditiones non scriptas persuadendas non est fide dignum testimonium, nec etiam ad sacram scripturam persuadendam erit. Atq, Calvinus haeretica licentia, qua non scriptas ecclesiae traditiones expungit, sacram etiam bibliam reijciat, dicens: Si è cælo esse scripturam persuadere volunt, probent. Quae sententia si aduersus diuinam scripturam non persuadet, nec etiā aduersus alias traditiones aliquid astruit: quandoquidem tam scriptura quàm non scriptae traditiones per solam ecclesiae nudam traditionem fidelibus innotuerunt. Si igitur ecclesiae nuda autoritas aliquas traditiones astruit, omnes astruat est necesse. Quandoquidem illius autoritas (ad quam pro defensione illarum tanquā ad firmissimū asylum confugimus) in diuina scriptura miro modo commendatur. Quae certè cōmendatio cū sit diuina, tam magnum autoritatis pondus contulit catholicae ecclesiae, quod traditiones ab illa commendatae perinde ac si in sacra biblia expressè expositae Aug. cont. fuissent, ab omnibus fidelibus recipiuntur. Quam sen Cres. Grā. tentiam beatus Augustinus mirifice exponit, dicens: li. 1. cap. 33.

Proinde quamuis huius rei certū de scripturis Canonici non proferatur exemplum, earundem tamen scripturarum etiam in hac re à nobis tenetur veritas, cum hoc facimus, quod vniuersè iam placuit ecclesiæ, quam ipsarum scripturarum commendat auctoritas, vt quoniam sancta scriptura fallere non potest, quisquis falli metuit huius obscuritate quaestioris, eandem ecclesiā de illa consulat, quam sine vlla ambiguitate sancta scriptura demonstrat. Catholica nimirum ecclesiā tam ingens est auctoritatis pondus, quod non solum dogmata nō scripta persuadeat, sed quadam dogmata quæ secundum aliquorum sententiam expressè scripta existimantur à religione expungit, & contraria dogmata tanquam hinceram fidem recipit. Ob rerum certè difficultatem maxime circa religionis mysteria nō pauca falsa dogmata veris dogmatibus veriora apparent, vt Arii error, videlicet, Filius non est patri consubstantialis, iuxta humanam rationē verior apparet, quàm fides scilicet Pater est filio cōsubstantialis. Hinc est quod heretici ad suas astruendas sectas plures rationes, pluraq; scriptura loca quàm catholici ad fidem astruendam adducunt. Vtpote facile est errare, sed difficile est veritatem asequi. Quanta facilitate sectarij sacris scripturis ad suos astruendos errores abutantur, Vincentius Lirinensis apertè satis exponit, dicens: Hic fortasse aliquis interroget, an et heretici diuina scriptura testimonijs vtantur. Vtuntur planè & vehemēter quidem, nam videas eos volare per singula quæq; sancta legis volumina, per Moyse, per Regnorū libros, per Psal-

mos.

mos, per Apostolos, per Evangelia, per Prophetas Siue enim apud suos, siue alienos: siue priuatim, siue publice: siue in sermonibus, in libris: siue in cōuiuijs, siue in plateis: nihil in quā penē de suo proferunt, quod non etiam scripturæ verbis adūbrare conētur. Lege Pauli Samosatēni opuscula, Priscilliani, Eunomij, Ioviniani, reliquarum pestium, cernas infinitam exemplorū congeriem, propē nullam omitti paginā, quæ non noui, aut veteris testamenti sententijs fucata & colorata sit. Sed tantō magis cauēdi & pertimescendi sunt, quantō occultius sub diuinæ legis umbraculis latitant. Sciunt enim fœtores suos nulli ferē citō esse placituros, si nudi & simplices exhalentur, atq; idcirco eos cœlestis eloquij velut quodam aromate aspergūt, vt ille, qui humanum facile despiceret errorem, diuina non facile contemnat oracula. Itaq; faciunt quod hi solent, qui paruulis austerā quādam temperaturi pocula, prius ora melle circumlinunt, vt incauta atas quum dulcedinē præsenserit, amaritudinē non reformidet. Atq; non solum hæretici suas sectas sacris scripturis, sed etiam humanis rationibus astruūt. Verū humanæ rationes, quò cum fide pugnant, eò sunt falsa, quoniā licet aliquæ rationes cū fide pugnantes, de rebus creatis sint euidentēs (vt rationēs aduersus trium diuinarū personarum consubstantialitatem) tamen dū ad diuina mysteria huiusmodi rationes referuntur, falsissima sunt, quandoquidem fides quæ cum illæ rationes pugnant, diuina est veritas. Et verò namque, inquit, Aristoteles omnia quæ competunt, consona sunt: à falso autem citō ipsum discrepat verum.

Arist. Ethicor lib. 1. cap. 8.

Omnia etiam sacra scriptura loca dum exponuntur ab hereticis contra ecclesiae auctoritatē, siue non scriptam traditionem, deprauant utiq³. Imò sicut scriptura alius locus cum alio nō pugnat, sed vniuersa sacra scriptura sibi constat. Nihil enim falsi, nihilq³, repugnantiae & contradictionis continet. Ita sacra ecclesiae traditio cum sacra scriptura non pugnat, nihilq³, contra Dei verbum continet, quandoquidem & illa est Dei verbum. Neg³, catholica ecclesia aliquid contra Dei verbum proponit, vtpote sancta. Quare qui existimat aliquas catholicae ecclesiae traditiones esse contra Dei verbum, atque catholicam ecclesiam, aliquod dogma contra Dei verbum proponere, fidei articulum de sancta ecclesia non credunt. Sicut enim qui colunt Rempublicam legitimè institutā, illam nō instituisse iniquam legem concedant oportet: ita profectò, & multò magis credentes sanctam ecclesiam, illam non obseruare impias traditiones credant est necesse. Ad catholicam quippe ecclesiam, atq³, ad ecclesiasticas traditiones, beati Augustini de sacra scriptura praeclaram illam sententiā referre, omnes qui credunt fidei symbolum, tenentur. Ego enim, inquit, fateor charitati tuae, solis eis scripturarū libris, qui iam Canonici appellātur, didici hunc timorē honoremq³, deferre, vt nullum eorum authorem scribēdo aliquid errasse credam. Ac si aliquid in eis offendero literis, quod videatur cōtrarium veritati, nihil aliud quàm vel mendosum esse codicem, vel interpretem non assequutum esse quod dictum est, vel me minimè intellexisse non ambigam. Eandem sententiam in alio loco

Aug. ep1.
19. & con.
Faust. li. 11.
cap. 5.

loco confirmat, dicens: *Distincta est à posteriorum libris excellentia Canonica autoritatis veteris & noui testamenti, quæ Apostolorum confirmata temporibus per successiones Episcoporum, & propagationes Ecclesiarum, tanquam in sede quadam sublimiter constituta est, cui seruiat omnis fidelis et pius intellectus. Ibi si quid velut absurdum mouerit, non licet dicere, Author huius libri non tenuit veritatem, sed aut codex mendosus est, aut interpret errauit, aut tu non intelligis. Huiusmodi igitur honorem & timorem omnes fideles catholica ecclesia deferre debent. Atque firmiter credere, sanctam ecclesiam proponendo religionis traditiones nunquam errare. Quandoquidem sententia illa ecclesie traditioni et autoritati, æquæ ac sacre scriptura conuenit. Nam quemadmodum sacri scriptores diuinam historiam non humano, sed diuino afflati spiritu literis mandarunt, ita catholica ecclesia sacrarum traditionum, non humano ingenio, sed diuina sibi assistente gratia fida est custos, utpote columna & firmamentum veritatis. Vnde si in diuinis traditionibus, aliquid absurdum mouerit, non licet dicere, ecclesia errauit, nec traditio est impia, sed tu non intelligis. Quandoquidem sacre ecclesie traditiones non ab homine, sed à Deo sunt institutæ. Quare sicut fideles, quum inter aliqua scriptura loca apparet aliqua dissonantia, non dubitant de scripturarum consonantia, nec aliquam scripturam librum, aut locum reijciunt, sed modestè sapientes iudiciu suspēdunt, et vniuersam sacram scripturam obseruant, & ad tenendam cum ecclesia vnitatem, animum obfirmant: ita si scriptura cum aliqua non scripta traditione vi-*

detur pugnare, non dubitant de scripturarum et traditionum concordia, nec cōtemnunt ecclesiæ auctoritatem. sed potius suam ignorantiam agnoscetes, iudicium suspendunt, & cum ecclesiā tenent fidei unitatem. At hæretici, si aliquis scripturæ locus cum alio pugnare videtur, scripturā sibi conuenientem recipientes, disconuenientem deprauant, aut reijciunt. Vt Lutherus Iacobi epistolam à sacro canone summouit. Quandoquidē illam cum ad Romanos epistola circa articulum de operum iustitia, iuxta suā deprauatā expositionē, pugnare existimat. Similiter ecclesiæ traditiones nō scriptas suis sectis conuenientes recipiunt, ceteras verò contēnunt, et si aliqua repugnātia inter scripturā et ecclesiā traditionē apparet, hæretica licetia ecclesiā à veritate defecisse non verentur asserere. Sed ad huiusmodi partim nimirū recipientes ecclesiæ traditiōes, partim verò reijcientes, illa Augustini aduersus Faustū sentētia verisimè refertur. Inde, inquit, probo hoc illius esse, illud nō esse, quia hoc p me sonat, illud cōtra me. Tu es ergò regula veritatis, quicquid contra te fuerit, non est verū. Quid si alius, simili insania, sed tamē qua tua duritia confringatur, existat et dicat, imò illud, quod pro te sonat, falsū est: hoc autē quod cōtra te est, verū est: quid acturus es, nisi fortē aliū librū prolaturus, vbi quicquid legeris, secundum tuam sententiā possit intelligi? Hoc si feceris, non de aliqua eius particula, sed de toto audies contradicentem & clamantem, falsus est.

Aug. cont.
Faust. li. 11.
cap. 2.

Catholicæ ecclesiæ auctoritas sine scriptura ad fidei dogmata astruenda est idoneum testimonium. Catholicæ

Catholica quidem Ecclesia nudam auctoritatem
 ad fidei dogmata persuadenda esse fide dignum
 testimoniū, vere Dei religionis progressus aperte satis
 testatur. Sancta siquidē ecclesia ante legem scriptam
 de circūcisionis sacramēto, et ceteris tū dogmatibus,
 tū ritibus, ad veram illius statum religionē spectan-
 tibus, non humanū, sed diuinum testimonium perhi-
 buit. Euāgelica etiā ecclesia ante Apostolica scripta,
 de Christo vniuersaq; eius doctrina idipsum fecit.
 Quam faciendi fidē auctoritatē, per sacrorū librorum
 editionē ecclesia nō amisit. Ecclesia quippe auctoritas
 ad syncerā fidē tenendam tam necessaria est post edē-
 tas sacras literas, inuō magis quā anteā fuit. Quid,
 quod si nuda ecclesia auctoritas post editos libros sa-
 cros nō fuisset fide dignum testimonium, sacra biblia
 apud probos viros diuinā non obtinuisset auctoritatē,
 quandoquidē scripturā è cælo esse (si quis negauerit)
 præter ecclesiæ nudam auctoritatē nullum est dignum
 testimonium, quo probari possit. Ecclesia igitur nu-
 da auctoritas ad sacras literas proponendas in reli-
 gione est necessaria. Obseruandum tamen est, quod
 quum de ecclesia & scriptura auctoritate est sermo,
 non excluditur diuina auctoritas sed potius exigitur.
 Siquidem ecclesia & scriptura Dei auctoritati inni-
 tuntur, & diuina auctoritas sine illis nullis homini-
 bus ordinariē persuadet religionis dogmata. Diuina
 quippe auctoritas ante sacras literas, non per se, sed
 per ecclesiam, religionis dogmata fidelibus, vt plu-
 rimum persuasit. Post editas etiam sacras literas
 licet in illis sit diuina auctoritas, tamen non per

*solum sacram scripturam, sed simul per scripturam
 & per ecclesiam persuadet. Quandoquidem fides ex
 auditu est. Sacra igitur scriptura sine ecclesia nulla
 dogmata persuadet. Ecclesia verò sine scriptura ali-
 qua persuadet dogmata, qualia sunt illa, quæ nō scri-
 ptis, sed viua voce traduntur. Neg³ ecclesiæ autoritas
 ab scriptura autoritate est separāda, sed cōiungenda.
 Siquidem nō varia, sed vna est illarum autoritas, sci-
 licet diuina. Sicut enim sacra scriptura nullum men-
 dacium continet, ita catholica ecclesia in fide non po-
 test errare, quandoquidē est columna & firmamen-
 tū veritatis, vnde vtriusvis autoritas nec maior, nec
 minor est, et neutra cum altera pugnare potest, si qui-
 dem vnā & eandem fidē ecclesia profitetur, et sacra
 scriptura continet. Quòd si scriptura expresse et defi-
 nite non continet omnia dogmata ab ecclesia profes-
 sa, tamen omne dogma professum ab ecclesia, non so-
 lum non pugnat cum scriptura, sed in ipsa scriptura
 quodāmodò continetur, atq³ ab eadem scriptura fir-
 missimè asseritur. Quandoquidem scriptura ecclesiæ
 autoritatē perinde ac Deū in illa loquentem cōmen-
 dat: Vt scias, inquit, quomodo oporteat te in domo dei
 conuersari, quæ est ecclesia Dei viui, colūna & firma-
 mentū veritatis. Cū verò testante scriptura, omnis
 homo sit mēdax, nō hominis sed dei est spiritus, qui in
 ecclesia, quæ est columna & firmamentū veritatis, lo-
 quitur. Quare cū Deus per catholicam ecclesiā et per
 sacrā scripturā loquatur ad sincerā fidē tenendam,
 ordine à Deo instituto, scilicet p ecclesiæ doctrinā, cre-
 dere verbo Dei est necesse. Ordo certè in credendis
 dogma-*

1. Ad Tim.
 cap. 3.

dogmatibus à Deo institutus & ab omnibus fidelibus observandus beatus Paulus per capitis & corporis similitudinē exposuit. Siquidem Christum, caput, ecclesiam verò, corpus: singulos autem fideles vnius capitis & vnius corporis, nempe Christi & Ecclesiæ, mēbra constituit. Quæ quidem similitudo Ecclesiam esse quandam Rempublicam, in qua homines non humano, sed diuino iure, seu potius diuina religione sociantur apertè satis significatur. Vnde ex legitima Reipublicæ institutione sumatur exemplum ad Ecclesiæ ædificationem. Tullius quidem ait: Videtis igitur Magistratus hanc esse vim, vt præsit: præscribatq; recta, & vtilia, & coniuncta cum legibus, vt enim Magistratibus leges, ita populo præsunt Magistratus: vereq; dici potest Magistratum legem esseloquentem: legem autem mutum Magistratum. Sic in vera quidem religione, vt Dei verbum Ecclesiæ, ita singulis fidelibus præest Ecclesiæ. Quæ nimirum præscribit dogmata coniuncta cum verbo Dei. Dei quidem verbum siue scripturam præesse Catholica Ecclesiæ certissime credendum est. Nam fidei articulus, Credo sanctam Ecclesiam, synceram fidem perpetuò præesse Ecclesiæ apertè satis tradit, vtpote sine fide impossibile est Ecclesiam esse sanctam. Quicumq; igitur fidelis credat syncerum Dei verbum præesse Catholica Ecclesiæ est necesse. Quod si syncerum Dei verbum Ecclesiæ præest, dogmata à Catholica Ecclesiæ præscripta sint coniuncta cum rectissima fide oportet. Quandoquidem si dogmata à Catholica Ecclesiæ tradita cum fide pugnassent, non Dei sed Sathanæ ver-

Tul. de le.
l. 3.

bum praeſſet illi, & per conſequens Catholica Eccleſia non ſancta ſed impia fuiſſet, & in terris deſuiſſet: quod impoſſibile eſt. Quare omnes fideles in proponendis & exponendis & credendis fidei dogmatibus, atque in dirimendis religionis controuerſijs, ſi Catholica Eccleſia, Chriſti corporis ſunt membra non proprium ſed communem Eccleſia ſenſum firmiter teneant eſt neceſſe. Siquidem vt verbum Dei Eccleſia, ita omnibus fidelibus praſit Eccleſia oportet. Illa quippe Dei verbum loquens eſt. Quanquam enim fides non eſt alligata Eccleſia, ſiquidem Deus non paucos Prophetas & Apoſtolos per reuelationem ſine Eccleſia miniſterio fidem docuit, tamen fideles alligati ſunt Eccleſia ab illaꝝ dependent. Nam niſi quis Catholicam Eccleſiam obſeruet, eiꝝque communionem colat, in Deum ſyncere non poteſt credere. Quandoquidem ad credendum neceſſaria eſt Eccleſia doctrina.

ſectariorum inconstantia eorum teſtimonium reddit ſuſpectum.

Cap. 83.

Verum vt peruerſi homines huius mundi, rebus miro ac ineffabili ordine à Deo conſtitutis praepoſterere vtuntur, ita ſectarij credendi ordinem à Deo inſtitutum peruertunt. Illi enim non ſcripturae expoſitionem, nec religionis dogmata, per Eccleſiam praſcripta recipiunt, ſed à ſe excogitata dogmata retinent. Atque illa Catholica Eccleſia obtrudere ſatagunt, vt pote qua ſunt impudentia insolentiaꝝ,

erroris ac ignorantia sanctam Ecclesiam impiè condemnant. Verùm illi misere falluntur: nam sincera fides non est quam singuli sectarij comminiscuntur, sed quam Catholica Ecclesia à Christi Apostolis accepit, & retinet, & docet. Quæ nimirum fides quoniam una est, eo non à pluribus magistris, sed ab vno est tradenda. Vnus inquam magister, nõ solum primarius, vt Deus, sed etiam secundarius, vt ecclesia, ad docendam fidem est opus. At sectarij non vnus, sed plures sunt magistri, quod sapientissimè beatus Augustinus exponit dicens: Plures autem magistros tunc fieri existimo, cum diuersa atq; inter se aduersa sentiunt, cū verò id ipsum dicunt omnes, & verum dicunt: ab vnus veri magistri magisterio non recedunt, offendunt autem non cum illius multa dicunt, sed cum addunt sua. Sic quippe incidunt ex multiloquio etiam in falsiloquiũ. Etsi Christus sit vnus fidei magister, tamen per sectarios fit plures, quod Paulus Corinthiorum dissidia arguens exponit dicens: Diuisus est Christus? sectariorum nimirum testimonium in exponendis & proponendis dogmatibus esse suspectum, res ipsa loquitur. Siquidem quum illi non vnus sed plures sint magistri, oportet aut omnium illorum testimonium, aut nullius sit fide dignum. Non omnium, quãdoquidem sectarij circa fidẽ è diametro pugnant, ergo nullius testimonium est idoneum ad religionem astruendam, quoniam non est potior ratio de Luthe-ri, quàm Caluini testimonio, aut caterorum. Quemadmodum enim in humanis disciplinis doctorum inconstantia, & discordia apud pbos viros autoritatẽ

August. in
prolo. re-
tracta.

ener,

Theop. fu
per Ioan.

Ioā Faber
Viennen.

Lauren.
Surius.

eneruat. Sic & multò profecto magis predicatorum inconstantia & discordia testimonium circa religionem reddit suspectum. De magistrorum autem discordia Theophylactus ait: Nihil enim ita offendit discipulos, ut diuelli, & non idem sentire doctores? Quomodo enim persuadebunt, qui non idē sapiunt. Quanta certē sectariorum fuerit discordia & inconstantia, Germanorum tum principum & ciuitatum bella, tum ciuium factiones, tum subditorum rebellio, tum hominum clades, tum religionis variatio, seu potius abolitio (quæ omnia Lutheri prædicatio peperit) apertè satis docent. Caterum quanta Lutheri fuerit rit in tradendis dogmatibus inconstantia, Ioannes Faber Viennensis Episcopus præclare manifestauit. Is quidem in quinquaginta & duobus locis communibus ducentas & nouem Lutheri antilogias annotauit. Laurentius etiam Surius Lutheri gesta exponens ait: Incredibile dictu est, quanta in hoc monstroso homine fuerit conuiciandi & mentiendi libido. Doctor Ioannes Dietenbergius, ut alios taceamus, in duabus duntaxat confutationibus conuicit eum, octingenta septuaginta & quatuor mendaciorum, quod posset incredibile videri illis, qui eius hominis scripta non legerunt. Sed quid non ausit, qui nihil nō ausus fuit. Illius etiam discipuli (etsi in dogmatibus vix vnus aut alter cum eo consentit, utpote ferè oēs secum & cū illo pugnant) mentiendi licentia nullus transuersum, ut aiunt, vnguem ab illo discedit, quandoquidem illorum commentaria nihil aliud sunt, quam naues onusta conuitijs, nullum quippe dogma

con-

controuersum aut confirmant aut oppugnant sine mordacibus argumentis. Huiusmodi esse sectariorum mores Tertullianus testatur dicens: Nihil enim inu-
 uerum est illis, licet diuersa tractantibus, dum ad u-
 niuersitatis expugnationem conspirent. Eandem
 sententiam Irenaeus aduersus Valentinum exponit di-
 cens: Et de conditione quidem talia dicentes, quoti-
 die adinuonit vnusquisq; eorum quemadmodum po-
 test, aliquid noui. Perfectus enim nemo nisi qui maxi-
 ma mendacia apud eos fructificauerit. Et infra de
 Christi tentatore differens ait: Ille autem legaliter
 explosus, tentabat & ipse per mendacium rursus legi-
 time facere congregationem. Et paulo post, inquit, Men-
 dacium abscondens per scripturam, quod faciunt om-
 nes haeretici. Verum quae est hominum innouandi
 religionis temeritas, quantum Lutheri mentiendi li-
 centia eius testimonium magis suspectum apud pro-
 bos viros reddebat, tantum apud religionis nouita-
 tum cupientissimos maiorem obtinuit auctoritatem.
 Et quo Lutherus apud suos maiorem in pradicando
 honorem obtinuerit, eo illum non Dei sed sathanae
 Prophetam fuisse in confesso est, quandoquidem ex
 verbo Dei quod permanet in aeternum scimus nemi-
 nem esse Prophetam sine honore, nisi in patria sua, &
 in domo sua. Quae profecto sententia non de pseudo-
 prophetis, sed de veris est vera, siquidem illi diuino te-
 stimonio destituti humanum fauorem ad suos erro-
 res persuadendos conciliant. Sed aduersus huiusmodi
 beatus Augustinus ait: Si ergo nec scripturarum au-
 thoritatis antiquitas, nec miraculorum potestas nec
 morum

Tertul. de
 praef. herc.

Ire. li. i. ca.
 15. & libr. 5

Matth. c. 13

Aug. cont.
Faust. libr.
13. cap. 6.

Tertul. de
præf. hęc.

morum sanitas, nec rationis veritas, vos asserit: abite
confusi. Quare sectarijs de fidei dogmatibus, tum sin-
gulis sibi non constantibus, tum omnibus secum pu-
gnantibus, tum non vnā in vinculo pacis commu-
nionem sed varios in contentione conuentus colenti-
bus, tantum abest, vt in exponendis proponendisq;
religionis dogmatibus fides habenda sit, quod potius
qui illis diuinarum scripturarum lectionem seueris-
simè interdiceret, & de Catholica Ecclesia & de Re-
publica futurus sit benè meritus. Quandoquidem il-
li, tum in religionis, tum in Reipublica perniciem sa-
cræ scripturæ deprauant. Quibus Catholica Ec-
clesia merito (vt inquit Tertullianus) dicit: Qui estis,
quando. & vnde venistis? quid in meo agitis nō mei?
quo denique Marcioni iure syluam meam cadis? qua
licentia, Valentine fontes meos transuertis? qua
potestate Appelles limites meos commoues? quid his
ceteri ad voluntatem vestram seminatis & pascitis?
Mea est possessio, olim possideo: habeo origines firmas,
& ipsis autoribus quorum fuit res. Ego sum heres A-
postolorum. Sicut cauerunt testamento suo, sic vt
fidei commiserunt, sicut adiurauerunt, ita teneo. Vos
certè exheredauerunt semper & abdicauerunt, vt
extraneos, vt inimicos. Vnde autem extranei &
inimici Apostolis hæretici, nisi ex diuersitate do-
ctrinæ, quam vnusquisque de suo arbitrio, aduer-
sus Apostolos, aut protulit, aut recepit? Illic igitur
& scripturarum & expositionum adulteratio de-
putanda est, vbi diuersitas inuenitur doctrinæ, in-
uenitur verò inter Germanicos sectarios Confessio-
ni-

nistas, sacramentarios, anabaptistas, & Suuencfeldianos, & ceteros. Siquidem quauis istarum contrariarum sectarum Dei purum verbum se profiteri, atque sua falsa dogmata ex germano scripturae sensu collegisse iactat.

Ad germanè intelligendam diuinā scripturam non scripta Ecclesiae traditio est necessaria.

Religionis quidem dogmatum quaedam solo vi- Cap. 39.
ua vocis oraculo tradita, quaedam verò literis
mandata fuerunt, atq; istorum quaedam ex-
pressis verbis traduntur: nō quaedam autem, expressis
verbis, sed ex illis colliguntur. Quam distinctionem
beatus Augustinus contra Maximinum Arianum Aug. cont.
Max. l. c. 3.
exponit dicens. Et vos Spiritum sanctum non permit-
titis adorari, vt ipsi Dei gratiae remaneatis ingrati.
Sed da inquis, testimonia vbi adoratur Spiritus san-
ctus, quasi non ex ijs quae legimus, aliqua etiam quae
non legimus, intelligamus. Sed ne querere multa cō-
pellar, tu vbi legisti patrē Deū ingenitū vel innatū:
& tamen verum est? Quod verò aliquotiens dixisti,
etiam filio esse incomparabilem patrem: nec legitur
nec verum est. Si autem religionem qua colitur Deus,
sicut dignum est cogitāras, multò plus esse cernerēs,
quod habet spiritus sanctus templum, quam si eum le-
geres adoratum. Fidei igitur dogmatū ob diuina my-
steria in illis tradita, vix vnū aut alterum est, qd' ver-
bis nō scriptis quibus germane exponatur nō indigeat:
illud quidē, Ego & pater vnū sumus sine ὁμοῖος, nō
scri-

scripto verbo germanè non potuit exponi. Quod sectarij ad suos astruendos errores frequenter faciunt. In dogmate quippe de iustificatione, illam voculam non scriptam, scilicet solam, (ad astruendum quod sola fides iustificat) addunt: Scramētarij etiam illam voculam scilicet, est, in Christi verbis, hoc est corpus meum, per significandi non scriptum verbum (ad negandam Christi realem existentiam in Eucharistie sacramento) interpretantur. Vnde illi ex non scriptis verbis à se adinuentis ad suos errores astruendos, ad Ecclesie non scriptas traditiones recipiendas coguntur. Quod sapientissimè exponit Theodoretus dum ait: Sed etiam hīc Episcopi videntes eorum dolum, collegerunt ex scripturis splendorem, fontem, et fluuium, & figuram ad substantiam pertinere. Et illud: In lumine tuo videbimus lumen: et Ego & pater vnum sumus. Et clarius iam ac breuiter conscripserunt consubstantialē patri filium. Omnia namque prædicta hanc significationem habent. Murmuratio siquidem eorum, quasi verba hæc non fuissent ex scripturarū autoritate prolata, per eos quoq; inanis esse conuincitur. Ex non scripto nāq; ipsi impiè proferrentes, quippe quod nusq; penitus inuenitur, ex nō extantibus: & fuit aliquando quādo non fuit, alios culpāt: propterea ex non scriptis sermonibus, piè tamen intellectis damnati sunt. Summè animaduertendum est quod ὁμοούσιον verbum nō fuit ad inuentum à Niceno Concilio, nec patres in Niceno Concilio illum locum, Ego & pater vnum sumus, de patris et filij cōsubstantialitate primò exposuerunt: quandoquidem illam

Hist. Trip.
lib. 2.

lam expositionem à priscis patribus habuerūt, quod Theodoretus aduersus omnes sectarios & dogmatum nouatores ibidem sapientissimè annotauit dicens: Verūm Episcopi non sibi met ad inuenientes verba, sed habentes hæc à patribus, testimonia conscripserunt. Veteres enim sacerdotes ante eos penè centum triginta magnæ Romæ ciuitatisq; nostræ, accusauerunt omnes, qui dicunt facturam aut creaturam esse filium, & non consubstantiali patri. Et hoc sciebat Eusebius Casariensis Episcopus, qui primum defendebat Arianorum sectam, nouissimè verò subscripsit Nicano Concilio: scripsit autem & ciuibus suis, confirmans, quia & antiquorum aliquos doctos & illustres Episcopos & conscriptores agnouisset, nomine consubstantialitatis vsos in patris & filij deitate. Quare omnes tam Catholici quam sectarij consubstantialitatem recipientes, non scriptam traditionem necessariò recipiunt, quandoquidem illa germana verbi Dei non scripta expositio, non à Concilij Nicani patribus adinuenta, sed recepta fuit: atq; quod de Nicano Concilio Theodoretus asserit, illud non primò adinuenisse diuinarum personarum consubstantialitatem. Idem de Romano est sentiendum, videlicet, patres Romanos illius dogmatis, non inuentores sed assertores fuisse. Quandoquidem Christi discipulos viua voce patris & filij consubstantialitatem docuisse firmiter tenendum est: atq; illam traditionem à Catholica Ecclesia & præcipuè à Romana custoditam fuisse, vtpote tum latinarū, tum græcarum ecclesiarum doctrine. A Concilio enim Roma-

Aug. cont.
Max. li. 2.

no patres Nicani concilij de consubstantialitatis articulo fuerunt edocti. Quod si Arius illum verbi Dei germanum sensum non scriptum, sed viua voce traditum non recepit, ob eam causam hæresis fuit dānatus: & omnes etiam non recipientes sacram scripturam, expositam secundum ecclesiæ auctoritatem hæretici censentur. Ariani certè scripturarum non scriptam expositionem (vt Maximinus Arianorum Episcopus apud Augustinum exponit) humanam traditionem vocat: ait enim: Si quid de diuinis scripturis protuleris, quod commune est cum omnibus, necesse est vt audiamus. Hæ verò voces quæ extra scripturam sunt, nullo casu à nobis suscipiuntur. Prætereà cum ipse dominus moneat nos, & dicat: Sine causa colūt me, docentes mandata & præcepta hominū, & c. Huiusmodi profectò sunt nostri seculi sectarij, quandoquidem plerq; ecclesiastica dogmata ab apostolis viua voce tradita, quæ diuinarum scripturarum germana sunt expositiones, humana statuta seu potius sathanæ adinuenta appellant, vt articuli de Christi corporis reali existentia, transubstantiatione, immolatione, & adoratione, de votis monasticis, de operum meritis, et cætera dogmata ab ecclesiæ ex diuina scriptura collecta. Quæ dogmata sectarij dānant, atq; ab ecclesiā summouenda tanquam impia asserunt. Sed quemadmodum Arrius asserendo diuinarum personarum consubstantialitatem non esse dei verbum errant: ita Calvinus categoricè sectarij asserētes ecclesiastica dogmata esse humanas traditiones, in fide errant. Siquidem Christi corporis realis existentia transubstantiatio, immolatio

&

& adoratio in Eucharistia sacramento, tam clarè quàm diuinarum personarum consubstantialitas ex sacris literis colliguntur. Vnde quemadmodum cū Ario pertinaciter affirmanti consubstantialitatem, non contineri in verbo Dei, Caluinus ceteriq³ sectarij non consentiunt: ita Caluino ceteris q³ sectarijs pertinaciter asserentibus Christi corporis realem existentiam, transubstantiationem, & cetera ecclesiastica dogmata non contineri in Dei verbo, non est credendum: siquidem vtriq³ errant. Nam si de diuinarū personarum consubstantialitate (quod dogma præ ceteris, tum ob rerum summā difficultatem, tum ob diuinarum scripturarū ineuidentiā testimonia difficilimum est, atq³ inter diuina mysteria præ ceteris videtur incredibile) per ecclesiæ traditionem siue auctoritatem facti sumus certiores: multò profectò magis de ceteris dogmatibus ecclesiæ censuram obseruare est neceßè.

Non nuda scriptura, sed illius sensus iuxta catholicæ traditionem est purum Dei verbum.

Ecclésiasticorum certè definitorum dogmatum quadam recipere, quadam verò rejicere, non catholicorum, sed hæreticorum est.

Quid quod omnia dogmata ab ecclesiā definita perinde ac sacra scriptura recipienda sunt. Nam non sacra scriptura verba ab Ario, Luthero, Caluino, ceterisque sectarijs exposita atque ad

Aug. de v-
tilit. cred
cap. 14.

suos astringendos errores, & ad oppugnanda ecclesiastica dogmata allegata, sed sacra Ecclesiastica doctrina, seu traditio per quam sacra scriptura syncerè exponitur, est purum Dei verbum, cui omnes fideles obedire tenentur. Quam sententiam beatus Augustinus mirificè illustrat dicens: Sine paululum ipse mecum considerem, Christum ipsum quomodo apparere hominibus voluit, qui istis etiam vulgaribus oculis visus esse pradicatur, ego non vidi: quibus de illo crediderim vt ad te iam tali fide praestructus accedam, nullis me video credidisse, nisi populorum atque gentium confirmatae opinioni, ac fama admodum celeberrima: hos autem populos Ecclesiae Catholica mysteria vsquequaque occupasse. Cur non igitur apud eos potissimum diligentissimè requiram, quid Christus praeceperit, quorum authoritate cōmotus, Christum aliquid vtile praecepisse, iam credidi? Tu ne mihi melius expositurus es quid ille dixerit? Quem fuisse, aut esse non putarem, si abs te hoc mihi commendaretur esse credendū. Hoc ergo credidi, vt dixi, fama celebritate, consensione, vetustate roborata. Vos autē & tam pauci, & tā turbulenti, & tam noui nemini, dubium est, quin nihil dignum authoritate praeferatis. Quae igitur ista tanta dementia est? Illis crede, Christo esse credendum: & à nobis discite quid dixerit. Cur obsecro te? Nam si illi deficerent, nec me quicquam docere possent, multo facilius mihi persuaderem Christo non esse credendum, quàm de illo cuiquam, nisi ab ijs per quos ei credidissem, discendum. O ingentem confidentiam, vel potius ineptiam:

ego

ego te doceo, quid Christus præceperit, cui credis. Quibus profectò verbis beatus Augustinus aperte factus docet, Catholica ecclesiæ authoritatem, cum sapientissimorum omnium, tum sectariorum authoritati præferendam esse. Quod si ad Reipublicæ legitimè instituta incolumem statum tenendum, & ad respublicas gerendas, non propriam sed magistratum sequamur sententiam est necesse: longè certè magis in religione (quia diuina præstant humanis) idipsum est necessarium. Præcipuè cum Catholica Ecclesia iudicium, cui vnusquisq; credere debet, diuinum potius sit quàm humanum. Quandoquidem non per naturam, sed per Dei gratiam, Catholica Ecclesia sancta est columna & firmamentum veritatis. Quare sectarij contempta ecclesiæ authoritate, iam non in ecclesiæ adificationem, sed in destructionem concionantur: sine Ecclesiæ enim authoritate de Euangelio nullus potest perhibere fide dignum testimonium, quo sit vt reiicienda prorsus illorum doctrina sit, neq; vllò modo admittenda vt Augustinus docuit dicens: Quibus ergo obtemperavi dicentibus, credite Euangelio, cur eis non obtemperarem dicentibus mihi, Noli credere Manichæo? Elige quid velis. Si dixeris, crede Catholicis, ipsi me monent, vt nullam fidem accomodem vobis. Quapropter non possum illis credens, nisi tibi non credere. Si dixeris, noli Catholicis credere: non rectè facies per Euangelium me cogere ad Manichæi fidem, quia ipsi Euangelio Catholicis prædicantibus credidi. Si autem dixeris rectè credidisti Catholicis laudantibus Euangelium,

Aug. cont.
Epistol.
Fund. c. 5.

sed non rectè illis credidisti vituperantibus Manichæum: vsque adeò me stultum putas, vt nulla reddita ratione, quod uis credam, quod non vis non credam. Multo quippe iustiùs & cautiùs facio, si catholicis, quoniam semel credidi, ad te non transeo, nisi me non credere iusseris, sed manifestissimè ac apertissimè scire aliquid feceris. Quocirca si mihi rationè redditurus es, dimitte euangelium: si ad euangelium te tenes, ego ad eos me teneam, quibus præcipientibus euangelio credidi: & his iubentibus tibi omninò non credam. Quàm clarissimè & quàm verissimè beatus Augustinus Lutherū eiusq; successores nobis ante oculos ponit, satis ex his patet. Nihil enim magis Lutherus quàm Christi euangelium clamat, Zuinglius etiam idem euāgeliū se profiteri asserit, Buzerus quoq; & ceteri sectarij id ipsum concionantur. Verū illorum doctrinam diuersam esse à Christi euangelio inconfesso est. Quoniam de principalibus fidei articulis non consentiunt. Quare qui fidem rectam vult tenere, cōtemptis sectarijs cum Augustino ceterisq; catholicis doctoribus catholica ecclesia adhareat. Omnis enim fidelis securiùs doctrinæ ecclesiæ, quàm sacre scripturæ adhæret, securiùs inquam, non quod sacre scripturæ adhærere sit periculosum, siquidem ad fidem tenendam scriptura firmissimum est asylum: sed quod ob difficultatem scripturæ et sectariorum insolentiam, qui præterita auctoritate ecclesiæ existimant se veritatem scripturæ profiteri, difficillimum sit in ea retineri, sed illos decipi, sectariorum disidia aperte satis testantur. Nam sectarij omnes euangelij
tantum

tantum voces sequuti modò sibi non constant, frequenter verò, seu potius semper cum alijs pugnant, & à catholica ecclesia dissentiunt. Catholici autem econtrà doctores, cunctiq; fideles ecclesia doctrinam sequuti, vnitatem spiritus in vinculo pacis seruant, atq; quantò magis ecclesie traditioni, doctrina siue auctoritati sunt alligati, tantò syncerius Dei verbum ab illis creditur, utpote catholica ecclesia (quam illi obseruant, cuiusq; communionem colunt) sancta columna & firmamentum est veritatis.

In catholica ecclesia non quilibet fidelis pastoris & doctoris munere fungitur.

Cap. 91.

IAm verò quoniam Dominus noster Iesus Christus, ad patris dexteram sedens, militanti ecclesie corporaliter non praeest. Et quoniam fides ex auditu est, auditus autem per Dei verbum, ut fideles vnitatem spiritus in vinculo pacis seruent, perinde ac in ciuitate magistratus, in catholica ecclesia sint praepositi oportet, quibus omnes Christiani tum in asserendis dogmatibus, tum in morum disciplina obediunt. Quam sententiam beatus Paulus expressis ponit verbis, dicens: Et ipse dedit quosdam quidem Apostolos, quosdam autem Prophetas, alios verò Euangelistas, alios autem pastores & doctores ad consummationem sanctorum in opus ministerij, in adificationem corporis Christi, donec occurramus omnes in vnitatem fidei

Ad Ephes. cap. 4.

& agnitionis filij Dei, in virum perfectum, in mensuram aetatis plenitudinis Christi: ut iam non simus paruuli fluctantes, & circumferamur omni vento doctrinae in nequitia hominum, in astutia ad circumuentionem erroris. Quorum munerum ad fidei unitatem tenendam tria prima in Ecclesia primordijs, alia verò in illius progressu necessaria & sufficientia sunt. Siquidem cum Catholica Ecclesia de diuinis mysterijs, non quibuslibet hominibus, sed Dei Apostolis, Prophetis, & Euangelistis fidem habeat: tum verbi Dei auditores, qui nec Prophetas, nec Apostolos, nec Euangelistas nati sunt, de Catholica Ecclesia doctrina siue traditione (quae sincera religionis dogmatum & propositio & expositio est) non quibusuis Catholicis viris nedum sectarijs, sed legitimis pastoribus & doctoribus habeant fidem est necesse. De ista ecclesiastica munerum distinctione Caluinus ait: Habemus quae in Ecclesia regimine temporaria ministeria fuerint, scilicet Apostoli, Prophetae, Euangelistae, & quae ideo instituta ut perpetuo durent scilicet pastores, doctores. Illa igitur prophetandi & docendi munera in Dei Ecclesia, non singulis fidelibus, nec indefinite aliquibus, sed determinatè quibusdam ad publicam vtilitatem dantur. Cetera verò diuina dona ut Fides, Spes, & Charitas, quae singulis fidelibus ad propriam spiritualem salutem sunt necessaria, omnibus conceduntur, quod & scriptura exponit dicens: Iustus in fide sua viuet. Quid verò & quale sit fidei donum ad priuatam vtilitatem datum, B.

Chry-

Caluin. ca.
8. par. 19.

Chrysostomus docet, dum ait: Si dederit Spiritus sanctus cuiquam donum non habenti sapientiam, vel non habenti intelligentiam, sed solam fidem, quales sunt multi habentes dona, ut credant scripturis, ignorant scripturas, vocatur donum illud spiritus fidei. Verum sicut in corpore humano præter tangendi sensum omnibus membris communem sunt alij sensus siue facultates determinatis membris conuenientes, de quibus Paulus ait: Sicut enim in vno corpore multa membra habemus, omnia autem membra non eundem actum habent. Ita præter diuina dona communia, quedam sunt specialia dona, non omnibus, sed quibusdam fidelibus data, de quibus ait Paulus: Habentes autem donationes, secundum gratiam quæ data est nobis, differentes, siue prophetiam secundum rationem fidei, siue ministerium in ministrando, siue qui docet in doctrina &c. Quid verò & quale sit doctoris munus, cum Paulo alio loco beatus Hieronymus exponit dicens: Tito præcipit, ut inter ceteras virtutes Episcopi, quem breui sermone depinxit, scientiam quoque in eo eligat scripturarum, obtinentem (inquit) eum, qui secundum doctrinam est, fidelem sermonem: ut potes sit exhortari in doctrina sana, & contradicentes reuincere. Quam donorum siue munerum distributionem beatus Augustinus in hunc modum exponit, dicens: Nos enim quos in loco isto, de quo periculosa ratio redditur, dominus secundum dignationem suam, non secundum meritum nostrum constituit, habemus duo quædam, vnum quod Christiani sumus: alterum quod præpositi sumus. Illud quod Christiani sumus,

Habac. i. c.
Chryf. ho.
de sancti
ado. spir.

Ad Rom.
cap. 12.

Hieron. ad
ad Pau.

August. de
Pal.

Am s propter

propter nos est: quod autem prapositi sumus, propter vos est. In eo quod Christiani sumus attenditur, vtilitas nostra: in eo quod prapositi, non nisi vestra. Sunt autem multi Christiani & non prapositi, qui perueniunt ad Deum faciliore fortassis itinere, & tantò fortè expeditiùs ambulantes, quantò minorem sarcinam portant. Nos autem excepto quod Christiani sumus, vnde rationem reddemus deo de vita nostra, sumus etiam prapositi, vnde rationem reddemus deo de dispensatione nostra. Munus igitur doctoris si in Catholica ecclesia non commune, sed speciale donum est: contrà sectarij, dùm nulla re vulgariùs quàm doctoris functione vtuntur, quandoquidem in illorum cœtibus vix vnus aut alter est, qui ad fidei rationem reddendam, & hareses propugnandas, seu potiùs astruendas, doctoris officium non sibi vindicet, quod Irenæus apertè satis testatur, dicens: Ab his autem qui prædicti sunt, iam multæ propagines multarum haresum factæ sunt, eò quod multi ex ipsis, imò omnes volunt doctores esse, & abscedere quidem ab heresi in qua fuerunt. Aliud autem dogma ab alia sententia, & deinceps alteram ab altera componentes, noua docere insistant, semetipsos adiuuantes sententiæ quamcunque compegerint, enarrantes, aduersus quos Paulus ait: Si totum corpus oculus, vbi auditus? Et infra: Nunquid omnes apostoli? Nunquid omnes propheta? Nunquid omnes doctores, &c. Tertullianus etiam insolentiam hanc manifestat, hæreticorum mores exponens: Omnes, inquit, scientiam pollicentur, antè sunt perfecti catechu-

Iren. lib. 1.
cap. 30.

1. Co c. 12.

Tertul. de
præf. adue.
hæres.

eat hecumeni, quàm edocti. ipsa mulieres hareticae,
 quàm procaces, quae audeant docere, contendere, etc.
 Quod malum in presenti seculo ut alia innumera E-
 rasmo acceptum referri par est. Siquidem ille: Vehementer
 inquit, ab istis dissentio, qui nolint ab idiotis legi di-
 uinas literas, in vulgi linguam transfusas. Optarim ut
 omnes muliercula legant euangelium, legant Paulinas e-
 pistolas. Atque utinam haec in omnes omnium linguas esset trans-
 lata. Et infra: Cur professionem omnium communem ad pau-
 cos contrahimus? Et paulo post ait: Vereor enim ne in-
 ter theologos reperire liceat, qui multum absint a suo ti-
 tulo, hoc est, qui terrena loquantur, non diuina. Cum qui-
 bus conueniunt quae postea dixit: Doctos esse vix pau-
 cis contingit, at nulli non licet esse christianum, nulli non
 licet esse pium, addam audacter illud, nulli non licet esse
 theologum. Verum enimvero ille de grammatico sensu con-
 tendit, dum theologos esse existimat diuina verba le-
 gentes aut loquentes. Quia si ita est, non modo muliercu-
 las, sed loquaces picas theologos dixerit. At apud pro-
 batos auctores non dei verba loquentes, sed qui verborum
 dei habent scientiam, theologos & vocantur et sunt. The-
 ologi quippe sunt de quibus Paulus ait: Alij quidem per
 spiritum datur sermo sapientiae, alij autem sermo scientiae
 secundum eundem spiritum. Quem locum beatus Augustinus in
 hunc modum exponit: Non utique, inquit, quicquid sciri ab
 homine potest in rebus humanis, ubi plurimum superua-
 cuae vanitatis, & noxiae curiositatis est, huic scientiae
 tribuens, sed illud tantummodo, quo fides saluberrima,
 quae ad veram beatitudinem ducit, gignitur, nutri-
 tur, defenditur, roboratur: quae scientia non pollente
 fideles

Eras. ad le.
 cor. in A-
 than,

1. ad Cor.
 cap. 12.

August. de
 Tri. 14. c. 1.

Aug sup.
Ioan. trac.
58.

fideles plurimi, quamuis polleat ipsa fide plurimum. Aliud est enim scire tantummodo quid homo credere debeat propter adipiscendam vitam beatam, quæ non nisi æterna est: aliud autem scire, quæadmodum hoc ipsum, & p̃ys opituletur, & contra impios defendatur, quam proprio appellare vocabulo scientiam videtur apostolus. In alio loco etiam eandem confirmans sententiam ait: Solidam inquit, profectò voluit scientiam esse spiritualium, ubi nō sola fides accommodaretur, sed certa cognitio teneretur, ac per hoc illi ea ipsa credebant, quæ spirituales insuper agnoscebant. Diuinorum igitur qui habet cum fide eruditionem verborum, Christianus Theologus dicendus est: qui verò sine eruditione, diuinis assentitur verbis, non Theologus, sed Christianus appellatur. In baptismo namq; fideles non Theologiam, sed fidem profitentur. Christiana siquidem religionis principium non scire, sed credere est. Quare in Dei ecclesia Theologorum siue Doctorum opera sunt, intelligendo legere scripturas, illas exponere, & docere, caterorū verò fidelium actus sunt, obediēter audire scripturas, id est, legitimis doctoribus credere. Catholica quidem Ecclesia qua est erga suos filios pietate repleta, nō sciendi, sed credendi Dei mysteria munus singulis fidelibus iniungit. At sectarij, qua sunt temeritate legendi scripturas, munus omnibus indiscriminatim (quò facilius à vera fide deficiant) iniungit, cum melius & utilius sit, vt Ireneus ait: Idiotas & parum scientes existere, et per charitatem proximum fieri Deo: quàm putare multum scire, & multum expertos in suum Deum blasphemios

Irenei. li. 2.
cap. 45.

phemos inueniri, alterum Deum patrem fabricātes: & idēd Paulus clamabat: Sciētia inflat, charitas autem edificat. Non quia veram scientiam de Deo culparet, alioquin seipsum primū accusaret: sed quia sciebat quosdam sub occasione scientia elatos excidere à dilectione Dei, et ob hoc opinari seipsos esse perfectos. Sicut enim Mathematicus, Architectus, & Faber, etsi circa idem argumentum versantur, tamen non Faber sed Mathematicus habet scientiam: ita in Dei ecclesia, etsi omnes fideles mysteriorū fidem profitentur, tamen non omnes, sed Doctores tantū, cū fide eruditionem iniunctam habent. Neq; varia eruditio fidē variat, quod Irenaeus manifeste docet, dū ait: Plus autem aut minus secundum prudentiā nosse quosdam intelligentiam, non in eo quod argumētum mutatur, efficitur.

Ire. lib. 1.
cap. 4.

Catholica ecclesia semper habet idoneos verbi Dei ministros.

Catholicam quidem Ecclesiam ad sinceram fidem docendam, & reuincendas haereses, idoneis pastoribus & doctoribus nunquam carere sectarij modo aiunt, modo negant. Calvinus enim ait: Sequuntur pastores & doctores, quibus carere nunquam potest ecclesia. Sed infrā aperte satis secum pugnat, dū catholicā ecclesiam carere idoneis pastoribus asserit, dicens: Omnium ferē seculorū exemplis mouemur, nec veritatē semper in sinu pastorum ali, nec ecclesiae incolumitatem ab eorum statu pendere. Quae nimirum sententia cū in priscos patres contumelia

Caput 92.

Cal. cap. 8.
par. 18. para 80.

Ad Ephes.
cap. 4.

contumelia, tum in Christum ecclesia caput blasphem-
mia est, atq. cum dei verbo manifestè pugnat. Nam
Christus non quales quales pastores & doctores, sed
idoneos se daturum ecclesia manifestissimè promisit,
vt Paulus diuino afflatus spiritu exposuit, dicens: Et
ipse dedit quosdam quidem Apostolos, quosdam autè
Prophetas, alios verò Euangelistas, alios autem Pa-
stores & doctores ad consummationem sanctorum
in opus ministerij, in adificationem corporis Christi:
donec occurramus omnes in vnitatem fidei & agni-
tionis filij Dei, in virum perfectum, & in mensurā
etatis plenitudinis Christi: vt tam non simus paruu-
li fluctuantes, & circumferamur omni vento do-
ctrinae in nequitia hominum, in astutia, ad circum-
uentionem erroris. Illa profectò verba, scilicet in o-
pus ministerij in adificationem corporis Christi, ido-
neos pastores & doctores nunquam deesse in ecclesia
expresse docent. Quandoquidem corpus Christi, quod
adificatur, catholica est ecclesia, quae vsque in saeculi
consummationem edificatur. Igitur idonei pastores
& doctores, tam diu sint quàm diu edificatur eccle-
sia, est neceffe. Illa etiam verba: vt iam non simus par-
uuli fluctuantes, & circumferamur omni vento do-
ctrinae, pastores & doctores esse idoneos, aperte satis
significant. Fluctuare siquidem & circumferri va-
rijs dogmatibus, non catholicorum sed sectariorum
est doctorum, catholici enim ecclesia doctores à Chri-
sto sunt instituti, ideoq. fit vt ad stabiliendos cæ-
teros in fide, idonei sint ministri, & per consequens
catholica ecclesia, iuxta Christi promissionem, ad
synce.

Sinceram fidem docendam, & reuincendas hareses idoneos pastores & doctores perpetuū habebit, quod & diuina ipsius ecclesie constitutio requirit, de qua Ad Ephes. Paulus ait: *Et omnia subiecit sub pedibus eius, &* cap. 1. *ipsum dedit caput supra omnem Ecclesiam, quæ est corpus ipsius, & plenitudo eius, qui omnia in omnibus adimpletur. Sicut enim Deus optimus maximusq̃, mundi singularumq̃ rerum conditor, uiuentibus unicuique iuxta suum genus, corpus omnibus numeris & partibus perfectum dedit, utpote ad operandum idoneum instrumentum. Quod* Aristoteles exponit, dicens: *Est itaque inter principia istud recipiendum, quod animalibus omnibus,* Arist. li. de spirit. *quæ motum erant exercitura, adhunc ipsum usum, aut neruos, aut quæ ijs proportionē responderet, partem aliam natura adnexuit. Deinde ad motum cuique peculiarem, sua quoque rursus instrumenta affinxit: uelut pedestribus futuris, pedes. Homo enim per oculos uidendi officium facit, & sine oculis & ceteris membris non potest agere sua officia. Vnde si animalium species caruissent idoneis membris, Deus frustra illis dedisset animæ facultates, imo res à se quàm maximè bonas creatas despexisset. Ita Deus Christum humani generis redemptorem catholice ecclesie omnibus numeris, et suis partibus p̃fectè perinde ac caput corpori p̃fecit. Quæ inquā ecclesia Christi est plenitudo, siquidē illa idoneos ministros habet, per quos Christus redemptionis officia uerbi inquā dei, sinceram prædicationē, et sacramentorū legitimā administrationē, perpetuū exequitur.*

Quod

Quòd si catholica ecclesia idoneis ministris caruisset, frustra Christus illius caput esset, quandoquidem per eam nullum officium fecisset: atq; Clemētissimus Deus (qui infinitas creaturas à se nullo negotio creatas nunquam neglexit) catholicam ecclesiam, quam sibi maximo comparauit negotio, pro nihilo duceret. Immo illa orbata idoneis ministris, velut corpus mancum, & mutilū ad redēptionis ministeria exequenda non modo inutilis, sed perniciosa esset: quæ omnia tam impossibilia, quàm impia sunt. Nam quo catholica ecclesia Christi est corpus, & eius plenitudo, ed Christus, vt Paulus ait, omnia in omnibus adimplet, siue adimpletur, id est, sua dona impartitur ecclesie ministris, quibus illi fiunt idonei ad synceram fidem prædicandam, & ad legitimè administrandum sacramenta. Quare vt diuina ordinatio, per quā Christus ecclesia est caput, firma & stabilis permaneat, non minùs perpetua & continua sit oportet idoneorum pastorum & doctorū successio in ecclesia, quàm in humana specie, singulorum hominum generatio. Quoniam quemadmodum per hanc generationem humanum genus, ita per illam doctorum successionē ecclesia propagatur ac durat. Gratia enim promissio de idoneis ministris non minùs, imò longè efficacior est, quàm quæ facta est natura de hominis propagatione. Quippe qui dixit, crescite & multiplicamini, dixit etiam, dedit quosdam apostolos &c. Tandem sicut Dei ordinatione dies perseverat, cælumq; astris non orbat: ita catholica ecclesia perpetuò habet pastores & doctores. Qui si in ecclesia sunt necessarij, profectò

profectò sint etiam idonei oportet, quandoquidem si tales non essent, perinde ac si nunquam fuissent, foret. Atque non solum in catholica ecclesia idonei ministri verbi Dei nunquam deficient, imò quemadmodum omnipotens deus circa mundi huius administrationem non desuit in necessarijs, ita nec in hæreticorum temporibus deerit, quin potius idoneos magis verbi dei ministros, quàm alijs temporibus sua ecclesia subministrabit. Quod beatus Augustinus sapientissimè exponit, dùm ait: Cham porro qui interpretatur calidus, medius Noè filius, tanquam se ab vtroque discernens, & inter vtrumq; remanens, nec in primitijs Israëlitarum, nec in plenitudine gentiũ, quid significat nisi hæreticorum genus calidum, non spiritu sapientiæ, sed spiritu versipellis astutiæ, quo solent hæreticorum feruere præcordia, & pacem perturbare sanctorum? Sed hæc in vsum cedunt proficientium, iuxta illud Apostoli: Oportet hæreses esse, vt probati manifesti fiant in vobis. Vnde etiam scriptũ est: Filius eruditus sapiens erit: imprudente autẽ ministro vtetur. Multa quippe ad fidem Catholicam pertinentia, dùm hæreticorum calida inquietudine agitantur, vt aduersus eos defendi possint, & considerantur diligentius, & intelliguntur clariùs, & instantius predicantur: & ab aduersario mota quaestio, discendi existit occasio. Quare illa Pauli verba, Nempe fiduciam autem talem habemus per Christũ ad Deum: non quod sufficientes simus cogitare aliquid à nobis, quasi ex nobis, sed sufficientia nostra ex Deo est: qui et idoneos nos fecit ministros noui testa-

Aug. de ciuit. dei li. 16. cap. 2.

2. ad Cor. cap. 3.

uenti, &c. non minus ad Catholicam ecclesiam, quā ad Christi discipulos referuntur: quandoquidem si Catholica ecclesia ad aliquid idonea est, id ex deo est, qui illam idoneam fecit ministram noui testamenti. Deus quippe à mundi primordijs, vsque ad illius consummationem Catholica ecclesiæ ministerio, id est, per Patriarchas, Prophetas, Apostolos, Pastores et doctores, nunquam destitit docere veram religionem, illos qui Ecclesiæ essent obseruatores, illiusq; communionis cultores. Ex quo omnes illi in vnius Catholica ecclesiæ communionem perstiterunt, tum fidei dogmata ad veram religionem pertinentia, pari consensu prædicauerunt. Prophetæ enim nullum dogma aduersus Patriarcharum fidem, Apostoli verò nihil contrarium fidei Patrum, & Prophetarum, Pastores quoq; & doctores nihil pugnans cum Apostolorum, prophetarum & patriarcharum fide & doctrina, siue traditione docuerunt, quod certè euidentissimum est veritatis indicium. Nam si doctores varij fuissent circa fidem, profectò iam Catholica ecclesia, quæ illorum doctrinam, & traditionem sequitur, non vnā, sed variā fidem habuisset. Vt enim ego non possū alios colores videre præter illos, quos meis oculis video: sic Catholica Ecclesia non potest tenere diuersam ab ea fidem, quā eius ministri profitentur, præsertim cum illi Ecclesiæ communionem coluerint, eamq; obseruarint.

Ecclesiæ pastoribus et doctoribus, de iustitiæ via declinantibus, fideles obediunt oportet.

sectarij

Sectarij profecto ne videantur temerè contemne-
 re Ecclesia Pastorum & doctorum auctoritatem,
 illos aut desuiffe, aut à fidei sinceritate defeciffe, sa-
 cra scriptura testimonijs perperam expositis, astrue-
 re satagunt. Calvinus enim Isaiam et Ieremiam pro-
 phetas in testes adducit. Speculatores eius, inquit I-
 saias, caci omnes, nesciuerunt vniuersi: canes muti nō
 valentes latrare, &c. Ieremias etiam ait: A mino-
 re quippe vsque ad maiorem omnes auaritia stu-
 dent, & à propheta vsque ad sacerdotem cuncti fa-
 ciunt dolum. Quæ scriptura loca, & similia, etsi v-
 niuersim significant, tamen huiusmodi vniuersali-
 tas non de singulis generum est intelligenda, quod
 beatus Augustinus ex diuinarum scripturarum cir-
 cumstantia sapientissimè colligit, dicens: Siquidem
 & quando dictum est: omnes declinauerunt, simul
 inutiles facti sunt, non est qui faciat bonum, non est
 vsque ad vnum: in vtroque Psalmo, vbi hæc verba
 sunt, & hæc leguntur: Nonne cognoscent omnes, qui
 operantur iniquitatem, qui deuorant plebem me-
 am in cibo panis? Erat ergo etiam tunc populus dei:
 vnde illud quod dictum est: Non est qui faciat bonū,
 non est vsque ad vnum, de filijs hominum dictum est,
 nō de filijs Dei. Simili modo sectarijs respondendū est,
 quod in eodē Esaia vbi scriptū est: speculatores eius ca-
 ci omnes, hæc etiam leguntur: Adducam eos in montē
 sanctū meū, & latificabo eos in domo orationis meæ:
 holocausta & victimæ corū placebūt mihi sup altari
 meo, etc. Erāt ergo etiā tunc idonei pastores et docto-
 res. Vnde illud quod dictum est: speculatores eius caci

Calu. ca. 2,
para. 30.Isai. ca. 56.
Ierem. 6. c.Aug. de ci-
uit. dei lib.
16. ca. 10.

Cal. cap. 8.
par. 86.

Matth. ca. 5.

Matth. 23.

omnes, non de Catholica ecclesia prapositis, sed de ſetiorũ paſtoribus & doctõribus dictum fuit. Verũ Calvinus aduerſus Catholica ecclesia prapositos ait: Manere tamen verbum Domini quod prapositis obedire iubet, ita ne vero? quid ſi prapositos eſſe negent, qui tales ſunt. Et infra: illi igitur ſpirituales erunt nobis praefecti, quia lege domini neq; huc neq; illuc defleſcent. Quibus nimirum verbis, ſi ille ecclesia paſtores & doctores propter conuerſationis peccata Eccleſiaſticam ſpiritualem auctõritatem amiſiſſe aſſerit, admodum fallitur. Nam diuina ſcriptura, Catholica ecclesia autenticorum paſtorum & doctõrum duos ordines ſtatuit, dũ ait. Qui ergo ſoluerit vnũ de mandatis iſtis minimis, & docuerit ſic homines, minimus vocabitur in regno calorum. qui autem fecerit & docuerit, hic magnus vocabitur in regno calorum. Quos doctõrum ordines Chriſtum non ſecundum doctri- nae varietatem, ſed iuxta legis adimplẽtionem diſcreuit. Vnde illi doctores licet in conuerſando non ſeruabant eandem iuſtitia normam, tamẽ in predicando eandem veritatis regulam ſequebantur. Quod ſi ex morum varietate colligenda eſſet doctrinae varietas, Chriſtus proſectõ veritatis magiſter prapositos de iuſtitia regula declinantes cauendos prapcepiffet. Verũ tantũ abeſt vt ab eorum doctri- na ille ſuos fideles arceat, quod potiũ huiusmodi doctores obſeruare prapiciat. Super Cathedram (inquit Chriſtus) Moysi ſederunt ſcribae & Phariſai. Omnia ergo quacunq; dixerint vobis, ſeruete & facite: ſecundum opera verò eorum nolite facere, dicũt enim

enim & non faciunt. Quem scriptura locum de malis ecclesie prepositis intelligendum, beatus Augustinus testatur, dicens: De pastoribus malis, quos nomine scribarum & phariseorum significare voluit, docentes bona, & facientes mala. Igitur Ecclesia prepositi etiam si in conuersatione à lege Domini huc ac illuc deflexerint, nihilominus nobis spirituales erunt præfecti. At sectarij dum propter pastorum & doctorum abusus ab Ecclesia exeunt, Donatistarum heresim profitentur. Siquidem illi perinde ac Donatistæ ecclesiasticorum abusu prætexta, ex Catholica ecclesia exierunt. Præterea Calvinus Ecclesia præpositos verbum Dei non administrantes, non re, sed nomine esse episcopos affirmat, dum ait: Dicant igitur qua ratione velint habere episcopum, qui nullam officij partem minimo digito, vel in speciem saltem attingit. Quæ profectò sententia contradicit Dei verbo. Quia fideles Dei dona aut ad priuatam, aut ad publicam vtilitatem frustra nonnunquam recepisse, Paulus testatur, dum ait: Adiuuantes autem exhortamur, ne in vacuum gratiam Dei recipiatis. Evangelica quoque talentorum parabola aliquos Ecclesie pastores Dei dona ad publicam vtilitatem frustra accepisse, aperte satis testatur, dum ait: Accedens autem & qui vnum talentum acceperat, ait: Domine, scio quia homo durus es, metis ubi non seminasti, & congregas vlli non sparsisti: & timens abij, & abscondi talentum tuum in terra, ecce habes quod tuum est. Ecclesia enim prælati otio vacantes, quamdiu ab officio non deponuntur, veri sunt prælati, atque illis

Aug. epist.
209.

Caluin. cr.
8. par. 67.

2. ad Cor.
cap. 6.

Matth. c. 5.

Aug. epist.
209.

obedire & honorem deferre oportet. Quam sententiam beatus Augustinus sapientissimè exponit, dicēs: Vnde te admoneo, ne grauius perturberis his scandalis, quæ ideo ventura prædicta sunt, vt quando venirent reminisceremur esse prædicta, & non eis valde commouemur. Nam hæc ipse Dominus in Euangelio ita prædixit: Vt mundo ab scandalis. Oportet venire scandala, vnde autem homini illi, per quem scandalum venit. Qui sunt isti homines, nisi de quibus dicit Apostolus. sua quærentes, non quæ Iesu Christi. Alij sunt ergo qui propterea tenent pastorales Cathedras, vt Christi gregibus consulant: alij verò qui propterea in eis sedent, vt suis honoribus temporalibus, & commodis secularibus gaudeant. Ista duo genera pastorum, alijs morientibus, alijs nascentibus, in ipsa Catholica Ecclesia necesse est vsque ad finem sæculi, & vsque ad domini iudicium perseuerent. Si enim temporibus Apostolorum fuerunt tales, inter quos falsos fratres Apostolus gemeret, et diceret, periculis in falsis fratribus, nec eos per superbiam separaret, sed per tolerantiam sustineret: quanto magis temporibus nostris necesse est vt sint, cum de tempore huius sæculi, quod propinquat ad finem, apertissimè dominus dicat: Quoniam abundabit iniquitas, refrigescet charitas multorum. Verum Calvinus hæretica licentia, reges otio torpentes non amittere Reipublica magistratum, Episcopos verò Ecclesiasticum gradum, propter administrandi defectum amisisse affirmat, dicens: Non ita de Episcopo est vt de rege: hic enim etsi non exequatur quod proprium est regis, honorem nihilominus ac titulum retinet

Calu. ca. 8.
para, 63.

retinet: at in Episcopo dydicando respicitur Christi
mandatum, quod semper in Ecclesia valere debet.
Quam sententiam in Regum gratiam & Episcopo-
rum inuidiam à Caluino asseri inconfesso est. Quan-
doquidem Dei mandatum de administranda repu-
blica, tam respicitur in dydicando rege, quam
Dei mandatum de pascendis ouibus in Episcopo.
Vnde si rex nullam officij partem minimo digito,
velin speciem saltem attingens, honorem & titu-
lum retinet, multò magis Episcopus otio vacans
gradum Episcopatus tenebit. Siquidem Episcopa-
tus specialius quam civilis magistratus est à Deo
institutus, sed Caluini error reuincitur: si Episco-
pus, sui non immemor officij, pœnitentia ductus,
quantò in officio fuit negligentior, tantò in Eccle-
sia officiosior existat. Huiusmodi nimirum præ-
positi non indigent altera vocatione, sed ordina-
tione, vt fiant Episcopi. Ex quo manifestè colligitur,
quod illi muneri executionem omittentes, non sta-
tim amiserunt Ecclesiasticum munus. Verum qui-
dem est, quod huiusmodi Pastores tantò magis
Dei Ecclesiam labefactant, quantò diutius in of-
ficio non sunt. De illis profectò beatus Augu-
stinus ait: Sed quoniam sunt Pastores, Pa-
storum nomine gaudere volunt Pastoris, au-
tem officium implere nolunt. Et infra: Pasto-
ribus malis dicit, pastoribus falsis, pastoribus sua
quarentibus, & non quæ Iesu Christi, ex commo-
do lactis, & lane gaudentibus, oues omninò non cu-
rãtibus, & quod malè habuit, nõ corroborãtibus, etc.

August. de
past. li. 1.
ca. 1. et 16.

illi inquam falsi pastores ab Augustino appellantur, non quod penes illos, verè non sit Episcopale munus, sed quod nō exequantur, quod proprium est pastorū. Vnde non assero illos esse veros pastores, quod eos excusem à peccato, sed quo fideles propter prapositorum peccata, à Catholica ecclesia communione non separantur: quandoquidem huiusmodi mali pastores, à nobis pastoribus, non in doctrina varietate, sed in morum prauitate discernuntur, vtpote illi non aliam doctrinam, quàm boni profitentur. Quam sententiam beatus Augustinus sapientissimè exponit, dicens: Habet ouile domini prapositos, & filios & mercenarios. Prapositi autem qui filij sunt, pastores sunt: si pastores, quomodo vnus pastor: nisi quia sunt illi omnes vnus membra pastoris, cuius sunt oues propriae: nam & ipsi membra sunt ipsius vnus ouis, qui sicut ouis ad immolandum ductus est. Audite autem, quia & mercenarij necessarij sunt: Multi quippe in Ecclesia, commoda terrena sectantes, Christum tamē prædicant, & per eos vox Christi auditur: & sequuntur oues non mercenarium, sed vocem pastoris per mercenarium. Audite mercenarios ab ipso Domino demonstratos. Scriba inquit, & pharisai, super cathedram Moysi sedent: quæ dicunt facite, quæ autem faciunt, facere nolite. Quid aliud dixit, nisi per mercenarios vocem pastoris audite? Sedendo enim super Cathedram Moysi legem Dei docent, ergo per illos Deus docet, &c. Verum quanquā aliqui Ecclesie prapositi, non exequantur quod proprium est Episcoporum, & alij officium pastorum tantum verbo faci-

ant,

Aug. sup.
loan. tract.
46.

ant, dum aliter quàm docent viuunt, tamen non idèd
 in Catholica ecclesia boni pastores & doctores ver-
 bo & doctrina pascetes Christi oues deficiunt. Quã
 sententiam beatus Augustinus exponit, dicens: Hic August. de
 inuenio omnes pastores bonos in vno pastore: non past. ca. 13.
 enim verè pastores boni defunt, sed in vno sunt. Mul-
 ti sunt, qui diuisi sunt. Hic vnus predicatur, qui vni-
 tas commendatur. Neque enim verè modò ideo ta-
 centur pastores, & dicitur pastor, quia non inuenit
 dominus cui commendet oues suas: tunc autem idèd
 commendauit, quia Petrum inuenit. Imo verò & in
 ipso Petro vnitatem commendauit. Multi erant A-
 postoli, & vni dicitur: Pasce oues meas. Absit, vt de-
 sint modò boni Pastores, absit à nobis vt defint, absit
 à misericordia ipsius, vt non eos gignat atque consti-
 tuat. Vtique si sunt bona oues, sunt & boni Pastores:
 nam de bonis ouibus, fiunt boni pastores Sed omnes
 boni pastores in vno sunt, vnum sunt. Illi pascunt,
 Christus pascit, &c.

Pastores & doctores, Christi Euan-
 gelium aliter prædicantes, quàm Ca-
 tholica ecclesia tenet, falsi sunt pro-
 phetæ.

Œctarij certè verbi Dei testimonijs conuicti, ido-
 neos Pastores & doctores, nunquam in Catholica
 ecclesie deesse affirmant. Calvinus enim illud Pauli: Calu. cap.
 Et ipse dedit quosdam quidem apostolos, exponens, 8. par. 16.
 ait: His verbis cum illud ostendit hominum ministe-
 rium, quo Deus in gubernanda Ecclesia vtitur, præ-

Et par. 80.

cipuum esse neruum, quo fideles in vno corpore co-
bareant: tum verò etiam indicat non aliter incol-
lumem seruari Ecclesiam posse, quàm si his prae-
dijs fulciatur, in quibus salutem eius reponere Do-
mino placuit. Sed infra contrariam asserit senten-
tiam, dicens: Omnium ferè saeculorum exemplis mo-
uemur, nec veritatem semper in sinu pastorum
ali, nec Ecclesia incolumitatem ab eorum statu pen-
dere. In quibus sanè locis Calvinus sibi non constat.
Siquidem Pastorum ministerium praeipuum esse
neruum, quo fideles in vno Christi corpore nempe
Ecclesia cohareant, sine quo etiam Ecclesiam non
posse incolumem seruari, & veritatem non semper
ali in sinu pastorum, inter se manifestè pugnant.

Philip. in
rep. cont.
de rem. &
iust.

Quam contradictionem sectarij videntur se dirime-
re, cum idoneos quidem pastores & doctores in su-
is cœtibus (quos reformatas Ecclesias vocant) esse
comminiscuntur, quod Philippus exponit, cum ait:
Idem accidit post Apostolos amissa luce Euangelij, in
qua promittitur remissio peccatorum gratuita. Et
infra: Et nunc voce Lutheri magis perspicuè resti-
tuta & illustrata est Euangelij doctrina, &c. Eius-
dem sententia est Calvinus, dicens: Quanquam non
nego, quin Apostolos postea quoq; vel saltem eorum lo-
co Euangelistas interdum excitarit Deus, vt nostro
tempore factum est, talibus enim qui Ecclesiam ab
antichristi defectione reducerent, opus fuit. Pastores
verò & doctores, in quorū sinu non semper alitur veri-
tas, esse Cathol. ecclesiae episcopos asserunt, quod Cal-
vinus de Catholica ecclesia ministris differēs, expo-
nit

Cal. cap. 8.
par. 18.

nit in hūc modū: Quod si nulla hāsitatione accipiēda est quorumuis pastorū doctrina, quorsum attinebat cauere nobis à falsis prophetis. Verū catholica ecclesia pastores et doctores esse idoneos ministros, p quos deus incolumē seruāt suam Ecclesiā. Lutherū verò, et illius successores esse falsos prophetas, per quos diabolus in Christi ecclesia seminat zizaniā, Dei verbū expresse docet, dicens: Miror quod sic tā citò transferimini ab eo qui vos vocauit in gratiā Christi, in aliud euangeliū: quod non est aliud, nisi sunt aliqui qui vos cōturbant, et volunt cōuertere euangeliū Christi. Quæ pfectò sententia tam cōuenit Germanis, quā Galatis. Siquidē Luthero, illiusq, successoribus, Christi Euangeliū conuertētibus, id est deprauantibus, nō pauci Germani, ab antiqua et catholica Ecclesiæ cōmunionē, et fide translati sunt, nedūm transferūtur in aliud euangeliū. Sed ne euangelij prætēxtu fideles à doctōribus decipiantur, illico Paulus veros et falsos, doctōres discernit, dicēs: Sed licet nos, aut angelus de calo euāgelizet vobis, prætēquā quod euangelizauimus vobis, anathema sit. Sicut prädiximus, & nunc iterum dico, si quis vobis euangelizauerit, prætē id quod accepistis, anathema sit. Quibus nimirum verbis significatur, veros doctōres esse, qui antiquum Euangeliū prädicant, falsos verò qui nouum annunciant: vnde nō illos, sed istos Christus cauendos praecepit. Neque hac doctōrum distinctio est confundenda, cum precedenti distinctiōe. Siquidem illa per vitā prauitatem, hac verò per doctrinæ varietatem doctōres distinguit. Inter has etiam distinctiōes

Caluin. c. 1.
2. par. 26.

Ad Galat.
cap. 1.

hoc interest, quod doctor qui vitæ prauitate discernitur, non mutandus sed obseruandus est: qui verò doctrinæ varietate discernitur, is profectò non est obseruandus. Quia præter id quod Catholica ecclesia accepit, euangelizabat. Huiusmodi enim doctores cauendos Christus præcepit, dicens: Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces, à fructibus ipsorum cognoscetis eos. Quæ quidem sententia non de pastoribus & doctoribus docentibus Christi Euangelium, iuxta Catholicæ ecclesiæ communem sensum, quales sunt Catholicæ ecclesiæ præpositi: sed de Luthero illiusq; successoribus est intelligenda. Quandoquidem illi variè & contra Catholicæ ecclesiæ communem sensum docent. Nam veri prophetae siue doctores sunt, qui perseverantes in Catholica ecclesiæ cōmunione, & fide, atq; legitimo docendi munere functi, concorditer cum Catholica ecclesiâ docent: falsi verò Prophetae sunt, qui non perseverantes in Catholica ecclesiæ cōmunione & fide, atque docendi munus sibi assumentes, aliter quàm credit Catholica ecclesiâ prædicant. Inter veros & falsos Prophetas de scripturæ grammatico sensu conuenit, quæ quidem consensio, de sacra scripturâ litera per ouile vestimentum significatur, quod Vincentius Lirinensis aperte satis exponit, cum ait: Quid est vestitus ouium? nisi Prophetarum & Apostolorum prologia, quæ eidem ouili quadam sinceritate agni illi immaculato, qui tollit peccatum mundi, tanquam vellera quadam texuerunt? Qui sunt lupi rapaces, nisi sensus hereti-

Matt. c. 7.

Vincentius
Lirinensis.

corum feri & rapidi? qui caulas Ecclesia semper infestant, et gregem Christi quaquapossunt dilacerant. Sed ut fallacius incautis ouibus obrepant, manente luporum ferocia, deponunt lupinam speciem, & sese diuinæ legis sententijs, velut quibusdam velleribus obuoluunt, ut quum quisque lanarum molliciem præsenferit, nequaquam aculeos dentium pertimescat. Iudæi profectò & haretici ad astruendos suos errores literis vtuntur sacris: Verumtamen scriptura natium sensum non apud sectarios, sed apud Catholicam ecclesiam esse testante Christo ex doctorum fructibus cognoscitur. Sectariorum siquidem fructus Vincentius Lirinensis exponit, dicens: Sed quid ait saluator? Ex fructibus eorum cognoscetis eos. Id est, quum caperint diuinas illas voces non iam proferre tantum, sed etiam exponere, nec adhuc iactare solum, sed etiam interpretari: tunc amaritudo illa, tunc acerbitas, tunc rabies intelligitur, tunc nouitium virus exhalabitur, tunc profanæ nouitates aperiuntur, tunc primum scindi sepem videas, tunc transferri patrum terminos, tunc Catholicam fidem cadi, tunc Ecclesiasticum dogma lacerari. Tales erant hi, quos percutit Apostolus Paulus in secunda ad Corinthios dicens: Nam eiusmodi, inquit, Pseudopostoli, operarii subdoli, transfigurant se in Apostolos Christi. Quid est, transfigurantes se in Apostolos Christi? Proferebant Apostoli diuinæ legis exempla, proferebant & illi: Proferebant Apostoli Psalmorum auctoritates, proferebant & illi: Proferebant Apostoli sententias Prophetarum, & illi nihilominus profere-

Vincent.
Lirinen.

proferebāt. Sed cū ea quæ similiter protulerant, interpretari nō similiter cœpissent, tunc simplices à subdolis, tunc infucati ab fucatis, tunc recti à peruersis, tunc postremò veri apostoli, à falsis apostolis discernēbātur. Huiusmodi esse Lutherum, ac illius successores res ipsa loquitur: quandoquidem illos non tantū cū Catholica ecclesia, sed secū pugnare neminem latet. Quæ nimirum religionis dissidia, non spiritus sancti fructus, sed carnis sunt opera. Paulus enim fructus spiritus sancti, charitatem & pacem appellat: contra verò carnis opera, inimicitias, contentiones, emulationes, iras, rixas, dissensiones, sectas & inuidias constituit. Quorū fructuum post Lutheri prædicationē tanta est in germanica natione copia, quanta nunquam fuit in orbe. Siquidem Lutheri euangelium omnium sectarū feracissimum est, tū ad seditiones et bella, in Republica, tū ad religionis dissidia germinanda. Fructus igitur, ex quibus falsi propheta cognoscuntur, varia fidei doctrina est. Quare cū omnis doctrina à cōmuni Catholica ecclesia sensu discordans sit hæresis, sectarij euangelizantes, præterquam quod Catholica ecclesia tenet, falsi sint propheta oportet: cōtrā verò pastores & doctores, euangelizantes id, quod Catholica ecclesia tenet, veri sunt propheta. Vnde fructus ex quibus veri propheta cognoscuntur, cōcors fidei doctrina est. Pastores siquidē & doctores non ad variam, sed ad vnā fidem docendā vocantur à deo, quod Paulus apertè satis testatur: Nam cū dixisset:

Ad Ephes. cap. 4. Et ipse dedit quosdā quidem Apostolos, &c. Subdidit donec occurramus omnes in vnitatem fidei. Et infra:

Vt iā nō sinūs paruuli fluctuantes, & circūferamur
 omni vento doctrina. Fidei certe & vnitas, & stabili-
 tas non in cœtibus Confessionistarum, Anabaptista-
 rū, & sacramentariorum, sed in Catholica ecclesia
 reperiuntur. Ante Lutheri quippe prædicationē Ger-
 manicarum ecclesiarum pastores et doctores, quales
 quales fuerūt, populum sibi commissum in fidei vni-
 tate & pacis vinculo continebant, atq; Germanica
 ecclesia secum & cum cæteris Catholicis ecclesijs de
 fidei dogmatibus consentiebant: tandem religionis
 tranquillitatem, quā beatus Paulus in Corinthijs de-
 siderabat, Germanica Ecclesia & Catholica, per pa-
 stores & doctores, quos sectarij falsos prophetas men-
 daciter appellant, obtinebat. Obsecro autem, inquit, 1. ad Cor.
cap. 1.
 vos fratres, per nomen domini nostri Iesu Christi, vt
 idipsum dicatis omnes, & nō sint in vobis schismata:
 sitis autem perfecti in eodem sensu, & in eadem scien-
 tia. At per sectarios (qui reformandi Ecclesiam, offici-
 um sibi contra Dei ordinationē assumunt) Germani-
 ca Ecclesia tantū abest vt vnitatē doctrina seruet,
 vt potius in illa maiora schismata, & plures sectæ
 sint, quā vnquam fuerunt in alia natione. Vnde il-
 la Pauli verba: Cū enim sit inter vos zelus & con-
 tentio, nonne carnales estis, & secundum hominem
 ambulatis? Tam germanè de sectarijs Germanis,
 quā de Corinthijs vera sunt. Quare pastores & do-
 ctōres Catholica ecclesia communionem & fidē con-
 seruantes, veri sunt propheta, sectarij verō dissidia et
 hæreses in Catholica ecclesia seminantes, falsi prophe-
 ta & sunt, & dicuntur. 1. ad Cor.
cap. 3.

In Catholica Ecclesia, Pastorum et doctorum continua successione, fidei synceritas non est interrupta.

Cap. 95.

Calu. ca. 9.
para. 48.

Et ca. 8. Pa
ra. 45.

Et cap. 19.
para. 11.

Philip. apo
lo. de miss.

Verum sectarij se quidem docere Euangelium, quod primitiua Ecclesia ab Apostolis accepit: Ecclesia verò Pastores & doctores docuisse praterquam quod Apostoli euangelizarunt, constanter asserunt. Quod Calvinus testatum reliquit, dicens: Parum autem me mouet, quæ in veterum scriptis de satisfactione passim occurrunt, video quidem eorum nonnullos, dicam simpliciter omnes ferè, quorum libri extant, aut hac in parte lapsos esse, aut nimis asperè ac durè locutos. Infrà etiam eandem confirmas sententiam, ait: Nec ipse ignoro, quàm vetustus sit chrismatis & exufflationis in baptismo vsus, quam non longè ab ætate Apostolorum, cœna Domini tanta rubigine fuerit, sed isthac scilicet humina confidentia procacitas est, quæ se continere nequit, quin semper in Dei mysterijs ludat & lasciuiat. De pœnitentiæ quoque sacramento differens, inquit: Ementum hoc Sacramentum ornarunt, quod decebat elogio secundam esse tabulam post naufragium. Et infrà: Sed dictum est Hieronymi cuiuscunq; sit, quin planè impium sit, excusari nequit. Eiusdem sententia est Philippus, dùm ait: Et patrum magna dissimilitudo est, homines erant, & labi et decipi poterant, &c. Huiusmodi sanè, & alias similes calumnias sectarij aduersus priscos Ecclesiæ sanctos Pastores et doctores comminiscuntur, ne sanctorum auctoritatis pondere

pondere opprimi videantur. Nam et si nonnullos Catholica ecclesia pastores & doctores propriam sequentes sententiam in aliquibus controuersis sententijs hallucinatos fuisse nemo dubitet, tamen pastores & doctores Catholicam ecclesiam obseruantes, eiusq; communionem colentes, circa fidei dogmata nunquam errasse, fide tenendum est. Nunquam errasse inquam, non quod illi prophetia donum habuerint, nec quod in fide suerint confirmati, sed quod illi in exponendis & proponendis dogmatibus iudicium suspendunt, & animum offirmant ad tenendam vnitatem cum Catholica ecclesia, utpote fundata & confirmata est in fidei sinceritate. Vt enim propheta non à semetipsis, sed Deo reuelante locuti fuere: ita pastores et doctores catholicam ecclesiam obseruantes, dogmata non à se excogitata, sed à Catholica ecclesia antiquitus, semper & vniuersaliter tradita, docuerunt. Quare pastores & doctores in Catholica ecclesie communionem & fide perseverantes, nunquam docuerunt præter id quod Apostoli euangelizarunt, & Ecclesia accepit: quia si illi aliquando aliter quam Apostoli docuissent, profecto Catholica ecclesia euannisset, quod impossibile est utique. De Catholica siquidem ecclesia perpetuitate inter sectarios & catholicos conuenit: iuxta fidei articulum, Sanctam ecclesiam, usque ad seculi consummationem permansuram omnes profitentur. Quod si presentis vite Catholica ecclesia non semper constat ex eisdem hominibus, siquidem in Christo credentium quidam moriuntur, quidam verò nascuntur: Catholica ecclesia nihilominus

vna & eadem permanet. Sicut enim humana species in tam perpetuo hominum ortu & interitu non interrumpitur, imò propter continuam hominum successionem eadem perseuerat. Ita Catholica ecclesia credentium perpetua successione conseruatur, conseruatur inquam, non quod à credentibus pendeat Dei ecclesia, sed quod in sincera fide semper aliqui credentes succedant, ex quibus ecclesia cogitur. hoc enim est Ecclesiam esse perpetuam, & non desuturam. Igitur Apostolis, Apostolicisq; viris decedentibus, alij credentes, vsq; ad seculi consummationem sine intermissione succedant est neceffe. Successores vero Apostolorum & apostolicorum virorum voco illos, quorum communione fide & ministerio Catholica ecclesia perpetuò continuatur. Atque huiusmodi esse prisco illos Patres, ac ordinarios pastores, & doctores, quorum auctoritatem sectarij contemnunt, vnius Sanctæ catholice & apostolicæ ecclesiæ inchoatio & progressus euidentissimè docet. Dominus quidem noster Iesus Christus (cui nullus succedit, utpote ille non deceffit) sua prædicatione Euāgelicam ecclesiam inchoauit. Quam postea Ecclesiam, Christi Apostoli sincerum euangelium prædicando euexerunt. Istorum quoq; discipuli, scilicet viri Apostolici, doctrinā Apostolicam docendo eadem dilatarunt. Deniq; vna sancta Catholica & Apostolica ecclesia, illam et inquam, quam Christus inchoauit, & Apostoli prouexerunt. & Apostolici viri dilatarunt, ordinariorū pastorum et doctorum ministerio, vsq; ad Lutheri prædicationem fuit progressa. Neque in hoc mirabili progres-

su

su Apostoli aliter quàm Christus, nec Apostolici viri
 aliter quàm Apostoli: nec ordinarij Pastores & docto-
 res aliter quàm apostolici viri predicauerunt. Siquidē
 vna sancta Catholica & apostolica ecclesia omniū il-
 lorum predicatione propagata, cōtinuata et perpetu-
 ata fuit. Quod tamē apud hæreticos nō sit. Quippe il-
 lis aliter predicantibus quàm ordinarij Pastores, &
 doctores predicabāt, catholica ecclesia illorū ministe-
 rio nō continuata, sed interrupta fuit. Interrupta in-
 quā, non quod Catholica ecclesia tunc nō continuare-
 tur per ordinarios prapósitos, sed quod sectarij separā-
 tes se à Catholica ecclesia, & varios et dissidētes cōsti-
 tuerūt cœtus, ex quibus nullus est, qui Catholica eccle-
 sia cōmunionem colat, vt beatus Cyprianus exponit, Cypr. Epi-
st. li. 4. cpi
sto. 9.
 dicens: Et dominus quoq; in Euangelio, cū eū loquē-
 tem discipuli dereliquerēt, cōuersus ad duodecim di-
 xerit: Nunquid & vos vultis ire? Respōdit ei Petrus di-
 cens: Domine ad quem ibimus? verbum vitæ aternæ
 habes, & nos credidimus & cognouimus, quoniam
 tu es filius Dei viui. Loquitur ille Petrus, super quē adi-
 ficāda fuerat ecclesia, docēs quia etsi cōtumax ac su-
 perba obaudire nolentiū multitudo discedat, Ecclesia
 tamē Christianorū nō recedit, et illi sunt ecclesia &
 plebs sacerdoti adunata, et pastori suo grex adherēs.
 Per Lutheri predicationem Catholicā ecclesiam non
 fuisse cōtinuatā, res ipsa loquitur. Nā cū ex Lutheri
 predicatione tres illæ mōstruosæ & cōtrariæ sectæ, Ana-
 baptistarū scilicet, Sacramētariorū, et Cōfessionistæ
 rū orta fuerint, impossibile est, vnā Catholicā ecclesi-
 am per illas tres continuari, nec etiam per singulas

Ad Gala.
cap. 1.

Tertul. lib.
de carn.
Christ.

quoniam illarum vnaquaq, concionatur prater id, quod Catholica ecclesia accepit, quod scriptura etiā apertè satis testatur, dicens: Sed licet nos, aut angelus de calo euangelizet vobis, praterquam quod euangelizauimus vobis, anathema sit. Sicut prädiximus, et nunc iterum dico: Si quis vobis euangelizauerit, prater id quod accepistis, anathema sit. Quae sententia sectarios apertè demonstrat: Lutherus quippe euangelizauit, praterquam quod euangelizauerat, & prater id quod acceperat. Siquidem ille priusquam à fide defecisset, iuxta Catholicae ecclesiae communem sensum prädicaui, quod ex illius antilogijs manifestum est. Vnde Tertulliani sententia aduersus Marcionem, Lutherum euidenter reuincit. Et eò inquit magis mortuus es, qui non es Christianus: qui cum fuisses, excidisti. rescindendo quod retrò credidisti: sicut & ipse confiteris in quadam epistola. & tui non negant, & nostri probant. Igitur rescindens quod credidisti, iam non credens rescidisti: non tamen quia credere desisti, rectè rescidisti. At qui rescindendo quod credidisti, probas, antequam rescinderes aliter fuisse, quod credidisti aliter. Illud ita erat traditum. Porro quod traditum erat, id erat verum, vt ab eis traditum, quorum fuit tradere. Ergo quod erat traditum rescindens, quod erat verum rescidisti. Nullo iure fecisti. Sectarios nimirum nullo iure recessisse ab Ecclesia, manifestè docuit Paulus, cum non solum prohibuit omnibus prädicare, praterquam quod Apostoli euangelizarunt, sed etiam prohibuit docere prater id quod Catholica ecclesia accepit. Quoniam

idem

idem Euangelium quod Apostoli tradiderunt, Catholica ecclesia & accepit, & custodit, & docuit. Quod nimirum Euangelium tam diu permanens est, quàm diu Catholica ecclesia est duratura. Quod Irenaeus sapientissimè exponit, dicens: Firma est autem & non ficta, & sola vera, quae secundum nos est, fides, manifestam ostensionem habens ex his scripturis, quae interpretatae sunt, illo modo, quo praediximus, & Ecclesiae annunciatio sine interpolatione. Etenim Apostoli cum sint his omnibus vetustiores, consonant praedictae interpretationi, & interpretatio consonat Apostolorum traditioni. Eandem sententiam infra euidentiùs exponit, dùm ait: (Agnitio vera est Apostolorum doctrina, & antiquus ecclesiae status, in vniuerso mundo, & caractere corporis Christi, secundum successiones Episcoporum, quibus illi eam, quae in vnoquoque loco est ecclesiam tradiderunt, quae peruenit ad nos, custodita sine fictione scripturarum, tractatione plenissima) neque ablationem recipiens lectio sine falsatione & secundum scripturas expositio legitima, & diligens, & sine periculo, & sine blasphemia, & praecipuum dilectionis munus, quod est preciosius quàm agnitio, gloriosius autem quàm prophetia, omnibus autem reliquis Charismatibus supereminens: tantum ille. Quod si cessantibus prophetia & miraculorum donis Catholica ecclesia irenaei temporanea in fidei sinceritate perseverabat adhuc, igitur cum illa met Ecclesia sine interruptione progressa fuerit, usque ad praesens tempus, & progredietur usque ad saeculi consummationem, in eadem fidei synce-

Iren. li. 3. c. 25. et li. 4. cap. 63.

ceritate perseveret oportet. Siquidem illa easdem promissiones, quas tunc habuit, nunc quoq³ habet. Vnde Philippi sententia, nempe idem accidit post apostolos amissa luce Euangelij, &c. haeretica est. Siquidem Evangelica lux, non in catholica ecclesia, sed in cœtibus sectariorum est amissa. Quandoquidem sectarij docuerunt præterquam quod apostoli euangelizarunt, & præter id quod Catholica ecclesia accepit. Sicut enim olim circa diuinarum personarum consubstantialitatem non Catholica ecclesia, nec ordinarij pastores & doctores in ecclesia communionē, & fide perseverantes: sed Arius illiusq³ sectatores ab Euāgelica luce aberrarūt, ita circa religionis dogmata in presenti saculo controuersa, non catholica ecclesia, nec eius ordinarij pastores & doctores: sed Lutherus, Calvinus, Philippus, cateriq³ sectarij errant. Catholica siquidem Ecclesia, quò in sui vniuerso progressu semper est vna atque non alia, sed eadem quæ fuit à principio, permanet, eò vnā fidei doctrinā, non variā, sed concordem perpetuò profitetur. Ex quo neceßè est, quod fideles succedentes in Catholica ecclesia cum decedentibus in fide consentiant.

Catholicæ ecclesiæ perpetua episcopo-
rū successione, fidei synceritas conser-
uatur.

Cap. 96.

QUare decedentibus Christi discipulis tantum abest, vt Catholica ecclesia ordinarij præpositi de fidei regula declinauerint, vt potius illorū ministerio Catholica ecclesia in fidei synceritate permanferit. Quandoquidē cum Catholica ecclesia,

nō modo ex præsensibz, verū ex decedētibz, et succedētibz fidelibz cōstat, tum continua fidelīū successio sine Episcoporum perpetua successione perseuerare non possit. Siquidē perpetua Episcoporum successione in Catholica ecclesia sincera fides propagatur. Verū sectarij ad deturbandā vnā sanctā catholicā & apostolicā ecclesiā, & stabiliendos suos dissidentes cœtus episcoporū, cōtinuam successionē, nō solum non esse necessariā, sed esse perniciosā asserunt. Philippus enim ait: Quare cū hac nomina Philipp. in locis de Ecclesia. audis, successio ordinaria, potestas interpretationis, potestas ferendarū legum, scias insidias veræ doctrinæ strui, & quari prætextus ad stabiliendos errores in ecclesia. Eiusdē sententiæ est Calvinus, dicens: Perpetua Episcoporū successione conseruatā fuisse, (scilicet fidem et ecclesiam) ne intercideret. Cōmemorāt quanti hanc successionem fecerint Irenæus, August. & alij. Quā friuola sint ista, & planè ludicra, &c. Sed illos in hac parte contra fidem errare manifestū est, quandoquidem Episcoporum successione ecclesia propagatur, quod diuina scriptura manifestè docet, dū ait: In Christo Iesu per Euangeliū ego vos genui. Quo in loco Paulus sanè per generandi verbū, prædicandi officium significat. Sicut enim excepto primo parente, nullus homo nascitur sine parentibus, & homines steriles & vacantes à generandi officio, nō pcreāt: ita in Catholica ecclesia excepto Christo, ecclesiæ capite, & prophetis, nullus fidelis ordinariè credit sine prædicante, nullus etiam sincere prædicat, nisi fuerit à Catholica ecclesia legitimè vocatus. Calu. ca. 8.

duo Paulus apertè satis explicauit, cùm dixit: *Quomodo credent ei, quem non audierunt? Quomodo autem audient sine pradicante? Quomodo verò pradicabunt, nisi mittantur?* Quibus certè verbis beatus Paulus verbi Dei auditores ordinarijs concionatoribus, ordinarios verò concionatores, catholica ecclesia alligauit. Siquidem illis neruis diuina ordinatione institutis, cùm successio, & fidelium & Episcoporum continuatur, tum in catholica ecclesia sincera fides conseruatur. Ad conseruandam enim in Ecclesia viuæ vocis doctrina, sinceram fidem, nihil magis commodare potuit, quàm diuina illa ordinatio, quam Paulus exposuit, cùm dixit: *Quomodo verò pradicabunt, nisi mittantur?* Diuina sanè ordinatio est, quod nemo Dei verbum pradicet, nisi fuerit vocatus: vocatus inquā, ordinaria & solèni vocatione, quæ ad publicū ecclesia magistratū spectat. Siquidē Paulus huiusmodi vocationem in pradicante requirit, qua sincera fides in Catholica ecclesia conseruetur. Quod fit, dum concionatores ad pradicandam fidem, quam Catholica ecclesia profitetur, legitima vocatione asstringuntur. Nam qui ab alio est missus, non suas cogitationes, sed mittentis exponat oportet: idonei verò pastores & doctores à Catholica ecclesia ritè vocati, suum retinentes officium, nunquam deficiunt, ex quo perpetua pastorum & doctorum successione, sincera fides ne intercideret, fuit conseruata. Quam certè sententiam sectarij in Episcoporum inuidiam constanter negant, quandoquidem illa vocola, perpetua Episcoporum successio, opprimunt eos. Quibus
exclusis

exclusis cum Catholicis consentiunt, quod Calvinus Calu.ca. 8.
 illud Pauli, Et ipse dedit quosdam quidem Aposto- para. 16.
 los, &c. exponens aperte satis testatur, dicens, His
 verbis, cum illud ostēdit hominum ministerium, quo
 Deus in gubernanda Ecclesia vitur, precipuum esse
 neruum, quo fideles in vno corpore cohereant: tum
 verò etiam indicat, non aliter incolumem seruari ec-
 clesiam posse, quàm si his praesidijs fulciatur, in qui-
 bus salutem eius reponere domino placuit. Notandū
 tamen, quòd Calvinus non dixit Episcoporum, sed ho-
 minum ministeriorum. in quo ille manifestè depra-
 uat Dei verbum. Paulus siquidem non dixit: Qui
 predicabunt, nisi homines? sed quomodo predica-
 bunt, nisi mittantur? quibus nimirum verbis signifi-
 catur, quòd predicatio, cui habenda est fides in reli-
 gione, non est tantum hominis, sed hominis ritè vo-
 cati, ad ecclesiasticum munus, quod certè munus, nō
 humanum, sed diuinum est, vt Paulus exposuit, di-
 cens: Et ipse dedit quosdam quidem Apostolos, quos-
 dam autem Prophetas, alios verò Euangelistas, alios
 autem Pastores & doctores, &c. Ad quae munera,
 etsi aliqui homines per alios vocantur, id est, ordina-
 tur, tamen huiusmodi ministrorum ordinatio, non
 humana, sed diuina est. Sicut enim fideles, quos Eccle-
 sia baptizat, non homo, sed Christus baptizat, vt-
 pote homo per ministerium, Christus verò per pote-
 statem baptizat: ita Pastores & doctores quos Ca-
 tholica ecclesia mittit, id est ordinat, non homo, sed
 Christus est, qui mittit ac ordinat, quandoquidem
 Ecclesia Christi est ministra in conferendis illis diui-

nis muneribus. Quorum duo scilicet Pastores & doctores perpetuò durare in Catholica ecclesia omnes affirmant. Vnde dicendum fuerat Caluino, illud Episcoporum ministerium, quo Deus in gubernanda ecclesia vtitur, &c. Atque ita secundum illius sententiam diuina præsidia, quibus Dei ecclesia fulcitur, & sine quibus illa non potest seruari incolumis, & in quibus ecclesie salutem reponere domino placuit, Pastorum & doctorum, à Catholica ecclesia, vocatorum ministeria sunt. Quæ etiam cum Catholica ecclesia perpetuò duret, perpetua sint oportet. Quoniam nisi his præsidijs fulciatur, incolumis seruari Ecclesia non potest. Ministeria etiam perpetua, perpetuos ministros requirunt (vt calorū perpetuus motus perennem mouentem requirit) igitur vt Episcoporum ministeria, in quibus Ecclesie salus à Domino est reposita, perpetuò durent, perpetua Episcoporum successionem est opus. Neq; à perpetua Episcoporum successionem diuina promissio est submouenda. Quippe sicut remissionis peccatorum promissionem habet baptizamus: ita etiam ordinatio Ecclesiasticorum ministrorum, prædicandi syncerum Euangelium promissionem habet. Quæ quidem promissio etsi in singulis Episcopis (non Dei promittentis defectu, sed ordinati hominis culpa) non adimpletur, tamen in perpetua Episcoporum successionem semper est efficax. Nam prædicandi syncerum Euangelium promissio, definite non singulis Episcopis, sed perpetua Episcoporum successionem facta est. Vt testatur scriptura: Euntes ergo, inquit, docete omnes gentes, baptizantes eos in nomi-

Matt. c. 28.

ne Patris, & Filij, & Spiritus sancti, docentes eos
 seruare omnia quaecunq; mandauit vobis, et ecce ego
 vobiscū sum omnibus diebus vsq; ad consummationē
 saeculi. Quibus verbus expressē significatur, Christū
 suam specialē assistentiam nō solum discipulis, sed eti-
 am perpetua Episcoporum successioni promississe. Quan-
 doquidē nō discipuli, qui tūc aderant et mortui sunt,
 sed perpetua Episcoporum successio vsq; ad saeculi con-
 summationē in pradicandi officio est. Atq; ita diuina
 ordinatio de pradicando Euangelio p̄seuerat, tūm eti-
 am diuina promissio Episcopis facta est efficax, et per-
 petua quoq; Episcoporum successionē sincera fides ne
 intercidat, in Catholica ecclesia cōseruatur: cōserua-
 tur inquā fides, nō succedentiū hominū viribus aut
 ingenio, sed diuina promissione perpetui Episcopatus
 muneri iniuncta. vtpote perpetuā Episcoporum successi-
 onē concorditer pradicare sincerā fidem, nō Episco-
 pōrū natura, sed dei gratia tribuendū est. Quam obser-
 uationē non attendentes sectarij, Episcoporum odio, di-
 uina ordinationi, nepe Episcopatui resistunt, imò di-
 uinā gratiam iniūctam ministrorū vocationi, modò
 negant, modò affirmant: negant quidē, cūm Episcopa-
 tus continuam successionem, friuolam, ludricam, et
 insidias contra Euangelij sinceritatem appellant.
 Affirmāt verò, cūm Ecclesiam sine Episcoporum ministe-
 rionō posse incolumē seruari cōcionantur. Calu. cer. Calu. ca. 3.
 te perpetuā Episcoporum successionē habere diuinas p- para. 17.
 missiones, illud Pauli, qui omnia in omnibus adim-
 plet, exponēs, aperte satis testatur, dūm ait: Hac autē
 adimplendi ratio. Quod per ministros quibus officiū
 hoc

hoc mandauit, & muneri obeundi gratiam contulit. sua dona distribuit Ecclesie, seq³, ad eò ipsum presentem quodammodo exhibet, spiritus sui virtutem in sua hac institutione exercendo, ne inanis sit vel otiosa. Quibus nimirum verbis Calvinus aduersus suam sententiam, euidenter affirmat, perpetua Episcoporum successione synceram fidem conseruari in Ecclesia. Siquidem diuina illa institutio, id est, pura Dei verbi doctrina, non ab alijs, quàm ab ordinarijs Pastoribus & doctoribus, syncerè proficitur, sine qua Catholica ecclesia, non minus non potest perstare, quàm sine baptismo. Igitur ne diuina institutio intercideret in Ecclesia, perpetua Pastorum & doctorum successione conseruetur est opus. Episcoporum enim successio ad predicandi munus vocata, semper est in officio, quandoquidem illi Deus suas promissiones ad munera obeunda confert, ne ministrorum verbi dei ordinatio inanis sit, vel otiosa.

Vbi legitima Episcoporum successio, ibi vera Ecclesia et syncera fides.

Cap. 97.

Perpetua certè Episcoporum successione, non solum syncera fides, sed etiam Apostolorum Episcopatus in Catholica ecclesia continuatur. Nā episcopatus sub quo Euangelica ecclesia initium habuit, non est variatus. Vt videre licet in Romana ecclesia, in qua beati Petri episcopatus perpetua episcoporum successione continuatur, quæ nimirum episcopatus tam perpetua successio, Dei donum est utiq³. Imò ut Christi baptismus in Catholica ecclesia temporis successu

successu non est variatus, sed vnus & idem perseuerat, ob idq³ semper easdem promissiones habet: ita Ecclesiasticorum ministrorum ordinatio in Catholica ecclesia nunquam variata, sed eadem perseuerans, easdem promissiones habet, & habebit etiam. Quare Irenaeus, Augustinus, cateriq³ prisci & neo-terici Catholica ecclesia Patres, perpetuae episcoporum successionis detulerunt, vtpote episcopatus diuina est ordinatio, diuinasq³ promissiones habet. At sectarij ingrati diuina gratia, dei ordinationi resistunt, dum perpetuae episcoporum successionis resistunt. Catholici quidem patres, in perpetua episcoporum successionis, non hominum naturam, nec mores, sed diuinam ordinationem, quam Christus constituit, coluerunt. Siquidem Dei donum ceteris rebus ad conseruandam in ecclesia sinceram fidem, praestat. Christus quippe Pastores & doctores dedit ecclesiae, vt illorum ministerio, Dei assistente dono, sincera fides conseruetur. Sicut enim homo non videt sine oculis, nec loquitur sine lingua, oculi etiam separati à corpore non vident, nec lingua praecisa loquitur, ita Catholica ecclesia sine pastoribus & doctoribus non docet, ne pastores & doctores à Catholica ecclesia communionis & fide separati, sinceram fidem docent. Nemo siquidem testante Apostolo credit sine predicante, nemoq³ praedicat nisi ab ecclesia vocatus, vtpote Pastores et doctores sunt ecclesiae oculi & lingua. Hinc est, quod vbi perpetua episcoporum successio reperitur, ibi esse Catholicam ecclesiam & sinceram fidem, firmiter credendum est. Quandoquidem Catholicam eccle-

siam

siam separari à perpetua Episcoporum successione, aut perpetuam Episcoporum successionem separari à Catholica ecclesia est impossibile. Quoniam perinde ac naturale corpus membrorum & commissuris & compagibus perstat, ita Catholica ecclesia perpetuè Pastorum & doctorum ministerio in pacis communione, & fidei sinceritate conseruatur. Episcoporum sanè cum ceteris fidelibus compagem Cyprianus sapientissimè exponit, dicens: Illi sunt ecclesia & plebs sacerdoti adunata, & Pastori suo grex adharens (vnde scire debes, Episcopum in Ecclesia esse, & Ecclesiam in Episcopo, & si qui cum Episcopo non sint, in Ecclesia non esse) & frustra sibi blandiri eos, qui pacem cum sacerdotibus Dei non habentes obrepunt, & latenter apud quosdam communicare se credunt: cùm Ecclesia, quæ Catholica vna est, scissa non sit, neque diuisa, sed sit vtique connexa, & coherentium sibi inuicem sacerdotum glutino copulata. Ex quo extra Catholicam ecclesiam, nec purum Dei verbum, nec idoneos Pastores & doctores reperire licet. Sincerum quidem Dei verbum, si diuina scriptura non staret, perpetuè Pastorum & doctorum ministerio conseruatur. Siquidè ante scriptam legem patriarcharum successione, et ante apostolicarum scripturarum editionem, & promulgationem apostolorum & doctorum Catholica ecclesia communionem obseruantium predicatione, sincerum Dei verbum fuit conseruatum, ne intercideret. Atque illorum auctoritate

Cypri. l. 4.
Epist. 9.

veritate fideles haresin & fidem discreuere. Verum si-
 quis nullam vsquam Ecclesiam esse fingat, concedat
 oportet, nullum esse Dei verbum, nullosq; esse idoneos
 pastores & doctores. Sed pastores & doctores ad Dei
 verbum pradicandum, esse ab Ecclesia vocatos, testa-
 tur Paulus, cum ait: Quomodo pradicabunt nisi mit-
 tantur? Quare Ecclesia non existente, aut illa peni-
 tus ignota, nulli pastores & doctores rite vocarentur,
 nulliq; fuissent idonei pastores. Quod si ita esset,
 Quomodo audient populi verbum Dei sine pradicante?
 nempe à Catholica Ecclesia rite vocato: quomodo
 etiam credent eum quem non audierunt? quomodo
 etiam diuinam & humanam scripturam, fidem, &
 haresin distinguēt? Solo enim Dei verbo illa non pos-
 sunt discerni quoniam non aliter quàm per Ecclesiā
 Dei verbum innotescit. Vnde si nulla Ecclesia vsquam
 fuisset, nulla religio, nullumq; Dei oraculum fuisset,
 immò sicut si nullum animal fuisset, nec oculus, nec
 auris, nec lingua fuisset: ita si fingamus nullam vs-
 quam Ecclesiam esse, nec Apostoli, nec Prophetæ, nec
 Euangelistæ, nec pastores & doctores, & per conse-
 quens nec Dei verbum erit, quia sicut corporis mem-
 bra nō sunt sine corpore, ita nec Apostoli, Prophetæ, e-
 uāgelistæ, pastores et doctores esse possūt sine ecclesia.
 Vbi igitur ppetua pastorū & doctorū successio, ibi &
 Cathol. Ecclesia & syncerum Dei verbum est. Quam
 sententiā sacri antiqui doctores cōcorditer exponūt. Iren. lib. 3.
 Irenæ. enim ait: (Traditionē itaq; Apostolorū in toto cap. 3.
 mūdo manifestatā in ecclesia ad eū pspicere omnibus
 quæra velint audire, & habemus annumerare, eos q
 ab

ab Apostolis instituti sunt episcopi in ecclesijs, & successores eorū vsq; ad nos) qui nihil tale docuerūt, neq; cognouerūt, quale ab his deliratur. Et infra: Sed quoniam valde longum, in hoc tali volumine omnium ecclesiarum enumerare successiones, maxima & antiquissima & omnibus cognita, à gloriosissimis duobus Apostolis Petro & Paulo, Romæ fundata & constituta ecclesia, eam quam habet ab Apostolis traditionem, & annuntiatam hominibus fidem, per successiones episcoporum peruenientem vsque ad nos, indicantes, confundimus omnes eos, qui quoquo modo, vel per sui placentiam malam, vel vanam gloriam, vel per cacitatem & malam sententiam præterquam oportet, colligunt. Et paulo post eandem sententiam clariùs exponit, dū ait: Quapropter eis, qui in ecclesia sunt presbyteris, obaudire oportet, his qui successionem habent ab Apostolis, sicut ostendimus, qui cum episcopatus successione charissima veritatis certū, secundum placitū patris acceperunt. Reliquos verò qui absistūt à principali successione, et quo cūq; loco colligūtur, suspectos habere, vel quasi hæreticos & male sententia, vel quasi scindētes & elatos, & sibi placentes: aut rursus ut hypocritas, quæstus gratia & vana gloria hoc operantes. Eandē sententiā beatus Augustinus sapientissimè exponit, dicens: Cū igitur tantum auxilium Dei, tantum perfectū fructumq; videamus, dubitabimus nos eius ecclesia condere gremio, quæ vsq; ad confessionem generis humani ab Apostolica sede per successiones Episcoporū, frustra hæreticis circum latrantibus, & partim ple-

bis

Iren. lib. 4.
cap. 3.

Aug. de v.
tilit. cred.
cap. 17.

bi ipsius iudicio, partim conciliorum grauitate, partim etiam miraculorum maiestate damnatis, culmē auctoritatis obtinuit. Cui nolle primas dare, vel summa profectō impietatis est, vel prapipitis arrogantia. Nam si nulla certa ad sapientiam, salutemq; animis via est, nisi cū eos ratione pracolūt fides, quid est aliud ingratum esse opi atque auxilio diuino, quā tanto labore pradita auctoritate velle resistere.

Catholicæ Ecclesiæ episcoporum successio, legitima electione continuatur.

Cap. 98.

Gal. cap. 8.
para. 37.

VERū Calvinus aduersus perpetuam Episcoporum successionem obijcit, dicens: Hoc constat à centum annis, vix centesimum quēq; fuisse electum, qui sacra doctrina aliquid teneret: si de moribus fiat censura, paucos aut propemodum nullos reperiemus, quos non indignos veteres canones iudicassent: si hac vera sunt, nulla hodie, neque diuino, neq; ecclesiastico iure canonica electio in toto papatu superest. Quæ sanè sententia, quā impudentissimum mendacium sit, res ipsa loquitur. Siquidem in Tridentino concilio Caluini saculo celebrato, Episcoporū, rari tū virtute, tū eruditione magna fuit frequentia. Sed ille hæretica licentia, Pastorū & doctorū, in Catholica ecclesiæ communione, & fide perseuerantium, electiones, tū sacra eruditionis defectu, tū morum malitia non fuisse canonicas comminiscitur. Verū illius insolentia & temeritas beati Cy-

Pp

priani

Cypr. li. 4.
epist. 9.

priani, in Pupianum verbi, faciliter retunditur. Animaduerto inquit, te mores nostros diligenter inquire, & post Deum iudicem qui sacerdotes facit, te velle, non dicam de me (quantus enim ego? sed de dei & Christi iudicio iudicare) hoc est, in Deum non credere, hoc est, rebellem aduersus Christum & aduersus euangelium eius existere, & cum ille dicat: Nonne duo paſeres asse veneunt, & neuter eorum cadit in terram sine patris voluntate? & probat maiestas eius, & veritas sine consensu, & permissu Dei, etiam minima non fieri (tu existimes sacerdotes Dei sine consensu eius in ecclesia ordinari? Nam credere quod indigni & incerti sint qui ordinantur, quid aliud est, quam credere quod non à Deo, nec per Deum sacerdotes eius in ecclesia constituentur?) Infrà etiam ait: Quis autem nostrum longe est ab humilitate, vtrumne ego (qui quotidie fratribus seruiò, & venientes ad ecclesiam singulos benignè, & cum voto & gaudio suscipio) an tu, qui te Episcopum episcopi, & iudicem iudicis ad tempus à Deo datis constituis? cum quibus etiam conueniunt hac qua sequuntur. Annue aliquando & dignare pronunciare de nobis, & Episcopatum nostrum cognitionis tue auctoritate firmare, vt Deus & Christus eius, agere tibi gratias possint, quod per te antistes & rector altari eorum pariter & plebi reſtitutus sit: tandem mutato non argumento sed Pupiani nomine, in Caluini nomen, cum beato Cypriano perpetua Episcoporum successio, inquit: Caluinus solus integer, inuiolatus, sanctus, pudicus, qui nobis miscere se noluit, in paradiso atq; in re-

gno calorum solus habitabit. tantum ille. Et si Catho-
 lica ecclesia aliquos quidem Episcopos non fuisse ca-
 nonice electos, alios vero, non idoneos fuisse canonicè
 electos, iuxta humanam imbecillitatem affirmare
 non est temerarium, tamen existimare à centum an-
 nis in continua Pastorū & doctorum successionē vix
 centesimum quemq; fuisse canonicè electum, hæreti-
 cum nedum temerarium est. Siquidem non solum in
 Christi ministros est contumelia, sed in Christum ca-
 tholica ecclesia caput est blasphemia. Catholica certè
 ecclesia in ordinandis quidem ministris, quantum atti-
 net ad ordinis sacramentū, secundum diuinam scri-
 pturam & Ecclesia traditionē certam regulam tenet.
 Presbyteri namq; ab Episcopo, episcopi quoq; ab epis-
 copis perpetuò ordinati, et cōsecrati fuerunt: quantum
 verò attinet ad ministrorū electionē ad munera obe-
 dūda, vti est electio Episcoporū, nec ex sacra scriptura,
 nec ex traditione potest peti certa regula: quandoqui-
 dē ecclesia praposti aliquādo à plebe, aliquādo à cle-
 ro, aliquādo à magistratibus, aut ecclesiasticis, aut ci-
 uilib. eligebātur. Et licet de eligēdis ecclesia ministris
 in diuina scriptura expresse non tradatur certa regu-
 la, illa maximè quā catholica ecclesia instituit, obser-
 uāda est. Quā sententiā Calui. modò affirmat, modò
 negat. Est quidē et illud fateor et optima ratione san-
 citū in Laodicēsi concilio, ne turbis electio pmittatur.
 At infrā ait. Verūetiā si nihil aliud mali foret, qui ta-
 mē hoc excusare poterūt, quod ita spoliauerint suo iu-
 re ecclesiā? Sed sicut enim catholica ecclesia, nō quod
 verbi Dei & sacramentorum habet determinatos

Calu. ca. 8.
 p. 25. et 57.

ministros eò potestate administrandi priuatur, ita non quod ad eligendos Pastores & doctores habet determinatos ministros eò spoliatur suo iure, nempe eligendi potestate. Quandoquidem tales ecclesie ministri instrumenta sunt, quibus perinde ac hominum lingua loquitur, ita ecclesia pastorum & doctorum ministerio omnia & singula ecclesiastica munia exequitur. Nam ministrorum electores sunt ecclesie membra, & illorum ministerio, ecclesia eligit Pastores, & Pastores etiam electi ab illis, à Deo, & ab ecclesia eliguntur. Ad publicum quidem ecclesie bonum, eligendi prouinciam non esse penes populum, præstat. Sicut enim rerum dominia, et si lege diuina non fuerint distincta, tamen ad publicam pacem, rerum distinctio non tantum expediens, sed necessaria est: ita quamuis diuina lege non sit definitum, quibus priuatis personis eligendi ecclesie ministros, potestas conueniat, tamen ad conseruandam ecclesie pacem eligendi prouincia non penes plebem, sed penes determinatos fideles, siue ecclesiasticos, siue seculares, sit oportet. Verum quidem est, quod ad transferendum eligendi prouinciam à populo in clerum, aut à clero in præpositos iusta causa, tum legitima potestas requiritur. Iusta autem est causa, quam beatus Augustinus exponit, dicens: Ergo si populus sit bene moderatus & grauis, communisq; utilitatis diligentissimus custos, in quo vnusquisque minoris rem priuatam, quam publicam pendat, nonne rectè lex fertur, qua huic ipsi populo liceat creare sibi magistratus, per quos sua res, id est, publica administretur?

Aug. 1. de
li. 21. ca. 6.

tus Augustinus exponit, dicens: Ergo si populus sit bene moderatus & grauis, communisq; utilitatis diligentissimus custos, in quo vnusquisque minoris rem priuatam, quam publicam pendat, nonne rectè lex fertur, qua huic ipsi populo liceat creare sibi magistratus, per quos sua res, id est, publica administretur?

tur? EV. Rectè prorsus. AV. Porro si paulatim deprauatus idem populus, rem priuatam reipublica præferat, atque habeat venale suffragium, corruptusq; ab eis qui honores amant, regimen in se flagitiosis conscleratisq; committat, nonne item rectè, si quis tunc extiterit vir bonus, qui plurimum possit, adimat huic populo potestatem dandi honores, & in paucorum bonorum, vel etiam vnius redigat arbitrium? EV. Et id rectè. Laudicensis quidem concilij statutum de eligendis ministris optima ratione fuisse sancitum, Caluinus asseruit: sed illud ob electorum abusum damnat, atq; abrogari desiderat vt exponit Calu. ca. 8. P. 37. et 38. dum ait: Cur ergo eligēdi prouincia à populo ad istos translata est? quia scilicet inter populi tumultus & factiones non exaudiebatur Dei verbum, & cur hodie ab istis rursum non transfertur? qui non modo leges omnes violant. Et infra: deniq; in hunc finem conferuntur sacerdotia, non vt ecclesijs sit prospectum, sed his qui accipiunt. Verum etsi idoneorum Episcoporum electio ab ecclesia summo affectu desideratur, & electores in eligendis Episcopis publica vtilitati, priuata commoda præferunt, tamen nō ob istas causas omnes electiones sunt irrita, nec eligēdi regula, ab ecclesia sancita, à quouis est abroganda. Sectariorum enim ingenium est, ob legum abusus, leges tollere, quod si sit, vniuersus profectò mundus è medio esset tollendus, quandoquidem plures sunt qui malè, quàm qui benè hoc mundo vtuntur. Quod si publico Catholica ecclesiæ bono mutare regulam eligendi ministros expedierit, variandi nimi

rum potestas, non penes Reipublicæ magistratus, nedum penes sectarios, & schismaticos, sed penes Catholicam ecclesiam est. Laudicense siquidem concilium, à sexta generali synodo confirmatum, eligendi provinciam à populo in clerum transtulit, nõ reipublicæ magistratus, non hæretici, nec schismatici. Quare cum Catholica ecclesia circa ministrorum electionem tantam potestatem habeat in presenti sæculo, quantā olim habuit, ad illā spectat variare regulā eligendi ministros, & abusus extirpare. Quorum cum neutrum executioni mandatur, religionis sinceritas sensim labefactatur, & hæreses & schismata indies magis magisque grassantur. Siquidem eligere in ecclesia Episcopos non idoneos ad docendam plebem, nec ad fidei rationem reddendam, & Episcopum ciuilia munia per se, ecclesiastica verò sacramenta, & verbi dei ministerium per cōductitios ministros exequentem, ab officio non deponere, & ei, qui vix ad vnum beneficium, aut potius ad nullum est idoneus, conferre plura beneficia, religionis christiana perniciēs, nedum mōstra sunt. De huiusmodi enim & similibus Christus ait: Vae mundo à scandalis. Neceßè est enim vt veniant scandala: Veruntamen vae homini illi, per quem scandalum venit. Si autem manus tua, vel pes tuus scandalizat te, abscinde eum, & projice abs te. Verum enimvero schismata & hæreses maiorem calamitatem ecclesia intulerunt, quàm iniquæ pastorum & doctorum electiones. Nam illis ecclesia pax turbatur, illis fidei vnitas scinditur, per malos verò Episcopos licet disciplina corrumpatur, & fides quodāmodo

dāmodo iaceat, non inde fit, quin plebs fidelium in catholica ecclesia communione & fide contineatur. Siquidem penes Catholica ecclesia Episcopos Christi promissiones sunt efficaces. Efficaces inquam, non malorum Episcoporum merito, sed Dei munere iniuncto canonici ordinationi, quod munus penes sectariorum & schismaticorum concionatores non reperitur, siquidem extra Catholicam ecclesiam, non est reperire canonicam electionem.

Pastores & doctores à Catholica ecclesia non ordinati, à Deo non sunt vocati.

Caput 99.

Christi quidem discipuli non ab ecclesia, sed à Christo ecclesie capite fuerunt vocati, illorum verò successores omnes (nemine excepto) ecclesie ministerio ad predicandi munus vocentur est neceſſe. Siquidem Paulus Apostolus ab ecclesia Antiochena ordinatus fuit Apostolus. De qua ordinatione Calvinus ait: Quanquam sic Paulum singulari prerogativa Dominus per se ipsum designavit, ut disciplina ecclesie vocationis interim vteretur. sic enim refert Lucas: Ministrantibus autem illis Domino, & ieiunantibus, dixit illis Spiritus sanctus: Segregate mihi Saulum & Barnabam in opus ad quos assumpsi eos. Tunc ieiunantes, & orantes, imponentesq; eis manus, dimiserunt illos. Ad Cor. 12.
Quae verba in hunc modum exponit Calvinus. Calu. ca. 2.

Quorsum isthac segregatio & manuū impositio, postquam suam electionem testatus est spiritus sanctus, nisi ut ecclesiastica disciplina in designandis per homines ministris conseruaretur? Quam profectò sententiam, si ille cum suis colleigs obseruasset, ecclesiasticorum dissidiorum bona pars è medio sublata fuisset. Sectarij igitur postquam ex Catholica exierint, illorum nullus à Catholica ecclesia ad predicandi munus est ritè vocatus. Quam sententiam Calvinus non negat, dum ait: Iam verò quod reos schismatis & hæreseos nos agunt, quia dissimilem doctrinam predicamus, & suis legibus non paremus, & seorsum conuentus, etc. infra etiam eandē affirmat sententiam, dicens: Et clamitent hæreticos nos esse, qui ab ipsorum ecclesia recesserimus, cum nulla alienationis causa fuerit, nisi hac vna, quod puram veritatis professionem nullo modo ferre possunt. Quibus profectò verbis Calvinus se esse hæreticum fatetur, utpote de illo & similibus scriptura ait: ex nobis exierūt, sed non erant ex nobis. Ecclesia siquidem à qua ille recessit, & à qua se alienauit, Catholica ecclesia est utique. De qua, & de separantibus se ab illa, Cyprianus ait: Adulterari non potest sponsa Christi, incorrupta est & pudica. Vnam domum nouit, vnius cubiculi sanctitatem casto pudore custodit. Hac nos Deo seruat, hac filios regno quos generauit, assignat. Quisquis ab ecclesia segregatus adultera inngitur, à promissis ecclesiæ separatur. Nec pertinet ad Christi præmia, qui relinquit ecclesiam Christi. Alienus est, profanus est, hostis est, habere iam

Caluin. c. 1.
8. par. 12.

Cypria. de
simp. præl.

non potest Deum Patrem, qui ecclesiam non habet matrem. Sectarij certe prætexendi diuinam vocationem non relinquitur locus, quandoquidem Paulus etsi à Deo miro modo fuit uocatus, ecclesiæ vocationem non subterfugit, illos verò non fuisse à Deo vocatos, à posteriore demonstratur. Nam dogmata in quibus à Catholica ecclesia discordant, non audierunt à predicante. Sic Arius illud hæreticum dogma, quod filius non esset patri consubstantialis, non didicit à predicante, siquidem ille fuit inuentor illius erroris. Lutherus etiam quarundam hæresum inuentor, aliarum verò antiquatarum sectator extitit. Quas tamen ille à predicante non didicit. Sectarij igitur in credendis suis sectis, Catholicam ecclesiam non habent matrem, & per consequens nec Deum habent Patrem, siquidem Deus neminem generat per euangelium sine predicante, à Catholica ecclesia ritè vocato. Deinde non habent etiam ecclesiam matrem, quia Catholica ecclesia sensum, sed proprium prædicant, ex quo manifestè constat, illos in prædicandis religionis dogmatibus ecclesiæ vocationem non seruare. Quod si illi se non præsentis, sed antiquæ ecclesiæ & Dei sensum, à quo se fuisse missos gloriantur, exponere dixerint, sciunt oportet, se in hac parte hallucinari. Quandoquidem profitentes contraria & noua dogmata, non Dei, nec ecclesiæ sensum, sed sathana cogitationes exponunt. Quare si Lutherus suum Euangelium à nullo Catholico predicante accepit, tum ad prædicandi munus à Catholica ecclesia non fuit vocatus, illius, ac successorum eius prædicatione

Cypri. de
lump præl.

Cypri. li. 1.
Epist. 6.

tionem tantum abest, ut una sancta Catholica & apostolica ecclesia continuetur, ut potius discindatur. Lutherum verò eiusque successores non fuisse à Deo vocatos, sed illos predicandi munus sibi assumpsisse, Cyprianus apertè satis exponit, dicens: Hi sunt qui se ultro apud temerarios conuenas, sine diuina dispositione præsiciunt, qui se prapósitos sine vlla ordinationis lege constituunt, qui nemine Episcopatum dante, Episcopi sibi nomen assumunt. Quos designat in Psalmis Spiritus sanctus, sedentes in pestilentia cathedra, pestes & lues fidei, serpentis ore fallentes, & corrumpenda veritatis artifices, venena lethalia linguis pestiferis euomentes. Quorum sermo, ut cancer, serpit. Eandem sententiam in alio loco euidentius exponit, dicens: Ecclesia enim una est, quæ una & intus esse, & foris non potest. Si enim apud Nouatianum est, apud Cornelium non fuit. Si verò apud Cornelium fuit, qui Episcopo Fabiano legitima ordinatione successit, & quem præter sacerdotij honorem, Martyrio quoque Dominus glorificauit: Nouatianus in ecclesia non est, nec Episcopus computari potest, qui Evangelica & apostolica traditione contempta, nemini succedens, à se ipso ordinatus est: habere namque aut tenere ecclesiam nullo modo potest, qui ordinatus in ecclesia non est. Item infra ait: Si autem grex vnus est, quomodo potest gregi annumerari, qui in numero gregis non est? aut pastor haberi quomodo potest, qui manente vero Pastore, et in ecclesia Dei? ordinatione succedanea præsidere, nemini succedens, à se ipso incipiens, alienus sit & profanus dominica pacis, ac diuina unitatis

tatis inimicus non habitans in domo Dei? id est, in ecclesia Dei, in qua nisi concordēs atq; vnanimēs habitant. Quā profectō sententiā tam verā est de Luthero illiusq; successoribus, quā de Nouatiano, Ario, Manichæo & ceteris hæreticis, vtpote illi omnes ab vna sancta catholica & apostolica ecclesia exeuntes, ecclesiastica traditione contempta, nemini succedentes, à se ipsis ordinati sunt. Cui rogo Episcopo Lutherus successit? aut quā Catholica ecclesia Lutheri prædicandi munus contulit? Lutheri quoq; successores, à quā Catholica ecclesia ad prædicandi munus fuerunt vocati? Illi quippe ex Catholica ecclesia exeuntes, varios & dissidentes cœtus constituerunt: tandem Augustana, Osiandrina, Tygurina, Geneuensis, Blandratina, & ceteræ variæ & secum pugnantēs confessiones, quas Lutheri successores profitentur, non à Catholicis prædicantibus in vna sancta Catholica & apostolica ecclesia, sed à sectarijs in varijs dissidentibus cœtibus buccinantur.

Doctores in Catholicæ Ecclesiæ communione perseuerantes, licet de aliquibus sententijs discordent, tamen in Catholica fide, non discordant.

Cap. 100.

Sectarij etiam Catholica ecclesiæ Pastores & doctores, vt illorū testimonium reddāt suspectū ignorantie, erroris, dissidiorū, et inconstantia damnant. Philippus enim ait: Et Patrum magna dissimili

Philip. in A
pol. de mis
sa.

Caluin in
præfat.

Basi. ferm.
contSabel.
& Arium.

disimilitudo est, homines erant & labi & decipi poterant. Eiusdem sententia est Calvinus, dicens: Multa præclare ac sapienter ab illis patribus scripta sunt, in quibusdam verò ijs acciderit, quod hominibus solet. Et infra: Quando multa ignorauerunt sancti illi viri, saepe inter se conflictantur, interdum etiam secum ipsi pugnant. Quam sectariorum insolentiam beatus Basilius iam diu redolens, illorum procacitatem ad hunc mundum coarguit: Omnia, inquit, perscrutatuse es? Omnia cogitationibus tuis sub diuisionem duxisti? nihil inexamatum reliquisti? omnia mente comprehendisti? omnia comprehensione tua conclusisti? nouisti quæ sub terra sunt, nouisti quæ in profundo sunt? demonum sunt hæc arrogantia, mihi est numerus sabuli notus, mensuraq; Ponti. Verum quidem est, tum Catholica ecclesia Pastores & doctores, tum Lutheri eiusq; successores homines fuisse, sed inter utrosq; hoc interest, quod catholici Pastores & doctores etsi homines fuerunt, in Catholica ecclesia cōmunionem et fide perseverantes, tum modeste sapientes, fidelem populum in vnitatem spiritus & vinculo pacis continuerunt. At sectarij homines nouitatū amantiſſimi, à Catholica ecclesia cōmunionem & fide defecerunt, tum diuinorum mysteriorum eruditionem sibi arrogantes, Christi oues ab eadem abegerunt. Vera quidem religionis, quædam dogmata, perinde ac disciplinarum principia sunt primaria: quædam verò dogmata perinde ac disciplinarū conclusiones, ex primarijs dogmatibus colliguntur. Vti ex illo dogmate: Christi corpus realiter existit

in eucharistia sacramento, colligitur eucharistiam esse adorandam de illo quidem primario dogmate, nempe, de Christi existentia in eucharistia apud Catholicos Patres nunquam fuit dubitatum, quandoquidem per illa verba, hoc est corpus meum, Catholica ecclesia semper realem Christi corporis existentiam intellexit, & primariorum dogmatum ignorationedum error, sinceritati repugnant. Vtpote illa religionis sunt primaria dogmata. Illud verò dogma, eucharistia est adoranda, & cetera huiusmodi dogmata ex primarijs collecta, ante illorum definitionem, aut ignorare, aut dubitare, aut circa illa aliter quam res se habet, citra pertinaciam asserere, fidei sinceritati non repugnat. Siquidem huiusmodi dogmata nec primo nec explicite proposita fuerunt ad credendum, sed ex primarijs tantum dogmatibus colliguntur. Ante huiusmodi enim dogmatum autenticam propositionem & expositionem, atque definitionem, illorum ignoratio aut error, modo sit citra pertinaciam, non pugnat cum fide. Vnde licet aliqui Pastores & doctores aliquando huiusmodi dogmata ignorassent, aut de illis discordassent, aut circa illa errassent, nihilominus tamen in Catholica ecclesia communione & fide perseverarunt. Quare catholici Pastores & doctores, propter illorum dogmatum varias opiniones, aut ignorationem, non sunt vituperandi, sed potius excusandi. Vt beatus Hieronymus testatur, dum ait: Illud quoque de eodem Psalmo interrogare dignata es: Qui sint filij excusorū. Miror te in Hilarij commentarijs non legisse, excusorum

Hieron. ad
Meruin.

forum filios, credentium populos interpretari: quod scilicet apostolos illo nomine putauerit appellatos. & infra: Quid igitur faciam? Tantum virum & temporibus suis disertissimum reprehendere non audeo: qui & confessionis sua merito, & vita industria, & eloquentia claritate, vbicunque Romanum nomen est, predicatur: nisi quod non eius culpa ascribendum est: quia Hebraei sermonis ignarus fuit. Gracarum quoque litterarum quandam aurulam ceperat, sed Helidiori presbyteri, etc. Haud dissimile opinionē beatus quoque Augustinus, de sancto Cypriano habuit, dū inquit: Absit autem, vt quoniam beatissimus Cyprianus de baptismo aliter sensit, quā veritas, & antea consuetudine, et postea perfecta diligentius ratione monstrauit: propterea quisquam nostrū, qui hoc quod ille non sapimus, ei se audeat antepone. Cetera enim multa & magna eius merita, & animus praecipua charitate plenissimus, per quem cum collegis diuersa sentiētibz, placatissimus mansit, & in vnitae ecclesiae passio gloriosa, satis ostenderunt eum fuisse sarmentum in Christi radice fructuosum: quod pater etiam ab ista reprehensione purgaret, vt fructum posset adferre maiorem. Illud etiam dogma, quod verum baptismi sacramentum non sit apud haeticos & schismaticos, Cypriani sacculo non tam explicatum fuit in ecclesia, quā postea, ob idque Cypriani error non fuit haesis: contra verò post ecclesiae definitionem haeticum est, asserere apud haeticos & schismaticos non esse verum baptismi sacramentum. In obscurioribus sanè religionis

Aug. cont
Gaud. li.
3. cap. 10.

gionis dogmatibus asserendis, duo vicia esse maximè Aug. de trī
cauendā, beatus Augustin. exponit, dicens: Sed duo n. t. l. 2. c. 3.
sunt quæ in errore hominum difficilimè tollerantur,
presumptio priusquam veritas pateat: & cū iam
patnerit presump̃ta defensio falsitatis. A quibus ni-
mirum vitijs non sectarij, sed perpetua Pastorum &
doctorum successio, in Catholica ecclesia communi-
one & fide perseuerans abstinuit: quod beatus Augusti August. de
nus sapientissimè exponit, dū ait: Homines enim baptis. cōt.
sumus: Vnde aliquid aliter sapere quā se res habet, Don. li. 2.
humana tentatio est. Nimis autem amando senten- cap. 3.
tiam suam, vel inuidendo melioribus, vsq; ad præci-
denda communionis, & condendi schismatis vel hæ-
resis sacrilegiū peruenire, diabolica presumptio est.
In nullo autem aliter sapere quā se res habet, ange-
lica perfectio est. Qui itaque homines sumus, sed
spe angeli sumus, quibus aequales in resurrectione fu-
turi sumus, quā diu perfectionem angeli non ha-
bemus, presumptionem diaboli non habeamus. Idē
dicit Apostolus: Tentatio vos non apprehendat, nisi
humana. Humanum est ergo aliquid, aliter quā
res se habet, sapere. Perpetua certē Pastorum & do-
ctorum successio, quo in Catholica ecclesia commu-
nionē perseuerat, eō in sincera fide permanet. Nam
omnes fideles Catholicam ecclesiam obseruantes,
eiusque communionem colentes, in credendis
fidei dogmatibus iudicium suspendunt, ani-
mum autem offirmant ad tenendam cum eccle-
sia vnitatem. Huiusmodi regulam beatum Cypri-
anum, ac ceteros Patres in credendis dogmatibus
obseruasse

August. de
bapti con.
Dona li 2.
ca. 1. & 2.

obseruasse in confesso est. Siquidem illorum nullus propter dogmatum cōtrouersias à Catholica ecclesia separauit se. illi enim omnes Catholica ecclesie communionē, suis priuatis sententijs pratulerunt. Quod beatus Augustinus Cypriani verba referens sapientissimè annotauit, dū ait: Cū idem Cyprianus ita dixerit, quid ei videretur, vt in pace vnitatis esse uoluerit, etiam cum eis qui de hac re diuersa sentient, quod indicat ipsius primus sermo in eiusdem concilij, quod ab istis profertur, exordio. Nam ita se habet: cū in vnum Carthaginem conuenissent, Cyprianus dixit: Audistis collega dilectissimi, quid mihi Iubaianus cōepiscopus noster rescripserit. & infra: Supere est vt de hac ipsa re, quid singuli sentiamus proferamus, neminem iudicantes, aut à iure communionis aliquem, si diuersum senserit amouentes: neque enim quisquam nostrū Episcopum se esse Episcoporum constituit, aut tyrannico errore ad obsequendi necessitatem collegas suas adigit. Quibus profectō verbis beatus Cyprianus, aperte satis significat, se nō pertinaciter asserere suam sententiam, siquidem ceteros contrariā sententiā asserentes, hæresin non damnavit, nec à sua communionē separauit. Qua procul dubio fecisset, si suam sententiā tam pertinaciter asseruisset, quā Donatistæ & sectarij sua dogmata affirmant. Vtpote illi omnes, Catholicam ecclesiam, illiusq; Pastores & doctores circa controuersos articulos errasse comminiscētes, ex Catholica ecclesia exierunt. Doctores nimirum in Catholica ecclesia communionē perseuerantes, etsi in aliquo dogma-

te, aliter quàm veritas se habet, opinantur, tamen hoc ipso quod Catholicam ecclesiam obseruant, & eius communionem colunt, controuersis dogmatibus pertinaciter non assentiuntur, & per consequens in voto, siue implicite pari consensu cum Catholica ecclesia vnā sinceram fidem profitentur. Quandoquidem ecclesia communionem praefert priuatis opinionibus: quam sententiam esse veram de beato Cypriano, beatus Augustinus exponit, dicens: *Qua-* August. de baptis. cōt. Don. li. 2. cap. 4.
propter sanctus Cyprianus tantò excellentior, quan-
tò humilior. q. documentū Petri sic amauit vt diceret,
documentum scilicet nobis & concordia! & patiētia
tribuens, vt non pertinaciter nostra amemus, sed qua-
aliquādo à fratrib. & collegis nostris vtiliter & salu-
briter suggeruntur, si sint vera & legitima, ipsa po-
tius nostra ducamus. Satis ostendit, facili mē se corre-
cturum fuisse sententiam suam, si quis ei demonstra-
ret baptismum Christi sic dari posse ab eis qui foras
exierunt, quemadmodum amitti non potuit, cū fo-
ras exirent. Si igitur beatus Cyprianus circa fidei do-
gmata, aliter quàm veritas se habet asserens, quo in
ecclesiae communionē permansit, eò non pertinaciter
errauit, sed paratus fuit docente ecclesia emendare
suam sententiam, multò profectò minus cateri docto-
res Catholica ecclesiae communi onem obseruantes,
pertinaciter errarunt. Vtpote illi in credendis dogma-
tibus cōmunem ecclesiae sensum secuti fuerunt. Qua-
re doctores in Catholica ecclesia communionē perse-
uerantes, etsi aliquod falsum dogma asserant, non i-
ded sunt haeretici. At sectarij à Catholica ecclesia di-

Vincent.
Lirinen.

uisti, si idem falsum dogma, quod Catholici aiunt, affirmant, heretici sunt. Vtpote in asserendis dogmatibus, Catholica ecclesia censura suam sententiam præferunt. Quam sententiam Vincentius Lirinenfis mirifice exponit, dicens: O rerum mira conuersio, auctores eiusdem opinionis Catholici, consecretatores verò heretici iudicantur: absoluuntur magistri, condemnantur discipuli: conscriptores librorum, filij regni erunt, assertores verò gehenna suscipiet. Nam quis ille tam demens est, qui illud sanctorum omnium, & Episcoporum, & martyrum lumen beatissimum Cyprianum, cum ceteris collegis suis in æternum dubitet regnaturum esse cum Christo? Aut quis tam contra sacrilegius, qui Donatistas & ceteras pestes, qua illius auctoritate cõsiliij rebaptizare se iactitāt, in sempiternū neget arfurose esse cū diabolo?

Doctorum non priuatis, sed communibus sententijs Ecclesiasticæ traditioni concordibus adhærendum.

Caput 101.

Cal. ca. 9.
par. 21.

PReterea etiam sectarij perinde ac Donatistæ, Patrum auctoritate suas falsas sectas astruunt. Caluinus enim ad deturbandam auricularis cõfessionis diuinam legem, temerarium Nectarij factum in testimonium adducit, dicens: Si lex Dei erat auricularis confessio, qui ausus esset Nectarius eam refigere, & infra Nectarium sanctum Dei hominem, &c. Sicut enim beatus Cyprianus propter hereticorum & schismaticorum malitiam, eorum baptismum execrabatur, ita Nectarius Episcopus propter

propter cuiusdam diaconi sacrilegam incontinentiam, auricularem confessionem à sua ecclesia abstulit. Sed quemadmodum beati Cypriani Christi martyris testimonium, hæreticorum baptismum non abrogauit: ita immò multò minus Nectarij auctoritas, auricularis confessionis legem abrogauit. Donatistæ quippe perinde ac Calvinus clamitarunt, dicentes: Si hæreticorum baptismus erat à Christo institutus, quì ausus esset Cyprianus eum refigere? Cyprianum dicimus sanctum Christi martyrem. Vt enim sectarij ex non diuina scriptura germano sensu, sed ex deprauato suas sectas colligunt: sic illi non doctorum autentica auctoritate, sed illorum sententijs aut falsis aut veris, perperam intellectus, suas sectas confirmant. Aduersus quos Vincentius Lirinensis ait: Captant (scilicet hæretici) plerunque veteris cuiuspiam viri scripta, paulò inuolutius edita, quæ pro ipsa sui obscuritate dogmati suo quasi congruant, vt illud nescio quid quodcunque proferunt, neq; primi neq; soli sentire videantur. Quorum ego nequitiam duplici odio dignam iudico, vel eò, quod hæreseos venenum propinare alijs non pertimescunt, vel eò etiam, quod sancti cuiusque viri memoriam, tanquam sopitos iam cineres, profana manu ventillant, & quæ silentio sepeliri oportebat, reuiuua opinione diffamant. Sed Calvinus illam Vincentij sententiam in Catholicam ecclesiam torquet, dicens: Præterea calumniosè nobis Patres opponunt, quorū auctoritate si dirimendum certamen esset, melior victoriæ pars ad nos inclinaret: verū cū multa

Vinc. Lirinensis.

Caluin. in præfa.

Aug. cont.
Faust. li. ii.
cap. 5.

Hier. minc
ri. & Alex,

præclare, ac sapienter ab illis Patribus scripta sint, in quibusdam verò ijs acciderit, quod hominibus solet, isti p̃ij scilicet filij qua sunt ingenij & iudicij & animi dexteritate, eorum tantum lapsus & errores adorant. Inter diuinam sanè scripturam, & ecclesiasticorum scriptorum monumenta hoc interest, quod illa quidem cum necessitate credendi suscipienda est. Doctorum verò sententia, non cum necessitate credendi, sed cum libertate iudicandi recipienda sunt, ut beatus Augustinus docet, dicens: De his enim libris dici potest, aliquid eos habere, non consonum fortasse occultiori, & ad dignoscendum difficiliori veritati, quod aut sic remanserit, aut in posterioribus correctum sit, qui non præcipiendi auctoritate, sed proficiendi exercitatione scribuntur à nobis. Inter hos enim sumus, quibus idem Apostolus dicit: Et si quid aliter sapitis, id quoque vobis Deus reuelauit. Quod genus literarum non cum credendi necessitate, sed cum iudicandi libertate legendum est. Cum libertate inquam iudicandi, non soluta, sed alligata fidei regula, doctorum sententia sunt recipienda. Siquidem sectarij heretica licentia, quales quales sententias suis erroribus conuenientes, ad suas sectas austruendas proferunt. Regula quidem iuxta quam doctorum sententia sunt examinanda, catholica est fides, ut beatus Hieronymus exponit, dicens: Meum propositum est, antiquos legere, probare singula, retinere quae bona sunt, & à fide ecclesiae catholica non recedere. Eiusdem sententia est beatus Augustinus dum ait: Ego huius epistolae auctoritate non teneor, quia literas Cypriani non ut canonicas

nonicas habeo, sed eas ex canonicis considero: & quod in eis diuinarum scripturarum auctoritati congruit, cū laude eius accipio: quod autem non congruit, cum pace eius respuo. Et infrā: Nunc verò quoniam canonicum non est quod recitas, ea libertate ad quam nos vocauit dominus, eius viri cuius laudem consequi nō valeo, cuius multis literis mea scripta non comparo, cuius ingenium diligo, cuius ore delector, cuius charitatem miror, cuius martyrium veneror, hoc quod aliter sapuit non accipio. Non accipio, inquam, quod de baptizandis hereticis & schismaticis beatus Cyprianus sensit, quia hoc ecclesia non accipit, pro quā beatus Cyprianus sanguinem fudit. Iuxta quam profectò regulam Catholicam nempe fidem, ordinarij Pastores & doctores ecclesiasticorum scriptorum, nō lapsus, nec errores, vt Calvinus illis falsò imponit, sed germanum scripturæ sensum, & apostolicam traditionem ab eis literis mandatam sectantur. Christi namq; discipuli, cū non omnia quæ prædicarunt literis memoriæq; mandaßent, illorum sententiæ ne animo exciderent, à priscis patribus scriptæ fuerūt. Atque qui illorum falsas & veras sententias discernere vult, variorum doctorum sententias adiuuicere & cum sacra scriptura, & cum catholice ecclesiæ traditione siue doctrina conferat oportet. Vti ad dyudicandum Nestarij de auriculari confessione sententiam illam cum Clementis Papæ beati Petri discipuli, ceterorumq; patrum sententijs conferri est necessarium. Clemens enim ait: Quod si fortè alicuius vel cor, vel liuor, vel infidelitas, vel aliquod malum ex

Aug. cont.
Cres. gra.
lib. 2. cap.
32.

Clem. Pa.
ad Iacob.
epist. 1.

his (qua superius memorauimus) latenter irrepse-
rit, non erubescat (qui anima sua curam gerit) confi-
teri hac huic qui praeest, vt ab ipso per verbū dei & cō-
siliū salubre curetur, quo possit integra fide & ope-
ribus bonis poenas aeterni ignis effugere, & ad ppetuas
vite praemia peruenire. Quā sententiam iterū infrā
exponit, dicens: Instruebat actus sua vita omni hora
custodire, et in omni loco Deū respicere, firmiter scire
cogitationes malas cordi suo aduenientes, mox ad
Christū allidere, & sacerdotibus domini manifesta-
re. Eandem sententiā Origines quoq; illustrat, dicēs:
Est adhuc et septima, licet dura & laboriosa per poeni-
tentiā remissio peccatorū, cū lauat peccator in la-
chrymis stratū suū, et fiunt ei lachryma sua panis die
ac nocte: & cū non erubescit sacerdoti domini indi-
care peccatū suum et querere medicinam secundum
eum, qui ait: Dixi, pronuntiabo aduersum me in ius-
titiam meam domino: & tu remisisti impietate cor-
dis mei. Quas nimirū sententias esse apostolicas, illarū
eum diuina tum scriptura, tum traditione concordia
apertē satis manifestat. Scriptura enim ait: Accipite
spiritum sanctū, quorum remisistis peccata, remittū-
tur eis, et quorū retinueritis retēta sunt. Ecclesiastica
etiā traditio in Lateranensi cōcilio explicata, inquit:
Omnis vtriusq; sexus omnia sua peccata cōfiteatur fi-
deliter, saltē semel in anno, etc. Ex qua profecto colla-
tione clarissimē constat, Neētarij circa auricularem
confessionem sententiam cum Dei verbo, nedum cum
ecclesiastica traditione pugnare, et auricularis cōfes-
sionis legem esse expressum Dei verbū. Ad huiusmodi
normam

Orig. ho-
mi. 2. sup.
Leuit.

Ioan. c. 20.

Extra de
poenit. et
remiss. C.
Omnis.

normam si patrū sententiæ exigantur, facili negotio
 cōstabit, quæ patrū sententiæ sint accipiendæ, quæ
 verò sint reiiciendæ. Quam sententiam Vincentius Li Vincen. Li
 rinensis præclare exponit, dicens: Itaq; cū primū rinens,
 mali cuiusq; erroris putredo erumpere caperit, & ad
 defensionem sui quædā sacre legis verba furari, eaq;
 fallaciter, & fraudulenter exponere, statim interpre
 tādō canonis, maiorū sententiæ cōgregandæ sunt, qui
 bus illud quodcunq; exurget nouitiū, ideoq; profanū,
 & absq; vlla ambage prodatur, & sine vlla retracta
 tione damnetur. Sed eorū duntaxat patrū senten
 tiæ conferendæ sunt, qui in fide & cōmunione Catho
 lica, sanctè, sapienter, constanter viuētes, et perma
 nētes, vel mori in Christo fideliter, vel occidi pro Chri
 sto fœliciter meruerunt. Quibus tamen hac lege cre
 dendū est, vt quicquid vel omnes, vel plures vno eodē
 q; sensu manifestè, frequenter, perseueranter, velut
 quodam consentiente sibi magistrorum consilio, acci
 piendo, tenendo, tradendo firmauerint, id pro indu
 bitato, certo ratōq; habeatur. Quicquid verò, quam
 uis ille sanctus et doctus, quāuis Episcopus, quāuis con
 fessor & martyr, præter omnes, aut etiam contra om
 nes senserit, id inter proprias et occultas et priuatas o
 pinionculas à communis et publicæ generalis senten
 tiæ auctoritate secretū sit, nec cū summo aternæ salu
 tis periculo, iuxta sacrilegā hereticorū et schismatico
 rū consuetudinē vniuersali dogmatis antiqua veri
 tate dimissa, vnius hominis nouitiū sectemur errorē.
 Vnde nec Cypri. sententiā de hereticorū baptismo, nec
 Nectarij sententiā de auriculari confessione, nec cate

rorum patrum priuata sententia patrocinantur sectarijs aduersus Cathol. ecclesiã. quandoquidẽ huiusmodi sententiã à sacra tum scriptura, tum traditione, nedum à perpetua Pastorũ & doctorũ successionis doctrina discordat, seu potius pugnat cū eis: cōtrā verò: Doctorũ cōmunis sensus vti Cypriani sententiã de Missæ sacrificio, sacramentarios reuincit. Siquidẽ illa sententia concors est sacrae & scripturae et traditioni, atque cum perpetua Pastorum & doctorum successionis doctrina consentit. Ex quo cū cuiusdã doctoris quadam sententia apud Catholicam ecclesiam obtinuit auctoritatem, alia verò sententia eiusdem reprobata fuit, tum etiã aliquorum profanorum doctorum ac haeticorum sententia in ecclesia recipiuntur. Quare Catholici fideles in asserendis religionis dogmatibus, non hominum, qui falli & fallere solēt, sed Cathol. ecclesiæ doctrinã, quam perpetua Pastorũ & doctorum successio profitetur rationẽ habent. Quod etiam beatus Augustinus exponit, dicens: *Quasi approbas, tene mecum sancti viri Ambrosij sententiam non eius auctoritate, sed ipsa veritate firmatam. Neque enim & mihi propterea placet, quia per illius os potissimum me dominus ab errore liberauit, & per illius ministerium gratiam mihi baptismi salutaris indulgit, tanquam plantatori & rigatori meo nimium faueã, sed quia de hac re & ipse hoc dixit, quod piẽ cogitanti, & rectẽ intelligenti loquitur etiam ille, qui incrementum dat Deus. Moysis sanẽ Pauli, & ceterorum prophetarum & Apostolorum sententiã, quod ab illis sunt scripta, à cunctis fidelibus recipi-*

August. e.
pisto. 112.

recipiuntur. Vtpote illi diuino afflati spiritu, locuti fuerunt. Sed Ambrosij, Hieronymi & aliorum doctorum sententia, non quod ab illis sunt scripta, sed quod cum Dei verbo, & Catholica ecclesie doctrina consentiunt, à fidelibus recipiuntur. Vnde multum, sua opinio fefellit Erasmus, dum ait: At dixerit aliquis, Quid tantopere refert, cuius titulum habeat liber, modo bonus? id fortassis in Plautinis fabulis non ita magni referat. Caterum in sacris viris, & ecclesie columnis, vnde Pontifices ac Theologi velut ab oraculis sua, de bello, de Sacramentis, deq; grauissimis rebus sumunt decreta, plurimum opinor referret. Alioqui futurum est, vt in posteris alicuius dictum immò somnium, Pauli aut Hieronymi nomine productum, cogat me vel tacere, vel sequi quod rectum non est. id quod quotidie videmus in Theologicis disputationibus factitari magno cum risu bonas callentium literas, &c. Nam in scholis Theologorum, nec Hieronymi, nec Augustini dictum, quod illorum sit, cogit facere, sed quod cum Catholica fide concordat, recipitur. Vnde in colligendis patrum sententijs scholastici doctores plus iudicij, quàm studij adhibent. Quandoquidem illi in quibusdam articulis modò cum Augustino affirmant, modò in alijs contra illum negant, & sic aliorum doctorum sententias, modò recipiunt, modò rejiciunt. quod sit, quia Pastorum & doctorum doctrina intantum à fidelibus est obseruanda, inquantum cum Dei verbo & Catholica ecclesie doctrina consentit: quia si doctor de communis ecclesie sensu declinauerit, non est audien-

Eras. Audi.
in Hieron.
tom. 2.

dus. Verum sectarij qua sunt ingenij & iudicij, et a-
 nimi dexteritate, quorundam sacrorum doctorum
 priuatas sententias cum catholica ecclesia, nedum ca-
 terorum doctorum doctrina, pugnantes, ad suas a-
 struendas sectas proferunt, & doctorum seu potius
 Catholica ecclesia communes sensus neganti, ignoran-
 tes miseri quod in vera religione à perpetua Pasto-
 rum & doctorum successionis consensione dissen-
 ti- re perinde est, ac in Mathematicis disciplinis prima
 negare principia. Sectarij sanè priuatas doctorum
 sententias recipientes, & communes reiicientes, mi-
 serè falluntur. Quandoquidem, qui doctorum
 priuatum sensum recipit, communes quoque re-
 cipiat est neceßè. Quod beatus Augustinus exponit
 dicens: Quid quod etiam beati Cypriani mentionem
 facere audetis, velut ille auctor sit vestra diuisionis,
 tantus defensor Catholica vnitatis & pacis? Primò
 esto in ecclesia, quam constat tenuisse ac prædicasse
 Cyprianum, et tunc aude velut auctorem sententia
 tua nominare Cyprianum. Primò imitare pietatem
 humilitatemq; Cypriani, & tunc profer consiliū
 Cypriani. Et post pauca ait: Vos autem qui scripta
 Cypriani nobis tanquam firmamenta canonica au-
 thoritatis opponitis, quicquid de Cypriano contra
 vos proferre potuerimus, neceßè est credatis, & iu-
 stum est vt victi taceatis, ac nos aliquando ab erro-
 re perniciosissima dissensionis ad vnitatem Catholi-
 cam conuertatis, &c. Tandem Lutherus illiusq; suc-
 cessores perinde ac Donatistæ, beati Cypriani, quoru-
 damq; doctoru priuatos lapsus & errores Catholica
 ecclesia

Aug. cont.
 Era. lib. 2.
 cap. 31.

ecclesia communi sensui temerè præferentes, ab ecclesia communione et fide receperunt. Sed aduersus huiusmodi, qui propter priuatas sententias, Catholicam ecclesiam deserunt, Vincentius Lirinensis ait: Magna profectò res, & ad discendum utilis, & ad recolendum necessaria, quam etiam atque etiam exemplorum molibus illustrare atque inculcare debemus, ut omnes fere Catholici nouerint, se cum ecclesia doctores recipere, non cum doctoribus ecclesia fidem deserere debere. Et paulò inferiùs eandem sententiam luculentiùs exponit, cum ait: Secundum Deuteronomij leges luce clariùs intelligere debemus, quòd si quando aliquis ecclesiasticus magister à fide aberrauerit, ad tentationem id nostram fieri prouidentia diuina patiatur, utrum diligamus Deum an non, in toto corde, & in tota anima nostra. Quæ quum ita sint, ille profectò est verus & germanus, & Catholicus, qui veritatem Dei, qui ecclesiam, qui Christi corpus diligit, qui diuina religioni, qui catholica fidei nihil præponit, non hominis cuiuspiam auctoritatē, non amorē, non eloquentiā, non philosophiā, sed hæc cuncta despiciēs, et in fide fixus, stabilis permanēs, quicquid vniuersaliter antiquitus ecclesiā catholicā tenuisse cognouerit, id solum sibi tenendū credendūq; decernit. Quicquid verò ab aliquo deinceps vno præter omnes, vel contra omnes sanctos nouum et inauditum subinduci senserit, id non ad religionem, sed ad tentationem potiùs intelligat pertinere.

Catholicorū quidē doctorū de religionis dogmatibus controuersiarū cū fide
nō pugnant Præte-

Cap. 102.

Caluin. in
præfat.Philip. in
admon. ad
lecto.

Praterea Sæctarij, Ecclesiasticos doctores (ad il-
lorum labefactandam auctoritatem) de non-
nullis religionis argumentis inter se discordare,
sibiq³ ipsis non constare comminiscuntur. Calvinus
enim inquit: Sancti illi viri sæpe inter se conflictan-
tur, interdum etiam secum ipsi pugnant. Item qui-
dam nõ minimus dissidiorum seminator ad schisma-
ta, & hæreses excusanda, librum edidit, quem non
est veritus inscribere, de Papiistarum dissidijs. Cuius
certè procacitatem eius collega Philippus retundit, di-
cens: Hac peruersitas manifesta est, in cuiusdam
Flacci illyrici, & Galli maledictis & contumeliosis
scriptis. Et infra: His iam longo tempore hoc vnum
cura, & propositum est, vt harum regionum Ecclesi-
asticam doctrinam & ceremonias culpent, repudi-
ent, & prorsus condemnent. Et post pauca ait: Cum
isto mirabilum hominum genere, nihil agi potest, quã
suo arbitrio damnant quidlibet, nec personis audi-
tis, neque dijudicatis rebus cogunt concilia, quando
& vbi ipsis placet, atq³ vendicant sibi maiorem, ma-
gisq³ intollerabilem, & minus excusabilem auctori-
tatem et potestatem, quàm Papa Romanus vnquam.
Veruntamen sæctariorum calumniæ aduersus docto-
res Ecclesiasticos, multum decepit eos. Nam Pasto-
rum & doctorum in Catholica ecclesia communione
& fide perseuerantium de quibusdam religionis ma-
terijs varia & contraria opiniones, tantum abest, vt
cum fidei sinceritate pugnent, quod potius illius ve-
ritatem illustrent. At sæctariorum de fidei dogma-
tibus controuersia cum sincera fide pugnant. Inter
sæctarios

sectarios enim & Catholicos hoc interest, quòd sectarij suis controuersijs separantur ab Ecclesia, catholici verò non: quia istorum controuersia fiunt salua fide, illorum verò dissidia rumpunt fidem. Quod Augustinus contra Pelagianos exponit, dicens: Nunc illud oportet excutere, quod volentes hareses astute inuidiam declinare, asserunt, istam prater fidei periculum esse questionem: vt videlicet, si in ea fuerint exorbitasse conuicti, non criminaliter, sed quasi ciuiler errasse videantur. Sic enim Celestius apud Carthaginem gestis Ecclesiasticis est locutus: Iam inquit, de traduce peccati dixi, quia intra Catholicam constitutos plures audiri destruere, nec non & alios destruere, licet questionis res sit ista, non haresis. Et infra: Sed multum eum ista fallit opinio. Longè aliter se habent questiones istae, quas esse prater fidem arbitratur, quàm sunt illae, in quibus salua fide, qua Christiani sumus, aut ignoratur, quid verum sit, & sententia definitiua suspenditur, aut aliter quàm est, humana & infirmaratione conicitur. Veluti cum queritur, qualis vel vbi sit paradysus, vbi constituit Deus hominem, quem formauit ex puluere: cum tamen esse illum paradysum fides Christiana non dubitet. Quemadmodum enim in humanis disciplinis, etsi conclusiones non euidenter ex principijs collectae, sunt ambiguae & controuersae, non ideo fit, vt disciplinarum principia sint ambigua & controuersa, ita quāquam in Christiana religione aliqua sententia, & questiones sunt controuersae, non ideo sequitur statim, religionis principia esse ambigua &

Aug. cont.
pel. li. 2. c.
22. 23.

contro

controuersa. Christiana nimirum religionis principia, Dei oracula diuinis literis mandata, & apostolorum predicatio à Catholica ecclesia mirabiliter et sincere conseruata sunt, immò et iuxta Catholica ecclesia sensum ab omnibus sine controuersia recipiantur est necessarium, de quibus non pauca apud sectarios sunt controuersa. Vt illa dogmata: Ego & pater vnum sumus, & Hoc est corpus meum, à sectarijs in controuersiam trahuntur. Siquidem Ariani patris & filij consubstantialitatem, & sacramentarij Christi corporis realem existetiam in eucharistia, quæ sententia illorū dogmatum Catholica & germana sunt expositiones, non recipiunt. Vnde tam sacramentariorum de isto dogmate, Hoc est corpus meum, controuersia, quàm Ariatorū de illo: Ego & pater vnum sumus, hæresis est. Vtpote huiusmodi cōtrouersia cū fide pugnant. At Catholici doctores nō de patris et filij consubstantialitate, nec de Christi corporis reali sacramentali existentia (siquidem istas sententias sine controuersia illi recipiunt) sed de modis, quibus et diuinæ essentia vnitati, personarum trinitas, & Christi finito corpori, esse in pluribus locis, non repugnat, cōtrouersantur. Quæ nimirum controuersia non magis cum fide pugnat, quàm illa euangelica interrogatio, Quomodo fiet istud, &c. Deniq; sectarij excusa fidei obedientia de religionis dogmatibus à Catholica ecclesia definitis cōtrouersantur. Catholici verò doctores retenta Catholica fide, de quibusdā tantum sententijs à catholica ecclesia nondū definitis, dissentiuntur. Ex quo illorū controuersia fidem excludunt, istorū verò fidē explicat

explicant : quam sententiam beatus Augustinus exponit , dicens : Quomodo enim potuit ista res tantis altercationum nebulis inuoluta , ad plenarij concilij luculentam illustrationem confirmationemq³ perducī , nisi primò diutius per orbis terrarū regiones , multis hinc atq³ hinc disputationibus & collationibus Episcoporum pertractata constaret ? Hoc autem facit sanitas pacis , vt cū diutius aliqua obscuriora queruntur : & propter inueniendi difficultatē , diuersas pariunt in fraterna disceptatione sentētiās , donec ad verū liquidum perueniatur , uinculū permaneat unitatis , ne in parte precisa remaneat insanabile uulnus erroris . Catholicorū igitur doctorum in catholica ecclesia cōmunionē et fide perseverantium controuersia , tantū abest vt pugnent cū fide , vt potius ad indagandū sacrorū dogmatum germanū sensum maxime cōducāt . Vnde nō pī viri et eruditi , sed sectarij huiusmodi cōtrouersijs offenduntur , vt beatus Hieronymus exponit , dicens : Ceterū optimē nouit prudētia tua , vnūquēq³ in suo sensu abūdare , et puerilis esse iactantia (quod olim adolescentuli facere cōsueuerāt) accusando illustres viros , suo nomini famā querere . Nec itā stultus sum , vt diuersitate explanationū tuarū me ladi putē , quia tu nec laderis si nos contraria senserimus . Catholicorū siquidē doctorū circa scripturę expositionē discordes sentētię ecclesię consensionē nō rūpūnt . Quia etsi illę expositiones inter se non constāt , tamē nulla illarū cum fide pugnat . Quod beatus Augustinus docet , dicēs : Cū enim interrogādo disputas , et quærīs acriter , et docēs humiliter . Vtile est autē vt de obscuri-

August. de
baptis. cōt.
Don. li. 2.
cap. 4

August. e.
pisto. 13.

Augu. epi-
stola 59.

obscuritatibus diuinarum scripturarum, quæ exerci-
tationis nostræ causa Deus esse voluit, multa inueni-
antur sententiæ cum aliud alijs videtur, quæ ta-
men omnes sanæ fidei, doctrinæq; concordent. In ex-
ponendis enim diuinis scripturis, tum ob mysteriorum
difficultatem, tum ob hominis ingenij tarditatem,
varij varia senserunt. Quæ nimirum sensuum varie-
tas non omnis, sed tantum illa, quæ de fidei regula
declinat, est vitanda. Quandoquidem diuina scri-
ptura retenta fide varios sensus parit, vt beatus Aug-
ustinus testatur, dicens: Quamuis itaque diuini ser-
monis auctoritas etiam ad hoc sit utilis, quod plures
sententias veritatis parit, & in lucem notitiæ pro-
ducit, dum alius eum sic, alius sic intelligit: ita ta-
men, vt quod in obscuro loco intelligitur, vel à testa-
tione rerum manifestarum, vel alijs locis minimè
dubijs asseratur: siue cum multa tractantur, ad id
quoque perueniatur, quod sensit ille qui scripsit: siue
id lateat, sed ex occasione tractanda profunda obscu-
ritatis, alia quadam vera dicantur. In alio etiã loco
eãdem sententiam exponit, dùm ait: Quisquis igitur
scripturas diuinas, vel quamlibet earum partem in-
tellexisse sibi videtur, ita vt eo intellectu non ædificet
istam geminam charitatem Dei & proximi, nondum
intellexit. Quisquis verò talem inde sententiam du-
xerit, vt huic ædificanda charitati sit utilis, nec ta-
men hoc dixerit, quod ille quem legit eo loco sensisse
probat, non perniciosè fallitur, nec omninò men-
titur. igitur Catholicorum doctorum in exponendis
dogmatibus varijs sensus & controuersia, non modò

Aug. de ci-
uit. dei li.
11. cap. 19.

De docto,
christ. lib.
1. ca 36.

non pugnant cum fide, sed etiam non sunt mendacia.

Cōtra quam sententiam Philippus ait: Chrysostomus

& alij multi insulsè deprauant precationem quam

tradidit Christus, cum panem quotidianum nolunt

intelligi de corporali pane. Quàm impudenter ille

mentiatur, beatus Chrysostomus exponens illud, pa-

nem nostrum, &c. Apertè satis ostendit, dùm ait:

Tu verò considera vt etiā carnalibus rebus plurimùm

spirituale societur. Non enim propter diuitias atque

delitias, non ob pretiose vestis ornatum, & si qua a-

lia sunt eius generis, sed pro pane dūtaxat et eo quidē

quotidiano, ne pro crastina die solliciti simus, iussit

orari: & idcirco subiunxit, panem nostrum, &c. In

alio etiam loco ait. Ea enim de causa in precationis

nostra verbis limites & regulas nobis dominus præ-

scripsit, quatenus petenda sint temporalia, verba illa

iubens nos dicere, quæ omni philosophia sunt reſerta:

Panē nostrum quotidianū da nobis hodie, diei alimen-

tum inquit. Id quod iustus ille, tametsi nihil horum

audierat precatus est, dicens: Si dederit mihi domi-

nus panem ad comedendum, et vestem ad tegendum.

Ne igitur tēporale aliquid ab eo petamus, indignum

enim valde est, à tam liberali, & tanta virtute præ-

stanti. huiusmodi petere, quæ in præſenti vita dissol-

uuntur, &c. Quibus certè verbis Philippi mendaci-

um deprehenditur. Siquidem Chrysostomus non di-

xit, panem quotidianum non intelligi de pane corpo-

rali, sed monuit spiritualia bona potiùs, quàm tem-

poralia petenda esse à Deo. iuxta illud: Primùm qua-

rite regnum Dei & iustitiam eius, & hæc omnia ad-

Philipp. in
loc. de in-
uocatio.

Chryſt, ho-
mi. 20. sup.
Mat. hom.
54. super
Gene.

Matt. ca. 6.

Matt. c. 6.

adijciētur vobis. Vnde nō solū de corporali, sed etiā de spiritali pane oratio dominica germanē exponitur. Huiusmodi sunt innumera saepe scripturæ loca, quæ iuxta fidei regulā varijs modis germanē exponūtur.

Et si aliqui catholici doctores nonnulla falsa dogmata asseruere, tamē Ecclesiæ

Caput 103. vnitatē sectando à fide non defecere

Quod si aliqua doctorū expositiones secū, aut cū fide pugnat, tamē quia illi in catholica eccle. cōmunione et fide pseuerarūt, et quia à catholica eccle. tūc tēporis quid, et quomodo de illis sentiendū esset, nōdū fuerat definitū, illos absq; omni p̄inacia, imo meliori quo potuerūt iudicio, huiusmodi sentētias p̄tulisse, nō est dubitādū. De quocūq; enim catholico scriptore habere decet huiusmodi existimationē, qualē etiā

Aug. sup. B. August. de se ipso habuit, dū dixit: Et in rebus obscuris atq; à nostris oculis remotissimis, si qua inde scripta etiā diuina legerimus, quæ possint salua fide qua imbuimur, alijs atq; alijs parere sentētijs, in nullā earū nos precipiti affirmatione ita p̄iciamus, vt si fortē diligētius discussa veritas eā rectē labefactauerit, corruamus: nō pro sentētia diuinarū scripturarū, sed pro nostra ita dimicātes, vt eā velimus scripturarū esse, quæ nostra est, cū potius eā quæ scripturarū est, nostrā esse velle debeamus. In alio etiā loco se in asserēdis sentētijs modestē sapuisse, aptē satis exponit, dū ait: In talibus aut quæstionib. nō multū laboro, quia etsi defendi sententia mea liquida ratione nō potest, mea est, non eius auctoris, cuius sensum improbare fas non est, etiā cū eo nō intellecto hoc inde sentitur, q̄
improbā

Aug. sup.
Gen. lib. 1.
cap. 18.

improbandum est. Et paulò post: Ceteros ne de se temere existimet monet, dicens: Vos aut qui me multum diligitis, si talem me asseritis aduersus eos, quorum malitia, vel imperitia, vel intelligentia, reprehendor, ut me nusquam scriptorum meorum errasse dicatis, frustra laboratis, non bonam causam suscepistis, facile in ea me ipso iudice superamini. Quonia non mihi placet, cum à charissimis meis talis esse existimor, qualis non sum. Profecto enim non me, sed pro me, aliud sub nomine meo diligunt: si non quod sum, sed quod non sum diligunt. Quamto igitur ecclesiastici pastores et doctores in catholica ecclesie communione et fide magis perseuerarunt, tanto de illorum sententiis modestius sentiendum est. Nec existimandum est, doctores temere conflictasse, quandoquidem illorum de religione controuersia, ambigua veritatis est elucidatio. Nec decet etiam viros doctos affirmare, doctores contrarias sententias asseruisse, decet tamen iuxta fidei regulam illorum sententias concordare, ut Scotus patrum sententias, circa articulum de spiritus sancti ab utroque processione, concordare docet, dum ait: In ista quaestione dicuntur graeci discordare à latinis, ut videtur auctoritates Damasceni sonare, sed de ista discordia dicit Linconie in notula quadam super finem epistole de trisagio, quod sententia graecorum est, quod spiritus sanctus est spiritus filij, sed non procedens à filio: sed à solo patre, per filium tamen. Et videtur hac sententia contraria nostrae: quia dicimus spiritum sanctum à patre & filio procedentem. sed forte si duo sapientes vnus graecus et alter latinus uterque, verus amator veritatis, & non propria dictionis. Vnde propria est, de hac visa con-

August. epistola 7.

Scot. lib. i.
senten. d.
11. q. 1.

trarietate disquirerent, pateret utiq; tandē ipsam cōtrarietate nō esse veraciter reale, sicut est vocalis, aliquin vel ipsi graci vel nos latini, sumus verē heretici. Sed quis audet hūc auctore iōanē scilicet Damascenū, et beatos scilicet Basiliū, Gregoriū theologū, Gregoriū Nazian. Cyrillū et similes Gracos patres arguere hereseos? Quid iterū argueret hereseos B. Hieronymum, Augustinū, Ambrosiū, Hilariū et consimiles Latinos: verisimile igitur est quod nō subest dictis, verbis contrarijs cōtrariorū sanctorū sentētia, multipliciter enim dicitur sicut hoc huius, sic hoc ex illo, vel ab illo: qua multiplicitate forte intellecta et distincta, pateret contrariorum verborum non discors sententia. Cuius theologi scholastici, et regularis animi pietatem et candore si sectarij imitarentur, nō antiquos ecclesia patres, pastores et doctores, nō deniq; ipsam ecclesiā, neq; se inuicem erroris et heresis damnaret. Huius certe scholastici theologi christiana charitas et synceritas hoc calamitoso saeculo impluribus desideratur: atq; hac magis, quā eius praeclari ingenij acumen celebranda est. Et proculdubio quod vir praeclaro ingenio praeclatus, non plus quā oportet, sed modeste sapiat, rarū dei donū est, quo caret huius saeculi sectarij, q. plus sapiūt, quā oportet sapere. Quod si doctorū sententia tales sunt, vt cōcordari nequeāt, quod omnino secū aut cum fide pugnēt, illa sententia quae à catholica eccle. approbatur, ceteris exclusis tenēda est. Si verò contrariorū opinionū neutra pars cum catholica fide euidēter pugnat, utrāvis opinionē amplecti licet. Quandoquidē quo cōtrariae opiniōes à catholica eccl. nō sunt dānatae, eò sub ecclesia cēsura à

cathol. doctōribus asserūtur. Catholici siquidē doctō
res in catholica ecclesia cōmuniōe et fide pseuerātes
suas sententias cū B. August. ecclesiastica cēsura subiū
ciūt. Ego itaq; inquit ille, diu multūq; cōsiderās, qua
les oblatrantes, et quales quarentes expertus sim, vel
qualis ipse, siue cum latrarē, siue quum quarerē, fue-
rim, hoc modo mihi vtēdū putauī: q̄ vera esse p̄spexē-
ris, tene, et catholica eccle. tribue: quā falsa, respue, et
mihi qui homo sum ignosce: quā dubia, crede, donec
aut respuēda esse, aut vera esse, aut semp credēda esse,
vel ratio doceat, vel p̄cipiat auctoritas. Vnde cathol.
doctores, iuxta catholica eccle. censurā suas sentētias
corrigunt, vt B. August. suā de cogēdis hareticis ad ca-
tholicā fidē, correxit dicēs: His ergo exēplis à collegis
meis mihi p̄positis cessi. Nā mea primitus sentētia e-
rat neminē ad vnitatē Christi esse cogēdū, verbo esse
agēdū, disputatiōe pugnandū, ratione vincēdū, ne fi-
ctos catholicos haberemus, quos aptos hareticos noue-
ramus. sed hac opinio mea, nō cōtradictiū verbis, sed
demonstratiū superabatur exēplis, etc. Per pastores q̄-
dē et doctores, in catholica eccle. cōmuniōe, et fide p̄-
seuerātes, catholica fides nobis innotescit, et p̄ illos de-
us nobis secretiora mysteria reuelat, q̄ etiā B. August.
cū Paulo exponit, dicēs: Qui verò hac legēs dicit, in-
telligo quidē qd dictū sit, sed nō verē dictum est: asse-
rat si placet sententiā suā, et redarguat meā, si potest.
Quod si cū charitate et veritate fecerit, mihiq; etiā,
si in hac vita maneo, cognoscēdū facere curauerit, v-
berrimum fructū huius laboris mei cōperō. Et infrā:
Siquid autem aliter sapio, id quoq; mihi ipse reuela-

August. de
vera relig.
cap. 10.

August. c-
pisto. 48.

August. de
trin. lib. 1.
cap. 4.

Cap. 102.

Caluin. in
præfat.Philip. in
admon. ad
lecto.

Praterea Sectarij, Ecclesiasticos doctores (ad il-
lorum labefactandam auctoritatem) de non-
nullis religionis argumentis inter se discordare,
sibiq; ipses non constare comminiscuntur. Caluinus
enim inquit: Sancti illi viri saepe inter se conflictan-
tur, interdum etiam secum ipsi pugnant. item qui-
dam non minimus dissidiorum seminator ad schisma-
ta, & hareses excusanda, librum edidit, quem non
est veritus inscribere, de Papistarum dissidijs. Cuius
certè procacitatem eius collega Philippus retundit, di-
cens: Hæc peruersitas manifesta est, in cuiusdam
Flacci illyrici, & Galli maledictis & contumeliosis
scriptis. Et infra: His iam longo tempore hoc vnum
cura, & propositum est, ut harum regionum Ecclesi-
asticam doctrinam & caeremonias culpent, repudi-
ent, & prorsus condemnent. Et post pauca ait: Cum
isto mirabilium hominum genere, nihil agi potest, qui
suo arbitrio damnant quidlibet, nec personis audi-
tis, neque iudicatis rebus cogunt concilia, quando
& ubi ipsis placet, atq; vendicant sibi maiorem, ma-
gisq; intollerabilem, & minus excusabilem auctori-
tatem et potestatem, quam Papa Romanus vnquam.
Veruntamen sectariorum calumnia aduersus docto-
res Ecclesiasticos, multum decepit eos. Nam Pasto-
rum & doctorum in Catholica ecclesia communione
& fide perseuerantium de quibusdam religionis ma-
terijs varia & contraria opiniones, tantum abest, ut
cum fidei sinceritate pugnent, quod potius illius ve-
ritatem illustrent. At sectariorum de fidei dogma-
tibus controuersia cum sincera fide pugnant. Inter
sectarios

sectarios enim & Catholicos hoc interest, quòd sectarij suis controuersijs separantur ab Ecclesia, catholici verò non: quia istorum controuersia fiunt salua fide, illorum verò dissidia rumpunt fidem. Quod Augustinus contra Pelagianos exponit, dicens: Nunc illud oportet excutere, quod volentes harescos astute inuidiam declinare, asserunt, istam prater fidei periculum esse questionem: vt videlicet, si in ea fuerint exorbitasse conuicti, non criminaliter, sed quasi ciuiler errasse videantur. Sic enim Celestius apud Carthaginem gestis Ecclesiasticis est locutus: Iam inquit, de traduce peccati dixi, quia intra Catholicam constitutos plures audiui destruere, nec non & alios destruere, licet questionis res sit ista, non haresis. Et infra: Sed multum eum ista fallit opinio. Longè aliter se habent questiones istae, quas esse prater fidem arbitratur, quàm sunt illae, in quibus salua fide, qua Christiani sumus, aut ignoratur, quid verum sit, & sententia definitiua suspenditur, aut aliter quàm est, humana & infirma ratione conicitur. Veluti cum queritur, qualis vel vbi sit paradysus, vbi constituit Deus hominem, quem formauit ex puluere: cum tamen esse illum paradysum fides Christiana non dubitet. Quemadmodum enim in humanis disciplinis, etsi conclusiones non euidenter ex principijs collectae, sunt ambiguae & controuersae, non ideo fit, vt disciplinarum principia sint ambigua & controuersa, ita quàquam in Christiana religione aliqua sententia, & quaestiones sunt controuersae, non ideo sequitur statim, religionis principia esse ambigua &

Aug. cont.
pel. li. 2. c.
22. 23.

contro

explicant: quam sententiam beatus Augustinus exponit, dicens: Quomodo enim potuit ista res tantis altercationum nebulis inuoluta, ad plenarij concilij luculentam illustrationem confirmationemq; perduci, nisi primò diutius per orbis terrarum regiones, multis hinc atq; hinc disputationibus & collationibus Episcoporum pertractata constaret? Hoc autem facit sanitas pacis, ut cum diutius aliqua obscuriora queruntur: & propter inueniendi difficultatē, diuersas pariunt in fraterna disceptatione sentētiās, donec ad verū liquidum perueniatur, uinculū permaneat unitatis, ne in parte præcisa remaneat insanabile vulnus erroris. Catholicorū igitur doctorum in catholica ecclesia cōmunionē et fide perseverantium controuersia, tantū abest ut pugnent cū fide, ut potius ad indagandū sacrorū dogmatum germanū sensum maxime cōducāt. Vnde nō pī viri et eruditi, sed sectarij huiusmodi cōtrouersijs offenduntur, ut beatus Hieronymus exponit, dicens: Caterū optimè nōuit prudētia tua, vnūquēq; in suo sensu abūdare, et puerilis esse iactantia (quod olim adolescentuli facere cōsueuerāt) accusando illustres viros, suo nomini famā querere. Nec tā stultus sum, ut diuersitate explanationū tuarū me ladi putē, quia tu nec laderis si nos contraria senserimus. Catholicorū siquidē doctorū circa scripturæ expositionē discordes sentētiæ ecclesiæ consensu nō rūpunt. Quia et si illæ expositiones inter se non constāt, tamē nulla illarū cum fide pugnat. Quod beatus Augustinus docet, dicēs: Cū enim interrogādo disputas, et queris acriter, et doces humiliter. Vtile est autē ut de obscuro.

August. de
baptis. cōt.
Don. li. 2.
cap. 4

August. epi-
pistol. 13.

Augu. epi-
stola 59.

obscuritatibus diuinarum scripturarum, quas exerci-
tationis nostra causa Deus esse voluit, multæ inueni-
antur sententiæ cum aliud alijs videtur, quæ ta-
men omnes sana fidei, doctrinæq; concordent. In ex-
ponendis enim diuinis scripturis, tum ob mysteriorū
difficultatem, tum ob hominis ingenij tarditatem,
varij varia senserunt. Quæ nimirum sensuum varie-
tas non omnis, sed tantum illa, quæ de fidei regula
declinat, est vitanda. Quandoquidem diuina scri-
ptura retenta fide varios sensus parit, vt beatus Aug-
ustinus testatur, dicens: Quamuis itaque diuini ser-
monis auctoritas etiam adhuc sit utilis, quod plures
sententias veritatis parit, & in lucem notitiæ pro-
ducit, dum alius eum sic, alius sic intelligit: ita ta-
men, vt quod in obscuro loco intelligitur, vel à testa-
tione rerum manifestarum, vel alijs locis minimè
dubijs asseratur: siue cum multa tractantur, ad id
quoque perueniatur, quod sensit ille qui scripsit: siue
id lateat, sed ex occasione tractandæ profundæ obscu-
ritatis, alia quedam vera dicantur. In alio etiā loco
eādem sententiam exponit, dum ait: Quisquis igitur
scripturas diuinas, vel quamlibet earum partem in-
tellexisse sibi videtur, ita vt eo intellectu non ædificet
istam geminam charitatem Dei & proximi, nondū
intellexit. Quisquis verò talem inde sententiam du-
xerit, vt huic ædificanda charitati sit utilis, nec ta-
men hoc dixerit, quod ille quem legit eo loco sensisse
probat, non perniciosè fallitur, nec omnino men-
titur. igitur Catholicorum doctorum in exponendis
dogmatibus varij sensus & controuersia, non modò

Aug. de ci-
uit. dei li.
11. cap. 19.

De docto,
christ. lib.
1. ca 36.

non pugnant cum fide, sed etiam non sunt mendacia. *Cōtra quam sententiam Philippus ait: Chrysostomus* *Philipp. in loc. de inuocatio.*
& alij multi insulsè deprauant precationem quam tradidit Christus, cum panem quotidianum nolunt intelligi de corporali pane. Quam impudenter ille mentiatur, beatus Chrysostomus exponens illud. panem nostrum, &c. Apertè satis ostendit, dū ait: Tu verò considera vt etiā carnalibus rebus plurimū spirituale societur. Non enim propter diuitias atque delitias, non ob pretiose vestis ornatum, & si quæ alia sunt eius generis, sed pro pane dūtaxat et eo quidē quotidiano, ne pro crastina die solliciti simus, iussit orari: & idcirco subiunxit, panem nostrum, &c. In *Matt. ca. 6.*
alio etiam loco ait. Ea enim de causa in precationis nostræ verbis limites & regulas nobis dominus præscripsit, quatenus petenda sint temporalia, verba illa iubens nos dicere, quæ omni philosophia sunt reſerta: Panē nostrum quotidianū da nobis hodie, diei alimentum inquit. Id quod iustus ille, tametsi nihil horum audierat precatus est, dicens: Si dederit mihi dominus panem ad comedendum, et vestem ad tegendum. Ne igitur tēporale aliquid ab eo petamus, indignum enim valde est, à tam liberali, & tanta virtute præstanti. huiusmodi petere, quæ in præſenti vita dissoluantur, &c. Quibus certè verbus Philippi mendacium deprehenditur. Siquidem Chrysostomus non dixit, panem quotidianum non intelligi de pane corporali, sed monuit spiritualia bona potius, quàm temporalia petenda esse à Deo, iuxta illud: Primum quaerite regnum Dei & iustitiam eius, & hæc omnia ad-

adijciētur vobis. Vnde nō solū de corporali, sed etiā de spiritali pane oratio dominica germanē exponitur. Huiusmodi sunt innumera saepe scriptura loca, quae iuxta fidei regulā varijs modis germanē exponūtur.

Et si aliqui catholici doctores nonnulla falsa dogmata asseruere, tamē Ecclesiae

Caput 103. vnitatē sectando à fide non defecere

Quod si aliqua doctorū expositiones secū, aut cū fide pugnat, tamē quia illi in catholica eccle. cōmuniōne et fide pscuerarūt, et quia à catholica eccle. tūc tēporis quid, et quomodo de illis sentiēdū esset, nōdū fuerat definitū, illos absq; omni p̄tinacia, imo meliori quo potuerūt iudicio, huiusmodi sentētiās p̄tulisse, nō est dubitādū. De quocūq; enim catholico scriptore habere decet huiusmodi existimationē, qualē etiā

Aug. sup.
Gen. lib. 1.
cap. 13.

B. August. de se ipso habuit, dū dixit: Et in rebus obscuris atq; à nostris oculis remotissimis, si qua inde scripta etiā diuina legerimus, quae possint salua fide qua imbuimur, alijs atq; alijs parere sentētijs, in nullā earū nos precipiti affirmatione ita p̄iciamus, vt si forte diligētius discussa veritas eā rectē labefactauerit, corruamus: nō pro sentētia diuinarū scripturarū, sed pro nostra ita dimicātes, vt eā velimus scripturarū esse, quae nostra est, cū potius eā quae scripturarū est, nostrā esse velle debeamus. In alio etiā loco se in asserēdis sentētijs modestē sapuisse, aptē satis exponit, dū ait: In talibus aut quāstionib. nō multū laboro, quia et si defendi sententia mea liquida ratione nō potest, mea est, non eius auctoris, cuius sensum improbāre fac non est, etiā cū eo nō intellecto hoc inde sentitur, q̄
improbā

improbandum est. Et paulò post: Cateros ne de se temere existimēt monet, dicens: Vos autē qui me multū diligitis, si talem me asseritis aduersus eos, quorum malitia, vel imperitia, vel intelligentia, reprehendor, ut me nusquā scriptorum meorū errasse dicatis, frustra laboratis, nō bonā causam suscepistis, facile in ea me ipso iudice superamini. Quoniā non mihi placet, cum à charissimis meis talis esse existimor, qualis nō sum. Profectò enim nō me, sed pro me, aliū sub nomine meo diligūt: si nō quod sum, sed quod nō sum diligūt. Quāto igitur ecclesiastici pastores et doctores in catholica ecclesiæ cōmunionē et fide magis perseuerarūt, tantò de illorū sententijs modestius sentiendū est. Nec existimandū est, doctores temerē cōflictaße, quandoquidē illorū de religione cōtrouersia, ambigua veritatis est elucidatio. Nec decet etiā viros doctos affirmare, doctores contrarias sententias asseruisse, decet tamē iuxta fidei regulā illorū sententias concordare, ut Scotus patrū sententias, circa articulum de spiritus sancti ab utroq; processione, concordare docet, dū ait: In ista quæstione dicuntur græci discordare à latinis, ut videtur auctoritates Damasceni sonare, sed de ista discordia dicit Linconie. in notula quadā super finē epistolæ de trisagio, quod sententia græcorū est, quod spiritus sanctus est spiritus filij, sed nō procedens à filio: sed à solo patre, per filiū tamen. Et videtur hac sententia cōtraria nostra: quia dicimus spiritum sanctū à patre & filio procedentē. sed fortē si duo sapientes vnus græcus et alter latinus vterq; verus amator veritatis, & nō propria dictionis. Vnde propria est, de hac visa cō-

August. e-
pistola 7.

Scot. lib. i.
senten. d.
11. q. 1.

trarietate disquirerent, pateret utiq; tandē ipsam cōtrarietate nō esse veraciter reale, sicut est vocalis, aliquin vel ipsi graci vel nos latini, sumus verē heretici. Sed quis audet hūc auctore iōanē scilicet Damascenū, et beatos scilicet Basiliū, Gregoriū theologū, Gregoriū Nazian. Cyrillū et similes Gracos patres arguere hereseos? Quid iterū argueret hereseos B. Hieronymum, Augustinū, Ambrosiū, Hilariū et consimiles Latinos: verisimile igitur est quod nō subest dictis, verbis contrarijs cōtrariorū sanctorū sententiā, multipliciter enim dicitur sicut hoc huius, sic hoc ex illo, vel ab illo: qua multiplicitate forte intellecta et distincta, pateret contrariorum verborum non discors sententia. Cuius theologi scholastici, et regularis animi pietatem et candore si sectarij imitarentur, nō antiquos ecclesie patres, pastores et doctores, nō deniq; ipsam ecclesiā, neq; se inuicem erroris et heresis damnarēt. Huius certe scholastici theologi christiana charitas et synceritas hoc calamitoso saculo impluribus desideratur: atq; hac magis, quā eius praeclari ingenij acumē celebranda est. Et proculdubio quod vir praeclaro ingenio praeclatus, non plus quā oportet, sed modeste sapiat, rarū dei donū est, quo carēt huius saeculi sectarij, q. plus sapiūt, quā oportet sapere. Quod si doctorū sententiae tales sunt, ut cōcordari nequeāt, quod omnino secū aut cum fide pugnet, illa sententia quae à catholica eccle. approbatur, ceteris exclusis tenēda est. Si verò contrariorū opinionū neutra pars cum catholica fide euidēter pugnat, utrāvis opinionē amplecti licet. Quandoquidē quo cōtrariae opinioēs à catholica eccl. nō sunt dānatae, eò sub ecclesia cēsura à

cathol. doctōribus asserūtur. Catholici siquidē doctōres in catholica ecclesia cōmunionē et fide p̄seuerātes suas sententias cū B. August. ecclesiastica cēsura subiūciūt. Ego itaq; inquit ille, diu multūq; cōsiderās, quales oblatrantes, et quales quarentes expertus sim, vel qualis ipse, siue cum latrārē, siue quum quārērē, fuerim, hoc modo mihi vtēdū putauī: q̄ vera esse p̄spexeris, tene, et catholica eccle. tribue: quā falsa, respue, et mihi qui homo sum ignosce: quā dubia, crede, donec aut respuēda esse, aut vera esse, aut semp credēda esse, vel ratio doceat, vel p̄cipiat auctoritas. Vnde cathol. doctores, iuxta catholica eccle. censurā suas sentētiās corrigunt, vt B. August. suā de cogēdis hæreticis ad catholicā fidē, correxit dicēs: His ergo exēplis à collegiis meis mihi p̄positis cessi. Nā mea primitus sentētia erat neminē ad vnitatē Christi esse cogēdū, verbo esse agēdū, disputatiōe pugnandū, ratione vincēdū, ne fictos catholicos haberemus, quos aptos hæreticos noueramus. sed hac opinio mea, nō cōtradictiū verbis, sed demonstratiū superabatur exēplis, etc. Per pastores qdē et doctores, in catholica eccle. cōmuniōe, et fide p̄seuerātes, catholica fides nobis innotescit, et p̄ illos deus nobis secretiora mysteria reuelat, q̄ etiā B. August. cū Paulo exponit, dicēs: Qui verò hac legēs dicit, intelligo quidē qd dictū sit, sed nō verē dictum est: asserat si placet sententiā suā, et redarguat meā, si potest. Quod si cū c̄baritate et veritate fecerit, mihiq; etiā, si in hac vita maneo, cognoscēdū facere curauerit, vberimum fructū huius laboris mei cœpero. Et infrā: Siquid autem aliter sapio, id quoq; mihi ipse reuelabit,

August. de
vera relig.
cap. 10.

August. e-
pisto. 48.

August. de
trini. lib. 1.
cap. 4.

bit, siue per occultas inspirationes, atq; admonitiones, siue per manifesta eloquia sua, siue per fraternas sermocinationes. Quare Catholicorum doctorum de quibusdam religionis argumentis sententiarum variatio, non animi leuitati, sed fidei obedientiae ascribenda est. Vtpote illi in corrigendis sententijs, non priuatum, sed Catholicum sensum sequuntur. Atque ita ecclesiastici doctores, aut varias, aut contrarias opiniones, sub Catholica ecclesia censura asserendo, de fide nec inter se conflictantur, nec secum ipse pugnant. Quandoquidem illos Catholica ecclesia definiente, & docente, non proprias, sed communem sententiam secuturos esse, inconfesso est. Vtpote illi in Catholica ecclesia communionem et fide perseverando, et si non effectum, tamen affectum seu voto suas sententias correxerunt. Si qui vero suas sententias effectum non correxerunt, non illorum culpa, sed diuina dispositioni ascribendum est, ut beatus Augustinus exponit, dicens: Et ideo plerumq; doctioribus minus aliquid reuelatur, ut eorum patiens et humilis charitas, in qua fructus maior est, comprobetur: vel quomodo teneant vnitatem, cum in rebus obscurioribus diuersa sentiunt? vel quomodo accipiant veritatem, cum contra id quod sentiebant, declaratum esse cognoscunt? Hinc est, quod doctores in Catholica ecclesia communionem & fide perseverantes, qui non correxerunt suas sententias, tam non fuerunt heretici, quam qui correxerunt. Quandoquidem omnes solliciti seruauerunt vnitatem spiritus in vinculo pacis. Vti Petrus & Paulus, ita Hieronymus & Augustinus

August. de
bapt. cont.
Dona li. 2.
ca. 5.

stius in controuersia de obseruatione legalium. Cornelius etiam & Stephanus Romani pontifices, & Cyprianus de hæreticorum baptismo varias & contrariis sententiis asserentes, in vna communione & fide permanserunt. Quorum pios mores neoterici scholastici doctores imitantes, etsi varias et contrarias sententiis asserunt, tamen in Catholica ecclesia communionem & fide perseuerant. Scholasticos certè doctores in asserendis suis sententijs, obsequentiissimos ecclesiastica censura fuisse, Caietanus exponit, dicens: Citra limites quesiti aduerte primò, quod Scotus in 2^o. distinct. primi, nisi timeret ecclesia contradicere. Ostendit se velle libenter tenere, quod in persona diuina præter essentiam communem tribus: ac relationem et originem cuiusque personæ propriam sit quedam entitas absoluta incommunicabilis, quæ est constitutiua diuinæ personæ. Quæ profectò sententia, quocumque sit animo prolata, Scoti raram in asserendis dogmatibus modestiam commendat. Denique cum Calvinus in articulo de libero arbitrio, sanctorum patrum auctoritate premeretur, ad hæreticorum consueta arma confugit, nempe ad calumniandos sanctos patres, & de inconstantia atque ignorantia coarguendos. Siquidem ille comminiscitur, quod quemadmodum actores et rei, in criminali causa colludunt, sic catholici doctores cum philosophorum erroribus Christi Euangelium ex parte concordarunt, et ex parte dissimularunt. Veteres, inquit, mihi videtur hoc consilio vires humanas sic extulisse, ne si impotentiam disertè essent confessi, primum philosopho

Caluin. ca.
2. par. 3.

rum cachinnos, quibuscum tunc certamen habebat, excuterent. Et infra: Ergo ne quid cōmuni hominum iudicio absurdum traderent scriptura doctrinā, cum philosophorum dogmatibus dimidia ex parte cōciliare studuerunt. Quibus certē locis Calvinus significare videtur, quod pastores et doctores (quos Deus dedit, ut iam nō simus paruuli, fluctuantes, et circumferemur omni vento doctrina) predicādi synceri euāgelij officium deferuerunt. Mentitur tamen ut in omnibus, quia si apostoli veritatē nō dissimularunt, pfectō ne illorum successores, nēpe Basilius, Chrysostomus, et ceteri prius pastores et doctores, scriptura doctrinā cū philosophorum dogmatibus dimidia ex parte cōcilarunt. Vtpote illi tum in doctrina, tum in contēnenti, pro Christo principū minis, et philosophorum cachinnis, apostolorum fuerunt imitatores. Nunquid Ambrosius ille magnum Theodos. ab ecclesia arcēs? nunquid Chrysostō. Imperatorē Arcadium, eiusq; cōiugē timēs, ppter iustitiā secūdo exul? nunquid Hierony. August. et ceteri ecclesia pastores & doctores philosophorum cachinnos timuerunt? Nunquid patres illi, qui predicarunt Christum crucifixum, Iudais euidē scandalum, gentibus autem stultitiā, timuissent contra cōmune hominum iudicium aliquod dogma tradere? Quod enim dogma magis contrarium philosophia principijs, quā deum ex muliere factum hominē, crucifixum, mortuum, et à mortuis resurgentem, predicare potuerunt? Huiusmodi enim dogmata quorum nulla sunt cōmuni hominum sensui magis absurda, nec ob Iudeorum scandalum, nec philosopho-

rum derisiones, nec ob principium minas, perpetua
 pastorum et doctorum successio dissimulauit. Siqui-
 dem fidei confessionis dissimulatio, non modò in illis,
 quibus pradicandi munus est iniunctũ, pñciosissima
 est, sed etiam in omnibus fidelibus (præcipue quando, Ad Roma.
 et ubi fides periclitatur) flagitiosa existit. Corde enim cap. 10.
 inquit, creditur ad iustitiã, ore autem confessio fit ad
 salutem. Item, qui autem negauerit me coram ho- Matt. c. 12.
 minibus, negabo & eum coram patre meo qui in ca-
 lis est. Quare cùm apud nullos homines magis quàm
 apud incredulos philosophos fides periclitaretur, nul-
 libiq, oris confessio esset magis necessaria, comper-
 tum est coram illis, sanctos patres fidei veritatem
 non dissimulasse. Quandoquidem illis fuit datum
 à Deo præceptum de fide asserenda coram homini-
 bus. Valeat ergo Calvinus cum mendacio suo, existi-
 mare enim patres tum ad uitandos philosophorum
 cachinnos, tum ne quid cõmuni hominũ iudicio tra-
 derent dissimulasse veritatem, suprema malitiæ, ne-
 dum stultitiæ est. Aduersus Caluini in sanctos patres
 impiam caluniam, Irenæus ait: Quemadmodum Iren. lib. 3.
 dicunt hi, qui sunt vanissimi sophistæ, quoniam Apo- cap. 5.
 stoli cum hypocrisi fecerunt doctrinã, secundum au-
 dientium capacitatẽ, & respõsiones secundũ interro-
 gantiũ, suspiciones, caci, caca cõfabulantes, secundũ
 cacitatẽ ipsorũ, languentib. aut secundũ læguores ip-
 sorum, et errantibus secundum errorẽ eorũ. Et infra:
 Hoc aut nõ est sanantium, nec viuificantĩũ, sed magis
 grauãtium, et augentiũ ignorantĩã ipsorũ: et multò
 verior hic lex inuenitur, maledictum dicens omnem

qui in errorem mittat cacum in via. Qui enim ad iuuentionem missi erant errantium apostoli, & ad visionem eorum qui non videbant, & ad medicinam languentium, utiq; non secundum presentem opinionem colloquebantur eis, sed secundum veritatis manifestationem. Nec enim quilibet homines recte facient, si cacos iam iamq; per precipitium ferri incipientes adhortentur insistere periculossima via, quasi verè recta, & quasi benè peruenturi sint. Quis autem medicus volens curare agrotum, faciat secundum concupiscentias agrotantis, & non secundum quod aptum est medicina?

Priscorum doctorum theologia,
eadem est cum scholasticorum
theologia.

Cap. 104.

ETSI controuersia de religione, cum Catholica ecclesia communione & fide pugnantes, sunt vitanda, non ideo quaestiones in exponendis dogmatibus, maioris eruditionis ergò propositae, sunt pratermittendae. Quae controuersiarum distinctio, ex Dei verbo euidenter colligitur. Stultas autem et sine disciplina quaestiones deuita: sciens quia generant lites. Stultas dicit, quia erudita & cum disciplina coniunctae quaestiones, non sunt contemnendae, ut Chrysostomus illum Pauli locum differens, exponit dicens: Sunt autem alia perutiles quaestiones de scripturis, de alijs necessarijs, à quibus ille nos minime prohibet: sed ita ut in conquirendo cessent lites, iurgia, rixae, procul enim istae esse debent ab eo, qui Dei

paciis

2. ad Tim.

cap. 2,

precis seruus est. Eiusdem sententia est Augustinus, Augu. epi-
stola 49.
dum ait: Sunt enim innumerabiles (scilicet quaesti-
ones), sed planè retenta iam fide, ad exercendam

piam dilectionem mentium fidelium studiosissi-
mè requirenda, & quod in eis eluxerit, sine typo ar-
rogantia communicandum: quod autem latuerit, si-

ne salutis dispendio tolerandum. Clemens etiam Ale- Clem. A-
lex. Strom,
li. 5.
xandrinus illis longè vetustior eandem sententiam
explicat, dicens: Nam eam quidem, quæ vna cum

fide conuenit, quæstionem, quæ super fundamentum
fidei super adificat, splendidam, ac magnificam ve-
ritatis cognitionem, optimam esse scimus, &c. Quos
nimirum patres, ceterosq; priscos, in proponendis
quæstionibus, scholastici doctores habent auctores.

Atq; horum sententiam sectâtes, retenta fide tum ad
clariùs explicanda dogmata, tum ad fidei reddendâ
rationem, quæstiones & argumenta proponunt. Im-
mò ad illa duo exactiùs exequenda, illi non modo sa-
cræ scripturæ, apostolicæ traditionis, catholicæ eccle-
siæ, conciliorum & sanctorum patrum auctoritate,
sed etiam naturali ratione, tum humanarum di-
sciplinarum principijs, & philosophorum testimonijs
vtuntur, siquidem omnibus illis testimonijs fidei ve-
ritas illustratur, roboratur & defenditur. Verùm
sectarij animaduertentes se scholasticorum rationi-
bus reuinci, huiusmodi stylum in exponendis religi-
onis dogmatibus reprobantes, scholasticos doctores
sophistas appellant. Quod certè malum quibusdam
nostra tempestatis linguarum peritis referri par est.
Erasmus enim ait: Nos hoc quicquid est laboris, ne-

Eras. ad stu-
di. Hieru.
com. 2.

q₃ gloria, neq₃ quaestus gratia sumpsimus, sed in hoc duntaxat, quo nostra industria, veteris illius theologiae candidatis consuleremus, quam ego sanè solam esse iudicari in theologiam, nisi vereretur, tot agmina diuersa sentientium. Certè non dubitem hanc pronunciare longè magis cōducibilem, vel ad christianam eruditionem, vel ad vitæ pietatem, ea quæ nunc passim tractatur in scholis, sic Aristotelicis differta decretis, sic sophisticis nugis, ne dicam somnijs, contaminata, sic inanium quaestiuncularum inuoluta labyrinthis, vt si ipse reuiuiscat Hieronymus, aut etiã Paulus, inter eos nihil theologiae scire videtur, etc. Sed bonus hic vir decipitur misere, dùm existimat antiquorum patrum theologiam esse distinctam ab scholasticorū theologia, tùm sacram theologiã philosophorum sententijs contaminari, & Paulum, nedum Hieronymum scholasticã theologiam ignorasse. Nã Erasmo ceterisq₃ linguarum peritis, patrum & scholasticorum theologiam nō variam, sed vnā esse, nemo euiuentius persuadere poterit, quàm Comicus ille (dignum profectò vt aiunt, patella operculum) dùm ait: Nunc, quā rem vitio dent, quaso animum aduertite.

Terent. in Menander fecit Andriam et Perinthiam. Qui utrā-
And. prol. uis rectè norit, ambas nouerit. Non ita dissimili sunt argumento, sed tamen dissimili oratione sunt factæ, ac stylo, &c. Huiusmodi esse theologiam, scholasticorum doctorum cōmentaria præ se ferunt. Illi enim ex Hilarij, Hieronymi, Augustini, & ceterorum priscorum patrum monumentis, sententias singulis religionis articulis conuenientes, in suos cōmentarios transtulerunt

stulerunt. Vt videre licet in Petri Lombardi, Thomæ, Scoti, & aliorum scholasticorum cōmentarijs. Quorū nimirum cōmentariorū argumētum idē omninō est cum patris sententijs. Hilarij enim et Augusti. argumētum est in libris de trinitate, deū esse trinū in personis, et vnum in essentia, idē argumentum omninō ab omnibus scholasticis tractatur. Et nō solum in illo articulo, sed etiā in ceteris religionis articulis scholastici doctores latū (vt aiunt) vnguem à patrū argumentō non discedunt, vtpote scholastici doctores, retenta catholica ecclesiæ fide, de religionis dogmatibus disputant. Vnde licet scholasticorū in non exponendis dogmatibus, stylus à patrum cōmentarijs differat, tamen argumētū idē cum patribus tractāt, et per cōsequēs patrum et scholasticorum theologia nō varia, sed vna est. Quod aut argumētum patrum et scholasticorū inter se nō differat, sed quod cōmentaria etiam nō ita dissimili stylo sint facta, beatus Hieronymus cōmentariorum stylum describens, exponit dicens: Cōmentarij quid operis habent? Alterius dicta addisserunt: quæ obscure scripta sunt, plano sermone manifestant: multorum sententias replicant, et dicunt, hunc locum quidam sic adisserunt: alij sic interpretantur, illi sensum suum & intelligentiam his testimonijs, & hac nituntur ratione firmare, vt prudens lector, cū diuersas explanationes legerit, & multorum vel probanda vel improbanda didicerit, iudicet quid veriū sit, & quasi bonus trapezita, adulterina moneta pecuniā reprobet. Nunc diuersa interpretationis

Hieron. in
Apol, ad-
uers. ruf.

& contrariorum inter se sensuum tenebitur reus: qui in vno opere quod edisserit, expositiones posuerit plurimorum, huiusmodi esse scholasticorum doctorum commentaria nemo ignorat, nisi qui illa non perlegit.

Philosophia non ad assentiendum fidei dogmatibus, sed ad intelligendum illa est necessaria.

Cap. 103.

Lodo. viii.

Aug. de ci
uit. dei lib.
21 cap. 7.

Aug. conf.
li. 3. ca. 7.

Sacram etiam theologiam philosophorum sententijs contaminari, non solum Erasmus, sed etiam beati Augustini nouus commentator assentit, dum ait: Cum hic totus locus de resurrectione, de iudicio, de supplicijs impiorum, & beatitudine piorum, terminos captumq, huius naturae excedat, miror scholasticos theologos, Thomam, Scotum, Occamum, Henricum Gandauensem, Durandum, Paludanum, de ijs omnibus ex dogmatibus Aristotelicis differere et definire. Et infra: Et alia sexceta, quae omnia tam philosophice disputant, vt putes eos Athenis ethicis esse, non Parrhisijs Christianis, Huiusmodi certe scholasticam theologiam vituperantium pro cacitas beati Augustini sententia, aduersus imperitos morum censors retunditur. Et non noueram inquit iustitiam veram interiorem, non ex consuetudine iudicantem, sed ex lege rectissima Dei omnipotentis. Et infra: Secundum quam iusti essent Abraham, & Isaac, et Iacob, & Moyses, & Dauid, & illi omnes laudati ore dei, sed eos ab imperitiis iudicari iniquos, iudicantibus ex humano die, & vniuersos mores hu-
mani

mani generis ex parte moris sui metientibus, tanquam si quis nescius in armamentis, quid cuiq³ mēbro accommodatum sit, ocrea velut caput contegi, & galea calciari, et murmuret, quod non aptè conveniat, aut in vno die indicto, à pomeridianis horis iusticio, quisquam stomachetur, non sibi concedi quid venale proponere, quia mane concessum est, etc. Sic sunt isti qui ex linguarum disciplinis metiuntur Theologiam: siquidem in illis disciplinis, ut ait Augustinus, Quicquid valet, auctoritas valet. Quam etiam auctoritatem teste Fabio, consuetudo superavit. Analogia etiam in huiusmodi disciplinis parum aut nihil valet, quod ibidem ille exponit, dicens. Sed meminimus, non per omnia duci analogia posse rationem, cum sibi ipsa plurimis in locis repugnet. Illi quidem atque sectarij, existimantes in theologia tantam valere auctoritatem, omnes rationes, & per consequens omnes quaestiones de religionis dogmatibus, quibus fidei veritas illustratur, roboratur & defenditur, excludunt. Verum in theologia non solum auctoritas, sed etiam ratio valet. Quandoquidem theologia religionis dogmata non modo ad credendum, sed etiam ad intelligendum proponit. Quare etsi ad credendum auctoritas est necessaria & sufficiens, siquidem fides innitur auctoritati, tamen ad intelligendum fidei dogmata necessaria est ratio. Quam sententiā beatus August. exponit, dum ait: Superius quippe in eadem ipsa epistola, in qua hoc petis, apud te ipsum definisse te dicis ex fide veritate magis, quam ex ratione percipi oportere. Et infra: Vide er-

Aug. musi.
lib. 2. ca. 1.

Fabi. lib. 1.
c. p. 9.

August. e.
pisto. 221.

go secundum hac verba tua, ne potius debeas, maxime de hac re, in qua precipue fides nostra consistit, solā sanctorum auctoritatem sequi, nec eius intelligentia à me querere rationem. Ac paulo inferius: Quam si à me, vel à quolibet doctore irrationabiliter flagitas, ut quod credis intelligas, corrige definitionem tuam, nō ut fidem respuas, sed ut ea, quae fidei firmitate iam tenes, etiā rationis luce conspicias. Absit nanque ut hoc in nobis Deus oderit, in quo reliquis animantibus excellentiores creauit. Hinc est, quod scholastici doctores fidei rationem non ad credendū sed ad intelligendum religionis mysteria inquirunt, tum etiam de religionis dogmatibus quaestiones, & dubia mouent, nō quod de fidei dogmatibus dubitent, sed quo et illorū explicitiorem noticiā habeant, & euidentio-

Clem. Alex.
xa. Strom.
lib. 7.

rem rationem aduersus haeticos reddant, ut Clemēs Alexand. testatur, dicens: Cū sit autem demonstratio, necesse est descendere ad quaestiones, et per ipsas scripturas discere demonstratiue, quemadmodum lapsae quidem sunt haereses: quemadmodum autē in sola veritate & antiqua ecclesia sit perfectissima cognitio, & ea quae est reuera optima haeresis, id est, electio. Ad huiusmodi enim quaestiones dissoluendas, et ad fi-

Clem. Pont.
ti. reco. li.
7. & 10.

dei explicitiorem noticiam habendam, nō parū humanas scientias conferre, Niceta apud Clementem Pontificem testatur, dicens: Vbi verō adoleuimus, etiam philosophorum studijs operam dedimus, quo possimus religionis diuina dogmata, philosophicis disputationibus adserentes, confutare gentiles. Infrā etiā Apostolus Petrus apud eundem, illāmet sententiā cōfir-

mat, dūm ait: Cū enim ex diuinis scripturis integrā quis susceperit, & firmā regulam veritatis, absurdū nō erit, si aliquid etiā ex eruditione cōmuni, ac de liberalibus studijs, quæ forte in pueritia attigit, ad assertionē veri dogmatis cōferat. ita tamen, vt vbi vera didicit, falsa & simulata declinet. Clemens quoq; Alexand. eidem sententiæ subscribens, ait: Sed quemadmodum liberales, quæ stant in circulo disciplina, conferunt ad philosophiam, quæ est ipsarū domina: ita etiā ipsa philosophia conducit ad parandā sapientiā. Est enim philosophia quidem exercitatio, sapientia vero scientia rerum diuinarum et humanarū et causarum ipsarū. Est enim sapientia domina philosophiæ, sicut illa eius, quæ prius auditur, disciplina. Hieronymus etiā de scriptoribus ecclesiasticis ait: Qui omnes in tantum philosophorum doctrinis atq; sententijs, suos refarciūt libros, vt nescias quid in illis primum admirari debeas, eruditionē seculi, an scientiam scripturarum. Et infra: Nec statim praua opinione fallaris, contra gentes hoc esse licitum, in alijs disputationib. dissimulandum, quia omnes penē omnium libri, exceptis his, qui cum Epicuro literas non didicerunt, eruditionis, doctrinæq; plenissimi sunt. Quibus nimirum verbis & cōmentarij descriptione suprā annotatū Erasmi cōmentum reuincitur. Quandoquidem si Hierony. ceteriq; patres reuiuiscerent, scholasticorū stylum tantū abest vt abhorrent, vt potius cum cicerone cōmendarent, et doctores huiusmodi stylum in dicendo non obseruantes imperitiæ perinde, ac Epicureum damnarent. Sed de istis quidem Cicero ait:

Clem. Ale
and. lib. 1.

Hieron. ad
magn. ora.

Cic. de fi-
nib. li. 1.

ss

Quid

Quid igitur est inquit? audire enim cupio, quid non probes. Principio inquam in phisicu quibus maxime gloriatur, primū totus est alienus. Et infra: Itā in altera philosophia parte, quæ est querendi, ac differendi, quæ λογικὰ dicitur, iste vester planè (vt mihi

Cic. q. Tu (quidem videtur) inermis ac nudus est. tollit definiti-
cul. li. 2. ones, nihil de diuidendo, ac de partiendo docet: non
quomodo efficiatur, concludaturq; ratio tradit: non
qua via captiosa soluantur, ambigua distinguantur
ostendit. De illis verò in alio loco, inquit: Itaq; mihi
semper peripateticorum, academiaq; consuetudo, de
omnibus rebus in contrarias partes disserendi, non
ob eam causam solum placuit: quod aliter non posset,
quid in vnaquaq; re verisimile esset, inueniri: sed e-
tiam, quod esset ea maxima dicendi exercitatio, qua
princeps vsus est Aristoteles: deinde eum qui secuti
sunt. Quare etsi patrum commentaria de religio-
nis articulis in contrarias partes disputatis non ex-
tant (quandoquidem aut illa fuerunt antiquata,
aut non literis, sed viuæ voce mandata) tamen illos
theologiam diuidendo, definiendo, & in contrarias
partes disserendo, didicisse & docuisse in confesso est.
Vtpote illi humanarum disciplinarum (vt illorum
commentaria præferunt) non fuerunt ignari. At
apostolorum & prophetarum, qui Deo reuelante
theologiam didicerunt, alia ratio est. Siquidem il-
li mysteriorum explicitiorem notitiam deo reuelan-

Clem. Alex. te, quàm eorum successores, homine docente habue-
xa. Strom. runt. Vt Clemens Alexandrinus mirifice expo-
lib. 1. nit, dùm ait: Si autem propheta & apostoli artes
non

non nōrant, per quas ostenduntur exercitationes, quæ sunt in philosophia, at mens prophetici, & docentis spiritus occultè loquens, propterea, quod non sint aures omnium intelligentes, artificiosas doctrinas exigit ad explicationem. Securè enim nouerunt illarū sensum propheta, & spiritus discipuli. Ex fide enim, & quàm dici non potest facile, dixit spiritus, sed non tam facile percipere possunt ij, qui non didicerunt. Quare apostoli prophetaq; ad fidei rationem reddendam, & ad hereticos reuincendos, humanis disciplinis non indiguerunt. Nam sicut nutritià pueritia inter homines integrè loquentes latinè, grāmatica arte ad rectè loquendū nō indigent: Ita docti à Deo per reuelationem sine humana disciplina, diuidere, definire, & in contrarias partes disserere cognouerunt.

Philosophia ad fidei reddendam rationem maximè conducit. Cap. 106.

PAulus quidem etsi philosophicam deceptionem cauendā monet, dum ait: Videte ne quis vos decipiat, per philosophiā & inanem fallaciam, non ideo dānat philosophiam. Quandoquidē illa nō minus benè, ac ceteris creaturis potest homo vti. Philosophia, inquam, homo potest benè vti, ad fidei rationem reddendam, & reuincendas hareses, non tamen quouis philosophico dogmate, sed illo tantum, quod ex naturali ratione, et primis principijs colligitur, atq; cū fide nō pugnat: quam sententiā Clemēs Alexand. exponit, dicens: Philosophiam aut nō dico Stoicā, nec Platoniam, aut Epicureā, et Aristotelicam, sed quacunque ab his sectis rectè dicta sunt, quæ docent

Ad Colo.
cap. 2.

Clem. Alex.
x. Strom.
lib. 4.

iustitiam cum pia scientia, hoc totum selectum dico philosophiam: quaecumq; autem ex humanis amputata cogitatis, adulterarunt, ea nunquam diuina dixerim. Verum philosophia illa selecta ea tantum ratione ad explicanda diuina mysteria conducit, quae cum fidei regula est alligata. Quia si philosophia fuerit à fide soluta, tantum abest ut fidei reddat rationem, ut potius cum fide pugnet. Paulus certe philosophiam fidei esse alligandam docet, dum ait: In captiuitatem redigentes omnem intellectum, in obsequium fidei. Philosophia certe in fidei obsequium captiuatur, quando à fide corrigitur, ut Alexandrinus exponit, dicens: Ecce inquit, ancilla in manibus tuis, utere ea ut lubet.

1. ad Cor.

Clem. Alex.
1. Strom.
lib. 1.

Quasi diceret, secularem quidem amplector doctrinam, & ut iuniorem, & ut conseruam, scientiam autem tuam, ut perfectam dominam, honoro & colo. Et afflixit eam Sara, quod perinde est, ac correxit et admonuit. Inter philosophos credentes, & incredulos hoc interest, quod hi in credendis fidei dogmatibus, philosophia tanquam prima regula innituntur, ex quo varias haereses condiderunt, quippe fidem per philosophiae regulam corrigunt, ut videre licet in illis dogmatibus: Deus est trinus in personis, & vnus in essentia, Verbum caro factum est, Christus simul est in calo, & in Eucharistia, & similibus: quae profecto dogmata ab Ario, Sabellio, & Sacramentarijs non recipiuntur, quandoquidem iuxta philosophiae regulas, huiusmodi dogmata sunt falsa. philosophi vero credentes, nempe scholastici doctores in credendis dogmatibus, non philosophiae, sed diuinae auctoritati innituntur

tur

tur, vnde per fidem tanquam veritatis rectissimam regulam philosophiam corrigunt. Quare omnis ratio cum fide pugnans, est falsa, & omnis ratio fidei concors est vera, vt beatus Augustinus exponit, dicens: Si enim ratio contra diuinarum scripturarum auctoritatem redditur, quamlibet acuta sit, fallit verisimilitudine, nam vera esse non potest. Rursus si manifestissima certa rationi, velut scripturarum sanctarum obijcitur auctoritas, nō intelligit qui hoc facit, & scripturarum illarum sensum, ad quem penetrare non potuit, sed suum potiùs obijcit veritati. Nec quod in eis, sed quod in se ipso, velut pro eis inuenit, opponit. Catholici enim philosophi, in rebus, quas Deus vulgari, & consueto ordine administrat, philosophiam, & rationem habere locum sciunt: in ceteris verò rebus, quæ omnem naturam creatam excedunt, vt sunt illa, quæ ad Dei vnitatem, & personarum trinitatem pertinent, & in rebus quas Deus raro & inconstituto ordine facit, nec philosophiam, nec naturalem rationem habere locum credunt. Siquidem huiusmodi mysteria non contra, sed supra naturam sunt. Vnde etsi philosophia, incredulis ad fidei dogmata assentiendum obest, tamen credentibus ad fidei mysteria intelligenda prodest. Ad sincerè et exactè docendum Dei verbum, philosophia tantum abest, vt impediat, vt potiùs conducat. Doctōris enim officium, Paulus exponit, dùm ait: Sollicitè autem cura te ipsum probabilem exhibere Deo, operarium inconfusibilem, rectè tractantem verbum veritatis. In alio etiam loco ait: Amplectentem eum, qui secun-

August. c.
pistola 7.

2. ad Tim.
cap. 2.

Ad Tim
cap: 1.

Clem. Ale
xan lib. 1.
et 5.

August. de
bapt. cont.
Dona. l. 2.
cap. 7.

Cæcil. in
cōcil. Car-
thag.

dum doctrinam est. fidelē sermonem, vt potens sit exhortari in doctrina sana, et eos qui contra dicunt arguere. Ad Dei quidē verbum rectē tractandū, et hominibus illud persuadendum, in sana doctrina, et arguēdos contradicentes, opus est diuisionibus, definitionibus, ac disputationibus, quoniam sine illis aut nō, aut difficile Dei verbū potest rectē tractari. Quam sententiā Clemens Alexand. exponit, dicens: Nōnulli aut qui se putāt esse ingeniosos, nec philosophiā attingere volunt, nec Dialecticam, sed nec contēplationem discere naturalem, sed solā et nudā fidem requirunt, perinde ac si cū nullam vitis curā gesserint, velint ab initio statim botros accipere. Et infrā: Fidem non ociosam & solam, sed cum inquisitione ostendere oportere dicimus. Non hoc enim dico, nō oportere omnino querere. Quare enim inquit, et inuenies. Quosdam quidem Patres alioquin catholicos, ob dogmatū reddendā rationis inopiam, aliqua contra fidē, licet nō pertinaciter asseruerūt, vt beatus Augustinus, exponit, dicens: Irruente itaq; tam magna quæstione, cū de remissione peccatorū, et de spiritali hominis generatione utrū posset, etc. Apud hæreticos vel apud schismaticos fieri, difficile ratio redderetur, & præderet auctoritas Agrippini, & nonnullorum qui ei cōsenferant, hominū in hac quæstione deficientium, qui maluerunt, aliquid nouum moliri, quā tenere consuetudinem, cuius defensionem non intelligebant, irruerunt in oculos animæ verisimiles ratiōes, et intercluserunt iter peruestigandā veritatis. Ratio certē quā illi soluere nesciebant huiusmodi est, vna fides,

vna spes, vnū baptisma, non apud hereticos, vbi spes
 nulla est, et fides falsa, vbi omnia per mendaciū agun-
 tur, vbi exorcizat demoniacus sacramentū, interro-
 gat, cuius os et verba cancer emittunt. Fidem dat in-
 fidelis, veniam delictorū tribuit sceleratus, & nomi-
 ni Christi tingit Antichristus, etc. Talibus enim con-
 uicti rationibus, Donatistæ apud hereticos non esse
 Christi baptismū dogmatizarunt. Verū illæ ratio-
 nes distinguendo causam efficientem, et instrumen-
 tū siue ministrum, faciliter dissoluuntur. Siquidē nō
 homo, sed Deus per baptismum sanctificat, utpote De-
 us sanctificationis est causa efficiēs, homo verō instru-
 mentū et minister est. Ex quo manifestè colligitur,
 deum tā per malos, quā per bonos ministros, sua do-
 na hominibus impartiri. Simili ignorance laborare Ci. Quest.
 non solū sectarios, sed et iā aliquos mūdi sapientes, Ci Acad. li. 2.
 cetero exponit, cū ait: Alterū est, quod fallacibus &
 captiosis interrogationib. circūscripti, atq; decepti q-
 dā, cū eas dissoluere nō possunt, desiscūt a veritate.
 Oportet igitur et ea, quæ p pspicacitate respōderi pos-
 sunt, in prōptu habere. Nōnulli sanè dogmata, quæ nō
 intelligūt, falsa esse existimāt, ut ille in alio loco ex- Cic. Tusc.
 ponit, dū ait: Dicaarchus quidē, et Aristox. quia dif- q. li. 1.
 ficilis erat animi, qd aut qualis esset intelligētia nul-
 lū omnino animū esse dixerūt. Huiusmodi certè sunt
 sacramētarij, quippe illi, quia difficilis est Christi in
 patriā dextera, et simul in Eucharistia realis existen-
 tiā intelligētia, Christū non esse in Eucharistia asse-
 rūt. Christi certè apostolos nō solū Euāgeliū gentibus
 pradicasse, sed etiā cū philosophū de fidei dogmatibus

Clem. Ale
an Strom.
lib. 1.

disputasse, apostolicorum actorum historia euidenter testatur. Christus etiam cum Phariseis disputasse euangelica historia tradit. Qui certe actus ad humanas disciplinas pertinere nemo dubitat. Vt Clemens Alexandrinus exponit, dicens: Quomodo autem non necesse est, ut de ijs quæ intelligentia percipiuntur, tractet philosophando, qui Dei velit potentiam attingere. Quomodo autem non est etiam utile diuidere voces, quæ sunt ancipites, & quæ in testamento efferuntur æquiuocæ? Ex amphibologia enim dominus sapienter eludit diabolus in tempore tentationis. Doctores igitur scholastici, consultò philosophiam coniunxerunt cum theologia. Quandoquidem philosophia ad exponenda dogmata, et ad hæreticos reuincendos, conducit multum.

Cap. 107.

Scholastica quidem theologia, fidem & hæresim, atque credibilia & opinabilia dogmata, discernere docet.

Aug. conf.
art. 3. de
cont.

Contra quam sententiam Augustana confessio ait: Huic parti doctrine Christiane de penitentia in primis magnas tenebras offuderunt Theologi & Canonistæ, idq; testantur non solum ipsorum bibliotheca, sed etiam omnium piorum conscientia. Et infra: Nusquam enim quidquam certi docent, &c. Verum illis beatus Augustinus respondit, dùm ait: Dicet aliquis, quid tu tanta tritura disceptationis huius, quid granorum exuisti, quid euentilasti? Cur propemodum in questionibus, ad-
huc

August. de
gener. lib.
2. cap. 21.

huc latent omnia? Affirma aliquid eorum, quæ multa posse intelligi disputasti? Cui respondéo, ad eum ipsum me cibum suauiter peruenisse, quod didici non habere homini in respondendo secundum fidem, quod respondendum est hominibus, qui calumniari libris nostræ salutis affectant: quicquid ipsi de natura rerum veracibus documentis demonstrare potuerint, ostendamus nostris literis non esse contrarium. Scholasticos quidem theologos, illustrasse religionis mysteria, & in exponendis dogmatibus pro certis, quæ certa sunt, & pro ambiguis quæ ambigua sunt: sectarios verò pro certis, quæ sunt dubia, aut falsa assumpsisse, de religionis istorum articulis controuersia, et illorum consensus, aperte satis manifestat. Theologia quidem uti cetera disciplina, propria habet principia, quæ certè principia, omnes qui sacram theologiam & discunt & profitentur, pari consensu recipiant oportet. Quandoquidem disciplinarum principia, aut sunt per se nota, aut credita ab omnibus. Disciplinarum etiam principia non infinita, sed determinata, conclusiones verò testante diuina scriptura, infinitæ sunt. Faciendi, inquit, plures libros, nullus est finis. Vnde omnes scholastici theologi fideles, in sacra theologia principijs concordant, sed in conclusionibus de quibusdã consentiunt, in quibusdam verò dissentiunt. Vtpote conclusiones quædam euidenter, quædam verò ineuidenter ex principijs colliguntur. Quæ verò sint theologia principia, ab omnibus scholasticis theologis fidelibus pari consensu recepta, Scotus exponit, dicens; Nihil est tenendum

Eccle. c. 12.

Scot. Sc. li.
d. 26. q. 1.
et li. 4. d.
11. q. 3.

tanq̃ de substantia fidei, nisi quòd potest expresse haberi de scriptura, vel expresse declaratũ est per ecclesiam, vel euidenter sequitur ex aliquo planè contento in scriptura, vel planè determinato ab ecclesia. Et paulo post ait: Et etiã quod nullo istorum modorum habetur certũ, firmiter credere videtur leuitatis, quia nõ est auctoritas sufficiens, nec ratio, si nullũ istorum inueniatur. Atq; cum scholastici omnes pari cõsensu omnia fidei dogmata recipiũt, tum omnes fideles cõmunẽ scholasticorũ theologorũ doctrinã sequẽtes, à fide catholica nõ aberrãt. Nõ aberrant, inquã, non quòd scholastici doctores sint fidei regula, sed quod fidei dogmata, tũ ex sacra scriptura, tum ex catholica eccle.

Clem. Alex. traditione et definitiõe collecta, apud illos determinata sunt explicata. Vnde illud clemētis Alex. ad. de scholasticis dictũ est verũ, dũ ait: si aut̃ pugnãtia quoq; aliqua dogmata videtur attrahere, ea sunt subducenda, et eundũ ad eos, qui quiescentia dogmata efficiũt, et diuinis scripturis eos incantãt, q̃ sunt rudes et imperiti, et strepitũ pertimescũt. p̃ testamentorũ consequentiã eis veritatẽ explanãtes. Cum igitur in his dogmatib; quæ ad fidẽ pertinet. scholastici theologi inter se nõ discordãt, necessariũ est vt dogmata, de quibus inter se nõ constãt, non ad fidẽ, sed ad opinionẽ ptineãt. Quæ p̃fectò cõtrouersa dogmata, licet inter se differãt, tamen cũ fide nõ pugnant. Siquidẽ dogmata fidei cõtraria apud theologos scholasticos citra cõtrouersiã sunt hareses. Ad theologũ certẽ spectat discernere fidei dogmata, et opinionũ assertiones: quandoquidẽ fidei dogmatibus firmiter nõ aſſetire, est in fide errare, quoniã

fides

fides est de illis rebus, quas aliter se habere quàm dei verbū significat, est impossibile. Opinionū verò dogmatib. firmiter aſſetire, est errare, siquidē opinio est de illis rebus, quas aliter se habere, quàm homines aſſerūt, est poſſibile. Quare scholaſtici theologi fidei dogmata aſſumūt pro certis, cetera verò nō fidei certitudine recipiūt. At ſectarij illa dogmatū diſtinctiōe excluſa, falſū dogma, nedum ambigū, p certo aſſerūt. scholaſtici quidē theologi in aſſerēdis et diſputādis o- Cic. Ac'd. pinabilibus dogmatibus cū Cicerone aiunt: Neq, no- q. li. 2. ſtra diſputationes quicq̃ aliud agunt: niſi vt in vtrā- q, partē dicendo et audiendo, eliciant, et tanq̃ expri- māt aliquid. qd̃ aut verū ſit, aut ad id quā proximē accedat. Huiusmodi nimirū eſſe oēs ſcholaſticos res ipſa loquitur, vtpote p̄bables ſunt illorū opiniōes, quas illi nō aſſirmāt, p̄inde ac diuina oracula: ſectarij verò dogmata quæ defēdunt, nō dubitāt quin ſint dei oracula: quā differētiā illico ille exponit, dicēs: Neq, inter nos, et eos, qui ſe ſcire arbitrātur quicq̃ intereſt: niſi quod illi nō dubitāt, quin ea vera ſint, quæ defēdunt: nos probabilia multa habemus: quæ ſequi facile aſſirmare vix poſſumus. Et infrā: Nā ceteri primū antē tenētur aſtricti, quàm qd̃ eſſet optimū, iudicare potuerūt. Deinde in firmiſſimo tēpore atatis, aut obſecuti animo cuidā, aut vna alicuius, quē primū audierunt oratiōe capti, de rebus incognitis iudicāt, et ad quācunq, ſunt diſciplinā, quaſi tempeſtate delati, ad eā tanquā ad ſaxū adhæreſcunt. Similes ſunt ſectarij huius tēporis, illi enim nihil non pertinaciter aut aſfirmant, aut negant, quippe ſua pertinacia à catholica eccleſia diſceſſerunt. Sēctarij etiam ſcholaſticos

Aug. cont.
Cres. Grā.
li. ca. 13.

theologos ob illorum peritiam, in reuincendis hereticis, sophistarum prae-textu fugiendos censent, quod Donatistas fecisse, beatus Augustinus exponit, dicens: Quid est enim aliud dialectica, quam peritia disputandi? quod ideo aperiendum putauit, quia etiam ipsam mihi obicere voluisti, quasi Christiana non congruat veritati, & ideo me doctores vestri velut homine dialecticū merito fugiendum potius & cauendū quam resellendū reuincendumq; censuerunt. Verū non scholasticos theologos, sed Erasimum & sectarios esse sophistas, in confesso est. Quandoquidem scholastici doctores, artes omnes, Grammaticam, Logicam, Rhetoricam, & Philosophiam captinantes, in obsequium fidei religionis dogmata explicant, & haereses expugnant. Illi verò, illis artibus philosophia orbatis, ad religionis dissidia seminanda vtuntur. Quam sententiam Clemens Alexandrinus exponit, dicens: Artes ergo, si non fuerint cum philosophia, fuerint cuilibet exitiales. Aperte itaq; Plato malam artem, appellauit sophisticam, & eum sequens Aristoteles, eam quandam furandi artem pronunciat, vtq; totum sapientiae officium probabiliter auferat, & profiteatur sapientiam, in qua non est versata, nec in eam studium posuit. Eandem sententiam beatus Augustinus aperte satis exponit, dicens: Sed credo cum me videres à nonnullis putari eloquentem, vt à me lectoris, auditorisue studium deterres, accusandam existimasti eloquentiam, vt iam quid dicere non attenderet, quisquis abs te perterritus tanquam eloquenter me dicentē

Clem. Alex.
xa. Strom.
lib. 1.

Aug. cont.
Cres. Grā.
li. 1. ca. 5.

me dicentem eo ipso iam cauendum fugiendumq; cē-
 feret. Vide ergo, ne hoc quod fecisti, sit artis illius ma-
 le, quam sicut de Platone commemorasti, nonnulli
 rectē iudicauerunt de ciuitate ac de humani gene-
 ris societate pellendam. Hac non est eloquentia, qua
 vtinam mihi ad explicanda ea qua sentio pro deside-
 rioprouenisset, sed sophistica, & maligna professio,
 qua sibi proponit, non ex animo, sed ex contentione
 vel commodo pro omnibus, & contra omnia dicere.
 De hac ait sancta scriptura: Qui sophisticē loqui- Eccle, 37.
 tur, odibilis est. Quid enim aliud Erasmus cum se-
 ctarijs in suis scriptis magis curauit, quā tum à Pa-
 pa, tum ab ecclesiasticis ritibus, tum à scholasticis do-
 ctoribus, omnes & singulos fideles deterrere?

In Ecclesiastica hierarchia ad catho-
 licæ ecclesiæ retinendam vnitatē, mo-
 narchia fuit à Christo instituta.

Cap. 108.

Esi Catholica ecclesiæ Pastores & doctores,
 philosophorum stylo diuidendo, inquam, defi-
 niendo, & in contrarias partes disserendo,
 religionis dogmata exponunt, sacrorum mysterio-
 rum rationem reddunt, & sectariorum sophismata
 dissoluunt, tamen ecclesiastico munere functi, non
 humana ratione nec auctoritate, sed diuinorum o-
 raculorum testimonijs fidem astringunt. Siquidem
 omnes fideles, sacra historia notitiam ab ordinarijs
 prepositis discant, ac in credendis fidei dogmatibus,
 diuina auctoritati innitantur oportet. Paulus enim

vt

Hier. ad Ti-
tum ca. 1.

Ad Ephes.
cap. 4.

Calu. ca. 8.
para. 53.

vt sibi gētes haberent fidē, non raro se esse Christi apo-
stolum asseruit. Quā sententiam B. Hierony. exponit,
dū ait: Porro quod ait: Apostolus autē Iesū Christi, ita
le mihi videtur, quāle si dixisset, praefectus praetorio
Augusti caesaris, magister exercitus Tiberij Imperat.
Vt enim iudices saeculi huius quod nobiliores esse videā-
tur, ex regibus quibus seruiūt, et ex dignitate qua in-
tumesūt, vocabula sortiuntur: ita et apostolus grādē
inter christianos sibi vindicans dignitatē, apostoli se
Christi titulo prae-notauit, vt ex ipsa lectores nominis
auctoritate terreret, indicans, oēs qui in Christo cre-
derēt, debere sibi esse subiectos. Quēadmodū enim in
ciuili administratiōe, ciues magistratibus obediunt,
sic in religiōe fideles pastoribus et doctōribus obsequā-
tur est necesse. Obsequantur, inquā, non solum in cō-
uersando, sed etiā in credendo: vtpote ecclesia pastores
et doctores in ecclesiae regimine, corrigēdi non modō
mores, sed etiā haereses potestātē habent. Huiusmodi
verō officia esse ecclesiasticorum magistratuum pro-
pria, Paulus apertē satis testatur, dicens: Et ipse dedit
quosdam quidem apostolos, quosdam autē prophetas,
alios verō euangelistas, alios autem pastores et docto-
res. Et infra: Vt iam non simus paruuli fluctuantes, et
circumferamur omni vento doctrinae. Quae certē ver-
ba intelligenda esse de ecclesiasticis magistratibus, nō
tantum catholici, sed etiam sectarij affirmant. Cal-
uinus enim ait: Non dubiū, quin representare illic
penitus voluerit sacrū & spirituale ecclesiae regimen,
quod posteri hierarchiam dixerunt, monarchiam in-
ter ministros non modō nullam ponit, sed etiam in-
dicat

dicat nullam esse. Quæ profectò Caluini sententia diuidenda est. Quandoquidem in prima parte, in qua asserit in catholica ecclesia esse hierarchiam, cum catholicis ille consentit: in secunda verò parte, in qua negat ecclesiasticam monarchiam, aperte satis cum fide pugnat. Verùm ille non tantum monarchiam, sed etiam hierarchiam excusfit, siquidem ille cum nulli Episcopo obtemperauit, tum etiam catholica ecclesiæ Episcopos non fuisse canonicè electos, procaciter asseruit. Cum tamen in catholica ecclesia non solum hierarchiam, sed monarchiam à deo fuisse institutam, firmiter credendum sit. Etsi inter ciuilem Rempublicam et catholicam ecclesiam de obtèperandis magistratibus cõuenit, (siquidẽ tam de ciuilibus, quàm de ecclesiasticis potestatibus, Paulus ait: Omnis anima potestatibus sublimioribus subdita sit. Nõ est enim potestas, nisi à deo) tamẽ in institutione magistratuũ differunt. Nã libera respubl. & cõstituendi et variandi magistratus potestatem habet. Vt habuit Romana respubl. quæ modo à regibus, modo à cõsulibus, modo ab imperatoribus administrata fuit. Cũ enim deus à principio hominibus definite magistratuũ ordines nõ exposuisset, liberũ illis fuit, aut vni, aut paucis, aut multis administranda reipublica potestatem et auctoritatem tradere: qui ciuiles magistratus etsi humana fiant traditiones, tamen in quantum cum naturali, et diuina lege non pugnant, à deo habet auctoritatem, et qui illis resistit, dei ordinationi resistit. Catholica verò ecclesia, nec eligendorum, nec variandorum magistratuum potestatem habet:

quando-

Ad Romã,
cap. 13.

quandoquidem ecclesiasticorum munerum potestas, cum sit spiritualis, nō ab hominibus, sed à deo est instituta: Ecclesia enim non elegit Christum in principem, sed potius Christus elegit et adificauit ecclesiam: quod ipse aperte satis exposuit, dicens: Non vos me elegistis, sed ego elegi vos. Christus certè catholicam ecclesiam fundauit, & optimum regimen, monarchiam nempe in illa constituit: constituit inquam, non solum in Christo, sed etiam in beato Petro, illiusq; successoribus. Quod si interrogat quispiam, quare cum policia triplex sit ordo, atq; omnis bonus, monarchiam Deus pro ecclesia potius, quàm Aristocratiam aut democratiam elegit? Respondeo quia optimam, & quia Catholica ecclesia vnitas monarchiam potius, quàm ceteros ordines postulare videbatur, nā si ad cuiuscunq; particularis ecclesia legitimum regimen, vnus Episcopus est necessarius, multò profectò magis ad administrationem vniuersalis ecclesia vnus Episcopus requiritur. Quandoquidem vnā si dem & vnā religionis pacem, & tranquillitatem, quam singula ecclesia requirunt, etiam vna catholica ecclesia exigit. Quod si in singulis particularibus ecclesijs ad tenendā vnitatē spiritus in vinculo pacis est necessaria monarchia, igitur etiā in catholica ecclesia erit necessaria: quemadmodum enim si presbyteri vnius particularis ecclesie fuissent aequalis potestatis, atq; illorum nullus ceteris praeponeretur, religionis pax & tranquillitas passim labefacta retur, & schismata, & hereses nutrentur: sic & multò profectò magis si catholica ecclesia omnes Episcopi

scopi æqualis auctoritatis fuissent, nullusq; illorum
 cateris fuisset prælatus, catholica ecclesia tranquillitas
 euauisset, & schismata & hæreses in catholica
 ecclesia dominarentur. Quam sententiam beatus
 Hieronymus aperte satis de particularibus ecclesijs
 exponit, dicens: Antequam diaboli instinctu studia
 in religione fierent, & diceretur in populus: Ego sum
 Pauli, ego Apollo, ego autem Cephæ, communi presby-
 terorum consilio, ecclesia gubernabantur. Postquam
 verò vnusquisq; eos quos baptizauerat, suos putabat
 esse, non Christi, in toto orbe decretum est, vt vnus de
 presbyteris electus, superponeretur cateris, ad quem
 omnis ecclesiæ cura pertineret, & schismatum semi-
 ra tollerentur. Constituta certè monarchia in catho-
 lica ecclesia, in particularibus ecclesijs religionis trā-
 quillitas communi presbyterorum consilio potuisset
 conseruari, sed constituta monarchia in singulis ec-
 clesijs communi episcoporum consilio catholica eccle-
 siæ vnitas non potest conseruari, quod idem in alio lo-
 co aperte satis docet, dicens: At dicis: Super Petrum
 fundatur ecclesia: licet idipsum in alio loco super om-
 nes apostolos fiat: & cuncti clauēs regni calorū ac-
 cipiant: & ex aquo super eos ecclesia fortitudo soli-
 detur: tamen propterea inter duodecim vnus eligi-
 tur, vt capite constituto, schismatis tollatur occasio.
 In alio etiam loco eandem sententiam exponens, ait:
 Ecclesiæ salus in summi sacerdotis dignitate pendet:
 cui si non exors quædam. & ab omnibus eminens de-
 tur potestas, tot in ecclesijs efficiuntur schismata, quot
 sacerdotes. Quæ nimirum beati Hieronymi senten-

Hieron. ad
 Tit. cap. 1.

Hieron. ad
 uers. Ioui.

Aduers.
 Lucif.

tia, aperte satis significat. euangelicam catholicam ecclesiam nunquam fuisse sine monarchia, quandoquidem inter apostolos vnum in ecclesia caput seu principem constitutum asserit. Particulares vero ecclesias sine particulari monarchia aliquando fuisse, siquidem communi presbyterorum consilio ante exorta schismata illas administratas affirmant. Vnde beatus Hieronymus distinctionem facit inter catholica ecclesie monarchiam, & singularum ecclesiarum. Vtpote illa quidem à Christo, ista verò ab Apostolis fuit constituta. Christus quippe Petrum, apostolorum. et per consequens totius ecclesie principem constituit, apostoli autem in singulis ecclesijs vnum Episcopum, qui presbyteris praeffet, constituerunt. Verum Calvinus constituere monarchiam in ecclesia sine expresso dei verbo iniquum existimat, dum ait: Vtrum ad veram hierarchiam ut vocant, seu ecclesiastici ordinis rationem, necesse sit sedem vnā inter alias & dignitate & potestate eminere, ut sit totius corporis caput, nos verò nimis iniquis legibus subijcimus ecclesiam, si hanc ei necessitatem sine verbo Dei iniicimus. Sed admodum ille fallitur, nam sicut inter singularum ecclesiarum presbyteros, eligere Episcopum, & inter singularum prouinciarum Episcopos constituere Archiepiscopum, non iniqua lex est, sed potius aequissima: ita inter catholica ecclesia Episcopos, eligere summum pontificem, non est iniquum. Calvinum verò cetero sç, sectarios Papae inuidia vel potius ignorantia excacauit, quandoquidem tam legitima est in catholica ecclesia monarchia, quam in particularibus

Calu. ca. 8.
para. 47.

laribus ecclesijs, & multò magis est necessaria in vniuersali, quàm in particulari ecclesia. Quod si in catholica ecclesia ab apostolis legitima monarchia constitui potuit, tamen illa à Christo fuit constituta in Petro, siquidem homines nec episcopatus nec presbyteratus munera constituerunt, vtpote solus Deus spirituales potestates constituit.

In Catholica ecclesia ad fidei seruandam vnitatem monarchia est necessaria.

Cap. 109.

Monarchia, inquã, non modò ad tollẽda schismata, sed etiam ad fidei vnitatem retinendã est necessaria. illa siquidem hierarchia, quam Paulus exponit, dùm ait: Et ipse dedit quosdã Ad Ephes. 4. cap. quidem Apostolos, quosdam autem Prophetas, alios verò Euangelistas, alios autem Pastores & doctores, &c. Monarchiam necessariò requirit. Nã Pastores & doctores missi sunt, ne simus paruuli fluctuantes, & circumferamur omni vento doctrinæ. Quibus nimirum verbis, non solum discipulorum, sed etiam doctorum fluctuatio cauenda significatur, vt Paulus exposuit, dùm dixit: Non ne sitis, sed ne simus paruuli fluctuantes, & circumferamur omni vento doctrinæ. Doctrinarum sanè varietas, à doctoribus in discipulos deriuatur, quoniam verbi Dei auditores frequenter Pastorum & doctorum doctrinã sectantur, ex quo sit, vt doctoribus pari consensu fidem docentibus, auditores concorditer credant, & doctoribus fluctuantibus, populus etiam fluctuet.

Vnde quo doctorum hiararchia sit legitimè instituta, monarchiam exigit. Pastorum certè & doctorum frequentia quantum iuuat ad plebem instituendam, tantum nocet, si non fuerit alligata alicui supremo, viua voce, fidei dogmata prescribenti: vt videre licet in sectarijs, & in catholicis concionatoribus. catholici siquidem, quia in proponendis & explicandis fidei dogmatibus ecclesie monarcha sunt alligati, populus non fluctuat, nec circumferetur doctrina vento. At sectarij quia liberi à monarchæ censura qualibet concionantur, et docent cum suis sectatoribus, tanquam paruuli fluctuant, & circumferuntur omni vento doctrinæ. Quare Deus ad religionis pacem retinendam, non solum pastores & doctores, per quos populus in fidei vnitatem continetur, sed etiam monarchiam ad continendos in fidei sinceritate pastores & doctores constituit. Quam si Deus in catholica ecclesia non instituisset, ecclesie regimen non fuisset perfectè constitutum. Nam ecclesia sine monarchia, nõ Dei, sed sathanæ est ecclesia, quod ipsi sectarij, & Philippus maximè fatetur, dum ait: Non dissimulari potest, motis rebus magnam varietatem opinionum exortam esse, & concedit àvapxia licentiam malis ingenijs fingendi monstrosa dogmata. Si enim in Republica nihil perniciosius licentia multitudinis, dum nulli paretur, sed pro sua quisque libidine rem gerit, profectò in catholica ecclesia longè perniciosior est pastorum & doctorum licentia, dum nulli in asserendis dogmatibus obtemperatur, sed pro suo quisque ingenio, dogmata qualibet, modo

ait

ait, modò negat. Huiusmodi esse presentis saculi sectarios, res ipsa loquitur. Illi siquidem quo Papa iugum excusserunt, eo ἀναρχίαν fecerunt, atq; religionis pacem & tranquillitatem profligarunt. Postquam enim nonnulli principes cū sectarijs Papa obedientiā relinquere & abijcere cœperūt, religionis dissidia indies magis ac magis pullularunt. Crescit enim schisma & hæresis, quantum ipsa inobediētia crescit. Nec sperandum est religionis pacem & tranquillitatem Germanicam nationem habituram, donec Papa obedientiam susceperit. Siquidem quo Papa obedientia non præstatur, eò hæreses & schismata oriuntur, ut beatus Cyprianus sapientissimè exponit, dicens: Neq; enim aliunde hæreses oborta sunt, aut nata sunt schismata, quàm inde, quòd sacerdoti dei non obtemperatur, nec vnus in ecclesia ad tempus sacerdos, & ad tempus iudex vice Christi cogitatur. Cui si secundum magisteria diuina obtemperaret fraternitas vniuersa, nemo aduersum sacerdotum collegium quicquam moueret, nemo post diuinum iudicium, post populi suffragium, post Episcoporum consensum iudicem se, non iam Episcopi, sed Dei faceret. Religionis certè dissidia quæ in Germanica natione grassantur, satis iodneum testimonium est, ad persuadendum monarchiam esse necessariam, ad retinendam religionis tranquillitatem, quandoquidem ἀναρχία hæreses & schismata parit, nutrit & fouet. At monarchia hæreses schismataq; extirpat, & fidei vnitatem retinet. Religionis certè tranquillitatem Germanica natio, tam diu obtinuit,

Cyp. lib 1.
epist. 3.

quàm diu Papa obtemperauit. Quemadmodũ enim ad imperij pacem retinendam, omnes imperij status, dominia, principes, ciuitates, denique singuli ciues imperatori obediunt est necesse, ita ad religionis obtinendam pacem, omnes & singuli fideles, omnisq; ecclesiasticus ordo Papa obtemperent oportet: non enim minus ecclesia monarchia Dei est ordinatio, quàm imperatorum & regum potestas. Item apostolica quidem constitutio, de particularium ecclesiarum monarchia euidenter Christum in catholica ecclesia instituisse monarchiam, testatur. Quandoquidem apostoli particulares ecclesias iuxta regulam traditam à Christo constituerunt. Sicut enim Christus Petrum ceterorum apostolorum, & per consequens catholica ecclesia principem constituit, ita apostoli in particularibus ecclesijs Episcopos presbyterorum principes constituerunt. Vtpote illi ex catholica ecclesia monarchia, particularium ecclesiarum monarchiam diuino afflati spiritu, collegerunt. Monarchia igitur administratio, non est in dei ecclesia recens, quandoquidem in synagoga Aaron non ab homine, sed à Deo summus sacerdos fuit constitutus. Verum Calvinus monarchiam non catholica ecclesia, sed synagoga expedire, affirmat dicens: In hanc rem citat ex lege summũ sacerdotium. Et infra: Primum quod in natione vna fuit vtile, id in vniuersum orbem extendere nulla ratio cogit. Veruntamen ille fallitur, siquidem Deus in constituenda monarchia, non hominum vnus, aut diuersarum nationum, sed vnus religionis habuit rationem. Synagoga etiam perinde

Calu. ca. 8.
Par. 47.

inde ac euangelica ecclesia, cuiuscunq. nationis homines recipiebat. Vnde si omnes gentes & nationes ante Christi aduentum receperunt legem Moyse, in synagoga monarchia pręstaret. Israelitica etiam gens cum varias orbis partes incoluisset, summus sacerdos non solum in vnius, sed etiam omnium nationum homines auctoritatem habuit, quod scriptura exponit, dicens: Erant autem in Ierusalem habitantes Iudæi, viri religiosi ex omni natione qua sub celo est. Verum quam friuola sit Caluini euasio, ex eo colligitur, quod in christiana religione, nec gentis nec nationis, sed fidei habetur ratio. Vnde quantum in catholica ecclesia plures nationes, quam in synagoga congregantur, tantum ad fidei vnitatem retinendam, monarchia est magis necessaria in catholica ecclesia, quam in synagoga. Catholica etiam ecclesia ab orbe condito temporis successu per prophetas, Christum & apostolos, tantum abest ut si variata, ut potius promota atque vna & eadem perseveret. Hinc est quod monarchia, cum sit omnium administrationum optima in Euangelica ecclesia sit perfectior, quam in synagoga, ut Paulus aperte satis docet, dicens: Si ergo consummatio per sacerdotium Leuiticum erat (populus enim sub ipso legem accepit) quid adhuc necessarium fuit, secundum ordinem Melchisedec, alium surgere sacerdotem, & non secundum Aaron dici? Translato enim sacerdotio, necesse est ut & legis translatio fiat. Paulus certe non dixit monarchiam abrogatam, sed translata esse. Igitur post Christi

Actor. c. 2.

Paulus ad
Hæb. ca. 7.

mortem in ecclesia est monarchia, quæ monarchia non solum in Christo, existente in calo, sed etiam in aliquo homine inferiora hac gubernante sit oportet. Nam quemadmodum homines, ad coeundum in vnâ religionem, indigent signis visibilibus, sic ad colendam vniuersalæ ecclesiæ communionem, indigent monarchia visibili, quod si Deus est rex regum, & dominus dominantium, omnisq; potestas ab eo, non inde sequitur, quin in orbe terrarum plures sint Respublicæ. Ad Reipublicam enim vnitatem, non est satis monarcham esse in calo, sed illum cum hominibus conuersari est necesse. Vt enim Gallorum & Hispanorum regna, licet sub vno capite, sub Christo inquam, sint, non vna Respublica, sed plures sunt: quandoquidem illorum duorum regnorum non vnus, sed duo sunt visibiles reges, ita Gallorum et Hispanorum ecclesiæ cum cæteris orbis ecclesijs vnâ catholicam ecclesiam non constituerent, si tantum in calo haberent monarcham, vnâ tamen catholicam ecclesiam constituunt, quoniam illa non solum inuisibilem in calo Christum, sed etiam visibilem illius vicarium, nempe Romanum pontificem observant. At schismaticorum ecclesiæ cum catholicis ecclesijs non constituunt vnâ ecclesiam, non quod non habeant vnâ fidem, sed quod non colant ecclesiæ communionem, quæ non est vna sine monarcha, quam schismatici non observant, & per consequens nec Christum. Nam sicut qui non diligit fratrem, quem videt, non diligit Deum, quem non videt: ita qui non colit Christi vicarium, scilicet Romanum pontificem

pontificem, nec Christum vnicum ecclesiæ caput obseruat. Quare etsi catholica ecclesiæ vnitas principaliter consistit in deo, & Christi fide, tamen catholica ecclesiæ, sine visibili monarcha communione, vnitas spiritus in vinculo pacis, non minus nõ potest seruari, quàm in particulari ecclesiæ sine Episcopi communione.

Christus super petrum ædificauit
Catholicam ecclesiã. Cap. 110.

Dominum quidem nostrum Iesum Christum vnicum esse caput catholica ecclesiæ nemo negat. Sed de B. Petro atq; illius successore Romano pontifice sectarij & catholici discordant. Si quidem catholici aiunt beatum Petrum à Christo, apostolorum et catholica ecclesiæ Episcopum fuisse constitutum, & per consequens Romanum pontificem illius successorem, tanquam Christi, qui caput est ecclesiæ, vicariũ eius loco, ecclesiæ vniuersali præsidere. Sectarij verò negant, illi enim vt in asserendis ecclesiasticis dogmatibus, perinde ac philosophi genio indulgeant, beatum Petrum non fuisse apostolorum principem, & per consequens neg, Romanum pontificem, catholica ecclesiæ esse monarcham dogmatizant. Calvinus enim de beato Petro ait: Percurre quicquid extat, nihil aliud reperiēs, quàm fuisse vnum ex numero duodecim, parem reliquis socium, non dominum. Sed Calvinum in hac parte in fide allucinari, euangelica historia præsert. Siquidem beatum Petrum, non modo vnum ex numero

Calu. ca. 8.
para. 52.

duodecim, sed etiam illorum principem, non modo in munere apostolatus ceteris parem, sed etiam praelatum non modo charitatis affectu socium, sed etiam dignitate praesidem: denique apostolorum non dominum, sed Pastorem fuisse, sacra scriptura & frequenter testatur, & euidenter exponit. Quam profecto munerum distinctionem, Calvinus, ceterique sectarii ad catholica ecclesiae deturbandam monarchiam, & obtrudendam anarchiam, quae sunt ingenij dexteritate, & subtrahunt & confundunt. Catholici vero doctores, Christi apostolos esse pares, & Petrum esse Pastorem catholicae ecclesiae non tacuerunt, sed expresse professi sunt. Cy-

Cypria. de prianus enim ait: Loquitur dominus ad Petrum: *simp. prel.* Ego dico tibi, inquit, quia tu es Petrus, & super istam petram aedificabo ecclesiam meam, & portae inferorum non vincent eam. Tibi dabo claves regni caelorum, & quaecumque ligaueris super terram, erunt ligatae & in caelis: & quaecumque solueris super terram, erunt soluta & in caelis. Et eidem post resurrectionem suam dicit: Pasce oves meas. Et quamuis apostolus omnibus post resurrectionem suam, parem potestatem tribuat, & dicat: Sicut misit me pater, & ego mitto vos, accipite spiritum sanctum: sicut remiseritis peccata, remittentur illi. si cui tenueritis, tenebuntur, tamen ut unitatem manifestaret, unitatis eiusdem originem, ab uno incipientem sua auctoritate disposuit. Hoc erant utique & ceteri apostoli, quod fuit Petrus, pari consortio praediti, & honoris & potestatis, sed exordium ab unitate profiscitur

ciscitur, vt ecclesia vna monstretur. Eiusdem sententia est beatus Hieronymus, dum inquit: At dicis: super Petrum fundatur ecclesia: licet id ipsum in alio loco super omnes apostolos fiat: & cuncti claues regni calorum accipiant, & ex aquo super eos ecclesie fortitudo solidetur: tamen propterea inter duodecim vnus eligitur, vt capite constitutus schismatis tollatur occasio. Cum eodem conueniunt ceteri catholici doctores. Quippe illi in apostolatus munere omnes apostolos fuisse pares, Petrum verò fuisse apostolorum principem, id est summum Pontificem, pari consensu professi fuere. Quam profectò apostolorum parilitatem, & beati Petri prerogatiuam diuina scriptura expresse testatur. Siquidem euangelica scriptura Christum miraculorum gratiam, euangelizandi officium, ligandi & soluendi ministerium, & cetera quæ sunt apostolici muneris, indistinctè duodecim apostolis, ecclesiasticum verò primatum discretè, vni nempe Petro tradidisse, aperte satis exponit: de omnibus quidem indiscriminatim ait: *Matt. c. 13.*
 Et conuocatis duodecim discipulis suis, dedit illis potestatem spirituum immundorum, vt eijcerent eos, & curarent omnem languorem, & omnem infirmitatem. Et infra: Euntes autem predicte, dicentes, quia appropinquauit regnum calorum, &c. Item data est mihi omnis potestas in celo & in terra. Euntes ergo docete omnes gentes, baptizantes eos. De remittendis etiam peccatis ait: Accipite spiritum sanctum: quorum remisistis peccata, remittuntur eis: & quorum retinueritis,

retenta

Et 28. cap.

Ioan. c. 20.

retenta sunt. Quibus nimirum, & alijs sacra scriptura locis omnes apostolos, in apostolico munere fuisse pares, expressè significatur. Quare si Christus duodecim tantum constituit apostolos, illorum singulos totius orbis fuisse Episcopos, est necessè. Siquidem omnibus apostolis pradicandi euangelium in vniuerso mundo officium commisit, dicēs:

Marc. c. 16. Euntes in mundum vniuersum, predicate euangelium omni creatura. Beatus verò Petrus, non tantum parem cum ceteris apostolis habuit potestatem, sed etiam maiorem. Nam apostolorum singuli parē potestatem non in collegas, sed tantum in ceteros accepere. Petrus autem vltra apostolicum pradicandi munus in vniuerso mundo, in suos etiam collegas potestatem accepit. Siquidem ille apostolorum princeps, id est, Episcoporum Episcopus à Christo fuit cōstitutus, vt diuina scriptura exponit, cū ait: Tu es Petrus, & super hanc petram adificabo ecclesiam meam. Item in alio loco ait: Cū ergo prandissent, dicit Simoni Petro Iesus: Simon Ioannis, diligis me plus his? Dicit ei: Etiam domine, tu scis quia amo te. Dicit ei: Pasce agnos meos, &c. Qua profectò scriptura loca, cū discretè de Petro loquantur, illum aliquod speciale munus, quod ceteris non est datum, à Christo accepisse testantur. Siquidem quando Petrus confessus fuit, Christum esse Dei filium, etsi omnes apostoli interfuerunt, non tamen omnibus, sed soli Simoni Christus dixit: Tu es Petrus, & super hanc petram adificabo ecclesiam meam. Quibus verbis Christus Petrum catholica ecclesia fundamen-

tum

Marc. c. 16.

Matt. c. 16.

Iohan. c. 21.

tum, & ceterorum Apostolorum pontificem constituit. Quam sententiam germanum scriptura esse sensum, sacri doctores pari consensu testantur. Cyrilus enim ait: Nec simon fore iam nomen sibi, sed Petrus, pradicat: vocabulo ipso commodè significans, quod in eo tanquam in petra lapideq; firmissimo, suam esset adificaturus ecclesiam. Eiusdem sententia est Epiphanius dùm ait: Ipse autem dominus constituit eum (scilicet Petrum) primum Apostolorum, petram firmam, super quam ecclesia Dei adificata est. Chrysostomus etiam eandem sententiam confirmat, dicens: Animaduertis quopactò ipse etiam ad altiorum de se opinionem Petrum adducit, & se ipsum his duabus pollicitationibus reuelando, filium Dei ostendit. Nam quæ Deus concedere solus potest, peccatorum scilicet remissionem, & ut futura ecclesia, tot tantisq; fluctibus impetu irruipientibus, immobilis maneat, cuius pastor & caput, piscator homo, atq; ignobilis terrarum orbe reluctante adamantis, naturam firmitate superet: hæc, inquam, omnia quæ solius Dei sunt, se pollicetur daturum. ita & pater ad Hieremiam dicebat: sicut columnam ferream, & sicut murum aneum posui te. Sed ipsum quidem genti vni pater, hunc autem vniuerso terrarum orbi Christus praposuit. Et post pauca discernens de filij consubstantialitate, ait: Tu verò mecum, ex eis omnibus quanta sit potestas eius, intellige. Ego tibi dico, inquit, tu es Petrus, & ego super te adificabo ecclesiam meam, ego tibi dabo claves regni calorum, &c. Cyprianus quoq; eiusdem est sententia, dùm ait: Nā

Cyrl. sup.
Ioan. li. 2,
cap. 12.

Epipha. l.
ancor.

Chrysost.

Cypria. ad
Iuba.

Petro

Clem. pōt.
1. epist. ad
I cob.

Petro primum dominus, super quem adificauit ecclesiam, & vnde vnitatis originem instituit & ostendit, potestatem ipsam dedit, vt id solueretur in terris, quod ille soluisset. Christum quidem supra Petrum fundasse ecclesiam, Clemens Petri discipulus testatur, dicens: Notum tibi facio Domine, quia Simon Petrus, qui vera fidei merito, & integra predicationis obtinet, fundamētū esse Ecclesia definitus est, quia de causa etiā domini ore cognominatus est Petrus, qui fuit primitia electiōis domini, apostolorū primus, etc.

Cap. III.

Beatus Petrus non per propriam naturam, sed per Dei donum est ecclesie fundamentum.

Calu. ca. 8.
para. 51.

1. ad Cor.
cap. 3.

Ad Ephc.
cap. 2.

Verū Calvinus sacros priscos doctores contemnens, ait: Nam illa veteres ineptia, in Petro fundatam esse ecclesiam, quia dictum sit super hanc petram. Et infra: At nonnulli ex patribus sic exponunt, sed cum reclamatione tota scriptura, quid eorum auctoritas aduersus dominum. Fallitur tamen, quia non sacri doctores, sed Calvinus hereticus nedum ineptus est. Siquidem diuina scriptura tantum abest, vt patrum sententia in hac parte reclamatione, vt potius illorum sententia sacra scriptura sit germanus sensus. Nam sacra scriptura etsi in vno loco ait: Fundamentum enim aliud nemopotest ponere, prater id quod positum est, quod est Christus Iesus: tamen non reclamatione sibi ipsi, dū in alio loco inquit: Super adificati super fundamentum apostolorum & prophetarum, ipso sum-

mo angulari lapide iesu Christo. Quem locum beatus Chrysostomus in hunc modum exponit: Super- Chrysost.

structi, inquit, super fundamentum apostolorum, hoc est, fundamentum sunt apostoli ac propheta. Et primum ponit apostolos, qui tamen tempore posteriores sunt. Hoc sanè dicens, ostendit illos esse fundamentum, totum tamen vnam esse structuram, & radicem vnam. Intellige hic & gentes fundamenti loco patriarchas habere. Hic cerè quod proprium est magis dicit, quàm dùm insertionis alicubi meminit, illic magis taxat. Deinde omnia continens, inquit, Christus est. Summus enim angularis lapis, & parietes continet, & fundamenta. In quo tota structura est. Eidem sententia consentit Augustinus, dum ait: Non absurde dicimus fundamenta cœli, quibus regnum cœlorum super edificatur in sanctis & fidelibus, quos dicit scriptura lapides viuos, quorum fundamentum est primitus ipse CHRISTVS ex virgine: De quo dicit Apostolus: Fundamentum aliud nemo potest ponere, præter id quod positum est, quod est Christus Iesus: deinde ipsi Apostoli & Propheta, quorum auctoritate locus caelestis eligitur, vteos sectando coedificemur: vnde dicit ad Ephesios: Iam non estis peregrini, sed estis ciues sanctorum, et domestici Dei, superædificati super fundamentum apostolorum &c. Vnde sicut ille scriptura locus, nemo bonus nisi vnus Deus à creaturis, non bonitatem, sed diuinae bonitatis parilitate excludit (siquidem scriptura de creaturis ait: Vidit Deus cuncta qua fecerat,

Aug. sup.
Plalm. 81.

&

& erant valde bona) Et Dei bonitatem longo inter-
 uallo, nempe infinito, distare à creaturarum bonita-
 te, significat. Vtpote Dei bonitas est sincera & na-
 turalis, creaturarum verò bonitas accidens, & non
 ita pura est utiq₃. Ita illud Dei verbum: Fundamentū
 enim aliud nemo potest ponere, &c. ab Apostolis non
 per dei donum, sed per naturam catholica ecclesia ef-
 se fundamentum, excludit, & Christum esse catho-
 lica ecclesia naturale, et primariū fundamentum sig-
 nificat. Diuina quidem scriptura ad significandam
 Christi stabilitatem ait. petra autem erat Christus:
 etiam Christus ad explicandam Petri firmitatem,
 dixit Simoni, tu es Petrus: quod sonat, si interprete-
 ris, lapidem, quandoquidem apud grecos illæ vocu-
 læ, πέτρος & πέτρα synonymæ sunt. Christus igitur
 est petra, & Simon etiam est petra. Verū et si illo-
 rum neuter per naturam sit petra, tamen Christus
 per naturalem proprietatem, Simon verò per Dei do-
 num dicitur petra. Christus enim Deus est utiq₃, de
 quo scriptura ait: Ego enim Dominus & non mutor.
 Vnde esse catholica ecclesiā firmissimum fundamen-
 tum, per naturam soli Christo conuenit, huiusmodi
 nimirum fundādi modum ab omnibus creaturis ex-
 cludit scriptura, dicens: Fundamentum enim aliud
 nemo potest ponere, prater id quod positum est, &c.
 Simon verò per naturam homo fragilis & instabilis,
 per dei gratiam factus est in fide stabilis, nempe Chri-
 sto dicente, tu es Petrus, id est, in fide firmus, qui-
 bus verbis Christus Petrum in fidei sinceritate con-
 firmavit, ideoq₃ super hanc petram, scilicet Petrum,
 Christus

Malac .c. 3.

Ad Corin.
cap. 3.

Christus adificat suam ecclesiam. Super Petrum inquam, non quod hominis natura, sed quod Dei donum sit ecclesia fundamentum. Quam distinctionem, si Calvinus cum suis collegis intellexisset, sacros doctores non irrisset, nec de fidei sinceritate declinasset. Verum quia quæ ambigua sunt, indistincta praterunt, ideo illi omnia confundunt, & Dei verbum deprauant. Super Petrum igitur Christus fundavit ecclesiam, ut beatus Hieronymus mirifice exponit, dicens: Quid est quod ait: & discipulis? Quia tu mihi dixisti: Tu es Christus filius Dei viui, & ego tibi dico non sermone casso, & nullum habente opus, sed dico tibi, quia meum dixisse, fecisse est. Quia tu es Petrus, & super hanc petram edificabo ecclesiam meam. Sicut ipse lumen apostolis donavit, ut lumen mundi appellarentur. ceteraque ex domino sortiti sunt vocabula: ita & Simoni, qui credebatur in petram Christum, Petri largitus est nomen. Ac secundum metaphoram petra recte dicitur ei, edificabo ecclesiam meam super te. Petrum nimirum esse ecclesia fundamentum, tantum abest ut Christum ab ecclesia fundamento excludat, ut potius illum tanquam primarium & firmissimum fundamentum exigat. Quidquidem Simonem esse petram, id est, in fide stabilem, non Simonis natura, sed Christi est donum. Quare beatus Augustinus illam sententiam, Christus supra Petrum edificavit ecclesiam, sapientissime non retractavit, sed approbavit, dicens: In hoc libro dixi, in quodam loco de apostolo Petro, quod in illo tanquam in Petra funda-

Hiero. sup.
Matt. c. 16.

Aug. li. 1.
rect. c. 21.

Matt. c. 16.

ta sit ecclesia: qui sensus etiam cantatur ore multorum in versibus beatissimi Ambrosij, vbi de gallo galinacio ait: Hoc ipsa petra ecclesia canēte, culpā diluit. Sed scio me postea sapissimè sic exposuisse, quod à domino dictū est: Tu es Petrus, & super hanc petram ædificabo ecclesiam meam, vt super hanc intelligeretur, quem confessus est Petrus, dicens: Tu es Christus filij Dei viui: ac si Petrus ab hac Petra appellatus personam ecclesia figuraret, quæ super hanc petram ædificatur, & accepit claues regni calorum. Non enim dictum est illi, tu es petra, sed tu es Petrus: petra autem erat Christus, quem confessus Simon, sicut eum tota ecclesia confitetur, dictus est Petrus. Harum autem duarum sententiarum, quæ sit probabilior, eligat lector. Quod si dicat aliquis, apostolos & prophetas secundaria esse ecclesia fundamenta, nibilominus beatus Petrus inter apostolos primas fundamenti tenet partes, quam sententiam Christus aperte satis exposuit, dū soli Simoni audientibus ceteris apostolis, atq; illis prateritis, dixit, tu es Petrus, & super hanc petram ædificabo ecclesiam meam. Quis enim tam stupidus est, vt existimet Christi verba esse vana? Quod si illa vera sunt, profectò speciale munus Petro præ ceteris iniungit, nempe quod catholica ecclesia sit fundamentum, supra quod Christus ædificauit suam ecclesiam.

Christus Petrum apostolorum principem, & Episcoporum episcopum constituit.

Dominus

Dominus noster Iesus Christus post se Petrum non modo catholica ecclesia fundamentum, sed etiam caput, id est, principem constituit. Quemadmodum enim in rebus, esse, & operari differunt, & istud est posterius illo, sic esse fundamentum ad substantiam ecclesia pertinet, quod primò datum fuit Petro Christo dicente: tu es Petrus. Ad operari verò, id est ad ecclesia officium, pertinet illud, Et tibi dabo claves regni calorum. Quod munus Petro fuit datum post CHIRITI resurrectionem Christo illi dicente: Pasce oves meas. Quibus certè verbis beatum Petrum à Christo fuisse constitutum summum pontificem, expressè significatur. Siquidem CHRIS-TVS à Petro maiorem dilectionem, quàm à ceteris Apostolis requirit, & ceterorum apostolorum, ac totius Ecclesia curam illi iniungit. Simon Ioannis diligis me, inquit plus his? Dicit ei, etiam Domine; tu scis quia amo te. Dicit ei, Pasce agnos meos. Dicit ei iterum. Simon Ioannis diligis me? Ait illi, etiam Domine, tu scis quia amo te. Dicit ei, Pasce agnos meos, Dicit ei tertid: Simon Ioannis, amas me? contristatus est Petrus, quia dixit ei tertid amas me? & dixit ei: Domine, tu omnia nosti: tu scis quia amo te. Dicit ei, Pasce oves meas: oves verò dixit, de quibus instante mortis tempore dixerat: Omnes vos scandalum patiemini in me, in ista nocte. Scriptum est enim, Percutiam pastorem, et dispergentur oves gregis. Siquidem Christus

Ioan. c. 21.

Calu. ca. 8.
para. 52.

respondebit, quandoquidem Euangelica historia Christum super Petrum adificasse ecclesiam, & illum constituisse apostolorum totius ecclesie pastorem, euidenter exponit, ex quo Caluini commentum deprehenditur, dùm dixit: Percurre quicquid extat, nihil aliud reperies, quàm fuisse vnum ex numero duodecim parem reliquis socium, non Dominum. Verum quidem est, quòd Christus non constituit Petrum apostolorum Dominum, sed Episcopum. Nam sicut nec Imperator, nec quiuis alius magistratus, Reipublica est dominus, sed moderator, ita Petrus ceterique prapositi, non sunt domini ecclesie, sed dispensatores ministeriorum Dei. sed vt seditiosi in Republica quantum ad dominandi libidinem attinet, nullos legitimos magistratus nacti fuere: ita sectarij quantum ad innouandi fidem licentiam attinet, sui contemporaneos Episcopos tyrannos esse, vt beatum Petrum non fuisse monarcham euidenter asserunt. Aduersus Petri primatum Caluinus ait: Cùm ad pastores scribit, non mandat ex imperio quasi superior, cùm accusatur quod ad gentes ingressus fuerit, &c. Verum quidem est, Petrum in quibusdam actibus se non gessisse quasi superiorem, non quòd ille supremam dignitatem non obtinuisset, sed quo humilitatis exemplum ceteris praberet, vt quando apostoli miserunt Petrum & Ioannem. Beato quippe Petro maior cura fuit predicandi euangelij veritatem, quàm suum primatum demonstrandi. vtpote ille non nisi ad euangelizandam synceram fidem primatum acce-

Calu. ca. 8.
para. 52.

pit. Vnde beatus Petrus quando & ubi ad asserendam euangelij veritatem, primatus aut necessarius aut expediens fuit, illum constanter asseruit. Quando verò, & ubi primatus nihil commodauerit aut impedimento fuerit, suam dignitatem subtrixit. Vti fecit cum accusaretur, quod ad gentes ingressus fuisset, non enim fuit vsus prelati auctoritate. Quia apud huiusmodi accusatores, ad asserendam euangelij veritatem, magis petri humilitas, quam summi pontificatus auctoritas conducebat. Vt beatus Chrysostomus exponit, dicens: Post tanta gesta disceptabant hi qui ex circumcissione erant, non apostoli. Quid est disceptabant? Offendebantur inquit, non parum: & vide quid pratexant: non dicunt, Quare annunciaſti, sed quare simule disti. Et infra: Vele iam singulari dispensatione accidit illum reprehendi vt hi discant, non enim rem obiter Petrus narrauit. Vide autem quàm alienus sit à fastu & vana gloria. Incipiens enim Petrus, inquit, exposuit illis per ordinem dicens: Ego eram in ciuitate Ioppe orans, &c. At post pauca ait: Narrat ea que necessaria erant, alia verò obicit, immò per hac & illa probat: & vide quomodo rationem reddit, & non vult doctoris auctoritate vti: sciebat enim quod quò modestiùs loqueretur, hoc magis eis prodesset.

Act. apost.
Chryl. ho-
milia 24.

Paulus non vt prælatus, sed vt frater Petrum correxit.

Cap 113.

Verum tanta est sectariorum morositas, ut illis pontificum nec modestia, nec fastus satisfaciat. Siquidem illi verorumuis illorum prae-

Calu. ca. 8.
para. 52.

textu, à pontificatus fastigio beatum Petrum, nedum illius successores deturbare satagunt. Calvinus enim petri humilitatis prae-textu illum non obtinuisse inter apostolos primatum affirmat, dum ait: Quod si nihil istorum extaret, vna tamen epistola ad Galatas omnem dubitationem nobis eximere posset, &c.

Cypria. ad
Quirin.

Quàm friuola & ludicra sit Caluini argutiuncula, ex eo colligitur, quod non solum praelato, sed etiam cuicunq; datum est mandatum de fraterna correctione. Vnde in hunc modum inferior suum superiorem sanctè corrigere potest. Huiusmodi certè fuisse Paulum, in corrigendo beato Petro, Cyprianus testatur dicens: Nam nec Petrus, quem primùm dominus elegit, & super quem aedificauit ecclesiam suā, cum Paulus de circumcisione postmodum disceptaret, se vindicauit, seu aliquid insolenter aut arroganter assumpsit ut diceret se primatum tenere, & obtemperari à nouellis, & posteris sibi potius oportere.

August. e-
pist. 19.

Eiusdem sententiae est Augustinus, dum inquit: Ipse verò Petrus, quod à paulo fiebat utiliter libertate charitatis, sancta ac benigna pietate humilitatis accepit: atq; ita rariùs & sanctiùs exemplum posteris prae-buit, quo non dedignarentur, sicubi forte recti tramitem reliquissent, etiam à posterioribus corrigi quàm Paulus, quo confidenter auderent, etiam minores maioribus pro defendenda euangelica veritate, salua fraterna charitate resistere. Nam, cum sa-

tius

rius multò sit à tenendo itinere, in nullo quàm in aliquo declinare, multò tamen est mirabilius & laudabilius libenter accipere corrigentem, quàm audeat corrigere deuiantem. Est laus itaq; iusta liberatis in paulo, & sancta humilitatis in petro. Illis quidem verbis minores maioribus pro defendenda euangelij veritate, salua fraterna charitate resistere, Paulum correxisse Petrum, non quod ille fuisset maior Petro, sed quo defenderet euangelij veritatem significatur. Paulus siquidem etsi dignitate pontificia fuit minor petro, tamen ad defendendam euangelij veritatem, parem cum petro habuit auctoritatem.

Quod si paulus pontificia dignitate non fuisset minor, Augustinus non dixisset minores maioribus auderent resistere, pro tuenda veritate, nec petri humilitas tanquam rara commendaretur, nec Petrus imitandus illius successoribus proponeretur. Paulus igitur non clauium potestate, sed charitatis praecepto, nepe si peccauerit in te frater tuus corripe eum, Petrum correxit. Vnde illa Pauli ad Galatas epistola tantùm abest, vt petri primatui reclamet, vt potiùs illũ astruat. Quandoquidem Petrus non quo à paulo fraterne corrigitur, ed in catholica ecclesia non est primas: Verum enimvero illa epistola Petrum esse maiorem paulo non obscure exponit, cum de paulo ait: Deinde post annos tres veni ierusolymam videre Petrum, & mansi apud eum diebus quindecim. paulus quippe quo ascendit ierusolyma videre Petrum, ed Petrum fuisse maiorem paulo. Theophylactus cū Chrysostomo sapientissimè collegit, dicens: Et hoc insignis humilitatis

Ad Ga. c. i.

Chryso. & Theoph.

animi signum, si qui tanta transegerat, ad Petrum abiit, non utilitatis gratia, sed solo visendi studio, honorans eum ceu maiorem se. Propterea neque dixit *idē*, id est, ut cernerem Petrum, sed *εὐφραν*, id est, ut viderem, & cum obseruatione intuerer: quod magnas & praeclaras vrbes addiscentes dicunt, perinde ac nos abimus ad sanctos viros: sed nos potius utilitatis causa, ille verò solius honoris gratia, tandem Calvinus ad Petri primatum deturbandum ait: Petrum quoque ipsum nihil tale postulasse, sed dedisse sibi dexteram societatis. Huiusmodi sanè & similes argutiuncula non contra Petri primatum, sed contra primatus executionem militant. Quandoquidem sectarij Petrum inter collegas nunquam primatus auctoritatem exercuisse comminiscuntur. Quibus scriptura apertè satis respondit dicens: Et erit sicut populus sic sacerdos. Apostolorum quidem collegium cœtuum obsequentissimus, moderatissimusq; fuit. Quare beatus Petrus inter apostolos, primatus auctoritate rarò vsus fuit, tamen secundum rerum exigentiam, quando & ubi opus fuit, tum inter apostolos, tum inter ceteros non dissimulauit, ut videre licet in euangelica historia. Post Christi enim ad celos ascensionem, in electione Matthiae, Petrus summum pontificem egit, quod scriptura testatur, dicens: In diebus illis exurgens Petrus in medio fratrum dixit (erat autem turba hominū simul, ferè centum viginti) viri fratres, Oportet impleri scripturam, quam pradixit spiritus sanctus per os Dauid de Iuda. Et infra: Scriptum est enim

Calu. ca. 8.
par. 52.

Osee 2.

Actor. c. 1.

in libro psalmorum: Fiat commemoratio eorū deserta,
 & non sit qui inhabitet in ea. Et Episcopatū eius acci-
 pias alter. Oportet ergo ex his viris qui nobiscū sunt
 congregati, in omni tempore quo intrauit & exi-
 uit inter nos Dominus Iesus, incipiens à baptisma-
 te Ioannis vsq; in diem, qua assumptus est à nobis, re-
 stem resurrectionis eius nobiscū fieri vnum ex istis.
 Quem locum Chrysostomus exponens, ait de Petro:
 Quam est seruidus? Quam agnoscit creditū à Chri-
 sto gregē? Quam in hoc choro princeps est? & vbiq;
 primus omnium incipit loqui. In die etiam Penteco-
 stes beatus Petrus de linguarū dono, & redemptionis
 mysterijs pro vniuersa ecclesia, tanquam Christi vi-
 carius, rationem coram Iudaorum populo reddidit,
 vs scriptura testatur, dū ait: Stans autem Pe-
 trus cum vndecim, leuauit vocem suam, & lo-
 cutus est eis: Viri Iudei, & qui habitatis Ierusa-
 lem vniuersi, hoc vobis notum sit, & auribus per-
 cipite verba mea. Non enim sicut vos aestimatis,
 Hebręi sunt, cū sit hora diei tertia: sed hoc est quod
 dictum est per prophetam Ioel: Et erit, in nouissimis
 diebus (dicit Dominus) effundam de spiritu meo,
 &c. Petrus quoque cum Ioanne ascendens in tem-
 plum presente Ioanne, sanauit claudum, de quo
 facto ait Chrysostomus: Vide autem quomodo & Io-
 annes vbique tacet, Petrus verò etiam pro illo ra-
 tionem reddit. Argentū, inquit, & aurū non est mihi,
 quod aut habeo hoc tibi do. In nomine Iesu Christi Na-
 zareni surge & ambula. Item in concilio Ieroso-
 limitano Petrus presuit, vt Lucas testatum reliquit.

Chrysost.

Act. ca. 20

Chrysost.
homil. 8.

Conue-

Conueneruntq³, inquit, Apostoli & seniores videre de verbo hoc. Cum autem magna conquisitio fieret, surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit, per os meum audire gentes verbum euangelij, &c. Deniq³, beatum Petrum non solum in illis actibus scriptis, sed etiam in alijs multis non scriptis (quandoquidem non omnia apostolorum acta fuerunt literis mandata) pontificiam potestatem exercuisse non est dubitandum. verum per illa qua scripta sunt, triprimatus sufficienter astringitur.

Cap. 114.

Catholicæ ecclesiæ primatus à Christo fuit constitutus, vt perpetua successione maneret.

Calu. ca. 8.
par. 53.

Sed Caluinus sacra scriptura auctoritate, & pris-
corum doctorum testimonijs conuictus, beatum
Petrum fuisse apostolorum principem concedit.
Ceterum suum errorem non correxit, sed dimidia ex
parte cum catholica ecclesiæ fide conciliare studuit,
dum ait: Verum vt de Petro illis concedam quod pe-
tunt, fuisse scilicet apostolorum principem, non est ta-
men causa, cur ex singulari exemplo vniuersalem fa-
ciant regulam. Quibus certè verbis ille Petrum in
catholica ecclesia fuisse monarcham, quo decedente
nullum Episcopum loco eius in primatus dignitate suc-
cessisse, & per consequens catholicæ ecclesiæ regimen
uariatum, nempe monarchiam in aristocratiam fu-
isse mutatam, aperte satis significat. Quæ profectò
sententia cum schismata & hæreses parit ac nutrit,
tūc

tum etiam cum Dei verbo manifestè pugnat. Siquidem catholica ecclesia vnitatem & sinceram fidem, non aliter contineri posse, quàm si vnum in terris sit supremum caput, cui membra omnia pareant, Dei verbum expressè exponit, & sacri doctores pari consensu profitentur. Nam et si dominus noster Iesus Christus soli Petro dixit: *Pasce oves meas*, tamen illis verbis non tantum Petro, sed illius successoribus pontificium tradidit: quandoquidem pastoris officium Petro iniunctum, non priuatum, sed publicum est munus, vt diuina scriptura testatur, dicens: Et ipse de-
 dit quosdam quidem apostolos, quosdam autem prophetas, alios verò euangelistas, alios autem pastores & doctores, ad consummationem sanctorum in opus ministerij. De quibus muneribus Calvinus ait: *Habemus quæ in ecclesia regimine temporaria ministeria fuerint, scilicet apostolos, prophetas, euangelistas, & quæ ideo instituta, vt perpetuò durent, scilicet pastores & doctores.* Quibus certè verbis significatur, quòd cum pascendi officium à Christo iniunctum beato Petro, publicum & ordinarium sit, non fuerit singulare exemplum Petri supereminentia, nec Petri primatum per illius mortem euanuerit. Christus enim illis verbis, *Pasce oves meas*, non priuatum, sed publicum munus in ecclesia constituit. Quod si illud munus Petro iniunctum fuisset priuatum decedente Petro in catholica ecclesia, nullus fuisset legitimus pastor ouium Christi, quam sententiam beatus Augustinus exponit, dicens: Nam si in Petro non esset ecclesia sacramentum, non ei diceret Dominus, tibi da-

Ad Ephes.
cap. 4.

Calu. ca. 8.
par 2. 19.

Aug. sup.
Ioã. tract.
50. & 1. 24.

*ta sit ecclesia: qui sensus etiam cantatur ore multo-
 rum in versibus beatissimi Ambrosij, vbi de gallo gal-
 linacio ait: Hoc ipsa petra ecclesia canēte, culpā dilu-
 it. Sed scio me postea sapissimè sic exposuisse, quod à do-
 mino dictū est: Tu es Petrus, & super hanc petram æ-
 dificabo ecclesiam meam, vt super hanc intelligere-
 tur, quem confessus est Petrus, dicens: Tu es Christus
 filij Dei viui: ac si Petrus ab hac Petra appellatus per-
 sonam ecclesia figuraret, quæ super hanc petram æ-
 dificatur, & accepit claues regni calorum. Non e-
 nim dictum est illi, tu es petra, sed tu es Petrus: petra
 autem erat Christus, quem confessus Simon, sicut
 eum tota ecclesia confitetur, dictus est Petrus. Harum
 autem duarum sententiarum, quæ sit probabilior, e-
 ligat lector. Quod si dicat aliquis, apostolos & pro-
 phetas secundaria esse ecclesia fundamenta, nibilo-
 minus beatus Petrus inter apostolos primas funda-
 menti tenet partes, quam sententiam Christus aper-
 tē satis exposuit, dū soli Simoni audientibus ceteris
 apostolis, atq; illis prateritis, dixit, tu es Petrus. & su-
 per hanc petram ædificabo ecclesiam meam. Quis
 enim tam stupidus est, vt existimet Christi verba es-
 se vana? Quod si illa vera sunt, profectò speciale mu-
 nus Petro præ ceteris iniungit, nempe quod catholica
 ecclesia sit fundamentum, supra quod Christus ædi-
 ficauit suam ecclesiam.*

*Christus Petrum apostolorum princi-
 pem, & Episcoporum episcopum con-
 stituit.*

Dominus

Dominus noster Iesus Christus post se Petrum non modo catholica ecclesia fundamentum, sed etiam caput, id est, principem constituit. Quemadmodum enim in rebus, esse, & operari differunt, & istud est posterius illo, sic esse fundamentum ad substantiam ecclesia pertinet, quod primò datum fuit Petro Christo dicente: tu es Petrus. Ad operari verò, id est ad ecclesia officium, pertinet illud, Et tibi dabo claves regni calorum. Quod munus Petro fuit datum post CHRITI resurrectionem Christo illi dicente: Pasce oves meas. Quibus certè verbis beatum Petrum à Christo fuisse constitutum summum pontificem, expresse significatur. Siquidem CHRIS- TVS à Petro maiorem dilectionem, quàm à ceteris Apostolis requirit, & ceterorum apostolorum, ac totius Ecclesia curam illi iniungit. Simon Ioannis dilige me, inquit plus his? Dicit ei, etiam Domine: tu scis quia amo te. Dicit ei, Pasce agnos meos. Dicit ei iterum. Simon Ioannis dilige me? Ait illi, etiam Domine, tu scis quia amo te. Dicit ei, Pasce agnos meos, Dicit ei tertio: Simon Ioannis, amas me? contristatus est Petrus, quia dixit ei tertio amas me? & dixit ei: Domine, tu omnia nosti: tu scis quia amo te. Dicit ei, Pasce oves meas: oves verò dixit, de quibus instante mortis tempore dixerat: Omnes vos scandalum patiemini in me, in ista nocte. Scriptum est enim, Percutiam pastorem, et dispergentur oves gregis. Si igitur Christus

Ioan. c. 21.

Clem p̄t.
epi. 1. ad la
co. et ep. 2.

Arno. sup.
psal. 1. 36.

Amb. ser-
mo. 11. de
mira.

Basil. de iu-
dicio dei.

Petropascendi apostolos officium iniungit. illum pro-
fecto monarcham catholica ecclesia constituit. Quā-
doquidem Petrus Episcoporum Episcopus, est à Chri-
sto creatus. Quam profecto sententiam pari con-
sensu catholici doctores affirmant. clemens enim ait:
Nec inter ipsos apostolos par institutio fuit, sed v-
nus omnibus præsuit. In alio etiam loco eandem con-
firmans sententiam, inquit: Quoniam sicut à beato
Petro apostolo accepimus, omnium apostolorum pa-
tre, qui clauēs regni caelestis accepit. Arnobius quoq;
ait: Ecce apostolo pœnitenti succurritur, qui est E-
piscoporum episcopus, & maior gradus redditur plo-
ranti, quàm sublatuſ est deneganti. Quod vt doce-
am, illud ostendo, quod nullus apostolorum nomen pa-
storis accepit. Solus enim Dominus Iesus Christus di-
cebat: Ego sum Pastor bonus, & iterum: Me inquit,
sequuntur oues meae. Hoc ergo nomen sanctum, & ip-
sius nominis potestatem, post resurrectionem suam
Petropœnitenti concessit, et ter negatus, negatori suo
hanc quam solus habuit, tribuit potestatem, vt non
solum recuperasse quod amiserat, probaretur, verum
etiā & multò ampliùs pœnitēdo, quàm negando per-
diderat acquisisse. Eiusdē sententia est Ambros. dicēs:
Hanc igitur solam ecclesia nauem ascendit dominus,
in qua Petrus magister est cōstitutus, dicēte domino:
Super hanc petram aedificabo ecclesiā meā. Basiliius
etiam non dissimilis est opinionis, dicens: Ille autem
talī ac tantī iudiciū minister, ille tanta Dei irae in-
eum qui peccauit executor, beatus Petrus ille omni-
bus discipulis praelatus, & solus ampliùs; quàm aliū
testimo-

testimonium adeptus, ac beatus predicatus, cui clau-
 ues regni celorum concredita sunt. Cyrillus etiam
 exponens illum scriptura locum, scilicet: Dicit enim
 Simon Petrus, &c. Illam confirmat sententiam, cum
 ait: Per vnum qui praeerat omnes respondent. Et in-
 fra: Opus igitur erat diuinitus, comprobata prou-
 dentia soli responsionem committere illi, qui ordine
 maior erat. Præterea ait: Miranda est discipulorum
 modestia. Non enim ceteri, quia intellexerunt, id-
 circo tacent, sed quia maiori hoc committebant. Si-
 militer inquit: Cum apud Casaream Philippi à Chri-
 sto discipuli rogarentur, quem dicunt homines esse fi-
 lium hominis, aliorum falsis opinionibus, dictis, de
 sua interrogati per principem consortij sui non dubi-
 tasse illos exclamare, Tu es Christus filius dei viui. I-
 tem Chrysostomus exponens Ioannis verba, illam
 sententiam astringit dicens: Quid tandem alijs omis-
 sis his duntaxat Petrū affatur? Os erat apostolorum
 & princeps, propterea & Paulus eum præter alios vi-
 surus ascendit: simul ut ei ostenderet, iam sibi fiduci-
 am habendam, tanquam enim negationis obliuiscer-
 etur, fratrum curam ei committit, neq; negationis
 meminit, neq; exprobat, tantum dicit: si amas me,
 fratrum curam suscipias. Et infra: Nam cum magna
 Christus Petro communicasset, orbis terrarum cu-
 rā demandasset, ut beatum nimirum Petrum, vni-
 uersalis ecclesia, & per consequens apostolorum su-
 isse Episcopum, nemo nisi schismaticus & hæreticus
 negauit. Vnde ad Caluini calumnias quisquis in di-
 uinis literis mediocriter est versatus, - facili negotio

Cyril. sup.
 Ioan. li. 4.
 ca. 28. et li.
 9. ca. 25. et
 35.

Chrysost.

Calu. ca. 8.
para. 52.

respondebit, quandoquidem Euangelica historia Christum super Petrum adificasse ecclesiam, & illum constituisse apostolorum totius ecclesie pastorem, euidenter exponit, ex quo Caluini commentumprehenditur, dùm dixit: Percurre quicquid extat, nihil aliud reperies, quàm fuisse vnum ex numero duodecim parem reliquis socium, non Dominum. Verum quidem est, quòd Christus non constituit Petrum apostolorum Dominum, sed Episcopum. Nam sicut nec Imperator, nec quiuus alius magistratus, Reipublica est dominus, sed moderator, ita Petrus ceterique prapositi, non sunt domini ecclesie, sed dispensatores ministeriorum Dei. sed vt seditiosi in Republica quantum ad dominandi libidinem attinet, nullos legitimos magistratus nacti fuere: ita sectarij quantum ad innouandi fidem licentiam attinet, sui contemporaneos Episcopos tyrannos esse, vt beatum Petrum non fuisse monarcham euidenter asserunt. Aduersus Petri primatum Caluinus ait: Cùm ad pastores scribit, non mandat ex imperio quasi superior, cùm accusatur quod ad gentes ingressus fuerit, &c. Verum quidem est, Petrum in quibusdam actibus se non gessisse quasi superiorem, non quòd ille supremam dignitatem non obtinuisset, sed quo humilitatis exemplum ceteris praberet, vt quando apostoli miserunt Petrum & Ioannem. Beato quippe Petro maior cura fuit predicandi euangelij veritatem, quàm suum primatum demonstrandi. vtpote ille non nisi ad euangelizandam synceram fidem primatum accepit

Calu. ca. 8.
para. 52.

pit. Vnde beatus Petrus quando & ubi ad asserendam euangelij veritatem, primatus aut necessarius aut expediens fuit, illum constanter asseruit. Quando verò, & ubi primatus nihil commodauerit aut impedimento fuerit, suam dignitatem subtrahit. Vti fecit cum accusaretur, quod ad gentes ingressus fu-
 erit, non enim fuit vsus prelati auctoritate. Quia apud huiusmodi accusatores, ad asserendam euangelij veritatem, magis Petri humilitas, quam summi pontificatus auctoritas conducebat. Vt beatus Chrysostomus exponit, dicens: Post tanta gesta disceptabant hi qui ex circumcisione erant, non apostoli. Quid est disceptabant? Offendebantur inquit, non parum: & vide quid pratexant: non dicunt, Quare annunciaſti, sed quare simul edisti. Et infra: Vt etiam singulari dispensatione accidit illum reprehendi vt hi discant, non enim rem obiter Petrus narrauit. Vide autem quàm alienus sit à fastu & vana gloria. Incipiens enim Petrus, inquit, exposuit illis per ordinem dicens: Ego eram in ciuitate Ioppe orans, &c. At post pauca ait: Narrat ea quæ necessaria erant, alia verò obicit, immò per hæc & illa probat: & vide quomodo rationem reddit, & non vult doctoris auctoritate vti: sciebat enim quod quò modestiùs loqueretur, hoc magis eis prodesset.

Act. apost.
 Chryf. ho-
 milia 24.

Paulus non vt prælatus, sed vt frater Petrum correxit.

Cap 113.

Verum tanta est sectariorum morositas, ut illis pontificum nec modestia, nec fastus satisfaciat. Siquidem illi vtrorumvis illorum prae-

Calu. ca. 8.
para. 52.

textu, à pontificatus fastigio beatum Petrum, nedum illius successores deturbare satagunt. Calvinus enim Petri humilitatis praetextu illum non obtinuisse inter apostolos primatum affirmat, dum ait: Quod si nihil istorum extaret, vna tamen epistola ad Galatas omnem dubitationem nobis eximere posset, &c.

Cypria. ad
Quirin.

Quàm friuola & ludicra sit Caluini argutiuncula, ex eo colligitur, quod non solum praelato, sed etiam cuicunque datum est mandatum de fraterna correctione. Vnde in hunc modum inferior suum superiorem sanctè corrigere potest. Huiusmodi certè fuisse Paulum, in corrigendo beato Petro, Cyprianus testatur dicens: Nam nec Petrus, quem primum dominus elegit, & super quem adificauit ecclesiam suā, cum Paulus de circumcisione postmodum disceptaret, se vindicauit, seu aliquid insolenter aut arroganter assumpsit ut diceret se primatum tenere, & obtemperari à nouellis, & posteris sibi potius oportere.

August. epist. 19.

Eiusdem sententiae est Augustinus, dum inquit: Ipse verò Petrus, quod à paulo fiebat vtiliter libertate charitatis, sancta ac benigna pietate humilitatis accepit: atque ita rariùs & sanctiùs exemplum posteris praeiungit, quo non dedignarentur, sicubi forte recti tramitem reliquissent, etiam à posterioribus corrigi quàm Paulus, quo confidenter auderent, etiam minores maioribus pro defendenda euangelica veritate, salua fraterna charitate resistere. Nam, cum sanctiùs

rius multò sit à tenendo itinere, in nullo quàm in aliquo declinare, multò tamen est mirabilius & laudabilius libenter accipere corrigentem, quàm aucter corrigere deuiantem. Est laus itaq; iusta liberatis in paulo, & sancta humilitatis in petro. Illis quidem verbis minores maioribus pro defendenda euangelij veritate, salua fraterna charitate resistere, Paulum correxisse Petrum, non quod ille fuisset maior Petro, sed quo defenderet euangelij veritatem significatur. Paulus siquidem etsi dignitate pontificia fuit minor petro, tamen ad defendendam euangelij veritatem, parem cum petro habuit auctoritatem.

Quod si paulus pontificia dignitate non fuisset minor, Augustinus non dixisset minores maioribus auderent resistere, pro tuenda veritate, nec petri humilitas tanquam rara commendaretur, nec Petrus imitandus illius successoribus proponeretur. Paulus igitur non clauium potestate, sed charitatis praecepto, ne pe si peccauerit in te frater tuus corripe eum, Petrum correxit. Vnde illa Pauli ad Galatas epistola tantum abest, vt petri primatui reclamet, vt potiùs illi astruat. Quandoquidem Petrus non quo à paulo fraterne corrigitur, ed in catholica ecclesia non est primas: Verum enimvero illa epistola Petrum esse maiorem paulo non obscure exponit, cum de paulo ait: Deinde post annos tres veni Ierusalem videre Petrum, & mansi apud eum diebus quindecim. Paulus quippe quo ascendit Ierusalem videre Petrum, ed Petrum fuisse maiorem paulo. Theophylactus cū Chrysostomo sapientissime collegit, dicens: Et hoc insignis humilitatis

Ad Ga. c. i.

Chryso. & Theoph.

animi signum, si qui tanta transegerat, ad Petrum abiit, non utilitatis gratia, sed solo visendi studio, honorans eum ceu maiorem se. Propterea neque dixit idēv, id est, ut cernerem Petrum, sed ἵνα ᾶσκα, id est, ut viderem, & cum obseruatione intuerer: quod magnas & praeclaras vrbes addiscentes dicunt, perinde ac nos abimus ad sanctos viros: sed nos potius utilitatis causa, ille verò solius honoris gratia, tandem Calvinus ad Petri primatum deturbandum ait: Petrum quoque ipsum nihil tale postulasse, sed dedisse sibi dexteram societatis. Huiusmodi sanè & similes argutiuncula non contra Petri primatum, sed contra primatus executionem militant. Quandoquidem sectarij Petrum inter collegas nunquam primatus auctoritatem exercuisse comminiscuntur. Quibus scriptura aperte satis respondit dicens: Et erit sicut populus sic sacerdos. Apostolorum quidem collegium coetuum obsequentissimus, moderatissimusq; fuit. Quare beatus Petrus inter apostolos, primatus auctoritate rarò vsus fuit, tamen secundum rerum exigentiam, quando & ubi opus fuit, tum inter apostolos, tum inter ceteros non dissimulauit, ut videre licet in euangelica historia. Post Christi enim ad calos ascensionem, in electione Matthiae, Petrus summum pontificem egit, quod scriptura testatur, dicens: In diebus illis exurgens Petrus in medio fratrū dixit (erat autem turba hominū simul, ferè centum viginti) viri fratres, Oportet impleri scripturam, quam prae dixit spiritus sanctus per os Dauid de Iuda. Et infra: Scriptum est enim

Calu. ca. 8.
par. 32.

Osee 2.

Actor. c. 1.

in libro psalorum: Fiat commoratio eorū deserta,
& non sit qui inhabitet in ea. Et Episcopatū eius acci-
piat alter. Oportet ergo ex his viris qui nobiscū sunt
congregati, in omni tempore quo intrauit & exi-
uit inter nos Dominus Iesus, incipiens à baptisma-
te Ioannis vsq; in diem, qua assumptus est à nobis, te-
stem resurrectionis eius nobiscū fieri vnum ex istis.

Quem locum Chrysostomus exponens, ait de petro: Chrysost.

Quām est seruicus? Quām agnoscit creditū à Chri-
sto gregē? Quām in hoc choro princeps est? & vbiq;
primus omnium incipit loqui. In die etiam Penteco-
stes beatus Petrus de linguarū dono, & redemptionis

mysterijs pro vniuersa ecclesia, tanquam Christi vi- Act. ca. 2.
carius, rationem coram Iudeorum populo reddidit,

ut scriptura testatur, dū ait: Stans autem Pe-
trus cum vndecim, leuauit vocem suam, & lo-
cutus est eis: Viri iudei, & qui habitatis Ierusa-
lem vniuersi, hoc vobis notum sit, & auribus per-
cipite verba mea. Non enim sicut vos aestimatis,
hi ebrj sunt, cū sit hora diei tertia: sed hoc est quod
dictum est per prophetam ioel: Et erit, in nouissimis
diebus (dicit Dominus) effundam de spiritu meo,
&c. Petrus quoque cum Ioanne ascendens in tem-
plum presente Ioanne, sanauit claudum, de quo

facto ait Chrysostomus: Vide autem quomodo & Io Chrysost.
annes vbiq; tacet, Petrus verò etiam pro illo ra- homil. 8.

tionem reddit. Argentū, inquit, & aurū non est mihi,
quod aut habeo hoc tibi do. In nomine Iesu Christi Na-
zareni surge & ambula. Item in concilio Ieroso-
limitano Petrus presuit, ut Lucas testatum reliquit.

Conue-

Conueneruntq³, inquit, Apostoli & seniores videre de verbo hoc. Cùm autem magna conquisitio fieret, surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit, per os meum audire gentes verbum euangelij, &c. Deniq³, beatum Petrum non solum in illis actibus scriptis, sed etiam in alijs multis non scriptis (quandoquidem non omnia apostolorum acta fuerunt literis mandata) pontificiam potestatem exercuisse non est dubitandum. verùm per illa quæ scripta sunt, *tri primatus* sufficienter astringitur.

Catholicæ ecclesiæ primatus à Christo fuit constitutus, vt perpetua successione maneret.

Cap. 114.

Sed Calvinus sacra scriptura auctoritate, & priscorum doctorum testimonijs conuictus, beatum Petrum fuisse apostolorum principem concedit.

Calu. ca. 8.
par. 55.

Caterùm suum errorem non correxit, sed dimidia ex parte cum catholica ecclesia fide conciliare studuit, dùm ait: Verùm vt de Petro illis concedam quod petunt, fuisse scilicet apostolorum principem, non est tamen causa, cur ex singulari exemplo vniuersalem faciant regulam. Quibus certè verbis ille Petrum in catholica ecclesia fuisse monarcham, quod decedente nullum Episcopum loco eius in primatus dignitate successisse, & per consequens catholica ecclesia regimen variatum, nempe monarchiam in aristocratiam fuisse mutatam, apertè satis significat. Quæ profectò sententia cùm schismata & hereses parit ac nutrit.

tum

tum etiam cum Dei verbo manifestè pugnat. Siquidem catholica ecclesia vnitatem & sinceram fidem, non aliter contineri posse, quàm si vnum in terris sit supremum caput, cui membra omnia pareant, Dei verbum expressè exponit, & sacri doctores pari consensu profitentur. Nam et si dominus noster Iesus Christus soli Petro dixit: *Pasce oves meas*, tamen illis verbis non tantum Petro, sed illius successoribus pontificium tradidit: quandoquidem pastoris officium Petro iniunctum, non priuatum, sed publicum est munus, vt diuina scriptura testatur, dicens: Et ipse de-
 Ad Ephes. cap. 4.
 dit quosdam quidem apostolos, quosdam autem prophetas, alios verò euangelistas, alios autem pastores & doctores, ad consummationem sanctorum in opus ministerij. De quibus muneribus Calvinus ait: Habe-
 Calu. ca. 8. par 2. 19.
 mus quæ in ecclesie regimine temporaria ministeria fuerint, scilicet apostolos, prophetas, euangelistas, & quæ ideo instituta, vt perpetuò durent, scilicet pastores & doctores. Quibus certè verbis significatur, quòd cum pascendi officium à Christo iniunctum beato Petro, publicum & ordinarium sit, non fuerit singulare exemplum Petri supereminentia, nec Petri primatum per illius mortem euanuerit. Christus enim illis verbis, *Pasce oves meas*, non priuatum, sed publicum munus in ecclesia constituit. Quod si illud munus Petro iniunctum fuisset priuatum decedente Petro in catholica ecclesia, nullus fuisset legitimus pa-
 Aug. sup. Ioa. tract. 50. & 1. 24.
 stor ouium Christi, quam sententiam beatus Augustinus exponit, dicens: Nam si in Petro non esset eccle-
 sia sacramentum, non ei diceret Dominus, tibi da-

hoc clauēs regni calorum: quacūq; solueris in terra, soluta erunt in calo: & quacūq; ligaueris in terra, ligata erunt & in calo. Si hoc Petro tantum dictum est, non facit hoc ecclesia. Eandem sententiā infra eō firmans ait: Hoc agit, Ecclesia spe beata in hac vita arumosa. Cuius ecclesie Petrus apostolus propter apostolatus sui primatum gerebat figurata generalitate personam. Quod enim ad ipsum proprie pertinet, natura vnus homo erat, gratia vnus christianus, abundantiore gratia vnus idemq; primus apostolus: sed quando ei dictum est, Tibi dabo clauēs regni calorum, & quodcūque ligaueris super terram, erit ligatum & in calis: & quodcūque solueris super terram, erit solutum & in calis: vniuersam significabat ecclesiam. Et post pauca ait: Ecclesia ergo qua fundatur in Christo, clauēs ab eo regni calorum accepit in Petro, id est, potestatem ligandi, soluendiq; peccata: quod enim est per proprietatem in Christo ecclesia, hoc est, per significationem Petrus in petra, qua significatione intelligitur Christus petra, Petrus ecclesia: tantum ille. Esi apostolatus, prophetia, et euangelista munera ad ecclesiam utilitatem fuerunt data, tamen accipientes illa munera non representabant ecclesiam, quoniam illa munera tantum illis, quos deus speciali modo vocauit, data fuerunt. Atque huiusmodi sunt omnia munera extraordinaria: at pastoris & doctoris munus, non solum ad ecclesie utilitatem datum fuit, sed etiam Petrus, qui primus illud munus accepit, catholicam ecclesiam representauit.

uit. siquidem Petrus huiusmodi munus non tantum pro se, sed etiam pro ministris canonicè electis in catholica ecclesia cōmunionē et fide succedentibus, accepit. Vnde sicut Moyse in prophetia dono non habuit successionem continuā, ita Christi apostoli & euangelista in huiusmodi muneribus non habuerunt successores, siquidē illa munera data fuerunt ecclesiae tantū, pro illis qui speciali modo à Deo fuerunt vocati. Aaron autem in summi pontificatus munere habuit successores, quandoquidem pontificatus munus datum fuit synagoga, non tantum pro Aaron, qui à Deo fuit speciali modo vocatus, sed etiam pro filiis eius: ita Christi apostoli in pastorum & doctorum munere habent successores, siquidem pastorum & doctorum munera data sunt ecclesiae, non modo pro illis quos Christus speciali modo elegit, sed etiam pro ministris canonicè electis. Hinc est quod ut synagoga non prophetas, sed sacerdotes semper habuit, sic Christi ecclesia non apostolos, prophetas & euangelistas, sed pastores & doctores perpetuū habet. Apostolorum igitur successores, non in apostolarum, prophetarum & euangelistarum muneribus, sed in pastorum & doctorum officio apostolis successerunt. Quandoquidem omnes apostoli etiam pastores & doctores fuerunt. Veruntamen inter Petri & ceterorum apostolorum successores tantum interest, quantum inter Petrum et ceteros apostolos. Quare sicut Petrus fuit apostolorum princeps: ita papa Petri successor omnium Episcoporum est summus pontifex. Petrus enim aliorum apostolorum, et per consequens

- Catholi-

Catholica ecclesia ordinarius Episcopus fuit : et Christus catholica ecclesia episcopatum tradidit Petro, non tantum pro illo, sed etiam pro catholica ecclesia: pro catholica ecclesia, inquam, non pro singulis fidelibus, sed tantum pro canonicè electis in Petri successores. Igitur cum Petri successor, non solum succedat Petro in Episcopatu, sed etiam in episcopatus primatu, in quo Petrus ceteris apostolis fuit praelatus, Petri successor sit apostolicus, id est catholica ecclesia pontifex oportet. Christus quidem duodecim apostolos, & septuaginta duos discipulos elegit ad predicandum euangelium, vnum verò illorum constituit apostolorum & discipulorum principem. Pastores certe & doctores multos esse in ecclesia, quandoquidem fidelium populus est multus, & inter prepositos esse vnum principem, ad ecclesia vnitatem retinendam, est necessarium. Quod si Calvinus petrum inter apostolos fuisse principem non negat, etiam inter apostolorum successores Petri successorem primatum obtinere concedat est necessarium. Quoniam apostolorum successores ad retinendam ecclesia vnitatem, magis quam apostoli indigent monarchia. Quod si inter apostolos non solum hierarchia, sed etiam monarchia fuit, multo profecto magis inter illorum successores est monarchia, & per consequens beati Petri successorem in catholica ecclesia, ad retinendam fidei sinceritatem, & ecclesia vnitatem, primatum obtinere est necessarium. Vnde ut Dei ordinatio stabilis perseveret, non sufficit singulas ecclesias habere suos Episcopos, sed etiam requiritur quod omnium
episco-

Episcoporum sit vnus visibilis & supremus episcopus, quam sententiam beatus Augustinus sapientissimè August. de
exponit, dicens: Hic inuenio omnes pastores bonos in pas. ca. 13.
vno pastore, non enim verè pastores boni desunt, sed
in vno sunt, multi sunt qui diuisi sunt. Hic vnus præ-
dicatur, qui vnitatis commendatur, neque enim verè,
modo ideo tacentur pastores, & dicitur pastor, quia
non inuenit dominus cui commendet oues suas: tunc
autem idèd commendauit, quia Petrum inuenit.
Immo verò & in ipso Petro vnitatem commenda-
uit. Multi erant apostoli, & vni dicitur, Pascere o-
ues meas.

Ecclesiæ vnus Episcopatus, vnum vi- Cap. 115.
sibilem Episcopum requirit.

EX quo Caluini error deprehenditur, dùm ait: Cal. cap 8.
Quid inde aliud euidenter, quàm singulis ec- para. 53.
clesijs debere suos Episcopos attribui. Et infra:
Habet enim ecclesia Christum vnicum suum caput.
Et postea subdit: Vnitatem nominat, sed in Deo &
in Christi fide, hominibus nihil tribuit, nisi commu-
ni ministerio, &c. Siquidem Christus Petrum con-
stituens apostolorum principem, vnum Episcopum
Episcoporum constituit. Scriptura sanè vnum caput
& vnum Episcopum non modò in Christo, sed etiam
in Petro & illius successoribus nominauit. Christum
enim esse primum ecclesiæ caput nemo negat. Im-
mo omnes quidem hæretici, & schismatici, non mo-
dò Christum esse ecclesiæ caput sed etiam se, Christo
capiti compaginato esse, & catholica ecclesiæ com-

munionem & fidem obseruare pertinaciter asserunt, sed illos decipi in confesso est. Quoniam si ita fuisset, sicut comminiscuntur, illi nec haretici, nec schismatici fuissent, hareticos enim, et schismaticos, Christo capiti non esse cōpaginatos, nec catholica ecclesia communionem, nec fidem obseruare manifestū est. Schismatici verò illi sunt, quia Christi vicariū quem ad tenendā ecclesia vnitatem Christus constituit, non coluerunt. Sed Calvinus ad suum errorem aſtruendum, non solum diuinam scripturam, sed etiam patrum sententias deprauat, dicens: Hieronymus ad Nepotianum, Singuli, inquit, ecclesiarum Episcopi. Et infra: Cur non commemorat vno capite, tanquam vinculo omnes inter se ecclesias esse colligatas. Sed quā impudenter et euidenter Calvinus mentiatur, Hieronymi monimenta pra se ferunt. Siquidem illa sententia: Singuli ecclesiarum Episcopi, &c. non est Hieronymi, nec ad Nepotianum, sed est Epiphaniū ad Ioannem Episcopum Ierosolymitanum, excusantis se, quod presbyterū ordinasset, in illius diœcesi, ipso incōfulto, ait enim: Nam et si singuli ecclesiarū episcopi habent sub se ecclesias, quibus curā videntur impendere: et nemo super alienā mensurā extenditur, tamē praeponitur omnibus charitas Christi, &c. Illic enim Epiphanius ad se excusandū, nō primatus, sed charitatis meminit. Sed beatus Hieronymus, quē Calvinus mendaciter in testem adduxit, ad cauēda in ecclesia schismata, in vno capite, omnes inter se ecclesias esse colligatas, scilicet in Petro, et in summo pontifice, Petri successore cōmemorat. Atq; hoc nō quod B. Hieronymus Christiū

Calu ca. 8.
para. 56.

Hierony.
3. tom.

Christū pratermittat, sed quod nemo Christo ecclesiæ Hier. aduc.
capiti cōpaginatur, nisi prius eius vicariū, nempe Pa louian.
pā obseruauerit, ait enim: Propterea inter duodecim
vnus eligitur, vt capite constituto, schismatis tollatur Aduer. Lu
ocasio. In alio etiā loco eandem confirmans sententi ciferum.
am inquit: Ecclesiæ salus, in summi sacerdotis dignita
te pender: cui si non exors quædā, et ab omnibus emi
nens detur potestas, tot in ecclesijs efficientur schisma Calu. ca. 8.
ta quot sacerdotes. Calvinus ad suū astruendum erro par. 55.
rē etiā Cypriani sententiā, aliō quā ille intēdit, de
torquet dicens: Cyprianus de simplicitate pralatorū
episcopatus vnus est. Et infrā ait: Vides vt Christi vni
us episcopatū vniuersalem faciat, qui totam sub se ec
clesiam capiat, illius partes insolidū ab omnibus tene
ri dicat, qui sub hoc capite episcopatu funguntur: vbi
primatus sedis Romanæ, si penes Christum solū inti
ger residet, episcopatus à singulis pars eius: insolidū te
netur? Verūm quā perperā Calvinus Cypriani sen
tentiā interpretetur, Cyprianus ipse exponit, quādo
quidē ille ad cauenda schismata et hæreses, Petri pri
matū colendum & obseruandū docet, non quod Chri
stū naturale & primariū ecclesiæ caput obseruandū
Cyprianus non doceat, sed quod nemo catholicæ eccle Cypria. de
siæ cōmunionē potest colere, nisi Petri successori Chri simp. pral.
sti vicario, tanquam monarchæ obtemperet. Cypria
nus quidem schismatum & hæresum origines & cau
sas exponēs, ait: Cauenda sunt aut, nō solum quæ sunt
apertē manifesta, sed et astuta fraudis subtilitate sal
lentia. Quid verò astutius, quidue subtilius, quā
vt Christi aduentu detectus, ac prostratus inimicus

videns idola derelicta, & per nimium credentium populum sedes suas ac templa deserta, excogitauerit nouam fraudem, vt sub ipso christiani nominis titulo fallat incautos, hareses inuenit & schismata, quibus subuerteret fidem, veritatem corrumpere, scinderet vnitatem, quos detinere non potest in via veteris cecitate, circumscribit & decipit noui itineris errore. Et infra ait: Hoc eò fit fratres dilectissimi, dùm ad veritatis originem non reditur, nec caput queritur, nec magistri celestis doctrina seruatur, quæ si quis consideret & examinet, tractatu longo atq; argumentis opus non est, probatio est ad fidem facilis compendio veritatis. Loquitur dominus ad Petrum: Ego tibi dico, inquit, quia tu es Petrus, &c. Ad tollenda igitur schismata, & extirpandas hareses caput quod tenendum est secundum Cypriani sententiam Petri primatus est. Si enim Cypriani seculo Petri primatus in catholica ecclesia non obtinuisset, Cyprianus ad ecclesiam vnitatem retinendam non dixisset: Loquitur dominus ad Petrum: Ego dico tibi quia tu es Petrus, &c. Sed potius dixisset Paulus, loquitur ad Corinthios dicēs: Fundamentum enim aliud nemo potest ponere, præter id quod positum est, quod est Christus Iesus. Sed nullo habito sermone de Christo, Christi verba Petri primatum significantia, retulit atq; subdidit. Tamen vt vnitatem manifestaret, vnitatis eiusdem originem ab vno incipientem, sua auctoritate disposuit. Hoc erant vtique & ceteri apostoli, quod fuit Petrus pari consortio præditi, & honoris & potestatis, sed exordium ab vnitatem proficiscitur, vt ecclesia vna mōstretur

1. Ad Cor.
cap. 3.

stretur. Calvine erige aures. siquidem Cyprianus vnitatem ecclesia nominat in Petro. In Petro, inquam, non quod excludat Christum, sed quod nemo vnitatem in Deo potest retinere, nisi cum Petro teneat vnitatem. Cum Petro nimirum tenenda est vnitatem, id est cum successoribus eius. Siquidem eodem pontificatus munere quo Petrus sanctus fuit, in catholica ecclesia funguntur & illi. Cyprianus enim fidei vnitatem in Christo, ex ecclesia vnitatem in Petro à posteriori demonstrans, illico ait: Hanc ecclesia vnitatem qui non tenet, tenere se fidem credit? Qui ecclesia renititur & resistit, in ecclesia se esse confidit? Ad tenendam enim ecclesia vnitatem in Christo opus esse tenere vnitatem cum Petri successore, etiam Cyprianus ibidem docet, dicens: Quam vnitatem firmiter & vendicare debemus, maxime Episcopi, qui in ecclesia praesidemus, & Episcopatum quoque ipsum vnum atque indiuisum probemus. Nemo fraternitatem mendaciosa fallat, nemo fidei veritatem perfida prauaricatione corrumpat. Episcopatus vnus est, cuius à singulis in solidum pars tenetur. Episcopatus sane vnus non potest esse, nisi inter Episcopos, vnus sit omnium summus. Vt Cyprianus exposuit, dicens: Tamen vt vnitatem manifestaret, vnitatis eiusdem originem ab vno incipientem sua auctoritate disposuit. Eandem sententiam in alio loco confirmat, dicens: Post ista adhuc insuper pseudoepiscopo sibi ab haeticis constituto nauigare audent, & Petri Cathedrali atque ecclesiam principalem vnde vnitatem sacerdotalis ex orta est, à schismaticis & profanis literas ferre, nec

Cypria de
simp. p. 1.

Cypri. li. 1.
epist. 5.

cogitare eos esse Romanos, quorū fides, apostolo praedicante, laudata est, ad quos perfidia nō potest habere accessum. Vnus certē Episcopatus, vnū visibilem Episcopum requirit, sicut enim non quod Deus vnus Rex regum, & Dominus dominantium, eo in vniuerso orbe, nedum in christiano est vnum regnum. siue vna Respublica: ita non quo Deus est vnicum ecclesia caput, eò in ecclesia est vnus episcopatus. Beatus certē Cyprrianus ad schismata et haereses cauenda, Petrum inter apostolos tenuisse primatum & ecclesiae vnitatē, non solum in Christo, sed etiam in Petro nominauit. Quam diuinam constitutionem, cū illa ad ordinatum catholicae ecclesiae regimen spectet, perpetuò durare est necessarium.

Caput 116.

Romanus pontifex diuina ordinatione ecclesiae primatum obtinet.

Caluinus verò non solum Petri primatum modo negauit, modo concessit, sed etiam ecclesiae primatum penes Petri successores esse modo ait, modo negat. Siquidem ecclesiae primatum ita fuisse in Petro constitutum, vt perpetua successione maneret, asserit. Romanum verò Episcopum Petri successorem, & summum pontificem esse negat, dū ait: Iam vt alterum illis largiar, quod nunquam apud sanos homines obtinebunt, sic constitutum in Petro ecclesiae primatum, vt perpetua successione semper maneret, vnde tamen euincunt, sedem Romae ita collocatam, &c. Homines profectò apud quos Papa primatum nunquam obtinuit,

obtinuit, quos Calvinus sanos homines nisi fallor appellat, schismatici & heretici sunt: contra verò beatum Ambrosium, Hieronymum & ceteros catholicos patres primatum profitentes, insanos appellat. Verum Calvinus de hoc articulo sibi non constat, quoniā qui asserit ecclesiae primatum fuisse constitutum in Petro, ut perpetua successione maneret, etiā Romanum episcopum esse, summum pontificem cōcedat est necesse. Siquidē Romanus pōtifex Petri est legitimus successor. Nā quēadmodū Deus synagoga primatum constituit in Aaron, ut perpetua filiorū successione permaneret, quā quidem filiorū successio corporali generatione propagatur: ita Christus ecclesiae primatum cōstituit in Petro, ut perpetua Romanorum episcoporum successione duraret. Quae inquam Episcoporum successio, ecclesiastica vocatione, seu electione propagatur. Christus enim ecclesiae primatum constituens in Petro, ut perpetua successione semper maneret, consequenter ecclesia tradidit potestatem eligendi Petri successorem, id est, summum pontificem. Quae potestas si ecclesiae collata non fuisset, ecclesia primatum decedente Petro euauuisset: quandoquidem Dei verbum nullum hominem praeter Petrum fuisse in ecclesia summum pontificem exponit. Ecclesiastica quidem munera constituta ut perpetuū durent, Christus in ecclesia primordiis per se ipsum quibusdam hominibus specialiter contulit, ut euangelica historia testatur de electione duodecim apostolorum, & septuaginta duorum discipulorum. Sed post Christi ad calos ascensionem, nullus praeter Paulum fuit specialiter vocatus. Ex

quos factum fuit, vt Petrus cum ceteris Christi discipulis loco Iudæ elegerit Matthiam, similiter ad ecclesiasticam retinendam disciplinam, in singulis ciuitatibus Episcopi fuerunt constituti ab apostolis. Vti à beato Petro Ierofolymis Iacobus fuit ordinatus Episcopus, de cuius ordinatione beatus Chrysostomus ait:

Chryf. ho-
mi. 87. sup.
Ioan.

Quod si quis percontaretur, quomodo Iacobus sedem Hierofolymis acceperit: responderem hunc totius orbis magistrum praposuisse. Ceteri etiam apostoli in ciuitatibus, in quibus predicauerunt, Episcopos constituerunt. Et non solum apostoli, sed etiam illorum discipuli similiter fecerunt, vt Paulus Tito faciendū praecepit, dicens: Huius rei gratia reliqui te Cretæ,

Ad Tit. c. 1.

vt ea quæ desunt corrigas, & constituas per ciuitatem presbyteros, sicut & ego disposui tibi. Verum et si apostoli à Christo fuerunt constituti Episcopi, ceteri verò ab ecclesia sunt vocati, tamen munus ipsum episcopatus siue per Christum, siue per apostolos, siue per ecclesiam conferatur, non variatur, sed idem est. Sicut enim baptismus ministrorum varietate nō variatur, sed semper est idem. Quandoquidem Deus baptismum instituens per quosus ministros obseruantes euangelicum ritum baptizat, ita Deus Episcoporum munus instituens, Episcopos quos catholica ecclesia, siue eius ministri eligunt, constituit, testan-

Ad Ephes.
cap. 4.

te scriptura, dūm ait: Et ipse dedit quosdam quidem apostolos, quosdam autem prophetas, alios verò Euangelistas, alios autem pastores & doctores. Et si Episcopatus muneris est, praeesse particulari ecclesiae: & apostolatus officij est, prædicare in vniuerso orbe: ta-

men quidam Christi apostoli speciales ecclesias quibus præessent elegerunt, vt beatus Ioannes Ephesum, & beatus Petrus Romã. Hinc est, quod etsi Petrus per diuersa loca Episcopos ordinauit, tamen illo decedente, nullus Episcopus à catholica ecclesia est habitus pro Petri successore, nisi Romanus. Siquidem non illi, sed iste in episcopatu Romano successit Petro. Ex quo factum est, quod ecclesia Romana collocata seu constituta fuerit caput ceterarum ecclesiarum: cuius primatus causam rogat Calvinus, dicens: Vnde eum Calu. ca. 8.
cent sedem Romæ ita collocatam, &c. In promptu par. 54.
est ratio, nempe apostolica traditione Romana ecclesia obtinet primatum, apostolica, inquam, traditione non quod excludatur diuina constitutio. Nam sicut apostolorum prædicatio non minùs quàm euangelistarum scriptura facta fuit Deo reuelante: ita Episcoporum, Presbyterorum, Diaconorum, & ceterorum ecclesiasticorum ministrorum constitutio siue ordinatio facta apostolis, nō minùs est diuina constitutio, quàm si à Christo fuissent illi ordinati. Quā sententiam beatus Cyprianus mirificè exponit, dicens: ipse summus sacerdos suū est sacramenti institutor & auctor, in ceteris homines spiritum sanctum habuere doctorem, & sicut par est spiritui sancto & Christo diuinitas, ita in suis institutis aqua est auctoritas & potestas, nec minus ratum est, quod dictante spiritui sancto apostoli tradiderunt, quàm quod ipse tradidit, & in sui commemorationem fieri precepit. Distributionem etiam Episcopatum, Deo inspirante fuisse factam, nō est dubium. Siquidem iuxta

Cyp. ser.
de ablu-
tio. ped.

Christi promissionem Spiritus sanctus docuit apostolos ecclesiasticam administrationem. Vnde beatum Petrum Romanam ecclesiam constituisse, & illic suam sedem posuisse, non humanum, sed diuinum consilium fuit. Siquidem ad retinendam in fidei sinceritate ecclesie communionem, nullibi ecclesie primatus magis commode institui potuisset, quàm Romæ, quæ orbis erat caput. Quare euangelica prædicatio, fides, & cætera Dei dona nullibi magis emicuerunt, quàm Romæ. Illic enim adimpletum est illud Pauli: Vbi autem abundauit delictum, superabundauit gratia. Petrus igitur diuino afflatus spiritu Romæ sedem sui episcopatus posuit. Vnde apostolica constitutione atque traditione factum est, quod in ecclesia Romana sit ecclesie primatus.

Ad Rom.
cap. 5.

Romanus pontifex Petri ordinatione in ecclesie primatu successit.

Cap. 117.

Calu. ca. 8.
para. 54.

VERùm Calvinus hæretica licentia, apostolicam traditionem contemnit, dicens: Nonne sunt ineptiæ istæ magis quàm pueriles? Christus honorem primatus contulit Petro, Petrus Romæ sedit, ergo illic collocauit sedem primatus, &c. Sed miserè ille decipitur: nam catholice ecclesie primatus nõ est constitutus in Romana vrbe, sed in Romanæ vrbis episcopatu constituto à Petro. Vnde si Romanus Episcopus vrgete legitima causa, qualis esset vrbis excidium (quod Deus auertit) mutauerat sedem, tunc iam non Romæ, sed vbi Petri successoris sedes fuerit, il

lio

lic erit ecclesia primatus. Sed cum intā magna rerū mutatione, quanta à Petri martyri vsq; ad præsentē diem successit Petri successor, sede nunquā mutauerit, illā semper mansurā Roma non est dubitandū. Quandoquidē non Romanā urbem Petri sedē, sed potius Petri sedem urbē Romanā ab excidio seruasse existimandū est. Si enim Petrus nullam particulare ecclesiā elegisset, nullus Episcopus determinatē fuisset Petri successor, sed quia Romanam ecclesiā administrauit, Romani Episcopi sint Petri successores oportet. Beatum nimirum Petrum fuisse Romæ Episcopum, non minùs euidentē est, immò multò magis quàm Iulium Cæsarem fuisse Romanorum imperatorem. Clementem etiā Romanum pontificem cum cæteris Romanis Episcopis in ecclesiæ primatu fuisse Petri successorem, tam compertum est, quàm Octavianum Augustum cum cæteris Romanis imperatoribus fuisse Iulij Cæsaris successorem. Quandoquidem ecclesiastica hystoria non minus fide dignum testimonium perhibet de Petri Romano Episcopatu, & de eius successoribus, quàm humana hystoria de Iulij Cæsaris Romano Imperio, & de illius successoribus. Quod si qui humane hystoriæ de Romanorum Imperatorum principio, progressu, & successione fidem non habet, non humanus, sed ferus homo existimatur, multò profectò magis Calvinus cateriq; sectarij Petri et illius successorum primatum negātes, et ecclesiastica hystoriæ fidem nō habentes, et feri et etiā impij homines existimādi sunt. Ecclesiastica namq; hystoria apud pios viros magis autētica est, quam

uina scriptura aperte satis exponit, sed qui sint Petri
successores, quibus ad retinendam ecclesia & fidei v-
nitatem necesse est obedire, non diuina, sed humana
auctoritas docet, à qua de Petri successoribus, videli-
cet quis Petri indubitatus successor sit, petendum est
testimonium. Caluino igitur, cum ait: Vnde tamen
euiuent sedem Romæ ita collocatam, videlicet vt pe-
nes illam sit ecclesiæ primatus, ingenuè responden-
dum est, quod illud non diuina scriptura, sed aposto-
lica traditio exponit. Siquidem illud non ad ius, sed
ad factum pertinet. Ambrosium quidem fuisse Epis-
copum, hominum ministerio factum fuit, sed illum
habere potestatem, cui subditi obedire tenentur, non
ab electoribus, sed à Deo est constitutum, Romano s-
quidem pontifices obtinere ecclesiæ primatum à bea-
to Petro constituyente Romæ suam sedem ortum ha-
bet, sed primatus auctoritas non à Petro, sed à deo est.
Vnde sicut ad obtemperandum Episcopis, vltra diui-
nam legem, quæ præcipit obedire præpositis, de illor-
um ordinatione non scriptura, sed electorum testi-
monium requirendum est, ita ad obediendum Roma-
no pontifici, de illius successione in primatu, non di-
uina scriptura, sed ecclesiastica traditionis testimo-
nium requirendum est. Siquidem etsi diuina scriptu-
ra ecclesiæ primatum fuisse à Christo constitutum in
Petro, vt perpetua successione semper perseveraret, a-
perte satis exponit: tamen quis sit Petri successor non
diuina scriptura, sed Petri traditio & humana au-
thoritas exponit. Atque vt in civilibus magistratibus
eligente populo, aut quocunq; alio, cui de iure com-
petit

petit electio Deus approbat electionem, & magistratum potestas, non ab hominibus, sed à Deo est: sic Petri successore canonicè electo, illius potestas, non ab hominibus, sed à Deo est. Et hinc est quod ecclesiæ primatus, etsi per Petri sessionem constitutum fuerit in Romana ecclesia, tamen non à Petro, sed à Deo fuit constitutus. Nam Petrus à Christo ecclesiæ primatum accepit, Petri etiam successores à Christo electorum ministerio accipiunt eundem ecclesiæ primatum. Ex quibus manifestè colligitur, quātum ponderis habeant Caluini obiectiones, dū ait: Christus mortuus est Hierosolymis, & Moyses in deserto, tamen his locis non est collatus primatus, etc. Siquidem Christus non constituit Petrum suum successorem, sed vicarium, in cuius testimonium, etsi ante passionem Christus promiserat Petro se daturum clauēs regni calorum, tamen post resurrectionē pasce di oues officium illi iniunxit, dicens: pasce oues meas. Vnde Petrus non successit Christo. Moyses etiam, etsi ante mortem in deserto Iosua ducē populi constituit, tamen nō vt maneret in deserto, sed vt filios israel intramitteret in terram promissionis, vt diuina scriptura testatur, dicens: Et factū est post mortē Moysi, serui domini, vt loqueretur dominus ad Iosua filiū: Nūc ministrum Moysi, et diceret ei: Moyses seruus meus mortuus est, surge et transi Iordanem istum, tu et omnis populus tecum, in terram quam ego dabo filiis Israel. Petri quidem martyrium postquam ille viginti quinque annis federat Roma, testatur Petrum suam sedem non transtulisse ad aliam ciuitatem, ex quo
catholica

Calu. ca. 8.
par. 34.

Iosu. ca. 1.

catholica ecclesia Romanum Episcopum esse Petri successorem, atque apostolicum semper asseruit.

Prisci ecclesiæ pastores et doctores Romano pōtifici ecclesię primatū detulere. Cap. 118.

E*cclēstici quidem prisci patres ex Petri primatu, Romanę ecclesię primatum necessariū collegēre. Siquidem quo ad retinendam in fidei sinceritate catholica ecclesię communionem, & Christus Petrum ecclesię fundamentū, apostolorum principē, catholicaq; ecclesię pastorem constituit: & Petrus Romanam ecclesiā fundavit, & per seipsum illā administravit, eo omnes catholici doctores decedente Petro, Romanum pontificem in Petri primatu successisse concorditer intellexerunt, & docuerunt.*

Quoniam ad retinendam in fidei sinceritate ecclesię cōmunionem, munera à Christo cōstitutā, nempe quod sit Petrus ecclesię fundamentum, Apostolorum princeps, & catholica ecclesię pastor, Petro decedente sint penes illius successorem est necessarium.

Quandoquidem huiusmodi officia, etsi Petro fuerunt iniuncta, tamen non tantū pro eo, sed etiam pro illius successoribus, nec tantū pro apostolorum seculo, sed etiam ut perseverarent usque ad seculi consummationem fuerunt constituta, tanquam ordinaria munera, ad catholicā ecclesię publicam utilitatē ordinata. Catholica sanē ecclesię primatum esse penes Romanū pontificē, gesta catholica ecclesiā euidenter testantur. Quemadmodū enim apostolorum tempestate, orta circa legalium observationem in Antiochena ecclesiā seditione Paulus
cum

cum Barnaba, & quibusdam alijs ad Petrum, & cæteros apostolos & presbyteros, qui erant Hierosolymis, causam fidei detulit, ita à Petri & Pauli glorioso martyrio omnes catholici, maioris religionis causas ad Romanum pontificem retulerunt, utpote penes illum ad religionis dissidia componenda suprema est auctoritas. Quas profectò religionis maiores causas prisca illi patres temerè ad Romanum pontificem retulissent, nisi per fidem facti fuissent certiores, Romanum pontificem Petri successorem à Deo ecclesiæ primatum accepisse. Immo & sancti illi Romani pontifices, Christi q³ gloriosi martyres, illas fidei maiores causas temerè diffinissent, nisi ecclesiæ primatum sibi à Deo fuisse iniunctum certò credidissent. Cum igitur prisca catholici doctores, tum doctiores, tum sanctiores, maiores religionis causas ad Romanam sedem retulerint, tum etiam sanctissimi Romani pontifices huiusmodi causas diffinierint, quis nisi hæreticus & schismaticus ecclesiæ primatum esse penes Romanum pontificem non credit? Quis etiam sanctos pontifices ambitionis arguet nisi hæreticus? Catholici quidem doctores in religionis dogmatibus exponendis et proponendis, a^q in catholica ecclesiæ celenda pace, Romani pontificis censuram, primatum obtinere pari consensu profitentur. Irenæus quidem ait: Sed quoniam valde longum est, in hoc tali volumine omnium ecclesiarum enumerare successiones, maxime & antiquissimæ, & omnibus cognita à gloriosissimis duobus apostolu Petro & Paulo Romæ fundata & constituta ecclesiæ, eam quam habet ab apostolis traditio-

tem

Iren. lib. 3.
c. p. 3.

nem, & annuntiatam hominibus fidem, per successiones Episcoporum peruenientem vsq; ad nos, indicantes confundimus omnes eos, qui quoquo modo vel per sui placentiam malam, vel vanam gloriam, vel per cecitatem & malam sententiam praterquam oportet, colligunt. Ad hanc enim ecclesiam propter potentio- rem principalitatem necesse est omnem conuenire ecclesiam, hoc est, eos qui sunt vndiq; fideles, in qua semper ab his qui sunt vndiq; conseruata est ea qua est ab apostolis traditio. Fundantes igitur & instru- entes beati apostoli ecclesiam, Lino episcopatum administranda ecclesia tradiderunt, &c. Eiusdem sententia est Tertullianus dicens: Si autem Italia adijceris, habes Romanam (scilicet ecclesiam) vnde nobis quoq; auctoritas presto est statuta. Felix ecclesia, cui totam doctrinam apostoli cum sanguine suo profuderunt. vbi Petrus passioni dominica adequatur, vbi Paulus Ioannis exitu coronatur, vbi apostolus Ioannes postea quam in oleum igneum demersus, nihil passus est, in insulam relegatur, &c. Beatus etiam Cyprianus ad Cornelium Romanum pontificem scribens, eandem sententiam sapientissimè exponit, dicens: At vbi nos in presenti venimus, comperto consilio nostro, ipsi quoq; id quod & ceteri obseruare ceperunt, vt in nulla ecclesiarum istic consistentium cōsensio discreparet. Quidam tamen mentes nonnunquam & animos sermonibus suis turbant, dūxi aliter quadam quā se habet veritas nunciant. Nos enim singulis nauigantibus, ne cum scandalo vllō nauigarent, rationem reddidisse nos scimus, & hortatos

Tertul. de
pres. heret.

Cyp. lib. 4.
epist. 8.

Hieron. ad
Damas.

esse, vt ecclesia catholica matricem & radicem ag-
noscerent ac tenerent. Beatus quoq; Hieronymus in
fidei controuersijs definiendis Romani Pontificis sen-
tentia deferendum mirifice exponit. Ille quippe Sy-
riam incolens Damasum Romanum Pontificem de
fidei regula consulens, ait: Ideò mihi Cathedram
Petri, & fidem apostolico ore laudatam censui con-
sulendam: inde nunc mea anima postulans ci-
bum, vnde olim Christi vestimenta suscepi. Ne-
que verò tanta vastitas elementi liquentis, & in-
teriacens longitudo terrarum me à praciòsa marga-
rita potuit inquisitione prohibere. Vbiq; fuerit cor-
pus, illuc cōgregantur aquila: profligato à sobole ma-
la patrimonio: apud vos solos incorrupta patrum ser-
uatur hereditas. Ibi cessite terra sæcundo, dominici
seminis puritatem centeno fructu refert. Hic obruta
sulcis frumenta, in lolium auenasq; degenerant. Nūc
in occidēte Soli iustitiæ oritur: in Oriente autem Luci-
fer ille quā ceciderat, supra sydera posuit thronum su-
um. Vos estis lux mundi, vos sal terra, vos aurea va-
sa & argentea: hīc testacea vasa vel lignea, virgam
ferream, & aternū operiuntur incendium. Quan-
quam igitur tui me terreat magnitudo, inuitat ta-
men humanitas. A sacerdote victimam salutis, à Pa-
store presidium ouis flagito. Faceffat inuidia. Roma-
ni culminis recedat ambitio, cum successore piscat-
oris, et discipulo crucis loquor: Ego nullum primum,
nisi Christum sequens, beatitudini tuæ, id est, Cathe-
dræ Petri comunione consocior, super illam petram
edificatā ecclesiam scio. Quicunq; extra hanc domū
agnum

agnum comederit, prophanus est. Si quis in arca Noë non fuerit, peribit regnante diluuiο. Et quia pro meis facinoribus ad eam solitudinem cōmigravi, quæ Syriam iuncto Barbaria sine distēminat: nec possum sanctūdomini tot interiacentibus spacijs à sanctimonia tua semper expetere. ideo hic collegas tuas Aegyptios confessores sequor, & sub onerarijs nauibus parua nauicula delitescō. Non noui vitalem, Meletium respuo, ignoro Paulinū. Quicumq; tecū non colligit, spargit, hoc est, qui Christi non est, Antichristi est. Tantūm ille. Romani certē pontificis primatui nō solum latinos patres, sed etiā Græcos detulisse, Dionysius Corinthiorū Episcopus apud Eusebiū casariensem testatur, siquidem Eusebius de illius epistolis differens, ait: Dionysij aut fertur & alia ad romanos data ad Episcopū Soterē, in qua institutā antiquitus tradita, in ecclesia Romana custodiri, libenter amplexū se his indicat verbis: A principionamq; moris est, inquit vobis fratres omnes varijs iuuare beneficijs, multisq; ecclesijs, quæ sunt per diuersa terrarū loca, cūcta quibus indigēt, destinare, singulorū quoq; necessitates in omnib. cōsolari: sed et per metalla fratribus relegatis, quæ v-sus possit præbere. Hac ab initio Romana ecclesia facere moris fuit, à patribus sibi huiuscemodi institutiōe dimissa, et semp integrē custodita. B. verò Episcopus vester Soter non solū seruauit, q̄ patres tradiderāt, sed et auxit in melius. Theodoret. etiā eandē exponit sententiā, dūm ait. Verūm Eusebius, eiusq; cōsortes, calūniās in Athanasium factas Iulio Romano pontifici de-stinauerunt. Qui ecclesiasticā sequens legē, etiā ipsos

Euse. eccl.
hist. lib. 4.
cap. 23.

Histo. trip.
li. 4. cap. 6.
& 12. & 15.

Romam venire praecepit, & venerabilem Athanasium ad iudicium regulariter euocauit. Socrates quoque idem sentit dicens: Eusebius autem legationem misit ad Iulium Romanæ urbis Episcopum, rogans ut contra Athanasium iudex esset. Sozomenus etiam Romanipontificis primatum expresse exponit, dum ait: Cognoscens ergo Romanus episcopus crimina singulorum, & omnes Nicano concilio concordare compariens, eos in communionem suscepit, tanquam omnium curam gerens, propter sedis propriae dignitatem, singulisque reddidit suas ecclesias, & Orientalibus scripsit episcopis, culpans quod non rectè tractassent viros inculpabiles, de suis ecclesijs eos expellentes, & quod constitutiones Nicani concilij minimè obseruarent. Quorum paucos ad certam diem sibi met adesse praecepit, ut coram eis ostenderet, iustum se super illis protulisse decretum. Et deinceps non se passurum interminatus est, nisi ab huiusmodi turbis & nouitate cessarent. Aegyptiorum quoque Episcopi, ut illorum epistola ad Felicem Romanum episcopum testatur, ecclesia primatum esse penes Romanam sedem aperte satis profitentur, dicentes: Ideo pater beatissime, quia semper antecessores nostri, & nos à vestra apostolica sancta sede auxiliū hauserimus, & nostri vos curam habere agnouimus, praefatam apostolicam & summam expetimus, iuxta canonum decreta sedem, ut inde auxilium capiamus, unde praedecessores nostri, ordinationes & dogmata, atque subleuationes coeperunt: ad eam quoque, quasi ad matrem recurrimus, ut eius verbis nutriamur. Et infra: Vos ergo,

Aegy p̄t.
epist. ad Fe-
lic. Pap.

ut semper vestra sedi sanctæ consuetudo fuit, periclitantibus subuenite, oppressos roborate, tribulantibus manum porrigite, taliaq; prohibete, & leges imponite, ut apostolica doctrina, qua in Deo est, citò ad victoriam iudicium perducere valeat nostrum, nosq; apostolorum principe suffragante Petro ab imminetibus periculis liberare. Beatus etiam Chrysostomus band dissimilem iniuriam passus, ecclesiæ Romanæ presidium implorans, ecclesiæ primatum esse penes Romanum pontificem euidenter propositetur. Siquidem ad innocentium pontificem ait: Verum quia nō satis est plangere, sed opus etiā ut cura geratur, & spectetur qua ratione, vel quo consilio grauissima illa ecclesiæ tempestas sedetur: proinde necessarium esse duximus, ut persuadeatur Demetrio, Pansophio, Pappo, & Eugonio, dominis meis venerabilibus p̄s q; Episcopis, relictis negotijs proprijs, pelago se committere, susceptaq; longinqua peregrinatione hac, ad vestram properare charitatem, de omnibus vos manifestè docentes, quò quantotius rebus succurratur. Et infra: Igitur domini maximè reuerendi & p̄j, quum hac ita se habere didiceritis, studium vestrum & magnā diligentia adhibete, quo retardatur hac, qua in ecclesias irrupit, iniquitas. Quippe si mos hic inualuerit, & fas erit cuius in alienam paraciam irrumpere, idq; ex tantis interuallis, & eijcere quos voluerit, & auctoritate propria quaq; pro libidine sua facere, scitote quod breui transibunt omnia, & totus orbis premetur bellonō indicto, omnibus ab omnibus eiectis, & omnes eijcientibus. Ecclesiæ etiam

Chryf. epi-
sto. ad Iun.

primatum sic constitutum fuisse in Petro vt perpetua
 successionē semper maneret in Romana sede, omnes
 sancti Romani Pontifices in suis decretis & epistolis,
 aperte satis testantur. Quorum testimonium non
 minùs ad Romanā ecclesiā primatum, quàm ad ca-
 tera alia religionis dogmata astruenda est idoneum.
 Nam si vt fidei veritatem testarentur vita periculū
 subire, & martyres esse non timuerunt: pro Romanā
 certē sedis primatu mentitos fuisse, ridiculum est. Ve-
 rum quidem est, quòd non defuerunt aliqui hæretici
 & schismatici, qui epistolas Romanis pōtificibus in-
 scriptas, dixerunt fuisse supposititias, quas tamē Cal-
 uinus omniū illorum & impudentissimus, & perui-
 cacissimus esse illorum, quibus inscribuntur, concedēs
 hæretica licentia sanctorum Patrum auctoritatem
 contemnit, dūm ait: Scio quàm multa sint epistola,
 quàm multa rescripta & edicta, quibus Pontifices ip-
 si nihil non sibi tribuunt & constanter vendicant,
 fateor extare veras epistolas priscorum Pontificum,
 quibus sedis suæ amplitudinem, &c. Aduersus quam
 Caluini caterorumq; hæreticorum impiam teme-
 ritatem, illud Ciceronis maxime militat: Quid est
 igitur, inquit, cur dubitandum sit, quin sint ea quæ
 disputaui, verissima? Si ratio mecum facit, si euentus,
 si populi, si nationes, si Græci, si Barbari, si maiores
 etiam nostri, si deniq; hoc semper ita putatum est, si
 summi philosophi, si Poeta, si sapientissimi viri qui res
 publicas cōstituerunt, qui vrbes cōdiderunt, an dūm
 bestia loquantur expectamus? hominum consentien-
 te auctoritate contenti non sumus? Et infra: Quis au-
 tem

Calu. ca. 8.
 par. 61.

Cic li. 1. de
 diuinat.

tem est, quem non moueat clarissimis monumentis testata, consignataq; antiquitas? &c. Quorum tantorum Patrum auctoritatis pondere reuinctus Calui- Calu. ca. 8.
para. 67.
nus suum errorem media ex parte correxit, sed Papa excacatus inuidia circa alteram partem hallucinatur, dum ait: Sint igitur vera illa omnia, quae tamen illis iam extorsimus, Petrum voce Christi constitutum fuisse vniuersae ecclesiae caput, ipsum honorem sibi collatum in Romana sede deposuisse, id veteris ecclesiae auctoritate longo usu confirmato Romanum Pontificem summam potestatem. Et infra: Nihil istorum valere nisi Roma sit ecclesia & Episcopus, &c. O ingentem impudentiam, quibus Caluine ecclesiae primatum extorsisti? Certè non fidelibus in catholica ecclesiae communionem & fide perseverantibus, sed tuis miseris sectatoribus. In isto enim articulo de veritatis via declinare, & tibi met non constare in confesso est. Nam quo tu negas Romam esse ecclesiam, ed nullibi esse ecclesiam concedas est necessarium. Quoniam ante Lutheri infauitissimam praedicationem, particulares catholica ecclesia cum Romana ecclesia vnitatem spiritus in vinculo pacis colebant. Igitur aut nullibi est ecclesia, aut si alicubi est Roma etiam reperiri necesse est, utpote ceterae particulares ecclesiae Romanam ecclesiam semper obseruant. Quare cum ab apostolorum praedicatione usq; ad presentem diem sanctiores & doctiores viri Romanam sedem coluerint, Romanam ecclesiam ab antiqua fide nunquam desecisse, in confesso est.

Romanus pontifex diuina ordinati-
one est vniuersalis Episcopus.

Cap. 119.

Cal. cap. 8.
p. 59. et 61.

Neq³ verò hic contentus Caluinus, ecclesiasti-
ca adhuc gesta, euidenter exponentia, eccle-
sia primatum esse penes Romanum pontifi-
cem, ad deturbandam catholicam ecclesiam monarchi-
am, perperam interpretatur, dùm ait: Venio nunc
ad iurisdictionem, quam sine controuersia se habere
in omnes ecclesias pontifex Romanus asserit. Et in-
frà: Cùm ergo p^{ij} externo prasidio magnopere indi-
gerent, in Romana autem ecclesia cernerent sibi opti-
mum esse prasidium, libenter ei deferebant, quam
plurimum poterant auctoritatis. Et Paulo inferius
ait: Hac ergo conditione erant ista vires, ne aut Epi-
scopus quispiam in ordinaria sua iurisdictione, aut
metropolita impediretur: hoc autem quid aliud erat,
quàm omni iurisdictione abstinere, sed se ad sedandas
discordias interponere, &c. Verùm ille non rectè in-
terpretatur huiusmodi gesta. Quandoquidem Episco-
pi pontificem Romanum non tantum vt patronum,
sed vt iudicem interpellarunt. Nam illi cùm iniuste
fuissem à suis sedibus expulsi, prouocauerunt ad Ro-
manum pontificem, ac implorauerunt ecclesiasticas
leges. Quae profectò illi iniuste fecissent, si ecclesia pri-
matus non fuisset penes Romanum pontificem. Epi-
scopos certè à suis sedibus expulsos, legitime prouoca-
se ad Romanum pontificem, ecclesiastica historia ex-
pressis verbis exponit, cui si non est credendum, cum

Cic. dedi-
uinat. li. 1.

Cicerone optime dicetur, Negemus omnia, combu-

RAMUS

ramus annales, ficta hac esse dicamus. Sed Caluinus
 sibÿpsi in isto articulo non constat, dùm ait: Verùm Calu. ca. 8.
 id totum nihil aliud erat, nisi vt magni existimare- Para. 59.
 tur eius communio, ab ea autem excommunicari, ig-
 nominiosum duceretur. Quod si Episcopi ignomini-
 osum ducebant excommunicari à Romano pontifice,
 igitur omnes Episcopi Romanum pontificem, tanquã
 superiorem obseruabant. Siquidem nullus Episcopus
 nisi superior, potest alium episcopum excommunica-
 re. Excommunicandi enim potestas, non priuata, sed
 publica est in ecclesia, vt scriptura testatur, dùm ait: Matt. c. 18.
 Dic ecclesie, si autem ecclesiam non audierit, sit tibi
 sicut ethnicus & publicanus. Amen dico vobis, qua-
 cunq; alligaueritis super terram, erunt ligata & in
 calo, &c. Si igitur Romanus pontifex ceteros episco-
 pos excommunicare potest, omnibus ille superior ex-
 istat necesse est. Quod verò Episcopi, Romanum pon-
 tificem nõ tantum vt patronum, sed vt iudicem pro-
 uocauerint, Aegyptiorum episcoporum epistola ad Fe-
 licem Papam testatur, dùm ait: Tu prophanarum hæ-
 resium, & impetitorum atq; omnium infestantium
 depositor, vt princeps et doct̃or, caputq; omnium or-
 thodoxe doctrina immaculata fidei existis. Igitur
 ne dispicias, pater, tuorum patrum pietatem, bonam-
 q; intentionem, & sicut illi patres & praedecessores
 nostros à multis liberauerunt oppressiõibus & an-
 gustijs, ita nos liberare digneris. Nam fuit semper ve-
 stra sancta & apostolica sedi licentia, iniuste dam-
 natos vel excommunicatos, potestatiue sua auctori-
 tate restituere, & sua eis omnia reddere, & illos qui

Aegy. epif
 co. epist ad
 Felic. Pap.

eos condemnauerunt, aut excommunicauerunt, apostolicopanire priuilegio, sicut etiam nostris & anterioribus cognouimus actum temporibus. Quae profecto verba Romanum Pontificem cateris episcopis, & per consequens catholica ecclesia praesse aperte satis testantur. Nam episcopi iniuste damnati, auxilij gratia frustra confugissent ad episcopum Romanum, si penes illum non fuisset ecclesiae primatus. Huiusmodi enim episcopi, Romanum Pontificem sibi patrocinari, non armorum, nec diuitiarum potentia, sed ecclesiastica tantum censura flagitarunt. Vides igitur quemadmodum Romana ecclesia tunc temporis, non humana sed diuina auctoritate apud omnes ecclesias pollebat. Verum Calvinus dum de vniuersali appellatione differit, Romanum Pontificem eò non obtinere ecclesiae primatum asserit, quòd illi-

Calu. ca. 8. us praedecessores non fuerint appellati, vniuersales
p. 58. et 63. episcopi. Certè, inquit, quàm diu durauit ecclesia ve-

ra & pura facies, ista omnia superbia nomina, quibus insolescere postea caput Romana sedes, prorsus errant inaudita, priscos sanè Romanos Pontifices nō fuisse
Greg. li. 7. appellatos vniuersales, Calvinus B. Gregorij auctori-
epist. 30. tate confirmat. Beatus enim Gregorius ait: Si aut me

vniuersalē Papā sanctitas vestra dicit, negat se hoc esse quod me fatetur vniuersum. Sed Calvinus solito haeticorū more, B. Gregorij verba suo errori cōuenientia recipit, at discōuenientia, seu potius contraria sententiae reijcit. Ille enim de B. Gregorio ait: Nulla est vox in eius scriptis, qua superbiū s iactat primatus sui amplitudinē, quā ista: Nescio quis episcopus non
subie-

subiectus sit sedi apostolica, vbi in culpa inuenitur? Beatus certe Gregorius manifestè exposuit Caluinicorumq; hereticorū argutiunculā, sumptam ex vniuersalis appellatione esse friuolam. Nam etsi beatus Gregorius se appellari vniuersalē episcopum negauit, tamē ceteros episcopos esse subiectos Romano Pontifici, cōstanter asseruit. Negauit sane huiusmodi episcopi vniuersalis appellationē, quia cū illa vocula vniuersalis, non rectè intellecta fuisset, magis Christi ecclesiam scandalizabat, quā edificabat. Veruntamen ille ad retinendam in fidei synceritate religionis pacem, penes Romanum Pontificem esse ecclesiæ primatum profitetur. Qui certè primatus ad retinendam ecclesiæ vnitatem, & tollenda scandala, non episcopi vniuersalis nomine, sed catholica ecclesiæ episcopi appellatus fuit. Verū quidem est, quòd vniuersalis episcopus idem est, quod catholica ecclesiæ episcopus, sed non omnes illius verbi vim capiunt. Nam vniuersalis episcopus tantum abest vt particulares episcopos excludat, vt potiùs illos exigit. Quemadmodum enim in naturali rerū administratiōe, quaddā causa sunt vniuersales: quaddā verò particulares. Particulares vt homo causa est hominis, & leo leonis. Vniuersales verò, vt Deus et Sol, qui non modò hominem & leonem, sed etiam cetera animalia & plantas generant. Quemadmodū inquam, hæ vniuersales causas, nō ed dicantur quòd excludant particulares causas, sed quòd per causas particulares agant. Siquidem vniuersalis causa, scilicet Deus, post mundi creationem sine causis particularibus nunquam
seu

seu potius tardè operatur, & è contra particulares sine vniuersalibus, sic in ecclesiastico regimine Romanus Episcopus est vniuersalis, id est summus pontifex, non quòd ille sit solus Episcopus, sed quòd per Episcopos particulares catholicam ecclesiam gubernet, & particulares Episcopi sine summo pontifice, nunquam ecclesias particulares legitime administrant. Quandoquidem particularium Episcoporum iurisdictio, à summo pontifice dependet. Dependet, inquam, non tanquam à causa efficiente & principali, sed tanquam à causa ministeriali. Siquidem Christus perinde ac corporis catholica ecclesia est naturale caput & dominus, Romanus verò pontifex, tanquam Christi generalis vicarius, ceteri autem Episcopi, sub Romano pontifice sunt Christi vicarij particulares: Romanus inquam Pontifex est Christi generalis vicarius, non eò quòd Romanus Episcopus, sed quia est Petri successor. Quæ profectò duo, etsi sunt distinguenda, tamen non sunt diuidenda, siquidem Episcopatus catholica ecclesia, & Romanus Episcopatus, non duo, sed vnus Episcopatus est. Sed hac differunt ratione, quod Christus in Petro Episcopatum catholicæ ecclesiæ, vt perpetua successione maneret, constituit. Petrus verò apostolatus auctoritate, qua in alijs ciuitatibus constituit particulares Episcopos, ea etiam potestate Romana sui Episcopatus sedem statuit. Vnde beatus Petrus respectu romanæ ecclesiæ, quam sibi elegit, particularis est Episcopus, respectu catholicæ ecclesiæ, quam illi Christus commisit administrandam (dū dixit, *Pasce oues meas*) est vniuersalis Episcopus, id est

est catholica ecclesia summus pontifex. De Episcopatus ordine, & particulari Episcopatu loquitur beatus Hieronymus, dum ait: Vbicunq; fuerit Episcopus, siue Romæ, siue Eugubij, siue Cōstantinopoli, siue Rhegij, siue Alexandria, siue Tanis, eiusdem meriti, eiusdem est & sacerdotij. De vniuersali verò Episcopatu, id est, de Episcopatu catholica ecclesia, in alio loco inquit: Ecclesie salus in summi sacerdotis dignitate pendet, cui si non exors quadam & ab omnibus eminens detur potestas, tot in ecclesijs efficiuntur schismata, quot sacerdotes. Papa quidem Romanam ecclesiam per se administrandam, ceteras verò ecclesias, per particulares Episcopos regendas suscepit. Administrandi enim per se Romanam ecclesiam, ea ratione conuenit Papa, qua est Romanus Episcopus. Qui modus administrandi, etiam singulis Episcopis competit. Quandoquidem quilibet Episcopus per se particularem ecclesiam suscipit administrandam. Modus verò per alios administrandi ecclesiam soli vniuersali Episcopo, id est, catholica ecclesia pōtiffici competit. Siquidem vniuersalis causa est, qua per particulares causas attingit effectum, vt Sol per agriculturam fruges, & per maris & fœmina copulam animalia generat: particularis verò causa est, qua per se attingit effectum, vt homo hominem, leo leonem procreat. Simili modo Papa est vniuersalis Episcopus, quia per singulos Episcopos particulares ecclesias gubernat, quamuis Papa in gubernanda Romana ecclesia est particularis Episcopus, vt ceteri etiam sunt particulares. Quare etsi in Petro Christum constitui-

Hieron. ad
Euag.

Aduer. Lu
ciferum.

constituit ecclesia primatum, vt perpetua successione semper maneret, & Romanus episcopus in huiusmodi primatu est Petri successor, & per consequens vniuersalis episcopus, id est, catholica ecclesia episcopus: tamen non ideo in catholica ecclesia solus Papa est episcopus, nec vnius ecclesia sunt plures episcopi, sed vniuersalis ecclesia tantum est vnus episcopus, & singule particulares ecclesia habent singulos episcopos. Sicut enim Deus, sol & Abraham genuerunt Ismael & Isaac, & tamen solus Abraham illorum est naturalis pater: ita etsi Papa & Parisiensis episcopus administrant Parisiensem ecclesiam, non ideo Parisiensis ecclesia sunt duo episcopi: siquidem Parisiensis ecclesia Papa non particularis, sed vniuersalis est Episcopus.

Romanus pōtifex non in ordinis, sed in iurisdictionis potestate dei ordinatione cæteris episcopis est superior.

Cap. 120.

BEATO enim Petro illiusq; successoribus Romanis Pontificibus per alios episcopos vniuersali ecclesia administranda à Christo fuit commissa. Nam Christus non solum Petrum constituit apostolum, sed etiam alios vndecim cum illo: singuli etiam apostoli non modo singulos, sed etiam plures episcopos per diuersa loca constituerunt. Quam sententiam beatus Bernardus ad Eugenium Romanum pontificem scribens, euidenter exponit dū ait: Erras, si vt summam ita & solam institutam à Deo vestram apostolicam potestatem existimas: Si hoc sentis, dis-sentis ab eo, qui ait: Non est potestas nisi à Deo. Pro-
inde

Berna. de
cōsil. li. 3.

inde quod sequitur: qui potestati resistit, dei ordinationi resistit. et si principaliter pro te facit, non tamen singulariter. Denique idem ait: omnis anima potestatibus sublimioribus subdita sit. Non ait, sublimiori, tanquam in vno, sed sublimioribus tanquam in multis. Non ergo tua sola potestas à domino, sunt et mediocres, sunt et inferiores. Vnde et si in catholica ecclesia penes Romanū pōtificē esse ecclesiæ primatū oportet, tamen in plures alios esse episcopatus ordinem est necessarium. Vtpote plures episcopos esse in catholica ecclesia Christus constituit, & apostoli tradiderunt. Sic igitur totius ecclesiæ cura commissæ fuit vni Papa, vt singulis episcopis cōmissa etiam fuerit pars sollicitudinis, vt tanquā vnius corporis membra haberent sub vno capite varia officia. Episcoporum etiā frequentia per diuersa loca ad retinendā ecclesiasticam disciplinam est necessaria. Quandoquidē in omnibus episcopis non varius, sed vnus est episcopatus, id est, idē ordinis sacramentū, & ad idē munus omnes episcopi sunt vocati. Vni quidē episcopo tanquā capiti sic catholica ecclesiæ curā fuisse iniunctā, vt singulis episcopis sollicitudinis pars cōmissa fuerit, B. Cypri. exponit dicens: Et quamuis apostolis omnibus post resurrectionē suā parē potestātē tribuat et dicat: Sicut misit me Pater et ego mitto vos, accipite spiritūsan. Si cui remiseritis peccata, remittētur illi: si cui tenueritis, tenebuntur: tamē vt vnitātē manifestaret, vnitatis eiusdē originē, ab vno incipiētē sua autoritate disposuit. Hoc erāt vtiq; et ceteri apostoli, q̄ fuit petrus, pari cōsortio p̄diti, et honoris et potestatis, sed ex ordinē ab vnitatē proficis-

Cypria. de
simp. prel.

proficiscitur, vt ecclesia vna monstretur. *Qua verba ad Papam vniuersalem Episcopatum pertinent.* De particularibus verò Episcopis sub vniuersali Episcopato, post pauca subdidit dicens: *Quam vnitatem firmiter tenere & vindicare debemus, maximè Episcopi qui in ecclesia præsident, vt Episcopatum quoque ipsum vnum atque indiuisum probemus.* Nemo fraternitatem mendacio fallat, nemo fidei veritatem perfida prauaricatione corrumpat. Episcopatus vnus est, cuius à singulis insolidum pars tenetur. Ad retinendum igitur in fidei sinceritate catholica ecclesia vnitatem vnus Episcopatus, & plures episcopi sunt necessarij. Vnus inquam episcopatus in beato Petro, & in successoribus eius, vt perpetuò maneret, fuit à Christo constitutus, id est episcopatus catholica ecclesie, cuius Episcopatus singuli episcopi partem tenent. Siquidem Papam episcopatus eiusdem muneris est, cū episcopatu ceterorum episcoporum, vt beatus Hieronymus aperte testatur, dicens: *Vbicunque fuerit episcopus, siue Roma, siue Eugubij, siue Constantinopoli, siue Rbergij, siue Alexandria, siue Tanis: eiusdem meriti, eiusdem est & sacerdotij. Potentia diuitiarum, & paupertatis humilitas, vel sublimiorem, vel inferiorem episcopum facit. Ceterum omnes apostolorum successores sunt. Quod si in ordine episcopatus, id est in ordinis potestate, vt theologi loquuntur, inter Papam & ceteros episcopos nullum est discrimen, quandoquidem illorum omnium est vnus episcopatus, tamen in iurisdictionis potestate Papa est ceteris superior, quia ecclesia primatum obtinet.* *Qua*
certè

Hieron. ad
Euge.

certè potestas collata ad singulorum episcoporum potestatem reperitur maior. Siquidem singuli episcopi habent sub se particulares ecclesias, Papa verò est Pastor catholica ecclesia. Vt beatus Ambrosius disserens illud Pauli, vt scias quemadmodum oporteat te in domo dei conuersari, quæ est ecclesia dei viui, exponit dicens: Vt cum totus mundus dei sit, ecclesia tamen domus eius dicatur, cuius hodie rector est Damasus.

Amb. 1. ad
ad Tit c. 3.

Papa sanè iurisdictionem esse maiorem, quàm ceterorum episcoporum, beatus Bernardus exponit, dicens: Romana ecclesia valde clemens est, sed nihilominus potens, fidele consilium & omni acceptione dignum, noli abuti clementia, ne potentia opprimaris.

Bern. epi-
stola 1 31.

Sed dicit aliquis, debitam ei reuerentiam exhibebo, & nihil amplius: esto, fac quod dicis: quia si exhibeas debitam, & omnimodam. Plenitudo siquidem potestatis super vniuersas orbis ecclesias singulari prerogatiua apostolica sedi donata est: qui igitur huic potestati resistit, Dei ordinationi resistit. Potest si vtile iudicauerit nouos ordinare episcopatus, vbi hæcenus non fuerunt: potest eos qui sunt, alios deprimere, alios sublimare, prout ratio sibi dictauerit, ita vt de episcopis creare archiepiscopos liceat, & è conuerso, si necesse visum fuerit. Potest à finibus terra sublimes quascunq; personas euocare, & cogere ad suam presentiam, non semel aut bis, sed quoties expedire videbit. Porro in promptu est, ei omnem vlisci inobedientiam, si quis fortè reluctari conatus fuerit. Igitur etsi episcopatus munus à Deo fuit constitutum, tamè episcopatum distributio, ab apostolis tantum, &

Cypria. de
simp. prel. Romano Pontifice facta fuit, quæ distributio à summo Pontifice variari potest, si expedierit. In primitiua quidem ecclesia facta episcopatuum distributio, singulos episcopos in suo episcopatu omnimodam potestatem habuisse, Cyprianus aperte satis testatur, dùm ait: Episcopatus vnus est, cuius à singulis in solidum pars tenetur. Tunc enim temporis Romanus Pontifex religionis nullam causam aduocabat, nullusq; ad Romanum Pontificem prouocabat. At postquam fidei sinceritas impugnari & morum disciplina corrumpi cœpit, Romanus Pontifex Petri successor, cui catholica ecclesia cura à deo cõmissa est, ad retinendam fidei sinceritatem, et discipline rectitudinem, quasdam causas aduocauit. Papa quidem iuxta personarum et causarum varietatẽ modo pauciores, modo plures causas vt equi & boni ratio exigebat, aduocauit. Siquidem apostolis et Papa tam commissæ fuit causarũ aduocatio, quàm episcopatuũ distributio. Quemadmodũ enim diuina scriptura, et si definite præcipit obedire magistratibus, tamẽ quæ sunt magistratus, et quæ sunt ciuilia statuta, determinatẽ non explicat. Siquidem ciuiliũ magistratuũ et statutorum determinatio, non à diuinis oraculis, sed à Republica petenda est, ita diuina scriptura in beato Petro constitutum fuisse à Christo ecclesie primatum, vt perpetua successione maneret, et episcopis obtemperandum esse, determinatẽ docet: sed de distribuendis episcopatibus, de aduocandis causis, de prouocando ad Romanũ Pontificẽ, et de cæteris ecclesiasticis negotijs dispensandis, definite sacra scriptura

ptura nihil docet, sed illorum determinatio ab ecclesiastica traditione petenda est. Vnde cum penes Romanum Pontificem sit ecclesie primatus, ad illum pertinet in distribuendis episcopatibus, in aduocandis causis, & in ceteris ecclesiasticis negotijs modum statuere. Verum sectarij huiusmodi ecclesiasticam administrationem, ad Romani Pontificis detrahendum primatum, damnant omnino. Calvinus enim ait: Ordinari episcopos à suis metropolitibus iubent omnes veteres synodi: nusquam aduocari Romanum episcopum iubent, nisi in sua Patriarchia. Verum quid est, quod olim episcopi à metropolitibus confirmabantur, sed illud officium à metropolitibus translatum fuisse in Romanum Pontificem, ad ecclesiam retinendam unitatem, Calvinus ipse testatur, dum ait Gregorij tempore. Et infra: Quo in tanta rerum ciuiliu conuulsione fidei saltem integritas maneret, aut certe non prorsus interiret, omnes undique episcopi se ad Romanum Pontificem magis adiunxerunt, eo factum est, ut sedis non modo dignitas, sed etiam potentia uehementer cresceret. Papa quidem primatus, dignitas Et 62.
& potentia cum non sit ab hominibus, sed à deo constituta, non fuit maior post Gregorij tempora, quam antea, etsi Papa post Gregorij tempora magis executus sit suam potestatem. Siquidem potestatis executio perinde ac cetera virtutes ut sit legitima, in medio consistit. Quod nimirum medium, non à Luthero, non à Caluino, nec à ceteris hereticis et schismaticis, sed à Papa et episcopis in catholice ecclesie comunione et fide perseuerantibus perscribendum est. Patres quidem tum in prouincialibus concilijs, tum in generalibus de prouocando

Calu ca. 8.
para. 60.

ad Papam, & de aduocandis causis, & ceteris simili-
bus negotijs leges constituerunt. Siquidem etsi quo
Papa ecclesie primatum diuina constitutione obti-
net, eò ad illum prouocare licet, & ille aduocare cau-
sas potest, tamen quales quales causas aduocare, &
in negotio quodlibet ad Papam prouocare tantum
abest vt expediat, vt potius contra equitatē sit. Qua-
re ad retinendam catholica ecclesie communionem,
& fidei synceritatem, & morum disciplinam, neces-
sarium fuit, prescribere modum obseruandum in pro-
uocando ad Papam, & in aduocandis causis. De hu-
iusmodi enim negotijs constitutum fuisse in Niceno
Epi. Aegy. concilio, manifestum est. Siquidem illius concilij au-
ad Fel. Pa. thoritate innixi Aegyptiorum episcopi ad Felicem Pa-
pam prouocarunt, vt illorum epistola testatur, dicēs:
Similiter & à supradictis patribus est definitum con-
sonanter, vt si quisquam episcoporum metropolita-
norum, aut comprouinciales, vel iudices suspectos ha-
buerit, vestram sanctam Romanam interpellat sedē,
cui ab ipso Dominopotestas ligandi ac soluendi speci-
ali est priuilegio super alios concessa, ipsa enim fir-
ma mentum à Deo fixum et immobile percepit: quo-
niam ipsam formam vniuersorum titulorum lucidis-
simam Dominus Iesus Christus vestram apostolicam
constituit sedem: ipsa est enim sacer vertex, in quo
omnes vertuntur, sustentantur, reuelantur.

Lex de prouocando ad Romanum pō-
tificem, apostolica est traditio.

Prouocā-

Prouocandi quidem ad summum Pontificem ecclesiasticum statutum Caluinus modo approbat, modo reprobat. Siquidem pios episcopos ad Papam iuste prouocasse asserit, dicens: Ita factum est, ut pii episcopi sedibus suis pulsus, illuc se veluti in asylum aut portum quendam saepe reciperent. Eandem sententiam infra confirmans, ait: Cum ergo pii externo praesidio magnopere indigerent, in Romana autem ecclesia cernerent sibi optimum esse praesidium, libenter ei deferebant quam plurimum poterant, auctoritatis. At in impijs huiusmodi appellandi legem denat, dum ibidem ait: Postea mali & improbi multum ipsi quoque addiderunt. Nam ut legitima iudicia effugerent, ad hoc asylum se conferebant. Qua improbitas coegit Aphricanos episcopos sancire, ne quis sub poena excommunicationis ultra mare prouocaret. Verum quidem est, improbos homines inique uti iustis legibus, sed propter abusum lex iusta non abrogatur. Praecipue cum appellandi lex sit vniuersalis, comprehendatque probos ac improbos homines, nec improbi implorantes huiusmodi legem legitima iudicia effugiunt, sed potius seueriora incurrunt. Quandoquidem lex de prouocando ad superiorem iudicem, tantum abest, constituta ut fuerit quo peccata maneat impunita, ut potius per illam seuerius scelera puniantur. Vnde prouocandi lex ob quorundam improbitatem non est irritanda: siquidem abrogata appellandi lege, iudicium improbitas ac tyrannus augeatur. Neque Aphricani episcopi illam legem abrogare potuerunt. Siquidem prouocandi ad summum Pon-

Calu. ca. 8.
par. 60.

tificem lex in Nicano concilio fuit constituta. Quod tamen sectarij cum Aphricanis episcopis constanter negant. Calvinus enim de Romano Pontifice illam legem aduersus Aphricanos episcopos allegante ait: Qua in re flagitiosa ipsius Romanis Pontificis impudentia apparuit, nam cum fraude Sardicensem synodum pro Nicana supposuisset turpiter in manifesta falsitate deprehensus est, sed maior etiam nunc & impudentior fuit eorum nequitia, qui fictitiam epistolam ad concilium addiderunt, &c. Quibus quidem verbis Caluini mala mens, & malus animus deprehenditur. Siquidem non est fraus aliam synodum pro alia supponere, si ambae sunt approbatae, quales sunt Nicana synodus & Sardicensis. Sicut etiam non est fraus allegare Pauli epistolam ad Romanos pro epistola ad Corinthios, maximè si eadem sententia utroque reperitur. Huiusmodi factum fuisse de lege prouocandi aduersus Papam, non est dubium. Nam Ariani post Nicani concilij celebrationem (cum potentiores quam antea fuissent) illius celebratissimi concilij decreta in tota orientali ecclesia combusserunt, ut beatus Athanasius cum Aegyptiorum episcopis ad beatum Marcum Pontificem scribens, exponit dicens: Sancto & apostolici culminis venerando Domino Marco sanctae Romanae & apostolicae sedis atque vniuersalis ecclesiae Papae, Athanasius & vniuersi Aegyptiorum episcopi ad vos peruenisse non dubitamus, quanta & qualia ab haereticis, & maximè ab Arrianis quotidie patimur, quoniam in

tantum

Epist. Ae-
gyp pon.

tantum ab eis persequimur, vt etiam viuere nosta-
 deat. Nam instanti tempore subito & insperatè in
 nos irruentes, nosq; iuxta praeceptum domini, qui
 ait: Si vos persecuti fuerint in vnam ciuitatem, fu-
 gite in aliam: fugiendo propter cladem populi decli-
 nantes, nos comprehendere non valuerunt, sed om-
 nia nostra depopulati sunt: in tantum enim no-
 stra vastauerunt, vt nec libros, nec vestimenta ec-
 clesiastica, aliaque ornamenta, nec reliqua uten-
 silia nobis dimitterent. Libros verò nostros vsque ad
 minimum incendentes, nec iota vnum relinquen-
 tes propter veritatis fidem Nicanam synodum, qua
 clerus & populus imbuebatur, & maximè iam imbu-
 ti erant, in contumeliam nostram, & omnium chri-
 stianorum incenderunt. Cum igitur Nicani con-
 cilij decreta hereticorum prauitate combusta fu-
 issent, & Patres in Sardicensi concilio congregatos
 hoc non latuisset, illius concilij quadam decreta se-
 cundo constituere. Quod & in alijs concilijs factita-
 tum fuisse conciliorum decreta pra se ferunt. Siqui-
 dem Arelatense secundum concilium ex Nicani con-
 cilij decretis nonnulla statuit denuò. Verum enim-
 uerò in Nicano concilio fuisse constitutam legem
 de prouocando ad Romanum episcopum comper-
 tum est. Siquidem illius concilij septuaginta fuis-
 se capita, beatus Athanasius qui Nicano concilio
 interfuit ad Marcum Papam scribens, euidenter te-
 statur, dicens: Quapropter precamur pater beatissimè,
 quia non dubitamus apud vos plenaria esse Nicani
 concilij exemplaria, vt nobis illa qua sancta recorda-

Epist. Ac-
 gyp. pont.

rionis prædecessores vestri syluestri fuerunt, sub tuta mittatis stipulatione. Nam quando prædicta synodo cum beata memoria Alexandro digno Deo Pontifice nostro, id est, Alexandria magna ciuitatis episcopo in diaconatus interfuimus officio, sub nostra presentia testimonio, per beatos viros Victorē et Vincentium presbyteros, apostolica sedis apocrisarios, missa sunt prædicto Papæ Syluestro, cum ad stipulationem subnexa, capitula septuaginta. Eandem sententiam beatus Marcus papa rescribens Athanasio & Aegyptiorum episcopis, aperte satis confirmat, dicens: His ita peractis diligenter requirentes, in sancto nostra et apostolica sedis scrinio eodem, quæ sanctæ recordationis prædecessori meo Syluestro sunt directæ, septuaginta (vt significastis) capitula illæsa inuenimus. Ipsa enim vobis propter auctoritatem & subscriptionem tantorum patrum, & eius magni concilij minimè misimus, sed per eadem coram apocrisarijs vestris alia similia eundem numerum eademq; verba, & ipsam subscriptionem continentia, vobis rescribere, & sub certa stipulatione & confirmatione mittere curauimus. Beatus etiam Iulius Papa Orientales episcopos, qui Athanasium damnauerunt, arguens, illam sententiam mirificè exponit, dicens: Tales insidiatores, spiritu præuidentes sancti Patres in Nicæa congregati, leges statuerunt, quas nos canones appellamus, ne facile probi ab improbis damnarentur. E quibus nonnullas sententias hic inseri iudicauimus, vt tantorum patrum auctoritate nostra roboraretur epistola, atq; omnes
Orientales

Epist. Mar.
Pap. ad A-
thana.

Epist. Iulij
Pa ad Ori-
ent. cpis

Orientales, siue reliquarum partium episcopi, hac audientes in tantam foueam non incidant, ne damnationem à patribus decretam percipiant. Sequuntur enim ex prædicto concilio Nicæno capitula, id est XVIII. XIX. XXI. XXIII. XXVI. XXVII. XXVIII. XXXIII. XLI. & V. VII. & VIII. ac LI. LII. LIII. LIII. LV. LVII. LVIII. LIX. LX. LXI. LXII. LXIII. LXVII. Et omnes episcopi, qui in quibusdam grauioribus pulsantur, vel criminantur causis, quoties necessum fuerit, liberè apostolicam appellent sedem, atq; ad eam quasi ad matrem confugiant, vt ab ea, sicut semper fuit, piè succiantur, defendantur & liberentur. Ecce Caluine lex de prouocando ad Papam annumerata est, inter Nicæni concilij decreta. illā certè legē esse apostolicā traditionē, Anacletus euidenter exponit, dicēs: Quod si difficilioreſ orta fuerint quæſtiones, aut episcoporum vel maiorū maiora iudicia, aut maiores cause fuerint, ad sedem apostolicam (si appellatum fuerit) referantur, quoniam apostoli hoc statuerunt iussione saluatoris, vt maiores & difficilioreſ quæſtiones, semper ad sedem deferantur apostolicam, super quā Christus vniuersam construxit ecclesiam: dicente ipso ad beatum principem apostolorum Petrum: Tu es inquit, Petrus, & super hanc petram ædificabo ecclesiam meam. Athanasio certe, Marco, Iulio, & ceteris Romanis Pontificibus magis quàm Caluino, & suis collegis de hoc articulo habenda est fides. Quare in Carthaginensi concilio Romani Pontificis legati non supposuere Sardicensē synodum pro Nicæna,

Anaclet. c.
pisto. i.

sed allegarunt Nicani concilij autentica exēplaria. Quae etsi Arrianorum persecutione in orient alibus ecclesijs fuerunt combusta, tamen in Romana ecclesia fuerunt conseruata. Nec Aphricani episcopi pertinaciter restiterunt Papa. Quandoquidem appellandi ad Papam lex & consuetudo, semper obtinuit apud catholicam ecclesiam, nedum apud Aphricanam; vt beatus Augustinus aduersus Donatistas, qui inconsulto Romano Pontifice Cecilianum Carthagenensem episcopum damnarunt, aperte satis exponit, dicens: Tanto magis enim timere debuit, ne pax vnitatis violaretur, quando erat Carthago ciuitas ampla & illustris, vnde se per totum Aphrica corpus malū, quod ibi esset exortum tanquam à vertice effunderet. Erat etiam transmarinis vicina regionibus, & fama celeberrima nobilis: vnde non mediocri vtiq; auctoritatis habebat episcopum, qui posset non curare conspirantem multitudinem inimicorum, cum se videret & Romana ecclesia, in qua semper apostolica Cathedra viguit principatus, & ceteris terris. Vnde euangelium ad ipsam Aphricam venit, per communicatorias literas esse coniunctum, vbi paratus esset causam suam dicere, si aduersarij eius ab eo illas ecclesias alienare conarentur. Verum aduersus appellandi legitimam legem Calvinus ait: Multi saepe Romanum Pontificem appellarunt. Et infra: Sed semper fuit derisus quoties suos fines excessit. Papam sanè fuisse derisum ab haeticis & schismaticis non est mirum, quandoquidem Deus ipse deridetur à malis hominibus

Aug. epist.
1. 62.

Calu. ca. 8
par. 60.

nibus, sed non quo Papa irridetur ab huiusmodi hominibus, eò Papa primatus est irritus. Nam quemadmodum prauorum hominum consuetudo, seu potius abusus furandi diuinam legem, de non furando nunquam abrogabit, sic hæreticorum et schismaticorum inobedientia Papa primatum non deturbabit, cum ecclesiæ primatus nō ab hominibus, sed à deo sit constitutus. Quod enim Papa circa hæreticos & schismaticos aliquando non fuerit vsus suprema potestate, non propter defectū potestatis, sed propter pertinaciā illorū destitit, vt Dei verbū expresse exponit, dicēs: Quod si nō audierit, sit tibi sicut ethnicus et publicanus, &c. Sicut enim in Republica seditiosorum inobedientia, non abrogat magistratum potestatem, sic schismaticorum & hæreticorum pertinacia & rebellio Papa primatum irritum non facit. Inter Papa enim & cæterorum episcoporum auctoritatem hoc interest, quod cæterorum episcoporum iurisdictionis potestas ecclesiasticis constitutionibus finitur: Papa verò potestas non est alligata huiusmodi statutis. Non est alligata, inquam, ecclesiasticis constitutionibus, non quod omninò sit ab æquitate absoluta, sed quod præter, aut potius supra ecclesiastica statuta, si ratio boni & æqui postulauerit, potest aliquas causas determinare. Huiusmodi enim administrandi modus tantū abest, vt sit iniustus, vt potiùs iustus sit melior, vt Aristot. sapientissimè exponit, dicens: Nam æquū & bonum iustum est, & est aliquo iusto melius, et non vt aliquod aliud genus melius est ipso iusto. Idē est ergo iustū, atq; æquū et bonū.

Matt. c. 18.

Arist. ethi.
lib. 5. c. 10.

Et

sed allegarunt Nicani concilij autentica exēplaria. Quæ etsi Arrianorum persecutione in orientalibus ecclesijs fuerunt combusta, tamen in Romana ecclesia fuerunt conseruata. Nec Aphricani episcopi pertinaciter restiterunt Papa. Quandoquidem appellandi ad Papam lex & consuetudo, semper obtinuit apud catholicam ecclesiam, nedum apud Aphricanam, vt beatus Augustinus aduersus Donatistas, qui inconsulto Romano Pontifice Cæcilianum Carthaginensem episcopum damnarunt, aperte satis exponit, dicens: Tanto magis enim timere debuit, ne pax vnitatis violaretur, quando erat Carthago ciuitas ampla & illustris, vnde se per totum Aphrica corpus malū, quod ibi esset exortum tanquam à vertice effunderet. Erat etiam transmari- nis vicina regionibus, & fama celeberrima nobilis: vnde non mediocri vtiq; auctoritatis habebat episcopum, qui posset non curare conspirantem multitudinem inimicorum, cū se videret & Romanæ ecclesiæ, in qua semper apostolica Cathedra vigit principatus, & ceteris terris. Vnde euangelium ad ipsam Aphricam venit, per communicatorias literas esse coniunctum, vbi paratus esset causam suam dicere, si aduersarij eius ab eo illas ecclesias alienare conarentur. Verū aduersus appellandi legitimam legem Calvinus ait: Multi sæpe Romanum Pontificem appellarunt. Et infra: Sed semper fuit derisus quoties suos fines excessit. Papam sanè fuisse derisum ab hæreticis & schismaticis non est mirum, quandoquidem Deus ipse deridetur à malis homi-

nibus

Aug. epist
1. 62,

Calu. ca. 8
par. 60.

nibus, sed non quo Papa irridetur ab huiusmodi hominibus, eò Papa primatus est irritus. Nam quemadmodum prauorum hominum consuetudo, seu potius abusus furandi diuinam legem, de non furando nunquam abrogabit, sic hæreticorum et schismaticorum inobedientia Papa primatum non deturbabit, cum ecclesiæ primatus nõ ab hominibus, sed à deo sit constitutus. Quod enim Papa circa hæreticos & schismaticos aliquando non fuerit vsus suprema potestate, non propter defectũ potestatis, sed propter pertinaciã illorũ destitit, vt Dei verbũ expresse exponit, dicens: Quod si nõ audierit, sit tibi sicut ethnicus et publicanus, &c. Sicut enim in Republica seditiosorum inobedientia, non abrogat magistratum potestatem, sic schismaticorum & hæreticorum pertinacia & rebellio Papa primatum irritum non facit. Inter Papa enim & ceterorum episcoporum auctoritatem hoc interest, quod ceterorum episcoporum iurisdictionis potestas ecclesiasticis constitutionibus finitur: Papa verò potestas non est alligata huiusmodi statutis. Non est alligata, inquam, ecclesiasticis constitutionibus, non quòd omninò sit ab æquitate absoluta, sed quod præter, aut potius supra ecclesiastica statuta, si ratio boni & æqui postulauerit, potest aliquas causas determinare. Huiusmodi enim administrandi modus tantũ abest, vt sit iniustus, vt potius iusto sit melior, vt Aristot. sapientissime exponit, dicens: Nam equũ & bonum iustum est, & est aliquo iusto melius, et non vt aliquod aliud genus melius est ipso iusto. Idẽ est ergo iustũ, atq; equũ et bonũ.

Matt. c. 18.

Arist. ethi.
lib. 5. c. 10.

Et

Et vtrung³ quidem dubitatio, quia equum & bonū iustum quidem est, non autem lege, sed emendatio legitimi iusti. Causa autem est, quia lex quidem omnis vniuersalis est, fieri autem non potest, vt de quibusdam vniuersaliter rectè dicatur. In quibus igitur vniuersaliter quidem dicere neceſse est, fieri autem nō potest, vt rectè dicatur: in ijs lex id accipit, quod sit plerung³ non ignorans peccatum. Et est nihilominus recta: peccatum enim non est in lege, nec in Legislatore, sed in ipsa rei natura. Continuo namq³ rerum earum quæ sub actionem cadunt, materia talis est. Cū igitur lex quidem vniuersaliter loquitur, in his aut prater vniuersale quippiā accidit, tum rectè sese habet, vt ea parte qua legislator omisit atq³ peccauit absolute locutus, emēdetur defectus. Quod & ipse legislator si adesset, hoc modo dixisset: et si sciuiſſet, iubentē legē tulisset. Qua, ppter iustū quidē est, & præstabilius aliquo iusto, nō tamen simpliciter iusto, sed eo quod peccat, ppterea quod simpliciter dictum est. Atq³ hæc est natura ipsius equi & boni, emēdatio legis, ea ex parte qua deficit ob vniuersale. Hæc enim est causa, & vt non omnia sint lege, quia de quibusdam impossibile est ponere legem: tantum ille. Deniq³ iustum est, quod sit secundum perscriptam legem, equum verò quod sit secundum legis emendationē. Verū ecclesiastica legis emendatio non ad quemcunq³ episcopum, sed ad summum Pontificem pertinet. Quare plenitudo potestatis Papæ non ecclesiasticis statutis, sed equitate finitur. Vnde Papa quando equi et boni ratio exigit, non modò prater ecclesiasti-

ca statuta, sed etiam præter ordinarios episcopos particulares ecclesias potest administrare. Nempe per se, aut per legatos siue commissarios ecclesiasticas causas definire potest. Quandoquidem huiusmodi administratione, iusticia æquitas aliquando requirit.

Romanæ sedis primatus assertores & vindices, non modò Christiani, sed etiam pagani imperatores extiterunt.

Cap. 122.

Catholica quidem ecclesia primatum esse penes Romanum pontificem, non modò Pastores & doctores in catholica ecclesia communione & fide perseverantē concorditer professi fuere, sed etiam religiosi principes asseruerunt. Piorum enim principum non solum reipublica pacem, sed etiam catholica ecclesiæ vnitatem, in vinculo pacis retinere interest. Vt beatus Augustinus sapientissimè exponit, dicens: Quomodo autem reges domino seruiunt in timore, nisi ea quæ contra iussa domini fiunt, religiosa seueritate prohibendo atque plectendo? Aliter enim seruit quia homo est, aliter quia etiam rex est. Quia homo est, ei seruit viuendo fideliter: quia verò etiam rex est, seruit leges iusta præcipientes, et cōtraria prohibentes, conueniente vigore sanciendo. Et infra: in hoc ergo seruiunt domino reges, in quantum sunt reges, cum ea faciunt ad seruiendum illi, quæ non possunt facere nisi reges. Cùm itaque nondum reges domino seruirent temporibus apostolorum, sed adhuc meditarentur inania ad-

August. e-
pist. 50.

uersus

uersus Deum. & aduersus Christum eius, vt prophetarum predicta omnia complerentur, non vniq³ tunc possent impietates legibus prohiberi, sed potius exerceri. Sic enim ordo temporum volebatur, vt & Iudaei occiderent predicatores Christi, putantes se officium Deo facere, sicut prädixerat Christus, & gentes fremerent aduersus Christianos, & omnis potentia martyrum vinceret. Postea verò quàm capit impleri quod scriptum est. Et adorabunt eum omnes reges terra, omnes gentes seruiunt illi: quis mente sobrius regibus dicat: Nolite curare in regno vestro, à quo tueatur vel oppugnetur ecclesia domini vestri, non ad vos pertineat in regno vestro, quis velit esse siue religiosus siue sacrilegus, quibus dici non potest, non ad vos pertineat in regno vestro, quis velit pudicus esse, quis impudicus. Cur enim cum datum sit diuinitus homini liberum arbitrium, adulteria legibus puniantur, & sacrilegia permittantur? An fidem non seruare, leuius est animam Deo, quam sceminā viro? Quibus profectò verbis potestatem compellendi hæreticos, & schismaticos, ad tenendam Catholicā ecclesiā communionē & fidem esse penes principes, apertè satis significatur. Princeps certè qui in Republica Catholica Ecclesiā communionem & fidem retinere vult cū suis subditis, Romanum pontificem obseruet cuiusq³ cōmunionem colat oportet. Siquidē ad Catholicā ecclesiā cōmunionē & fidem retinēdā, oēs fideles summo pōtifici obedire est necessariū. Quare Christiani principes de obediendo in religionis causis Romano

Pon-

Pontifici leges siue decreta condiderunt. Verum sectarij vt Papa primatum deturbent, religiosorum principum pia officia erga ecclesiam perperam interpretantur. Caluinus enim ait: Tandē Phocas nescio Calu. ca. 8.
qua de causa Romanis amicitior Bonifacio tertio P. 58. et 63.
concessit, quod minime postulabat Gregorius, vt Roma caput esset omnium ecclesiarum. Infrà etiam, inquit. Nam cum Zacharias Pontifex Romanus Pepino adiutor fuisset, hoc mercedis tulit, vt in Ecclesias Gallicanas iurisdictionem haberet sedes Romana. Quibus profecto locis, ille Papa primatum non à Christo, sed ab hominibus fuisse constitutum euidenter significat, cuius certè erroris Erasmus seminarium reliquit, dicens. Nam hac Romani Pontificis monarchia, post Hieronymi saeculum exorta est. Sed illorum sententiam esse falsam in confesso est. Nam sicut Nabuchodonosor condendo legem de non blasphemando verò Deo non constituit verum Deum, ita imperator de obediendo Romano pontifice, ferendo legem non constituit Papa primatum. Imperatores certè schismaticis, haeticis, cunctisque fidelibus obedire Romano pontifici preceperunt. Hoc autem non fuit constituere Romanum pontificem caput Ecclesiarum, sed schismaticos & haeticos publica potestate compellere ad obtemperandum Papæ. Igitur non quo Phocas tulit legem de Romani Pontificis primatu, eo Romanas Pontifex obtinet Catholica Ecclesia primatum, sed potius Phocas caterique pij Imperatores de Romani Pontificis primatu tulle-

Erasm. in cō
fil. epist. ad
Damas.
Hier. tom.
2. Dan. c. 3.

& occidentis episcopos, ob quasdam ecclesiarum dis-
 sensiones Romani imperiales literæ cōtraxissent, etc. *Erasm. in*
Schol.
 Quæ verba Erasmus (Constantini deridens donati-
 onem, cuius illic nulla sit mentio) deprauat, dum ait:
 Mirum est, etate diui Hieronymi tantam etiamnum
 imperatorum auctoritatem fuisse Romæ, vt illorum
 literis orientis atq; occidentis episcopi Romani con-
 traherentur, ac non potius Romani Pontificis, præser-
 tim cum Constantinus, iam Syluestro cecisset impe-
 rium, si vera est fama. Sed ille non modo circa hu-
 mana gesta, sed etiam circa religionis dogmata hal-
 lucinatus fuit. Siquidem ad contrahendos Romani
 orientis & occidentis episcopos non in Romana vr-
 be, sed in oriente & occidente imperatorem habere
 auctoritatem fuit necessarium. Imperator enim Ca-
 rolus Quintus non Gallos, sed Germanos & Hispanos
 episcopos Tridentum sub Papa Iulio tertio contraxit,
 utpote ille non in Gallia, sed in Germania & Hispa-
 nia auctoritatem habuit. Gallorum autem rex Gal-
 licanos episcopos sub Papa Pio quarto contraxit Tri-
 dentum, sed ille non Tridenti, sed Gallie auctori-
 tatem habuit. Igitur non quò imperator episcopos con-
 traxit Romam, eò Romæ habuit auctoritatem. Hæc
 à me dicta sint, non quòd Constantini donationem
 aut asseram aut negem, sed quo pius lector Erasmi-
 norum annotationum venenum caueat. Siquidem
 ille, cum ex beati Hieronymi verbis euidenter colle-
 gisset, imperatorem Romane sedis primatus fuisse as-
 sertorem, huiusmodi primatum non à Deo, sed ab ho-
 minibus fuisse constitutum asserit, dum ait: Sed in

alia quadā epistola testatus est (scilicet Hieron.) ōlim omnes episcopos inter se fuisse aequales. Sed ille miserè fallitur, quoniam etsi beatus Hieronymus ad Euagriū omnes episcopos in ordinis potestate asseruit esse aequales, tamen non in iurisdictionis auctoritate, quandoquidem catholica ecclesia monarchiam esse necessariam atque à Deo fuisse constitutam, aduersus Iouianum, & aduersus Luciferianos, apertè satis exposuit. Sectarij certè cum Erasmo inter episcoporum & ordinis, & iurisdictionis potestatem non discernentes, ecclesie ordinem peruertunt, & communionem scindunt. Imperator etiam, cuius littera orientis & occidentis episcopos contraxerunt Romam, non fuit primus Romanae sedis primatus assertor, quandoquidem Magnum Constantinum illud officium catholicae ecclesiae praestitisse, ecclesiastica gesta manifestè testantur. Augustinus enim aduersus Donatistas ait: Illos autem magis hinc arguimus, quia cum apud Imperatorem ultro Cacilianum accusassent, quem primò utique apud collegas transmarinos conuincere debuerant, ipso autem imperatore longè ordinatiùs agente, vt episcoporum causam ad se delatam ad episcopos mitteret, &c. Caciliani quidem causam ad Romanam sedem, Magnum Constantinum detulisse, beatus Augustinus in alio loco expresse exponit, dicens: Aliquantò post Maiorini ordinationem, quem contra Cacilianum nefario scelere leuauerunt, erigentes altare contra altare, & vnitatem Christi discordijs furialibus dissipantes, eos petisse à
 constan-

Aug. epist.
 48. & 162.

Constantino tunc imperatore, iudices episcopos, qui de suis quaestionibus, quæ in Africa exorta pacis vinculum dirimebant, arbitrio medio iudicarent.

Quod posteaquàm factum est, presente Cæciliano, et illis qui aduersus eum nauigauerant, iudicante Melchiade, tunc Romanæ vrbis episcopo cū collegis suis, quos ad preces Donatistarū miserat imperator, &c. Sed Caluinus hæretica licentia religiosissimi imperatoris pium officium Romanæ sedis contumeliam fuisse interpretatur, dicens: Accusauerat Cæcilianū Carthaginensem episcopum Donatus, ventum inde est ad Constantinum: cognitionem mandauit Melchiadi, si iderat extraordinaria Romana sedis iuris dictione audire appellationē in causa ecclesiastica, cur alios sibi adiūgi patitur imperatoris arbitrio: vicit illic Cæcilianus, Donatus prouocat. Constantinus appellationis iudicium demandat episcopo Arelatensi: si Romana sedes summam habet potestatem sine prouocatione, cur sibi tam insignem ignominiam irrogari patitur? Quin passus fuerit ignominiam sanctus Melchiades ab hæreticis pro ecclesia componenda pace, qui ab infidelibus pro Christo occisus fuit? Sed etsi Donatus prouocando ad imperatorem improbus & contumeliosus extitit, non tamen imperator, qui episcoporum causam ad se relatum primo Romano Pontifici, secundo Arelatensi episcopo definiendam commisit. commisit, inquam, non quod in episcoporum dyjudicandis causis sibi potestatem vendicaret, sed quod Romanæ sedis primatū assereret. Siquide imperator etsi in dyjudican-

da *Caciliani causa* Melchiadi Romano Pontifici quosdam episcopos adiungit, tamen id non iuxta arbitrium, vt *Caluinus* comminiscitur, sed secundum ecclesiasticam traditionem fuit factum. Nam Romanus episcopus in dydicandis maioribus causis alios aut episcopos, aut presbyteros iuxta antiquam ecclesia traditionem sibi adiungit, & sine illorum consilio nihil ordinariē exequitur. Appellationis etiam iudicium ab imperatore, non in Romana sedis contumeliā, vt *Caluinus* calumniatur, Arelatensi episcopo fuisse demandatum, beatus *Augustinus* de Donatistarum improbitate differens, exponit dicens: Sed tamē quid postea fecerint imperatoris literis, sufficientissimē ostenditur. Iudices enim ecclesiasticos, tantę auctoritatis episcopos, quorum iudicio & *Caciliani* innocentia, & eorum improbitas declarata est, non apud alios collegas, sed apud imperatorem accusare ausi sunt, quod malē iudicarint. Dedit ille aliud Arelatense iudicium; aliorum scilicet episcoporum, nō quia iam necesse erat, sed eorum peruersitatibus cedens, & omni modo cupiens tantam impudentiam cohibere. Neq; enim ausus est Christianus imperator, sic eorum tumultuosas, & fallaces querelas suscipere, vt de iudicio episcoporum, qui Roma sederant ipse iudicaret, sed alios (vt dixi) episcopos dedit, à quibus tamen illi ad ipsum rursus imperatorem prouocare maluerunt. Qua in re illos quemadmodum detestetur audistis. Atq; vtinam saltem ipsius iudicio insanissimis animositatibus suis finem posuissent, atque vt eis ipse cessit, vt de illa causa post episcopos iudicaret

Aug. epist.
162.

dicaret, à sanctis antistitibus postea veniam petiturus
 &c. Romana profectò sedis primatus assertores non
 modò fideles imperatores, sed etiam infideles extitisse
 ecclesiastica historia apertè satis exponit, dicens:
 Domino igitur in episcopatum subrogato, Paulus &
 sacerdotio abscissus & communione, cum de domo ec-
 clesia nollet exire, interpellatus imperator Aurelia-
 nus, religiosè satis de hoc sanctèq; decernit ijs præci-
 piens ecclesia domum tradi, quibus Italia & Roma-
 nus episcopus scriberent. Et ita prædictus Paulus ad
 cetera mala etiam hoc dedecoris adquisiuit, ut ma-
 nu publica de ecclesia pelleretur. Et tunc quidem ta-
 lis erga nos existeret Aurelianus.

Euseb. ec-
 cles. hist.
 l. 7. c. 36.

Romanæ quidem ecclesiæ primatus C. 123.
 à Christo, aliarum verò ecclesiarum
 patriarchatus ab Ecclesia fuit con-
 stitutus.

Ecclesiastica enim hierarchia quidam gradus à
 Deo constituti fuerunt, quidam verò ab homini-
 bus. Romanæ nimirum sedis primatum non ab im-
 peratoribus, sed à Christo fuisse constitutum, ex hoc
 manifestissimè colligitur, quod Romanus pontifex
 latius quàm imperator præfuit. Siquidem Christi-
 anus orbis latior fuit quàm Romanus, ut beatus Leo de
 beatis Apostolis Petro & Paulo disserens mirificè ex-
 ponit dicens: Isti enim sunt viri, per quos tibi Euan-
 gelium Christi Roma resplenduit, & quæ eras magi-
 stra erroris, facta es discipula veritatis. Et infra: Isti
 sunt qui te ad hanc gloriam prouexerunt, ut sis gens

Leo Papa
 serm. 1. in
 nat. Petri
 & Pauli.

sancta, populus electus, ciuitas sacerdotalis & regia, per sacram beati Petri sedem, caput orbis effecta, latius praesideres religione diuina, quam dominatione terrena. Quamuis enim multis aucta victorijs, ius imperij tui terra mariq; protuleris, minus tamen est, quod tibi bellicus labor subdidit, quam quod pax christiana subiecit. Sacri enim prisci Patres, ex Petri primatu euidenter collegerunt Romanæ ecclesiæ primatū, siquidē non duo, sed vnus est catholica ecclesia primatus à Christo cōstitutus, ut aperte satis testatur Anacletus, dū ait: Breuiter (pro vt Dominus tribuit, & vt à beato Petro principe apostolorum sumus instructi, à quo & Presbyter sum ordinatus) scribere vobis (sicut petistis) non denegauimus. Et infra: In nouo autem testamento, post Christum nostrum Dominum à Petro sacerdotalis caput ordo, quia ipsi Pontificatus in ecclesia Christi datus est, dicente Domino ad eum: Tu es, inquit, Petrus, & super hanc petram ædificabo ecclesiam meam, et porta inferi non praualebunt aduersus eam, & tibi dabo clauēs regni calorum. Hic ergo ligandi, atque soluendi potestatem prius accepit à domino, primusque ad fidem populum virtute sua prædicationis adduxit. Cateri verò apostoli, cum eodem pari consortio, honorem & potestatem acceperunt, ipsumque principem eorum esse voluerunt. In alio etiam loco eandem confirmando sententiam, inquit: Hæc verò sacrosancta Romana & apostolica ecclesia, non ab apostolis, sed ab ipso Domino saluatore nostro, primatum obtinuit, & eminentiam potestatis

Ana. epist.
2. 3.

poteſtatis ſuper vniuerſas eccleſias, ac totum chriſtiani populi gregem aſſecuta eſt, ſicut ipſe beato Petro apoſtolo dixit: Tu es Petrus, & ſuper hanc petram adificabo eccleſiam meam. Et infra: Nam & inter beatos apoſtolos quædam fuit diſcretio. Et licet omnes eſſent apoſtoli, Petro tamen à Domino eſt conſeſſum, & ipſi inter ſe idipſum voluerunt, vt reliquis omnibus præſſet apoſtoli. Apoſtoli certe Petrum habere primatum voluerunt, non quòd illi perinde ac ſenatores conſulem, beatum Petrum in ſummum Pontificem elegerunt, ſed quòd illum, quem Chriſtus conſtituit catholica eccleſia episcopum, pari conſenſu obſervarunt, eiusq; communionem coluerunt. Ex illis locis euidenter colligitur, quòd ſicut apoſtoli obſervarunt Petrum, ita episcopì Romanū Pontificem obſervare tenentur. Si quidē Romanus Pōtifex in petri primatu ſucceſſit. Quo enim Chriſtus Petrū conſtituit principē apoſtolorū, eo etiā Romanū episcopum cōſtituit episcoporū Pontificē. Romana igitur eccleſia propter B. Petri ſedē, non humana, ſed diuina ordinatione inter eccleſias obtinet primatū. Apoſtoli verò ad retinendā fidei ſinceritatē & diſciplinæ rectitudinē, ſub Romana eccleſia primatu, quosdā eccleſiaſticos gradus cōſtituēre, nēpe Patriarchatus, et Metropoles, vt B. Clemēs teſtatur, dicēs: In illis verò ciuitatibus, in quibus olim apud Ethnicos archiſtamines eorū, atq; primi legis doctores erāt, episcoporū primates poni, vel patriarchas ordinauit, qui reliquorum episcoporū et iudicia et maiora (quoties neceſſe foret) negotia in fide agitarēt, et ſecundū dei

Clem. Pap.
epiſt. 1

Ana. cpist.
2.

voluntatem, sicut constituerunt sancti Apostoli, ita
vt ne quis iniuste periclitaretur definirent. Anacle-
tus quoq; Metropoles ab apostolis fuisse constitutas
asserit dicens: Prouinciæ autem multò ante Christi
aduentum tempore diuisa sunt maxima ex parte, &
postea ab Apostolis, & beato Clemente Prædecessore
nostro, ipsa diuisio est renouata. Et in capite prouin-
ciarum, vbi dudum primates legis seculi erant. Et
infra: Patriarchas, vel primates, qui vnā formam
tenent, licet diuersa sint nomina, leges diuinæ & ec-
clesiastica poni, & esse iusserunt, ad quos Episcopi
(si necesse fuerit) confugerent, eosq; appellarent, &
ipsi primatum nomine fruerentur, & non alij. Reli-
qua verò Metropolitana ciuitates, quæ minores iu-
dices habebant, licet maiores comitibus essent, habe-
rent Metropolitanos suos, qui prædictis iuste obedi-
rent primatibus: & post pauca inquit: Ad quos post
sedem Apostolicam summa negocia conueniant, vt
ibidem quibus necesse fuerit, releuentur, & iuste re-
stituuntur, & hi qui iniuste opprimuntur, iuste re-
formentur, atque fulciantur. Episcoporum causa, &
summorum negotiorum iudicio (salua apostolica
sedis auctoritate) iustissimè terminentur. Hæc ab
antiquis, hæc ab Apostolis, hæc à sanctis patribus ac-
cepimus. Quibus profectò locis euidenter significa-
tur, quod etsi metropoles secundum externum impe-
rij ordinem fuerunt depositæ, tamen non ab impera-
toribus, sed ab Apostolis fuerunt constitutæ. Nam
quanquã per imperatores vna prouincia, postea fuit
in duas diuisa, & per consequens in illis fuere duo
pra-

*praesides, tamen Ecclesiastica, metropoles non fuerūt
 diuise, vt Innocentius testatur dicens: Nam quod Innocent.
 sciscitaris, vtrum diuisis imperiali iudicio prouin- epist. 18.
 cijs, vt duae metropoles fiant, sic duo Metropolitanī
 Episcopi debeant nominari, non verè visum est, ad
 mobilitatem necessitatum mundanarum Dei eccle-
 siam commutari, honoresq; aut diuisiones perpeti,
 quas pro suis causis faciendas duxerit imperator. Er-
 gò secundum pristinum prouinciarum morem me-
 tropolitanos episcopos conuenit nominari. Chalcedon
 nense etiam concilium illam confirmans sententiam CONC. c. 12.
 ait: Peruenit ad nos quòd quidam prater ecclesiasti-
 cos ordines affectantes potentiam, per pragmaticam
 formam vnā prouinciam in duas diuidant, ita vt
 ex hoc inueniātur duo Metropolitanī episcopi, in ea-
 de in vna esse prouincia. Statuit ergò sancta synodus,
 deinceps nihil tale attentari à quolibet episcopo &c.
 Veruntamen non quo patriarchatus fuit constitutus
 in Cōstantinopolitana ecclesia, aut in Alexandrina,
 aut in quauis alia, eo Romana ecclesia non habet au-
 toritatem in Cōstantinopolitana ecclesia, & in ca-
 teris. Romana enim ecclesia primatus à Christo con-
 stitutus in petro, conciliorum statutis non potest ab-
 rogari. Vnde constituere aliquam ecclesiam patriar-
 chatum aut metropolim, non est eximere eam à Ro-
 manae ecclesiae iurisdictione, sed dare illi autoritatem
 in conprovincialibus ecclesijs, vt Nicenum concilium Nice. C3.
 exposuit dicens: Mos antiquus perdurat in Aegypto, cil. c. 6.
 vel Libia, et Pentapoli, vt Alexandrinus Episcopus ho-
 rum omnium habeat potestatem, quoniam quidē &*

Episcopo Romano parilis mos est. Similiter aut & apud Antiochiā, ceterasq; prouincias, honor suus vnicuiq; seruetur ecclesie. Sicut enim quilibet apostolus in vniuerso orbe parē cum B. Petro habuit potestatem, scilicet verò Petrus fuit superior ceteris apostolis: Ita quilibet Patriarcha in proprio Patriarchatu habuit tantā auctoritatem, quantam Papa in Romano. Solus verò episcopus Romanus potestatis plenitudinē habet in Patriarchas, & per consequens in archiepiscopos, & in vniuersam ecclesiam. Romanus igitur episcopus est Patriarcha catholica ecclesie, ceteri verò sunt particularium ecclesiarum: siquidem Romana ecclesie primatus, in beato Petro à Christo fuit cōstitutus, ceterarum autem ecclesiarum primatus ab apostolis. Vnde particulares Patriarcha & Archiepiscopi, non humana, sed diuina ordinatione episcopis sunt superiores: in singulis enim prouincijs ab apostolis, aut à successoribus illorum ad fidei retinendam vnitatem, vnus de episcopis superpositus est ceteris, qui Patriarcha aut Archiepiscopus est appellatus.

Episcopus diuina ordinatione, presbitero est superior.

Cap. 124.

Etsi Archiepiscopus humana ordinatione episcopis est superior, tamen episcopatus Presbyterio diuina cōstitutione est maior. Siquidem diuina ordinatio Presbyterum & episcopum discreuit. Sed Calvinus illorum munerum distinctionem non à Christo, sed ab hominibus fuisse adinuentam, asserit dicens: Quibus ergo docendi munus iniunctum erat,

Calu. ca. 8.
para. 27.

erat, eos omnes nominabant Presbyteros, illi ex suo
 numero vnum eligebant, cui specialiter dabant titu-
 lum episcopi. Et infra: Atq; idipsum pro temporum ne-
 cessitate fuisse humano consensu factum fatentur ip-
 si veteres, ita Hieronymus in epistola ad Titum, etc. Sed
 illa sententia, scilicet episcopum humana ordinatioe à
 Presbytero differre, Aerei est hæresis, vt Epiphanius. cū Epip. hæret.
 Augusti. de Aerio differens, testatur: Erat autem (in- 75.
 quit) ipsi sermo furiosus magis quàm humana condi- August. do-
 tionis, & dicebat: Quid est Episcopus ad Presbyterum? hæret.
 Nihil hic differt ab illo: vnus est enim ordo, & vnus
 (inquit) honor, & vna dignitas. Imponit manus epi-
 scopus, ita etiam Presbyter. Lauacrum dat episco-
 pus, similiter & Presbyter, &c. Sed etsi sacerdotij or-
 do est vnus, tamen sub eo duos sacerdotum gradus à
 Christo fuisse constitutos, euangelica historia aper-
 te satis exponit. Dominus enim noster Iesus Christus Marc. 3.
 discretè elegit, quosdam quidem apostolos, quosdam
 verò discipulos. De apostolorum enim electione ait:
 Et ascendens in montem, vocauit ad se quos voluit Luc. 6.
 ipse, & venerunt ad eum. Et fecit vt essent duode-
 cim cum illo, & vt mitteret eos prædicare, &c. In Luc. 10.
 alio etiam loco idem exponit, dicens: Et cū dies fa-
 ctus esset, vocauit discipulos suos, & elegit duodecim
 ex ipsis, quos & apostolos nominauit. De discipulorum
 verò electione, inquit: Post hæc autem designauit domi-
 nus et alios septuaginta duos, & misit illos binos an-
 te faciem suam in omnem ciuitatem, etc. Quibus certè locis
 euidenter significatur, omnes Christi apostolos, fuisse
 discipulos, non omnes discipulos extitisse apostolos. huius
 modi

Clem Pap.
epist. 1.

modi esse episcoporum & presbyterorum distinctionem inconfesso est. Siquidem episcopi Apostolorum sunt successores, presbyteri verò discipulorum, ut beatus Clemens Papa & martyr aperte satis exponit, dicens: Episcopos ergo vicem apostolorum gerere dominum docuisse dicebat, & reliquorum discipulorum vicem tenere presbyteros debere insinuabat.

Ana. epist.
2. & 3.

Eandem sententiam beatus Anacletus Papa & martyr de apostolis differens exponit, dicens: Qui etiam iubente domino, in toto orbe dispersi, euangelium predicauerunt, ipsis quoque decedentibus, in locum eorum successerunt episcopi. Et infra: Videntes autem ipsi apostoli messem esse multam, & operarios paucos, rogauerunt Dominum messis, ut mitteret operarios in messem suam. Inde electi sunt ab eis septuaginta discipuli, quorum typum gerunt presbyteri, atque in eorum locum sunt constituti in ecclesia. In alio etiam loco illammet sententiam euidentius explicat, dicens: Sacerdotum, fratres, ordo bipartitus est, & sicut Dominus illum constituit, à nullo debet perturbari. Scitis autem, à Domino apostolos esse electos & constitutos, & postea per diuersas prouincias ad predicandum dispersos. Cum verò messis cœpisset crescere, videns paucos esse operarios, ad eorum adiumentum septuaginta eligi praecepit discipulos. Episcopi verò Domini apostolorum, presbyteri quoque septuaginta discipulorum, locum tenent. Quibus profectò locis expresse exponitur, Episcopum & Presbyterum, differre diuina ordinatione. Sacerdotum siquidem ordo per episcopatus constitutionem fuit

fuit bipartitus, episcopatus verò ordo per primatus & archiepiscopatus constitutionem non fuit bipartitus. Quid quod humana archiepiscopatus constitutione episcoporum ordo à Christo constitutus non bipartitur. At sacerdotum ordo, et si diuina est ordinatio, tamen diuina episcopatus constitutione bipartitur. Quam sententiam beatus Anacletus exponit, Anacle. c. dicens: Amplius quàm isti duo ordines sacerdotum, p. 118. 3. nec nobis à Deo collati sunt, nec apostoli docuerunt. Episcoporum verò ordo est vnus, licèt sint primates illi, qui primas ciuitates tenent. Igitur Christi ordinatione, sicut apostolatus discretus fuit à discipulatu vt sic loquar, vt episcopatus à presbyterio. Cum qua profectò sententia, sacra scripturæ loca, quibus episcopi nominantur presbyteri, aut presbyteri appellantur episcopi non pugnant, vt Epiphanius sapientissimè exponit, dicens: Decepit autem prædictum Aërium nugacitas ipsius & æmulatio. profert autem ad errorem suum et eorum qui ipsum audiunt, quod apostolus scribit presbyteris & diaconis, & non scribit episcopis. Et ad episcopum dicit: Ne neglexeris donum quod in te est, quod accepisti per manus presbyterij. Et rursus in alio loco episcopis & diaconis scribit. Quare est inquit, idem episcopus & presbyter? Et non nouit ille qui consequentiæ veritatis ignarus est, & historias profundissimas nō legit, quod cū recens esset prædicatio, sanctus apostolus pro re nata, velut habebat scripsit. Vbi enim episcopi erant iam constituti, scripsit episcopis & diaconis. Non enim omnia statim potuerunt apostoli constituere.

Presby-

Presbyteris enim opus erat & diaconis, per hos enim duos ecclesiastica compleri possunt. Vbi verò non inuenitur est, quis dignus episcopatu præsit locus sine episcopo. Vbi autem opus fuit, & erant digni episcopatu, constituti sunt episcopi. Cum autem multitudo non esset, non inueniuntur inter ipsos, qui Presbyteri constituerentur, & contenti fuerunt solo episcopo in loco constituto. Verum sine diacono impossibile est esse episcopum. Et si episcopus & presbyter olim nominibus communicabant, tamen illorum gradus diuina constitutione fuerunt discreti, ut beatus Chrysostomus cum Theophylacto (illum scripturæ differens locum, nempe Paulus & Timotheus serui Iesu Christi, omnibus sanctis in Christo Iesu qui sunt Philippi cum episcopis & diaconibus) exponit, dicens: Quid hoc? Erant ne multi vnius ciuitatis episcopi? Nequaquam, sed Presbyteros ita vocauit. Tum enim subinde nominibus communicabant, & diaconus dicebatur episcopus. Propterea Timotheo scribens, dixit: Diaconatum tuum adimpleto, cum esset episcopus. Quoniam enim episcopus erat, dicit ad eum: Manus nemini citò imposueris, & quod datum est tibi cum impositione manuum Presbyteri. Neque, verò Presbyteri manus imponebant episcopo. Rursus & ad Titum scribens, dicit: Huius rei gratia reliqui te in Creta. ut constituas oppidatim Presbyteros, sicut ego tibi ordinaram, si quis est inculpatus vnius vxoris vir. De episcopo loquitur: Et cum ista dixisset, mox subiungit: Oportet enim episcopum inculpatum esse, tanquam Dei dispensato-

Chryf. The
ophyl. ad
Phil. ca. 1.

rem non praefractum. Quemadmodum igitur dixi, & Presbyteri olim vocabantur episcopi, & Diaconi Christi. Vnde & nunc plerique episcopi scribunt conseniori & comministro. Postea verò seorsum suum cuique datum esse nomen, vel episcopo vel presbytero. Beatus certè Chrysostomus, ex apostolicis scriptis episcopum vel presbyterum, non esse idem, sed nominibus communicasse, sapientissimè collegit. At beatus Hieronymus ex eisdem scriptis intulit, idem est ergo presbyter, qui episcopus. Sed in hoc articulo beati Hieronymi sententia non patrocinator sectarijs. Siquidem sapientissimi ac sanctissimi cuiusque viri singularis sententia, non est idoneum testimonium ad religionis astruenda dogmata. Beati certè Hieronymi sententia illud verissimè conuenit, quod beatus Augustinus de Cypriani sententia contra Cresconium ait: Verba eius ex epistola ad Iubaianum inseruisti literis tuis, quibus ei placuisse monstrares, baptizandos esse in ecclesia catholica, qui fuerint in haeresi vel schismate baptizati. Ego huius epistola auctoritate non teneor, quia literas Cypriani non ut canonicas habeo, sed eas ex canonicis confidero & quod in eis diuinarum scripturarum auctoritati congruit, cum laude eius accipio: quod autem non congruit, cum pace eius respuo. Ac per hoc, si ea quae commemorasti ab illo ad Iubaianum scripta de aliquo apostolorum, vel Prophetarum canonico recitares, quod omninò contradicerem, non haberem. Nunc verò quoniam canonicum non est, quod reci-

Aug. cont.
Cresc. li. 2.
cap. 32.

tas, ea libertate ad quam nos vocauit Dominus, eius viri cuius laudem consequi non valeo, cuius multis literis mea scripta non comparo, cuius ingenium diligo, cuius ore delector, cuius charitatem miror, cuius martyrium veneror, hoc quod aliter sapuit non accipio. Non accipio inquam, quod de baptizandis hæreticis & schismaticis beatus Cyprianus sensit, quia hoc ecclesia non accipit, pro qua beatus Cyprianus sanguinem fudit. Sed Calui. cateriq; sectarū, qua sunt ingenij & iudicij, & animi dexteritate B. Hieronymi cum patribus communis sententia præterita, singularem illius sententiam adorant. Siquidē beatus Hieronymus episcopatum presbyterio esse maiorem aduersus Ioannem Hierosolymitanum, cum catholica ecclesia concorditer asserit, dicens: *Missi religiosissimum hominem Dei Isidorum Presbyterum, virum potentem tam ex ipsa incessus & habitus dignitate, quā diuina intelligentia, curare etiam eos, qui animo vehementer agrotant, sita mentis sensum sui languoris habeant. Homo Dei mittit hominem Dei: nihil interest inter Presbyterum et episcopum, eadem dignitas mittentis & missi, hoc satis imperitè in portu (vt dicitur) naufragium.* Ad beatum etiam Augustinum scribens, eandem confirmans sententiam, ait: *Vale mi amice charissime atate fili, dignitate parens. Nec Augustinus cum Hieronymo pugnat, dum inquit: Quanquam secundum honorum vocabula, quæ iam ecclesiæ vsus obtinuit, episcopatus presbyterio maior sit: tamen in multis rebus Augustinus Hieronymo minor est.* Honorū dixit

Hieron. ad
Pammach.

Aug. epist
14.

August. c.
pist. 19.

dixit vocabula non gradus, siquidem vocabulorum distinctio est ab hominibus: Episcopatus verò et Presbyterij discretio à diuina constitutione, quoniam in publicis quidem ecclesiasticis muneribus Augustinus maior fuit Hieronymo, vtpote Augustinus fuit episcopus, Hieronymus autem Presbyter: in priuatis verò dotibus, nempe in vita sanctitate, atque in eruditione tum sermonis tum scientia, Augustinus christiana humilitate se esse minorem Hieronymo profitetur. Episcopum certè Dei ordinatione differre à Presbytero, beatus Hieronymus apertè satis testatur, dicens: Et vt sciamus traditiones apostolicas sumptas de veteri testamento. quòd Aaron & filij eius atq; Leuitæ in templo fuerunt, hoc sibi episcopi & presbyteri et diaconi vendicent in ecclesia. Aaron nimirum & filiorum eius & Leuitarum munera, non ab hominibus, sed à Deo fuerunt constituta. Illorum similiter graduum discretionem, non humana, sed diuina ordinatio constituit. Igitur Episcoporum, Presbyterorum, et Diaconorum, quorum figuram Aaron & filij eius, atq; Leuitæ gestarunt, constitutio & distinctio non ab humana ordinatione, sed à diuina emanauit. Quòd verò Calvinus ait: Illi ex suo numero vnum eligeant, cui specialiter dabant titulum episcopi, manifestissimum commentum est. Nam etsi ecclesiastici gradus ab hominibus constituti, perinde ac ciuiles magistratus per electionem constituuntur, vti Archiepiscopus, Archipresbyter, Archidiaconus, & similes, tamen ecclesiastici gradus à Christo constituti, vltra humanam electionem exigunt diuinam ordinationem. In eccle

Hieron. ad
Euag.

Cal. cap. 8.
par. 27.

siaſtica quidem hiearchia, non quicumque fidelis eſt Presbyter, nec quicumq; Presbyter eſt epiſcopus, ſed qui ordinatur in presbyterum, & in epiſcopum. Si- quidem presbyteri & epiſcopi non per electionem, ſed per ordinationem conſtituuntur in eccleſiaſtico ordine, vt diuina ſcriptura & apoſtolica traditio euidenter exponit, Paulus enim Timotheo ait: Noli negligere gratiam qua in te eſt, qua data eſt tibi per prophetiam, cum impoſitione manuum presbyterij. Et infra: Manus citò nemini impoſueris, neque communicaueris peccatis alienis. In alio etiam loco ad eundem inquit: Propter quam cauſam admoneo te, vt reſuscites gratiam Dei, qua eſt in te per impoſitionem manuum mearum. Quibus certè locis euidentiffimè ſignificatur, epiſcopos ac presbyteros non populi ſuffragio, ſed manus impoſitione ordinari. Epiſcoporum certè ordinationem, Paulus non presbyteris, ſed epiſcopo iniungit, dùm ait Tito: Huius rei gratia reliqui te Creta, vt ea qua deſunt corrigas, & conſtituas per ciuitatem Presbyteros, ſicut & ego diſpoſui tibi. Etſi Presbyteri iuxta diuinam ordinationem tantùm ab vno epiſcopo ordinantur, tamen epiſcopus non ab vno epiſcopo, ſed à pluribus ordinatur, vt apoſtolica traditio docet. Anacletus enim Papa ait: Porrò & Hieroſolymitarum primus Archiepiſcopus beatus Iacobus, qui iuſtus dicebatur, & ſecundum carnem Domini nuncupatus eſt frater, à Petro, Iacobo, & Ioanne apoſtolis eſt ordinatus, ſucceſſoribus videlicet dantibus formam eorum. Vt non minus quàm à tribus epiſcopis, reli- quisq;

1. ad Tim.
ca. 4. & 5.

2. ad Tim.
cap. 1.

Ana. epi. 2.

quisq³ omnibus assensum præbentibus, vllatenus episcopus ordinetur, & communi voto ordinatio celebretur. Reliqui verò sacerdotes à proprio ordinentur episcopo. Denique in catholica ecclesia nullus fidelis Presbyterij gradum obtinuit, nisi ab episcopo ordinatus: nullusq³ Presbyter ad episcopatus fastigium ascendit, nisi per episcopos specialiter consecratus. Episcoporum certè consecrationem diuina ordinatione distinctam esse à sacerdotum consecratione à posteriori, ex illorum officijs euidenter dignoscitur. Siquidem episcoporum ministeria distincta sunt, à Presbyterorum ministerijs, vt beatus Hier. Eua-
 eronymus exponit, dicens: Quid enim facit excepta ordinatione episcopus, quod presbyter non faciat? Cui sententia Calvinus consentit, dicens: Vnde veteres hoc saepe habent, non differre alia re ab episcopo presbyterum, nisi quia ordinandi potestatem non habet. Episcopus igitur in ordinandi potestate maior est presbytero. Quæ nimirum ordinandi potestas, non ab hominibus per electionem, sed à Deo per consecrationem confertur. Huiusmodi profectò ordinandi potestatem in presbyterorum ordinatione non conferri, in confesso est. Quoniam nullus presbyter in catholica ecclesia alium presbyterum ordinauit, vt Epiphanius sapientissime testatur, dicens: Dicere enim ipsum episcopum et presbyterum aequalem esse, quomodo erit possibile? Episcoporum enim ordo, patrum generator est, patres enim generat ecclesia. Presbyterorum verò non potens generare patres per

Hier. Eua-

Cal. c. 1. §.

para. 36.

Epiph. hæ-
ret. 75.

lauacri regenerationem generat filios ecclesie, non tamen patres & doctores. Et quomodo possibile erat Presbyterum constituere, non habentem manuum impositionem ad eligendum, aut dicere ipsum aequalem esse episcopo? Episcopum sanè non solum in potestate ordinis, sed etiam in potestate iurisdictionis diuina constitutione esse superiorem Presbyteris, diuina scriptura expresse tradit, vt Epiphanius sapientissimè exponit, dicens: Et quòd non potest idem esse (scilicet Presbyter & Episcopus) docet diuinus apostoli sermo, quis sit episcopus, & quis presbyter, cum dicit ad Timotheum, qui erat episcopus: Presbyterum ne obiurges, sed adhortare velut patrem. Quid negocij esset episcopo, vt presbyterum nò obiurgaret, si non super presbyterum potestatem haberet? Quem admodum etiam rursus dicit: Aduersus Presbyterum ne citò admiseris accusationem, nisi coram duobus aut tribus testibus. Et non dixit aliquem Presbyterum: Ne admiseris accusationem contra Episcopum, neque scripsit ad aliquem Presbyterum, vt ne Episcopum obiurgaret. Tandem apostolis à scriptura, etsi Episcopos & Presbyteros nominibus communicasse tradit, tamen illos diuina ordinatione differre, expresse exponit. Quare diuina ordinatione Petri successor, nempe Romanus Episcopus, ceteris episcopis est superior, apostolorumq; successores, scilicet Episcopi, Presbyteris discipulorum successoribus prepositi sunt.

Papa in spiritualibus plenitudinem,
non æquitatis, sed potestatis habet.

C. 125.

Sectarij quidem ad ecclesiæ monarchiam de-
sturbandam catholicos doctores immodicam po-
testatem attribuire Romano Pontifici, ipsum-
q³ Pontificem immoderatè vti huiusmodi potestate Philipp. in
comminiscuntur, Philippus enim Melancthon ait: apol. de ec-
cles.
Sed fortassis aduersarij sic postulant diffiniri ecclesi-
am, quod sit monarchia externa, suprema totius or-
bis terrarum, in qua oporteat Romanum pontifi-
cem habere potestatem $\alpha\nu\pi\epsilon\upsilon\epsilon\upsilon\omega\nu$ de qua nemi-
ni liceat disputare aut iudicare, condendi articulos
fidei, abolendi scripturas quas velit, instituendi cul-
tus & sacrificia: item condendi leges quas velit, di-
spensandi & soluendi quibuscunq³ legibus velit, di-
uinis canonicis & civilibus, à quo imperator et re-
ges omnes accipiant potestatem & ius tenendi regna,
&c. Sed illum procaciter mentiri, res ipsa loquitur.
Siquidem omnes catholici doctores, tum prisca, tum
neoterici (quos ille aduersarios vocat) etsi ecclesiam
externis sacramentis indigere concedunt, vtpote illa
hominum est visibilis congregatio, tamen quo Dei
internus & spiritualis cultus christiana religionis est
potior pars, eo ecclesiam non externam, sed inter-
nam & spiritualem monarchiam esse pari consensu
profitentur. Vnde ecclesiastica monarchia, in qua
Romanus pontifex obtinet primatum, non in politi-
cis, sed in ecclesiasticis, & spiritualibus negotijs, to-
tius orbis terrarum est suprema. Quod si plenitudo

poteſtatis, quam catholici doctores attribuunt, Pa-
 pa eſt legitima; tamen non omnis huiusmodi pote-
 ſtate vtens eſt ἀντιθετος. Siquidem non pauci
 magiſtratus legitima poteſtate iniquè vtuntur, quod
 etiam non ſolum in eccleſiaſticis ſed in ciuilibus ma-
 giſtratibus videre licet. Quamuis igitur teſte apoſto-
 lo omnis poteſtas eſt à Deo, & per conſequens legiti-
 ma, tamen non omnis magiſtratus iuſtis legibus iu-
 ſtè vtitur. Qua proſectò duo, poteſtas, inquam, & re-
 ctus poteſtatis vſus, ſunt diſtinguenda. Verùm ſectarij
 illa duo confundetes, quo Romanus Põrifex aliquoti-
 es poteſtatis plenitudine iniuſtè vtitur, eo penes illũ
 nullã eſſe poteſtatem dogmatizãt. At catholici docto-
 res, etſi Papa poteſtatis plenitudine aliquoties abuti-
 tur, tamẽ penes illũ eſſe primatum eccleſiæ, ac poteſta-
 tis plenitudinẽ, conſtanter aſſerũt, vt B. Bernardus mi-
 riſicè exponit, dicẽs: Murmur loquor, et querimoniã
 eccleſiarũ truncari ſe clament, ac demembrari. Vel
 nulla vel pauca admodũ ſunt, quæ plagã iſtã, aut nõ
 doleant, aut nõ timeant. Quæris quã? Subtrahũtur
 Abbates Episcopis, Episcopis Archiepiscopis, Archiepisco-
 pi Patriarchis ſiue primatibus. Bona ne ſpecies hac?
 Mirũ ſi excuſari queat vel opus. Sic facitendo proba-
 tis vos habere plenitudinẽ poteſtatis: ſed iuſtitiæ forte
 non ita. Facitis hoc quia poteſtis, ſed vtrum & debeat
 iſta quæſtio eſt. Honorum ac dignitatũ gradus & ordi-
 nes quibusq; ſuis ſeruare poſiti eſtis, non inuidere, vt
 quidã veſtrorum ait: Cui honorem. Quibus certè ver-
 bis poteſtatis plenitudinẽ, & rectum vſum poteſtatis
 lōgo interuallo differre, apertè ſatis ſignificatur. Fatẽ

Bern. de cõ
 fid. li. 13.

tur quidem omnes catholici, Romanū Pontificem potestatis habere plenitudinem, sed non itē plenitudinē rectitudinis. Quoniā posse & iuste posse, etsi in Deo non possunt separari, utpote ille quidquid potest iuste potest facere, tamē in hominibus longosunt intervallo seiuncta. Quam differentiam prisca Romani Pontifices adnimadaertentes, prater religionis maiores causas ferē nullas alias aduocabant. Quemadmodū enim Deus res quas cōdidit sic administrat, ut sinat eas proprios motus agere: Vnde Deus per suas creaturas mundum administrat, per se autem post primam rerum creationem rara fecit miracula. Vnum tantū hominem nempe Christum per se, tamen non sine altero parente genuit: sic prisca sancti Pontifices, per patriarchas, Archiepiscopos & Episcopos, catholicam ecclesiam administrabant. Fidei autem & episcoporum causas tantū aduocabant: quod modo si fieret, dissidiorum et controuersiarū bona pars ē medio sublata fuisset. Sanctissimis quidem Romanis Pontificibus maior cura fuit seruande iustitiæ, æquitatis & religionis tranquillitatis, quā afferendæ potestatis plenitudinis. Deniq, illi plenitudinem potestatis alligabant cōmuni et ordinario iuri, modestēq, sapientes id se posse, quod iure poterant, asserbant. Quāta fuerit cura antiquorum sanctorum Romanorum Pontificum seruandi communia ecclesiastica statuta, Gelasius Papa aperte satis exponit, dicens: Con-

25. q. 1. ca.
Cōfidimus

Bernar. de
confid. l. 3.

exequi sedem præ cæteris oportere, quam primam
quæ & vnamquamq; synodum sua auctoritate fir-
mauit, & continuata moderatione custodit. potestatis
enim plenitudo, non quod vasa in administranda
ecclesia ordinaria statuta obseruat, ligatur (vt qui-
dam existimant) sed dirigitur. Vt enim diuina lex
hominis libertatem non tollit, sed ordinat: ita vasa
potestatis plenitudo ecclesiasticis statutis nõ ligatur,
sed regitur. Quemadmodum enim equus quanto ma-
iori pernecitate viget, tantò arctiori & fortiori fre-
no indiget: Sic quantò Romanus Pontifex maiori
potestate pollet, tantò illa potestas indiget rectiori re-
gula. Quam nimirum regulam beatus Bernardus
doctissime exposuit, dùm dixit: Spiritualis homo ille
qui omnia diiudicat, vt ipse à nemine diiudicetur,
omne opus suum trina quadam consideratione præ-
ueniet. primum quidem an liceat, deinde an deceat,
postremò an expediat. Nam etsi constet in christi-
ana vtique philosophia non decere nisi quod licet: nõ
expedire nisi quod decet & licet, non continuò ta-
men omne quod licet, decere aut expedire consequens
erit, &c. Quoniam in priuatis actibus vnicuiq; sa-
tis est sibi licere quod facit, at in publica administra-
tione non sufficit quod opus sit licitum, nec satis est
quod deceat, sed etiam requiritur quod expediat.
Huiusmodi nimirum esse ecclesiasticam administra-
tionem in confesso est. vasa quidem potest subditum
à iurisdictione episcopi eximere: æquumq; est fateor,
sit tamen alteri prælato subdidit, qui vigilantius,
quàm episcopus possit, subditi curam agere. Vt de
exem-

exemptione monachorum regularium constat. Si verò exemptus sua libertate relinquitur, non tam is subducitur, quàm seducitur. Nec dicenda est hac exemptio, sed exitium. Perinde etiam causa auocatur à Papa vt digniori magisq; idoneo, quàm diocesano episcopo causas & negotia cōmittantur, quod si has causas etiam indiscriminatim cuicunq; iniunxerit, profectò vsus huius potestatis plenaria esset iam perniciosus abusus. Quod verò Philippus ait, quod catholici doctores asserunt nemini licere de Papa potestate disputare, manifestum commentum est. Quandoquidem sicut de diuinarum personarum trinitate in essentia vnitatem disputatur, non quòd dubitetur si est, sed vt saltem qualis qualis illius mysterij habetur explicitor notitia: ita, non quòd dubitetur de Papa primatu, sed quod aduersus hæreticos astruatur, disputatur. Verum quidem est, quasdam assertiones circa Papa primatum à catholica ecclesia cōmuni consensu esse receptas, quasdam verò esse controuersas, de quibus tam diu disputabitur, quàm diu per ecclesiam non definiuntur.

Papa in ecclesia perinde ac rex in re publica non habet superiorem.

Cap. 26.

SED ad aliud, quod Philippus ait, quod nemini de Papa potestate licet iudicare. Nihil noui circa Papa primatum asseritur. Siquidem sicut in ciuili re publica princeps non habet superiorem à quo iudicetur, ita in ecclesiastica monarchia summus pontifex non habet superiorem, apud quem conueniatur,

Tho. 12. q
96. art. 5.

*Et hoc est quod de principibus affirmatur, dùm dicimus principes esse solutos à legibus. Quod quidem verum est in exteriori foro, vtpote illi non subducuntur potestatibus superioribus. Verùm principes, tùm seculares, tùm ecclesiastici, quantò maiori pol-
lent potestate, tantò magis secundum naturalem et diuinam legem humanis legibus, quas ipsi tulerunt, parere tenentur. Quam sententiam beatus Thomas sapientissimè exponit, dicens: Sic igitur princeps dicitur esse solutus à lege, quia nullus in ipsum potest iudicium condemnationis ferre, si contra legem agat. Vnde super illum psalmum: Tibi soli peccaui, &c. Dicit glosa, quod rex non habet hominem, qui sua facta diiudicet: sed quantum ad vim directiuam legis princeps subditur legi, propria voluntate: secundum quod dicitur extra de constitutionibus C. Cum omnes. Quod quis quid iuris in alterum statuit, ipse eodem iure vti debet. Et Sapientis dicit auctoritas: Patere legem, quam ipse tuleris. Improperantur etiam hi à Domino, qui dicunt & non faciunt, & qui alijs onera grauiā imponunt, & ipsi nec digito volunt ea mouere, vt dicitur Matth. 23. Vnde quantum ad Dei iudicium, princeps non est absolutus à lege, quantum ad vim directiuam eius, sed debet voluntarius, non coactus legem implere. Est etiam princeps supra legem, in quantum si expediens fuerit, potest legem mutare, & in ea dispensare pro loco & tempore. Quæ omnia tantò magis Romano pontifici, quàm ciuilibus magistratibus conueniunt, quantò ecclesiastica policia est maioris dignitatis.*

dignitatis, quàm ciuilis. Ex verbis etiam beati Thomæ Philippi impudentissimum mendacium deprehenditur, dùm ait: Item condendi leges quas velit, dispensandi, soluendi quibuscunq; legibus velit, &c. Siquidem catholici doctores Papam condendi leges & dispensandi habere potestatem, vt boni & æqui ratio exigit, non ob quâlibet causam affirmant. Nã etsi Romanus Pontifex catholica ecclesiæ primatum obtinet, tamen illius plenitudo potestatis non excedit limites supreni dispensatoris. Quia Papa ministerium Dei & ecclesiasticorum bonorum non Dominus, sed dispensator est. Quare in condendis legibus, in dispensando circa leges, & in distribuendis ecclesiæ honoribus & oneribus, non propriam, sed Domini voluntatem obseruare tenetur. De condendis verò legibus B. Bernardus ad Eugenium ait: At quomodo non indecens tibi, voluntate pro lege vti, et quia nō est ad quem appelleris: potestatem exercere, negligere rationē? Tu ne maior Domino tuo qui ait. non veni facere voluntatē meā. Quanquā nō minus deiecti, quàm elati animi est, veluti rationis expertē, nō pro ratione, sed libitu agere, nec iudicio agi, sed appetitu. Quid tā bestiale? Atq; quemadmodū lex vt sit iusta, nō priuati, sed publici boni causa est ferēda. ita imò multò magis in dispensando, nō priuati sed publici boni habēda est ratio, vt B. Bernardus exponit, dicēs: Quid inquit? prohibes dispēsare? Nō, sed dissipare. Nō sum tā rudis, vt ignore positos vos dispēsatores, sed in edificationē, non in destructionē. Deinde quæritur inter dispensatores vt fidelis quis inueniatur. Vbi necessitas vrget, excusa;

Philip. apō
lo. de eccl.

Berna. de
conf. li. 3.

excusabilis dispensatio est. Vbi utilitas prouocat dispensatio laudabilis est: Utilitas dico communis, non propria. Nam cum nihil horum est, non planè fidelis dispensatio, sed crudelis dissipatio est. Ad legitimè siquidem dispensandum, non minùs æqui et boni ratio, quàm potestatis plenitudo exigitur. AEqui nimirum & boni ratio tunc in dispensando seruatur, quando meliùs est nõ seruare scriptam legem, quàm seruare. Quod si in dispensando priuatum bonum praefertur publico, huiusmodi profectò dispensatio, dilapidatio est. Quandoquidem dispensator domini voluntatem non obseruauit. Catholici igitur doctores etsi summus Põtifex potestatis plenitudine abutitur, tamen penes illum esse primatum constanter affirmant. Qui enim propter potestatis abusum negat potestatem, is profectò cum Donatistis consentit. Huiusmodi esse nostræ tempestatis sectarios, illorum commentaria prae se ferunt. Sectarij enim ad deturbandum papæ primatum, magis abusibus, quàm rationibus innituntur. Ob plenitudinis nimirum potestatis abusum de Romana ecclesia, verum est id quod Cicero de Romano imperio ait: Externa libentiùs in tali re, quàm domestica recordor. Veruntamen quandiu Imperium populi Romani beneficij s tenebatur, non iniurijs: bella aut pro socijs, aut de imperio gerabantur. Exitus erant bellorum aut mites aut necessarij. Regum, populorum, nationum, portus erat & refugium senatus: nostri autem magistratus, imperatoresq, ex vna hac re maximam laudem capere studebant, si prouincias, si socios a quiete & fide defendisset.

Cic. offici.
lib. 2.

fendissent. Itaque illud patrocinium orbis terra verius, quàm imperium poterat nominari. Sensim hanc consuetudinem & disciplinam iam ante minuebamus. Post verò Sylla victoriam, penitus amisimus. Illa inquam vera sunt non de primatu à Christo in Petro constituto, ut perpetua successione maneret, sed de hominibus potestatis plenitudine abutentibus. Quandoquidem abusus non primatus defectu, sed hominis culpa grassantur in Dei ecclesia.

Christus non errandi in fide privilegio, ut perpetua successione maneret, beatum Petrum donauit.

ET si Papa in iudicandis quibusdam ecclesiasticis causis, de iusticia siue aequitatis via, potest declinare, tamen in fidei dirimendis controuersijs, atque in explicandis atque proponendis religionis dogmatibus, non potest errare. Papa, inquam, non potest errare, non quòd Papa ut priuata persona in fide sit confirmatus, sicut Dei propheta, & Christi apostoli fuerunt, quandoquidem ille in fide potest errare, ac esse hereticus, sed quòd Papa ut publica persona in definiendis fidei dogmatibus diuina gratia specialiter assistat. Papa certè priuata persona, & publicum pontificatus munus, non sunt confundenda, sed distinguenda. Siquidem priuilegium non errandi in fide, Papa non ut singulari homini, sed ut summo pontifici specialiter est collatum. Verum Calvinus illam catholicam sententiã deridens, ait: Calu. ca. 8. Christi priuilegio cautum esse, ne Papa errare possit. par. 69.

Et

Et infra: Expungant è numero pontificum oportet Ioannem vigesimum secundum, qui palàm asseruit animas esse mortales. Verum quidem est, Papam hæreticum expungendum esse è numero pontificum.

Sed Ioannes vigesimus secundus, licet circa articulum de animæ immortalitate errauerit, tamen non fuit hæreticus, & per consequens è numero pontificum non fuit expunctus. Ille enim animas esse mortales, non vt Papa definiuit, sed vt singularis homo, citra pertinaciam asseruit. Summum certè pontificem vt publicam personam in fide non errare, diuina scriptura apertè satis testatur, dùm ait: Vnus autem ex ipsis Caiaphas nomine, cùm esset pontifex anni il-

Ioan. c. 11.

lius, dixit eis: Vos nescitis quicquam, nec cogitatis, quia expedit vobis, vt vnus moriatur homo pro populo, & non tota gens pereat. Hoc autem à semetipso non dixit, sed cùm esset pontifex anni illius, prophetauit, quia Iesus moriturus erat pro gente, &c. Quibus profectò verbis clarè significatur, priuilegium nõ errandi circa religionis dogmata, pontifici non vt

Theophy.
Chryf.

singulari homini, sed vt pontifici esse datum, vt Theophylactus cum Chrysostomo exponit, dicens: Cum alijs apud Iudeos & pontificatus dignitas erat corrupta, ac venalitij facti fuerunt principatus, ne vltra per omne tempus vita vnus, sed duntaxat in annum vnum sacerdotio fungeretur. Et quamuis ita corrupta foret dignitas, adhuc tamen aderat spiritus sanctus, operans in his qui vncti erant. Postquam autem manus iniecerunt in Iesum, tunc omnino gratia dereliquit illos, & transijt ad apostolos Et
infra

infra: Considera igitur pontificalis dignitatis virtutem, quomodo plena sit gratia spiritus, tametsi indigni sint qui illam gerant. Et honora sacerdotes dignè propter gratiam in eis, non propter eorum voluntatem. Beatus quoque Augustinus eandem sententiam confirmandus, ait: Hic docemur, etiam homines malos prophetia spiritu futura predicere: quod tamen Euangelista diuino tribuit sacramento, quia pontifex fuit, id est, summus sacerdos. Igitur illa prophetica sententia: Expedit vobis ut vnus moriatur homo pro populo, &c. Non à Caipha priuata persona, sed à pontificatus munere emanauit, quod diuina scriptura expresse exponit, dicens: Hoc autem à semetipso non dixit: sed cum esset pontifex anni illius prophetauit. Quod si summus Pontifex sub lege Moyse in definiendis dogmatibus de fidei regula non declinauit, tantò magis Papa sub Euangelio in fide non hallucinatur. Quandoquidem priuilegium non errandi in fide tam adiunctum est euangelico sacerdotio, quàm legali. In Dei quidem ecclesia vera religionis sacerdotium tantum abest, ut per Christi euangelium fuerit euacuatum, ut potius sit auctum. Siquidem Christus non venit soluere legem, sed adimplere. Quare cum sacerdotium per Christum non antiquatum, sed auctum fuerit, beato Petro eiusq; successoribus Romanis pontificibus potiora gratia dona collata fuere, quàm Aaron & eius filijs. Beato certè Petro
priuilegi

Aug. tra.
cta. 49. su-
per Ioan.

Lucæ 22.

præiilegium non errandi in fide fuisse collatum Dei verbum expresse exponit, dicens: Ait autem Dominus Simoni: Simon, ecce satanas expetiuit vos, ut cribraret sicut triticum: ego autem rogavi pro te, ut non deficiat fides tua: & tu aliquando conuersus, confirma fratres tuos. Dominus quidem noster Iesus Christus fidei perseverantiam beato Petro, ut singulari homini promisit, dum illi desinente dixit, rogavi pro te, ut non deficiat fides tua. Cum qua promissione trina Petri negatio non pugnat. Nam et si Petrus Christum quem oportebat confiteri ad salutem, ore negavit, corde tamen quo creditur ad iustitiam retinuit fidem.

Chrys. homi. 83. sup. Matth.

ut B. Chrysostomus exponit, dicens: Quomodo igitur orare ei opus fuit, ut unius hominis commotum animum stabiliret? Quare igitur ita dixit? propter causam, perfectam, quam iam exposuimus, & propter infirmitatem discipulorum, qui nondum decentem omnino de ipso estimationem habebant. Quomodo igitur negavit? Non dixit quippe, non negabis, sed ut non deficiat fides tua.

Theop. super Luc.

Cura enim ipsius atque favore factum est, ne omnino Petri fides euanesceret. Eiusdem sententia est Theophylactus, cum ait: Rogavi igitur, dicit, ut non deficiat fides tua, quamvis enim brevi tempore concutiendus sis, habes tamen recondita semina fidei, ut etiam si folia abiecerit spiritus inuadentis, radix tamen viuet, & non deficiat fides tua. Petrus etiam in legalium immodica obseruatione, quam legitime Paulus reprehendit, de fidei regula non declinavit, quod Tertullianus sapientissimè exponit, cum ait: Caterum si reprehensus est Petrus, quod conuixisset Ethnicis, postea se à conuictu

Tertul. de præf. hæret.

conuictu eorū separabat personarū respectu: utiq; cō-
 uersationis fuit vitiū, nō predicationis. Igitur etsi B.
 Petrus, negando Christū & obseruando legalia de re-
 cta morū via declinauit, tamē à fidei sinceritate nō
 defecit. Item dominū nostrum Iesum Christū illis ver-
 bis: Ego rogaui pro te, &c. non modò B. Petro vt sin-
 gulari homini, sed etiā vt ecclesiæ Pastori, atq; in illo
 successoribus eius, nempe Romanis pōtificibus, fidei p-
 senerantiā promississe, Theoph. sapientissimē exponit
 dicens: Planus huius intellectus is est. Quia te habeo vt
 principē discipulorum, postquā negato me fleueris, et
 ad pænitentia veneris, confirma ceteros. Hoc enim te
 decet, qui post me ecclesiæ petra es, et firmamentū. In-
 tellexerit aut quis non solum de apostolis dictū, quod
 cōfirmati fuerint à Petro, sed de omnibus, qui vsq; ad
 consummationē sæculi futuri sunt fideles. Bernardus
 quoq; illam sententiā ad Innocentium secundū scri-
 bens, mirificē illustrat: Oportet, inquit, ad vestrū re-
 ferri apostolatū pericula quæq; & scandala emergen-
 tia in regno dei, ea præsertim quæ de fide contingunt.
 Dignū namq; arbitror, ibi potissimū resarci: i dam-
 na fidei, vbi non possit fides sentire defectū. Hæc quip-
 pe huius prærogatiua sedis. Cui enim alteri aliquando
 dictū est: Ego pro te rogaui Petre, vt non deficiat fides
 tua. Ergo quod sequitur, à Petri successore exigitur: Et
 tu aliquando conuersus confirma fratres tuos. Id qui-
 dem modò necessariū. Tempus est vt vestrum cognos-
 catus pater amantiſſime principatū, probetis zelum,
 ministeriū honoretis. In eo planè Petri impletis vicē,
 cuius tenetis et sedē, si vestra admonitione, corda fide

Theop.

Bernard.
epist. 191.
Innoc. 2.

Luc. 22.

Aug epist.
165.

fluctuātia cōfirmatis, si vestra auctoritate conteritis
fidei corruptiones. Priuilegiū certè nō errandi in fide
in B. Petro fuisse collatū Romanis pontificibus B. Au-
gustinus à posteriori aperte satis exponit, dicens: Si e-
nim ordo episcoporum sibi succedentiū considerandus
est, quantò certius, et verè salubriter ab ipso Petro nu-
meramus, cui totius ecclesie figurā gerenti, dominus
ait: super hanc petram edificabo ecclesiam meam, et
portæ inferorū non vincent eam. Petro enim successit
Linus, Lino Clemens, Clementi Anacletus, Anacleto
Euaristus, etc. Atq; enumeratis episcopis Romanis vs-
q; ad Anastasiū ait: In hoc ordine successionis nullus
Donatista episcopus inuenitur. Sed ex transuerso ex
Aphrica ordinatū miserunt, qui paucis præsicens A-
phris in vrbe Roma Montensiū vel Cuzupitarū voca-
bulum propagauit. In illū autem ordinem episcoporū
qui ducitur ab ipso Petro vsq; ad Anastasium, qui nūc
eandem Cathedram sedet, etiam si quisquā traditor
per illa tempora subrepisset, nihil præiudicaret eccle-
siae & innocentibus christianis, quibus Dominus pro-
uidens, ait de propositis malis: Quæ dicunt facite, etc.
Quæ profectò B. Augustini sententia, tam est vera de
Romanorum Pontificum successionē, vsque ad Pium
Quintū, qui nunc Petri Cathedram sedet, quàm de
Pontificum successionē vsq; ad Anastasium: quando-
quidem nullus Romanus pontifex fuit hæreticus.

Matt. c. 28.

Francisci

771

FRANCISCI
CORDVBENSIS MI-
NORITAE SERMO IN SO-
LEMNITATE OMNIUM SANCTO-

rum denuò recognitus atque auctus,

*quo expresso Dei verbo ostenditur, religio-
nis controuersias esse referendas & ad
Concilium, & ad Papam.*

VIdens Iesus turbas, ascendit in mō-
tem: & cū sedisset, accesserunt ad
eum discipuli eius: & aperiens os suum,
docebat eos, dicens: Beati pauperes spi-
ritu, quoniam ipsorum est regnum cōe-
lorum, &c.

Matth. 5.

Beatitudinis præmium, pauperibus
spiritu propositum, omne desiderii-
um euacuat.

Cap. 1.

Pientissimus & misericors Dominus, ut ad ob-
seruantiam suorum mandatorum homines il-
liceret, ut inde eos ad beatitudinem eternā per-
traheret, nouum modū legē ferendi seruauit. Ut chry-
sostomus apertè satis exponit, cū ait: Christus do-
ctrinam suam non sub specie mandatorum atq; ex-
hortationis inducit, sed sub premijs beatitudinum,

Chrys. sup.
Matth. c. 5.

ut scilicet sermonem ipsum faciat gratiosorem, & stadium doctrina sua cunctis recludat. Ad idem Paulus apostolus: Nescitis, inquit, quod hi qui in stadio currunt, omnes quidem currunt, sed vnus accipit brauium, sic currite ut comprehendatis. Omnis enim qui in agone contendit, ab omnibus se abstinere, & ille quidem ut corruptibilem coronam accipiant, nos autem incorruptam. Ut autem exemplo suo fideles ipsos ad fidei certamen attraheret, continuò subiecit: Ego igitur sic curro, nō quasi in incertum: sic pugno, non quasi aërem verberans. Obserua quod christiana religio stadio, in quo certant Athletæ, non immeritò assimilatur. Differt tamen, quod in Olympico stadio ostendebatur temporale brauium, sed in ecclesiæ stadio victoribus præmium æternum proponitur. Ut ergo bonorum celestium homines amore flagrant, in huius vitæ certamine constanter aduersa subirent, hæc præmia beatitudinum, velut in theatro proposuit, dicens: Beati pauperes spiritu, quoniam ipsorum est regnum celorum. A seculo non est auditum, 1. Cor. 2. temporale regnum propositum esse stadij cursoribus, & tamen nec oculus vidit, nec auris audiuit, nec in cor hominis ascendit, quod suis fidelibus legitimè certantibus, magnificentissimus Dominus repromittit, dicens: Beati pauperes, &c. non comitatum, non ducatum, non regnum, non deniq; imperium terrenum sed beati pauperes spiritu, quoniam ipsorum est regnum celorum. verè beati sunt, qui tali donantur brauiò: verè beati, quoniam omnium bonorum sufficientia ditescunt. Beatitudo enim status est omnium

nium bonorum aggregatione perfectus, aeterna stabi-
 litas, gaudium perenne, prapes corona, & perma-
 nens in aeternum felicitas. Tale quidem est premi-
 um, qualis ille est qui proposuit: tale ut omnium ho-
 minum appetitum in sui desiderium inclinet. Quod Aug. de tri
ni. l. 13. c. 4.
 Augustinus exponit, dicens: Beati omnes esse volunt,
 immò sic est creatura rationali insitus appetitus be-
 atitudinis, ut nullus omninò sit qui beatitudinem nò
 desideret: nullus sit, qui non detestetur miseriam. Psalm. 16.
 Nihil aliud appetitum explet, nihil faciat præter bea-
 titudinem, ut verè sit dictum: Replebimur in bonis
 domus tua. Et satiabor cum apparuerit gloria tua.
 In rebus enim creatis augetur libido, appetitus cresc-
 cit, incitatur auiditas, & nunquam conquiescit ho-
 mo. Aded enim generosus est, quia ad Dei imagi-
 nem factus, ut ipsius Dei sit capax, & nulla re alia
 satiari possit. Vt Augustinus ait: Quia fecisti nos do-
 mine ad te, inquietum est cor nostrum, donec requi-
 escat in te. Hinc illa vox est Alexandri Magni: Eu me
 miserum, quòd nec vno potitus sum mundo. Vasa ca-
 pacissima sumus reprobi quidem iræ, electi misericor-
 dia, illa in contumeliam, hac autem sunt in honorem Ad Rom.
cap. 9.
 perfecta. Vasa sumus, sed videamus qualem infunda-
 mus liquorem: non insipidum, sed suauem: non ama-
 rulentum, sed dulcissimum: non vilem, sed pretiosis-
 simum, ut cum ventum fuerit ad cellarium aeternæ
 gloriæ, pro vasis capacitate caelesti repleamur beati-
 tudine, fugiamusq; eternum supplicium, simus de-
 niq; quale illud vas electionis: Ecce quo replebatur 2. ad Ti. 4.
 liquore. Bonum certamen certavi, cursum consum-

Augu. En-
chri. ca. 25.

maui, fidem seruauui, in reliquo reposita est mihi corona iustitiæ. Hunc pretiosissimum liquorem propinat nobis omnibus Christus, dicens: Beati pauperes spiritu, quoniam ipsorum est regnum celorum. Ipsorum, inquit, non superborum: hos enim manet æterna gehenna, vbi nunquam deficiunt tortores, vbi fletus ex summo maximus, vbi stridor dentium continuus, vbi cum in damnatis adhuc appetitus vigeat beatitudinis, hoc ad cumulum dānationis eorū accedit, quod frustratos à suo desiderio se vident, vbi cum beatitudinem non desiderare non possint, & de ea omninò desperent, carentia sælicitatis æternæ (quam pœnam damni vocant theologi) supra modum eos ipsos torquebit.

Caput 2.

Paupertas spiritus, hoc est, humilitas,
& viam sternit ad fidem, & fidem il-
libatam conseruat.

BEati pauperes spiritu, &c. Beatitudinis ineffabile præmiū illis est duntaxat promissum, qui humilitate profunda perarantur contra superbiam. Hoc opus, hīc labor est: qui enim in hoc certamine, radicem omnium malorum funditus non contendit euellere, frustra contra alia vitia laborat. In hoc autem ratio veræ humilitatis consistit, vt omnis factura à suo conditore, quicquid habet se habere cognoscat. Non enim, vt dicit apostolus, sufficientes sumus cogitare aliquid ex nobis, quasi ex nobis, sed sufficientia nostra ex Deo est. Lar-
gitori

2. ad Cori.

3.

gitori igitur quæ accepimus dona, ex ipso datore
 pensamus, illa sicut par est astimeamus, & nos ipsos
 parui pendamus. Contra humiles non praualent
 inimici, quoniam misericors dominus eos de ster-
 core subleuat, vires & omnem sufficientiam, quæ a-
 cerrimum hostem, superbiam, eneruare possint, sup-
 peditat, & tandem eis ipsis, quoniam legitime cer-
 tauerunt, dicit: Beati pauperes, quoniam ipsorum
 est regnum calorum. Iam si fide Deum cognosci-
 mus, & fide tenemus firmiter nos ad eius imagi-
 nem factos, & fide non dubitamus sufficientiam no-
 strā a deo esse, sine fide verū humilem esse, est procul-
 dubio impossibile. Quod si fide quid simus librantes,
 Deū nobis contulerimus, cū nihil ponderis in nobis
 inuenire possimus, fieri non poterit, quin verè hu-
 muliemur. Hoc enim est quod regius Psalter dicitur
 dicebat: Credidi, propter quod locutus sum: ego au-
 tem humiliatus sum nimis. Quem locum in hunc
 modum exponit Chrysostomus: Qui hæc non in-
 telligunt, versum malè coherere putant: verū si
 nos idem sentiremus de Deo, quod Dauid, nul-
 lus esset ex nobis, qui non & ipse de se clamaret:
 Ego autem humiliatus sum nimis. Etenim quis-
 quis indicibilem dei maiestatem oculo cordis con-
 templatur, et cognoscit deum homine tantò sublimio-
 rem, quantò calum formica sublimius, nimirū si stu-
 pescat intra se, et dicat: Ego autem humiliatus sum ni-
 mis. Unde & Abraham in comparatione dei terram
 se esse ac cinerem videbat, dicens: Ego autem sum ter-
 ra & cinis. Contrā superbi Deum non cognoscunt,

Psalm. 115.

Chrysost.

Gen. c. 10.

neq³ semetipsos, quid sint, sciunt: quo pacto enim qui non antea agnoscit opificem, agnoscet seipsum esse figmentum? quia enim nescitur Dominus, nascitur superbia, id quod attestatur scriptura, dicens: Initium superbia est, nescire Deum, descivit enim à factore cor eius. Tantum Chrysostomus. Hinc & doct^r gentium clamabat: Arma militia nostra non carnalia sunt, sed potentia Deo, ad destructionem munitio-
 Eccle. c. 10. signum? quia enim nescitur Dominus, nascitur
 2. ad Cor. cap. 10. nium consilia destruentes, & omnem altitudinem
 August. extollentem se aduersus scientiam Dei, & in captiui-
 tatem redigentes omnem intellectum in obsequium
 Christi. Et beatus Augustinus ait: Mater hereticorum
 est superbia. Hinc etiam Christus redemptor
 De Gen. cō noster, sanctam humilitatem commendans, dicit:
 tra Mani. Beati pauperes spiritu. Sine humilitate namq³ fides
 li. 2. ca. 8. languescit, fouetur superbia, vitia siluescunt, & sci-
 entia inflat. Quam sententiam Augustinus expli-
 cat, cum ait: Damones à scientia sunt dicti, qui cum
 De ciu. dei careant humilitate, in superbia & inflatione persi-
 li. 9. ca. 20. stunt. Humilitatem igitur amplectamur, qua mu-
 nitionum consilia (quæ contra Dei scientiam, hoc
 est, contra fidem insurgunt) labefacitemus: humi-
 litate in obsequium fidei intellectum captiuemus, et
 in rebus fidei proprio non innitamur iudicio.

Caput 3.

Non omnibus credendum est, ma-
 ximè superbis.

CVM in nostra potestate sit credere, vitium
 est omni credere, & peccat qui credit nul-
 li. Nec enim, si vitium non esset, aut si in no-

Aræ

fra potestate non esset, Sapiens diceret: Qui citò cre-
 dit, leuis est corde: vbi enim peccatum est, voluntas August.
 non liberatur à noxa. Augustinus inquit: Quid est De spiri. et
 credere, nisi consentire verum esse, quod dicitur? Con- lit. ca. 1. 31.
 sensio autem utiq; volentis est, profectò fides in pote-
 state est. Vnde licet intellectus ad actum credendi
 concurrat, quia tamen voluntas imperat ipsum a-
 ctum, principaliùs quàm intellectus concurrat. Ra-
 tione igitur est moderanda voluntas, ita vt cui oport-
 tuerit, & vt oportuerit, credamus. Quamuis enim
 inter alia charitatis encomia, quæ Diuus Paulus com- 1. ad Co. 13.
 memorat, sit vnum, quod omnia credit, nunquam
 tamen charitati hanc leuitatem inussit, quasi ipsa,
 quod absit, omnibus sine discretionem crederet, nec e-
 nim charitas leuis est, inanis aut minus constans, vt
 sine delectu fidem habeat quibuscunque: quod si in
 credibilibus quæ ad humanum conuictum spectant,
 vituperabile est omni credere, quàm execrabile,
 quàm impium, quam uè sacrilegum in his erit, quæ
 ad religionem pertinent credibilibus? Hac enim cre-
 dibilia humanam rationem excedunt, & ideo opus
 est, duci nos testimonio diuino, neq; liberum debet es-
 se cuiquam ex cerebro interpretari scripturam, sed
 ad veritatem fidei catholicæ, catholicum sensum, hoc
 est, vniuersalem atque communem semper oport-
 tet amplecti, Augustinus enim ait: Deus enim pri- August.
 us per prophetas locutus, scripturam condidit, emi- Li. 11. de ci-
 nentissima auctoritatis, quæ canonica nominatur, uitate dei.
 cui fidem habemus de his rebus, quas ignorare non
 expedit, neque per nos ipsos nosse idonei sumus, &c.

August.
Epist. 56.

His omnibus insinuatur imbecillitas humani intellectus, doctrinae necessitas, & eminentissima eiusdem auctoritas. Ideo enim propheta tam diligentissime scriptura mandarunt, quae per reuelationem à spiritu sancto acceperunt, ut quae erant necessaria ad salutem, homines obliuioni non traderent. Tanta autem auctoritatis est hac diuina scriptura, quam nos in testimonium adducimus, ut & suos errores haeretici ea munire procurent. Quod manifestè docet Augustinus: Si qua, inquit, nunc erroris secta contra veritatem, hoc est, contra ecclesiam emerferit, nisi nomine cooperta christiano, ad pugnandum profligare non audet. Et infra: Cuius scriptura auctoriati, tantò deuotius obtemperare oportet, quantò videmus nullum iam errorem se audere extollere, ad congregandas sibi turbas imperitorum, qui non christiani nominis velamenta conquirat. Hucusque ille. Hoc enim in his deflendis temporibus omnium experientia testatur. Omnes enim haeretici, impia sua dogmata testimonio scripturae licet male intellectae, confirmant. Equidem negant eam testem esse auctoritatis eminentissimae, & ideo ad suae factionis errores eam trahere moluntur. Cumque arcem ecclesiae potentissimam esse cognoscant, magnis conatibus eam occupare nituntur. Sed cum nullam scripturae diuinae repugnantiam praeseferat, & semper sibi similis, & in omnibus constans permaneat: cumque ecclesia catholica mirabilem hanc consonantiam stabilis & firma conseruet, haeretici verò in varias & portentosas sectas diuisi, nec secum, nec

cum ecclesia concordent, euidentissima ratio concludit, nullo eos modo intelligere scripturam diuinam. Quod cum sit ita, nec est eis habenda fides. Ex schismatibus enim eorum potest unusquisque colligere, non eos Deum docuisse, sed hominem, vel potius spiritum mendacij atque vertiginis. Aperte ergo demonstrant qualem magistrum habuerint. Augustinus certe illam sententiam astruit, dum ait: Sic autem diuersas inter se Socratici de isto fine sententias habuerunt, ut quod vix credibile est, vnus magistri potuisse facere sectatores: sic etiam & nos dicamus, tam diuersas inter se Lutherani de religione sententias habuerunt, ut vix credibile sit vnus De ciu. dei li. 3. cap. 3. magistri potuisse facere sectatores. Planè non talia monstra in schola Christi fuerunt, non Christus docuit has sectas, non eius discipuli, aut eorum successores episcopi, has hareses suscitauerunt. Omnes in rebus fidei vnanimes extiterunt, omnes eundem spiritum in vinculo pacis seruauerunt, & ideo solis illis patrocinator scriptura diuina. Nunquid schismata mouit Petrus, aut Simon hareticus non dedit illi pœnas? nunquid Ioannes apostolus vnitatem non tenuit, aut Cherintum lauantes se non exhorruit? Et quid opus est percensere eos omnes, qui hætenus intra ouile Christi vixerunt? nunquid fuerunt haretici intra gremium ecclesiæ catholice? minime, sed si qui sub ouina pelle latuerunt, ad tempus tandem eos euomuit ecclesia. Vnde Ioannes ait: ex nobis exierunt,

sed

sed non erant ex nobis: si enim ex nobis essent, permansissent utique nobiscum. Quia enim superbam ceruicem ecclesiae iugo noluerunt submittere, flocci pendentes bonum humilitatis, nec seruant vinculum vnitatis, nec ad mercedem peruenient aeterna felicitatis. At beati pauperes spiritu, quoniam ipsorum est regnum caelorum.

Exemplo diui Pauli, in controuersijs fidei concionatores debent humiliter Concilium consulere.

Caput 4.

VAs illud electionis multis nominibus obseruandum, talem cum apostolis concordiam vnitatemque tenuit, qualem concinatorum munus exigebat & postulabat. Sic enim perfecte se gessit, ut perfectissimum esset exemplar, iure deinceps predicatoribus imitandum: inter eius autem alias et heroicas virtutes profundissima resplenduit humilitas. Nec in commendando Paulum opus est hic immorari, cum eius doctrina atque actus, qualis quantusque fuerit, satis superque commonstrent, interim tamen & nos, quatenus proposita materia conueniret, iam iam vel aliqua ex parte ostendemus. Christiana ergo vera & germana concinatoris humilitas est, caput non extollere contra superiorem, sed eum honorare & recognoscere, ei obedire atque deferre.

Sic Paulus, ut ipse inquit, Hierosolymam ascendit causa visendi Petrum, ut eum tanquam apostolorum principem honore debito afficeret. Chrysostomus enim cum Theophylacto illam sententiam aperte satis

Chryl. Theophy. ad Galatas 1.

tis

tis exponit, dicens: Hoc insignis humilitatis animi
 signum, si qui tanta transfegerat, ad Petrum abiit,
 non utilitatis gratia, sed solo visendi studio honorās
 eum, ceu maiorem se, propterea neque dixit ἰδοὺ,
 hoc est, ut cernerem Petrum, sed ἰσοῖσται, hoc est, ut
 viderem, & cum observatione intuerer. Hæc illi.
 Illud verò attentius perscrutari libet, quod sic in acti-
 bus apostolicis legitur: Quidam descendentes de Iu- Aetor. 15.
 dea docebant fratres, quia nisi circumcidamini se-
 cundum morem Moysi, non potestis saluari. Facta
 ergo seditione non minima Paulo & Barnabæ, ad-
 uersus illos statuerunt ut ascenderent Paulus & Bar-
 nabas, & quidam alij ex alijs ad apostolos et pres-
 byteros in Hierusalem, super hac quaestione. Ecce
 pro incredulis, qui obtemperare renuunt ecclesia, ecce
 inquam expressum Dei verbum, ecce scriptura aper-
 tissimum testin; enim, ecce contra superbos hæreti-
 cos humile Pauli manifestum exemplum: sed cuius
 Pauli obsecro, illius certè qui raptus fuit in tertium
 cælum, & audiuit arcana, quæ non licet homini lo-
 qui, illius qui euangelium didicit, non ab homine,
 sed a Deo per reuelationē, illius qui fuit electus à deo,
 ut esset vas electionis ad portandum nomen dei in gen-
 tes. Hic ergo seditione orta circa legis obseruatio-
 nem, non agrè tulit, neque distulit ad Hierusalem
 ascendere, perrexit, & de quaestione orta patres in
 concilio consulit. Doctor ille gentium nunquid in-
 digebat doctore? Qui per reuelationem à Deo iam
 doctus fuerat, habebat opus, ut aliquis eum doceret?
 & tamen ascendit Hierusalem, ut omnibus esset vera
 humilita

humilitatis forma, vt eorum qui contra ecclesiam euangelicum sibi nomen vsurpant, effrenem superbiam elideret. Hanc salutarem doctrinam a tempore Constantini Imperatoris principes catholici obseruarunt. Tempore enim Constantini ad abolendam haresim Arrianam congregatum fuit concilium Nicenum. Tempore magni Theodosij, Constantinopolitanum contra Macedonium. Tempore Theodosij iunioris, Ephesium contra Nestorium. Tempore Marciani, Chalcedonense contra Eutychetem. Quatuor ista concilia beatus Gregorius suscipere & venerari se fatetur, sicut sancti euangelij quatuor libros. Hoc etiā sunt imitati hucusq; religiosissimi principes: in controuersijs enim fidei semper adierūt concilium, quod nunquam fuit congregatum sine auctoritate apostolica sedis, & episcopis

Euangelicam doctrinam, quam doctor gentium prædicabat, humiliter cum ecclesia contulit.

Caput 3.

Ad Gal. 2.

ORta, vt suprà retulimus, seditione, non solum Hierusalem Paulus ascendit, sed & Patres cōsultuit, & cum eis contulit euangelium, inquit enim: Ascendi autem secundum reuelationem, & contuli cum illis euangelium quod prædico. Pensanda sunt hac verba, cum dicit: ascendi secundum reuelationē. Spiritus enim sanctus, qui ei euangelium reuelauit, illem et eidem præcepit vt Hierusalem ascenderet, & ibidem euangelium conferret. Cum enim euangelium Christi ex eius institutione, omnibus gentibus de
beat

Matt. Mar
ci ult. ca.

beat prædicari, quoniam est doctrina catholica, id
 est, vniuersalis, atque communis ex communi sen-
 su, non ex priuato iudicio, debet interpretari. Quod
 cum ita sit, nec debet nec potest variari doctrina e-
 uangelica secundum hominum ingenia diuersa: sed
 vna & eadem, secundum eundem sensum ecclesie
 debet omnibus prædicari. Vnam enim & eandem
 doctrinam omnibus prædicabat, qui dixit: Sicut in 1. ad Cor.
 omnibus ecclesijs sanctorum doceo. Oportet ergo vt 14.
 cum ecclesia catholica conferatur, & ab eadem ap-
 probetur, quod pro omnibus institutum est. Planè
 erat Paulus verè humilis, & idèò euangelium,
 quod prædicabat, humiliter cum patribus contu-
 lit. Certus quidem erat se prædicare verū euangeli-
 um, alias enim non ita constanter dixisset: Licet
 nos, aut angelus de celo euangelizet vobis, præter- Ad Gal. 1.
 quam quod euangelizauimus, anathema sit. Ad
 hac, euangelium per reuelationem didicerat, deinde 1. Cor. 2.
 sensum domini habebat. Huc accedit, quod vir erat
 spiritualis, spiritualis autem, ipso testante, omnia
 diiudicat, ipse verò à nemine iudicatur. Sed nun-
 quid aliquid allegauit istorum, vt Hierosolymam
 non ascenderet? minimè gentium, sed spiritui
 sancto (qui nisi super humilem corde, qualis
 erat Paulus, non requiescit) statim obtempe-
 rans, Hierosolymam sine mora perrexit. Quid
 superest, vt dicant hi noui concionatores, qui
 tanta pompositate verborum sese suamque inaudi-
 tam à tempore apostolorum doctrinam extollunt &
 iactant: fortassis (qua sua est arrogancia et superbia)
 non

non verebuntur asserere, quod sensum domini abundantius habeant, quàm diuus Paulus. Et quod reuelationes diuinas cumulantius acceperunt. Sed ubi est illa concordia, illa vnitas spiritus, illud vinculum pacis, quod toties flagitat & inculcat apostolus? Ille vnum Deū prædicabat pacis, non dissensionis. Quid quod et ipsa veritas, hos nouos euangelicos velut digito nobis ostendens, dixit: Qui non colligit mecum, dispergit. Sed quid ille, quem ipsa veritas docuit, nonnè Hierosolymam ascendit, vt cum Christo in vñ ouile dispersas oues colligeret, & à truculentis rapacibusq; lupis (qui eas conabuntur abigere) patrum auctoritate defenderet? Quam longè, bone Deus, ab eius proposito distant, qui ortus tot seditionibus, quarum ipsi auctores fuerunt, nec ecclesiam consulunt, neque Christi vicarium honorant, imò nihil magis detestantur & improbant. Vix est credibile, eos tam detestabili lethargia laborare, vt doctore gentium se esse doctiores affirmant.

Ad Ephes.

.4.

Ideo patres de sua doctrina Paulus consuluit, vt illà apud gentes obtineret auctoritatem.

Caput 6.

FAcile est deprehendere, si propriè rem perpendamus, doctrinam cum ecclesia conferre non esse idem, quod populo concionari. Concionantur enim qui populum hortantur & docent, sed doctrinā conferunt, qui de ea consulunt aliquos, cum quibus eam communicant. Nec enim ascendit Hieru
salem

salem Paulus, vt aut doceret apostolos, aut doceretur
 ab illis: sed vt doctrinam quam predicabat, omnes
 vnanimi consensu approbarent, & apud omnes gen-
 tes firmam obtineret auctoritatem. Ne ergo posset
 videri cuiquam aliud quàm apostolos ceteros, Pau-
 lum predicare euangelium, opus fuit, vt à concilio
 ecclesiam representante prius reciperetur. Quæ enim
 obsecro prophetia vnquam tam celebrem auctori-
 tatem obtinuit, vt scriptura diceretur diuina, nisi ab ec-
 clesia Israëlitiçi populi prius approbata & recepta?
 aut cuius euangelistæ doctrina, sicut diuinum oracu-
 lum meruit obseruari, nisi ab ecclesia prius admissa? August.
 ita vt non immeritò diceret Augustinus: Euangelio Cont. epif.
 nō crederem, nisi auctoritas ecclesia catholica me cō- Fund. ca. 51
 moueret. Hac ergo de causa, doctor ille gentium, e-
 uangelium cum apostolis consulit, vt neminem dein- Li. 28. cōt.
 cept lateret, omnium apostolorum eandem esse do- Fauft. 4. c.
 ctrinam: neq; ipse dūm predicaret, dubietatis scrup-
 ulum in animo alicuius relinqueret: Augustinus ni-
 mirum illam sententiam mirificè illustrat, dicens:
 Cū ipse apostolus Paulus post ascensionem Domini
 de calo vocatus, si non inueniret in carne apostolos,
 quibus communicando, & cum quibus conferendo
 euangelium eiusdem societatis appareret, ecclesia il-
 li omninō non crederet: sed cū cognouissent eū hoc
 annunciantem, quod etiam illi annuntiabant, et in
 eorum communione atque vnitae viuentem, acce-
 dentibus etiam per eum talibus signis, qualia & illi
 operabantur, ita eam domino commendante meruit
 auctoritatem, vt verba illius sic audirentur ab eccle-

sia, tanquam in illo Christus, sicut ipse verissime dixit, locutus audiatur. Haecenus Augustinus. Videamus ergo utrum isti predicatorum, qui indebitum hunc honorem & fidem volunt exigere, si exemplo diui Pauli astruunt & ipsi fidem. Videamus si euangelium quod predicant, cum ecclesia iam contulerunt, quod cum eos constet nihil horum egisse, ut quid meliuntur doctrinam nouam inducere, & apostolicam sibi contra diuinum ius assumere & vendicare auctoritatem?

Prædicatoribus euangelicis, sicut et Paulo, iniunctum est à deo præceptum de conferendo cum ecclesia Euangelio.

Caput 7.

Constat ex supra dictis, spiritus sancti iussione Paulum Hierusalem ascendisse, ut ibi euangelium, quod gentibus predicabat, cum patribus ecclesie conferret. Ascendi, inquit, secundum reuelationem: quasi diceret, non à me hoc feci, sed id habui à spiritu sancto in mandatis: exerceo publicum munus, & ideo oportet doctrinam quam predico, communi totius ecclesie iudicio recipi & approbari. Si ergo predicatori gentium iniunctum præceptum hoc fuit, ut cum patribus euangelium conferret, quis inficiabatur, quin in omnes euangelicos, concionatores transeat illud idem præceptum? ut scilicet nihil noui, aut non cum ecclesia collatum populo audeant proponere. Superestne quicquam probandum? expresso Dei verbo, quis nisi dementissimus, contra dicet? sed ne cuiquam

quam hoc insolitum videatur, aduertat, quod praecepta, quae ad administrationem pertinent christiana reipublica, non sub illa generali forma traduntur, qua illa quae vitam & mores componunt. Illud enim praeceptum: Pradicate euangelium omni creatura, quod officio pastoralis est annexum, solis apostolis, eorumq; successoribus est iniunctum. Hi enim sicut & illi euangelium annunciare tenentur, aliàs apostolis decedentibus nullus predicare teneretur ex diuino praecepto, quod manifestariam haeresim redollet. Successoribus ergo apostolorum, sicut & ipsis apostolis, utrumq; praeceptum fuit iniunctum, videlicet, & euangelium predicare, & idem cum ecclesia conferre. Quibus enim est demandatum, ut predicent, demandatum est etiam, ut modum tradendi doctrinam, quam apostoli à Deo acceperunt, seruent. Quod quidem si hactenus factitatum fuisset, non inualuissent tot haereses.

Marc. vii.

Vnaquæq; ecclesia in fidei cōtrouersiis concilium tenetur consulere.

Cap. 8.

Cum verba quae ex actibus apostolorum supra retulimus, nostro huic instituto, maxime omnium cōducant, opera erit pretium, diligentius eadē verba perpendere. Facta itaq; seditione illa nō minima circa obseruationē circumcisionis, statuerunt inquit Lucas, ut ascenderet Paulus et Barnabas, et quidā alij ex alijs, ad apostolos et presbyteros in Hierusalē. Hic primo verbum illud Statuerūt, diligenti est cōsideratione obseruandum: Ecclesia namq; Antiochena, cui circa religionem studium, cura, solertia, atq; vigilantia summa erat,

His omnibus insinuatur imbecillitas humani intellectus, doctrinae necessitas, & eminentissima eiusdem auctoritas. Ideo enim propheta tam diligentissime scripturae mandarunt, quae per reuelationem à spiritu sancto acceperunt, ut quae erant necessaria ad salutem, homines obliuioni non traderent. Tanta autem auctoritatis est haec diuina scriptura, quam nos in testimonium adducimus, ut & suos errores haeretici ea munire procurent. Quod manifestè docet Augustinus: Si qua, inquit, nunc erroris secta contra veritatem, hoc est, contra ecclesiam emergerit, nisi nomine cooperta christiano, ad pugnam proficere non audeat. Et infra: Cuius scriptura auctoritati, tanto deuotius obtemperare oportet, quando videmus nullum iam errorem se audere extollere, ad congregandas sibi turbas imperitorum, qui non christiani nominis velamenta conquirat. Hucusque ille. Hoc enim in his deflendis temporibus omnium experientia testatur. Omnes enim haeretici, impia sua dogmata testimonio scripturae licet male intellectae, confirmant. Equidem negant eam testem esse auctoritatis eminentissimae, & ideo ad suae factionis errores eam trahere moliuntur. Cumque arcem ecclesiae potentissimam esse cognoscant, magnis conatibus eam occupare nituntur. Sed cum nullam scriptura diuina repugnantiam praeseferat, & semper sibi similis, & in omnibus constans permaneat: cumque ecclesia catholica mirabilem hanc consonantiam stabilis & firma conseruet, haeretici verò in varias & portentosas sectas diuisi, nec secum, nec

August.
Epist. 56.

cum ecclesia concordent, euidentissima ratio concludit, nullo eos modo intelligere scripturam diuinam. Quod cum sit ita, nec est eis habenda fides. Ex schismatibus enim eorum potest unusquisque colligere, non eos Deum docuisse, sed hominem, vel potius spiritum mendacij atque vertiginis. Aperte ergo demonstrant qualem magistrum habuerint. Augustinus certe illam sententiam astringit, dum ait: Sic autem diuersas inter se Socratici de isto fine sententias habuerunt, ut quod vix credibile est, vnus magistri potuisse facere sectatores: sic etiam & nos dicamus, tam diuersas inter se Lutherani de religione sententias habuerunt, ut vix credibile sit vnus De ciu. dei li. 3. cap. 3. magistri potuisse facere sectatores. Planè non talia monstra in schola Christi fuerunt, non Christus docuit has sectas, non eius discipuli, aut eorum successores episcopi, has hareses suscitauerunt. Omnes in rebus fidei vnanimis extiterunt, omnes eundem spiritum in vinculo pacis seruauerunt, & ideo solis illis patrocinator scriptura diuina. Nunquid schismata mouit Petrus, aut Simon haereticus non dedit illi poenas? nunquid Ioannes apostolus vnitatem non tenuit, aut Cherintum lauantes se non exhorruit? Et quid opus est percensere eos omnes, qui hactenus intra ouile Christi vixerunt? nunquid fuerunt haeretici intra gremium ecclesiae catholicae? minime, sed si qui sub ouina pelle latuerunt, ad tempus tandem eos euomuit ecclesia. Vnde Ioannes ait: ex nobis exierunt,
sed

tis exponit, dicens: Hoc insignis humilitatis animi
 signum, si qui tanta transfegerat, ad Petrum abiit,
 non utilitatis gratia, sed solo visendi studio honorās
 eum, ceu maiorem se, propterea neque dixit ἰδοὺ,
 hoc est, vt cernerem Petrum, sed ἰσοῖσαί, hoc est, vt
 viderem, & cum obseruatione intuerer. Hac illi.
 Illud verò attentius perscrutari libet, quod sic in acti-
 bus apostolicis legitur: Quidam descendentes de Iu- Actor. 15.
 dea docebant fratres, quia nisi circumcidamini se-
 cundum morem Moysi, non potestis saluari. Facta
 ergo seditione non minima Paulo & Barnaba, ad-
 uersus illos statuerunt vt ascenderent Paulus & Bar-
 nabas, & quidam alij ex alijs ad apostolos et pres-
 byteros in Hierusalem, super hac quaestione. Ecce
 pro incredulis, qui obtemperare renuūt ecclesia, ecce
 inquam expressum Dei verbum, ecce scriptura aper-
 tissimum testinonium, ecce contra superbos haretici-
 cos humile Pauli manifestum exemplum: sed cuius
 Pauli obsecro, illius certè qui raptus fuit in tertium
 celum, & audiuit arcana, quae non licet homini lo-
 qui, illius qui euangelium didicit, non ab homine,
 sed a Deo per reuelationē, illius qui fuit electus à deo,
 vt esset vas electionis ad portandum nomen dei in gen-
 tes. Hic ergo seditione orta circa legis obseruatio-
 nem, non agrè tulit, neque distulit ad Hierusalem
 ascendere, perrexit, & de quaestione orta patres in
 concilio consulit. Doctor ille gentium nunquid in-
 digebat doctore? Qui per reuelationem à Deo iam
 doctus fuerat, habebat opus, vt aliquis eum doceret?
 & tamen ascendit Hierusalem, vt omnibus esset vera
 humilita

humilitatis forma, ut eorum qui contra ecclesiam euangelicum sibi nomen usurpant, effrenem superbiam elideret. Hanc salutarem doctrinam a tempore Constantini Imperatoris principes catholici obseruauerunt. Tempore enim Constantini ad abolendam heresim Arrianam congregatum fuit concilium Nicenum. Tempore magni Theodosij, Constantinopolitanum contra Macedonium. Tempore Theodosij iunioris, Ephesinum contra Nestorium. Tempore Marciani, Chalcedonense contra Eutychetem. Quatuor ista concilia beatus Gregorius suscipere & venerari se fatetur, sicut sancti euangelij quatuor libros. Hoc etiam sunt imitati hucusque religiosissimi principes: in controuersijs enim fidei semper adierunt concilium, quod nunquam fuit congregatum sine auctoritate apostolica sedis, & episcopis

Euangelicam doctrinam, quam doctor gentium predicabat, humiliter cum ecclesia contulit.

Caput 5.

Ad Gal. 2.

ORta, ut supra retulimus, seditione, non solum Hierusalem Paulus ascendit, sed & Patres consuluit, & cum eis contulit euangelium, inquit enim: Ascendi autem secundum reuelationem, & contuli cum illis euangelium quod predico. Pensanda sunt haec verba, cum dicit: ascendi secundum reuelationem. Spiritus enim sanctus, qui ei euangelium reuelauit, ille met eidem praecepit ut Hierusalem ascenderet, & ibidem euangelium conferret. Cum enim euangelium Christi ex eius institutione, omnibus gentibus de
beat

Matt. Mar
ci ult. ca.

beat predicari, quoniam est doctrina catholica, id est, vniuersalis, atque communis ex communi sensu, non ex priuato iudicio, debet interpretari. Quod cum ita sit, nec debet nec potest variari doctrina euangelica secundum hominum ingenia diuersa: sed vna & eadem, secundum eundem sensum ecclesiae debet omnibus predicari. Vnam enim & eandem doctrinam omnibus predicabat, qui dixit: Sicut in 1. ad Cor. omnibus ecclesijs sanctorum doceo. Oportet ergo vt 14. cum ecclesia catholica conferatur, & ab eadem approbetur, quod pro omnibus institutum est. Planè erat Paulus verè humilis, & idè euangelium, quod predicabat, humiliter cum patribus contulit. Certus quidem erat se predicare verū euangelium, alias enim non ita constanter dixisset: Licet nos, aut angelus de calo euangelizet vobis, praterquam quod euangelizauimus, anathema sit. Ad hac, euangelium per reuelationem didicerat, deinde sensum domini habebat. Huc accedit, quod vir erat spiritualis, spiritualis autem, ipso testante, omnia diiudicat, ipse verò à nemine iudicatur. Sed nunquid aliquid allegauit istorum, vt Hierosolymam non ascenderet? minimè gentium, sed spiritui sancto (qui nisi super humilem corde, qualis erat Paulus, non requiescit) statim obtemperans, Hierosolymam sine mora perrexit. Quid superest, vt dicant hi noui concionatores, qui tanta pompositate verborum sese suamque inauditam à tempore apostolorum doctrinam extollunt & iactant: fortassis (qua sua est arrogantia et superbia) non

Ad Gal. 1.

1. Cor. 2.

non verebuntur asserere, quod sensum domini abundantius habeant, quàm diuus Paulus. Et quod reuelationes diuinas cumulantius acceperunt. Sed ubi est illa concordia, illa vnitas spiritus, illud vinculum pacis, quod toties flagitat & inculcat apostolus? Ille vnum Deū predicabat pacis, non dissensionis. Quid quod et ipsa veritas, hos novos euangelicos velut digito nobis ostendens, dixit: Qui non colligit mecum, dispergit. Sed quid ille, quem ipsa veritas docuit, nonnè Hierosolymam ascendit, vt cum Christo in vnū ouile dispersas oues colligeret, & à truculentis rapacibusq; lupis (qui eas conabuntur abigere) patrum auctoritate defenderet? Quam longè, bone Deus, ab eius proposito distant, qui ortu tot seditionibus, quarum ipsi auctores fuerunt, nec ecclesiam consulunt, neque Christi vicarium honorant, imò nihil magis detestantur & improbant. Vix est credibile, eos tam detestabili lethargia laborare, vt doctore gentium se esse doctiores affirmant.

Ad Ephes.

.4.

Ideo patres de sua doctrina Paulus consuluit, vt illà apud gentes obtineret auctoritatem.

Caput 6.

Facile est deprehendere, si propriè rem perpendamus, doctrinam cum ecclesia conferre non esse idem, quod populo concionari. Concionantur enim qui populum hortantur & docent, sed doctrinā conferunt, qui de ea consulunt aliquos, cum quibus eam communicant. Nec enim ascendit Hieru
salem

salem Paulus, vt aut doceret apostolos, aut doceretur
 ab illis: sed vt doctrinam quam predicabat, omnes
 vnanimi consensu approbarent, & apud omnes gen-
 tes firmitatem obtineret auctoritatem. Ne ergo posset
 videri cuiquam aliud quàm apostolos ceteros, Pau-
 lum predicare euangelium, opus fuit, vt à concilio
 ecclesiam representante prius reciperetur. Quae enim
 obsecro prophetia vnquam tam celebrem auctori-
 tatem obtinuit, vt scriptura diceretur diuina, nisi ab ec-
 clesia Israhëlitici populi prius approbata & recepta?
 aut cuius euangelista doctrina, sicut diuinum oracu-
 lum meruit obseruari, nisi ab ecclesia prius admissa? August.
 ita vt non immeritò diceret Augustinus: Euangelio Cont. epif.
 nō crederem, nisi auctoritas ecclesia catholica me cō- Fund. ca. 51
 moueret. Hac ergo de causa, doctor ille gentium, e-
 uangelium cum apostolis contulit, vt neminem de in- Li. 28. cōt.
 ceptis lateret, omnium apostolorum eandem esse do- Faust. 4. c.
 ctrinam: neq; ipse dūm predicaret, dubietatis scrup-
 ulum in animo alicuius relinqueret: Augustinus ni-
 mirum illam sententiam mirificè illustrat, dicens:
 Cū ipse apostolus Paulus post ascensionem Domini
 de celo vocatus, si non inueniret in carne apostolos,
 quibus communicando, & cum quibus conferendo
 euangelium eiusdem societatis appareret, ecclesia il-
 li omninō non crederet: sed cū cognouissent eū hoc
 annunciantem, quod etiam illi annunciabant, et in
 eorum communione atque vnitatem viuentem, acce-
 dentibus etiam per eum talibus signis, qualia & illi
 operabantur, ita eam domino commendante meruit
 auctoritatem, vt verba illius sic audirentur ab eccle-

sia, tanquam in illo Christus, sicut ipse verissimè dixit, locutus audiatur. Hactenus Augustinus. Videamus ergo utrùm isti predicatorum, qui indebitum hunc honorem & fidem volunt exigere, si exemplo diui Pauli astruunt & ipsi fidem. Videamus si euangelium quod predicant, cum ecclesia iam contulerunt, quòd cùm eos constet nihil horum egisse, vt quid moliuntur doctrinam nouam inducere, & apostolicam sibi contra diuinum ius assumere & vendicare auctoritatem?

Prædicatoribus euangelicis, sicut et Paulo, iniunctum est à deo præceptum de conferendo cum ecclesia Euangelio.

Caput 7.

CONSTAT ex supra dictis, spiritus sancti iussione Paulū Hierusalem ascendisse, vt ibi euangeliū, quod gentibus predicabat, cū patribus ecclesie cōferret. Ascendi, inquit, secundū reuelationem: quasi diceret, non à me hoc feci, sed id habui à spiritu sancto in mandatis: exerceo publicum munus, & ideo oportet doctrinam quam predico, communi totius ecclesie iudicio recipi & approbari. Si ergo predicatori gentium iniunctum præceptum hoc fuit, vt cum patribus euangelium conferret, quis infirmabatur, quin in omnes euangelicos, concionatores transeat illud idem præceptum? vt scilicet nihil noui, aut non cum ecclesia collatum populo audeant proponere. Superestne quicquam probandum? expresso Dei verbo, quis nisi dementissimus, contrà dicet? sed ne cuiquam

quam hoc insolitum videatur, aduertat, quod precepta, quæ ad administrationem pertinent christiana reipublica, non sub illa generali forma traduntur, qua illa quæ vitam & mores componunt. Illud enim preceptum: Prædicate euangelium omni creature, quod officio pastoralis est annexum, solis apostolis, eorumq; successoribus est iniunctum. Hi enim sicut & illi euangelium annunciare tenentur, aliàs apostolis decedentibus nullus prædicare teneretur ex diuino precepto, quod manifestariam hæresim redoleret. Successoribus ergo apostolorum, sicut & ipsis apostolis, utrumq; preceptum fuit iniunctum, videlicet, & euangelium prædicare, & idem cum ecclesia conferre. Quibus enim est demandatum, ut prædicent, demandatum est etiam, ut modum tradendi doctrinam, quam apostoli à Deo acceperunt, seruent. Quod quidem si hætenus factitatum fuisset, non inualuissent tot hæreses.

Marc. vlt.

Vnaquæq; ecclesia in fidei cōtrouersijs concilium tenetur consulere.

Cap. 8.

Cum verba quæ ex actibus apostolorum supra retulimus, nostro huic instituto, maximè omnium cōducant, opera erit pretiū, diligentius eadē verba perpendere. Facta itaq; seditione illa nō minima circa observationē circuncisionis, statuerunt inquit Lucas, ut ascenderet Paulus et Barnabas, et quidā alij ex alijs, ad apostolos et presbyteros in Hierusalē. Hic primo verbum illud Statuerūt, diligenti est cōsideratione obseruādū: Ecclesia namq; Antiochena, cui circa religionem studium, cura, solertia, atq; vigilantia summa erat,

orta seditione, ut prædiximus, ne doctrinis varijs unitas abrumperetur ecclesia, Paulum et Barnabam, & quosdam alios heretica factionis ad patres in Hierusalem, mittere pro schismate componendo decreuit. Equidem conspirationem illam, bono religionis rei publicæq; inimicam, non aliter posset suppressere, nisi saluberrimo illo fuisset vsa consilio. Nec enim Paulus hereticos, aut heretici Paulum, in causa illa fidei sententiam ferre permetterent: ob quam causam, cum Antiochia non posset res diffiniri, prudentissimè est ab omnibus constitutum, ut illius controuersia causa ad iudices deferretur, quorum sententiam, certò sciebant, auctoritatem firmissimam habituram. Quod si Germanica ecclesia, exemplum Antiochena secuta, insurgentibus tot haeresibus, hoc idem factitauisset, maledicas haeresiarcharum linguas iam pridem compescuissent. Cum igitur statutum hoc apostolicum sit, summeq; necessarium, debet à cunctis ecclesijs inuiolabiter obseruari. Quàndiu enim ecclesia indulserint factionis hominibus, eisq; plus aequò permiserint, nec ad iudiciū concilij seu Papæ fidei causas detulerint, impossibile erit haereses male pullulantes succidere. Huc accedit, quòd ecclesia Antiochena, non modo Germanicis, sed & multis alijs ecclesijs, iusticia, scientia, religione atq; dignitate præstabat. In ea enim primò discipuli dicti sunt à Christo, Christiani. Deinde habebat insignes viros, ut Lucas ostendit, dicens: Erant autem in ecclesia quæ erat Antiochia & propheta & doctores, in quibus Barnabas et Simon, qui vocabatur niger, & Lucius Cirenensis, & Mana-

Act. 11.

Manahen, qui erat Herodis Tetrarchæ collactaneus, A^{ctor.} 13.

& Saulus. Quàm celebres & quàm eximij fuerint illi viri, quibus Lucas Saulum postponit, credo non opus esse admonere. Barnabas quidem ab ecclesia Hierosolymitana in Antiochiam missus fuerat, ut ibidem euangelium predicaret, erat enim, ait scriptura, vir bonus, plenus spiritu sancto & fide, qui etiam Thar-

A^{ctor.} 11.

sum profectus Saulum quaesivit, & ad Antiochiam perduxit, ut coadiutor eius esset in euangelij predicatione. Hinc est quod cum Lucas prophetas & doctores commemorasset, Barnabæ primas dedit, nondum enim saulus tantum honorem sibi auctoritatēq; comparauerat. Iam ergo si ecclesia Antiochena, prophetis, doctoribus, doctissimisq; viris condecorata, non dedignata est ad concilium mittere, ex illis omnibus, qui capita seditionis extiterant, quam excusationem prætendere ecclesia germanica poterunt, quæ ad concilium schismaticum auctores non mittūt?

A^{ctor.} 13.

Nouimus quidem, quales fuerint illi euangelici viri, palam est omnibus, quibus hi polleant virtutibus. De illis ait sanctus Lucas: Erant autē in ecclesia quæ erat Antiochia, & propheta, & doctores, vsque ibi. Ministrantibus autem eis & ieiunantibus, &c. Ecce in Antiochena ecclesia erant propheta spiritu sancto pleni. Quis autem eorum qui in Germania nouam viuendi rationem, et noua dogmata suscitauit, spiritum habuit prophetandi, longum esset singula velle percurrere, tamen sufficiat ut illos apostolicos viros innouatoribus his iure anteponamus, quod illi sacri doctores, deuotione summi, meditatione assidui,

moribus & vita conspicui, ieiunabant, & prædicabant. Hi verò contra apostolorum exemplum, contra omnem doctrinam, atq; rationem, tantum abest ut ieiunijs vacent, ut potius ipsum ieiunium damnent & execrentur. Cum itaque ecclesia Antiochena tot, tamq; præclaris viris celebris et insignita, minime sibi suffecerit, apostolosq; cum alijs orta seditione miserit ad concilium, quæ ecclesia si seruare quoquomodo renuerit, apostolicum hoc sufficientissimum & necessarium statutum, poterit sibi esse sufficiens.

Ei qui euangelium prædicat, cum patribus ecclesiæ non collatum, minime est credendum.

Caput 9.

EX verbis beati Luca euangelista, quæ superius adduximus, constitit. Antiochenam ecclesiam concilium consuluisse, ut facilius, immò securius posset lites atque discordias componere. Ex quo factis superq; monstratur, ecclesiam illam nullam prorsus hæreticis aut Paulo fidem habuisse ante determinationem concilij, nec ipsi è contrario ecclesiæ illi fidem facere potuisse. Quod cum ita sit, & apertissime testetur hoc scriptura diuina, quæ dementia aut potius quæ amentia, tot hominum mentes inuasit, ut tam improvidè, tam incautè, & tam immaturo consilio nulla præuia consideratione, Lutheri & nouo & inaudito, & nunquam collato euangelio crederet? Huiusmodi ergo ex cordibus hominibus, congruentissime proprijsimèq; conuenit illud

lud, quod Galatis (leuitatis eos arguens) gemens obiecerat Paulus: O insensati Galatæ, quis vos fascinauit, non obedire veritati? Nullus in veritate de tam præcipiti assensu, & de tanta cordis leuitate coram Deo se poterit excusare. Licet enim, quamuis temere quidam Lutherum aut Caluinum extollant, nunquam tamen eos reddere poterunt commendabiliores doctore gentium, cui (quamuis à Deo esset electus) ante definitionem concilij Antiochenfes prudentissimè credere noluerunt. Poterat quidem Paulus, quem Deus ipse docuerat fidei dogmata definire, quia tamen sciebat ex reuelatione, id esse à Deo statutum, omniq; ecclesiæ necessarium, euangelium quod prædicabat contulit, & definitam à concilio sententiam, est honore maximoprossecutus, vt iam iam patebit. Sit igitur homo doctus, sit etiam doctissimus, sit sanctus, sit licet angelus de calo, si præter id quod ab apostolis euangelizatum est, prædicauerit, nouam doctrinam docuerit, eamq; inconsulta ecclesiæ veditauerit, si in testimoniū suæ doctrinæ expressum dei verbum (quod quidē licet videatur, nō erit expressū) adduxerit, si deniq; in eius confirmationē miracula ediderit manifesta, omninō eū vt pestē et venenū mortiferū fugiamus, cū talē doctore, imo potius impostore, clara voce vas electiōis, anathema iā promulgauerit.

Paulus auctoritate patrum doctrinam, quam prædicabat, muniuit.

Caput 10.

Cum Galatis ab hæreticis panē seductis, libertatem euangelicam, legaliumq; cessationem, Paulus constantissimè prædicaret, vt illis eius doctrina

fidem certissimam faceret, patrum allegauit concilium, eorundemq; vt par erat commendauit auctoritatem. Ascendi, inquit, secundum reuelationem, & contuli cum eis euangelium, quod prädico in gentibus. Seorsum autem his qui videbantur aliquid esse, ne forte inuanum currerem aut cucurrissem: sed neque Titus qui mecum erat, cum esset gentilis, compulsus est circumcidi. &c. Quasi diceret: Verissima est doctrina quam prädico, nemo eam potest deinceps in dubium vertere, iam est cum patribus concilij collata, omnes huic meae doctrinae, vt verbo Dei subscripserunt: cum patribus, inquam, eam contuli, eamq; ipsimet approbarunt, non cum hominibus quibuscunq; sed cum principe apostolorum, qui primatum obtinet in ecclesia, & cum illis omnibus qui videbantur aliquid esse, non est cur cunctemini, tanta auctoritatis doctrinam, vt diuinitus reuelatam suscipere. Deinde obseruandum est maximè, quod vas electionis, ultra castissimos decantatissimòsq; mores, ultra miracula, reuelationem & prophetiam, vt euangelicam quam prädicabat doctrinam, auctoritate firmissima roboraret, in eius confirmationem, concilij sententiã adduxit, dicens: iam cum patribus contuli, hæc etiam est eorum omnium doctrina, &c.

In controuersijs fidei ad illam ecclesiam est recurrendum, à qua cœpit propagari euangelium, &c.

Multa

Multa iam eliciuimus ex verbis illis Lucae-
pius inculcatis, sed & hoc in eisdem verbis
supereſt adnotandum, quod eccleſia Antio-
chena ad apoſtolos & preſbyteros qui erant Hiero-
ſolymis congregati, quaſi ad primates & totius eccle-
ſie praſides, vt eos de catholica doctrina conſuleret,
Paulum & Barnabam, & quosdam ex alijs miſit.
Nec enim vacat, quod ad apoſtolos & preſbyteros
dixit, non autem ad cerdones aut veteramen-
tarios, non ad milites, non ad duces, non deni-
que ad nobiles, proceresq; ipſius reipublicae, ad eos
ergo miſit, quibus ex officio incumbibat fidei contro-
uerſias dirimere. Hinc etiam eſt, quod et diuus Paulus
honorem gloriamq; non minimam reputat, ſe ſuum
euangelium contuliſſe cum hijs, qui videbantur ali-
quid eſſe. Sicut enim qui neglecto principe, magi-
ſtratibusq; contemptis, circa adminiſtrationem rei-
publicae, popolare vulgus conſuleret, ſeditioſus iure ha-
beretur, cum circa munus publicum, qualis eſt admi-
niſtratio reipublicae, nihil priuati homines, ſed aut
principes, aut magiſtratus poſſint ceſſare: ita qui poſt-
habitis eccleſiae prelatiſ, quicquam circa religionem
cenſuerit, merito debet ab omnibus ſchiſmaticis iu-
dicari. Nullus enim catholicus hucusque fidei ſym-
bolum aut confeſſionem à ſecularibus principibus,
aut à plebe ordinatam, & non ab episcopis vidit. Can-
tiſſime ergo imò ſanctiſſimè, eccleſia Antiochena a-
poſtolos & preſbyteros, non autem principes vulgus
conſuluit. Nec hoc eſt ſilentio praeſmittendum,
quod Antiochena eccleſia ad Hieroſolymitanam mi-
ſit,

Actor. 11. sit, quoniam ab ipsa, ut docet scriptura diuina, acceperat euangelium. Ait enim Lucas: Quod illi qui dispersi fuerant à tribulatione, qua facta fuerat sub Stephano, perambulauerunt vsque ad Phœnicem & Cyprum & Antiochiam, nemini loquentes verbum Dei, nisi solis Iudæis. Erant autem quidam ex eis, viri Cypri & Cyrenai, qui cum introissent Antiochiam, loquebantur & ad Græcos, annunciantes Dominum Iesum, & erat manus Domini cum eis, multusq; numerus credentium conuersus ad Dominum. Peruenit autem sermo ad aures ecclesie, qua erat Hierosolymis, super istis, & miserunt Barnabam vsque ad Antiochiam: à patribus itaque à quibus acceperat euangelium voluit Antiochia doceri, quatenus ipsummet intelligere & obseruare deberet. Hac enim de causa potissimè, non id recusantibus Paulo & Barnaba, immò ipsis efficientibus, decreuit patres consulere. Aperitissimè igitur, ex huius facti ratione, hanc cunctis necessariam ecclesijs, apostolicam instructionem colligimus. Quod ad illam semper ecclesiam est recurrendum in fidei controuersijs, à qua propagatum est euangelium. Ex quo deinde manifeste conficitur, ut quoniam ab ecclesia Romana omnis ecclesia tum græca tum latina euangelicam doctrinam accepit, ad ipsam teneatur recurrere. Vt pote Petrus & Paulus apostolorum principes Romanam fundarunt ecclesiam. Hinc est, quod et diuus Paulus Corinthios increpans, quasi contemptores huius decreti apostolici, sic inquit: An à vobis verbum

bum Dei processit, aut in vos solos peruenit? Quibus
 verbis potuit doctor gentium Corinthios efficacius
 arguere, aut quo erotemate potuit euidentius schis-
 maticorum illorum insolentiam & superbiam re-
 primere? Hoc etiam Romana ecclesia ipsis Germa-
 nis iustissimè potest obijcere: Num à vobis Dei E-
 uangelium processit, qui vosmetipsos, vt verè euan-
 gelicos commendatis? Num ad vos solos Dei ver-
 bum peruenit, qui eius germanum sensum solos vos
 habere iactatis? verè ab ecclesia Romana principe
 omnium ecclesiarum, velitis nolitis, euangelium vos
 accepisse fateri debetis. Sequamur ergo tantorum
 apostolorum exemplum, concilio siue Romanæ eccle-
 siæ dignitatem hanc deferamus, & quibus est vnus
 Deus, sit etiam vna doctrina. Quod si ecclesiæ a-
 postolicæ vt Augustinus nos docet, iure sunt alijs ^{August.}
 præferenda, vt quid nos dubitamus, primas in- ^{2. de do-}
 ter alias ecclesias, ecclesiæ Romanæ tribuere? In ca- ^{str. christi.}
 nonicis scripturis ait Augustinus: Ecclesiarum ^{cap. 8.}
 catholicarum, quàm plurimum auctoritatem se-
 quamur, inter quas sanè illæ sunt, quæ aposto-
 licas sedes habere, & epistolas accipere merue-
 runt. Tantum Augustinus. His prærogatiuis in-
 ter omnes alias ecclesias, fulget ecclesia Romana,
 & in ea apostolorum princeps sedem apostoli-
 cam tenuit, ad eam etiam præcipuam suarum
 epistolarum apostolus Paulus direxit. Eam in-
 super omnes ecclesiæ, à tempore apostolorum hucus-
 que, vt matrem, caputquè omnium ecclesiarum
 sunt secutæ. Vnde sequentes ecclesiam Romanam,
 omnium

omnium pariter ecclesiarum sequuntur auctoritatem. Nam & ipsa ex traditione apostolorum, concilia ortis haeresibus haftenus congregauit, quamobrem omnes schismatici ei tanquam infestissimi inimici, atrocissimum bellum, apertum & intestinum nunquam destiterunt inferre. Merito igitur ecclesiae Romanae omnes aliae cedere debent.

Gloriae mundanae appetitus, fidei confessioni aduersatur.

Caput 12.

Christus redemptor noster idem nobis omnibus toties comendauit humilitatem, et toties quasi sedens in cathedra, nos eam omnes docuit, quo-
 fulcimentum est omnium aliarum virtutum, & via
 Matth. 11. certissima ad indagandam comparandamq; verita-
 tem. Discite, inquit, a me, quia mitis sum & humi-
 Ioan. 13. lis corde. Et iterum: Vos vocatis me magister & domi-
 ne, & bene dicitis, sum etenim, exemplum enim de-
 Prouci. 11. di vobis, &c. Denique sapiens dicit: Vbi superbia, ibi
 & contumacia: vbi vero humilitas, ibi & sapientia
 erit. Quod si auctores haeresum a Christo humili-
 tatis doctore, doctrinam hanc didicissent, non dubi-
 um, quin se continerent, nec auderent in tot blasphemias
 prorumpere. Augustinus inquit, Christo te, mi
 Aug. E-
 pisto. 58. Dioscore, ut tota pietate subdas velim, nec aliam tibi
 ad capeffandam & obtinendam veritatem viam mu-
 nias, quam qua munita est ab illo, qui gressuum no-
 strorum tanquam Deus videt infirmitatem. Ea est
 autem prima humilitas, secunda humilitas, tertia hu-
 militas

militas, & quoties interrogares, hoc dicerem. Hæc Augustinus. Cum itaque humilitati, qua intellectū in fidei obsequium captiuamus, appetitus gloria mūdāna repugnans sit, atque cōtrarius, erit planè hic appetitus fidei cōfessionī cōtrarius. Hinc euāgelista Ioan.
nes ait: quomodo potestis credere, qui gloriam ab in- Cap. 5.
uicem accipitis, & gloriam quæ à solo deo est, nō qua 12. cap.
ritis. Et idem: ex principibus multi crediderunt in eum, sed propter Phariseos non confitebantur, ut de synagoga non eijcerentur, dilexerunt enim gloriam hominum magis, quàm Dei. Quod si spiritus paupertas adesset, & amorem inanis gloriæ, & pariter mūdānum timorem proculdubio contempsissent. Hic insanus & pessimus appetitus mentem inuadit, hominem seducit, rationem euertit, à confessione fidei retrahit, & tandem excecat hominem. Faxit misericors Deus, ne principes (quorum fidem bona pars subditorum amplectitur) sese inuicem honorantes, aut inuicem metuentes, vel fidem, vel errorem asimulent. Sit igitur hic eorum verus principatus, hoc sit eorum amplissimum regnum, semetipsos vincere, errori non cedere, & nullis cupidinibus flecti. Tunc enim verè regnabunt, quando insatiabilem subegerint appetitum, quod doctissimè insinuauit Poeta, dū Horat.
ait: Latius regnes auidum domando spiritum, quàm si Iybiā remotis Gadibus iungas, & vterque Poennus seruiat vni. Quicūq; igitur à recto tramite veritatis exorbitauit, non iam resipiscētiā disse- rat, nec eum pigeat erratum corrigere, idq; quā primū. Cū enim nullus sit qui errare velit aut de-
cipi.

cipi, sapientis erit errore cognito mutare consilium: sed inflati atque superbi, velle in errore persistere. Qui perseverare vult in errore, quem semel admisit, captivare utique veritatem studet, nec dici potest constantia, sed temeritas, errorem velle defendere. Captivare igitur intellectum in obsequium Christi, non est turpiter vinci, sed laudabiliter & gloriosissimè triumphare. Sancti nanque nolentes sapientes esse apud semetipsos, vicerunt proprium sensum, seq̃ Christo & ecclesia catholica humiliter subdiderunt, ideo quasi Athletæ inuictissimi & morte occubuerunt pro Christo, & constantissima fide semper extiterunt victores. Hac enim est vera victoria, quæ vincit mundum, fides nostra, quæ etiã patres veteris testamenti vicerunt regna, operati sunt iustitiam, & ideo adepti sunt repromissiones, &c.

Opera iustitiæ ad vitam fidei sunt necessaria.

Capit 13.

A Deò fidei confessio operaq̃ iustitiæ ad salutē sunt necessaria, ut qui hac aut illam excluderit, consequi salutem non valeat, quoniam & corde creditur ad iustitiam, ore autem confessio fit ad salutem: & beati pauperes spiritu, quoniam, &c. Error quidē illorum, qui opera negant iustitiæ, ex locis scripturæ quàm plurimis apertissimè posset cōvinci. Ut ex illo Iacobi: Quid proderit fratres, si fidē quis dicat se habere, opera autem non habeat? Et infra: Fides si non habet opera, mortua est. Et ad Romanos ait Paulus: Non auditores legis iusti sunt apud

apud Deum, sed factores legis iustificabuntur. Nobis autem locus hic potest abunde sufficere. Cum enim palam sit omnibus, Christum has beatitudines ad opera retulisse iustitiae, dicens: Beati pauperes spiritu, Beati pacifici, &c. Qui nisi malitia excacatum habuerit intellectum, iustitiae opera parui pendet? Aliud ergo est, pauperem esse spiritu, & aliud, fidem habere aut credere. Cum igitur Christus dixerit: Beati pauperes spiritu, quoniam ipsorum est regnum, &c. Ultra fidem ipsam opera iustitiae poposcit. Unde quod ex Habacuc in sui erroris confirmatione haeretici solent adducere, ut eis libertate carnali indulgere genio liceat, nolunt omnino intelligere, iustus, inquit, ex fide viuit, quasi propheta dixerit, viuit ex sola fide, aut quasi non dixerit, iustus, & non fornicator, aut latro. Iustus quidem ex fide viuit, quoniam iustus est, qui bene operatur & iuste. illam sententiam exponit Hieron. dicens: Neque quia fidem praefereamus, legis opera destruimus. Et infra: Non igitur ex fide Christi licentia nascitur delinquendi, sed ex dilectione fidei, voluntas boni operis augetur. Exemplum quo probatur, iustum ex fide viuere, & non ex operibus, de Habacuc tulit. Considerandum itaque, quia non dixerit, homo aut vir ex fide viuit, ne occasionem tribueret ad virtutum opera contemnenda, sed iustus ex fide viuit, ut quicumque fidelis esset, & per fidem victurus, non aliter possit ad fidem venire, vel in ea viuere, nisi prius iustus fuisset, & puritate vitae, quasi quibusdam ad fidem gradibus ascendisset. Et infra:

FACIAMUS

Habac. 2.

Hieron.

Super epi.
ad Gal. c. 3.

Faciamus & nos aliquid simile huic, quod dicitur: iustus ex fide viuit, dicamus: Castus ex fide viuit, Sapiens ex fide viuit. Haftenus Hieronymus. Confessio igitur fidei, & opera ipsa iustitia, ad salutem sunt necessaria. Nec enim Diuus Paulus propheta testimonium adduxit, vt à vita fidei necessitatem operum tolleret, sed vt doceret, quod opera ad vitam iustitia minimè per se sola sufficiant, & quòd vt opera Deo sint grata, debeant ex fide procedere. Fides verò nisi eam opera comitentur, insufficiens est ad salutem. Viuit ergo iustus ex fide, quoniam & iuste operatur & credit.

Caput 14.

Beatitudo bonorum operum est merces.

Postquam superiori assertione ex verbis Christi, operum necessitatem ostendimus, reliquum est, vt pro huius sermonis coronide, expresso Dei verbo monstremus, beatitudinem esse operum bonorum mercedem. Et quidem veritatem istam apertissimè ipsa nos veritas docet, ait enim: *Gaudete & exultate, quoniam merces vestra copiosa in calis. Ecce vbi tam clarè Christus ipsamet veritas loquitur, non opus erat aliunde querere testimonium, nec enim æqui uocis translatis, aut obscuris verbis est vsus, sed propriissimis, & ipsissimam rem exprimentibus, vt nullus de veritate ista quoquo modo posset ambigere, vestra inquit merces. Vbi merces est, omnind reperitur & meritum. Cùm igitur Christus dicat, in calis esse nostram mercedem, fas non est dubitare, meri-*

tune

tū in nobis precedere. Hæc merces nostra est beatitudo. Hinc est quod regius propheta cōcinit. In iustitia, inquit, apparebo conspectui tuo. Et itē Paulus: regnū Dei non est esca & potus, sed iustitia, &c. Iustitia id est, bona opera, quibus (si illa ex fide & charitate procedant) vitam æternam meremur. Chrysostomus cum Theophylactō inquit: In regnum dei introducit iustitia, hoc est, virtus vniuersa, inculcata vita. Et infra: iustitia subministrat regnum æternum. Augustinus enim inquit: Deus per quem improbamus eorum errorem, qui animarum merita nulla esse apud te putant. Ambrosius etiam ait: Quoniam studiis ipsa virtutum, sine remuneratione corpescent, et exemplum nobis attulit, & mercedem spondit è caelo, filios Dei futuro spoliens, qui fuerint imitatores eius. Qui enim festinat ad præmium, fastidire nō debet exemplum, quia quanto præcellentius præmium, tantò impensius officium: sed ut quid, Deum immortalem, tot iam congerimus testimonia, ubi tam luculenter, & toties hanc veritatem inculcat scriptura diuina? Vbi vnus est totius ecclesiæ catholica sensus, vna omnium sacrorum doctorum sententia. Firmissima igitur fide tenendum est, Deum (qui in stadio ecclesiæ certantibus præmium æternum constituit) statuisse bona opera, meritum essent ad illud. ut quid enim redemptor noster beatitudinem dixit esse mercedem, si nullum ad illam est meritum? eodē namq; modo merces refertur ad meritum, sicut pater refertur ad filium, non igitur sine merito potest intelligi merces: sed opera ex constitutione diuina, mercede

Psalm. 10.

Ad Rom.
cap. 14.Ambrosii
Sup. Lu. 1.
5. ca. 26.

dis aterna sunt meritum. Sicut enim pecunia certam aestimationem suapte natura non habet, sed tantum à lege: ita bona opera, non ex natura hominis,

Matt c. 19. sed ex constitutione diuina, meritoria sunt procul-
Psal. 61. & dubio aeternae beatitudinis. Si vis, inquit Christus,
ad Rom. c. ad vitam ingredi, serua mandata. Et sacer Psalmus:

Reddet unicuique iuxta opera sua. Ad idem sapiens:

2. Sap. 10. Reddet iustis mercedem laborum suorum. Ex hac igitur diuina lege opera, quae nullius erant valoris, accipere aestimationem. Quid enim aliud redemptor noster insinuauit in hoc euangelio, nisi beatitudinem bonorum operum esse mercedem? Beati, inquit, pauperes spiritu, quoniam ipsorum est regnum caelorum: nec enim paupertas spiritus est ipsa beatitudo: sed ut cibus dicitur sanus, non quia sanitatem habeat, sed quia sanitatem efficiat: ita paupertas spiritus non est quidem beatitudo, sed meritoria causa ipsius beatitudinis. Huic etiam & illud simile est, quod Christus dixit ad Petrum: Bea-

Matt. 16. tus es Simon Bariona. Non enim confiteri Christum esse filium Dei, est beatitudo: sed confessio illa, meritum est ad ipsam beatitudinem. Et inde est, quod locutione diuina scripturae, iusti omnes, qui Dei praecepta custodiunt, vocantur beati, quoniam adimpletionem mandatorum Dei vitam aeternam merentur. Beatus vir, qui non abi-

Psal. 1. r.

Psal. 118.

Psal. 128.

it in consilio impiorum. Beati immaculati in via, qui ambulant in lege Domini. Beati omnes qui timent Dominum. Verissime igitur meritis bonorum operum promeremur aeternam mercedem

cedem. Nec ideo tamen gratiam diuinam exclu-
dimus, aut vel tantillum ei aduersamur. Cùm e-
nim merita nostra, à diuina gratia profiscan-
tur, inde potiùs ipsam gratiam extollimus. & ma-
ximè commendamus. verissimum quidem, quo-
niam nulli quicquam debeat misericors Deus. Quis
enim prior dedit illi, & retribuetur ei? Sed mag-
nificentissima gratia eis, qui iustitià vacassent o-
peribus, beatitudinem aeternam promisit: Post-
quam verò gratis se debitorem constituit, quia iu-
stus est & fidelis, seruat ex iustitià promissum.
Quapropter & doctor gentium ideo beatitudinem
vocat coronam iustitiæ, quia iustis operibus debe-
tur, ex promissione diuina. Humilibus igitur, pa- 2. ad Tim.
cificis, & misericordibus, & his qui non secun- 4.
dum carnis prudentiam Deo inimicam vixe-
runt, promissum est regnum celorum: amatorib-
us verò seculi, qui pauperes spiritu, & ceteros
iustos derisui habuerunt, paratum est aeternum
supplicium, illi per humilitatem & fidem vicerunt
regna, operati sunt iustitiã. & ideo adepti sunt re-
promissiones. Hi quoniam operibus iustitiæ, seculi
diuitias vanitatemquè pratulerunt, ibunt in ignem
aeternum: illi letabuntur cùm viderint vindictam,
lauabunt manus in sanguine peccatorum. Hi
præ angustia spiritus ingemiscunt dicentes: Illi
sunt quos aliquando habuimus in derisum, & in
similitudinem improprij: nos insensati vitam il-
lorum existimabamus insaniam, & finem illo-
rum sine honore: ecce quomodo computati sunt

Psal. 57.
Sapi. 5.

inter filios Dei, & inter sanctos fors illorum est? Errauimus à via veritatis, & lumen iustitiæ non illuxit nobis. Hæc vox erit hæreticorum in exterioribus tenebris existentium, qui quoniam lumini fidei scienter impedimento fuerunt, perenniter intabescant, & debitas pœnas exoluant. Qui autem cum apostolo bonũ certamen certauerint, cursum consummauerint, fidem seruauerint, repositam in calis iustitiæ coronam habebunt. Quam pro bonis operibus reddet iustissimus iudex. Qui cum patre & spiritu sancto regnat nunc & in perpetuum. Amen.

Francisci

FRANCISCI
CORDVBENSIS MI-
NORITAE DE ECCLESI-
ASTICORVM PRAEPOSI-
torum ministerio ac residentia li-
bellus, denuò recognitus atq; auctus.

Ecclesiastica officia certius per diui-
nam legem, quàm per humanam in-
notescunt.

Caput I.

Dominus noster Iesus Christus Iudaeis non cre-
dentibus, eum esse filium Dei, neque eidem e-
qualem, delegit testes ad fidem faciendam,
dicens: Ego autem non ab homine testimonium ac-
cipio. Per haec verba Christus hominum testimonium
suspectum non reddit, sed ostendit, quod ad confirmã-
da diuina mysteria, quae & naturam, & nostri in-
tellectus acumen excedunt, non est sufficiens hominis
testimonium, sed est necessarium diuinum. Ideo Chri-
stus inquit: Ego autem habeo testimonium maius ho-
mine. Et infra: Scrutamini scripturas, quia vos pu-
tatis in ipsis vitam aeternam habere, et illae sunt quae te-
stimoniũ perhibent de me. Ecce quomodo diuina scri-
ptura est diuinũ testimoniũ, quo per fidem Christus,
qui est caput ecclesia, & ipsa ecclesia; quae est corpus
eius cognoscitur. Sicut enim ipse Christus, est quid
super naturam, quia vnã personã est Deus, & est ho-

Ioan. 5.

mo: Ita ecclesia, in quantum est eius corpus, est quid super naturam, quia non quaecunque hominum congregatio est ecclesia, sed illa tantum, quae vnitur Deo per christianam religionem. Religio verò christiana, diuina mysteria concernit. Ecclesia ergo est quid super naturam. Vnde ad definiendum & intelligendum ea quae ad ecclesiam pertinent, petenda sunt testimonia non ab homine, sed à Deo, & ideo scrutanda est scriptura diuina, nam illa est quae de Christo testimonium perhibet, & de eius corpore, quod est ecclesia. Cum verò clerus sit principalis membrum corporis Christi mystici, & clericorum ministeria sint principales actus ipsius corporis, ab ipsa diuina scriptura petendum est, quid de praelatorum residentia, & de eorum ministerio personali sit sentiendum. Certior enim per ipsam scripturam, quam per humanum ius, huius rei habebitur notitia: cum ecclesia & eius magistratus, non ab homine, sed à deo sint constituta.

A Christo magistratus ecclesiastici, propter operationem, sunt instituti.

Caput 2.

Quamuis civilis Respublica suos magistratus instituat varietq, quando reipublica bono expedire videtur, ecclesia tamen hac potestate variandi magistratus, quos ipse Christus instituit, omnino priuatur. Nam Respublica civilis magistratum potestas ab ipsa Republica est constituta. Est enim potestas in populo ad constituendos magistratus,

ob temporalis pacis, eiusdem Reipublicæ conseruationem. At potestas spiritalis episcopatus & sacerdotij non potest esse in ecclesiâ, nisi ab ipso Christo collata, quia hæc potestas, principaliter ordinatur ad æternam pacem, quæ superat omnem sensum, & sic non ab hominibus, sed à deo est instituta. Ait enim scriptura: Et ipse dedit quosdam quidem apostolos, quosdam autem prophetas, alios verò euangelistas, alios autem pastores & doctores, ad consummationem sanctorum in opus ministerij, in edificationem corporis Christi, donec occurrant omnes in vnitatem fidei, in agnitionem filij Dei. Deus enim est qui episcopatus, & sacerdotij potestates instituit, quamuis hominum ministerio ad istas potestates spirituales homines promoueantur. Iam cum potestates ecclesiasticæ à Deo sint institutæ, quis eas dixerit potestates esse nomine tenus? Proculdubio Christus redemptor noster non apostolos, aut euangelistas titulares instituit, sed unicuique ecclesiastici potestati suum annexuit ministerium. Vnde Paulus, ecclesiæ ministros, corporis comparat membris, ea de causa, quia sicut in corpore oculus & manus, ex eorum propria natura habent suos actus, & hoc à Deo creante natura (nam qui fecit oculum, ad actum videndi fecit eum) alias frustra oculus creatus esset, si proprium actum non haberet, ita redemptor noster episcopos & presbyteros instituens, non frustra, sed ad suas oues cura & sollicitudine pascendas instituit. Hoc est quod ait apostolus: Ad consummationem sanctorum in opus ministerij. Ecce quomodo ad ministerium

Ad Ephes.
3. 4.

sunt instituti prælati, & sic Paulus se & alios apostolos, euangelij ministros vocat.

Caput 3.

Habens potestatem ecclesiasticam
astringitur ad operandum.

CUm ergo ex præmissis, Christum potestates ecclesiasticas ad suas oves pascendas constet instituisse, iam euidenter sequitur, quod qui adeptus est potestatem ecclesiasticam & honorem episcopatus, astringatur diuino iure ad eiusdem episcopatus onera subeunda. Quia sicut suapte natura oculi sunt ad videndum, ita & prælati ad oves Christi pascendas sunt ex institutione diuina. Et quod in oculo valet natura rerum, id vt in episcopatus munere fiat, præcipit lex ipsa diuina. Vnde in eodem præcepto, quo ad Christi euangelium annuntiandum apostoli tenebantur, eodem & ad prædicandum, & ad gregem Christi pascendum, episcopi qui eandem cum apostolis potestatem ordinis obtinuerunt tenentur. Neque vllus hoc poterit rationabiliter inficiari, cum princeps apostolorum apertissimum scripturae testimonium allegans, id in electione Matthiae apertissime demonstrarit. Scriptum est enim, inquit, in libro Psalmorum. Et episcopatum eius accipiat alter.

Acto. 1.

Ioan. 20. Deinde sicut verba illa: Accipite spiritum sanctum, quorum remiseritis peccata, &c. Hodie habent efficaciam in ecclesia, quia verbis illis potestas absoluen-
di à peccatis tradita est sacerdotibus, ita quando Christus redemptor noster ouium suarum curam Petro mandauit, pascere (inquit) oves meas, verba illa ad omnes

Ioan. 21.

nes

ne ecclesie praelatos direxit. Sicut ergo verbis illis Christi, personaliter Petrus, & non per vicarios, tenebatur annunciare euangelium, ita & omnes ecclesie praelati eodem iure tenentur, neque facient satis diuino praecepto oues per vicarios pascendo. Ad hac, quam districtè curam suarum ouium Christus apostolis iniunxerit atque praeceperit, Paulus insinuat 1. ad Co. 9. dicens: Si enim euangelizauero non est mihi gloria, necessitas mihi incumbit, vnde autem mihi est, si non euangelizauero. Singula verba emphasim habent. Necessitas inquit, incumbit, mihi, & non alteri pro me. Qui ergo secus fecerit, ac apostolus Christi declarat, nullo modo euadere poterit, vnde ultionis diuinae, & per consequens ecclesie praelati tenentur ex praecepto diuino oues Christi pascere personaliter.

Prælatorum residentia continetur
in præcepto de euangelizando.

Cap. 4.

Cum praelati diuino iure, ratione dignitatis quam habent, ouium curam gerere, easque vnde satis iam constat, pascere personaliter teneantur, euidenter ex his consequitur, eodem iure diuino praelatos ecclesie ad residentiam personalem teneri, quo & tenentur pascere Christi gregem. Quam enim ratione secundum diuinum praeceptum, munus episcopatus sine residentia poterunt exercere? Sicut enim eodem iure diuino tenemur diligere proximum & eidem indigenti subuenire (quia ad praeceptum de proximi dilectione, subuectio per elemosynam per-

1. Ioan. 3.

tinet, vt docet scriptura inquit: Qui habuerit sub-
 stantiam huius mundi, & viderit fratrem suum ne-
 cessitatem habere, & clausit viscera sua. quomodo
 charitas Dei manet in eo) ita eodem iure diui-
 no praelati ecclesiastici, euangelizare & residere te-
 nentur. Quotiescunque enim tenemur ad vnum,
 quod praesupponit aliud, sine quo minimè potest fie-
 ri, quo praecepto tenemur ad vnum, eodem tenemur
 ad aliud. Cum ergo ecclesia praelati teneantur iure
 diuino euangelium personaliter annunciare, &
 hoc sine residentia nequaquam effici possit, conse-
 quens inde fit eos ad residentiam eodem iure tene-
 ri. Neque enim sunt distincta praecepta oues Chri-
 sti pascere, apud ipsasq; residere, cum tantum sit v-
 num praeceptum de ouibus Christi pascendis, & illud
 praelatorum residentiam includat. Mora enim et incola-
 tus episcopi, dum verbo & doctrina in sua diocesi non
 laborat, tantum abest vt aedificet, vt nihil magis &
 destruat & scandalizet. Talis praelatus ecclesia,
 cum nullius sit frugi, sitq; nomine pastoris indig-
 nus, ouium vtilitati non consulit, sed ecclesia bona
 consumit, & per consequens transgreditur prae-
 ceptum diuinum. Praelatus ergo sit instar solis prae-
 sentiae, quem lux comitatur & calor, legem Chri-
 sti doceat, ad ipsamq; faciendam subditorum ani-
 mos moueat, vt verè sit in opus ministerij, in aedi-
 ficationem corporis Christi.

Praelati

MINISTERIO AC RESIDENTIA. 811
Prælati ut ministrarent, non ut domi-
nentur à Christo sunt instituti.

Quanquam in ecclesia Christi, episcopali po-
testas sit publicum munus, oportet tamen
quod sit in aliquo homine, qui illo funga-
tur munere, cum potestas sit personalis quantum ad
actum & exercitium, neque possit esse in tota commu-
nitate, sicut est quæcunque potestas civilis. Quoniam
in aliquibus quidem ciuitatibus civilis potestas est
penes regem, in alijs verò penes senatum, in alijs au-
tem penes populum, in catholica verò ecclesia episco-
patus siue sacerdotij potestas, non penes senatum, ne-
que penes populum, sed penes singulos episcopos siue
presbyteros est, quod Paulus aperte satis docet, di-
cens: Vos autem estis corpus Christi, & membra de
membro. Et quosdam quidem posuit Deus in ecclesia
primum apostolos, secundo prophetas, tertio doctores
deinde virtutes, exinde gratias curationum, opitula-
tiones, gubernationes, genera linguarum, interpre-
tationes sermonum. Nunquid omnes apostoli?
nunquid omnes prophetae? nunquid omnes doctores?
nunquid omnes virtutes? &c. Vnde pascere Chri-
sti oues est actus, & debitum personale. Hoc expres-
se continetur, in sacra scriptura. Nam Christus de se
dicit: Filius hominis non venit ministrari, sed mi-
nistrare. Hoc imitati sunt apostoli, qui verbo &
opere fuerant (ut ait apostolus) ministri euangelij, et
dispensatores ministeriorum Dei. In hoc gradu con-
stituti sunt apostoli à Christo ministri. Ait enim
Petro

Cap. 5.

1. ad Cor.
12.

Matt. 20.

1. ad Co. 4.
Ioan. 21.

Matt. 28. Petro. *Pasce oues meas, & alibi: Euntes docete omnes gentes, baptizantes eos. Item: pradicat euange-*

Marc. 16. *liam omni creaturae. Et in alio loco: Hoc facite in me-*

Luc. 22. *am commemorationem: & multa alia his similia, in*

*quibus exprimitur ministerium personale debitum-
q₃ personale à Christo iniunctum apostolis, à quo li-
berari non poterant ministerio vicariorum. Christi
enim apostoli ordinauerunt & elegerunt alios apo-
stolos & episcopos, & presbyteros, vt haberent socios*

Hieron. ad *coadiutoresq₃ in ministerio. Hieronymus enim ait:*

Gala. ca. 1. *Paulatim verò tēpore procedente, & alij ab his, quos*

Dominus elegerat, ordinati sunt apostoli. Nam iuxta Christi verbum, messis quidem multa, operarij autem pauci erant, rogauerunt Deum qui est Dominus messis, & misit illis alios, qui simul cum illis facti sunt episcopi & operarij, &c. Non enim habuerunt apostoli potestatem, seu potiùs licentiam, quā in hoc seculo aliqui ecclesiae prelati vsurpant, nullū ministerium exercentes per se ipsos, sed omnia per conductitijs ministros. Aliud est enim assumere coadiutores, & consortes ad pascendas oues Christi, quando episcopus est idoneus, & personaliter docet, tamen indiget adiutorio, quia solus ad tantum opus non sufficit, hoc enim & apostoli Christi fecerunt.

Aliud est sufficere vicarium, quando episcopus legem Dei ignorat, aut non vult etiam si sit sufficiens, onera episcopatus subire, vel occupatus est curis alijs, quibus nemo militans Deo implicatur. Cum ergo ex hoc abusu innumera mala sequantur, maxime omnium interest ecclesiae, illum exterminare.

Etenim

Etenim qua fronte quis dixerit, Christum redemptorem nostrum, Dominos non ministros in ecclesia constituisse? Qui quidem, ut quorumcunque praelatorum futuros dolos retexeret, discipulos suos edocuit, dicens: Scitis quia principes gentium dominantur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos maior fieri, sit vester minister, & qui voluerit inter vos primus esse, erit vester seruus. Neque enim hoc loco redemptor noster dominium politicum damnat, sed admonet & ostendit, ecclesiasticis magistratibus, ab ipso met institutis ministerium personale inseparabiliter adharere. Et hac de causa episcopus, hoc est speculator, minister etiam atque seruus vocatur.

Matt. 20.

Prælato ministranti, diuino iure debetur stipendium.

Caput 6.

Sicut apostolis, episcopis, discipulis, & presbyteris (quos sui euangelij Christus instituit ministros) potestatem fecit, ut ad vitam degendam acciperent necessaria, ita & populis preceptum iniunxit, ut spiritualia ministrantibus, ipsi tribuerent temporalia. De iure autem, quo populus christianus tenetur alere ministros ecclesie, nullus hactenus vertit in dubium, sed omnes diuino iure populum ad hoc teneri, sine controuersia fatentur. At ex eo quod ecclesia praelati, per se ipsos sacra ministrant, populus tenetur eis tribuere necessaria, & ipsi praelati licite eadem possunt accipere (vtrumque enim & debitum soluendi,

inter filios Dei, & inter sanctos fors illorum est? Errauimus à via veritatis, & lumen iustitiæ non illuxit nobis. Hac vox erit hæreticorum in exterioribus tenebris existentium, qui quoniam lumini fidei scienter impedimento fuerunt, perenniter intabescunt, & debitas pœnas exoluent. Qui autem cum apostolo bonũ certamen certauerint, cursum consummauerint, fidem seruauerint, repositam in calice iustitiæ coronam habebunt. Quam pro bonis operibus reddet iustissimus iudex. Qui cum patre & spiritu sancto regnat nunc & in perpetuum. Amen.

Franciscus

FRANCISCI
CORDVBENSIS MI-
NORITAE DE ECCLESI-
ASTICORVM PRAEPOS-
torum ministerio ac residentia li-
bellus, denuò recognitus atq; auctus.

Ecclesiastica officia certius per diui-
nam legem, quàm per humanam in-
notescunt.

Caput I.

Dominus noster Iesus Christus Iudaeis non cre-
dentibus, eum esse filium Dei, neque eidem e-
qualem, delegit testes ad fidem faciendam,
dicens: Ego autem non ab homine testimonium ac-
cipio. Per haec verba Christus hominum testimonium
suspectum non reddit, sed ostendit, quod ad confirmã-
da diuina mysteria, quae & naturam, & nostri in-
tellectus acumen excedunt, non est sufficiens hominis
testimonium, sed est necessarium diuinum. Ideo Chri-
stus inquit: Ego autem habeo testimonium maius ho-
mine. Et infra: Scrutamini scripturas, quia vos pu-
tatis in ipsis vitam aeternam habere, et illae sunt quae te-
stimoniũ perhibent de me. Ecce quomodo diuina scri-
ptura est diuinũ testimoniũ, quo per fidem Christus,
qui est caput ecclesia, & ipsa ecclesia; quae est corpus
eius cognoscitur. Sicut enim ipse Christus, est quid
super naturam, quia vnã personã est Deus, & est ho-

Ioan. 5.

ob temporalis pacis, eiusdem Reipublicæ conseruationem. At potestas spiritalis episcopatus & sacerdotij non potest esse in ecclesiâ, nisi ab ipso Christo collata, quia hæc potestas, principaliter ordinatur ad æternam pacem, quæ superat omnem sensum, & sic non ab hominibus, sed à deo est instituta. Ait enim scriptura: Et ipse dedit quosdam quidem apostolos, quosdam autem prophetas, alios verò euangelistas, alios autem pastores & doctores, ad consummationem sanctorum in opus ministerij, in ædificationem corporis Christi, donec occurramus omnes in vnitatem fidei, in agnitionem filij Dei. Deus enim est qui episcopatus, & sacerdotij potestates instituit, quamuis hominum ministerio ad istas potestates spirituales homines promoueantur. Iam cum potestates ecclesiasticæ à Deo sint institutæ, quis eas dixerit potestates esse nomine tenus? Proculdubio Christus redemptor noster non apostolos, aut euangelistas titulares instituit, sed unicuique ecclesiastici potestati suum annexuit ministerium. Vnde Paulus, ecclesiæ ministros, corporis comparat membris, ea de causa, quia sicut in corpore oculus & manus, ex eorum propria natura habent suos actus, & hoc à Deo creante natura (nam qui fecit oculum, ad actum videndi fecit eum) alias frustra oculus creatus esset, si proprium actum non haberet, ita redemptor noster episcopos & presbyteros instituens, non frustra, sed ad suas oues cura & sollicitudine pascendas instituit. Hoc est quod ait apostolus: Ad consummationem sanctorum in opus ministerij. Ecce quomodo ad ministerium

Ad Ephes.
3. 4.

sunt instituti prælati, & sic Paulus se & alios apostolos, euangelij ministros vocat.

Caput 3. Habens potestatem ecclesiasticam astringitur ad operandum.

CUmergo ex pramissis, Christum potestates ecclesiasticas ad suas oues pascendas constet instituisse, iam euidenter sequitur, quoddam adeptus est potestatem ecclesiasticam & honorem episcopatus, astringatur diuino iure ad eiusdem episcopatus onera subeunda. Quia sicut suapte natura oculi sunt ad videndum, ita & prælati ad oues Christi pascendas sunt ex institutione diuina. Et quod in oculo valet natura rerum, id vt in episcopatus munere fiat, precipit lex ipsa diuina. Vnde in eodem præcepto, quo ad Christi euangelium annuntiandum apostoli tenebantur, eodem & ad prædicandum, & ad gregem Christi pascendum, episcopi qui eandem cum apostolis potestatem ordinis obtinuerunt tenentur. Neque vllus hoc poterit rationabiliter inficiari, cum princeps apostolorum apertissimum scriptura testimonium allegans, id in electione Matthiæ apertissime demonstrarit. Scriptum est enim, inquit, in libro Psalmorum. Et episcopatum eius accipiat alter.

Acto. 1. Deinde sicut verba illa: Accipite spiritum sanctum, quorum remiseritis peccata, &c. Hodie habent efficaciam in ecclesia, quia verbis illis potestatis absoluentis à peccatis tradita est sacerdotibus, ita quando Christus redemptor noster ouium suarum curam Petro mandauit, pascere (inquit) oues meas, verba illa ad omnes

nes

Acto. 1.

Ioan. 20.

Ioan. 21.

ne ecclesia praelatos direxit. Sicut ergo verbis illis Christi, personaliter Petrus, & non per vicarios, tenebatur annunciare euangelium, ita & omnes ecclesia praelati eodem iure tenentur, neque facient satis diuino praecepto oues per vicarios pascendo. Ad haec, quam districtè curam suarum ouium Christus apostolis iniunxerit atque praeceperit, Paulus insinuat 1. ad Co. 9. dicens: Si enim euangelizauero non est mihi gloria, necessitas mihi incumbit, va autem mihi est, si non euangelizauero. Singula verba emphasim habent. Necessitas, inquit, incumbit, mihi, & non alteri pro me. Qui ergo secus fecerit, ac apostolus Christi declarat, nullo modo euadere poterit, va ultionis diuinae, & per consequens ecclesia praelati tenentur ex praecepto diuino oues Christi pascere personaliter.

Prælatorum residentia continetur
in præcepto de euangelizando.

Cap. 4.

Cum praelati diuino iure, ratione dignitatis quam habent, ouium curam gerere, easq; ut satis iam constat, pascere personaliter teneantur, euidenter ex his consequitur, eodem iure diuino praelatos ecclesiae ad residentiam personalem teneri, quo & tenentur pascere Christi gregem. Quae enim ratione secundum diuinum praeceptum, munus episcopatus sine residentia poterunt exercere? Sicut enim eodem iure diuino tenemur diligere proximum & eidem indigenti subuenire (quia ad praeceptum de proximi dilectione, subuectio per elemosynam per-

1. Ioan. 3. *tinetur, ut docet scriptura inquiens: Qui habuerit substantiam huius mundi, & viderit fratrem suum necessitatem habere, & clauerit viscera sua. quomodo charitas Dei manet in eo) ita eodem iure diuino praelati ecclesiastici, euangelizare & residere tenentur. Quotiescunque enim tenemur ad vnum, quod praesupponit aliud, sine quo minimè potest fieri, quo praecepto tenemur ad vnum, eodem tenemur ad aliud. Cum ergo ecclesiae praelati teneantur iure diuino euangelium personaliter annunciare, & hoc sine residentia nequaquam effici possit, consequens inde fit eos ad residentiam eodem iure teneri. Neque enim sunt distincta praecepta oues Christi pascere, apud ipsasq; residere, cum tantum sit vnum praeceptum de ouibus Christi pascendis, & illud praelatorum residentiam includat. Mora enim et incolatus episcopi, dum verbo & doctrina in sua diocesi non laborat, tantum abest ut aedificet, ut nihil magis & destruat & scandalizet. Talis praelatus ecclesiae, cum nullius sit frugi, sitq; nomine pastoris indignus, ouium utilitati non consulit, sed ecclesiae bona consumit, & per consequens transgreditur praeceptum diuinum. Praelatus ergo sit instar solis praesentiae, quem lux comitatur & calor, legem Christi doceat, ad ipsamq; faciendam subditorum animos moueat, ut verè sit in opus ministerij, in aedificationem corporis Christi.*

Praelati

MINISTERIO AC RESIDENTIA. 811
Prælati vt ministrent, non vt domi-
nentur à Christo sunt instituti.

Quanquam in ecclesia Christi, episcopalis po-
testas sit publicum munus, oportet tamen
quod sit in aliquo homine, qui illo funga-
tur munere, cum potestas sit personalis quantum ad
actum & exercitium, neq; possit esse in tota commu-
nitate, sicut est quæcunq; potestas ciuilis. Quoniam
in aliquibus quidem ciuitatibus ciuilis potestas est
penes regem, in alijs verò penes senatum, in alijs au-
tem penes populum, in catholica verò ecclesia episco-
patus siue sacerdotij potestas, non penes senatum, ne-
q; penes populum, sed penes singulos episcopos siue
presbyteros est, quod Paulus aperte satis docet, di-
cens: Vos autem estis corpus Christi, & membra de
membro. Et quosdam quidem posuit Deus in ecclesia
priuim apostolos, secundo prophetas, tertio doctores
deinde virtutes, exinde gratias curationum, opitula-
tiones, gubernationes, genera linguarum, interpre-
tationes sermonum. Nunquid omnes apostoli?
nunquid omnes propheta? nunquid omnes doctores?
nunquid omnes virtutes? &c. Vnde pascere Chri-
sti oues est actus, & debitum personale. Hoc expref-
sè continetur, in sacra scriptura. Nam Christus de se
dicit: Filius hominis non venit ministrari, sed mi-
nistrare. Hoc imitati sunt apostoli, qui verbo &
opere fuerant (vt ait apostolus) ministri euangelij, et
dispensatores ministeriorum Dei. In hoc gradu con-
stituti sunt apostoli à Christo ministri. Ait enim
Petro

Cap. 5.

1. ad Cor.
12.

Matt. 20.

1. ad Co. 4.
Ioan. 21.

Matt. 28. Petro. Pasce oues meas, & alibi: Euntes docete om-
 Marc. 16. nes gentes, baptizantes eos. Item: predicare euange-
 Luc. 22. lium omni creatura. Et in alio loco: Hoc facite in me-
 am commemorationem: & multa alia his similia, in
 quibus exprimitur ministerium personale debitum-
 q₃ personale à Christo iniunctum apostolis, à quo li-
 berari non poterant ministerio vicariorum. Christi
 enim apostoli ordinauerunt & elegerunt alios apo-
 stolos & episcopos, & presbyteros, vt haberent socios
 Hieron. ad coadiutoresq₃ in ministerio. Hieronymus enim ait:
 Gala. ca. 1. Paulatim verò tēpore procedente, & alij ab his, quos
 Dominus elegerat, ordinati sunt apostoli. Nam iu-
 xta Christi verbum, messis quidem multa, operarij
 autem pauci erant, rogauerunt Deum qui est Do-
 minus messis, & misit illis alios, qui simul cum illis
 facti sunt episcopi & operarij, &c. Non enim habu-
 erunt apostoli potestatem, seu potiùs licentiam, quā
 in hoc seculo aliqui ecclesia praelati vsurpant, nullū
 ministerium exercentes per se ipsos, sed omnia per
 conductitios ministros. Aliud est enim assumere
 coadiutores, & consortes ad pascendas oues Christi,
 quando episcopus est idoneus, & personaliter docet,
 tamen indiget adiutorio, quia solis ad tantum opus
 non sufficit, hoc enim & apostoli Christi fecerunt.
 Aliud est sufficere vicarium, quando episco-
 pus legem Dei ignorat, aut non vult etiam si sit suf-
 ficiens, onera episcopatus subire, vel occupatus est cu-
 ris alijs, quibus nemo militans Deo implicatur. Cum
 ergo ex hoc abusu innumera mala sequantur, maxi-
 me omnium interest ecclesia, illum exterminare.

Etenim

Etenim qua fronte quis dixerit, Christum redemptorem nostrum, Dominos non ministros in ecclesia constituisse? Qui quidem, ut quorumcunque praelatorum futuros dolos retexeret, discipulos suos edocuit, dicens: Scitis quia principes gentium dominantur eorum, & qui maiores sunt, potestatem exercent in eos, non ita erit inter vos, sed quicunque voluerit inter vos maior fieri, sit vester minister, & qui voluerit inter vos primus esse, erit vester seruus. Neque enim hoc loco redemptor noster dominium politicum damnat, sed admonet & ostendit, ecclesiasticis magistratibus, ab ipsomet institutis ministerium personale inseparabiliter adharere. Et hac de causa episcopus, hoc est speculator, minister etiā atq; seruus vocatur. Matt. 20.

Prælati ministranti, diuino iure debetur stipendium.

Caput 6.

Sicut apostolis, episcopis, discipulis, & presbyteris (quos sui euangelij Christus instituit ministros) potestatem fecit, ut ad vitam degendam acciperent necessaria, ita & populis præceptum iniunxit, ut spiritualia ministrantibus, ipsi tribuerent temporalia. De iure autem, quo populus christianus tenetur alere ministros ecclesiæ, nullus hæcenus vertit in dubium, sed omnes diuino iure populum ad hoc teneri, sine controuersia fatentur. At ex eo quod ecclesiæ prælati, per se ipsos sacra ministrant, populus tenetur eis tribuere necessaria, & ipsi prælati licitè eadem possunt accipere (vtrunque enim & debitum soluendi,

soluendi, & potestas accipiendi, ex vno illo capite oritur) ergo quo iure populus tenetur ministros alere, eodem ipsi praelati ad gregem Christi pascendum per se ipsos astringuntur, nec satisfaciunt per vicarios.

Ad Gala. 6. Paulus enim ait: communicet autem is qui catechizatur verbo, ei qui se catechizat in omnibus bonis. Ecce ex diui Pauli sententia, communicatio spiritualium, & communicatio temporalium, tanquam correlatiua se habent in lege diuina. Quod

cum ita sit, quo iure episcopo spiritualia non ministranti, licebit exigere temporalia? Nonné ex actioni huiusmodi aperte contra dicit scriptura? Ecce

Matt. 10.

Marc. 11.

1. ad Cor.

10.

Nescitis quoniam qui in sacrario operantur, quae de sacrario sunt edunt. Et qui altari deseruiunt, cum altari participant. Si nos spiritualia seminauimus, magnum est si nos carnalia vestra metamus. Ex his & alijs scripturae quam plurimis testimonijs manifestum est, potestatem accipiendi temporalia, in ministerio personali fundari. Ex quo fit consequens: Contra illam dei legem esse, quod ecclesiasticus non ministrans accipiet temporalia. Sequitur deinde populum diuina lege non teneri, eidem non ministranti bona illa communicare. Est etiam contra equitatem legemque naturalem, vt stipendium lege diuina ministrantibus constitutum detur, aut non ministrantibus, aut non bene meritis de ecclesia. Paulus enim dicit: Nulla mihi ecclesia communicauit, in ratione dati & accepti, nisi vos. Ipse enim non semper vsus est hac potestate accipiendi, & diuino

iuri

iuri, quo ab illis quibus euangelium annuntiabat, poterat accipere temporalia : cēssit ut et merito de hoc sit laudandus. sed proh dolor, quia nunc temporis multa, ne dicam quā plurimā ecclesia, iustē de suis pastoribus conqueri possunt, quā cū eis sufficientissimē temporalia communicent, ipsi tamen aut non resident, aut per se ipsos spiritualia non ministrant. Vnde non bene coherent ista duae propositiones, scilicet: praelatus diuino iure habet potestatem accipiendi bona ecclesiae: & praelatus iure humano & non diuino tenetur ad residentiam: Nec ista benē consentiunt: Praelatus non tenetur diuino iure, sed humano personaliter ministrare: & populus diuino iure tenetur praelatum alere.

Ex Christi lege praelatorum residentia est.

Caput 7.

Sapientia enim diuina, per boni pastoris parabolam explicat curam & sollicitudinem, quam Ioan. 10.
 ouium Christi iure diuino praelati tenentur habere. Est autem notissimum, scripturam sacram uti verbis translatis, quae magis explicant atque significant rem intentam à spiritu sancto. Quod Ioan. 10.
 iam iam patebit. Ego (inquit Christus) sum pastor bonus, bonus pastor animam suam, &c. Plus Christus his verbis significat, quā si proprijs vsus fuisset, dicens videlicet, bonus praelatus aut bonus episcopus, &c. Pastor enim tantam curam habet ouium, ut die noctēq; non deserat oues, incolit loca deserta,
 quia

quia ibi sunt pascua, non conuersatur inter homines, vt praesens sit ouibus, non quarit delicias, sed omnium tantum utilitatem. Talem quippe curam & sollicitudinem Christus voluit in hac translatione significare, qua nulla esset maior aut aequalis. Quod quidem ipsius Christi verba sequentia declarant. Qui autem (inquit) intrat per ostium, pastor est ouium, huic ostiarius aperit, & vocem eius oues audiunt, et proprias oues vocat nominatim, & educit eas; & cum proprias oues emiseric, ante eas vadit, et oues illum sequuntur. Quid significantius dici potuit ad explicandam residentiam, & curam personalem pastoris: & quomodo oues audient vocem pastoris, si pastor est de illis speculatoribus, de quibus scriptum est: Speculatores eius caci, omnes nescierunt, vniuersi canes muti, non valentes latrare? Qui enim non residet, quomodo vocabit nominatim oues quas non cognoscit? Quomodo educet eas? & quomodo eum oues sequuntur? Quid aliud per parabola pastoris Christus enucleare intendit, nisi supremam circa suum gregem curam praelatorum? Et quibus verbis expressius potuit residentia significari, quam illis? Mercenarius autem videt lupum venientem, & dimittit oues, & fugit, & lupus rapit & dispergit oues. Si residentia non esset necessaria, aut non esset ex lege diuina, quomodo relinquens oues argueretur? pastoris quippe officium, ex natura rei residentiam includit. Non est enim pastor ouium qui ciuitates incolit, & viuit in delitijs: quia pastoris est minare gregem ad pascua, & seruare oues ab incur-

sione

Esaia 26.

sione ferarum. Et sicut hac duo necessario exigunt pastorem praesentiam, sic populus semper indiget doctrina & praesidio, contra diaboli incursum. Ideo Christus (ut inquit Paulus) quosdam dedit pastores et doctores ad consummationem sanctorum, hoc est, ut fideles spiritualiter perficiantur in charitate, donec occurramus omnes in unitatem fidei. In praesenti enim vita semper charitas est perficienda, semper ex parte cognoscimus, ideo praelatus continuè debet agere pastorem & doctorem, usque quo populus perueniat ad futurae vitae perfectionem, atque beatam immortalitatem consequatur.

Populus continua pastoris indiget residentia.

Caput 8.

SEquitur in parabola: Qui non est pastor ouium, videt lupum venientem & fugit. Non hic proposuit Christus latronum incursum, sed luporum, quoniam latro inuadit homines eorumque bona: lupus autem tantummodò ouibus nocet. Vnde bonus Pastor omnia damna propria sustinet, ut seruet oues indemnes (eius enim perfectio, quatenus Pastor est, debet esse in ordine ad oues) qui quidem ita perfectus exigitur, ut potens sit cum Dei gratia, omnia tela inimici extinguere, & non timere eos qui occidunt corpus. Et sic praelatus erga subditos debet se gerere, teste scriptura, ut medicus ad infirmos, & fortis ad debiles, ut doctor ad ignorantes, velut asylum ad refugas, sicut consolator ad afflictos, & ut minister reconciliationis ad peccatores. Hac omnia spiritualis pastor te-

Ezech. 4.

Fff

netur

1. Petri 5.

netur exercere, ad qua exigitur residentia: nam o-
ues Christi luporū incurſus cōtinuē patiuntur, quā
diu peregrinantur à Domino, vt inquit Petrus apo-
ſtolus: Sobrij eſtote & vigilate, quia aduerſarius ve-
ſter diabolus, tanquā leo rugiens circuit, querens
quem deuoret. Hic eſt lupus, qui varijs modis rape-
re nititur, atque diſpergere oves Chriſti, aliquando
perſecutione corporali, aliquando hereticorum falla-
cia, continuē verò per concupiſcentiam carnis, & ocu-
lorum, & per ſuperbiam vitæ. Non ergo ſolum eſt
neceſſaria præſentia Paſtoris, tempore tyrannorum
& hereticorum & ſchiſmaticorum, ſed etiam pacis
tempore, quia multoties ſub pacis velamento, magis
graſſantur vitia in Chriſti populo, quā tēpore per-
ſecutionis. Vnde nullus vnquam prælatus veraciter
dicere potuit, aut poterit, ſuam eccleſiam residen-
tia non indigere: ſemper enim ouibus neceſſaria
eſt præſentia Paſtoris: Aequum tamen eſt, eccleſi-
am aliquando abſentiam tolerare Paſtoris, vt quan-
do Patres in concilio congregantur, vel etiam quan-
do tyrannus perſequitur Paſtorem & non oves, & nō
deſunt alij miniſtri, tunc prælato licet facere quod
Chriſtus præcepit, videlicet: Si perſecuti vos fuerint
in vna ciuitate, fugite ad aliam. In hac enim fu-
ga, non attenditur principaliter bonum Prælati, ſed
bonum eccleſiæ, cuius eſt Prælatus: nam vt proſit
illi ſedata perſecutione fugit, & tunc non deſerit o-
ues, ſed potiùs eas ſeruat, & magis conſulit illis per
ſuam fugam, quā ſi tunc reſideret. Cauſas qui-
dem per quas epiſcopi à non reſidendi peccato ex-
cuſantur

cusantur, Tridentinum concilium, de Pralatorum residentia disserens, aperte satis exponit, dicens: Ne-
 que abesse posse (scilicet episcopos) nisi ex causis, Trid. cōc. sessi. 23 de ca. 1.
 & modis infra scriptis. Nam cum christiana cha-
 ritas, vrgens necessitas, debita obedientia, ac eui-
 dens ecclesia vel Reipublica vtilitas, aliquos nonnun-
 quam abesse postulent & exigant, decernit eadem
 sancta Synodus, has legitima absentia causas à bea-
 tissimo Romano Pontifice, aut à Metropolitano, vel
 eo absente, suffraganeo episcopo antiquiori residen-
 te, qui idem Metropolitanus absentiam probare debe-
 bit in scriptis esse approbandas, &c. Aliquas ni-
 mirum esse legitimas causas, per quas Pralati ali-
 quando residere non tenentur in confesso est, quan-
 doquidem mandatum de residendo est affirmati-
 uum. Sed paucas euenire legitimas causas, per quas
 Pralati excusentur à non residendi peccato, & apo-
 stolica ordinatio, & nostra tempestatis ecclesie incli-
 natio euidenter docet. Christus enim redemptor no-
 ster ordinauit apostolos, id est, vniuersales episcopos,
 qui crescente discipulorum numero, ad Christi oues
 pascendas speciales episcopos creauerunt. Aposto-
 lorum quidem munus fuit, vniuersali ecclesie prae-
 esse: Episcoporum verò speciales siue particulares
 ecclesias gubernare, illorum quidem munus fuit in
 vniuerso orbe predicare euangelium, istorum ve-
 rò, vt singuli euangelizarent in definita ciuita-
 te. Et ne pauperum cura, ministerium euange-
 lij impediret, apostoli elegerunt diaconos, vt Lu-
 cas exponit, dicens: Conuocantes autem duode-

Act. c. 6. *cim multitudinem discipulorum, dixerunt: Non est
 equum, nos derelinquere verbum Dei, & ministra-
 re mensis. Considerate ergo fratres, viros ex vobis,
 boni testimonij septem, plenos spiritu sancto & sapi-
 entia, quos constituamus super hoc opus. Nos verò o-
 rationi & ministerio verbi, instantes erimus. De epi-
 scopatum etiam partitione seu diuisione, & de spe-
 cialium episcoporum constitutione Paulus ait: Huius
 rei gratia, reliqui te Creta, vt ea quae desunt corrigas,
 & constituas per ciuitates presbyteros, sicut & ego
 disposui tibi. A Christi certè apostolis, diuino spiritu
 afflatis primò facta est diuisio ecclesiasticorum be-
 neficiorum siue munerum, illi enim vt ecclesiae consu-
 lerent, Petri saluo primatu, non modò inter se orbis
 prouincias, sed etiam cum multis dignitates, prouen-
 tus & operas partiti sunt. Insuper ne temporalium
 rerum sollicitudo ecclesiastica ministeria impediret,
 Clero & praeipue episcopis Paulus ait: Labora sicut
 bonus miles Christi Iesu. Nemo militans Deo, impli-
 cat se negotijs secularibus: vt ei placeat cui se proba-
 uit. Quare & apostolorum, & apostolicorum patrũ
 temporibus, clericorum singulis ad beneficium pro-
 motis, illisq; personaliter satisfaciendibus ecclesiasti-
 co officio, praeipue episcopis euangelizantibus; at-
 q; vniuerso clero expedito, & negotijs secularibus nõ
 impedito Dei ecclesia est propagata, & religio pro-
 mota. At in presenti infelicitissimo seculo beneficia;
 quae olim fuere constituta, aut connectuntur, aut plu-
 ra dantur vni, vnde clericorũ bona pars est destituta
 beneficijs. Episcopatus etiam non in singulis ciuitati-
 bus*

bus est constitutus, sed vnus episcopus præst multis ciuitatibus. Quare clericorum quidem quibusdam beneficium non obtinentibus, quibusdam verò singulis plura beneficia occupantibus, & illorum paucis personaliter ecclesiastico officio satisfaciuntibus, ceteris officium deserentibus, paucis etiam episcopis euangelizantibus, ceteris autem, aut implicatis secularibus negocijs, aut otio vacantibus, Dei ecclesia indies magis inclinatur, atque hereses & schismata promouentur. Hac nimirum ecclesia inclinatio cleri non frequentia, sed negligentia imputanda est: quippe negligentibus episcopis inimicus homo in Dei ecclesia superseminauit zizaniam.

Prælatorum residentia, non tantum humana, sed etiam diuina lege præcipitur.

Caput 9.

HA Ereticorum mos est, affirmare ea quæ sunt legis diuinæ & traditionis apostolorum, si inter definitiones conciliorum, aut inter statuta reperiuntur pontificum, esse de iure humano, & à pontifice Romano adinuenta, vt facilius ab omnibus illa contemnantur. Et hoc illis accidit, aut ex ignorantia diuinæ scripturæ, aut in plurimum ex malitia, qua volunt perturbare christianismum. Verbi gratia affirmant heretici, quod confessio sacramentalis, quæ fit in aurem sacerdotis, est de iure humano. Dicunt enim eam statutam à Pontifice Romano, in concilio Lateranensi, vt habetur de pœnitentijs, & remissionibus. C. omnis vtriusque sexus. Quos qui-

Matt. 28. Petro. *Pasce oues meas, & alibi: Euntes docete om-*
 Marc. 16. *nes gentes, baptizantes eos. Item: predicate euange-*
 Luc. 22. *lium omni creatura. Et in alio loco Hoc facite in me-*
am commemorationem: & multa alia huiusmodi similia, in
quibus exprimitur ministerium personale debitum-
q₃ personale à Christo iniunctum apostolis, à quo li-
berari non poterant ministerio vicariorum. Christi
enim apostoli ordinauerunt & elegerunt alios apo-
 Hieron. ad *stolos & episcopos, & presbyteros, ut haberent socios*
 Gala. ca. 1. *coadiutoresq₃ in ministerio. Hieronymus enim ait:*
Paulatim verò tempore procedente, & alij ab his, quos
Dominus elegerat, ordinati sunt apostoli. Nam iux-
ta Christi verbum, messis quidem multa, operarij
autem pauci erant, rogauerunt Deum qui est Do-
minus messis, & misit illis alios, qui simul cum illis
facti sunt episcopi & operarij, &c. Non enim habu-
erunt apostoli potestatem, seu potius licentiam, quā
in hoc seculo aliqui ecclesiae prelati vsurpant, nullū
ministerium exercentes per se ipsos, sed omnia per
conductitios ministros. Aliud est enim assumere
coadiutores, & consortes ad pascendas oues Christi,
quando episcopus est idoneus, & personaliter docet,
tamen indiget adiutorio, quia solus ad tantum opus
non sufficit, hoc enim & apostoli Christi fecerunt.
Aliud est sufficere vicarium, quando episco-
pus legem Dei ignorat, aut non vult etiam si sit suf-
ficiens, onera episcopatus subire, vel occupatus est cu-
ris alijs, quibus nemo militans Deo implicatur. Cum
ergo ex hoc abusu innumera mala sequantur, maxi-
me omnium interest ecclesia, illum exterminare.

Etenim

Etenim qua fronte quis dixerit, Christum redemptorem nostrum, Dominos non ministros in ecclesia constituisse? Qui quidem, ut quorumcunque praelatorum futuros dolos retexeret, discipulos suos edocuit, dicens: Scitis quia principes gentium dominantur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos maior fieri, sit vester minister, & qui voluerit inter vos primus esse, erit vester seruus. Neque enim hoc loco redemptor noster dominium politicum damnat, sed admonet & ostendit, ecclesiasticis magistratibus, ab ipsomet institutis ministerium personale inseparabiliter adharere. Et hac de causa episcopus, hoc est speculator, minister etiā atque seruus vocatur.

Matt. 20.

Prælato ministranti, diuino iure debetur stipendium.

Caput 6.

Sicut apostolis, episcopis, discipulis, & presbyteris (quos sui euangelij Christus instituit ministros) potestatem fecit, ut ad vitam degendam acciperent necessaria, ita & populis præceptum iniunxit, ut spiritualia ministrantibus, ipsi tribuerent temporalia. De iure autem, quo populus christianus tenetur alere ministros ecclesie, nullus hactenus vertit in dubium, sed omnes diuino iure populum ad hoc teneri, sine controuersia fatentur. At ex eo quod ecclesie praelati, per se ipsos sacra ministrant, populus tenetur eis tribuere necessaria, & ipsi praelati licite eadem possunt accipere (vtrumque enim & debitum solvendi,

iuri, quo ab illis quibus euangelium annuntiabat, poterat accipere temporalia; cecidit ut et merito de hoc sit laudandus. sed proh dolor, quia nunc temporis multa, ne dicam quam plurima ecclesia, iuste de suis pastoribus conqueri possunt, quæ cum eis sufficientissime temporalia communicent, ipsi tamen aut non resident, aut per se ipsos spiritualia non ministrant. Vnde non bene coherent istæ duæ propositiones, scilicet: Prælatus diuino iure habet potestatem accipiendi bona ecclesiæ: & prælatus iure humano & non diuino tenetur ad residentiam: Nec istæ benè consentiunt: Prælatus non tenetur diuino iure, sed humano personaliter ministrare: & populus diuino iure tenetur prælatum alere.

Ex Christi lege prælatorum residentia est.

Caput 7.

Sapientia enim diuina, per boni pastoris parabolam explicat curam & sollicitudinem, quam Ioan. 10.
 ouium Christi iure diuino prælati tenentur habere. Est autem notissimum, scripturam sacram uti verbis translatis, quæ magis explicant atque significant rem intentam à spiritu sancto. Quod Ioan. 10.
 iam iam patebit. Ego (inquit Christus) sum pastor bonus, bonus pastor animam suam, &c. Plus Christus his verbis significat, quam si proprijs usus fuisset, dicens videlicet, bonus prælatus aut bonus episcopus, &c. Pastor enim tantam curam habet ouium, ut die nocteq; non deserat oues, incolit loca deserta,
 quia

quia ibi sunt pascua, non conuersatur inter homines, ut praesens sit ouibus, non quarit delitias, sed omnium tantum utilitatem. Talem quippe curam & sollicitudinem Christus voluit in hac translatione significare, qua nulla esset maior aut aequalis. Quod quidem ipsius Christi verba sequentia declarant.

Qui autem (inquit) intrat per ostium, pastor est ouium, huic ostiarius aperit, & vocem eius oues audiunt, et proprias oues vocat nominatim, & educit eas; & cum proprias oues emiseric, ante eas vadit, et oues illum sequuntur. Quid significantius dici potuit ad explicandam residentiam, & curam personalem pastoris: & quomodo oues audient vocem pastoris, si pastor est de illis speculatoribus, de quibus scriptum est: Speculatores eius caci, omnes nesciunt, vniuersi canes muti, non valentes latrare? Qui enim non residet, quomodo vocabit nominatim oues quas non cognoscit? Quomodo educet eas? & quomodo eum oues sequuntur? Quid aliud per parabolam pastoris Christus enucleare intendit, nisi supremam circa suum gregem curam praelatorum? Et quibus verbis expressius potuit residentia significari, quam illis? Mercenarius autem videt lupum venientem, & dimittit oues, & fugit, & lupus rapit & dispergit oues. Si residentia non esset necessaria, aut non esset ex lege diuina, quomodo relinquens oues argueretur? pastoris quippe officium, ex natura rei residentiam includit. Non est enim pastor ouium qui ciuitates incolit, & viuit in delitijs: quia pastoris est minare gregem ad pascua, & seruare oues ab incur-

sione

Esaiæ 26.

sione ferarum. Et sicut hac duo necessario exigunt pastorem presentiam, sic populus semper indiget doctrina & praesidio, contra diaboli incursus. Ideo Christus (ut inquit Paulus) quosdam dedit pastores et doctores ad consummationem sanctorum, hoc est, ut fideles spiritualiter perficiantur in charitate, donec occurramus omnes in unitatem fidei. In presenti enim vita semper charitas est perficienda, semper ex parte cognoscimus, ideo praelatus continuè debet agere pastorem & doctorem, usque quo populus perueniat ad futurae vitae perfectionem, atque beatam immortalitatem consequatur.

Populus continua pastoris indiget residentia.

Caput 8.

SEquitur in parabola: Qui non est pastor ouium, videt lupum venientem & fugit. Non hic proposuit Christus latronum incursus, sed luporum, quoniam latro inuadit homines eorumque bona: lupus autem tantummodò ouibus nocet. Vnde bonus Pastor omnia damna propria sustinet, ut seruet oues indemnes (eius enim perfectio, quatenus Pastor est, debet esse in ordine ad oues) qui quidem ita perfectus exigitur, ut potens sit cum Dei gratia, omnia tela inimici extinguere, & non timere eos qui occidunt corpus.

Ezech. 4.

Et sic praelatus erga subditos debet se gerere, teste scriptura, ut medicus ad infirmos, & fortis ad debiles, ut doctor ad ignorantes, velut asylum ad refugas, sicut consolator ad afflictos, & ut minister reconciliationis ad peccatores. Hac omnia spiritualis pastor te-

Fff

netur

1. Petri 5.

netur exercere, ad qua exigitur residentia: nam oves Christi luporū incurſus cōtinuē patiuntur, quā diu peregrinantur à Domino, vt inquit Petrus apostolus: Sobrii estote & vigilate, quia aduersarius vester diabolus, tanquā leo rugiens circuit, quærens quem deuoret. Hic est lupus, qui varijs modis rapere nititur, atque dispergere oves Christi, aliquando persecutione corporali, aliquando hereticorum fallacia, continuē verò per concupiscentiam carnis, & oculorum, & per superbiam vitæ. Non ergo solum est necessaria presentia Pastoris, tempore tyrannorum & hereticorum & schismaticorum, sed etiam pacis tempore, quia multoties sub pacis velamento, magis grassantur vitia in Christi populo, quā tēpore persecutionis. Vnde nullus vnquam praelatus veraciter dicere potuit, aut poterit, suam ecclesiam residentia non indigere: semper enim ouibus necessaria est presentia Pastoris: Aequum tamen est, ecclesiam aliquando absentiam tolerare Pastoris, vt quando Patres in concilio congregantur, vel etiam quando tyrannus persequitur Pastorem & non oves, & nō desunt alij ministri, tunc praelato licet facere quod Christus præcepit, videlicet: Si persecuti vos fuerint in vna ciuitate, fugite ad aliam. In hac enim fuga, non attenditur principaliter bonum Praelati, sed bonum ecclesie, cuius est Praelatus: nam vt proſit illi sedata persecutione fugit, & tunc non deserit oves, sed potiùs eas seruat, & magis consulit illis per suam fugam, quā si tunc resideret. Causas quidem per quas episcopi à non residendi peccato excusantur

cusantur, Tridentinum concilium, de Pralatorum residentia differens, aperte satis exponit, dicens: Ne-
 que abesse posse (scilicet episcopos) nisi ex causis, Trid. cōc. scssi. 23 de ca. 1.
 & modis infra scriptis. Nam cum christiana cha-
 ritas, vrgens necessitas, debita obedientia, ac eui-
 dens ecclesie vel Reipublice utilitas, aliquos nonnun-
 quam abesse postulent & exigant, decernit eadem
 sancta Synodus, has legitima absentia causas à bea-
 tissimo Romano Pontifice, aut à Metropolitano, vel
 eo absente, suffraganeo episcopo antiquiori residen-
 te, qui idem Metropolitanus absentiam probare debe-
 bit in scriptis esse approbandas, &c. Aliquas ni-
 mirum esse legitimas causas, per quas Pralati ali-
 quando residere non tenentur in confesso est, quan-
 doquidem mandatum de residendo est affirmati-
 num. Sed paucas euenire legitimas causas, per quas
 Pralati excusentur à non residendi peccato, & apo-
 stolica ordinatio, & nostra tempestatis ecclesie incli-
 natio euidenter docet. Christus enim redemptor no-
 ster ordinauit apostolos, id est, vniuersales episcopos,
 qui crescente discipulorum numero, ad Christi oues
 pascendas speciales episcopos creauerunt. Aposto-
 lorum quidem munus fuit, vniuersali ecclesie prae-
 esse: Episcoporum verò speciales siue particulares
 ecclesias gubernare, illorum quidem munus fuit in
 vniuerso orbe predicare euangelium, istorum ve-
 rò, vt singuli euangelizarent in definita ciuita-
 te. Et ne pauperum cura, ministerium euange-
 lij impediret, apostoli elegerunt diaconos, vt Lu-
 cas exponit, dicens: Conuocantes autem duode-

Actor. c. 6. cini multitudinem discipulorum, dixerunt: Non est
 aquum, nos derelinquere verbum Dei, & ministra-
 re mensis. Considerate ergo fratres, viros ex vobis,
 boni testimonij septem, plenos spiritu sancto & sapi-
 entia, quos constituamus super hoc opus. Nos verò o-
 rationi & ministerio verbi, instantes erimus. De epi-
 scopatum etiam partitione seu diuisione, & de spe-
 cialium episcoporum constitutione Paulus ait: Huius
 rei gratia, relinqui te creta, vt ea quæ desunt corrigas,
 & constituas per ciuitates presbyteros, sicut & ego
 disposui tibi. A Christi certè apostolis, diuino spiritu
 afflatis primò facta est diuisio ecclesiasticorum be-
 neficiorum siue munerum, illi enim vt ecclesia consu-
 lerent, Petri saluo primatu, non modò inter se orbis
 prouincias, sed etiam cum multis dignitates, prouen-
 tus & operas partiti sunt. Insuper ne temporalium
 rerum sollicitudo ecclesiastica ministeria impediret,
 Clero & præcipuè episcopis Paulus ait: Labora sicut
 bonus miles Christi Iesu. Nemo militans Deo, impli-
 cat se negotijs secularibus: vt ei placeat cui se proba-
 uit. Quare & apostolorum, & apostolicorum patrū
 temporibus, clericorum singulis ad beneficium pro-
 motis, illisq; personaliter satisfaciendibus ecclesiasti-
 co officio, præcipuè episcopis euangelizantibus, at-
 q; vniuerso clero expedito, & negotijs secularibus nō
 impedito Dei ecclesia est propagata, & religio pro-
 mota. At in presenti infelicitissimo seculo beneficia;
 quæ olim fuere constituta, aut connectuntur, aut plu-
 ra dantur vni, vnde clericorū bona pars est destituta
 beneficijs. Episcopatus etiam non in singulis ciuitati-
 bus

bus est constitutus, sed vnus episcopus præst multis ciuitatibus. Quare clericorum quidem quibusdam beneficium non obtinentibus, quibusdam verò singulis plura beneficia occupantibus, & illorum paucis personaliter ecclesiastico officio satisfaciuntibus, ceteris officium deserentibus, paucis etiam episcopis euangelizantibus, ceteris autem, aut implicatis secularibus negocijs, aut otio vacantibus, Dei ecclesia indies magis inclinatur, atque hæreses & schismata promouentur. Hæc nimirum ecclesiæ inclinatio cleri non frequentia, sed negligentia imputanda est: quippe negligentibus episcopis inimicus homo in Dei ecclesiâ suâ perseminauit zizaniâ.

Prælatorum residentia, non tantum humana, sed etiam diuina lege præcipitur.

Caput 9.

HÆreticorum mos est, affirmare ea quæ sunt legis diuinæ & traditionis apostolorum, si inter definitiones conciliorum, aut inter statuta reperiuntur pontificum, esse de iure humano, & à pontifice Romano adinuenta, vt facilius ab omnibus illa contemnantur. Et hoc illis accidit, aut ex ignorantia diuinæ scripturæ, aut in plurimum ex malitia, qua volunt perturbare christianismum. Verbi gratia affirmant hæretici, quod confessio sacramentalis, quæ sit in aurem sacerdotis, est de iure humano. Dicunt enim eam statutam à Pontifice Romano, in concilio Lateranensi, vt habetur de pœnitentijs, & remissionibus. C. omnis vtriusque sexus. Quos qui-

et, quòd licet furtum & homicidium prohibeantur lege ciuili, eadem tamen & diuina lex prohibet, sicut & multa alia, quæ lege ciuili sunt interdicta. Sapienter quidem lex humana prohibet interdicta iam lege diuina, vt quæ ibi erant occulta, hîc prætere-
 rre neminem possint, & qui dei amore legem non im-
 plent, eam vel pœna formidine seruent. Quapropter
 expediret, vt quæ positiui duntaxat sunt iuris, vno cò-
 dice secernerentur ab his, quæ omninò sunt iuris di-
 uini. Ea verò quæ ius vtrùmquæ concernunt, qualia sa-
 cramenta sunt atque beneficia, seorsum explicaren-
 tur, vt quid respiceret hoc aut illud ius, innotesceret.
 Piè autem credendum est, beneficia illa, quæ residen-
 tiam non exigunt, ob aliquam iustam causam, etsi
 non omnibus notam, fuisse sic constituta. Licet nunc
 temporis, plurimùm ecclesiæ referat, illis adnectere
 residentiam. Quod enim beneficia omnia postu-
 lent residentiam, quodquæ Prælati omnes in suis ecclesiis
 resideant, equitati (quam lex diuinacòmendat) ma-
 gis est consonum. Habenti enim ecclesiasticos redditus, si
 & ipse ad residentiam còpellatur, nequaquàm fiet iniu-
 ria, imò potius si eidem vt non resideat, dum nò adest
 rationabilis causa, videlicet, quia melius vtiliusquæ est
 ecclesiæ ipsum ad tēpus non residere, summus Ponti-
 fex copiam faciat, in perniciem est Christianismi.

Prælatorum residentia, in sacra scri-
 ptura traditur.

Quamuis enim verbum hoc, residentia, expresse Caput 10.
 non reperiatur, aut in sacra scriptura, aut
 apud antiquos doctores, non tamen viris catho-

licis hoc est argumentum sufficiens ad affirmandum
prælatorum residentiam, non esse de iure diuino.

Hoc quidem Arrianorum fuit olim machinamen-
tum, qui propterea negabant diuinarum personarum
consubstantialem aequalitatem, quod verbum *ὁμο-
ούσιον* non reperiatur in scriptura. Huic etiam Arri-
anorum sententiæ, hæretici nostri temporis subscri-
bere non verentur. Affirmant enim omnino nihil es-
se de fide, nisi quod expressè habetur in sacra scriptu-
ra. Doctores tamen catholici, iuxta fidei regulam,
longè aliter interpretantur scripturam, intelligentes
multa in ea euidentissimè contineri, quæ tamen re-
periri verbis expressis non possunt. Quanquam ergo
verbum hoc Residentia, in scriptura nō habeatur ex-
pressè, ipsa tamen prælatorum residentia ibidem a-
pertissimè contineri, vel lippis est notum. Nec enim

Ad Rom. dūm de re constat immorandum est verbis. Ait enim
12. cap. Paulus: Qui præest in solitudine. Et in alio loco:

Ad Tim. 3. Oportet enim episcopum vsque ibi, sed sua domui be-
nè præpositum, filios habentem subditos cum omni
castitate: si quis aut domui suæ bene præesse nescit,
quomodo ecclesiæ Dei diligentiam habebit? Ecce in sa-
cra scriptura iniungitur expressè prælatis, vt ecclesiæ

Chryf. præsent. Chrysostomus. Si enim, inquit, Patriarcha
Iacob pecudibus præpositus, & oues irrationales pas-
cens, & homini rationes redditurus, & noctes duce-
bat insomnes, & æstum & gelu, & omnem aeris in-
temperiem ferebat, vt nulla pecudum periret, multo

Hom. 3. magis nos non irrationabilibus, sed spiritualibus ou-
Tom. 5. bus præpositos, & non homini, sed deo præsentia hu-

ini

ius rationes reddituros, ad nihil torpere & tergiuersari oportet eorum, quæ gregem iuuare possint. Quod enim Paulus dicit, præesse, quid aliud est quam præsidem esse? Esse autem præsidens, non potest nisi qui & residet, nam omnis qui præest residet, non tamen omnis qui residet præsidet: & sicut est impossibile, quod sit homo, & non sit animal, ita non potest esse præsentia sine residentia. Prælati ergo diuina lege iniuncta est præsentia, & per consequens residentia, cum nihil aliud sit esse episcopum, quam esse christi vicarium, ecclesiæq; præsidem. Hieronymus certe hanc sententiam mirifice exponit, dicens: Porro quod ait: apostolus autem Iesu Christi, tale mihi videtur, quale si dixisset: Præfectus prætorio Augusti Caesaris, magister exercitus, &c. Hoc & Christus declarans ait: Sicut homo peregrè proficiscens, vocauit seruos suos, & tradidit illis bona sua. Quæ hic parabolicè & figuratè traduntur, alibi in sacra scriptura proprijs verbis explicantur, videlicet quando Christus dixit Petro: Pasce oues meas. quando & dixit apostolis: Euntes ergo docete omnes gentes, baptizantes eos. Idem docet Paulus, dicens: Qui præest in solitudine. Præsides enim sunt, qui maximum post principem habent in prouincia imperium, ut legati Papa in concilio Tridentino fuerunt præsides, Papa verò non, etiam si sit episcopus ecclesiæ catholice: quia ibidem non fuit. Cum ergo Christus corporaliter sit absens ab ecclesiâ, & episcopos tanquam præsides in sua ecclesiâ reliquerit, tunc episcopi verè dicuntur præsidere, cum suam præsentiam subditis exhiben-

Hieron.

Ad Tit. 1 c.
Matth. 25.Ioan. 21. c.
Matt. 28. c.
Marc. 16. c.
Ad Rom.
12. cap.

Episcopus diuino iure residere tenetur.

Caput 11.

1. ad Tim. 3.

QUAM arcta residentia in lege euangelica præcipiatur episcopis, per domesticam residentiam spiritus sanctus manifestat, dicens: Sed sue domui bene prapositum, filios habentem subditos, cum omni castitate. Nunquid paterfamilias, qui per multos annos peregrinatur à familia præest domui suæ? non quidem: sed vxor aut famulus præest. Hic verò qui non præest, quomodo habet filios in subiectione, qui etiam si obuient ei, suos esse filios ignorat? Quomodo in omni castitate habet filios, qui nullam habuit curam eorum? Pulchrè Paulus residentiam, curamque Prælatorum continuam per domus præsentiam intendit ostendere. Vt namque Paterfamilias vxorem, filios, & seruos, supellectilem, iumenta, pecudes & agros, sua præsentia moderatur, & eo absente hæc omnia quodammodo confunduntur, & periclitari incipiunt: sic & ad oues episcopus: eo enim præsentem spirituali cibo pascuntur, absente verò, periclitantur. Insuper cum terreni principes paci Reipublicæ consulentes, à suis præsidibus exigant ut & resideant, & prouinciam non exeant, neque præsides alios sine eorum licentia sufficiant, cur non magis hoc idem ab episcopis Christus expostulabit, quos non temporalium Præsides, sed spiritualium in sua ecclesia constituit? Numquid prudentiores sunt principes terreni, qui Præsidibus suarum prouinciarum, &

belli

belli pacisq; ministris, præsentiam cum residentia præcipiunt, quam Christus, qui (secundum sententiam eorum, qui magis quæ sua sunt querunt, quàm quæ Iesu Christi) talem residentiam episcopis non iniunxit? Numquid homo est Deo sapientior? Numquid humana & ciuilis Respublica est meliùs instituta ab hominibus, quàm sit religio Christiana ab ipsa sapientia diuina? Planè sicut administratio vniuersi præsentia naturalium causarum requirit, ita ecclesiastica administratio, residentiam prælatorum exposcit. Cum ergo Paulus dicat. Nō est nobis colluctatio aduersus carnē & sanguinem, sed aduersus principes & potestates, aduersus mundi rectores tenebrarum harum, contra spiritualia nequitia in caelestibus. Sicut enim ad illuminandum necessaria est Solis præsentia, ita subditis (ne cum sint in tantis periculis constituti, aliqua tentatione succumbant) maxime necessaria est prælatorum residentia & doctrina.

Ad Ephe. 6.

Reipublicæ ecclesiasticæ constitutio, prælatorum requirit residentiam.

Caput 12.

QVanquā ciuilis institutio Reipublica non sit de iure naturali aut diuino, nullus tamen inficiatur eā non esse contrariā sed consonam vtriq; iuri. vnde non quæcunq; hominum collectio Rempublicā aut ciuitatem constituit, sed illa quæ est ordinata, & instituta ad conseruandum bonum commune. Cum autem ad hoc requirantur multa, necesse est Rempublicam ex pluribus, velut ex membris cōstitui, quorum quilibet suo fungatur munere, vt ipsa sit sibi sufficiens. De his autem Reipublica membra,

ait

Aristo. 4. ait Aristoteles: Siquidem ergo animam quis ponat a-
 pol. ca. 4. nimalis esse partem; magis quàm corpus. & ciuita-
 tum magis talia ponendum est esse partes, quàm ea
 quæ pertinet ad necessarium vsum, propulsatores bel-
 li videlicet, ac iustitiæ iudiciariæ exhibitores, quod
 est ciuile prudentiæ opus. Hucusque Aristoteles. Ii
 sunt qui in Republica præsidet, sine quibus tamen
 Respublica esset, vt corpus sine anima. Quemad-
 modum enim naturalis lege, hoc est, ex natura totius
 membra corporis inuicem coherent, & sunt præsen-
 tia corpori cuius sunt partes, tam diuq̃, viuificantur
 ab anima, quàm diu anima ipsa præsens gubernat
 corpus, ita reipublica præsidet, quatenus institutione
 sunt tales, præsentis reipublicæ corpus regunt. Si enim
 Respublica præsidem non haberet, statim dissoluere-
 tur, desineretq̃, esse Respublica. At fortiori ergo, cùm
 in ecclesia corpore, clerus vicem animæ gerat, sub-
 diti autem membra sint corporis, eadem legem diui-
 na qua prælati sunt instituti, eadem inquam reside-
 re tenentur. Sine clero enim nequaquam esset ec-
 clesia: & episcopis non residentibus, aut acephalos es-
 set, aut exanime corpus. Nulla verò circa prælatorũ
 residentiam lex est inquirenda præter Christi insti-
 tutionem, quia ita prælatos voluit ecclesia esse iniun-
 ctos, vt mortem potius sui corporis sustinerent, quàm
 ecclesiam suam præsentia relinquerent destitutam. Hoc
 Ioan. 10. insinuauit Christus dicens: Bonus pastor animam su-
 am ponit pro ouibus suis. Et iterum: Petre (inquit)
 Ioan. 12. amas me, Pasce oues meas. Augustinus enim ait: Nā
 Aug. de pa- amas me, Pasce oues meas. Augustinus enim ait: Nā
 Ro. ca. 13. & ipsum Petrum, cui commendauit oues suas, quasi
 aliter

alter alteri vnum secum facere volebat, vt sic ei oues commendaret, vt esset ille caput: ille, figuram corporis portaret, id est, ecclesia, & tanquam sponsus & sponsa essent duo in carne vna. Proinde vt oues commendaret, quid illi prius dicit, ne illi tanquam alteri commendaret? Petre amas me: & respondit: amo. Et iterum: amas me, & respondit, amo. Et tertio, amas me, & respondit: amo. Confirmat trinitatem, vt consolidet vnitatem. Hæc Augustinus. Hæc ergo omnia residentiam non interruptam, atque solitam præsentiam requirunt, & hoc à legislatore Christo, qui caput est ecclesia, institutum est.

Ecclesia sine prælatorum residentia esse non potest.

SI prælatorum residentia esset de iure tantum Caput 12.
humano, posset quidem ecclesia esse sine prælati-
tis, sine Pontifice summo, sine episcopo, sine cle-
ro. Vbi enim quis non adest, perinde est ac si non es-
set, quatenus ibidem non præsidet. Si ergo ad residen-
tiam iure diuino non astringuntur prælati, & licite
possunt abesse, eadem ratione ecclesia semper sine illis
poterit esse, quod & hæreticum esse, & rationi natu-
rali contrarium, ambigit nemo. Deinde cum vnaqua-
q; ecclesia habeat determinatum pastorem, qui in ea
gradum supremum obtineat, quis poterit inficias ire,
quin idem ipse eiusdem ecclesia sit præses determina-
tus, idemq; ipse & nullus alius, ad residentiam tenea-
tur? Quod si ipsi prælati non tenentur iure diuino,
multo

multò minùs astringuntur mercenarij vel vicarij, eorù vices gerentes. Maiori enim vinculo obligantur pralati, quàm eorum vicarij, cùm pralati ex diuina institutione sint praesides à Deo instituti, & ex eadem institutione ad residentiam iure diuino teneantur. Vicarij verò nullo modo ad residentiam iure diuino teneantur, si pralati solo humano iure astringuntur. Ad hac quæ sunt de iure duntaxat humano, possunt tolli, possuntq; variari, & illis sublati, manet nihilominus ius diuinum: sublata ergo omni pralatorum residentia, si non est de iure diuino, nihil obstat quo minùs sit ecclesia: quo nihil absurdius, cùm ecclesia non possit esse sine clero, vt supra iam constitit. Residentia ergo pralatorum, vt apertissimè hac ostendit collectio, omnino est de iure diuino. Quis enim hominum poterit de Christo dei sapientia dicere, quod de quoquam prudenti homine indecens est cogitare? Quis est ita incuriosus, vt domum relinquens, sufficiat illi praesidem, neque eidem residentiam iniungat? Nonné eo ipso quo quis constituitur praeses, & ad residentiam astringitur? Vtinam ecclesia pralati, super ecclesiam Christi praesides constituti, quibus & hac ratione iniuncta est residentia, a quo libramine, domui propriae, & ecclesiae Christi consulerent, cùm tamen satis iam constet, ecclesiae administrationem, eiusq; sollicitam praesidentiam, & vitæ esse preferendam, nedum domus regimini. Theophilact. enim super illud Pauli: Si quis domui suæ bene praesse nescit, quomodo ecclesiae dei diligentiam habebit? ait. Est enim ecclesia veluti quaedam

quadam domus, est autem longè facilius domum, quàm ecclesiam regere. Latiùs hoc idem Chrysostomus. Constat ergo magis opus esse continua residentia ad ecclesiam Christi regendam, quàm ad domum propriam.

Episcoporum munus, ex iure diuino, est docere.

Caput 14,

E Numerans diuinus Paulus ministros quos Christus ecclesia dedit, duobus hac tanquã rem vnã coniungit, dicens: Alios aut pastores et doctores. Augustinus super hac verba inquit: Quoniã aut pastores et doctores, quos maximè vt discernere voluisti, eosdem puto esse, sicut et tibi visum est, vt non alios pastores alios doctores intelligamus. Sed ideo cùm prädixisset pastores subiũxisse doctores, vt intelligeret pastores ad officiũ suũ pertinere doctrinã, ideo enim non ait: quosdam pastores, quosdã aut doctores, et infrã: Hoc tanquam vnũ aliquid duobus nominibus amplexus est, quosdã pastores et doctores. Chrysost. etiã ait: Pastores ac doctores, quibus videlicet vniuersus populus cõcreditus erat. Et infrã: Qui habitando quieti circa vnum duntaxat locum occupabantur, vt Timotheus & Titus. Et infrã: Sermonis doctrina nobis commendata est, non principatus, neque potestatis auctoritas. Hactenus Chrysostomus. Pastores quidem consensu omnium sunt episcopi, qui residentes populũ docent: nam pastus est ipsa doctrina. Pascere ergo gregẽ Christi, nihil aliud est quàm docere. Ideo spiritus sanctus cùm dixisset pastores, per verbi

Ad Eph. 4.

Aug. epist. 59.

Chrys. Hom. 11. ad Eph. 4.

transla-

translationem, praelatos significauit. Qui ut quid intendebat ostenderet, non iam parabolice, sed propria locutione commonstrans officium munusq; praelatorum, ex Dei ordinatione esse docere, adiunxit et doctores. Paulus, oportet enim inquit, episcopum irreprehensibilem esse, vnius vxoris virum, sobrium, prudentem, ornatum, pudicum, hospitalem, doctorem.

1. ad Tim.
ca. 3.

Chrysostomus cum Theophylacto ait. Pramemorata sanè à subditis etiam exiguntur, hoc verò maxime

Ad Tim. 1.
cap.

omnium adesse episcopo conuenit, videlicet esse doctorem. Et in alio loco Paulus ait: Oportet episcopum sine crimine esse. Et infra: Amplectentem eum qui secundum doctrinam est fidelem sermonem. Quem locum in hunc modum exponit Chrysostomus & Theophylactus: Nam qui neque cum hostibus dimicare, neque captiuum ducere omnem intellectum ad obedientiam Christi, neque suos consolari, & adhortari & confirmare potest, pseudoepiscopus est. Et infra: Alias enim virtutes in alijs sub episcopo constitutis inueniat aliquis, nimirum hospitalem esse, & sobrium, idq; genus alia. Quod maxime verò episcopum veluti characteribus quibusdam & signis exprimat, docendi munus est & facultas. Et Hieronymus ad Paulinum inquit: Paulus Tito precipit, ut inter ceteras virtutes episcopi, quem breui sermone depingit, scientiam quoque in eo eligat scripturarum. Idem sacerdotis officium est docere populum. Cum ergo ecclesie catholice communis sit sensus, docere populum esse praelatorum officium, & id quoque sacra scriptura (ut visum est) sæpius inculcet, docere aut non possit,

Hieron.

Ezech. 44.

qui

qui non personaliter residet (cū docere munus sit personale) consequitur inde, Episcopos quibus diuino iure docere populum est iniunctum, ad residentiam personalem, eodem iure teneri. Præterea cū Paulus dicat: Amplectentem eum qui secundū doctrinam est, fidelem sermonē: & Hieronymus inter ceteras virtutes episcopi, scientiam quoq; in eo eligat scripturarū: Nunquid dicitur Episcopus doctor, quia eius vicarius est doctor? aut dicetur castus & sobrius, quia is quem substituit, his virtutibus est insignis? equidem nullo modo. Ipsemet ergo oportet, sit & doctor & studiosus. Sicut enim Episcopus non est sutor per hoc, quod pro sua familia sutorem conducit: neq; principes seculares gymnasia constituentes, in quibus per conducticios doctores populi docentur, docent, aut sunt doctores: sic Episcopi quantumuis per vicarios doceant, non implent Christi præceptum, cū ipsi per se ipsos populum teneantur docere. Aliās enim si docere populum tantū esset de iure humano, cū tale ius possit variari & auferri: posset quidē ecclesia esse sine doctore, et omninō sine lege euangelica, cū nullus alius præter ipsos prælatos, iure diuino teneatur docere.

Prælati diuino iure cōtinuē docere conuenit. Caput 15.

E piscopatus (vt ex parabola superius adducta, & ex diuo Paulo colligitur, dū ait: Si quis Episcopatum desiderat, bonum opus desiderat) administratio quædam est ministeriorum Dei, quæ in opere personali consistit. Inter alia autem, quæ hæc administratio concernit, præcipuum maximeq; obseruandum est ipsa doctrina, quæ pastus est ouium Christi. Hæc enim translatione, doctrinam euangelicam spiritu sanctus

Ggg voluit

1. ad Tim.

cap. 3.

Mercenarius enim, ut inquit Christus, & qui Caput 16-
 non est pastor, cuius non sunt oves propria, vi-
 det lupum venientem, & dimittit oves & fu- Ioan. 10.
 git. Chrysostomus inquit, Pastoris ergo exemplo, decep-
 tores duos meminit, furem mactantem, & rapientem Chryf. ho-
 oves, & mercenarium permittentem, neq; defendente m. 49. su-
 commissas. &c. Non ergo abs re erit, considerare pasto- per Ioan.
 ris virtutem & officium, medium tenere inter extrema
 vitia, ut cetera virtutes tenent, quae circa medium con-
 sistunt. Mercenarius siquidem deficit à pastoris virtu-
 te, non in subeundo labore, nam ipse laborat, etiam si pre-
 cio locet operas suas, deficit tamen, quia magis quae sua
 sunt, quam quae Iesu Christi sunt, quarit. Vnde Augu-
 stinus ait: Quis est ergo iste mercenarius, & culpabi-
 lis necessarius? Sunt quidam ecclesiae praelati, de quibus
 Paulus ad Philipenses 2. cap. sua quærentes, non quae
 Iesu Christi. Quid est sua quærentes? Non gratis Chri-
 stum diligentes, non Deum propter Deum quærentes,
 temporalia commoda sectantes. Hæc quando amantur
 à praelatis, & propter hæc servitur Deo, quisquis est ta-
 lis, mercenarius est, inter filios non se computet. Qui au-
 tem sint mercenarii, Deus novit, tamen ex operibus, ut
 de falsis prophetis dicit Christus, possumus eos cogno-
 scere. Audite autem, quia & mercenarii necessarii sunt:
 multi quippe in Ecclesia commoda terrena sectantes, Chri-
 stum tamē predicant, & per eos vox Christi auditur, et se-
 quuntur oves, non mercenarium, sed pastoris vocē per
 mercenarium. Audite mercenarios ab ipso domino
 demonstratos. Scriba (inquit) & Pharisei super Cathe-
 dram Moysi sedent, quae dicunt facite, quae autem fa-
 ciunt,

ciunt, facere nolite. Hucusque Augustinus. Hic observandum est, propriè mercenarium dici, qui pascit oves Christi, vi seipsum pascit, unde manifestè colligitur, talem mercenarium ad residentiam personalem teneri: aliàs mercenarius non esset, qui per seipsum non laboraret, et contra diuinam legem, omnemq, iustitiam, mercenarius non laborans, mercedem laboris reciperet. Quicumque ergò mercenarius, siue conductitius sit, siue ita dictus, quia solum ob temporale lucrum ministrat, quem & meritò improperat Augustinus, docere atque residere tenetur. Videant iam Episcopi, utrùm eis de euangelio liceat viuere, cum non annuncient euangelium? Videant si mercenarij maiori, quàm ipsi vinculo teneantur? Hoc quidem maximè perturbat Ecclesiam, quòd prælati ignorant se esse, non dominos, sed ministros Christi, & dispensatores ministeriorum Dei. Nunquid vt operarios ad laborandum conducant, ipsi verò ocio vacent, prælati sunt constituti? quid intolerabilius hac incuria? quid animaduersione dignius? In hoc enim pastor bonus differt à mercenario, quòd ille amore virtutis, hic verò alicuius cõmodi, aut temporalis honoris gratia, oves pascit, siue ministrat.

Cum igitur constet, eum qui per seipsum non pascit, neque pastorem euangelicum, neq, mercenarium agere, ipse viderit, si ecclesiasticum beneficium iniquè retinet.

(. .)

ANNO TA.

1005.596

TYPOGRAPHVS CANDI- do Lectori.

*Annotationē erratorū relegendo deprehensorum, quæ
partim ex amanuensis negligentia manuscripti exem-
plarū culpa, partim etiam Correctoris & opera-
rum incuria obrepserē, hīc adyccere, officiū,
cādorūq; nostri esse, iudicaui.*

In Articulo de fide.

Pag.	Lin.	Lege.	Pag.	Lin.	Lege.
10	21	illectus.	75	13	aut iuuide-
14.	4	apostolus			ant.
24	14	arce.	77	9	imperitorū
31	7	ad.	78	15	stylum.
31	22	humilitatē	84	12	iam.
31	27	incessu.	86	17	pluries.
35	17	quietum.	87	7	& alterum
40	7	verba.			dissentiri.
42	20	fidei.	87	30	euangeliū.
48	29	Quia.	89	3	quales qua
52	6	illas.			les.
57	22	explicadā.	92	26	veritate.
64	20	hēresis.	95	4	perfecto.
65	14	naturis est.	97	12	color.
65	22	faciliūsal	98	28	refertur.
		sum.	100	28	hoc.
67	3	ostensio.	101	4	fides.
67	29	etiam.	101	10	caleface-
71	9	in, super-			re.
		fluit.	101	12	calefacit.
			Ggg 3		102

Pa. Lin. Lege.

102 29 propterea,
pro asserendis.
109 5 definitè.
110 8 enim est.
110 8 quia.
116 20 nullo.
116 23 inquam.
127 18 specialem.
127 27 de illo.
137 22 præterito.
144 27 perficiatur
147 9 ac apud.
152 11 tantum.
152 22 deest, quis
demens diceret, nihil
est prophetia.
155 13 Diuina.
160 1 humanæ.
167 10 hunc.

Pa. Lin. Lege.

173 13 in aliquo.
176 16 possessio.
177 17 speciem.
179 25 quiescunt.
184 12 fidei.
191 27 illo.
192 13 patrem.
193 10 tamen.
193 22 Pauli.
194 4 propositi.
195 3 vero vt.
195 21 de affecti-
bus.
198 13 non asse-
quantur.
199 20 dictatum.
200 6 indefinitè.
208 17 audacem.

Errata.

ERRATA NI ARTI- culo de Ecceſia.

Pag.	Lin.	Lege.	Pag.	Lin.	Lege.
210.	11	de indubi- tata.	280.	4	eccleſiam appellat.
211	29	euidens.	281	4	in zizanio- rum.
223	6	eccleſia.	282	6	de vera.
223	28	ſerueatiã.	283	8	abūdat ab.
224	5	perſtaret.	286	16	ſanctam ec- cleſiam.
224	7	perſtandū.	288	18	et.
226	20	mitente.	295	29	reperitur.
228	27	pretorij.	300	17	experiretur
230	16	iſtum.	301	24	non videt, abundat.
232	1	iuſtum.	302	11	apoſtolica eccleſia.
232	8	tantum.	303	penul.	ita ſchiſma
241	15	ijs.	304	23	vel potius.
242	6	Non.	306	15	ſchiſmaticis
243	9	nouerant.	306	29	ſcinderit.
250	16	et in.	310	30	nō ſeruātes
252	17	nobis.	311	19	fuit.
252	22	opponit.	314	18	sunt.
257	17	animorū.	316	17	de, abundat
257	27	affectus.	318	20	condēnat.
261	17	mitti.	319	15	aduerſus.
265	17	Deo.	322	23	parati.
268	6	amittere.	322	26	ſchiſmatū.
268	17	ſanctificat.			
269	3	in Chriſto.			
273	23	varios.			
278	20	ſymbola.			

Pa. Lin. Lege.
 322 27 illud.
 324 9 deest,
 Quare apostolorū.
 328 15 iniquas.
 329 16 abolerent.
 330 12 ecclesia.
 336 1 et illis.
 338 20 deligamus
 343 27 præsentem
 diem:
 343 28 fidem.
 345 27 & in no-
 men lib.
 386 29 habituri
 sint.
 391 7 papatui.
 394 16 auctoritati.
 420 29 reliquis.
 421 20 iustior.
 448 4 animadu-
 tens.

Pa. Lin. Lege.
 466 27 Paulus.
 556 27 iniungunt
 560 17 ecclesiæ.
 569 7 quia.
 586 8 pastorum.
 599 6 Canonice.
 Ibidē 28 quod
 600 5 collegis.
 618 6 negant, ig-
 norantes.
 622 19 cōtrouersia
 633 1 principum.
 644 3 dixerim.
 666 27 extendere.
 698 penul. auertat)
 mutauerit.
 786 24 inficiabi-
 tur.
 801 25 statuisset ut
 bona.

F I N I S.

